


গিরিশ-গ্রন্থাবলী

চতুর্থ ভাগ



গিরিশচন্দ্র ঘোষ-বিরচিত



প্রকাশক—শ্রীসুরেন্দ্রনাথ ঘোষ

‘গিরিশ-ভবন’ ১৩নং বঙ্গুপাড়া লেন,

বাগবাজার, কলিকাতা।

কার্যকর ১৩৩৫ বঙ্গাব্দ

[মূল্য দুই টাকা, বাঁধাই আড়াই টাকা।]

প্রকাশক—শ্রীসুরেন্দ্রনাথ ঘোষ

“গিরিশ-ভবন”

১৩নং বসুপাড়া লেন—কলিকাতা।

এই গ্রন্থাবলীর একমাত্র স্বত্বাধিকারী—

গ্রন্থকারের দৌহিত্র

শ্রীমান দুর্গাপ্রসন্ন বসুঃ

প্রাপ্তি-স্থান—

“গিরিশ ভবন”—১৩নং বসুপাড়া লেন, বাগবাজার, কলিকাতা।

গুরুদাস চট্টোপাধ্যায় এণ্ড সন্স, ২০৩/১১, কর্ণওয়ালিস স্ট্রীট, কলিকাতা

ও অন্যান্য প্রধান প্রধান পুস্তকালয়।

প্রিণ্টার—শ্রীশশিভূষণ পাল

মেট্‌কাফ্‌ প্রেস্

১৫ নং নয়ানচাঁদ দত্ত স্ট্রীট, কলিকাতা।



श्रीमद्भागवतम्

সূচিপত্র

—:—

বিষয়		পৃষ্ঠা
১। প্রফুল্ল	(সামাজিক নাটক)	১
২। নল-দময়ন্তী	(পৌরাণিক নাটক)	৬৫
৩। চণ্ড	(ঐতিহাসিক নাটক)	১০৬
৪। রূপ-সনাতন	(প্রেম ও বৈরাগ্যমূলক নাটক)	১৫২
৫। অভিমত্য়াবধ	(পৌরাণিক নাটক)	১৮৬
৬। প্রহ্লাদ-চরিত্র	(পৌরাণিক নাটক)	২২২
৭। বৃষকেতু	(পৌরাণিক নাটক)	২৪৫
৮। মায়া-তরু	(গীতিনাট্য)	২৫৫
৯। মলিন মালা	(গীতিনাট্য)	২৬৪
১০। আলাদিন	(রঙ্গ-নাট্য)	২৭৬
১১। বিজ্ঞান-প্রবন্ধ		
(১) গ্রহফল		২৮৮
(২) বিজ্ঞান ও কল্পনা		২৯১
১২। কবিতাবলী		২৯৪

ভ্রম সংশোধন ।

অশুদ্ধ	শুদ্ধ	পৃষ্ঠা	পংক্তি
গল্প শুঙ্গে, ও ঘুমুগে ।	গল্প শুঙ্গে ; ও ঘুমুক ।	১১	১৬
অনুরাগে কেন বিতরাগ,	অনুরাগে কেন' অনুরাগ,	১২২	২৩

মহাকবি গিরিশচন্দ্র ঘোষ-প্রণীত

নিম্নলিখিত গ্রন্থগুলি স্বতন্ত্রাকারে পাওয়া যায়।

১। অশোক (ঐতিহাসিক নাটক। বিশ্ববিদ্যালয়ের বি-এ ও এম-এ শ্রেণীর পাঠ্য) ১৮	১৩। প্রতিধ্বনি (গিরিশচন্দ্র-রচিত বাবতীয় কবিতা-সংগ্রহ) সুন্দর বাঁধাই ৫০, অবাঁধাই ১০০
২। প্রফুল্ল (সামাজিক নাটক। বিশ্ববিদ্যালয়ের বি-এ ও এম-এ শ্রেণীর পাঠ্য) ১৮	১৪। বিশ্বমঙ্গল ঠাকুর (প্রেম ও বৈরাগ্য-মূলক নাটক) ১৮
৩। বলিদান (সামাজিক নাটক) ১৮	১৫। মনের মতন (মিলনাস্ত নাটক) ৫০
৪। গৃহলক্ষ্মী (ঐ) ১৮	১৬। বাসর (ঐ) ১০
৫। শান্তি কি শান্তি? (ঐ) ১৮	১৭। আবুহোসেন (গীতি-নাট্য) ১০০
৬। জনা (পৌরাণিক নাটক) ১৮	১৮। মণিহরণ (ঐ) ১০
৭। শঙ্করাচার্য (ঐ) ১৮	১৯। আলাদিন (ঐ) ১০
৮। বুদ্ধদেব-চরিত (ঐ) ১৮	২০। বেঙ্গল-বাজার (প্রহসন) ১০০
৯। তপোবল (ঐ) ১৮	২১। আশ্রম (ঐ) ১০
১০। পাণ্ডব-গৌরব (ঐ) ১৮	২২। শ্যামলা-কা-ত্যাগমা (ঐ) ১০
১১। পাণ্ডবের অজ্ঞাতবাস (ঐ) ১৮	২৩। ছটাকী (নূতন প্রকাশিত) (ঐ) ১০০
১২। ভ্রান্তি (অলৌকিক নাটক) ১৮	

শ্রীঅবিনাশচন্দ্র গঙ্গোপাধ্যায়-প্রণীত ও সম্পাদিত

১। মেঘনাদ বধ (নটগুরু গিরিশচন্দ্র কর্তৃক নাটকাকারে গঠিত মাইকেলের মহা কাব্য) ৫০	৪। চাঁদে-চাঁদে (গীতিনাট্য) ১০
২। স্বকুমারী (সামাজিক প্রহসন) ১০০	৫। গিরিশচন্দ্র—(বঙ্গ-নাট্যশালার ইতিবৃত্ত সহ মহাকবি গিরিশচন্দ্রের সুবিস্তৃত জীবন-চরিত। ৭৯ খানি ফটো-চিত্রসহ প্রায় সাত শত পৃষ্ঠায় সমাপ্ত) ৩৮
৩। গুলোট-পালোট (ঐ) ১০০	

রঙ্গালয়ের রঙ্গ-কথা

নাট্যাচার্য্য শ্রীযুক্ত অমৃতলাল বসু-লিখিত ভূমিকা সহ

শ্রীঅবিনাশচন্দ্র গঙ্গোপাধ্যায়-প্রণীত

বহু চিত্র-সুশোভিত রঙ্গাল গল্পের বহি।—সুন্দর সিন্ধের বাঁধাই,—মূল্য ১।।০ দেড় টাকা।

“পুস্তকখানি পাঠ করিতে আরম্ভ করিলে নিঃশেষ না করিয়া উঠিতে পারিবেন না, এ কথা আমরা নিঃসন্দেহে বলিতে পারি। পুস্তকখানির ছাপা, কাগজ ও বাঁধাই ভাল এবং তাহার উপর বহু অভিনেতা ও অভিনেত্রীর ছবিও তাহাতে সন্নিবেশিত হইয়াছে।” বসুমতী, (৬ই পৌষ, ১৩৩০)

“Being the only mentionable biographer of our late great actor-dramatist Girish Chandra Ghosh the author needs no introduction to our readers. In the present volume he has brought in existence a long-felt desideratum of the Bengali literature in as much as the treatise supplies us with so many touches of light wit and rippling humour our social life is badly wanting in.”

Forward (6th March 1924.)


“রঙ্গ-ব্যঙ্গ এখন একরকম উঠিয়া যাইতে বসিয়াছে; এ সময় অবিনাশবাবু এই বইখানি ছাপাইয়া পাঠক-পাঠিকাগণকে দুই দণ্ড আমোদ উপভোগ করিবার সুযোগ প্রদান করিয়া ধন্যবাদাহ হইয়াছেন। জিনিষ হিসাবে দেড় টাকা মূল্য খুব কমই হইয়াছে।” রায় শ্রীজলধর সেন বাহাদুর।

ভারতবর্ষ (পৌষ, ১৩৩০)

গুরুদাস চট্টোপাধ্যায় এণ্ড সন্স,

২০৩।১।১ কর্ণওয়ালিস স্ট্রীট,—কলিকাতা।

প্রফুল্ল



(সামাজিক নাটক)

[১৬ই বৈশাখ, ১২৯৬ সাল, ষ্টার থিয়েটারে প্রথম অভিনীত]

চরিত্র

পুরুষ ।

যোগেশচন্দ্র ঘোষ	ধনাঢ্য ব্যক্তি ।
রমেশচন্দ্র	ঐ মধ্যম ভ্রাতা (এটর্নি) ।
সুরেশচন্দ্র	ঐ কনিষ্ঠ ।
যাদব	ঐ পুত্র ।
পীতাম্বর	ঐ কর্মচারী ।
কাকালীচরণ	ডাক্তার ।
শিবনাথ	সুরেশের বন্ধু ।
মদন ঘোষ	বিয়ে-পাগলা বুড়ো ।
ভজহরি	কাকালীর ভাগিনেয় ।

অনারারি ম্যাজিষ্ট্রেট, ব্যাঙ্কের দেওয়ান, ইনস্পেক্টর, জমাদার, পাহারাওয়ালাগণ, ইন্টারপ্রেটার, অন্নদা পোদার, উকিলগণ, মেট, কয়েদীগণ, জেল-ডাক্তার, ব্যাপারিষয়, শুঁড়ি, মাতালগণ, মুটে, ডাক্তার, মহিস, ভৃত্য, দরওয়ান, সার্জন, জনৈক লোক, টার্নকি (জেলদ্বার-রক্ষক) ইত্যাদি ।

স্ত্রী ।

উমাসুন্দরী	যোগেশের মাতা ।
জ্ঞানদা	ঐ স্ত্রী ।
প্রফুল্ল	রমেশের স্ত্রী ।
জগমণি	কাকালীর স্ত্রী ।

খেমটাওয়ালীষয়, বাড়ীওয়ালী, পরিচারিকা, একজন ইতর স্ত্রীলোক ইত্যাদি ।

সংযোগ-স্থল—কলিকাতা ।

প্রথম অঙ্ক

প্রথম গর্তাঙ্ক

যোগেশের অন্তঃপুরস্থ কক্ষ
উমাসুন্দরী ও জ্ঞানদা ।

উমা । মা, এতদিন লক্ষ্মীর কোটটা আমার কাছে ছিল, আজ তোমায় দিনুম, তুমি যত্ন করে রেখো ; মা লক্ষ্মী ঘরে অচলা থাকবেন । তুমি এতদিন বোঁ ছিলে, আজ গিন্নী হ'লে ; দেওর ছুটীকে পেটের ছেলের মত দেখো । জানবে, তোমার যাদবও যেমন—রমেশ, সুরেশও তেমনি । মেজবৌমাকে যত্ন করো । মা, আপনার পর সব যত্নের, তুমি মেজবৌমাকে যত্ন করলে তোমাকে মার মতন দেখবে । আর নিত্য নৈমিত্তিক পাল-পার্কণ বার-ব্রত যেমন আছে, সকলগুলি বজায় রেখো । এখন গিন্নী হ'লে, সব দিকে বুঝে চলো, বরং ছ'কথা শুনো, তবু কারকে উঁচু কথা বোলো না, কারুর মনে ছুঃখ দিও না, সকলের আশীর্বাদ কুড়িও ; আর কি বলব মা, পাকা চুলে সিঁদুর পরে নাতির নাতি নিয়ে স্নেহে ঘর-ঘরকন্না কর ।

জ্ঞানদা । ই্যা মা, তুমি কি আর বৃন্দাবন থেকে আসবে না ?

উমা । কেমন করে বলবো মা, গোধিনীজী কি পারে রাখবেন !

জ্ঞানদা । না, মা, তুমি ফিরে এস, তুমি গেলে বাড়ী খা

খা করবে। আর আমি কি মা, সব গুছিয়ে করতে পারবো, তোমার আদরে আদরেই বেড়িয়েছি, ঘর-ঘরকন্নার কি জানি মা!

উমা। তুমি আমার ঘরের লক্ষ্মী! তোমায় ঘরে এনে আমার যোগেশের বাড়-বাড়ন্ত; তোমায় কচি বেলা থেকে যে দিকে ফিরিয়েছি, সেই দিকে ফিরেছ। তুমি মা একেলে মেয়ের মতন নও, তোমায় আমি আশীর্বাদ করছি—তোমা হ'তে আমার ঘর-ঘরকন্না সব বজায় থাকবে।

(প্রফুল্লর প্রবেশ)

প্রফুল্ল। মা, তুমি হেথায় রয়েছ, আমি তেল নিয়ে সৃষ্টি খুঁজছি, তুমি রোজই বেলা করবে, রোজই বেলা করবে; আমি ভাত চাপা দিয়ে এয়েছি, তোমার পাতের ডালবাটা নিয়ে তবে খাবো; তা তুমি তো নাইবে না; এম নাইবে এম।

উমা। তোর ডালবাটা খেয়ে আর আশ মিটল না।

প্রফুল্ল। তুমি খেতে দাও বুঝি? যে দিন চাই, সেই দিন বল, পেটের অস্থখ করবে।

উমা। তা এইবার আমি ম'লে খুব একমাস ধ'রে ডালবাটা খান্।

প্রফুল্ল। ইয়া মা, তুমি যদি বৃন্দাবনে যাও, আমিও যাব।

উমা। আগে তোর নাতি হোক, তার পর যাবি।

প্রফুল্ল। নেই নিয়ে গেলে, তোমায় তেল মাথাবে কে? উচ্ছন ধরাবে কে? পাথর মেজে দেবে কে? মনে কচ্ছে ঝি রাখবে? সে বাসনে সগড়ি রেখে দেবে, কেমন মজা জান তো? সেই আমায় মাজতে দাও নি—একদিন ডালের খোসা, এক দিন শাকের কুচি ছিল;—আমায় নিয়ে চল।

জ্ঞানদা। তুই যাদবকে ফেলে যেতে পারবি?

প্রফুল্ল। মা কি যাদবকে ফেলে যাবে না কি? ও মা, তুমি কি নিষ্ঠুর মা! ওঃ হরি! তবেই তুমি আমায় নিয়ে গেছ! তুমি যার যাদবকে ফেলে যাচ্ছ! এই মাসেই আসবে, তুমি তো একুশে যাবে?

উমা। আঃ! দাঁড়া বাছা, আগে যাওয়াই হোক।

প্রফুল্ল। ওমা, শীগ্গির এস, বটুঠাকুরের গলা পাচ্ছি।

উমা। তুই যা, ভাত খেগে যা, তার পর আমার পাতে খাস এখন; আমি যোগেশকে একটা কথা জিজ্ঞাসা করে যাচ্ছি।

প্রফুল্ল। না, না—তুমি শীগ্গির এস, আমি তেল নিয়ে বসে রইলুম। [প্রফুল্লর প্রস্থান।

(যোগেশের প্রবেশ)

যোগেশ। মা, রমেশ গাড়ী ঠিক করে এল, একখানা গাড়ীই নিলুম; তুমি মেয়ে গাড়ীতে থাকবে, আমরা আলাদা গাড়ীতে থাকব, সে নানান লটখটি, ঐ একগাড়ীতেই সব যাব।

উমা। এখনও খাওনি?

যোগেশ। না একটু কাজ ছিল।

উমা। খাওয়া দাওয়া হ'লে একবার আমার কাছে যেও। আমি দেনা পাওনা গুলো তুলে দেব। আর বলছিলাম কি, চাটুয়ে ঠাকুরপোর তো কিছু নেই, চের স্হদ খেয়েছি, ওর বন্ধক জিনিসগুলো ফিরিয়ে দিও।

যোগেশ। তা বেশ তো।

উমা। আর বাবা, বলছিলাম কি, বামুনগিল্লীর বড় সাধ, আমার সঙ্গে যায়, হাতে কিছু নেই, একজন বামুনের মেয়ে আমার সঙ্গে থাকতো—

যোগেশ। মা, তুমি 'কিন্তু' হ'য়ে বলছো কেন? যাকে সঙ্গে নিতে হয় নাও, যা ইচ্ছা হয় বল। বাবার কিছু কত্তে পারি নি, তুমিও কখন কিছু ভার দাও নি, তুমি 'কিন্তু' হ'লে আমার মনে দুঃখ হয়।

উমা। বাবা, আমি তোদের পেটে ধরেছিলাম বটে, কিন্তু আমি মা নই, তোরাই আমার বাপ, আমি কখন তোদের একটা ভাল সামগ্রী কিনে খাওয়াতে পারি নি, কিন্তু বাবা, তোমাদের কল্যাণে আমার যাকে যা ইচ্ছা হয়েছে, দিয়েছি। আমার আর কিছু সাধ নেই। যারা যারা ধারে, তাদের যদি ঋণে মুক্তি দিতে পারি, এইটি আমার ইচ্ছা। ওনেছি বাবা, দেনা দিতেও আসতে হয়, পাওনা নিতেও আসতে হয়। গোবিন্দজী যেন এই করেন, তোমাদের রেখে যাই, আর না ফিরতে হয়! তা বেশী পাওনা নয়, সব জড়িয়ে সড়িয়ে হাজার টাকা।

যোগেশ। তা তুমি যাকে যা দিতে হয়, দিয়ে দিও।

উমা। তাই বলছি বাছা, তুমি উপযুক্ত সন্তান, তোমায় না বলে কি কিছু পারি; তবে আমি তাদের ডাকিয়ে বলে দিইগে, আর যার যা জিনিষ বন্ধক আছে, ফিরিয়ে দিই গে।

যোগেশ। মা, সে পাগলা মদন ঘোষ ফিরে এসেছে।

উমা। কোথায়, কোথায়?

যোগেশ। আমি তারে বাইরে একটা ঘর দিয়েছি, সে তেমনই পাগল আছে।

উমা। বাবা সে পাগল নয়, অমনি পাগলামো করে বেড়ায়। ও সব লোক কি ধরা দেয়!

(মদন ঘোষের প্রবেশ)

মদন। এই যে যোগেশের মা আছ, যোগেশ আছ।

উমা। বাবা, প্রণাম হই।

মদন। আমি বলছিলাম কি, বংশটা লোপ হ'ল—যা হয় করে একটা বেথা দেও না। যেমন মেয়ে হয়, একটা পুত্র সন্তান নিয়ে দরকার। শুন্ছি, তোমার ছোট ছেলের সম্বন্ধ কচ্ছা, আমারও ঐ সঙ্গে একটা সম্বন্ধ কর। বয়স আমার বেশী নয়, কিসের বয়স!

যোগেশ। মদন দাদা, তোমার ক'নে গড়াতে দিয়েছি—মোট মোট স্ত্রীর চেলা দিয়ে!

মদন। ওই ঠাট্টা কর, ওই ঠাট্টা কর, বংশটা লোপ হয় যে!

উমা। বাবা, ওর কথায় রাগ ক'রো না। তোমার নাত বোয়েদের আশীর্বাদ ক'রবে এস। তোমার মেজ নাত বো'র আজও ব্যাটা হয় নি, আর একটা মাতুলী দিতে হবে।

মদন। ব্যাটা হয় নি, সে কি? চল তো, চল তো।

উমা। বাবা, তবে জিনিষগুলো বার ক'রে দিও।

যোগেশ। আচ্ছা মা।

[উমাসুন্দরী ও মদন ঘোষের প্রস্থান।]

জ্ঞানদা। ঠাকুরের এক কথা—ওরে পাগল বলে রড় রাগেন।

যোগেশ। ঐ যে ওঁরে মাতুলী দিয়েছিল, তার পর মানরা হয়েছি।

জ্ঞানদা। ও মা! তুমি এখন আবার কাগজ নিয়ে বলে কি গা! নাইবে টাইবে না?

যোগেশ। এই যাচ্ছি, এই চাবিটে নিয়ে যা যে সব জিনিষপত্র বন্ধক রেখেছিলেন, মাকে দিয়ে এস তো, ছোট সিন্ধুকু আছে।

জ্ঞানদা। হ্যাঁ গা, তোমাদের কদিন হবে?

যোগেশ। মাকে রেখেই চলে আসবো; তার পর যা হয়—

জ্ঞানদা। যা হয় কি, একটা মুখের কথাই থমাও, কাজ তো বারমাসই আছে। নাও, খাও দাও, মন নিবিষ্টি করে কাগজ নিয়ে বসো এখন।

যোগেশ। মাকে রেখে এসে ভাবছি, দিন কতক বেড়িয়ে আসব, তুমি যাবে? যাও তো, নিয়ে যাই।

জ্ঞানদা। আর অতোয় কাজ নেই, মাকে রেখে এসে উনি আবার বেড়াতে যাবেন! আজ সাত বছর বেড়াতে যাচ্ছ, আর আমায় সঙ্গে নিচ্ছ।

যোগেশ। না, এবার সত্যি বেড়াতে যাব।

জ্ঞানদা। তা খেয়ে দেয়ে তো বেড়াতে যাবে? স্নান কর গে; বাবা ভালা কাজ শিখেছিলে কিন্তু! কাজ! কাজ! মনিষির শরীরে একটু স্ক নেই!

যোগেশ। স্ক করবো কি, স্ক করার কি দিন পেয়েছিলুম। তুমি তো জান না, দুটা অপোগণ্ড ভাই নিয়ে কি করে চালিয়ে এসেছি; বাবা মরে গেলেন, বাড়ীখানা পাওনাদারে বেচে নিলে, মাকে নিয়ে দুটা অপোগণ্ড ভাইয়ের হাত ধরে পোলার ঘর ভাড়া করে রইলুম। সে এক দিন গেছে, এখন ঈশ্বর-ইচ্ছায় একটু কুঁড়েও করেছি, খাবারও সংস্থান করেছি। এক দুঃখ স্ত্রেশটা মাতুল হ'ল না; তা ভগবান্ সঞ্চল স্থপ দেন না। দাও তো বোতলটা।

জ্ঞানদা। তুমি আশনি নাও, আমি এখনও পূজা করি নি। তোমার সব গুণ—ঐ একটু চুক করে খাওয়া কেন? আগে দিনে ছিল না, এখন আবার দিনে একটু হয়েছে; ঐ এক কাঁচা চন্নামেত্তর মুখে না দিলেই নয়!

যোগেশ। আমি তো আর মাতুলামো ক'রতে পাইনি, হাড়ভাঙা মেহনত হয়, গা-গতর কামড়াতে থাকে, খেলে একটু সবল হওয়া যায়, ঘুম হয়—এ কি জানা, বিষ বল বিষ, —অমৃত বল অমৃত।

জ্ঞানদা। অত হাড়ভাঙা মেহনতেই দরকার কি?

একটু কম করে কর ; ও খাওয়ায় কাজ নেই, ও খেলেই বেড়ে যায় শুনেছি।

যোগেশ। পাগল !

জ্ঞানদা। পাগল কেন, এই দিনে খাওয়া ছিল না, দিনে খাওয়া হয়েছে।

যোগেশ। ক'দিন ভাবনায় ভাবনায় ক্ষিদে হচ্ছে না, ভাই একটু একটু খাচ্ছি ;—রমেশ ব্যস্ত আছ ?

(রমেশের প্রবেশ)

রমেশ। আজ্ঞে না।

যোগেশ। বেরোবে না ?

রমেশ। আজ আদালত বন্ধ, বেরুব না।

যোগেশ। বেরিও হে, আদালত বন্ধই হোক আর যাই হোক, বেরুনো ভাল। শোনো একটা কথা বলি, যদিচ আমরা পৈতৃক সম্পত্তি কিছু পাই নি, কিন্তু আমি তোমাদের পেয়েছিলাম, নইলে আমি এত উৎসাহের সঙ্গে কাজকর্ম করতে পারতেন না ; সমস্ত দিন খেটে যখন রাত্তিরে কাজ করতে আলস্য বোধ হ'ত, তোমরা সেই খোনার ঘরের ভেতর শুয়ে—ফিরে দেখতুম আর আমার দ্বিগুণ উৎসাহ বাড়তো ; সেই উৎসাহই আমার উন্নতির মূল। আমার যা বিষয় আশয়, তাতে তোমরা সম্পূর্ণ অংশী, এই কাগজখানি দেখ, একখানি বাড়ী আমার স্ত্রীর নামে করেছি, কি জানি, পরে যদি ছেলের সঙ্গে না বনে, তীর্থ-ধর্ম করুন, তারিই ভাড়া থেকে চলবে ; আর মার নামে খানকতক কাগজ ব্যাঙ্কে জমা রেখেছি, মাসে মাসে তারই সুদ বৃন্দাবনে পাঠান যাবে, আর বাকী বিষয় তিন বখরা করেছি, এই কাগজ দেখলেই বুঝতে পারবে, তুমি এটর্নি হয়েছ, উকিল পাড়ার বাড়ী তোমার ভাগে রেখেছি। তুমি দেখ যে ভাগ তোমার ইচ্ছা হয় আমায় বল, সেই ভাগ তোমার। আর স্বরেশের কি করা যায় ? ওতো বিষয় পেলেই উড়িয়ে দেবে, এখন কিছু হাতে না পায় তার একটা উপায় ঠাওরাও।

রমেশ। দাদা, আমাদের কি পৃথক করে দিচ্ছেন ?

যোগেশ। না ভাই তা নয়, এত দিন মা ছিলেন, এখন বোয়ে বোয়ে বনতি হোক না হোক ; তুমি পরে বুঝবে যে সম্পত্তি বিভাগ হওয়াই ভাল ; এক বখরা যা আমার থাকবে, তা থেকে আমার চলবে ; একটা ছেলে—আর আমি

কাজকর্ম করবো না, ঈশ্বর ইচ্ছায় তোমাদের বাড়-বাড়ন্ত হোক, বাদবকে দেখো, আমি দিনকতক বেড়িয়ে আসি, এক অয়েই রইলুম—তবে বিষয় চিহ্নিতনামা হ'য়ে রইল, এইমাত্র। ব্যাপারীদের দিয়ে নগদ টাকা যা ব্যাঙ্কে থাকবে, তা তিন ভাগ কত্তে ব্যাঙ্কে এডভাইস (Advice) করেছি।

রমেশ। দাদা ম'শয় ! স্বরেশকে দিচ্ছেন দিন ; আপনার স্বোপার্জিত বিষয়, ছেলে আছে ; আমার মানুষ করেছেন, লেখাপড়া শিখিয়েছেন, আমি কোথায় আপনাকে রোজগার করে এনে দেব, আমার ও সব কেন ! তবে আপনি দিচ্ছেন, আমি 'না' বলতে পারিনি।

যোগেশ। রোজগার করে দিতে চাও দিও, তোমার ভাইপো রইলো, তুমি এ নিতে কুণ্ঠিত হয়েনা। আর একটা কথা, আমার বিবেচনায় কলিকাতায় গৃহস্থ ভদ্রলোকই দুঃখী, এই পাড়ায় দেখ, চাকরী বাকরী করে আনছে নিচ্ছে, থাকে,—যেই একজন চোখ বুজলো, অমনি তার ছেলেগুলি অনাথ হ'ল ; কি খায় তার আর উপায় নাই। তাদের যে কি অবস্থা তা বলবো কি ! ভাই রে, আমি হাড়ে হাড়ে বুঝেছি ! আমি টালায় যে একখানি দেবোত্তর বাড়ী করেছি, সেটা অতিথিশালা নয়, তাতে এইরূপ অনাথা গৃহস্থরা এক একটা ঘর নিয়ে থাকতে পাবে, আর পঞ্চাশ হাজার টাকা জমা রেখেছি, তারই সুদ থেকে কোন রকমে শাক-অন্ন খেয়ে দিনপাত করবে, তুমি তার ট্রাস্টি (Trustee)। আজকে একটা লেখাপড়া করো, আমি সহ করে দিন কতক বেড়িয়ে আসবো। ত্রিশ বছর খেটেছি, একদিনও একটু বিশ্রাম করিনি, একটু আলস্য হয়েছে।

রমেশ। আজ্ঞে, এ সব এত ভাড়া কেন ? আপনি বেড়িয়ে আসতে চান, বেড়িয়ে আসুন।

যোগেশ। না, কাজ শেষ করে যাওয়া ভাল। আমি সমস্ত ভারতবর্ষ বেড়াব, কি জানি শরীরের ভদ্রভদ্র আছে।

রমেশ। আজ্ঞে, যে রকম অনুমতি। আমি তা হলে বাড়ীতেই একটা তয়ের করে রাখি।

[রমেশের প্রস্থান।]

জ্ঞানদা। ও মা ! আবার ঢালুছ কেন ?

যোগেশ। বড় বৌ, আজ বড় আমোদের দিন !

জ্ঞানদা। তা ওঠ না, নাইতে হবে না ?

(বিয়ের প্রবেশ)

ঝি। বাবু, মাঝ দরজায় সরকার মশাই দাঁড়িয়ে
কাঁদছেন। আমায় বল্লেন, বাবুকে খবর দে।

যোগেশ। কে, পীতাম্বর? কাঁদছে কেন?

ঝি। আমি তো তা জানি নি, আমায় খবর দিতে
বল্লেন।

যোগেশ। তারে এইখানেই ডাক।

[বিয়ের প্রস্থান।

বড় বৌ, একটু সরে যাও।

[জ্ঞানদার প্রস্থান।

ওর কি বাড়ী থেকে কিছু খবর এলো নাকি—

(পীতাম্বরের প্রবেশ)

কি হে পীতাম্বর?

পীতা। আজ্ঞে বাবু সর্কনাশ হয়েছে! ব্যাক বাতি
জ্বলেছে!

যোগেশ। কি, কি, কি,—কোন ব্যাক?

পীতা। আজ্ঞে, রিইউনিয়ন ব্যাক। ব্যাপারীদের চেক
দিয়েছিলেন, তারা ফিরে এসেছে।

যোগেশ। অ্যা! অ্যা! আমার বে যথাসর্বস্ব সেথা!
আজ বড় আমোদের দিন—আজ বড় আমোদের দিন!—
আবার ফকির হনুম!

পীতা। বাবু! বাবু! আবার সব হবে, ব্যস্ত হবেন
না—

যোগেশ। (মদ পাইয়া) না না, আমি ব্যস্ত হইনি।
যাও পীতাম্বর, যাও—খাতা তয়ের করগে, ইনসল্ভেন্ট
কোর্টে দিতে হবে। আমি এখন জেলে বেড়াতে যাই।

পীতা। বাবু, আপনিই রোজ্‌গার করেছিলেন, গিয়েছে,
আবার রোজ্‌গার করবেন।

যোগেশ। হ্যা, হ্যা, তুমি যাও—আমি সব বুঝি।
পীতাম্বর! সব আছে, কিন্তু সে দিন আর নাই, সে উৎসাহ
নাই। ত্রিশ বৎসর অনাহারে অনিদ্রায় রোজ্‌গার করেছি;
গেল একদিনে গেল, ভোজবাজী ফুরিয়ে গেল। (মদপান)

পীতা। বাবু, বাবু, করেন কি! সর্কনাশের উপর
সর্কনাশ করবেন না,—

যোগেশ। না না যাও, তুমি যাও—পীতাম্বর দাঁড়িয়ে

রয়েছে কেন, কার কাছে দাঁড়িয়ে রয়েছ? কাল আমি
তোমার বাবু ছিলাম, আজ পথের ভিখারী। (মদপান)

পীতা। বড় মা, আহুন—সর্কনাশ হয়।

[পীতাম্বরের প্রস্থান।

(জ্ঞানদার পুনঃ প্রবেশ)

যোগেশ। বড় বৌ, আজ বড় আমোদের দিন! আজ
থেকে আমার ছুটি, আর আমার কাজ নাই, আমার সর্বস্ব
গিয়েছে!

জ্ঞানদা। গিয়েছে, আবার হবে—ভাবনা কি?

যোগেশ। ভাবনা কি! অনেক ভাবনা, ভাবনা আমি,
ভাবনা তুমি, ভাবনা তোমার ছেলে বাদব; কিন্তু অনেক
ভেবেছি, আর ভাববো না—ফুল্লো, আবার হবে! ত্রিশ
বৎসরে হ'ল, এক কথায় গেল, এক কথায় হবে, হবে ত?
হবে ত? আবার হবে, বাঃ বাঃ ক্যা ফুর্তি! কুচ্পরওয়া
নেই, মদ লেরাও,—ওই যা ফুরিয়ে গেল। (বোতল নিক্ষেপ)
মদ লেরাও, মদ লেরাও;—বাঃ বাঃ এমন মজা—কোন শালা
খেটে মরে, বড় বৌ, কি আমোদের দিন! কি আমোদের
দিন! আমি মদ আনি গে।

[যোগেশের প্রস্থান।

জ্ঞানদা। ঠাকুরপো! ঠাকুরপো! শীগ্‌গির এস,
সর্কনাশ হ'ল!

[জ্ঞানদার প্রস্থান।

দ্বিতীয় গর্ভাঙ্ক

কাঙ্গালীর ডাক্তারখানা

সুরেশ ও জগদীশ।

সুরেশ। কি বহুরূপী বিদ্যাবরি, বিদ্যাবর কোথায়?

জগ। এ দিকে তো খুব চালাকী হয়, কাজের চালাকী
তো কিছু দেখতে পাই নি; সে চালাকী থাকলে এতদিন
ছুড়ী চড়তিস্।

সুরেশ। চালাকী কি এক দিনেই শেখে বিদ্যাবরি?
তোমার বিদ্যাবরের কাছে থাকতে থাকতে ছুটো একটা
শিখবো বৈকি। একছিলিম তামাক সাড়ে, বেশীক্ষণ
বন্দবো না, নগদ পরমা, ছুছিলিম তামাক দিও। আর
বিদ্যাবরকে ডাক।

জগ। সে এখন পূজা কচ্ছে। বসো, তামাক খাও।

স্বরেশ। বাবাঠাকুরের নিষ্ঠেটুকু আছে, পূজোর মন্তর কি?—কশ্মং গলাং কাটিতং—কার গলা কাটবো?

জগ। আমরা গলা কেটেই বেড়াচ্ছি কি না; যাও, তুমি বাড়ী থেকে বেরোও।

স্বরেশ। তা শীগ্গির বেরোচ্ছি নি, তুমি ইন্দ্রের সভায় নাচতে যাও কি পোয়াকে না দেখলে আমি যাচ্ছি নি। সে দিন যে চাপ্রাসী সেজেছিলে,—বাঃ বিদ্যধরি, চমৎকার!

জগ। তামাক খাবে খাও, মেলা বক্ বক্ কচ্ছে কেন?

স্বরেশ। আচ্ছা, চাপ্রাসীরূপে তো বিল সাধো, খান্সামারূপে তো তামাক দাও, খাস বিদ্যধরীরূপে তো টাকা ধার দাও,—আর ক'টা রূপ আছে বিদ্যধরি, আমায় প্রকাশ করে বল দেগি? (স্বর করিয়া)

“ঘুচাও মনভ্রাস্ত লক্ষ্মীকান্ত নারায়ণ।

তোমার লক্ষ্মীরূপা কোন্ রমণী,

রুক্মিণী কি কমলিনী,

চিন্তামণি কর চিন্তা নিবারণ ॥”

জগ। চোপ্ ষ্টুপিড্।

স্বরেশ। বিদ্যধরি, আবার বল, তোমার ইংরেজি বুকনীতে প্রাণ জুড়িয়ে গেল, আর এই দা-কাটাতে বুক ঠাণ্ডা হ'ল।

জগ। শোন! গাধা ছোকরা, তোরে বলি শোন! রোজ রোজ ছুঁচার টাকা ধার করিস্ কি ক'ত্তে? আনি কিছু চার টাকায় চল্লিশ টাকা না লিপিয়ে দেবো না। সুদ শুদ্ধ তোর ভাইকেই দিতে হবে, তার চেয়ে কেন বিষয়টা ভাগ করে নেনা।

স্বরেশ। বাহবা বাঃ বহুরূপিণী বিদ্যধরি, সাবাস! এ দোকান ভুলে দিয়ে, এবার জেলায় মোক্তারীতে বেরোও, আমি তোমায় চাপ্ কান পাগ্ ডী দিচ্ছি।

(নেপথ্যে কাঙ্গালীচরণ।) জগা, কার সঙ্গে কথা ক'চ্চিস্?

স্বরেশ। খুড়ো, আমি,—বিদ্যধরীর বক্তৃতা শুন্ডি, আর খরসান গেয়ে কাস্ছি।

(কাঙ্গালীচরণের প্রবেশ)

কাঙ্গালী। কেও স্বরেশ, কতক্ষণ বাবা, কতক্ষণ?

জগ। আমি বল্ছিলুম ছুঁচার টাকা করে ধার কর্ছিস্ কেন? বিষয় বখরা করে নে, উকিলের চিঠি দে, আমরা থেকে মকদ্দমা করে দিচ্ছি, তা বাবুর ঠাট্টা হচ্ছে।

কাঙ্গালী। হ্যাঁ হ্যাঁ, ক্রমে বুঝবে, ক্রমে বুঝবে। কি বাবা, কি মনে করে?

স্বরেশ। তোমার বিদ্যধর আর বিদ্যধরীর যুগল দর্শন, আর গোটাকতক টাকা কর্জন।

জগ। একশো টাকার নোট কর্জন তো?

স্বরেশ। রূপসি, তার কি আর অল্পথা হবে।

জগ। তাতে আজ হচ্ছে না, দুশো টাকা লিগে দাও তো হয়।

স্বরেশ। এ যে বাবা, বাড়াবাড়ি বিদ্যধরি!

(নেপথ্যে রমেশ।) কাঙ্গালী বাবু বাড়ী আছেন?

কাঙ্গালী। কে!—বকেয়া নাম ধরে ডাকে কে? আমি তো হরিহর ডাক্তার। জগা, বল—“এ হরিহর বাবুর বাড়ী, কাঙ্গালী বাবুর বাড়ী নয়?”

স্বরেশ। ও বিদ্যধরি, আমায় পিড়্ কি দোর দিয়ে বা'র করে দাও, মেজ দা!

জগ। যাও বাড়ীর ভিতর দিয়ে পালাও, রান্না-ঘরের জান্না ভাঙ্গা আছে, সেই পান দিয়ে বেরিয়ে পড়।

[স্বরেশের প্রস্থান।

(নেপথ্যে রমেশ।) বাড়ীতে কে আছ গো,—কাঙ্গালী বাবু বাড়ী আছেন?

জগ। এ কাঙ্গালী বাবুর বাড়ী না, হরিচরণ বাবুর বাড়ী।

(নেপথ্যে রমেশ।) আচ্ছা, হরিচরণ বাবু, হরিচরণ বাবুই মই।

কাঙ্গালী। আমি সরে থাকি, শীগ্গির তাড়াস্।

[কাঙ্গালীর প্রস্থান।

(জগমণির দরজা খুলিয়া দেওন ও রমেশের প্রবেশ)

জগ। আপনি কাকে খুঁজ্ছেন?

রমেশ। ডাক্তার বাবুকে।

জগ। তা আমায় বলে যান, আমি তার কম্পাউণ্ড।

রমেশ। আপনি মেয়েমানুষ, কম্পাউণ্ডার!

জগ। ও মা তাও ত বটে!

রমেশ। তাও ত বটে' কি?

জগ। আমি বাবুর বাড়ীর ঝি, তা বাবু বাড়ী নেই, আপনি এখন আসুন।

রমেশ। বাবু বাড়ী আছেন বৈকি। তুমি যখন কম্পাউণ্ডার আবার ঝি, বাবুকে ডাক গে, বিশেষ দরকার আছে ; কোন ভয় নাই, বল তাঁর ভাল হবে।

(নেপথ্যে কাঙ্গালী।) কেরে ঝি—কেরে ?

(কাঙ্গালীর পুনঃ প্রবেশ)

কাঙ্গালী। আমি এই প্রাক্টিস (Practice) করে থিড্‌কি দোর দে ফিরে এলুম।

রমেশ। বহুন বহুন, কাঙ্গালী বাবু বলবো না হরিচরণ বাবু বলবো ? আপনি যে নামে প্রচার হ'তে চান, আমার আপত্তি নেই।

কাঙ্গালী। আপনি তো রমেশ বাবু ?

রমেশ। হ্যাঁ, আমি সম্প্রতি এটর্নি হয়েছি। আপনি রানাঘাটে একটা মাগীর সঙ্গে ফেরাবি করেছিলেন, তার তাইপো আমার এই কাগজ পত্রগুলো দিয়েছে, আপনার নামে জানের ওয়ারিণ বার করবার জন্তে।

কাঙ্গালী। কি, আপনি ভদ্রলোককে বাড়ীতে বসে অপমান করেন ? চাপরাসী—

রমেশ। আপনার চাপরাসী তো ঐ রূপসী, তা উনি তো হেথা হাজিরই আছেন ; ব্যস্ত হবেন না, কি বলতে এসেছি শুনুন, সে কাগজপত্র দেখে আপনি যে একজন অদ্বিতীয় ব্যক্তি তা আমার ধারণা হয়েছে, ক্রমে সন্ধান পেলুম, কলিকাতাতে আপনি এটর্নির ক্লাকগিরিও করে গিয়েছেন। আমি নূতন আফিস করবো, আপনার মত একজন মহাশয়ের আবশ্যক ; আপনার ভয় নেই, আমি সেই ভাইপো ব্যাটাকে তাড়িয়েছি, সে ব্যাটাকে কাগজও ফিরে দিচ্ছি, তারে ধাঙ্গা দিয়ে দিয়েছি যে চারশো টাকা নিয়ে আয়, সে এখন বিশ বাঁও জলে ; এই দেখুন সে কাগজ আমার হাতে।

কাঙ্গালী। কই দেখি কই দেখি—

রমেশ। এই দেখুন, এতো চিন্তে পেরেছেন ? তবে কাগজগুলো আমার ঠেঁয়ে থাকবে, আপনার ঠেঁয়ে দিচ্ছি। আমি নূতন উকিল বটে, তবে নেহাত কাঁচা নই ; পাচবার একজামিনে ফেল হয়ে তবে পাশ হয়েছি। আপনি যখন

ক্লাক হবেন, আপনার হাতে অনেক আমায় যেতে হবে, আপনিও হাতে থাকা চাই, বন্ধুত্বের নিয়মই এই।

জগ। তা বটে তো বাবা, তা বটে তো বাবা,— মুখপোড়া, মালুশ চেননা ? এঁর সঙ্গে আলাপ কর—তোমার কপাল ফিরবে। কেমন মিষ্টি মিষ্টি কথাগুলি বলে, যেন ভাগবত পড়লে। কি বাবা, কি করতে হবে আমায় বল ? তুমি যা বলবে, ষ্টুপিডের কাণ ধরে আমি করাব।

রমেশ। বাঃ রূপসি ! আপনার নাম কি ? আপনি সাক্ষাৎ বুদ্ধিরূপিনী।

জগ। আমায় বিদ্যার্থী বল, জগা বল, মাসী বল, খুড়ী বল, যা তোমার ইচ্ছে হয় ; এখন কাজের কথা বল।

রমেশ। সুরেশ বলে একটি ছোকরা তোমার এখানে আসে ?

কাঙ্গালী। কে সুরেশ ?

জগ। আ মর, বুড়ো হলি—কাকে বিশ্বাস কতে হয়, কাকে অবিশ্বাস কতে হয় জানিস্‌ নি ?—এসে বাবা এসে।

রমেশ। তোমার কাছে টাকা ধার করে ?

জগ। হ্যাঁ, তা করে।

রমেশ। তার নোটগুলো আমি কিনবো, আর এবার এলে তারে বুঝিয়ে ঠিক করতে হবে, যাতে একখানা বণ্ড (Bond)য়ে সহ করে। বলো, পাঁচশো টাকা পাবে। খানকতক কোম্পানীর কাগজ তোমাদের হাতে থাকবে, তাতে এণ্ডোর্স (Endorse) করিয়ে নেবে। কথাটা এই, তার বিষয়ের স্বত্ব আমি কিনে নেব।

কাঙ্গালী। বুঝেছি বুঝেছি।

রমেশ। বুঝেছ তো ?

জগ। বুঝলে কি হবে, তাকে বাগানো বড় শক্ত। তাকে আজ ছ' মাস বোঝাচ্ছি নালিস কতে, সে বলে, আমি দাদার নামে নালিস করবো না।

রমেশ। তোমাদের কাছে নোট আছে কত টাকার ?

কাঙ্গালী। সে প্রায় চার পাঁচশো টাকা হবে।

রমেশ। তারে ভয় দেখাও—নালিস করব।

জগ। সে তো তাই চায়, বলে, দাদা কি আমার জেলে দেবেন ? দাদা না দেয়, বৌ সব দেবে। এ হতচ্ছাড়াকে নিয়ে তুমি কি করবে ? একটু বুদ্ধি ঘটে নেই।

রমেশ। আচ্ছা, ও বিষয়ে পরামর্শ করা যাবে। আপনি.

আমার ক্লার্ক হবেন ? কাল থেকে বেরোবেন, মাইনে পাবেন না, আপনি যা ক্লায়েন্ট (client) জোটাবেন, তারই কস্ট (cost)য়ের দশ-আনা ছ'আনা, সেই আপনার মাহিনার হিসাবে জমা-খরচ হবে ।

কান্দালী । তা বাবা, আমার হাতে তো ক্লায়েন্ট নেই, আমি একটা বদনামী হ'য়ে এখান থেকে গিয়েছিলুম । কিছু মাইনে না দিলে চলবে না । যা হোক, ডিম্পেন্সারি খুলে নিকিরীপাড়া, ডোমপাড়া বেড়িয়ে গড়ে আনা আঠেক ক'রে দিন পোষায়, আরো আরো সব কার্য আছে, তাতেও কিছু কিছু পাই । গোটা কুড়িক ক'রে টাকা দিও, তার পর ক'টের দশ-আনা ছ'-আনা বলছো, চরি আনা বারো আনাতেও রাজী আছি ।

রমেশ । আচ্ছা, তার জন্তে আটকাবে না ।

জগ । তোমার ত একটা পেয়াদা চাই ?

রমেশ । তা আমি দেখে নেব এখন ।

জগ । কেন, নূতন আপিস ক'চ্ছ, আমায় কেন রাখ না, আমি তোমার চিঠি নিয়ে যাব ।

রমেশ । তা রূপসি, আমি বুঝতে পেরেছি, তুমি পানাউল্লার ঠাকুরদাদা, এখানে তো ডিম্পেন্সারি চালাতে হবে, আর আর কাজ আছে, তোমায় দেব ।

জগ । ডিম্পেন্সারিও চলবে ?

রমেশ । চলবে না কেন, খুড়ো সকাল বিকেল নিকিরী-পাড়া ঘুরে আসতে পারবে, দিনের বেলা তুমি ওষুধ দেবে ।

জগ । বেঁচে থাক বাবা, বেঁচে থাক । দেখলি ষ্টুপিড, মাহুষ চিনি নি ।

রমেশ । তবে আসি, কাল থেকে বেরোবেন, আমি সঙ্গে ক'রে নিয়ে যাব । রূপসি, চল্লুম ।

কান্দালী । এগারটার সময় বেরুলে চলবে ?

রমেশ । হাঁ, তা চলবে । [রমেশের প্রস্থান ।

কান্দালী । জগা, এইবার বরাত ফিরুলো আর কি ! আবার যখন এটর্নি পেয়েছি, আর কিছু ভাবিনি, এই পাশের জমীটে মাগীকে ঠকিয়ে ঠকিয়ে দেড়শো টাকা ক'রে কাঠা কিনে নেব । এই দিশী মিস্ত্রীকে দিয়েই একখানা গাড়ী তয়ের ক'রে নেব, আর চিংপুর থেকে ছুটো ঘোড়া ; বাগান একখানা করতেই হবে, যা হ'ক, তরীটে তরকারীটে আসবে ; জগা, কথা কচ্ছি নি যে ?

জগ । বল্ বল্, তোর আক্কেলের দৌড়টা শুনি ; তুই মুখ্য কি না, গাছে কাঁঠাল গোঁপে তেল দিয়ে বসেছি । ও দেখতে ছোঁড়া, বুদ্ধিতে বুড়োর বাবা, কোন রকম ক'রে সুরেশটাকে হাত ক'রে রাখ, ওদের ঘরোয়া বিবাদ বাধলো বলে ; মকদ্দমা বাধিয়ে দিয়ে সুরেশকে নিয়ে আর এক উকিলের কাছে যাস, যে খরচা আদায় করতে পারবি ।

কান্দালী । তোর ত বুদ্ধি বড়, আমার নামে জালিয়াতের নালিস ক'রে চৌদ্দ বৎসর ঠেলুক,—সেই মাগীর সব কাগজ-পত্র নিয়ে রেখেছে ।

জগ । আমি চ'খে দেখলুম, আর আমায় পরিচয় দিচ্ছি কি ? মকদ্দমা কি আজ বাধাতে পারবি ? ছ'-বছরে বাধে তো ঢের । ও বে উকিল দেখছি, তত দিন বিশটা জাল ক'রবে । আর আমার কথা তুই দেখিস, যখন ডাক্তারখানা রাখতে বললে, কারকে বিষ খাওয়ানোর মতলব যদি না থাকে তো, কি বলেছি । ওকে আমি দু'দিনে হাত ক'রে ওর পেটের কথা সব নেব ।

(সুরেশের পুনঃ প্রবেশ)

সুরেশ । বিজ্ঞাধরি, মেজ্জা এসেছিল কেন হে ?

জগ । ওরে, তোর কপাল ফিরেছে, ওরে তোর কপাল ফিরেছে—(পদধূলি প্রদান)

সুরেশ । আরে যাও বিজ্ঞাধরি, আমার সিঁথে খারাপ হবে ।

জগ । পাচ পাচশো টাকা ! একটা মই কল্লই—বাস্ !

সুরেশ । পাচ পাচশো টাকা চাই নি, আমায় দশটা টাকা দাও,—আমি ছাওনোট লিখে এনেছি দেখ ।

জগ । হাতের লক্ষ্মী পায়ের ঠেলিস নি—হাতের লক্ষ্মী পায়ের ঠেলিস নি ।

কান্দালী । তাই তো হে খুড়ো, তুমি অমন বোকা কেন ?

সুরেশ । দেখ কান্দালী খুড়ো, বিজ্ঞাধরি শোন,—এ যে ছ' দশ টাকা ধার করি, এ দিতে দাদা মারা যাবে না, আর দেবেও । পাচশো টাকা দিতে চাচ্ছ বাবা, পঞ্চাশ হাজারে যা দেবে তবে ; ভাবছো, বোকারাম টাকার লোভে একটা মই ক'রে দেবে এখন ; আমার নিজের টাকা থাকতো, ঠকিয়ে নিলে আপত্তি ছিল না, দাদার যে সর্বনাশ করবে,

তা রূপসী বিজ্ঞাধরী পাচ্ছে না। চিরকাল দাদার খেলুম, দাদা বকেন আমার গুণে, কিন্তু অমন দাদা কারুর হবে না।

জগ। আমি আর টাকা দিতে পারবো না, যে টাকা ধার নিয়েছি দে, নইলে আমি নালিস করবো।

সুরেশ। আমি তোমায় ছুবেলা সাধুছি বিজ্ঞাধরি, জজসাহেবও ইন্ডের অপসরী দেখবে, আর আমারও টাকা ক'টা শোধ যাবে; শুধু তাই না, আমার একটা বাজারে নাম বেরুবে, বিজ্ঞাধর খুড়োর মতন মহাজনও দু-একটা জুটবে। তোমার চক্রবদন যত না দেখতে হয়, ততই ভাল। বুঝলে বিজ্ঞাধরি, টাকা দেবে কি না বল?

জগ। না, আমার টাকা-কড়ি নেই।

সুরেশ। তবে চলুন, সেলাম পৌছে বিজ্ঞাধর খুড়া, বিদেয় হলেন। একগুণ নিয়ে চারগুণ লিখে দিলে তোমার মত ঢের মহাজন পাব।

[সুরেশের প্রশ্ন।

জগ। বুঝলি পোড়ারমুখো! একে সোজা দিক দিয়ে হবে না, এরে উল্টো প্যাচ কসতে হবে। সেই ক'রে দিলে ওর দাদার উপকার হবে যদি বুঝতে পারে, তখনই সেই করবে।

কাকালী। কি রকম—কি রকম?

জগ। রোস, এখন দাঁড়া, আমি মনে মনে ঠাওরাই। খাই গে আয়।

[উভয়ের প্রশ্ন।

তৃতীয় গর্ভাঙ্ক

দরদালান

প্রফুল্ল ও সুরেশ।

সুরেশ। ইয়ারে মেজো, দাদার না বড় অসুখ ক'রেছে?

প্রফুল্ল। ঠাকুরপো, আমার হাত-পা পেটে সের্দিয়ে যাচ্ছে, ঠাকুরপো কান্দছেন। বটুঠাকুরকে কে কি খাইয়েছিল।

সুরেশ। তা এখন দাদা কোথা?

প্রফুল্ল। এখন ভাল হ'য়েছেন, ঘরে শুয়ে আছেন। তোমায় তাড়াতাড়ি আমি বিকে পাঠিয়ে দিলাম খুঁজতে; সে যদি চিকুরি দেখতে! ডাক্তার এল, মাথায় জলটল দে

তবে ভাল হল। ছেলেটাও যত কান্দে, আমিও তত কান্দি। এমন সর্ব্বনেশে জিনিষও খাইয়েছিল। দিদিকে লাগি মেরেছেন, ছেলেটাকে চড় মেরেছেন, মাকে গালাগালি দিয়েছেন।

সুরেশ। দাদা খেয়েছেন?

প্রফুল্ল। ডাক্তার পাঠার কং খেতে বলেছিলেন, তাই খেয়েছেন; এ বেলা মাগুর মাছের বোল আর ভাত খাবেন। ঠাকুরপো, অমনি ক'রে আবার যদি কেউ কিছু খাওয়ায়। মা বলেন, চারিদিকে শত্রুর, শত্রুর হাসছে।

সুরেশ। এখন ভাল আছেন তো?

প্রফুল্ল। ই্যা, সরকার ম'শাইকে ডেকে কি কাজ বলেছেন, চিঠি লিখেছেন, আবার যদি কেউ কিছু খাওয়ায়? আমার ভাই কান্না পাচ্ছে।

সুরেশ। আমিও তাই ভাবছি, হাতে টাকা নেই, তা নইলে একটা মাদুলী আনতুম। বৌদিদি, সেই মাদুলী পরলে আর কেউ কিছু করতে পারতো না।

প্রফুল্ল। ই্যা ঠাকুরপো, এমন মাদুলী?

সুরেশ। সে মাদুলীর কথা বলবো কি, ওই সরকারদের বাড়ীর অমনি একজনকে খাওয়াতো—সরকারদের বৌ মাদুলী যেই পরলে, আর কেউ কিছু করতে পারলে না। কি খাওয়ায় জান, রান্না জল পড়া। ভাগ'গিস ভালয় ভালয় কেটে গেল, নইলে লোক পাগল হয়। এমন জল পড়া নয়, তুমি যদি খাও তো, অমনি ধেই ধেই করে নাচ।

প্রফুল্ল। ও মা! সে নাচাই বটে, সে যে হাত পা ছোড়া! তা তুমি সে মাদুলী এনে দাও, আমি দিদিকে বলে টাকা দেওয়াব এখন।

সুরেশ। তা হ'লে আর ভাবনা ছিল কি, বৌদিদির টাকায় আনলে ওষুধ ফলবে না।

প্রফুল্ল। তবে কি হবে, আমার ঠেয়ে আট গুণা পয়সা আছে।

সুরেশ। আর সেই যে মাকুড়ীগুলো আছে, তাতো তুমি আর পর না।

প্রফুল্ল। না, সে তুলে রেখেছি, দিদি বলেছে, কাণবালা গড়িয়ে দেবে।

সুরেশ। তা সেইগুলো পেলোই হতো—

প্রফুল্ল। তা নাও, আমি দিছি, দুটো মাদুলী এনো,

আনিও একটা চুপি চুপি পরে থাকবো, যদি ঠুঁকে কেউ কিছু
থাওয়ায়। [প্রফুল্লর প্রশ্নান।

সুরেশ। দেখি কত দূর হয়। (লিখন) “মেজ দাদা,
মেজ বৌদিদির মাকড়ী লইয়া অন্নদা পোদারের দোকানে
দশ টাকায় বাধা দিয়েছি।” ভায়ার দেখে অঙ্গ শীতল হবে!
বলবেন, খুব করেছে। কি রে যেদো, কাঁদছিস কেন?

(যাদবের প্রবেশ)

যাদব। কাঁকা বাবু, বাবার অসুখ করেছে।

সুরেশ। অসুখ করেছিল, দেখ গে যা, ভাল হয়ে
গিয়েছে; তার কান্না কিসের? তোর অসুখ করে না?

যাদব। বাবা আনায় রোজ ডাকেন, আজ ডাকেন নি।

সুরেশ। ডাকবেন এখন, যা, তুই কাছে যা দেখি।

যাদব। তুমি বাইরে যেও না, যদি আবার অসুখ করে।

সুরেশ। না, আর অসুখ করবে না।

(প্রফুল্লর পুনঃ প্রবেশ)

প্রফুল্ল। ঠাকুরপো, এই নাও। (মাকড়ী প্রদান)

সুরেশ। মেজ বৌদিদি, যাদবকে দাদার ঘরে দিয়ে
এস তো, আর এই চিঠিখানা মেজদাদাকে দিও।

যাদব। কাকী মা, আমার কান্না পাচ্ছে, আবার যদি
বাবার অসুখ হয়?

প্রফুল্ল। না, বালাই! আর অসুখ হবে কেন। চল,
তোরে আমি নিয়ে যাই।

সুরেশ। যেদো, যা তোর বাপের কাছে যা, কাঁদিস্নি।
আমি কেমন সুন্দর ব্যাটম্বল কিনে এনে দেব এখন। কাল
তোকে গড়ের গাঠে খেলতে নিয়ে যাব।

[যাদবকে লইয়া প্রফুল্লর প্রশ্নান।

এই যে, আমার বুদ্ধিমান মেজদাদা উপস্থিত; সইসের মাথায়
যে ব্র্যাণ্ডীর কেস দেখছি, এঁর জন্তেও মাদুলী গড়াতে হবে।
দাদা যখন ক্যানেস্‌তারা থেকে বার করে একটু একটু খান,
তখন আমি জানি; ও এমন জলপড়া না, আমি আর যা
করি তা করি, এ জলপড়া ছোঁব না। ইস্! আমায় দেখে
বামাল সামলাচ্ছেন!

(রমেশের প্রবেশ)

রমেশ। সুরেশ, এখানে দাড়িয়ে কি বচ্ছিস?

সুরেশ। তোমার নামে একখানা চিঠি এসেছিল, তাই
দিতে এসেছি।

রমেশ। কৈ দে।

সুরেশ। মেজ বৌদি'র হাতে দিয়েছি।

রমেশ। তোর হাতে কি?

সুরেশ। সুপুরি; ও মুটের ঠেঁয়ে কি গা?

রমেশ। ও কৌন্সুলি সাহেবকে সওগাত পাঠাতে হবে।

সুরেশ। কৌন্সুলি, না চুকু চুকু ঢালি?—

[সুরেশের প্রশ্নান।

রমেশ। ওরে, এদিকে আয়, ওই ওদিকে রাখগে যা।

[সহিসের প্রবেশ ও বাবু রাখিয়া প্রশ্নান।

হাতে পরের অপকার, তাতে আপনার উপকার। ভাইয়ের
চেয়ে পর কে? প্রথমে মা বখরা, তার পরে বাপের বিষয়
বখরা, ভাই-পো হবেন জাতি-শত্রু! এই মদে দাদার
অপকার, আমার উপকার। এ বিষয়গুলো যে ব্যাপারী
ব্যাটারা বেচে নেবে, তা তো প্রাণে সহিছে না। দাদাকেও
ফাঁকি দেওয়া চাই, ব্যাপারীগুলোকেও ঠকান চাই। যখন
মদ ধরেছে, সই করে নেবার ভাবি নি, আজই হ'ক কালই
হ'ক, মর্টগেজ (Mortgage) সই করে নিচ্ছি। ভাবনা
রেজেট্রীর—তা তখন দেখা যাবে। মদ আমার সহায়;
জুড়ুতে দেওয়া হবে না, আজই দাদাকে মদ খাওয়াতে হবে,
একবার দাদার কাছে যাই।

[রমেশের প্রশ্নান।

চতুর্থ পর্ভাঙ্ক

যোগেশের ঘর

যোগেশ ও জ্ঞানদা।

জ্ঞানদা। ছেলটাকে চড় মেরেছিলে, কেঁদে কেঁদে
বেড়াচ্ছে, একবার ডাক।

যোগেশ। ডাকবো কি, আমার ছেলের কাছেও মুখ
দেখাতে লজ্জা হ'ছে, এই সর্বনাশ, তার উপর এই
ঢলাঢলি!

জ্ঞানদা। ও আর মনে কর' না। ও ছাই আর
ছুয়ো না।

যোগেশ। আবার!

জ্ঞানদা। একবার যাদবকে ডাক।

যোগেশ। যাদব! এদিকে এস।

(যাদবের প্রবেশ)

কাঁদছ কেন? কেঁদ না বাবা, মেরেছিলুম, লেগেছে?

যাদব। না বাবা, তোমার যে অসুখ করেছে।

যোগেশ। অসুখ করেছিল, ভাল হ'য়ে গিয়েছে।

যাদব। আর অসুখ করবে না বাবা?

যোগেশ। না, আর অসুখ করবে না; আবার কাঁদছ?

যাদব। বাবা, আর অসুখ কর' না, মা কাঁদবে, ঠাকুরমা কাঁদবে, কাকীমা কাঁদবে।

যোগেশ। না, আর অসুখ করবে না, তুমি ঠাকুরমার কাছে গে গল্প শোন গে।

যাদব। না বাবা, আমি গল্প শুনবো না, তোমার কাছে বসবো।

জ্ঞানদা। না না, গল্প শুনগে ও ঘুমুগে। ই্যাগা খানকতক রুটী গড়ে আনি না, দুধ দিয়ে খাও, ভাতে হাতে করেছ—

যোগেশ। না না, পোড়ারমুখে আজ আর কিছু উঠবে না।

জ্ঞানদা। তবে শোও গে।

যোগেশ। এই যাই, রমেশকে ডাকতে পাঠিয়েছি, একটা কথা বলে শুইগে।

জ্ঞানদা। আয় যাদব, আয় খাবি আয়।

যাদব। ই্যা মা, বাবার যদি আবার অসুখ করে?

জ্ঞানদা। আর অসুখ করবে কেন?

[যাদবকে লইয়া জ্ঞানদার প্রস্থান।]

যোগেশ। একদিনে কি কাণ্ড হয়ে গেল! মদের কি আশ্চর্য্য মহিমা! এই ঢলাঢলি কল্পুম তবু মনে হচ্ছে, একটু খেয়ে শুলে হ'ত। এই সর্বনাশটা হয়ে গিয়েছে, বোধ হচ্ছে যেন স্বপ্ন; শেষটা কি দেন্দার হব! মাগ ছেলে তো পথে বস্গোই। উঃ! ইচ্ছা হচ্ছে আবার মদ খেয়ে অজ্ঞান হই। ওঃ! এমন সর্বনাশ কি মানুষের হর!—

(রমেশের প্রবেশ)

ভাই, মদ শুনেছ?

রমেশ। আজ্ঞে শুনলুম বৈ কি।

যোগেশ। ঢলাঢলি করেছি, শুনেছ?

রমেশ। বলেন কি! হঠাৎ এ সর্বনেশে খবর এলে লোক জলে বাঁপ দেয়; আপনি খুব ভাল করেছিলেন, নইলে একটা ব্যামো স্ত্রামো হ'ত।

যোগেশ। আর ভাল করেছি ছাই! মা'র উপোস গিয়েছে, ছেলেটাকে মেরেছি, বাড়ী শুদ্ধ কান্নাহাটী, শত্রুর মুখ উজ্জল!

রমেশ। না, না, আপনি বুঝছেন না, সাদ্‌ন স্ক (Sudden Shock) য়ে একটা ব্যামো হ'তে পাত্তো।

যোগেশ। না, যা হবার হয়ে গিয়েছে, এখন উপায় কি? কারবার ক্লোজ করেছি, ব্যাপারীর দেনা প্রায় দেড় লাক টাকা। বিষয় বেচে তো না দিলে নয়; আমি ব্যাপারীদের ঠেঁয়ে সমস্ত নিয়ে দালাল ধরিয়ে দিই।

রমেশ। মা একটা কথা বলছিলেন,—বলেন, এখন বেচলে কি দাম হবে? আধা দরে বাবে। তিনি বলছিলেন, বৌয়ের নামে কল্লে হয় না? তার পর ক্রমে ক্রমে বেচা বাবে।

যোগেশ। ছিঃ! তিনি যেন মেরেমানুখ বলেছেন, তুমি ও কথা মুখে আন? লোকের কাছে জ্বোচ্চার হব? সুনাম থাকলে খেটে খাওয়া চলবে। আর চলুক আর নাই চলুক, আমার বিশ্বাস করে মাল ছেড়ে দিয়েছে—বিশ্বাসঘাতক হব?

রমেশ। তা তো বটেই, তা তো বটেই, তবে একটা কথা, দরে না বিকুলে তো সব দেনা শোধ যাবে না।

যোগেশ। আমি সকলকে ডেকে বলি যে, আমার এই আওহাল, তোমরা সব আপনারা রয়ে বসে বেচে কিনে নাও। না রাজী হয়, জেল খেটে শোধ দেব। এখন আর আমার বিষয় না, পাওনাদারের; তাদের যেমন ইচ্ছে, তাই হবে। আমার সর্বনাশ হয়েছে বটে, কিন্তু বড় গন্না করে বলতে পারি, কখনো প্রবঞ্চনার দিক দিয়ে চলি নি। বারা প্রবঞ্চক, তারা কখন ব্যবসাদার হ'তে পারে না। বিশ্বাস ব্যবসার মূল, দেখছ না, আমাদের জাতে পরস্পর বিশ্বাস নাই, ব্যবসাতেও প্রায় কেউ উন্নতি লাভ ক'তে পারে না; লোকের বিশ্বাসভাজন হয়েছিলুম, তাইতে যা মনে করেছি, তাই করেছি; সে বিশ্বাস কখন' ভাঙ'বো না, এতে জেলে যাই, স্ত্রী রাঁধুনি হয়, ছেলে অনাহারে মরে, সেও ভাল।

রমেশ। আমিও তো তাই বলি, তবে মা বলছেন, এই জন্তাই শোনানিুম।

যোগেশ। মা বলুন, যিনি অধর্মে মতি দেবেন, তিনি মা'ই হ'ন আর বাপই হ'ন, তাঁর কথা শুন্তে নেই। তুমি আজ রাত্রিতেই ব্যাপারীদের ডাকাও, আমি একটা বিলি করি, তা নইলে হবে না।

রমেশ। কাল সকালে ডাকাব। দাদা, ময়রাদের একটা ছেলের ওলাউঠা হয়েছে, ব্র্যাণ্ডি একটু দিলে হয় না? আমার কাছে ওষুধ চাইতে এসেছে; আপনি ডাকলেন, চ'লে এসেছি।

যোগেশ। তা আমাদের ডাক্তারকে পাঠিয়ে দাও না।

রমেশ। কে ডাক্তার না কি একটু ব্র্যাণ্ডি খেতে বলেছে।

যোগেশ। তবে ডিম্পেন্ডারিতে লিখে দাও।

রমেশ। লিখে দিতে হবে না, আমার ঠেঁয়ে আছে, ওর তাপ দেবার জন্তে একটা এনেছিলাম; আমি দিয়ে আসিগে।

যোগেশ। শীগ্গির এস, আমি স্থির হতে পাচ্ছিনি, যা হয় একটা রাত্রেই শেষ করবো।

[রমেশের প্রস্থান।

পাঁচ জনে পাঁচ কথা বলবে, মন না মতিভ্রম, বিশেষ মা'র কথা ঠেলা বড় মুঞ্চিল।

(রমেশের পুনঃ প্রবেশ)

রমেশ। দাদা, এইটুকু দিই? না, আর একটু ঢালব?

যোগেশ। বেশী না হয়।

রমেশ। দাদা, আজ আমি ব্যাপারীদের খবর দিয়ে পাঠাই, কাল সকালে সব আসবে, আজ হিসাব পত্র মিলুচ্ছে, সকলে তো আসতে পারবে না।

যোগেশ। তা বটে, কিন্তু আজ আমার ঘুম হবে না।

[রমেশের মদের বোতল রাখিয়া প্রস্থান।

(যাদবের পুনঃ প্রবেশ)

কি রে যাদব, আবার এলি যে?

যাদব। বাবা, ঠাকুরমা কান্দছে।

যোগেশ। কেন রে?

যাদব। ছোট কাকা বাবু চোর হ'য়েছে, কাকী মা'র মাকড়ী নিয়ে গিয়েছে।

যোগেশ। সে কি? এ আবার কি সর্বনাশ! শেষ দশায় কি আমার এই হ'ল! আমার মনে মনে স্পর্ধা ছিল যে, পরিশ্রমে—চেষ্টায় সকলই সিদ্ধ হয়, সে দর্প চূর্ণ হ'ল। চেষ্টায় ব্যাক ফেল হওয়া রোধ হয় না, দরিদ্র হওয়া রোধ হয় না, ভাই চোর হওয়া রোধ হয় না, বৃদ্ধ মাকে বৃন্দাবনে পাঠান হয় না; চেষ্টায় কোন কার্যই হয় না। আমি আজীবন চেষ্টা কল্লেম, কি ফল পেলেম? চিন্তা! চিন্তা! চিন্তায় চিরকাল গেল!

যাদব। বাবা, তুমি কি কচ্ছে? আমার মন কেমন করে।

যোগেশ। করুক, আমার কি? আর কোন কথার তত্ত্ব করবো না, যা হয় হ'ক, আজ থেকে আমার চেষ্টা রহিত। এই যে সুরাদেবী! যখন রূপা ক'রে এসেছ, আমি পরিত্যাগ করবো না; আজ থেকে তোমার দাস! (মস্তপান)

যাদব। বাবা, কি কচ্ছে? আমার মন কেমন করে। তুমি অমন ক'র না।

যোগেশ। তুমি যাও, আমি তোমার বাবা নই। বিশ্বতি! বিশ্বতি!—আমায় বিশ্বতি দান কর!

যাদব। বাবা, তোমার অস্থখ হবে, ঠাকুর মা বলেছে, বোতল খেয়ে অস্থখ হয়েছে, আর খেয়ো না বাবা!

যোগেশ। যা তুই যা। আজ থেকে গা ঢেলে দিলুম, যে যা বনুক। লোকনিন্দা, কিসের ভয়?

(সুরেশের প্রবেশ)

সুরেশ। দাদাবাবু, কি কচ্ছেন?

যোগেশ। কে ও সুরেশ? যা খুসী কর তাই, আর তোমায় আমি কিছু বলবো না। নেচে বেড়াও, খালি আমোদ ক'রে বেড়াও, কিছু চেষ্টা ক'র না। আমি অনেক চেষ্টা ক'রে দেখেছি,—কিছু না, কিছু না, ঠেকে শিখেছি! আর কি ভাবি, যা হবার হবে, ক'দিক্ ভাববো? সব দিক্ ফাঁক! খালি জমাট নেশা চনুক।

সুরেশ। ও মা! শীগ্গির এস, দাদা আবার মদ খাচ্ছে।

যোগেশ। মাকে ডাকছি? ডাক, কিছু ভয় করিনি,

আর মাকে ভয় করি নি। আমি যে লক্ষীছাড়া! লক্ষীছাড়ার ভয় কি? কিছু ভয় নেই, বাস! যা, এই আংটিটে নিয়ে যা, দু-বোতল মদ নিয়ে আয়। এক বোতল তুই নিস, এক বোতল আমায় দিস।

(উমাসুন্দরীর প্রবেশ)

উমা। ও বাবা যোগেশ, আবার কি সর্কনাশ কচ্ছে?

যোগেশ। কিছু না, তুমি যাও মা, ঘুমের ওষুধ খাচ্ছি।

(মৃগুপান)

উমা। ও সুরেশ, দাঁড়িয়ে দেখছিস কি? কেড়ে নেনা।

যোগেশ। খবরদার,—মারুডালেগা।

(রমেশের পুনঃ প্রবেশ)

উমা। ও রমেশ, যোগেশ কি সর্কনাশ করে দেখ।

রমেশ। মা, তুমি স'রে যাও, স'রে যাও; যত মানা করবে, তত বাড়াবে, মাতালের দশাই ওই!

যোগেশ। বাড়াবই তো! ভয় কিসের? ত্রিশ বৎসর ভয় ক'রে চলেছি, লোকনিন্দে? বড় বয়েই গেল!

রমেশ। ও সুরেশ, মাকে নিয়ে যা; আমি দাদাকে ঠাণ্ডা কচ্ছি। যত ধাঁটাবি, তত বাড়াবে। বাদবকে নিয়ে যা।

সুরেশ। আয় বাদব আয়, মা এস।

উমা। ওরে আমার কি সর্কনাশ হ'ল রে!

রমেশ। মা চেষ্টাও না, চারিদিকে শত্রু হামুছে।

সুরেশ। চল মা চল, মেজদাদা ঠাণ্ডা ক'রবে এখন।

রমেশ। যাও, ওখানে দাঁড়িয়ে রইলে কেন?

[সুরেশ, বাদব ও উমাসুন্দরীর প্রস্থান।

দাদা, তুমি তো খুব খেতে পার?

যোগেশ। হাঁ, বিশ বোতল খাব। যা, আর দু-বোতল নিয়ে আয়।

রমেশ। গেয়ে ঠিক থাক, তবে তো—

যোগেশ। ঠিক আছি, বেঠিক পাবে না। তবে কি জান, বড় সর্কনাশ হয়েছে, প্রাণটা কেমন কচ্ছে, তাই খাচ্ছি, মাতাল হই নি।

রমেশ। হয়েছে বৈ কি।

যোগেশ। চোপ্‌রাও!

রমেশ। চোপ্‌রাও?—কৈ লেখ দেখি?

যোগেশ। আচ্ছা, দাও দোয়াত কলম দাও।

রমেশ। অগন লেখা না, ঠিক সই কতে পার, তবে—

যোগেশ। ঠিক করবো; দাও।

(রমেশের কলম, দোয়াত ও কাগজ প্রদান)

(সই করিয়া) বাঃ! বাঃ! কেয়া জ্বর সই হয়!

শুধু সই? সই-মোহর করে দিই, আন।

রমেশ। কই দাও। (মোহর প্রদান)

(যোগেশের মোহর করণ)

(স্বগত) একটা কাজ তো হলো, রেজেস্ট্রী করি কি করে? দেখা যাক।

যোগেশ। কি, কি, কি ভাবছ? কাজ গুছিয়েছ; আমি বুঝতে পেরেছি। যা খুসী কর, আমায় মদ দাও।

(উমাসুন্দরীর পুনঃ প্রবেশ)

উমা। ও রমেশ, এখনও যে ঠাণ্ডা হ'ল না?

রমেশ। আবার এয়েছ? তোমরা যা জান কর, আমি চলুম।

[রমেশের প্রস্থান।

যোগেশ। মা, তুমি মানা ক'তে এয়েছ? আর মদ খাব না, কেন খাব না? এই যে ত্রিশ বৎসর খেটে মলুম—কেন? কি কাজ ক'লুম? তুমি বুড়ো মা, আজন্ম বাদীর মত খাটলে, তোমার কি ক'লুম? পরের মেয়ে যে ঘরে এনেছিলে, যে বাদীর অধম হয়ে সংসার ক'লে, তার কি ক'লুম? একটা ছেলে—তার ছিলে কি রাখলুম? ভাইটে চোর হলো, তার কি ক'লুম? রমেশ মাতাল দেখে সই ক'রে নিয়ে গেল। কে জানে কিসে—চেষ্টা করে তো এই ক'লুম! মনে কচ্ছে, মাত্‌লামো ক'চ্ছি?—না মনের দুঃখে বলছি, বলতে বলতে আগুন জ'লে ওঠে, জল দিই—(মৃগুপান) মা, তুমি কিছু বলো না, তোমার বড় ছেলে আজ মরেছে!

[যোগেশের প্রস্থান।

উমা। ও বাবা, কোথায় বাস—ও বাবা কোথায় বাস? ও সুরেশ, তোর দাদাকে দেখ।

[উমাসুন্দরীর প্রস্থান।

দ্বিতীয় অঙ্ক

—***—

প্রথম পর্ভাঙ্ক

বোগেশের বাটার চক

ব্যাঙ্কের দেওয়ান ও রমেশ।

দেওয়ান। রমেশ বাবু, আপনার দাদা কোথা ?

রমেশ। তাঁর ভারি অসুখ, তিনি গুয়ে আছেন।

দেও। ডাকুন, ডাকুন, শুনলে অসুখ ভাল হয়ে বাবে ;
আই ব্রিং গুড নিউস্ (I bring good news.)।

রমেশ। ডাকবার বো নেই ; কাল মুর্ছা গিয়েছিলেন,
ডাক্তার বিশেষ করে বারণ করে দিয়েছে, কোন রকম
এক্সাইটমেন্ট (excitement) না হয়।

দেও। বটে, তা হ'তেই তো পারে, বড্ড শক্ (shock)
টা লেগেছে। তা আপনাকেই বলে যাচ্ছি, আপনারা ডেস্-
পেয়ার (despair) হবেন না, কালকে লেটেস্ট প্রাইভেট
টেলিগ্রাম টু এজেন্ট (Latest private Telegram to
agent)য়ের কাছে এসেছে,—দি ব্যাঙ্ক মে রিকভার (The
Bank may recover)। বোধ করি, দিন পোনেররই
ভেতর ফের পেমেন্ট (payment) আরম্ভ হবে, কেউ এ
খবর জানে না, সেক্রেটারি (Secretary), আমি আর
আপনি এই শুনলেন, আপনার দাদা আমার ইন্টিমেট ফ্রেন্ড
(intimate friend) তাঁর মাইণ্ড (mind) টা কতকটা
রিলিভ্ (relieve) করবার জন্তে এসেছিলাম।

রমেশ। এ খবর তো তাঁকে এখন দিতে পারবো
না, বেশী এক্সাইটমেন্ট (excitement) হবে, তাঁর হার্ট
অ্যাফেক্ট (heart affect) করেছে কি না।

দেও। নেভার মাইণ্ড (Never mind)! আপনি
জেনে থাকুন, দিন পনের না দেখে কিছু নূতন অ্যারঞ্জমেন্ট
(arrangement) করবেন না। ইট ইজ্ অল্মোস্ট সারটেন্
ছাট উই উইল রিকভার (It is almost certain
that we will recover)।

রমেশ। থ্যাঙ্ ইউ, মাচ্ ওয়াইজ্ ড ফর্ ইয়োর

ইনফরমেশন। (Thank you, much obliged for
your information)

দেও। আমি বড় ব্যস্ত আছি, সকাল সকাল বেরুতে
হবে। চমুম, গুড মর্নিং (Good morning)।

রমেশ। গুড মর্নিং (Good morning)।

[দেওয়ানের প্রস্থান।

ইস্। আজ না রেজেষ্টারি করে নিতে পারলে তো নয়।
দাদার সঙ্গে দেওয়ান ব্যাটার দেখা হ'লেই সব দিক মাটা!
আজ যদি রেজেষ্টারি না ক'তে পারি, আর ব্যাঙ্ক যদি পে (pay)
করে, সুরেশের ওয়ান-থার্ড শেয়ার (One-third share)
তো বাগিয়ে নিতেই হবে। যদি দাদা টের পায় ? টের পায়,
টের পাবে। আমার ওয়ান-থার্ড (One-third) কে ঘুচ'বে?
জয়েন্ট হিন্দু-ক্যামিলি (joint Hindu family)। আমি
মাকড়ি চুরির নালিসটে আধারে টিল ফেলেছিলাম। দেখছি,
এটা কাজে আসবে, ওর ঠেয়ে ওর শেয়ার (share)টা
গিথিয়ে নেবার সুবিধে হ'তে পারে, জেলের ভয়ে লিখে দিলেও
দিতে পারে। দিক না দিক, নাড়া দেওয়া উচিত। এই যে
কাঙ্গালী—

(কাঙ্গালীর প্রবেশ)

কাঙ্গালী। আমায় ডেকেছেন কেন ?

রমেশ। দেখ, আমি মাকড়ি চুরি গিয়েছে বলে পুলিশে
জানিয়ে এসেছি। কে ক'রেছে, কি বৃত্তান্ত, তা কিছু বলিনি।
তুমি এখন গিয়ে ইনফরমেশন (information) দাও যে,
অন্নদা পোদারের হোথা মাল আছে, পুলিশ সন্ধান করে বার
ক'বে। আর অন্নদাও সুরেশের নাম ক'বে। তুমি আজ
তোমার স্ত্রীকে দিয়ে বোগাড় ক'রে সুরেশকে বাড়ীতে আটক
কর।

কাঙ্গালী। আর ওতো মর্টগেজ (mortgage) করে
নিচ্ছেন, আর সুরেশকে আটক করে কি দরকার ? মর্টগেজ
হ'লে তো আর ওর ওয়ান-থার্ড শেয়ার (One-third share)
থাকছে না যে, ভয় দেখিয়ে লিখে নেবেন ?

রমেশ। না, তবু লিখে নেওয়া ভাল।

কাঙ্গালী। মর্টগেজ যদি মাজস্ প্রমাণ হয় ?

রমেশ। এতো আমি আপনার নামে ক'রিনি।

কাঙ্গালী। তবে কার নামে ?

রমেশ। তবে আর তোমায় অ্যাসাইনমেন্ট (assignment) কাপি ক'ত্তে ব'লেছি কি? এ সব হ্যান্ডাম মিটে যাক, এক ব্যাটাকে শালের জোড়া টোড়া পরিয়ে অ্যাসাইনমেন্ট সই ক'রে রেজেষ্টারি ক'রে নেব।

কান্দালী। কার নামে মর্টগেজ ক'রলেন, রেজেষ্টারি ক'রে দেবে কে?

রমেশ। এটা আর বুঝতে পারলে না? মর্টগেজ রাখছে মুল্লুকচাঁদ ধুবুরিয়া, বাড়ী এলাহাবাদ; যে হয় এক ব্যাটা খোঁটা একশো টাকা পেয়ে মুল্লুকচাঁদ ধুবুরিয়া হবে এখন, সে জন্তে ভাবিনি, যা হয় ক'রবো। এখন আজকে রেজেষ্টারি ক'রে নিতে পারলে হয়। একটা ত্রাণী, পোটের মতন লাল রঙ ক'রে রাখবো, একটু লাল রঙ পাঠিয়ে দিও তো। থাকুক একটা, দাদার খোরারির মুখে পোট ব'লে দিলে চলতে পারবে।

কান্দালী। আপনি বেশ ঠাউরেছেন, আমার একটা বগাটে ভাগ্নে পশ্চিমে ছিল, ঠিক হিন্দুস্থানীর মতন চাল-চলন। সে কিছু টাকা পেলেই আবার পশ্চিমে চ'লে যায়, তাকেই মুল্লুকচাঁদ ধুবুরিয়া সাজান বাবে।

রমেশ। সে পরের কথা পরে, পুলিশে জানিয়ে এস গে।

কান্দালী। যে আজ্ঞে।

[কান্দালীর প্রস্থান।

রমেশ। এখন পীতাম্বরে ব্যাটাকে হাত ক'ত্তে পারলে হয়।

(পীতাম্বরের প্রবেশ)

পীতা। ছি ছি ছি! কি আক্কেল! মেজবাবু, কোথায় ঘরের কলঙ্ক ঢাকবেন, না ব্যাপারীদের সামনে বল্লেন কি না, বাবু মদ খেয়ে প'ড়ে আছেন।

রমেশ। ও সব না ব'লে কি রক্ষায় রাজী ক'ত্তে পারতুম? ব্যাপারীরা যদি দেখে, দাদা ঘর-বাড়ী বেচে দেনা দিতে রাজী, তা হ'লে কি এক পয়সা কমাতে চাইবে? মর্টগেজ দেখেও নরন হ'ত না, পাকা কলা পেয়ে বসতো। তুমি তো বোঝ না, ব'লতো টাকা দাও, নইলে জেলে দেব। দাদাও বিষয় বেচে দিতেন। রক্ষা হয় কিসে বল দেখি?

পীতা। তাই ব'লে কি দেশ জুড়ে বাবুর কলঙ্কটা কল্লেন? এ ছাইয়ের বিষয় থাকলেই বা কি, না থাকলেই বা

কি—যখন মান গেল, জোচ্চোর ব'লে গেল, মাতাল জেনে গেল! আমি বড়বাবুকে তুলি গে; তুলে বলি যে, মেজবাবু এই ক'রে বিষয় বাঁচাচ্ছেন।

রমেশ। পীতাম্বর, তুমি দাদাকে না মেরে আর নিশ্চিন্ত হ'চ্ছ না। তুমি বুঝতে পাচ্ছে না, দাদা টাকার শোকে মদ খাচ্ছেন। আমি বিষয় বাঁচাচ্ছি মাঝে? আজ দেখ'চো এই,—যে দিন বাড়ী বেচে ভাড়াটে বাড়ীতে যাবেন, সেই দিন গলায় দড়ি দেবেন। মাতাল বলে—মদ ছাড়লেই গেল, জোচ্চোর বলে—দেনা দিলেই ফুরলো; সব ফিরে পাওয়া যায়, প্রাণ গেলে তো আর প্রাণ কির্বে না! পীতাম্বর, তা তোমার কি বল,—তোমার তো মার পেটের ভাই নয়, তোমার এক চাকরী গেল, আর এক চাকরী হবে। তুমি ধর্ম্মতঃ বল দেখি, দাদাকে অমন বেহেড্ কখন দেখেছ কি? এ টাকার শোকে না কি?

পীতা। আপনি মাতাল ব'লে পরিচরটা দিলেন কেন?

রমেশ। মনের ছুঃখে বেরিয়ে গেল পীতাম্বর! আমাতে কি আর আমি আছি? আমি মর্মে ন'রে গেছি! তোমায় বলছি, কথা শুন,—দাদা জিজ্ঞাসা ক'রলে বলবো, সবাই কিস্তিবন্দীতে রাজী হ'য়ে গিয়েছে। তুমিও বল, হ্যাঁ।

পীতা। আজ যেন বল্লুম, তারপর?

রমেশ। আজ বিকেলে সব বেটাকে রাজী ক'রবো—কেন ভাব'ছ!

পীতা। যা ভাল হয় করুন, দেড় লাখ টাকা পাওনা, পাঁচ হাজার টাকা দিতে চাচ্ছেন, আমার তো বোপ হয় হবে না।

রমেশ। পীতাম্বর, তোমার কাছে এই ভিক্ষা, আমি যা বলি, শুনো,—দাদার প্রাণটা রক্ষা কর, দাদাকে বাঁচাতে পারলে সব বজায় থাকবে।

পীতা। তা সত্য, টাকার শোকেই এ চলাচলিটা হ'ল। তা মেজবাবু, না ব'লেই হ'ত, মাতাল জেনে গেল, কথাটা ভাল হ'ল না।

রমেশ। তুমি একটা উপকার কর, ঐ মদনা পাগলার কথা না শোনেন; ওকে দিয়ে মাকে বলাও, যেন দাদাকে বলেন, রেজেষ্টারি ক'রে দিতে। একবার রেজেষ্টারিতে ক'ত্তে পারলে বুঝতে পারি, ব্যাপারীব্যাটারা রাজী হয় কি না।

পীতা । আমি বলাচ্ছি, কিন্তু গিন্নী মা বললেও বড়বাবু রাজী হবেন না ।

রমেশ । চেষ্টা তো ক'ত্তে হয় ।

[পীতাশরের প্রস্থান ।

বড় বৌ, বড় বৌ !—

(জ্ঞানদার প্রবেশ)

জ্ঞানদা । কি গা ?

রমেশ । এই দিকে এস না ।

জ্ঞানদা । কি বলবে বল না ? ওখানে গেলে বকেন ।

রমেশ । এখানে আর কেউ নেই, শোনো,—বড় বৌ, বিষয় যাক্, সব যাক্, আমি ভাবিনি, সংসারের জন্তেও ভাবিনি ; আমি মোট ব'য়ে সংসার ক'রবো ; কিন্তু দাদাকে বাঁচাই কিসে ? দেখছো তো শিবতুল্য মানুষ !—টাকার শোকে মদ খেয়ে চলার্লিটা ক'রেছেন । বলছেন, বাড়ী বেচে দাও । কিন্তু বড় বৌ, বাড়ী বেচলে আর দাদাকে পাব না, দম ফেটেই মারা যাবেন ।

জ্ঞানদা । তা ঠাকুরপো, আমি কি ক'রবো বল ?—আমার তো ভাই, আর হাত-পা আসছে না ।

রমেশ । না, এই সময় বুক বাঁধ, তুমি অমন ক'রলে আমরা ভাসব ।

জ্ঞানদা । আমি কি ক'রবো বল ? ঠাকুরপো, আমার ডাক ছেড়ে, কঁাদতে ইচ্ছা হ'চ্ছে । কাল সমস্ত রাত দুটি চক্ষের পাতা এক করিনি । ছেলেটা সমস্ত রাত ফুলে ফুলে কেঁদেছে—আর যদি ভাই, সে ছটফটানি দেখতে,—জল দাও, বুক যায় ! এই ভোর বেলা এক গেলাস জল পেয়ে ঘুমিয়েছে ।

রমেশ । এক উপায় আছে, যদি দাদাকে রেজেষ্টারী ক'রে দিতে রাজী ক'ত্তে পার, তা হ'লে সব দিক্ বজায় থাকবে ।

জ্ঞানদা । রেজেষ্টারী কি ?

রমেশ । বিষয়টা বেনামী ক'রছি ; সহীও করেছেন, রেজেষ্টারী ক'রে দিতে নারাজ হ'চ্ছেন । এ না ক'লে পাওনাদারেরা সব বেচে নেবে ।

জ্ঞানদা । দেনা শোধ হবে কি ক'রে ?

রমেশ । ব'য়ে ব'সে বন্দোবস্ত ক'রবো । এই নূতন

রাস্তাটা যাচ্ছে, অনেক বাড়ী পড়বে, বাড়ীর দর তিন গুণ হবে । খান দুই বাড়ী ছেড়ে দিলেই সব শোধ যাবে ।

জ্ঞানদা । ও দেনা রাখতে রাজী হবে না ।

রমেশ । উনি বলছেন তো, আবার টাকার শোকে মদও তো খাচ্ছেন, বাড়ী বেচে তা'র পর গলায় দড়ি দিয়ে ঝুলুন ।

জ্ঞানদা । আর বলো না ঠাকুরপো, আর বলো না !

রমেশ । তা শেওরালে হবে কি ? বাড়ী বেচলে একটা না একটা কাণ্ড হবে । মা অনুরোধ করুন, তুমি অনুরোধ কর, আমি অনুরোধ করি—

জ্ঞানদা । মাকে দিয়েই বলাই, আমায় ধমকে তাড়িয়ে দেবেন ।

রমেশ । মা থাকবেন, তুমিও থাকবে । যাও, মাকে বুঝিয়ে বল গে । দাদা উঠলে মাকে নিয়ে বেও, আমিও থাকব এখন ।

[জ্ঞানদার প্রস্থান ।

(নেপথ্যে ইনেস্পেক্টার ।) রমেশ বাবু, রমেশ বাবু—

রমেশ । কেহে, হাবুল ? এ দিকে এস ।

(মঙ্গলসিংহ জমাদার ও ইনেস্পেক্টারের প্রবেশ)

কি ? মাকড়ির কিছু তদন্ত হ'ল ?

ইনেস্ । ওহে সর্বনাশ !

রমেশ । সর্বনাশ কি ?

ইনেস্ । অন্নদা পোন্দারের দোকানে মাল ধরা পড়েছে, তাকে অ্যারেষ্ট (arrest) ক'রে এনে তদন্ত ক'রে দেখলুম, তোমার গুণধর ভাই স্বরেশ চুরি ক'রেছে !

রমেশ । সে কি ! স্বরেশ চুরি ক'রেছে ?

ইনেস্ । এ সাপে ছুঁচো ধরা হ'ল । কি করি বল দেখি ? পোন্দার ব্যাটাকে ছেড়ে দিলে তো ডিপুটী কমিশনারের কাছে রিপোর্ট ক'রবে ।

রমেশ । সে কি ! স্বরেশ চুরি ক'রেছে ? সে পোন্দার ব্যাটার দম ।

ইনেস্ । না হে—দম না, মঙ্গল সিংয়ের সামনে বাঁধা দিয়েছে । এ আজ কনুটোলার থানা থেকে এসেছে, নালিসের কথা কিছু শোনে নি । শুনেই বলে, স্বরেশ বাবু বাঁধা দিয়েছে । স্বরেশ বাবু না হ'লে যখনই বাঁধা দিতে গিয়েছিল, তখনই ধ'রতো । ওর ইউনিফর্ম (uniform)

ছিল না কি না, দাঁড়িয়ে শুনেছে, সুরেশ বলেছে, দাদার মাকড়ী বোকে ফাঁকি দিয়ে এনেছি।

জমা। হাঁ বাবু, সব সাচ্‌ হায়, হাম্‌ শুনা।

রমেশ। অ্যা! সর্বনাশের উপর সর্বনাশ! সুরেশ চোর হ'লো!

ইনেস্‌। এখন কিছু খরচ কর; রামা স্ত্রাকরা ব'লে এক ব্যাটা আছে, সে টাকাশো চার পাঁচ পেলে কবুল দেবে, বাস্ক ভেঙ্গে চুরি ক'রেছে। বল তো, আমি সেই ব্যাটাকে চালান দিয়ে মকদ্দমা সাজিয়ে দিই।

রমেশ। বল কি হাবুল! আমি একজন নির্দোষী লোককে সাজা দেওয়াব? আমার প্রাণ থাকতে হবে না। আই হাব টেকেন্‌ মাই ওথ টু এড্‌ জষ্টিস (I have taken my oath to aid justice.)।

ইনেস্‌। তবে উপায় কি?

রমেশ। লেট্‌ জষ্টিস্‌ টেক্‌ ইট্‌স্‌ কোর্স্‌ (Let justice take its course)। আমায় কিছু জিজ্ঞাসা ক'র না, যা জান কর।

ইনেস্‌। সে কি হে? মেয়াদ হ'য়ে যাবে!

রমেশ। লেট্‌ জষ্টিস্‌ বি ডন্‌, ওঃ হেল্প মি মাই গড (Let justice be done. Oh ! help me my God)! ওহো! হো হো হো!

জমা। (জনাস্তিকে) বাবু, মত্‌ লব হায়।

ইনেস্‌। দেখ্তা। তবে রমেশ বাবু, চল্লুম।

রমেশ। আর কি বলবো! ওহো হো হো হো!

জমা। বাবু, শালা বদ্‌মাস হায়!

[ইনেস্‌পেক্‌টার ইত্যাদির একদিকে ও
অপর দিকে রমেশের প্রস্থান।

দ্বিতীয় গর্ভাঙ্ক

যোগেশের ঘর

জ্ঞানদা ও যোগেশ।

জ্ঞানদা। অস্থ ক'রেছে, শোবে এস না, উঠলে কেন?

(রমেশের প্রবেশ)

রমেশ। দাদামশাই, গায়ে কাপড় দিয়েছেন যে, জর-ভাব ক'রেছে না কি?

যোগেশ। কে জানে ভাই, ঘামও হ'চ্ছে, শীতও ক'ছে।

রমেশ। সে কি! আমি ডাক্তার ডেকে আনি।

যোগেশ। দাঁড়াও, দাঁড়াও, ব্যাপারীদের সঙ্গে কি হ'ল বল?

রমেশ। আজ্ঞে, সব খবর ভাল—আমি এসে বলছি। ঘামও হ'চ্ছে, শীতও ক'ছে—এ কি!

[রমেশের প্রস্থান।

যোগেশ। বড় বৌ, কাছে এস; আমার যেন ভয় ভয় ক'ছে, যেন কে আশে পাশে র'য়েছে।

জ্ঞানদা। ও মা! সে কি গো?

যোগেশ। চট করে—না, কিছু না, ঝিম্‌ ঝিম্‌ ঝুম্‌ ঝুম্‌ ঝুম্‌—এ সব কি এ! এখনও কি নেশা র'য়েছে? মাথা টলছে, বুকটায় হাত দাও। বড় বৌ, কাল কিছু হ্যাঙ্গাম ক'রেছিলুম? কিছু মনে নাই।

জ্ঞানদা। না, কিছু কর নি, তুমি শোবে এস।

যোগেশ। না, চোখ্‌ বুজলে ভয় হয়, আমি ব'সে থাকি। শরীর ঝিমুচ্ছে! শরীর ঝিমুচ্ছে—

(নেপথ্যে রমেশ।) বড় বৌ, স'রে যাও, ডাক্তার বাবু যাচ্ছেন।

[জ্ঞানদার প্রস্থান।

(কান্ধালীকে লইয়া রমেশের প্রবেশ)

যোগেশ। ও বাবা! এ কে?

রমেশ। দাদা, আমি ডাক্তার এনেছি; মশাই দেখুন দেখি, ঘামও হ'চ্ছে, শীতও ক'ছে।

কান্ধালী। ইনি কি অ্যালকোহল (Alcohol) ব্যবহার করে থাকেন?

রমেশ। আজ্ঞে, একটু হ'য়েছিল।

কান্ধালী। তারই রি-অ্যাক্‌শান্‌ (reaction), আর কিছু না, ভয় নেই। আপনি যে ক'রে গিয়ে প'ড়লেন, আমি মনে ক'রলুম, অ্যাপোপ্লেক্‌সিস্‌ (Apoplexy) কি, কি হ'য়েছে, একটু মাইল্ড ডোজ (mild dose) য়ে খেতে দিন।

যোগেশ। না, মদ আর ছোঁব না।

কাকালী। হ্যা, তা আপনাকে একেবারে পরিত্যাগ ক'ন্তে হবে বৈ কি। রমেশ বাবু, বাড়ীতে কুইনাইন থাকে তো পোর্টের সঙ্গে একটু একটু দিন। রি-অ্যাক্সান্ (Reaction) টা বড় বেশী হয়েছে। মশাই, একটু ভয় ভয় ক'চ্ছে কি?

যোগেশ। আজ্ঞে, শরীরটে কেমন যেন ছম্ছমে হ'য়েছে।

কাকালী। হ্যা, কোলাপ্স (collapse) জানতে পারে। এক কাজ করুন, টুয়েল্ভ আউন্স পোর্ট, আর থ্রি গ্রেন কুইনাইন, (Twelve ounce port and three grain Quinine) সোডাওয়াটারের সঙ্গে মাঝে মাঝে একটু একটু দিন। বড় রি-অ্যাক্সান্ (reaction) টা হ'য়েছে। ভয় পাবেন না, সেরে যাবে, কিন্তু প্রতিজ্ঞা করুন, আর অ্যান্‌কোহল না ছোঁন।

রমেশ। তা ওষুধটা আপনার ঐখান থেকেই পাঠিয়ে দিন।

কাকালী। আচ্ছা, আপনার লোক পাঠিয়ে দিন।

রমেশ। আসুন।

[রমেশ ও কাকালীর প্রস্থান।]

যোগেশ। একটু পোর্ট খেলে বোধ হয় উপকার হবে। গা-গতর যেন লাঠিয়ে ভেঙেছে! এক ডোজ (dose) খেয়ে শুয়ে পড়'বো। মানুষটা বিজ্ঞ, ঠিক ধ'রেছে।

(জ্ঞানদার প্রবেশ)

জ্ঞানদা। হ্যা গা, ডাক্তার কি ব'লে গেল?

যোগেশ। ওষুধ পাঠিয়ে দেবে।

জ্ঞানদা। কোন ভয় নেই তো?

যোগেশ। না।

(রমেশের পুনঃ প্রবেশ)

রমেশ। দাদা, আমার ঠেয়েই আছে, একটু কুইনাইন আর সোডাওয়াটার দিয়ে খান, দু' ডোজ হবে, তার পর পাঠিয়ে দিচ্ছে। বড়বো, মাকে এই বেলা ডেকে আন।

যোগেশ। কি ব'ল'ছো?

রমেশ। ব'ল'ছি, ভয় নেই।

[জ্ঞানদার প্রস্থান।]

যোগেশ। হ্যা হে, ঐ ব্রাণ্ডীর গন্ধ যে?

রমেশ। এখনকার ঐ বেট পোর্ট (Best port)। দেখছেন না, একটু রঙেরও তফাৎ; এড'ভোকেট জেনারেল (Advocate General) যের জন্তে ফ্রান্স থেকে এসেছিল। আমি একটা নিয়ে এসেছিলাম, দু' একজন চেয়ে নিয়ে গিয়েছিল, আর এই টুকু আছে।

যোগেশ। খেতে একটু নেশাও হ'ল, কিন্তু ইমিজিয়েট রিলিফ (immediate relief) বোধ হ'চ্ছে, টেট (taste) ও ব্রাণ্ডীর মতন।

রমেশ। ব্রাণ্ডীর ও রকম রঙ হয় কি?

(জনৈক ভৃত্যের প্রবেশ ও ঔষধ দিয়া প্রস্থান।)

যোগেশ। কি রকম খেতে ব'লেছে?

রমেশ। মাঝে মাঝে একটু একটু খান, এই যে দু' শিশি ওষুধ পাঠিয়ে দিয়েছে, দেখুন ঠিক এক রকম রঙ, এই এখন চলিত হ'য়েছে।

যোগেশ। ব্যাপারীদের কি হ'ল?

রমেশ। আজ সে কথা থাক, আপনার শরীর অস্থখ।

যোগেশ। না, সে কথা না শুনলে আমার আরও অস্থখ বাড়বে।

রমেশ। ব্যাপারীদের কথা তো—টা কা চায়। আপনার অস্থখ, আমরা তো ঘরোয়া একটা পরামর্শ করি নি।

যোগেশ। আর পরামর্শ কি, বেচে কিনে তো দিতে হবে, একটা সময় নাও।

(জ্ঞানদা ও উমাসুন্দরীর প্রবেশ)

রমেশ। বো, দাদা ব'লেছেন, সব বেচে কিনে ব্যাপারীদের দাও। মাস দুই বাদে বেচলে তিন গুণ দর হ'ত, চাই কি, খান দুই বাড়ী বেচেই সব দেনা শোধ যেতো; তা ওঁর সাগরী উনি বেচতে চাচ্ছেন, তা আমি কি ব'ল'বো বল?

জ্ঞানদা। হ্যা গা, কেন, দু' দিন তর নেই? সব তাড়াতাড়ি! সাত গুণীকে পথে বসাবে কেন বল দেখি?

উমা। বাবা যোগেশ, আমারও ইচ্ছে, রয়ে বসে বেচা। ছেলেটা পুলেটা হ'য়েছে, ঐ অপোগও ভাইটে, আমি কুফা মা,—এ বয়সে কোণায় বাড়ী ভাড়া ক'রে থাকবো বল?

যোগেশ। মা, তুমিও ঐ কথা ব'ল'ছো?

উমা। বাবা, মাঝে ব'ল'ছি, দু'দিন বাদে যদি

ভদ্রাসনটা থাকে ; ব্যাপারীদের টাকা হুদ ধরে দিলেই হবে।

রমেশ। তা বৈ কি, আমি টুয়েলভ পারসেন্ট (Twelve Percent) যের হিসাবে দেব।

যোগেশ। রমেশ, তোমারও কি ঐ মত ?

রমেশ। দাদা, সাথে মত ! কোণায় যাই বনুন দেখি, বুড়ো মাকে নিয়ে আজ কার দ্বারস্থ হব ? যাদবের কি হবে ? ঐ স্বরেশটার কি হবে ? এমন নয় যে কারকে বঞ্চিত ক'চ্ছি, দু'দিন আশু আর পিছু।

যোগেশ। ব্যাপারীরা থামবে ?

রমেশ। কৌশল ক'রে থামাতে হবে।

যোগেশ। কৌশল কি ? সোজায় বল, থামে—আমার আপত্তি নেই, আমি কৌশল ক'ত্তে চাই নি।

রমেশ। তবে মা, আমি কি ক'রবো বল ? ব্যাপারীরা যদি টের পায়, দাদা বেচে দিতে ব'লছেন, তারা ব'লবে আজই বেচ। আর বেচতেই যে যাচ্ছেন, তাও কিছু একদিনে হয় না। কেউ কেউ বদমায়েসী ক'রে একটা অ্যাটাচমেন্ট (Attachment) বা'র ক'ত্তে পারে, তার পর তারে বোঝাও সোঝাও, তার মন নরম কর, না হয় ডিগ্রী ক'রে কোর্ট থেকে আধা কড়িতে বেচে নেবে।

যোগেশ। কি কৌশল ক'ত্তে বল ?

রমেশ। আমি পীতাম্বরের সঙ্গে পরামর্শ ক'রেছি, সে ঠিক ঠাওরেছে। সে বলে, বেনামী করুন।

যোগেশ। কি, বেনামী ? এ তো জুচ্চুরি !

রমেশ। দাদা, জুচ্চুরি না ক'রলে জুচ্চুরি ! এই যে বা'র নামে বাড়ী ক'রেছেন, বৌ কি টাকা দিয়েছিল, না আপনার রোজগার ? এও বনুন জুচ্চুরি ! আপনি বলবেন, আমি রোজগার ক'রে দিয়েছি। ঐ স্বরেশটা বদমায়েস, ও যদি বলে, জয়েন্ট ফ্যামিলি (Joint family)—দাদা আমাদের ফাঁকি দেবার জন্য ক'রেছেন। বনুন, এত দিন আমাদের খাওয়ালেন, পরালেন, বনুন জুচ্চুরি করেছেন।

যোগেশ। হুঁ ! (মন্তপান)

উমা। ও কি খাচ্ছ ?

রমেশ। ও ওষুধ। তা দাদা, আমার জেলে দেন দিন ; সর্বস্ব যাবে, আমি প্রাণ থাকতে দেখতে পারবো না। যেদো ভিথিরী হবে, বৌ রাঁধুনী হবে,—মাকে আবার আমার বাড়ী

রেখে আসবো, তা আমার প্রাণ থাকতে হবে না। আমি বলছি, কাল রাতে আপনার কাছ থেকে মর্টগেজ (mortgage) লিখিয়ে নিয়েছি, রেজিষ্টার (Registrar) ডাকিয়ে আনি, আপনি বনুন মিছে, আমার বাঁধিয়ে দিন, আপদ চুকে যাক ; স্বীপান্তর যাই, এ সব দেখতেও আসবো না, ব'লতেও আসবো না। দেখ দেখি মা, দু'দিন তর নাই। ঠর মা ব'লছে, স্ত্রী ব'লছে, পুরাণো চকর পীতাম্বর—সে ব'লছে; আধা কড়িতে সর্বস্ব বেচবেন, আর দেনাদার হ'য়ে থাকবেন।

যোগেশ। রমেশ, রমেশ, শোন শোন—আমি সই ক'রেছি ?

রমেশ। আজ্ঞে, আপনি ক'রেছেন কি—আমি সই করিয়ে নিয়েছি, আমি তো ব'লছি।

যোগেশ। তবে জোচ্চোর হ'য়েছি।

উমা। বাবা যোগেশ, আমার এই কথাটা রাখ, আমি তোরে গর্ভে ধ'রেছি, তোর মাতৃঋণ শোধ হবে, এই কথাটা রাখ ; রমেশ যা ব'লছে শোন, তোমার ভাল হবে। এই দেখ দেখি বাবা, তুমি টাকার শোকে মদ খেয়েছ ; যখন বাড়ী বেচে যাবে, তখন কি আর তোমায় তুমি থাকবে ? তুমি জান, আমি ঋণ কত ডরাই ! আমি তোমার ভালর জন্য বলছি, ছুদে আসলে কড়ায় গণ্ডায় শোধ দিও। আজ দিচ্ছ, না হয় কাল দেবে।

রমেশ। মা, ঋণশোধ যাচ্ছে কৈ ? তা হ'লেও তো বুঝ তুম, মোট ব'য়ে সংসার চালাতুম।

যোগেশ। মর্টগেজ (mortgage) কি ব্যাপারীদের দেখিয়েছ ?

রমেশ। দেখিয়েছি, না দেখালে আজ সাতখানা এনতা-কাল এসে পড়তো।

যোগেশ। তবে তো কাজ অনেক এগিয়েই রেখেছ। ভাই, একটা কথা আছে, 'বিষম সমস্যা' তার মানে আমি বুঝতুম না—আজ বুঝলুম, আমার বিষম সমস্যা ! মার অনুরোধ, স্ত্রীর অনুরোধ ; হয় ভাই জোচ্চোর, নয় আমি জোচ্চোর, তা একজনের উপর দিয়েই স'ক ! কুনাম র'টেতে দেরি হয় না, মাতাল নাম র'টেছে, এতক্ষণ জোচ্চোর নামও বাজলো। মা, তুমি জান, ছেলেবেলা থেকে আমার উপর দিয়ে অনেক সয়েছে ; আজও স'ক। 'বড় বৌ, খুব কোমর

বেঁধে এসে দাঁড়িয়েছ,—জুঁজুরি ক'রে বিষয় রাখবে। পার ভাল, আমি বাধা দেব না। আগার—আমার সব ফুরিয়েছে! যখন সুনাম গেছে—সব গেছে, আর কিসের টানাটানি? আর মমতাই বা কিসের? ভায়া তো রেজিষ্টারি করবার জন্য দাঁড়িয়ে আছে; চল, 'শুভশ্রী শীঘ্রং'। আমি কাপড় ছেড়ে আসি, পথে শিথিয়ে দিও, কি বলতে হবে। মা, তোমার না ওষুধ নিয়ে ছেলে হ'য়েছিল? বেশ ওষুধ নিয়েছিলে,—একটি মাতাল, একটি জোচ্চোর, একটি চোর।

রমেশ। দাদা মশাই, কি বলছেন?

যোগেশ। আর 'দাদা মশাই' না, ভয় নেই—আর আমি কথা ফেরাচ্ছি নি, রেজিষ্টারি ক'রে দেব, ভয় নেই। বড় বোঁ, আমি বলেছিলুম, দিনকতক নিশ্চিন্ত হব, তার দেরি ছিল; কিন্তু তোমরা আজ আমার নিশ্চিন্ত ক'রলে।

জ্ঞানদা। অমন ক'রছো কেন? তোমার মত হয়, বেচেই দাও।

যোগেশ। আর গোড়া কেটে আগার জল কেন? সুনাম খুইয়েছি! সুনাম খুইয়েছি! জীবনের সার রত্ন হারিয়েছি! পিতৃবিয়োগে দরিদ্র হ'য়েছিলুম, কিন্তু পরেশমণি সুনাম ছিল; সেই পরেশমণি যাতে ঠেকেছে, সোণা হয়েছে—সে রত্ন আর আমার নেই! চল রমেশ, তবে তয়ের হও।

[যোগেশের প্রস্থান।

উমা। না বাবা রমেশ, ও বেচে কিনেই দিক্।

জ্ঞানদা। ঠাকুরপো, ও যখন অমন ক'রছে—

রমেশ। মা, ছেলেটির মাথা না খেয়ে আর নিশ্চিন্ত হ'চ্ছে না, বেচে কিনে দিয়ে গলায় দড়ি দিক্, এই তোমার ইচ্ছা! যাও, তোমাদের কথা আমি শুনি নি, যেদোকো আমি ভাসিয়ে দিতে পারবো না। আমি পই পই ক'রে বারণ ক'রেছিলুম, দাদা,—ও ব্যাঙ্কে টাকা রেখে না, শুলেন না। ঔর কি এখন বুদ্ধিভক্তি আছে যে, ঔর কথা শুনতে হবে? কত দুঃখে রোজগার হয়, তা ত কেউ জানো না, তা হ'লে বুঝতে, মাহুটটার প্রাণে কি ঘা লেগেছে! এই ডাক্তার ব'লে গেল কি, রমেশ বাবু সাবধান! যে ঘা লেগেছে, হঠাৎ একটা ধারাপ হ'তে পারে। সর্বস্ব খোয়াবেন, আবার জেলে যাবেন, আবার ঋণকে ঋণ রইলো, এই কি তোমাদের ইচ্ছা? আঃ! আমার মরণ নেই!

উমা। বাবা, রাগ করিসনি, রাগ করিসনি।

জ্ঞানদা। ঠাকুরপো, দেখ, ও বড় অভিমানী।

রমেশ। এই আমিও তাই বলি, উঁচু মাথা হেঁট হবে, পাঁচজন হাম্বে, তা হ'লে কি বাঁচবে?

[সকলের প্রস্থান।

তৃতীয় গর্ভাঙ্ক

কান্দালীর বাড়ীর উঠান

সুরেশ ও শিবনাথ।

সুরেশ। বিদ্যাধরি, বিদ্যাধরি, দোর খোলো—

(জগমণির প্রবেশ)

জগ। কে ও—সুরেশ! আমি এই বিল সেধে টাকা নিয়ে এলুম। এই নাও, এই পাঁচ টাকার নোটখানা নাও।

শিব। কে বাবা, তোমার এ মহাজন কে বাবা! (জগমণির প্রতি) লক্ষী, আপনি অপরাধী কি কিম্বরী? আ মরি মরি! চাপকানের কি বাহার হ'য়েছে! আবার এই যে তকমা দেখছি! বিবি, পাগ্‌ড়ীটে পর, কি বাহার দেখি; সুরেশ, এ হিজড়ে বেটীকে পেলি কোথা?

সুরেশ। চল চল, মজা আছে, মদন দাদা এসেছে?

জগ। সে অনেকক্ষণ ব'সে আছে।

সুরেশ। শিবে, সে বেটীরা পেছিয়ে পড়লো নাকি?

শিব। পেছিয়ে পড়বে কেন? ঐ যে সিন্ধেশ্বরীর বাচ্ছা দেখা দিয়েছে! কিন্তু বাবা, তুমি যে পেটেন্ট বার করেছ, বলিহারি যাই।

জগ। কি বলছ, পাঁঠা? আমি পাঁঠা বেঁধে রেখেছি, আমোদ ক'রবে ব'লে গেলে—

সুরেশ। বিদ্যাধরি, আজ ব্যাপারটা কি? না চাইতে চাইতেই টাকা, পাঁঠা বেঁধে রেখেছ,—আজ গলায় ছুরি দেবে, না বাঁধিয়ে দেবে?

জগ। চোপ শূয়ার!

শিব। বাঃ—বাঃ, বুলিদাম!

জগ। এ ইষ্টুপিড কে?

শিব। ফের জিতা, পড় বাবা পড়—

জগ। চোপ! কাণ ম'লে দেব।

শিব । এ কে বাবা ?—“দিনেতে অশ্বিনী হ’ত, রেতে কামিনী !”

(খেম্টাওয়ালীঘরের প্রবেশ)

বাবা মেয়েমানুষ, দেখ, মনে ক’রেছ, তোমরাই চেহারাভাজ, তোমাদের বাবার বাবা দাঁড়িয়ে !

জগ । যা যা, ভেতরে যা, আমোদ ক’বু গে যা ।

শিব । রূপসি, তুমি না এলে রাজচটক হবে না ।

জগ । আমি যাচ্ছি, তোরা যা, আমার একটু কাজ আছে ।

শিব । রূপসী, এস, মাথা খাও, তা নইলে এক তিল আনোদ হবে না ।

স্বরেশ । আরে আয় না, এর চেয়ে মজা হবে আয় ।

শিব । হ্যাঁরে, তুই বলিস্ কি, এর চেয়ে মজা হয় । আমি আধ ঘণ্টায় ভদ্রী ঠাওর ক’ত্তে পারলেম না । যেন কামিখের হিজ্ড়ে ডা’ন । রূপসি, গাছচালা জান ?

স্বরেশ । আয় না, আর এক চেহারা দেখ’বি আয় না ।

শিব । বাবা, এর উপর যদি তোমার ফরমেসে চেহারা থাকে, তা হ’লে তুমি হোসেন খাঁ । সব ক’ত্তে পার, ইচ্ছের শচী আনতে পার ।

স্বরেশ । আয়, মজা দেগ’বি আয় ।

শিব । রূপসি, ভুলে থেকো না, আমোদ হবে না, তোমার নাচ দেখতে হবে ; এস হে ।

১ম খেম্টা । হ্যাঁ মিতে, ওকি দাড়ি-গোঁপ কামিয়েছে ?

শিব । এই মুকুন্ডিকে জিজ্ঞাসা কর, আমি তবু পাইনি বাবা !

[জগমণি ব্যতীত সকলের প্রস্থান ।

জগ । মড়ারা সব ম’রেছে ! কারুর দেখাটা নেই । ওদের ইয়ারের মন, এ কোটরে যদি না ট’য়াকে, তা হ’লে তো ফস্কালো ; কাজ করে—তার বাঁধন নেই ।

(জনৈক দরোয়ানের প্রবেশ)

তোম কে হয় ?

দরো । বাবু ঘরমে আছে ?

জগ । কেন ?

দরো । ভিতরে যাব, একঠো কথা আছে ।

জগ । কি কথা আছে, হাম লোককো বল ।

দরো । আরে এতো বড় বামিল ! তোম নোকর:হায়, তোমসে ক্যা বোলে ?

জগ । নোকর হায় তো কি ছয়া হায় ? কোন্ বাবুসে কথাবাত্তা হায় ?

দরো । জগ বাবুসে ।

জগ । হাম লোক হ’চ্ছি জগ বাবু ।

দরো । আরে ! এ আওরাং ক্যা চাপরাঙ্গী !

জগ । তুমি তো সন্ধান নিতে আয়া হায়, স্বরেশ বাবু আয়া কি না ?

দরো । আরে, এ তো ঠিক ছয়া, আওরাং তো বাবু বনু গিয়া । বাঙ্গালা কা বহুং তামাসা, সেলাম, বাবু সেলাম !

জগ । বাত্কা জবাব দিতে পারতা নেই ?

দরো । হাঁ হাঁ, ওহি বাত ।

জগ । তুমি যাও, পোড়ারমুখো মিন্‌সেকে জল্দী করুকে পাহারাওয়ালো নিয়ে আসতে বল ।

দরো । সেলাম বাবু সাব ।

[দরোয়ানের প্রস্থান ।

(মদন ঘোষ, স্বরেশ, শিবনাথ ও খেম্টাওয়ালীঘরের পুনঃ প্রবেশ)

শিব । ছিঃ বিদ্যাপরি ! এমন ফাঁকা জায়গা থাকতে অমন কোটরে জায়গা ক’রেছ ?

জগ । তা এইখানেই ব’স—তা এইখানেই ব’স । আমি আসছি, এইখানে একটু কাজ সেরে আসছি ।

শিব । দোহাই সুন্দরী ! অনাথ হব—অনাথ হব !

জগ । আমি এলুম ব’লে ।

[জগমণির প্রস্থান ।

স্বরেশ । মদন দাদা, এই ত সব ক’নে এনে হাজির ক’রেছি, একটা পছন্দ ক’রে নাও ।

মদন । কই—কই ? তা ভাই, তোমরা ক’বুবে না তো ক’বুবে কে ? যাকে হয় দাও, যাকে হয় দাও ; কি জান, বংশরক্ষা—বংশরক্ষা—

স্বরেশ । মদন দাদা, গোটা ছুই বে কর, কি জানি, একটা যদি বাঁজা হ’ল ?

মদন । তা ভাই, তোমার কথায় আমার অমত নেই, তোমার কথায় আমার অমত নেই ।

স্বরেশ। দেখ, দাদার আপত্য নেই।

১ম খেমটা। আমাদের ভাগ্গি।

মদন। তবে দাদা, আজকে বে হ'লে হয় না?

স্বরেশ। তা হবে না কেন, পুরুত ডাকাই।

শিব। স্বরে—স্বরে, বিদ্যাধরি আশুক, যুগল দেখে প্রাণ ঠাণ্ডা ক'রবো।

মদন। ভায়া, এরা সব ওড়না গায়ে দিয়ে এসেছে, এরা তো বেঞ্চা নয়?

স্বরেশ। মহাভারত! এদের চৌদ্দপুরুষ কুলীন, ঘটকের কাছে কুনুজী আছে।

মদন। তাই বলছি ভাই, তাই বলছি। কি জান দাদা, দত্তপুকুরে একটা বেঞ্চার মেয়ের সঙ্গে বিয়ে দিয়েছিল। আমি দাঁতে কুটো ক'রে তবে জাতে উঠি!

স্বরেশ। দাদা, ক'নেদের একবার গান শোন।

মদন। ক'নে গাইবে?

স্বরেশ। গাইবে না? ওরা সব কি যেমন তেমন ক'নে? এরা সব রাত্রে ডেপুটি ম্যাজিস্ট্রেট (Deputy Magistrate)। গাও হে ক'নেরা গাও।

(খেমটা ওয়ালীঘরের গীত)

(ও আমার) ঘরে থাক। এই চোটে মুন্সিল।

ড্যাগরা নাগর বরণ দু-পোড়, বদনখানি বাবার বিল ॥

মরি কি আঁকা বীকা, চেপ্টা নাকে নয়ন ঢাকা,

আকর্ণ হাঁ, দু' মেড়ে ফাঁকা,

গণ্ডে গেছে বাহার দাড়ী, উল্টো ঠোটে মজার দিল ॥

স্বরেশ। দাদা, বাহবা দিলে না? চুপ ক'রে কি ভাবছ?

মদন। হ্যাঁ দাদা, হ্যাঁ দাদা—

শিব। কি বলছো?

মদন। বলি, এরা তো যাত্রাওয়ালার ছেলে নয়?

শিব। রামঃ!

মদন। তাই বলছি, তাই বলছি; কি জান, বোসেরা একটা যাত্রাওয়ালার ছোড়ার সঙ্গে বে দিয়েছিল, সেই অবধি আশকা আছে—

(জগমণির পুনঃ প্রবেশ)

শিব। না, কাজ নেই, কাজ নেই, তোমার সন্দেহ হয়, এই ক'নে বে কর।

মদন। এ কে? এ যে সেই চাপরাসী।

শিব। সে কি? চাপরাসী কিসের?

মদন। তবে কি বোরুপী?

শিব। বহরুপী কেন? ক'নে দেখছো, আ মরি মরি!

২য় খেমটা। তোমার বরাত ভাল, বরাত ভাল।

শিব। (মদনের প্রতি) গালে হাত দিয়ে কি দেখছো?

মদন। কি জান ভাই, আশকা হয়; দেখছি গৌপ-টোপ তো কামায় নি?

শিব। চল স্বরে চল, তোর দাদার পছন্দ হবে না।

স্বরেশ। ভাই তো দেখছি, এমন বিদ্যাধরী ছেড়ে

দিলুম—

মদন। পছন্দ হবে না কেন, পছন্দ হবে না কেন, যেমন হয় হ'লেই হ'ল; কি জান, বংশরক্ষা—বংশরক্ষা!

স্বরেশ। এস বিদ্যাধরি, আমার দাদার বায়ে এস।

জগ। (স্বগত) আটকুড়ীর ব্যাটা ম'রেছে!

স্বরেশ। কি বিদ্যাধরি, চুপ ক'রে আছ যে? বর পছন্দ হ'চ্ছে না না কি?

জগ। (স্বগত) আ মর!

শিব। কি বাবা ডাকিনি, কি মস্তুর আওড়াচ্ছ?

স্বরেশ। দাদা, ক'নের সঙ্গে কথা কও।

মদন। ভায়া, এই তো আমোদ-প্রমোদ হ'ল, এখন বাসরঘর হবে না?

স্বরেশ। সে কি দাদা? আগে বে হ'ক।

মদন। হ্যাঁ হ্যাঁ, তবে পুরুত ডাক।

স্বরেশ। ক'নে পছন্দ হ'য়েছে তো?

মদন। তা হ'য়েছে তা হ'য়েছে, কি জান, বংশরক্ষা, বংশরক্ষা।

স্বরেশ। শিবে মস্তুর পড়।

শিব। “অগ্নিদক্ষাশ্চ যে জীবা, যঃ প্রদক্ষা কুলে মম”—

স্বরেশ। বল হরি, হরিবোল—

খেমটা-ঘয়। উলু উলু উলু—

(কাঙ্ক্ষালীর প্রবেশ)

কাঙ্ক্ষালী। জগা, সর্কনাশ ক'রেছি! ঘরে চোর পুবে রেখেছি! পাহারাওয়ালার জনাদারে বাড়ী ঘেরোয় ক'রে রেখেছে।

জগ। ও মা! সে কি গো?

কাকালী। এই ছাখ—এই সার্জন আসছে।

(ইনস্পেক্টার, জমাদার ও পাহারাওয়ালাগণের প্রবেশ)

ইনেস্। স্বরেশবাবু, এ মাক্‌ড়ী কার?

স্বরেশ। এ মাক্‌ড়ী মেজ বোঁর।

ইনেস্। আপনি কোথায় পেলেন?

স্বরেশ। আমি তাকে ভুলিয়ে নিয়ে এসেছি।

ইনেস্। ভুলিয়ে, না বাস্ত ভেঙ্গে?

জমা। (খেমটাওয়ালীঘরের প্রতি) আরে, তোম লোক খাড়া রহো।

ইনেস্। কি বাস্ত ভেঙ্গে?

জমা। আপ্ চালান দিজিয়ে, বহু যেসা গাওয়া দে।
(জনান্তিকে) বাবু, এস্‌মে কুচ্ মিলেগা।

স্বরেশ। কি! বোকে সাক্ষী দিতে হবে?

জমা। নেই তো কা, পুলিসমে সব কইকো চালান দেগা।

স্বরেশ। তবে আমি বলছি, বো কিছু জানে না, আমি বাস্ত ভেঙ্গে চুরি ক'রেছি।

জমা। কবুল দেতা?

ইনেস্। স্বরেশবাবু, সত্যি কথা বলুন। আপনার তাতে ভাল হবে। শুধুন, আপনি বোকে জড়ান, বেঁচে যেতে পারেন।

স্বরেশ। সে কি ইনেস্পেক্টারবাবু, আমার প্রাণ যায়, সেও কবুল, আমি আপনার কুলবধুকে পুলিসে হাজির করবো? আমি কবুল দিচ্ছি, আপনি লিখে নিন;—দাদার বাস্ত দাদার বাইরের ঘরে ছিল, আমি ভেঙ্গে চুরি ক'রেছি।

জমা। আরে বাবু, শুনিয়া তো, মারা যাওগে কাহে?

স্বরেশ। মারা যাই যাব, আমার এই কথা জমাদার সাহেব। আমি আমোদ ক'রে বেড়াই, কিন্তু কাপুরুষ নই। আমার যদি ট্রান্সপোর্টেশন (Transportation) হয়, তবু আমার এই এক কথা। আমিই কুলাঙ্গার, আমি কোন্ বংশে জন্মেছি, তা জানেন? আমাদের সাত পুরুষে মিথ্যা কথা জানে না।

ইনেস্। আপনি আপনাদের বোকে বাঁচাবার চেষ্টা ক'রুন, কিন্তু আপনি ছেলেমানুষ, বুঝতে পারছেন না। আপনাদের বোয়েতে আর আপনার মেজ-দাদাতে ষড়্‌বস্ত্র

ক'রে আপনাকে ধ'রিয়ে দিচ্ছে; বলেন তো, রিপোর্টে লিখে নিই,—আপনাদের বো আপনাকে বাঁধা দিতে দিয়েছিল।

স্বরেশ। কি, মেজদাদা আমায় বাঁধিয়ে দেবেন? মিথ্যা কথা। আর যদিও দাদা আমায় শাসিত ক'রবেন মনে ক'রে থাকেন, বো যে সাক্ষাৎ লক্ষ্মী! যার মুখ দেখলে প্রাণ শীতল হয়, যার সরলতার তুলনা হয় না, যার গিষ্ট কথা শুনে আমারও প্রাণ নরম হয়, ইনস্পেক্টারসাহেব, তুমি সে স্বর্গীয়-মূর্ত্তি দেখনি, তাই ও কথা বল্‌ছো। আর অমন কথা মুখে এনো না, তোমার মহাপাতক হবে।

কাকালী। অ্যা, আমার চিঠি ছিঁড়ে কে পাঁচ টাকার নোট বার ক'রে নিয়েছে? (শিবুকে ধরিয়্যা) দেখি, তোর হাতে কি দেখি? এই আমার নোট! এই আল্পিন গাঁথা! ইনেস্পেক্টার সাহেব, ধর—এ চোর!

স্বরেশ। সে কি বিছাধরি, চুপ ক'রে রইলে যে? তুমি যে ধার দিলে?

কাকালী। ধার দিলে বৈ কি? আবার জবরদস্তি! এই দেখ জমাদারসাহেব, ভাইপোকে পাঠাব বলে গালাটালি এঁটে সব ঠিক ক'রে রেখেছিলুম, ছিঁড়ে বার ক'রে নিয়েছে।

স্বরেশ। শিবে, তুই ভাবিস্‌ নি, আমি ম'জেছি না ম'জতে আছি! দেখছি ষড়্‌বস্ত্রই বটে! জমাদারসাহেব, আমার বন্ধুর কিছু দোষ নেই, যা দোষ সব আমার, আমি ওকে ডেকে এনেছি।

জমা। বাহার গিয়া, চিঠি লেকে গিয়া নেই? রেজে-ষ্টারি নেই কবুকে ঘরমে রাখ'কে গিয়া কাহে?

কাকালী। আমার কম্পাউণ্ডারকে বলে গিয়েছিলুম, রেজেষ্টারি ক'ত্তে।

জমা। আচ্ছা, নালিস কিয়া, হাম লোক চালান দেতা। খোদাবন্দ, লে চলে?

স্বরেশ। ইনেস্পেক্টার সাহেব, আমি সত্য বলছি, আমার বন্ধুর কোন অপরাধ নেই। এই মাগী আমায় ঐ নোট ধার দিয়েছিল, আমি ওর ঠেঁয়ে রেখেছি, এ চুরি নয়। যদি চুরির দাবী হয়, সে দাবী আমার উপর দিন। ওকে ছেড়ে দিন। ও আসতে চায়নি; আমি ওর মার কাছ থেকে উঠিয়ে নিয়ে এসেছি। ইনেস্পেক্টার সাহেব, এ ভদ্রলোকের ছেলেকে খামকা খামকা অপমান করবেন না। চোর ধরা

আপনাদের কাজ, আপনি অনায়াসে বুঝতে পারছেন, আমি সত্য বলছি কি মিথ্যা বলছি। বাবু, আপনার পায়ে ধাঁছি, মিনতি ক'চ্ছি, একে ছেড়ে দিন, আমাকেই দুই চুরির দাবী দিয়ে চালান দিন।

ইনেস্। কাঙ্গালী বাবু, মামলা সাজিয়েছেন বটে, টেঁকবে না।

কাঙ্গালী। (জনান্তিকে) ইনেস্পেক্টার বাবু, ওর মা'র হাতে চের টাকা, কিছু আদায় ক'রে নিন না। একবার ওর বাড়ীর সামনে দিয়ে ঘুরিয়ে নিয়ে গেলেই কিছু পাবেন ; আর নালিস বন্ধ হ'তে গানা করেন, আমি চেপে যাচ্ছি।

ইনেস্। চল, এনলোককে লে চল, আওরাংলোককে ছোড়্ দেও।

মদন। বাবা, আমি নই, আমার বে দিতে এনেছিল।

সুরেশ। হায় হায়, আমি এত লোককে মজালুম ! বন্ধুকে মজালুম, এই পাগ্‌লাটাকে মজালুম ! নরাধম বিটলে বামুন, তোর মনে এই ছিল ? কেন ভদ্রলোককে মজাস ? ছেড়ে দিতে বল। কাঙ্গালী খুড়ো, রাগ থাকে, আমার উপর দাবী দাও ; শিব, ভয় ক'র না, ম্যাজিস্ট্রেট সাহেবকে আমি সব সত্যকথা বলবো।

মদন। হায় হায়, বে ক'ত্তে এসে মজলুম !

ইনেস্। এ আবার কে ? এরে ছেড়ে দাও।

জমা। শিব বাবু, ইনেস্পেক্টার সাবকো কুচ্ কবলায়কে ছুড়ি লেও।

শিব। যা বলেন, আমি মা'র ঠেঁয়ে নিয়ে দেব।

জমা। তোম'বি আও, রিপোর্ট লেখ'নে হোগা।

[জগননি ও কাঙ্গালী ব্যতীত সকলের প্রস্থান।

জগ। তুই ভারি গাধা ! সুরেশকে ফাঁসাবার কথা, ওকে নিয়ে টানাটানি ক'রলি কেন ?

কাঙ্গালী। আরে জানিস নি, ও বড় পাজী ! ওর মা'র হাতে চের টাকা আছে। সে দিন বল্লম, হাওনোট সই ক'রে দে, তা আমায় বুড়ো আঙ্গুল দেখিয়ে চ'লে গেল।

জগ। আ মুখ্য, আ মুখ্য ! যখন ওর মা'র হাতে টাকা আছে বল'ছিস, ওকে অমনি ক'রে চটাতে হয় ? দেখ দেখি, আলাপ হ'য়েছিল, আমায় ও পছন্দ ক'রেছিল—আজও রাগ বরদাস্ত ক'ত্তে পার'লি নি,—কাজ কর'বি ? দূর ! যা, রমেশ বাবুকে খবর দিগে যা, আমি রা'ধি গে। [উভয়ের প্রস্থান।

চতুর্থ পর্ভাঙ্ক

বাটার দরদালান

যোগেশ ও পীতাম্বর।

পীতা। বাবু, সর্বনাশ হ'য়েছে, সুরেশ বাবু চুরির দাবীতে গ্রেপ্তার হ'য়েছে ! জামিন নিলে না, মেজ বাবুকেও খুঁজে পাচ্ছি নি ; কি হবে, কি করি, বাবু, বাবু—

যোগেশ। কি, কারে ডাক'ছো ?

পীতা। আজ্ঞে—

যোগেশ। আমায় ?—আমায় কি বল'তে এসেছ ? যাও, মেজবাবুর কাছে যাও, যাও মা'র কাছে যাও, যাও বড় ব'র কাছে যাও। যারা বিষয় রক্ষা ক'চ্ছে, তাদের কাছে যাও, আমি রেজেস্টারী আফিসে এককলমে বিষয়, মান, মর্যাদা তোমাদের মেজ বাবুকে দিয়ে এসেছি। বাকী প্রাণ, তার ওষুধ এই ! (বোতল প্রদর্শন)

পীতা। আজ্ঞে, সুরেশ বাবু ফৌজদারীতে প'ড়েছেন।

যোগেশ। আমি তো শুনেছি, এ আর বিচিত্র কি ? চুরি, জুচ্চুরি, বাটপাড়ী, দাগাবাজী যে পরে বিরাজমান, সেথায় ফৌজদারী হওয়া আশ্চর্য্য কি ? আমায় আর কিছু শুনিও না, আমার কাছে কেউ এস না ; আমি কিছু শুনবো না বল'লে মদ খাচ্ছি, ভুলে থাক'বো বল'লে মদ খাচ্ছি, প্রাণ বের'বে বল'লে মদ খাচ্ছি। আমার মহাজন শু'ড়ী, কারবার মদ খরিদ, লাভ জ্ঞান-বিসর্জন, এইতে যদিন যায়। যখন ম'ব'বো, ইচ্ছে হয়, টেনে ফেলে দিও। যাও, ততদিন আর আমার কাছে এস না।

(জানদা ও উমাসুন্দরীর প্রবেশ)

উমা। ও বাবা, সুরেশকে নাকি পাহারাওয়লায় ধ'রেছে ?

যোগেশ। শুনেছি, আর ছ'বার শোনাতে চাও, শোনাও। বড়বো শোনাতে চাও, শোনাও। সকলে মিলে বল, সুরেশকে ধ'রেছে, সুরেশকে ধ'রেছে,—সুরেশকে ধ'রেছে। আমার উত্তর শুন'বে ? আমি কি ক'ব'বো, আমি কি ক'ব'বো—আমি কি ক'ব'বো ! মা, সে দিন ছিল, যেদিন আমার এক কথায় লাখ টাকা আস'তো ; বোধ হয়, খুনী আসামীও আমি জানিন্ হ'লে ছেড়ে দিত ; সে দিন ছিল, যে দিন জজ, ম্যাজিস্ট্রেট, কালেক্টার আমার অত্মরোধ রক্ষা ক'ত্ত ; সে দিন ছিল, যখন আমি সত্যবাদি ছিলাম, যখন আমি বাঙ্গালীর আদর্শ ছিলাম,

যখন সচ্চরিত্রের প্রতিমূর্তি আমার লোকে জানতো ; আজ সে দিন নেই, আজ মদ আমার প্রিয়সঙ্গী, জোচ্চর আমার খেতাব !

উমা । ও বাবা, স্বরেশের অদৃষ্টে যা আছে হবে, তুই মদ বন্ধ কর ; আমি বুড়ো মা—আর আমার দক্ষাস্ নি ।

যোগেশ । তুমি মা ! ভাল, তোমার ঋণ তো শোধ দিয়েছি ; রেজেষ্টারি করে দিয়েছি, আর তোমার অনুরোধ কি ? যা কারুর হয় না, তা আমার হয়েছে, মাতৃঋণ শোধ গিয়েছে !

উমা । আমার কপালে কি মরণ নেই ! যম কি আমার ভুলে রয়েছে ! যোগেশ, তুই এ কথা বলি ? তোর যে আমি বড় পিত্তেস্ করি !

যোগেশ । মা, তুমি মাতালের পিত্তেস্ কর ? জোচ্চোরের পিত্তেস্ কর ? বিশ্বাসঘাতকের পিত্তেস্ কর ? এমন পিত্তেস্ রেখ না ; যাও, তোমার মেজ ছেলের কাছে যাও, যে বিষয় রক্ষা ক'চ্ছে, সে সব দিক রক্ষা ক'রবে । মা বড় প্রাণ কাঁদছে, তাই একটা কথা তোমায় বলছি,—মনে ক'রে দেখ, যখন আমি কাজ-কর্ম ক'রে সন্ধ্যার পর ফিরে আসতুম, আমার মন উৎসাহে পরিপূর্ণ হ'ত, মনে হ'ত আবার মাকে প্রণাম করবো, আবার ভায়েদের মুখ দেখবো, আবার স্ত্রীর সঙ্গে আলাপ করবো, আবার ছেলের মুখচুম্বন করবো ; সমস্ত দিন কাজে ভুলে থাকতুম, আসবার সময় মনে হ'ত যে, আমার জুড়ি চলতে পারছে না, আমি উড়ে বাড়ীতে যাই ! দশ মিনিট দেরী আমার দশ ঘণ্টা বোধ হ'ত । গাড়ী থেকে নেবে দোরে ছেলেকে দেখতেম্, উপরে উঠে ভায়েদের দেখতেম্, বাড়ীর ভিতর তোমাদের দেখতেম্ ; বাড়ী আসতেম—স্বর্গে আসতেম ! আজ সেই বাড়ী আমার নরক ! বাড়ী আমার না, জুচ্চুরি ক'রে এ বাড়ীতে রয়েছে । মা আমার চান না, বিষয় চান ; পরিবার আমার দেখেন না, বিষয় দেখেন ; তাই আমার দেখেন না, বিষয় বাগিয়ে নেন । বাঃ ! কি স্বখের সংসার ! তবে আমার কাকে দেখতে বল ? আমার আর শক্তি কই ? জোচ্চোর, জোচ্চোর, জোচ্চোর ! মা, আমি জোচ্চোর ! ছি ছি ছি !

উমা । বাবা, আমার তুমি কেন তিরস্কার ক'চ্ছ ? আমি তোমার বিষয় দেখি নি, আমি প্রাণরক্ষার জন্য অনুরোধ ক'রেছিলাম ; তুমি টাকার শোকে মদ খ'লে, সকলে ব'লে, তুমি বাড়ী বেচলে প্রাণে মারা যাবে ।

যোগেশ । প্রাণের জন্য, তুচ্ছ প্রাণ যেতই বা ! মা, তুমি কাঞ্চন ফেলে কাঁচে গেরো দিয়েছ, মান খুইয়ে প্রাণের দরদ ক'রেছ । সমস্ত বেচে যদি আমার দেনা শোধ না হ'ত, যদি আমি জেলে যেতেন, যদি টাকার শোকে আমার মৃত্যু হ'ত, আমার মনে এই শাস্তি থাকতো, এ জীবনে আমি কারুর সঙ্গে প্রবঞ্চনা করি নি । সে শাস্তি আজ বিদায় দিয়েছি, আর ফিরবে না, বিশ্বাস ভঙ্গ ক'রে তার দোর খুলে দিয়েছি ।

পীতা । বাবু, আপনি প্রতিপালক, অন্নদাতা, আপনায় সঙ্গে কথা কইতে ভয় হয় ; আপনি বিবেচক, বিবেচনা ক'রে দেখুন, সপরিবার ডোবাবেন না ।

যোগেশ । পীতাম্বর, আবার নূতন কথা ! সপরিবার ডোবাব না ব'লেই রেজেষ্টারি করে দিয়েছি, সপরিবার রক্ষা হ'ক, আমার ছেড়ে দাও । মান গিয়েছে, মান গিয়েছে, বুঝেছ পীতাম্বর, ছুঁম র'টেছে !

জ্ঞানদা । ওগো, আমাদের গলায় ছুরি দিয়ে তোমার যা ইচ্ছা তাই কর ।

যোগেশ । কেন, আমার গরজ কি ? ইচ্ছা হয়, গঙ্গা আছে কাঁপ দাও ; আগুন আছে, পুড়ে মর ; বঁটা আছে, গলায় দাও ; বিষ আছে, কিনে খাও ; আমার কেন ব'লছ ? আমার উপায় আমি ক'চ্ছি, তোমাদের উপায় তোমরা কর ।

পীতা । বাবু, একটু ঠাণ্ডা হ'ন, সব ফিরবে, সব পাবেন ।

যোগেশ । কি ফিরবে, কি পাব ? স্বীকার করি, টাকা ফিরে পেতে পারি, কিন্তু কলঙ্ক কখনই ঘুচবে না ; কারুর কখনও ঘু'চেনি । রাজা যুধিষ্ঠিরকেও মিথ্যাবাদী বলে । এ দুঃখের সংসারে ভগবান্ একটা রত্ন দেন, সে রত্ন যা'র আছে, সেই ধন্য ! সুনাম ! রাজার মুকুট অপেক্ষাও সুনাম শোভা পায়, দীন দরিদ্র এ রত্নের প্রভাবে ধনী অপেক্ষাও উন্নত, বিজ্ঞের পরম বিজ্ঞতার পরিচয়, মূর্খ বিদ্বান অপেক্ষাও পূজ্য হয় ! সে রত্ন আমার নাই, আছে মদ—চল হে যাই ।

[যোগেশ ও জ্ঞানদার প্রস্থান ।

উমা । ওরে, আমার কি সর্বনাশ হ'ল !

পীতা । গিন্নি মা, গিন্নি মা, কাঁদবার দিন পাবেন । একটা কথা বলি শুনুন, থানায় শুনলেম—মেজবাবু ছোটবাবুকে ধ'রিয়ে দিয়েছেন ।

উমা । অ্যা ! বল কি ! রমেশ কোথায় ? তা'রে ডাক ।

পীতা । আমি তাঁরে খুঁজে পাচ্ছি নি ।

উমা । দেখ,—খুঁজে দেখ ; শীগ্গির আমার কাছে নিয়ে এস । দীনবন্ধু ! এ কি আবার শুন্লেম্ !

[পীতাধরের প্রস্থান ।

(প্রফুল্লর প্রবেশ)

প্রফুল্ল । ও না, ঠাকুরপোকে আনতে পাঠিয়ে দাও না,—মা, শীগ্গির আনতে পাঠিয়ে দাও ।

উমা । তুই বাছা, আর মড়ার উপর খাঁড়ার ঘা দিস নি ।

প্রফুল্ল । ওমা, তোমার পায়ে পড়ি মা, বটঠাকুরকে বলে ঠাকুরপোকে আন, ঠাকুরপো খেয়ে যায় নি । আনতে পাঠাও না, আনতে পাঠাও, নইলে আমি বাঁচবো না মা, তোমার পায়ে পড়ি ।

উমা । আনতে পাঠিয়েছি, তুই চুপ্ কর ।

প্রফুল্ল । না, তুমি আমার ভাঁড়িও না, তোমরা পরামর্শ করেছ, ঠাকুরপোকে শাসিত করবে ; আমি ভুলবো না, আমি এইখানেই বসে রইলেন, আমি খাব না, কিচ্ছু না ।

উমা । যাই, একবার বাবার কাছে যাই, তিনি কি উপায় করেন দেখি । তুই আর, এখানে একলা বসে কি করবি ?

প্রফুল্ল । না, আমি যাব না, ঠাকুরপোকে না দেখে উঠবো না । আমার মাকড়ীর জন্যে ঠাকুরপোকে ধরেছে, আমি সব গয়না খুলে বাক্সয় পুরেছি, যদি ঠাকুরপো না ফিরে আসে, বাক্স শুদ্ধ জলে ফেলে দেব, আর আনিও জলে ঝাঁপ দেব ।

[উমাসুন্দরীর প্রস্থান ।

(রমেশের প্রবেশ)

রমেশ । ওরে তুই এখানে বসে রয়েছিস্ ?

প্রফুল্ল । ওগো ঠাকুরপোকে ধরেছে, তুমি শীগ্গির ঠাকুরপোকে নিয়ে এস ।

রমেশ । শোন, আমি সেইখান থেকেই আসছি, কাল যদি কেউ সাহেব টায়েব জিজ্ঞাসা করতে আসে—

প্রফুল্ল । ওমা ! সাহেব আসবে কি গো ? আমি সাহেবের সামনে বেরুব কেমন করে ?

রমেশ । দোরের পাশ থেকে কথা কইতে হবে ।

প্রফুল্ল । ওমা ! আমি তা পারবো না ।

রমেশ । শোন, ঝাকামো করিস্ এখন । তোকে

জিজ্ঞাসা করবে যে, সুরেশকে মাকড়ী তুমি দিয়েছিলে ? তুই বলিস্—না, বাক্স ভেঙ্গে নিয়েছে ।

প্রফুল্ল । না, তাতো না, আমি মাকড়ী আনতে দিয়েছিলাম ।

রমেশ । তুই বলবি, বাক্স ভেঙ্গে নিয়েছিল ।

প্রফুল্ল । ও মা, কি করে বলবো ?

রমেশ । কি করে বলবি কি ? যেমন করে কথা ক'চ্ছিস্, তেমনি করে বলবি । এই কথা বলতে আর পারবি নি ?

প্রফুল্ল । না, আমি তা পারবো না ।

রমেশ । পারবি নি, তবে তোকে সাহেব ধরে নিয়ে যাবে ।

প্রফুল্ল । আমি মাকে ডাকি, আমি মার কাছে যাই ।

রমেশ । শোন শোন, তুই এ কথা না বলে সুরেশের নেত্রাদ হ'রে যাবে, মেরেমাচ্ছের ঠেঁয়ে ঠকিয়ে নিয়েছে শুন্লে, সাহেব বড় রাগ করবে, সুরেশকে কয়েদ দেবে ।

প্রফুল্ল । ওগো, তুমি আমার সব গহনা দিয়ে ছাড়িয়ে নিয়ে এস, ঠাকুরপোর ভয়ে আমার বড় প্রাণ কেমন করছে, আমি মিছে কথা বলতে পারবো না, ঠাকুরপো বলেন, দিদি বলেন, মিছে কথা কইলে নরকে যায় ।

রমেশ । তবে সুরেশ জেলে যাক্ ।

প্রফুল্ল । না গো, তুমি নিয়ে এস ।

রমেশ । আমার কথা শুন্বি নি ? আমি তোর স্বামী, না তোকে শিথিয়ে দিয়েছেন জানিস্, স্বামী গুরুলোক, স্বামীর কথা শুন্তে হয় ।

প্রফুল্ল । আমি মাকে জিজ্ঞাসা করি ।

রমেশ । খবরদার ! কেটে ফেলবো, দূর করে দেব । শোন, যা শিথিয়ে দিলুম বলিস্ তো বলবি, নইলে আর তোর মুখ দেখবো না ।

প্রফুল্ল । আমি তবে আজ কাঁদি, তুমি যাও ।

(যাদবের প্রবেশ)

যাদব । ও কাকা বাবু, তুমি ছোট কাকাবাবুকে কেন ধরিয়ে দিয়েছ ? ও কাকাবাবু, ছোট কাকাবাবুকে ধরিয়ে দিও না ।

রমেশ । চোপু !

যাদব । না কাকাবাবু, আর বলবো না কাকাবাবু, যাট হ'য়েছে কাকাবাবু, ও কাকীমা, তুমি বল না, ছোট কাকাবাবুকে আনতে বল না ?

রমেশ । যেদো, এখান থেকে বেরো ।

যাদব । যাচ্ছি কাকাবাবু, যাচ্ছি ।

[যাদব ও প্রফুল্লর প্রস্থান ।

(যোগেশের প্রবেশ)

যোগেশ । ভালা মোর ভাই রে ! চাঁদ রে ! তোমার পাঁচ পাঁচ বৎসর ফেল ক'রেছিল !—কি অবিচার—কি অবিচার ! এতদিন যে বাড়ীটে শ্মশান ক'রতে পারতে ! স্বরেশকে জেলে দাও, যেদোর গলায় পা দাও, আমার জন্ত ভেব না,—আমি মদ খেয়েই থাকবো ।

রমেশ । কি মাতলামো ক'রছো ?

যোগেশ । সাবাস্, সাবাস্, উকিল কি চিঙ্ক ! ও দেরি না, দেরি না, শুভকর্মে বিলম্ব না ; যোদোর গলায় পা দাও, আর বুড়ো মাকে চালকুম্ভী কর, আর মা আমার রত্নগর্ভা,—একটি মাতাল, একটি উকিল, একটি চোর !

রমেশ । মাত্লামোর আর জায়গা পেলে না ?

[রমেশের প্রস্থান ।

যোগেশ । যেদো, ধব্ ধব্ তোর কাকাবাবুকে ধব্ ।

[যোগেশের প্রস্থান ।

পঞ্চম গর্ভাঙ্ক

যোগেশের বাটীর সম্মুখ

মদন ঘোষ ।

মদন । বরাত্ বরাত্ ! ক'নে জুটেছিল, সবই হ'য়েছিল, বংশরক্ষাটা হ'ল না । বরাত্ বরাত্ ! আর কি ক'রবো ! দিন দিন যৌবনটা বয়ে গেল, কি ক'রবো ! বরাত্ বরাত্ ! ও বাবা, আবার পাহারাওয়াল আসে যে ! আমি না, আমি না—

(জগমণি ও কান্দালীচরণের প্রবেশ)

জগ । কি বর, আমায় চিন্তে পারছো না ? অমন ক'রছো কেন ? আমি যে ক'নে ।

মদন । তুমি ক'নে, না পাহারাওয়াল ? তোমার সঙ্গে কে, উটিও কি ক'নে ?

জগ । ও ক'নে কেন ? ও পুরুষমানুষ, ও আমার—

মদন । ও কি তোমার বড় দিদি ?

জগ । ই্যা, একটা কথা বলি শোন ।

মদন । ই্যাগা, তোমাদের কোন্ দেশে বাড়ী ? তোমাদের মেয়ে-মন্দের গোঁপ বেরোয় ?

জগ । গোঁপ বেরবে কেন ? শোন না—

মদন । তবে যে তোমার দিদির গোঁপ বেরিয়েছে ?

জগ । দিদি কেন ! ও আমার মাস্তুতো ভাই ।

মদন । মেসো, না বোনপো ?

জগ । কথা শোন, তা নইলে আমি চ'লে যাব ।

মদন । না, যেও না, যেও না, কি জান, বংশরক্ষা—কি জান, বংশরক্ষা !

কান্দালী । ও তোর বাপের পিণ্ডি, কি কথা বলছে, শোন না ।

মদন । ই্যা ই্যা, পিণ্ডির স্থল, পিণ্ডির স্থল ! বংশরক্ষা ! বংশরক্ষা !

জগ । তুমি যদি ক'নে চাও, একটা কথা বলতে হবে, এই কথা,—তুমি ধরে ছিলে, তুমি দেখেছ যে, চিঠি ছিঁড়ে নোট বা'র ক'রে নিয়েছে । মাহেব যখন জিজ্ঞাসা ক'রবে, তুমি বলবে যে, চিঠি ছিঁড়ে নিয়েছে ।

মদন । ও বাবা, মাহেব !

জগ । ই্যা, ই্যা, তোমায় জমাদার এখন নিতে আসবে ।

মদন । ও বাবা ! আমি না—আমি না—

জগ । শোন না, বাটাছেলে, অত ভয় পাচ্ছো কেন ?

মদন । দোহাই জমাদার মাহেব ! আমি না—আমি না—

[মদন ঘোষের প্রস্থান ।

কান্দালী । জগা, তোর যেমন বিত্তে, পাগ্‌লার কাছে এসেছিন্ মাস্কী ক'ত্তে, দেখ্-দেখি, কত বড় অপমানটা হ'ল ? আমার নামনে তোরে ক'নে ব'লে ।

জগ । তোর মতন গাধা শূওর আর জন্মায় না ; যদি পাগ্‌লাটাকে দে বলাতে পারতুম, তা হ'লে মাজিষ্টারের কি বিশ্বাস জন্মাত বল দেখি ?

(যোগেশের প্রবেশ)

যোগেশ । কে বাবা তোমরা যুগলে ! তোমরা কি রমেশ ভায়ার ইষ্টিদেবতা ? যাও কেন, যাও কেন, যদি রূপা ক'রে দর্শন দিলে, প্রাণ ঠাণ্ডা ক'রে যাও ; যেও না, যেও না, বেদোকে এনে দিচ্ছি, আছ ড়ে মার ।

[সকলের প্রস্থান ।

অষ্ট গর্ভাঙ্ক

পুলিস-কোর্ট

ম্যাজিস্ট্রেট, ইন্টারপ্রেটার, উকিলগণ, সুরেশ, শিবনাথ, অন্নদা-পোদ্দার, পীতাম্বর, জমাদার, কন্ঠেবলগণ, পাহারাওয়ালার ও কোর্ট-ইনস্পেক্টার ইত্যাদি ।

পাহারা ! এই চোপ্‌রাও, চোপ্ ।

ইন্টার । সুরেশচন্দ্র ঘোষ, অন্নদাপোদ্দার, শিবনাথ লাহিড়ী আসামী—

পাহারা । স্ক্‌লাস ওই আসাম—শিবলক্ষ্মী বেওয়া আসাম—

১ম উকিল । আই অ্যাপিয়ার ফর্ দি ফার্স্ট প্রিজনার (I appear for the first prisoner) ।

২য় উকিল । আই ফর্ দি সেকেন্ড প্রিজনার (I for the second prisoner) ।

৩য় উকিল । আই অ্যাপিয়ার ফর্ শিবনাথ (I appear for Sivnath) ।

জমা । খোদাবন্দ ! ঘরুসে বাকস্ তোড়কে আসামী সুরেশ মাক্‌ড়ী চুরি কবুকে অন্নদা পোদ্দারকা দোকানমে বেচা ।

ইন্টার । ব্রেকিং বকস, ষ্টিলিং ইয়ারিং (breaking box, stealing ear-ring)—

ম্যাজিস্ট্রেট । আই আণ্ডারষ্ট্যান্ড (I understand) ।

ইন্টার । গাওয়াল লে আও—

(রমেশের প্রবেশ)

ধর্মতঃ অঙ্গীকার করিতেছি —

রমেশ । ধর্মতঃ অঙ্গীকার করিতেছি, যাহা বলিব, সব

সত্য, সত্য ভিন্ন মিথ্যা বলিব না, কোন কথা গোপন করিব না ।

ইন্টার । কি নাম ?

রমেশ । রমেশচন্দ্র ঘোষ ।

সুরেশ । মেজদাদা, মিথ্যা হলপের প্রয়োজন নাই । আমায় সাজা দেওয়াবেন দেওয়ান, আমিই স্বীকার ক'রে নিচ্ছি । ধর্ম-অবতার ! দাদার ঘরে কাঠের বাক্সতে এই মাক্‌ড়ীগুলি ছিল, আমি বাটালি দিয়ে বাক্স ভেঙ্গে এ মাক্‌ড়ী-গুলি অন্নদা পোদ্দারের দোকানে দশ টাকায় বাঁধা রেখেছিলাম । [রমেশের প্রস্থান ।

পীতা । হুজুর, ধর্ম-অবতার ! আমার একটি আর্জি শুনতে আজ্ঞা হয় ।

ম্যাজিস্ট্রেট । টোম্ কোন হায় ?

(ইন্টারপ্রেটার ও ম্যাজিস্ট্রেটের কানে কানে কথা)

ও ইজ ইট (Oh, is it) ? ক্যা আর্জ বোলো ?

পীতা । হুজুর, এ আসামী অতি সদাশয় । ওঁর ভাজ, রমেশ বাবুর স্ত্রী, এই মাক্‌ড়ীগুলি ওঁকে দেন, কিন্তু পাছে ওঁর ভাজকে সাক্ষী দিতে হয়, এই ভয়ে আসামী দোষ স্বীকার ক'রে নিচ্ছে । ইনি চুরি করেন নি, মাক্‌ড়ীগুলি ওঁকে দিয়েছিল ।

ম্যাজিস্ট্রেট । আচ্ছা, বাই-জরুকা গাওয়া ডেও ।

সুরেশ । হুজুর, ধর্ম-অবতার, আমার নিবেদন শুনুন, আমার ভাজ আমায় দেন নি, আমি ফাঁকি দিয়ে—চুরি ক'রে নিয়ে এসেছি ; আমার কথা সত্য, মিথ্যা নয়, আপনি আমায় সাজা দিন । এই পীতাম্বর আগাদের বাড়ীর পুরাণ লোক, আমার গায়ের মিথ্যা কথা বলছে । ধর্ম-অবতার, আর একটি আমার নিবেদন, আমার বন্ধু শিবনাথের নামে চুরির দাবি হ'য়েছে, শিবনাথ নির্দোষী, আমিই নোট নিয়েছিলাম ।

ম্যাজিস্ট্রেট । ইয়ংম্যান, ইউ উইল বি পানিশ্‌ড্ ফর্ ইওর কন্‌ফেসন্ (Youngman, you will be punished for your confession) ।

ইন্টার । তোমার কবুল দেওয়াতে সাজা হবে ।

সুরেশ । সাজা হয় হ'ক্, আমার মৃত্যুই শ্রেয়ঃ ! যখন আমার ভাই আমায় মেয়াদ দেবার জন্তে মিথ্যা সাক্ষী দিলেন, না না—হলপ্ ক'তে প্রস্তুত, যখন আমার এই বিপদ জেনে দাদা মেজদাদাকে বারণ করেন নি, তিনিও আসেন নি, তখন

আমি বুঝতে পারছি যে, আমিই ঘরের কণ্টক, সে কণ্টক দূর হওয়াই আবশ্যিক। আমার বাড়ীর কথা জানেন না, মা আমার সাবিত্রী! আমার দাদা সাক্ষাৎ সদাশিব! বড় ভাজ অন্নপূর্ণা! ছোট ভাজ সরলা সোণার প্রতিমা! মেজদা' উকিল, আমি নিগুণ, আমার দূর হওয়াই উচিত।

উকিল। হি ইজ স্পিকিং আণ্ডার পুলিস পারসুয়েসন্ (He is speaking under Police persuasion)।

ম্যাজিষ্ট্রেট। নো হেল্প, আই হাব্ ওয়ারন্ড্ হিম (No help, I have warned him)। টুমি যাহা বলিটেছ, ফিরাইয়া না লইলে টোমার সাজা হইবে।

সুরেশ। ধর্ম-অবতার! সাজা দিন, এই আমার প্রার্থনা। আমার মত নরাধমের চোর-ডাকাতের সঙ্গে বাস হওয়া ভিন্ন আর কি হ'তে পারে! আমি একজন পোদারকে মজাতে ব'সেছি, আমার নির্দোষী বন্ধুকে মজাতে ব'সেছি, অকলঙ্ক কুলে কলঙ্ক এনেছি—কুলাঙ্গারকে দণ্ড দিন।

ম্যাজিষ্ট্রেট। নোট চুরির কথা কি বলো?

জমা। ইস্কা কুচ গাওয়া নেই হ্যায় খোদাবন্দ।

সুরেশ। ধর্ম-অবতার! এ মকদ্দমায়ও আমি দোষী। যে বন্ধু আমার মুখ থেকে খাবার দেয়, তা'কে আমি নীচাশর নরাধমদের কাছে নিয়ে গিয়ে চোর অপবাদ দিয়েছি।

ম্যাজিষ্ট্রেট। টোমার পোনের ডিভ্‌স কঠিন পরিশ্রমের সহিট কারাগার হইল। মিষ্টার পিয়ারসন্, আই ডিস্‌চার্জ্ ইয়োর ক্লায়েন্ট ((Mr. Pearson, I discharge your client))।

ওয় উকিল। থ্যাঙ্ক ইয়োর ওয়ারসিপ (Thank your Worship)।

জমা। তোম্‌ এসা বেকুব, যাও জেলমে যাও।

শিব। জমাদার সাহেব. দাঁড়াও দাঁড়াও, আমার বন্ধুকে একবার দেখি! সুরেশ, ভাই, তোমার এই দশা হ'লো! তুমি সদাশয় আমি জান্তেম, কিন্তু যে বন্ধুর জন্তু প্রাণ দিতে প্রস্তুত, তা কখনও আমি জানি নি। তোমার কাছে আমি বন্ধুত্ব শিখ্লেম; তোমার বন্ধুত্ব আমি এ জন্মে ভুলব না, আর যদি পারি, এ ঋণের এক কণা শোধবার চেষ্টা পাব। সুরেশ, ভাই, একবার কোল দাও! আমার কোন গুণ নাই, তোমার কিছুই ক'ত্তে পারবো না, কিন্তু এ কথা নিশ্চয় জেন যে, আমার প্রাণ দিয়েও যদি তিলমাত্র উপকার হয়, আমি

এই দণ্ডে প্রস্তুত। যদি আমার ক্ষুদ্র কুটীর থাকে—আধখানি তোমার, যদি একখানি বস্ত্র থাকে—আধখানি ছিঁড়ে তোমায় দেব, যদি এক মুঠো অন্ন থাকে—আধমুঠো তোমায় দেব। ভাইরে, আমি বুঝতে পেরেছি, তোমার ভাই-ই তোমার শত্রু! কিন্তু দাদা, আজ থেকে আমি তোমার ছোট ভাই! তোমার নফর!

পাহারা। চল! চল! হড়বড়াও মং!

জমা। আরে রও রও—

সুরেশ। শিবনাথ, আমার একটি অনুরোধ রাখ'— আমার মত লোকের কুসঙ্গ ছেড়ে সং হও, লেখাপড়ায় মন দাও, মানুষ হবার চেষ্টা পাও; আমি আমার বুড়ো মার' বৃকে বজ্রাঘাত ক'রে চলেম, কুলে কলঙ্ক দিলেম! তুমি ভাই, তোমার মাকে সন্তুণে স্মৃণী ক'রো, যদি কখন' আমার সঙ্গে দেখা হয়, মুখ ফিরিয়ে চ'লে যেও, কখন' আমার ছায়া মাড়িও না। আমার দাদাদের দোষ নেই, তাঁরা বার বার আমায় শোধ'বার চেষ্টা ক'রেছেন, আমি নির্বোধ, তাঁদের উপদেশ শুনি নি; আমার এক অনুরোধ, তোমার মাকে একবার আমার বুড়ো মার' কাছে পাঠিয়ে দিও, যেন তিনি গিয়ে তাঁকে সাহসনা করেন, মেজকে বুঝিয়ে বলেন, তার কোন দোষ নেই, আমি নিজের দোষে সাজা পেয়েছি। সে অন্ন-জল পরিত্যাগ ক'রবে, তোমার মা যেন তাকে ভুলান। আমার বাড়ীতে হাহাকার উঠবে, কেউ দেখ'বার লোক থাকবে না, পার যদি— এক একবার যেনোকে আদর ক'রো। ভাই, বিদায় দাও। জমাদার সাহেব, নিয়ে চল। পীতাম্বর, তোমার ঋণ আমি শুধ'তে পারবো না, তুমি এ অকর্মণ্যের জন্তু কৈদ না।

[সকলের প্রস্থান।

তৃতীয় অঙ্ক

—***—

প্রথম গর্ভাঙ্ক

পীতাম্বরের বাসা-বাটীর সম্মুখ

কান্দালী ও পীতাম্বর ।

কান্দালী । আপনাকে আমি যে দিন অবধি প্রদর্শন ক'রেছি, সেই দিন অবধি আপনার প্রতি মন আড়ষ্ট হ'য়েছে, আপনি অতি সজ্জন ও প্রকাণ্ড অঙ্গ ।

পীতা । ম'শায়ের আমার নিকট প্রয়োজন ?

কান্দালী । আপনার বন্ধুত্ব যাজনা করি, আপনার সৌহার্দ্য জন্ম আমি একান্ত সুললিত, আপনি ভদ্রলোক এবং বিশিষ্ট ধৃষ্ট ।

পীতা । ম'শায়ের কিছু আবশ্যক আছে কি ?

কান্দালী । আমার নিতান্ত ইচ্ছা যে, রাজলক্ষ্মী আপনার ঘরে বিচলা হ'ন ।

পীতা । যে আছে, তার পর ?

কান্দালী । আপনি তো বহুদিন বহুদিন বিষয়কার্য্য ক'রে মাথার কেশ অসিত ক'রলেন, এখন বা'তে আপনি খোস মেজাজে নিরুদ্ধেগে কিঞ্চিং অর্থ সংগ্রহ ক'রে প্রদেশে গিয়ে ব'সতে পারেন, আর নিরুদ্ধেগে কাল-কবলিত হন, তার উপায় আপনাকে উদ্ভ্রান্ত ক'ত্তে এসেছি ।

পীতা । কি উপায় 'উদ্ভ্রান্ত' ক'রলেন ?

কান্দালী । আপনি আপনার ভবনে পর্য্যবেক্ষণ করিতে প্রস্তুত ?

পীতা । প্রস্তুত অপ্রস্তুত পরে ব'লছি, আপনার অভিপ্রায় ব্যক্ত করুন ।

কান্দালী । উত্তম উত্তম, আমি অভিপ্রায় বিখ্যাত ক'রছি ; আপনাকে আমি পাঁচ শত টাকা প্রাপ্ত করাতে পারি ।

পীতা । প্রাপ্ত করান ।

কান্দালী । উত্তম উত্তম, কিন্তু পরিলোচনা ক'রে দেখুন,

অমনি তো কিছু হয় না, আপনাকে একটি কার্য্য ক'রতে হবে, কোন কষ্ট নাই ।

পীতা । কি কাজটা শুনি ?

কান্দালী । শাদা কাজ, অতি গলিঙ্গ কাজ, কোন কষ্ট না, আপনার প্রতি আড়ষ্ট হ'য়েছি, এই নিমিত্তই প্রস্তাব করা ।

পীতা । কাজ যে গলিঙ্গ, তা আপনার দর্শনেই বুঝেছি ।

কান্দালী । বুঝবেনই তো—বুঝবেনই তো, আপনি অতি অঙ্গ ।

পীতা । পাঁচশো টাকা কে দেবে ?

কান্দালী । আমি আপনাকে দিব, আপনি আমার বন্ধু হ'লেন, আপনার সহিত প্রবন্ধনা ক'রবো না, আমার কথা সর্ব্বথাই অনটল পাবেন ।

পীতা । কাজটা কি বলুন না ?

কান্দালী । আপনি আপনার প্রদেশে পর্য্যবেক্ষণ করুন, আর কিছুই না, জায়গা-জমি কিছুন, ভোগদখল করিতে রহুন ।

পীতা । কথাটা তো এই, যোগেশ বাবুকে ছেড়ে চ'লে যাই ? তা হচ্ছে না, আমি তাঁর পরিবারকে দিয়ে নালিস রুজু করাচ্ছি । রমেশ বাবুকে ব'লবেন—কিছু না পারি, তাঁর ভুচ্চুরি আমি আদালতে প্রকাশ ক'রে দিচ্ছি ।

কান্দালী । এই কথাটি আপনি অবিভীষিকার মতন ব'ল্লেন ।

পীতা । অবিভীষিকা কেন ? ঘোরতর বিভীষিকা সামনে দেখছি, আবার অবিভীষিকা কোথায় !

কান্দালী । এ কার্য্যে আপনার লাভ কি ?

পীতা । লাভ এই, আমার অন্নদাতা প্রতিপালককে রক্ষা করবো দুর্জনের সাজা দেব ।

কান্দালী । ভাল, পাঁচশত টাকার না রাজী হ'ন, হাজার টাকা দেওয়া যাবে ।

পীতা । আপনি 'পর্য্যবেক্ষণ' করুন, 'পর্য্যবেক্ষণ' করুন, এখানে মতলব খাটবে না ।

কান্দালী । ম'শয়, মোচড় দিচ্ছেন মিছে, আর বাড়বে না ; যে টাকা মকদ্দমায় পড়তো, সেইটে না হয় আপনাকে দেওয়া যাবে, দুশো একশো বলেন, তাতে আটক খাবে না ।

পীতা । কেন ব্যাজ্ ব্যাজ্ কচ্ছেন, চ'লে যান না ।

কান্দালী। তুমি তো নেহাৎ নির্বুদ্ধি হে, কেন টাকাটা ছাড় ?

পীতা। আরে কোথেকে এ বালাই এল ! ভাল চাও তো বেরিয়ে যাও ; দুর্গা দুর্গা, সকাল বেলা !—

কান্দালী। আচ্ছা চল্লেন, দেখে নেব, উকিলের সঙ্গে লেগেছ, শেষটা বুঝবে। সিভিল—ক্রিমিনেল (Civil Criminal) দুই রকম স্যুট (Suit)য়ে মারা যাবে।

(রমেশের প্রবেশ)

রমেশবাবু, ইনি বেগোড় ক'রতে চান।

রমেশ। পীতাম্বর, তুমি কি ক'রে বেড়াচ্ছ ? শুনিছ নাকি বোকে দিয়ে আমার নামে নালিস করাবে ? তুমি যে মার চেয়ে দরদী দেখতে পাই, দাদা মদে ভাঙ্গে সব উড়িয়ে দিচ্, তার পর ছেলেটা পথে বসুক।

পীতা। ম'শায়, যার বিষয়, সে ওড়াবে, আপনি কেন ফিরিয়ে দিন না।

রমেশ। ফিরিয়ে নিতে চাও, নাও, ওয়ান থার্ড পাবে যে তো না। আমি রিসিভার অ্যাপয়েন্ট (Receiver appoint) ক'রেছি, যেনো সাবালক হ'লে রিসিভারের ঠেয়ে নিয়ে নেবে।

পীতা। মেজবাবু, ভাল চান তো ফিরিয়ে দিন, নইলে আপনার ব্যাভার আমি আদালতকে জানাব। আপনি অতি দুর্জন, নইলে ভাইকে মেয়াদ খাটান।

রমেশ। শোন, কান্দালী শোন। আমি দুর্জন বটে।

পীতা। রমেশ বাবু, আপনি লোকালয়ে মুখ দেখান কেমন ক'রে, আমি তাই ভাবি। এক ভাইকে জেলে দিলেন, বড় ভাই—যে বাপের মতন প্রতিপালন ক'রে এল, তারে দরওয়ান দিয়ে বাড়ী চুকতে দিলেন না।

রমেশ। তোমার এমনি আক্কেলই বটে, বাড়ীর ভেতর মাতলামো ক'রবেন, আর আমি কিছু বলবো না। আর বাড়ীতে ওঁর অধিকার কি ? উনি তো কন্ভে (convey) ক'রে দিয়েছেন, আমি আমার ক্লায়েন্টস্ বিহাফ (Client's behalf) য়ে দখল ক'রেছি।

পীতা। টাকা দিলেন না, কিছু না, অমনি কন্ভে (convey) হ'য়ে গেল ?

রমেশ। টাকা দিই নি—তুমি এমনি কথা বল ? তোমার নামে ডিফামেসন স্যুট (Defamation suit) হ'তে পারে। রেজেষ্ট্রারি আফিসে মর্টগেজের কাপি দে'খে এস, বরাবর হাওনোট কেটে এসেছেন, তাই হাওনোটের টাকা জড়িয়ে মর্টগেজ দিয়েছেন।

পীতা। আপনার সঙ্গে আমার তর্কের দরকার নেই, আপনি যা জানেন করুন, আমি যা জানি ক'রবো।

রমেশ। পীতাম্বর, আমার কথা বোঝ'।

পীতা। আর বুঝতে চাই নি ম'শায়, আপনাকে তো তাড়িয়ে দিতে পারবো না, আমিই চল্লুম।

রমেশ। পীতাম্বর শোন, আমি তোমায় পাঁচ হাজার টাকা দিচ্ছি।

পীতা। আপনি নরাদম !

[পীতাম্বরের প্রস্থান।

কান্দালী। আপনি এর এত খোমামোদ ক'রছেন কেন ? শুনিছ তো আপনাদের বড়বোঁ আপনার মাকে নিয়ে বাড়ী ছেড়ে গেছেন, এখন তো আপনার দখলে সব, দখল ক'রে ক'সে থাকুন, তার পর যা হয় হবে। ভাড়াটে বাড়ীর খাজনা সেধে আদায় করুন, দখলে তো থাক'। আপনার দাদার দফা নিশ্চিত করুন, তিনি দিনরাত মদ খাচ্ছেন ; এক নাবালক, আর বোঁ। এক পীতাম্বরকে যে পাঁচ হাজার টাকা দিতে চাচ্ছেন, সেই টাকা খরচ ক'রে ওর জাতকে দিয়ে ওর দেশে এক গাম্বলা রুতু ক'রে দিন। আমি খবর নিয়েছি, ওর জান্তুতো ভায়ের সঙ্গে ভারি বিবাদ।

রমেশ। যা হয়, এক রকম ক'রতে হবে।

[উভয়ের প্রস্থান।

দ্বিতীয় গর্ভাঙ্ক

প্রেসিডেন্সি জেল

কয়েদীগণ, সুরেশ ও মেট।

১ম কয়েদী। কাঁদছো কেন ? ছ'টা বছর দেখতে দেখতে যাবে। এই আমি পাঁচ বছর আছি, দিনকতক

একটু ৱেশ, তার পর স'য়ে যাবে, আমার মত মোটা হবে।

২য় কয়েদী। ওরে, ও শালার আটদিন হ'য়েছে।

৩য় কয়েদী। দে শালার মাথায় টাটি, দে শালার মাথায় টাটি।

মেট। তুই শালা, কি হাঁ ক'রে দেখ'ছিস্? পাথর ভাঙ্গ্। (স্বরেশকে প্রহার)

স্বরেশ। উঃ মা!

মেট। হাঃ হাঃ! এখানে মাও নেই, বাবাও নেই, ভাঙ্গ্ শালা, ভাঙ্গ্ পাথর; জ্বোরে ঘা দে, এই কাঁড়িটি সাবাড় ক'ন্তে হবে।

স্বরেশ। ও ভাই, আর যে পারি নি, হাতে ফোস্কা হ'য়েছে!

৩য় কয়েদী। ওরে, ওরে, গোপালের হাতে ফোস্কা হ'য়েছে, হাঃ হাঃ হাঃ!

১ম কয়েদী। তোর অর্দ্ধেকগুলো যদি ভেঙ্গে দিই, তুই কি দিস্?

স্বরেশ। আমার ঠেঁয়ে তো কিছু নেই, পাঁচটা টাকা ছিল, কেড়ে নিয়েছে।

মেট। তুই শালা যে ব'ল্লি, তোর ভাই আছে, তোর মা আছে, ঘর থেকে টাকা আন্ না, যোগাড় ক'রে হাঁসপাতালে থাক্ না।

স্বরেশ। বাড়ীতে কি ক'রে খবর পাঠাব?

মেট। তার যোগাড় ক'র'ছি। আমার যোলটা টাকা দিবি, তার পর এখানে যদি আমাদের সঙ্গে মিশিস্ আর টাকা ছাড়তে পারিস্, কি মজায় থাক'বি, তা বুঝতে পারবি। শ্বুরবাড়ী তো শ্বুরবাড়ী! মদ খাও, গাঁজা খাও, যা খুসী কর, আর যদি ভদ্র-আনার জারি কর, পাথর ভাঙ্গো, আর মেটের বেত খাও।

(টার্ণকি [Turnkey], রমেশ ও কান্ধালীর প্রবেশ)

টার্ণকি। এ আসামী, তোমারা উকিল আয়া হায়।

স্বরেশ। মেজদা, আমায় কি এমনি ক'রে শাসিত ক'ন্তে হয়? আমায় বাঁচাও, আমার প্রাণ গেল।

রমেশ। চুপ ক'রে শোন, তুই যদি কথা শুনিস্ তো আমি কালই খালাস ক'রে নিয়ে যাই।

স্বরেশ। আমায় যা ব'লবে, শুনবো, আমি রোজ স্থলে যাব, আর বাড়ী থেকে বে'রব না।

রমেশ। দেখিস্, খবরদার।

স্বরেশ। না মেজদাদা, দেখো, আর আমি কখন কিছু দুষ্টুমি ক'রবো না।

রমেশ। আচ্ছা, এইটেতে সই ক'রে দে দেখি, আপীল ক'রে তোরে ছাড়িয়ে নিতে হবে। কোন্সুলির টাকা যোগাড় ক'ন্তে হবে, সই কর।

(স্বরেশের সই করণ)

রমেশ। কান্ধালি, কোথায় গেলে? সাক্ষী হও।

স্বরেশ। দাদা, তোমার সঙ্গে কান্ধালী কেন?

রমেশ। সাক্ষী হবে।

স্বরেশ। কিসের সাক্ষী? রসো, যাতে কান্ধালী আছে, তাতে অবশ্যই জুচুরি আছে; আমায় জেলে দিয়েছ, বোধ করি, ট্রান্সপোর্ট (Transport) দেবার চেষ্টা ক'রছো।

রমেশ। না না, কান্ধালীকে না সাক্ষী হ'তে বলিস, নেই নেই। দে, আর একজনকে সাক্ষী ক'রবো এখন।

স্বরেশ। আগে তুমি বল, এ কিসের লেখাপড়া?

রমেশ। আর কিছু না, তোর বখ'রা বাঁধা রেখে টাকা তুলতে হবে। সেই টাকা কোন্সুলিকে দিয়ে আপীল ক'রবো।

স্বরেশ। আমার বখ'রা কি?

রমেশ। তুই জানিস্ নি, দাদা আমাদের দু'ভাইকে ফাঁকী দিয়ে বিষয় ক'রেছে, এ বিষয়ে তোরও বখ'রা আছে, আমারও বখ'রা আছে।

স্বরেশ। দাদা ফাঁকী দিয়েছেন! তোমার মিথ্যা কথা। মেজদা, আমার ক্রমে চক্ষু খুলছে, তোমায় কান্ধালীর সঙ্গে দেখে, তোমায় আর একচক্ষে দেখ'ছি, আমি এখন বুঝতে পারছি যে, তুমি আমায় শোধ'রাবার জন্তে জেলে দাও নি, এ কষ্ট মা'র পেটের ভাই কখন দিতে পারে না; মা'র পেটের ভাই কেন, অতি বড় শত্রুকেও দেয় না। আমি এখন ভাব'ছি যে, তুমি আমায় জেলে দিয়ে মাকে কি ব'লে বোঝালে? দাদাকে কি ব'লে বোঝালে? মেজবৌকে কি ব'লে বোঝালে? বড়বৌকে কি ব'লে বোঝালে? না, তুমি আপনি ষড়যন্ত্র ক'রে আমায় জেলে দিয়েছ; তুমি আমার ভাই নও—শত্রু!

বোধ হয়, দাদা বেঁচে নাই, কিম্বা তোমার ষড়যন্ত্রে কোন বিপদে পড়েছেন, তা নইলে আগিলের টাকার জন্ত আমার বখরা বাধা দেবার কোন আবশ্যক হ'ত না। তুমি সত্য বল, তাঁদের কি হয়েছে ?

রমেশ। স্বরেশ, তুই কি পাগল হয়েছিস্? দে, দে, কাগজখানা দে।

স্বরেশ। ক্রমে আরও আমার চক্ষু খুলছে, তুমি আমার জেল থেকে খালাস ক'ন্তে এস নি, আপনার কাজ ক'ন্তে এসেছ, আমার বখরা লিখে নিতে এসেছ; কিন্তু মেজদা, শোন—আমার তো বখরা নেই, যদি থাকে, তার এক কড়াও তুমি পাবে না। আমি জেলে প'চে মরি, স্বীপান্তর যাই, ফাঁসী যাই, সেও স্বীকার—তবু বে কাঙ্গালীর বন্ধু, তাঁকে আমি বখরা লিখে দেব না। পরমেশ্বর জানেন, আরও কি ষড়যন্ত্র তোমার মনে আছে। পরমেশ্বর জানেন, দাদার কি সর্বনাশ তুমি ক'রেছ! বাও মেজদা, ফিরে যাও, এ কাগজ তুমি পাবে না।

রমেশ। স্বরেশ, ভাই, তুমি কি শোন নি, বে আমাদের সর্বনাশ হয়েছে, ব্যাক ফেল হ'য়ে গিয়েছে, দাদার হাতে টাকা নাই, আমার হাতে টাকা নাই—

স্বরেশ। মেজদা, বড় চমৎকার বোঝাচ্ছ! দাদার টাকা নাই, তোমার টাকা নাই—তোমরা কৃতী! আর আমি, যে কখনও এক পয়সা রোজগার করিনি, আমার সহিয়ে টাকা পাবে? মেজদা, তুমি আমার চেয়ে মিথ্যাবাদী! আমার চেয়ে কেন, বোধ করি, কাঙ্গালীর চেয়েও মিথ্যাবাদী! তুমি বে দাদার মার পেটের ভাই—এই আশ্চর্য!

কাঙ্গালী। বাবাজী, অবুঝ হয়ো না, অবুঝ হয়ো না, তোমার দাদা তোমার ভালর জন্তে এসেছে।

স্বরেশ। বুঝেছি কাঙ্গালীচরণ, আমার ভালর জন্ত পুলিশে নালিস ক'রে ছিলেন, আমার ভালর জন্ত আমার তোমার বাড়ী পুরে গ্রেপ্তার ক'রে দিয়েছিলেন, আমার ভালর জন্ত মিথ্যা সাক্ষী দিতে গিয়েছিলেন, আমার ভালর জন্য জেলে দিয়েছেন, আমার ভালর জন্য বখরা লিখে নিতে এসেছেন—আর ভালর কাজ নেই, আমি কাগজ ছিঁড়ে ফেলুম, তোমাদের পদার্পণে জেলও ক'ষিত!

রমেশ। তবে জেলে প'চে মর।

স্বরেশ। দাদা, বড় নিরাশ হ'লে,—জোচ্চোর, জোচ্চোরের

বন্ধু! জেলে জুচ্চুরি ক'ন্তে এসেছ? তোমার জেদ হয় না কেন, তা জান?—আজও তোমার যোগ্য জেল ভয়ের হয় নি!

রমেশ। আমার কথা হয়েছে, এরে নিয়ে যাও।

[রমেশ ও কাঙ্গালীর প্রস্থান।

টারগকি। চল্ বে চল্।

মেট। খাটনা শালা, ব'সে রয়েছিস্? (স্বরেশকে প্রহার)

স্বরেশ। ও মাগো, তোমার সঙ্গে আর দেখা হ'ল না! (মূর্ছা)

(ডাক্তারের প্রবেশ)

মেট। বাবু, দেখুন তো, মুখ দে রক্ত উঠছে।

ডাক্তার। হে! তাই ত, হামপাতালে নিয়ে যাও।

[স্বরেশকে লইয়া মেটের প্রস্থান।

টারগকি। খানেকা ঘণ্টা ছয়া, চল্—লাইন্ হো!

[সকলের প্রস্থান।

তৃতীয় গর্ভাঙ্ক

জ্ঞানদার বাড়ীর উঠান

উমাসুন্দরী ও পীতাম্বর।

উমা। পীতাম্বর, তুমি সত্যি বল, আমার স্বরেশের তো ভাল-মন্দ কিছু হয় নি? তুমি আনায় এনে দেখাও, আমার রাত্রে বুক ধড়ফড় করে, মন ছ ছ করে, যদি একবার চোখ বুজি, নানান স্বপ্ন দেখি, কত কি, তোমার কি বলবে; পীতাম্বর, লক্ষ্মী বাপ, আনায় বল, সে প্রাণে বেঁচে আছে তো?

পীতা। গিন্নী মা, তোমায় বোঝাতে পারলেম না বাছা, আমি কটু দিকি গেলে ব'লেম, তবু তুমি বিশ্বাস ক'বে না? পুলিশ থেকে খালাস পেয়েই রেলগাড়ী চড়ে নার দৌড়! আমি কত বোঝালেম যে, গিন্নীমার সঙ্গে দেখা ক'রে যাও, তা বলে যে—'না'; সব ছোড়ার দল নিয়ে আমোদ ক'ন্তে বেরিয়ে গেল। ন'দে শান্তিপুর্বে যে মেলা আছে, সেই মেলা দেখে আসবে।

উমা। তা বাবা, তুমি লোক পাঠাও, শীগ্গির তা'রে

নিয়ে এস। তা'রে যদি আর তিন দিন না দেখি, তা হ'লে আর বাঁচবো না।

পীতা। দেখ দেখি, গিন্নী মা কি বলে! আমি লোক পাঠাই নি গা? বড় বৌমাকে জিজ্ঞাসা কর দেখি, আমার ভাইকে পাঠিয়েছি; সে পত্র লিখেছে, আর দিন চেরেক সেখানে হবে, মেলা শেষ হ'লেই চলে আসবে।

উমা। বাবা পীতাম্বর, তুমি আমায় নিয়ে চল, আমি একবার দেখে আসি, তার পর সে পোনের দিন থাকুক।

পীতা। দেখ দেখি গিন্নীমার কথা! সে নেড়া-নেড়ীর কাণ্ড, তুমি কোথা যাবে বল দেখি?

উমা। বাবা, তোমার বাড়-বাড়ন্ত হ'ক, তোমার ব্যাটার কল্যাণে আমায় একবার নিয়ে চল, আমার বড় আদরের সুরেশ! মেজটা হবার পর, ন'বছর আমার ছেলেপুলে হয় নি, তার পর বাছাকে পেয়েছিলেম। চার বছর অবধি দস্তি রোগে ভুগেছিল, মা কালীকে বুক চিরে রক্ত দিয়ে তবে হারানিধিকে পাই। লোকে বলে ছুরন্ত হ'য়েছে, কিন্তু বাছা আমার কিছু জানে না। আমি কাছে না ব'সলে আজও খেতে পারে না। সুরেশ একলা শুয়ে ঘুমিয়ে থাকে, আমি রেতে উঠে উঠে দেখে আসি, সেই সুরেশকে আমি পাঁচ দিন দেখি নি, আমার বুক খালি হ'য়ে গিয়েছে! পীতাম্বর, তুমি আমার এ কথাটি রাখ, একবার আমায় দেখিয়ে নিয়ে এস।

পীতা। আচ্ছা, আজ তারে' খবর লিখি, যদি না আসে, কা'ল তখন নিয়ে যাব। এদিকে নানান ঝঞ্জাট প'ড়েছে, আমার মাথা চুলকোবার সাবকাশ নেই।

উমা। তা বাবা, তুমি না যেতে পার, একজন লোক ক'রে দিও, তার সঙ্গে আমি যাব।

পীতা। আচ্ছা, তাই হবে গো তাই হবে, তুমি এখন পূজো করগে।

উমা। বাবা, পূজো করবো কি! পূজো ক'ত্তে যাই, সুরেশকে দেখি; খেতে বসতে যাই, সুরেশকে মনে পড়ে, চোখ বুজতে যাই, সুরেশকে দেখি! ই্যা বাবা, সুরেশ আমার আছে তো, সত্যি ব'লছিম্? ই্যা বাবা, তোর চোখ ছন্দ্ব ক'রছে কেন? তবে বুঝি আমার সুরেশ নাই!

পীতা। বুড়ো হ'লে ভীমরথী হয়, চোখে বালি প'ড়েছে, চো'খ ছন্দ্ব ক'রছে—

উমা। বাবা, আমি যাকে জিজ্ঞাসা করি, সেই বিমর্ষ

হয়; যোগেশের কাছে ভয়ে বাইনি, সে আমায় দেখলে নিশ্বাস ফেলে উঠে যায়, বড় বৌমা কথা চাপা দেয়,—আমি আর ভাবতে পারিনি! বাবা, আমি কি কুস্কণেই মেজটার পরামর্শ শুনেছিলেম! কেন আমি যোগেশকে ব'ল্লুম যে, রেজেষ্টারি ক'রে দে। আমার ধর্মভীতু ছেলে, লোকে জোচ্চোর ব'লবে, এই অভিমানেই মদ খাচ্ছে। আমি আবাগী এই সর্কনাশের গোড়া। যদি যোগেশ না মনের দুঃখে অমন হ'ত, তা হ'লে কি মেজটা সুরেশকে ধ'রিয়ে দিতে সাহস ক'ত্ত? আহা! বড় বৌমা কচি ছেলের হাত ধ'রে বেরিয়ে এল; দুধের বাছা কিছু জানে না, বলে, “মা, আমরা বাড়ী ছেড়ে কেন যাব?” গোবিন্জী কেন আমায় এ মতি দিলেন? মা হ'য়ে কেন আমি যোগেশকে ধর্ম খোয়াতে ব'ল্লুম! আমি আজন্ম তামাসা ক'রেও মিথ্যা কথা বলি নি, মা হ'য়ে কেন কালসাপিনী হ'লেম? ধর্ম খুইয়েই আমার এ দশা হ'ল! আমার ধর্মের সংসারে পাপ সঁধিয়েছে, তাই বাছা আমি স্থির হ'তে পাচ্ছি নি। ভাল মন্দ যা হয় একটা সত্যি কথা বল, তা'র কি মেয়াদ-টেয়াদ হ'য়েছে?

পীতা। দেখলে সে দিন কালীঘাটে পূজো দিয়ে এলুম; মেয়াদ হ'য়েছে—মেয়াদ হ'লে কেউ পূজো দেয়? তোমার যেমন কথা, এ নিশ্বাস ফেলে উঠে যায়, ও কথা চাপা দেয়। তুমি রাত-দিন ব্যাজ্ ব্যাজ্ ক'রবে, কাঁহাতক লোকে তোমার কথার জবাব দেয়? এখন তো বাপু কথা হ'য়ে গেল, কা'ল তো তোমায় নিয়ে যাব।

উমা। নিয়ে যাবে তো বাবা?

পীতা। হ্যাঁ গো হ্যাঁ! ভাল যন্ত্রণা! এ বুড়ী ম'রবে কবে গা?

উমা। বাছা, মরণ হ'লেই বাঁচি রে, মরণ হ'লেই বাঁচি!

পীতা। ম'রো এখন, এখন পূজো করগে।

উমা। যাই বাবা, তবে নিয়ে বাস।

[উমাসুন্দরীর প্রস্থান।

(জ্ঞানদার প্রবেশ)

জ্ঞানদা। পীতাম্বর, কাঁদছো কেন?

পীতা। বড়মা গো বুড়ীর কথা শুনে পাষণ ফেটে যায়! মাগীকে ধ'ম্কে ধাম্কে তাড়িয়ে দিলুম। খায় দায়

তো ? ও যে বাঁচে, এমন বোধ হয় না ! এ দশটা দিন কি ক'রে কাটাঁই ?

জ্ঞানদা । বাছা, আমি যে কি করবো, কিছু ভেবে পাইনি ; একবার ভাতে হাতে করেন, রাত্রে তো দুই চক্ষের পাতা এক করেন না, কখন বুক ধড়্ ফড়্ করে, কখন নিশ্বাস পড়ে না, বুক তেলে-জলে দিই, পুরাণ ঘি মালিস্ করি । একটু নিথর হ'য়ে থাকলে আমি মনে করি ঘুমলেন, তা নয়, সেটা আমার ভুলোনো যে ঘুমচ্ছেন ; আবার ঘরের দোরে এসে দেখি যে নিশ্বাস ফেলছেন—কাঁদছেন ।

পীতা । তাই তো বড়মা, কি হবে ? দশটা দিন কি ক'রে কাটবে ? আমি ত বাপু বড় বড় কৌশলিককে কাগজ পত্র দেখালেম, আপীল হবে না ।

জ্ঞানদা । হ্যাঁ বাবা, পাথরভাঙ্গা মোকুব করাতে পারলে না ?

পীতা । কই আর পারলেম ? চার হাজার টাকা নিয়ে চেষ্ঠা-বেষ্ঠা করলুম, কিছুই তো ক'তে পারলেম না ! ছুঃখের কথা কি বলবো, জমাদারের ঠেঁয়ে শুন্লেম, কে উকিল এসে জেলারকে ভয় দেখিয়ে গিয়েছে, যাতে খাটুনি মোকুব না হয় । সে উকিল আর কেউ নয়, আমার বোধ হয় মেজবাবু ।

জ্ঞানদা । সে কি ! সে কি চণ্ডাল ? তুমি আরও টাকা কবলাও, সে ডব্কা ছেলে, পাথর ভাঙ্গলে বাঁচবে না ।

পীতা । চণ্ডালের অধম ! আর তো টাকা হাতে নাই মা ! মাগো, তুমি গহনা খুলে দিলে, আমার বুক ফেটে গেল ! সেইগুলি বাঁধা দিয়ে তাড়াতাড়ি চার হাজার টাকা নিয়ে গেলুম । মা, মহাজনে আর টাকা দিতে চায় না, কে নাকি ব'লেছে যে ঝুটো গহনা ।

জ্ঞানদা । আমার আরও গহনা আছে, তোমায় দিচ্ছি, যেদোর ভাতের গহনা আছে, সেগুলোও নাও ।

পীতা । দেখি, বোধ হয় তা নিতে হবে না, একটা খবর পাচ্ছি—

জ্ঞানদা । কি খবর বাবা ?

পীতা । সেটা এখন পাঁচকান ক'রবেন না, বোধ হয়, ব্যাঙ্ক থেকে টাকা ফিরে পাওয়া যাবে ।

জ্ঞানদা । পাওয়া যায় ভালই, কিন্তু তুমি আর দেরি ক'রো না, যাতে পাথরভাঙ্গা মোকুব হয়, আগে কর ; আমি গহনা পাঠিয়ে দিচ্ছি । বাবা, তোমায় বলবো কি, তুমি

পেটের ছেলের চেয়ে বেশী, কিন্তু তোমার সামনে আমি একদিনও বেরুই নি, আজ আমার ইচ্ছে ক'রছে, জেলদারগার পায়ে গিয়ে ধরি । বাবা, আমার গুঁর চেয়ে সুরেশের জালা বড় হ'য়েছে !

পীতা । তবে তাই পাঠিয়ে দেবেন, আমি চট্ট ক'রে খেয়ে নিই

[পীতাঘরের প্রশ্নান ।

(প্রফুল্লর প্রবেশ)

জ্ঞানদা । মেজবোঁ, কি ক'রে এলি ? পালিয়ে আসিস্ নি তো ?

প্রফুল্ল । না দিদি, আমায় পাঠিয়েছে ; ব'লেছে, ঠাকুরপোকে ছাড়িয়ে আনবে । একবার মা নাকি গেলেই ছেড়ে দেয় ।

জ্ঞানদা । মা যাবে কি লো ?

প্রফুল্ল । হ্যাঁ দিদি, ঠাকুরপো একখানা কাগজ সই ক'রলেই হয় ; ওর উপর নাকি রেগে আছে, যদি ওর কথায় না সই করে, মা সই ক'তে ব'লেই সই ক'রবে, তা হ'লেই ঠাকুরপো আসবে । দিদি গো, তোমরা চ'লে এলে গো, আমার ঠাকুরপোর জন্তে মন কেমন ক'রছে গো ! ছাই খেয়ে কেন মাকড়ী দিয়েছিলেম গো !

জ্ঞানদা । কাঁদিস্ নি, কাঁদিস্ নি, চুপ কর, মা শুন্বেন ।

প্রফুল্ল । মাকে বলবো না ?

জ্ঞানদা । না না, খবরদার বলিস্ নি ।

প্রফুল্ল । তবে দিদি, ঠাকুরপো কেমন ক'রে আসবে ?

জ্ঞানদা । মা শোনে নি, তার জেল হ'য়েছে, শুন্লেই ম'রে যাবে ।

প্রফুল্ল । মা ম'রে যাবে ! ভাগ্গিস্ দিদি তোমায় ব'লেছিলেম, আমায় চুপি চুপি মাকে ব'লতে ব'লেছিল, তোমায় ব'লতে বারণ ক'রেছিল ; না দিদি, আমায় ব'লেছে, ঠাকুরপোকে ছেড়ে দেবে ; আমায় ভুলিয়ে রাখতো—আজ আনবো কাল আনবো ; আমি কাল পরশু দু'দিন ঘরে দোর দিয়ে উপোস ক'রে রইলেন । আমায় বলে, ঠাকুরপোকে এনে দেবে, তবে আমি বেরিয়েছি—এখনও কিছু খাই নি, ঠাকুরপো না এলে আমি না খেয়ে ম'রবো । দিদি, মাকে তেল মাখাতে পাই নি, তোমায় দেখতে পাই নি, যেদোকে দেখতে

তাতেও তবু খেতুম, ঠাকুরপোকে না দেখলে আমি বাঁচবো না।

জ্ঞানদা। কি প্রভাষণ! সে কি চণ্ডাল! আপনার স্ত্রীর সঙ্গেও প্রভাষণ! রানায়ণে শুনেছিলেম, কে একজন রাক্ষস চোখে ঠুগি দিয়ে থাকতো, স্ত্রী-পুত্রের মুখ দেখতো না, সেই এসে কি জন্মেছে? এ কারুর নয়।

প্রফুল্ল। ও দিদি, তুমি ঠুগি নিন্দা ক'রো না, মা বে বলেন, ঠুগি নিন্দে শুন্তে নেই, হ্যাঁ দিদি, ঠাকুরপোর কি হবে?

জ্ঞানদা। তুই খাবি আর, আমি ঠাকুরপোকে আন্তে পাঠিয়েছি।

প্রফুল্ল। হ্যাঁ দিদি, ঠাকুরপো এলে তোমরা সকলে ও বাড়ীতে যাবে? ও আমায় বাপের বাড়ী না পাঠিয়ে দিলে, আমি তোমাদের আসতে দিতুম না, দেখতুম দেখি, কেমন ক'রে আসতে; আমি যেনো কোলে নিয়ে মায়ের ছুঁটো পা জড়িয়ে বসে থাকতুম।

জ্ঞানদা। আর খাব কেমন ক'রে ভাই? আমাদের তাড়িয়ে দিলে, আর কোথায় যাব?

প্রফুল্ল। তোমাদের তাড়িয়ে দিলে? তবে যে ব'লে, তোমরা চ'লে এলে,—ও কি সব মিছে কথা কয়? তবে আমি ওর কথা শুনবো কেমন ক'রে? না আমায় কি ব'লে দিয়েছেন—স্বামীর কথা কি ক'রে শুনবো—মিথ্যা কথা কি ক'রে শুনবো?—দিদি, আমি খাব না, কিছু ক'বো না, আমি ম'বো।

জ্ঞানদা। না, তুই খাবি আর, আমরা আবার সে বাড়ীতে যাব।

প্রফুল্ল। তাড়িয়ে দিয়েছে, যাবে কেমন ক'রে?

জ্ঞানদা। ঠাকুরপো হয়, তামাসা ক'চ্ছিলেম।

প্রফুল্ল। হ্যাঁ হ্যাঁ, তাই বল। দিদি আমি এখন খাব না, আমি মাকে তেল মাথিয়ে দিয়ে যেনো খাইয়ে দেব, আর খাব।

জ্ঞানদা। মার এখন ঢের দেরি, তুই আর।

প্রফুল্ল। না দিদি, তোমার পায়ে পড়ি, না দিদি, তোমার পায়ে পড়ি—ও মা! বড় ঠাকুর আসছে। দিদি, যেনো পাঠিয়ে দিও।

[প্রফুল্লের প্রস্থান।

(যোগেশ ও যাদবের প্রবেশ)

যাদব। বাবা, ছোট কাকাবাবু কখন আসবে, বল না? বাবা, আমার মন কেমন ক'চ্ছে বাবা।

যোগেশ। তুই স্থলে মাস্ নি?

যাদব। না বাবা, আমি পড়া ভুলে যাই, মাষ্টার ম'শায় মারেন; ছোট কাকাবাবু না এলে আমার পড়া মুখস্থ হবে না। বল না বাবা, কখন আসবে?

যোগেশ। রাত্রে আসবে।

যাদব। বাবা, আমি ঘুমিয়ে পড়ি যদি, তুলে দিও; আমি তা নইলে রাত্রে কেঁদে উঠি। আমার ভয় করে বাবা, ও বাবা, কাঁদছে কেন বাবা?

জ্ঞানদা। ও বেদে, তোর কাকীমা এয়েছে রে!

যাদব। ছোট কাকাবাবু?

জ্ঞানদা। সে রাত্রে আসবে।

যাদব। আমি আজ শোব না মা, আমি দেখবো মা!

জ্ঞানদা। তা দেখিস, তোর কাকী-মার সঙ্গে খাবি, যা।

যাদব। কাকীমা, কাকীমা—

[যাদবের প্রস্থান।

যোগেশ। মেজবৌমা এসেছেন?

জ্ঞানদা। হ্যাঁ, তোমার ওগধর ভাই মাকে খবর দিতে পাঠিয়েছেন। মতলব ক'রেছেন, মাকে নিয়ে গিয়ে ঠাকুরপোর ঠেয়ে কি সই করিয়ে নেবেন।

যোগেশ। এই কথা ব'লতে এসেছেন, ঠুকেও কি বেশ শিথিয়ে পড়িয়ে ত'য়ের ক'রেছে নাকি?

জ্ঞানদা। রাম রাম, এমন কথা মুখে আন? চক্রে কলঙ্ক আছে, তবু মেজবৌয়ে কলঙ্ক নাই; ঠাকুরপোর জন্য ও তিনদিন খায় নি। ছেলেমানুষ, বুঝিয়েছে—ঠাকুরপো আসবে—আহ্লাদে আটখানা হ'য়ে ব'লতে এসেছে।

যোগেশ। তুমি জান না, জান না, ছেলেকে বিষ খাওয়াতে এসেছে।

জ্ঞানদা। ছি! এমন কথা মুখে আন? আবার সকালে সুরু ক'রেছ নাকি?

যোগেশ। উঃ! সব ভুলতে পারছি, সুরেশটাকে ভুলতে পারছি নি!

জ্ঞানদা। তা সুরেশের একটা উপায় কর।

যোগেশ। কি উপায় করবো? আমা হ'তে কোন উপায় হবে না। পীতাম্বর আছে, যা জানে করুক।

জ্ঞানদা। ছি ছি! কি হ'লে?

যোগেশ। কি হ'য়েছি, আগাগোড়াই তো জান।

জ্ঞানদা। ভগবতি! তোমার মনে এই ছিল মা!

[উভয়ের প্রস্থান।]

চতুর্থ পর্ভাঙ্ক

গরাণখাটার মোড়—শুঁড়ির দোকানের সম্মুখ

ব্যাপারীঘর।

১ম ব্যাপারী। এমন মানুষটা এমন হ'য়ে গেল?

২য় ব্যাপারী। ম'শয়, টাকার শোক বড় শোক! পুত্রশোক নিবারণ হয়, টাকার শোক যায় না।

১ম ব্যাপারী। আচ্ছা, তোমার কি বোধ হয়, পীতাম্বর যা ব'লে সত্যি—মদ খাইয়ে লিখে নিয়েছে? না আমাদের ঠকাবার জন্য সাজসু ক'রে এইটে ক'রেছে?

২য় ব্যাপারী। কি বলবো ম'শয়, সাজসু হ'তে পারে, মদেরও অসামান্য কাজ নাই। রমেশ বাবু ক'ল এসেছিলেন, আমার পাণ্ডাটা কিনে নিতে, আমায় কি না সর্কেশ্বর সাপ'খা পেয়েছেন? দশহাজার টাকা পাণ্ডা, পাঁচশো টাকার বেচে ফেলবো? ব্যাঙ্ক খুলবে সন্ধান পেয়েছে, সব কিনে নিতে এসেছে; জুচ্চুরি মতলবটা দেখ! ও সাজসু, সাজসু।

১ম ব্যাপারী। শুন্ছি, যোগেশকে বাড়ী থেকে তাড়িয়ে দিয়েছে।

২য় ব্যাপারী। সেও সাজসু।

(ব্যাঙ্কের দেওয়ানের প্রবেশ)

দেও। ওহে, তোমরা যাও না, সকাল সকাল টাকাগুলো নিয়ে এস না।

১ম ব্যাপারী। আর ম'শয় যে ছজুকি দেখিয়েছিলেন।

দেও। আর ভয় নেই হে! আর ভয় নেই।

২য় ব্যাপারী। “আর ভয় নেই” ব'লেই হ'ল না, বাতী ঝালালেই হ'ল!

১ম ব্যাপারী। ম'শয়, আপনার তো যোগেশ বাবুর সঙ্গে

খুব আলাপ; শুন্চি নাকি রমেশ বাবু সব ফাঁকি দে লিখে প'ড়ে নিয়েছেন, এ সাজসু, না সত্যি?

দেও। সাজসু না, সত্য, রমেশটা ভারী জোচ্ছোর।

২য় ব্যাপারী। কি ক'রে জান্নেন ম'শয়?

দেও। আমি তার পরদিনই যোগেশকে খবর দিতে বাই যে, ব্যাঙ্ক পেমেন্ট ক'র্বে, তুমি কিছু বন্দোবস্ত ক'রো না। রমেশটা আমার সঙ্গে দেখা ক'ত্তে দিলে না, ওর এই সব মতলব ছিল।

২য় ব্যাপারী। মদ খাইয়ে বেন লিখে নিয়েছে, রেজেষ্টারী হ'ল কি ক'রে? ঠকানও বটে, সাজসুও বটে; উনি আমাদের ঠকাতে বেনামী ক'ত্তে গিয়েছেন, শোনে: নি যে ব্যাঙ্ক টাকা দেবে, আর ইনি সবাইকে ফাঁকি দেবেন, মতলব ক'রেছেন।

[ব্যাপারীঘর ও দেওয়ানের প্রস্থান।]

(যোগেশ ও পীতাম্বরের প্রবেশ)

পীতা। বাবু, এসে যত মদ খেতে পারেন খাবেন, শুধু একবার ব্যাঙ্কে যাবেন আর একটা এন্টিডেবিট ক'রে আসবেন চানুন। আমি ব'লছি, আসবার সময় চার কেশ মদ নিয়ে আসবেন।

যোগেশ। ব্যাঙ্কে আবার কি ক'ত্তে যাব?

পীতা। চেকবইখানা ছিড়ে ফেলেছেন কি না; একখানা চেক বই নিয়ে আসবেন, আমাদের দেবে না। আর রমেশ বাবুর নামে যে টাকা জমা দেবার অ্যাডভাইস ক'রেছিলেন, সেইটে ক্যান্সেল ক'রে আসবেন। আর হাজার দুচার টাকার একখানা চেক কেটে দেবেন, দেখি যদি জেলে কিছু সুবিধা ক'ত্তে পারি।

যোগেশ। কিছু সুবিধা ক'ত্তে পারবে? ঐটে হ'লে আমি আর কিছু চাই নি, সুরেশটাকে ভুলতে পারছি নি! পীতাম্বর, তা নইলে আর আমি লোকালয়ে মুখ দেখাতেম না, ও ছেলেবেলা থেকে আমা বৈ আর জানে না। কত মেরেছি ধ'রেছি, কখনও একবার মুখ তুলে চায় নি। আহা! কি দুর্ভাগ্যই ঘটলো! কারে দূর্ঘট, আমারই বা কি? গাড়ী আন, ওখানে ব্যাপারীরা র'য়েছে, আমি যাব না।

পীতা। আচ্ছা, এ গাড়ীরই কি হ'য়েছে, একখানা

গাড়ী নেই? বোধ হয় সব খড়দায় বেরিয়ে গিয়েছে; আপনি এইখানে দাঁড়ান, আমি গাড়ী ক'রে নিয়ে আসছি।

(শিবনাথের প্রবেশ)

শিব। পীতাম্বর বাবু, শুনেছি নাকি জেলে ঘুস দিলে খাটা বন্ধ হয়?

পীতা। আপনি কে?

শিব। আমি সেই শিবনাথ! যাকে সুরেশ বাঁচিয়েছিল, আমি হাজার টাকা নিয়ে ছুঁদিন জেলের দোরে ফিরেছি; কাকে দিতে হয় জানি নি, আপনি যদি এই টাকা নিয়ে ঘুস দিতে পারেন।

পীতা। বাপু, তুমি চিরজীবী হও। তোমার টাকা দেবার দরকার নাই, আমি দেখছি।

শিব। না পীতাম্বর বাবু, আপনি নিন, আমি মার ঠেয়ে চেয়ে এনেছি, মা ইচ্ছা ক'রে দিয়েছেন।

[শিবনাথ ও পীতাম্বরের প্রস্থান।

(ব্যাপারীদ্বয়ের পুনঃ প্রবেশ)

২য় ব্যাপারী। এই যে যোগেশ বাবু! লুকুবেন না—লুকুবেন না, আমরা দেখেছি! খুব কৌশলটা শিখেছেন বটে! এমন জুচ্ছুরিটে ক'ত্তে হয়? ঘর থেকে মাল দিয়ে আমরা চোর? আপনি রইলেন বাড়ীতে দোর দিয়ে, ভাইকে আমাদের ঠেকিয়ে দিলেন। আমাদের হকের টাকা ডোকার নয়, কারুর তো জুচ্ছুরি ক'রে নিই নি।

[ব্যাপারীদ্বয়ের প্রস্থান।

যোগেশ। এই অদৃষ্টে ছিল! রাহায় গালাগালগুলো দিয়ে গেল! ওদেরই বা দোষ কি? জুচ্ছুরি ক'রেছি; দূর হ'ক, আর মুখ দেখাবো না, চ'লে যাই।

(একজন ইতর স্ত্রীলোকের প্রবেশ)

গীত।

মা তোমার এ কোন্ দেশী বিচার।

আমি কেঁদে বেড়াই পথে পথে, দেখা দাওনা একটা বার।

মদ খেয়ে বেড়াস খেয়ে, কে জানে কেমন মেয়ে,

কোলের ছেলে দেখ লিনি চেয়ে;

আমিও মাত'বো মদে, মা ব'লে ডাক'বো না আর।

স্ত্রী। কি ইয়ার, আড় নয়নে যাচ্ছ' যে? এক গ্লাস মদ খাওয়াবে?

যোগেশ। যা যা, স'রে যা, দেক করিস্ নি।

স্ত্রী। স'রে যাব? কেন বল দেখি? জোর! জোর না কি? বটে, চের দেখেছি—জুচ্ছুরির আর জায়গা পাও নি? থাক, আমি চ'ল্লেম।

[স্ত্রীলোকের প্রস্থান।

যোগেশ। ধিক্ আমায়! এ ছোটলোক মাগীও জেনেছে, এও আমায় জোচ্চোর ব'লে গেল! আর কারুর মুখ চাব না, যার যা, অদৃষ্টে আছে তাই হবে। সুরেশ জেলে গেল কেন—আমি কি করবো? আমি যে মদ খাই, সে কি তার দোষ? না সে জেলে গিয়েছে, আমার দোষ? যাক—কে কার জন্য মরে, কে কার জন্য বাঁচে? যে মরে মরুক, আমার আর পেছু ফেরবার দরকার নাই। যে পথে চলেছি, সেই পথেই যাব। এই যে কাছেই শুঁড়ীর দোকান। কিসের লজ্জা? টাকা তো সঙ্গে নেই—বাঃ, এই যে ঘড়ী বড়ীর চেন র'য়েছে! (দোকানে প্রবেশ পূর্বক) ভাই, এই ঘড়ী বড়ীর চেন রেখে এক বোতল ব্রাণ্ডি দাও তো, বিকেল বেলা ছাড়িয়ে নে যাব।

শুঁড়ি। আমাদের সে দোকান না, আমরা জিনিষ বাঁধা রেখে দিই নি।

যোগেশ। দাও ভাই দাও, নিদেন আর বোতল দাও।

শুঁড়ি। দাও হে একটা ব্রাণ্ডি দাও। ম'শায়, নগদ খাবার বেলা অল্প দোকান যান, আর বাঁকির বেলায় আমার হেথা? নিন, ভদ্রলোক—চাচ্ছেন, ফেরাব না; পেছনে বেকি আছে, ব'সে খান গে।

[যোগেশের প্রস্থান।

ওরে মস্ত খদ্দেরটা, ছুঁপয়সার চাট কিনে দিগে যা, তামাক টামাক যা চায়, দিস্।

মাতালগণের মদ খাইতে খাইতে

গীত।

রাগী-মুদ্দিনীর গলি, সরাপের দোকান খালি,

যত চাও তত পাবে পয়সা নেবেন।

ঠোঙ্গা ক'রে শাল পাতাতে, চাট দেবে হাতে হাতে,

তেলমাথা মটরভাজা, মোলাম বেদানা।

(রাস্তায় পীতাম্বরের প্রবেশ)

পীতা। কই ছাই গাড়ী তো পেলেম না ! বাবু কোথায় গেলেন ? শুঁড়ির দোকানে ঢুকলেন নাকি ? কৈ না, হেতা তো নেই, বাড়ী চ'লে গেছেন ।

শুঁড়ি। ম'শায়, যান কেন ? ভালঃ মাল আছে, যা চান, তাই আছে ।

পীতা। দুর্গা দুর্গা !

[পীতাম্বরের প্রশ্নান ।

১ম মাতাল। আয় আবার গাই আয়—আবার গাই আয় ।

২য় মাতাল। বেশ ! বেশ ! খুব আমোদ হ'বে ।

(গীত)

চুচুরে হ'য়ে মনে, এলোচুলে কোমর বেঁধে,
হরনড়ী তাঁক দেয় সেধে ;—

(যোগেশের প্রবেশ ও মাতালগণের সহিত নৃত্য)

বাপের বেটা মূদীর মেয়ে, যুগুর বেঁধে দেয় সে পায়ে,
নাচ গাও যত পার তার কি ঠিকানা ।

মুদিনীর এমনি কেতা, প'ড়ে থাক যেথা সেথা,
জমাদার পাহারালার নাইক' নিশানা ॥

(পীতাম্বরের পুনঃ প্রবেশ)

পীতা। কি সর্কনাশ ! এও দেখতে হ'ল ! হাড়ী-বাগ্‌দীদের সঙ্গে বাবু নাচ্ছেন ! বাবু, বাবু, কি ক'চ্ছেন ? আহুন ।

যোগেশ। পীতাম্বর, পীতাম্বর, ছেড়ে দাও, ছেড়ে দাও, আমোদ হবে না, আমোদ হবে না—

পীতা। ওরে মুটে, তোদের আট আট আনা পরসাদ দেব, ধ'রে নিয়ে আসতে পারিস্ ?

মুটে। নেই বাবু, হামি লোক পারবে না, মাতোয়াল হ'য় ।

পীতা। ওহে, তোমরা দু'জন লোক দাও ভাই, বড়মানুষ লোকটা বে-ইজ্জত হয়, আমি তোমাদের পাঁচ টাকা দেব ।

শুঁড়ি। ও সেধো, যা তো, তোতে আর গন্ধাতে নিয়ে যা ।

যোগেশ। নাচ, নাচ, নাচ, ছেড়ে দাও, ছেড়ে দাও, আমোদ হবে না ।

১ম লোক। চলুন বাবু চলুন, খুব আমোদ হবে এখন ।

যোগেশ। আয় আয়, তোরা আয়, খুব মদ খাব এখন ।
মাতালগণ। আয় আয়, বাবু ডাংচে আয়, খুব মদ খাওয়া যাবে ।

[যোগেশ ও মাতালগণের প্রশ্নান ।

(দোকানের মধ্যে) ওহে, আর একটা ব্রাণ্ডী নিয়ে এস ।
শুঁড়ি। যাচ্ছি বাবু ।

[প্রশ্নান ।

পঞ্চম গর্ভাঙ্ক

জ্ঞানদার বাড়ীর উঠান

জ্ঞানদা ও প্রফুল্ল ।

জ্ঞানদা। মধুসূদনের ইচ্ছায় আজ সকালটা মানুষের মতন আছেন, পীতাম্বরের সঙ্গে বেরুলেন, আবার কাজ কর্ম দেখবেন ব'লছেন । যদি এই ছাই না খান, তা হ'লে কি গুঁর তুল্য মানুষ আছে !

প্রফুল্ল। দিদি, তুমি খেতে দাওঃ কেন দিদি ?

জ্ঞানদা। আমি কি ক'র্বো বোন, সহরে অলিতে গলিতে শুঁড়ির দোকান, কিনে খেলেই হ'ল । আহা ! কোম্পানীর রাজ্য এত হ'চ্ছে, যদি মদের দোকানগুলো তুলে দেয়, তা হ'লে ধরে ধরে আশীর্বাদ ক'রে আর লোকে ভাতার-পুত নিয়ে স্থখে স্বচ্ছন্দে ঘর করে ।

প্রফুল্ল। ই্যা দিদি, কোম্পানী কেন দিক্ না ।

জ্ঞানদা। ও বোন, তোমার আমার কথায় কি তুলে দেবে ? শুনেছি শুঁড়ি পোড়ারমুখোরা কাঁড়ি কাঁড়ি টাকা দেয়, অত টাকা কি ছাড়বে বোন ?

প্রফুল্ল। ই্যা দিদি, আমরা যদি টাকা দিই, তুলে দেয় না ?

জ্ঞানদা। পাগল, কত টাকা দেব বোন ?

প্রফুল্ল। কেন দিদি, তুমি বলতো—গহনা বেচে দিই ; একশো দু'শো টাকায় হবে না ?

(জগন্নির প্রবেশ)

জগ। কি গো মায়েরা, কি হ'চ্ছে গো ?

প্রফুল্ল। তুমি কে গো ?

জগ। আমার চেননা বাছা? আমি যে তোমাদের খুড়ী হই। আহা, বাছাদের মুখ শুকিয়ে গিয়েছে।

প্রফুল্ল। ও দিদি, কে এয়েছে দেখ গো, ও দিদি কে গো!

জ্ঞানদা। কেগা তুমি? তোমার কেমন আক্কেল গা, পুরুষমানুষ মেয়ে সেজে বাড়ীর ভেতর এসেছ? ভাল চাও তো স'রে যাও।

জগ। সে কি বাছা, আমি যে তোমাদের খুড়ী হই।

জ্ঞানদা। ইয়া গা বাছা, তুমি কে গা?

জগ। আমার বাছা বাড়ী এইখানে। আহা, তোমাদের সোণার সংসার ছারখার কাল, তাই দেখতে এলুম। বলি, মা'রা কেমন আছেন, বাবা কেমন আছেন?

প্রফুল্ল। ও দিদি, এ ডান! তুমি স'রে এস।

জ্ঞানদা। না বাছা, আর এক সময় এস, এখন আমরা বড় ব্যস্ত আছি।

জগ। মা, বাড়ী এসেছি, অমন ক'রে বিদায় ক'ত্তে আছে কি? আহা, স্বরেশ আমার জানতো। আমার বাড়ীতে যেতো, কত আব্দার ক'রত। আহা, বাছা আমার কোথায় রইলো!

জ্ঞানদা। ও বাছা, চুপ কর, চুপ কর, ঠাকুরগণ শুনবে।

জগ। চুপ ক'রবো কি, আমার বুক ফেটে যাচ্ছে! অমন ডব্কা ছেলে, তা'র কপালে এই হ'ল!

জ্ঞানদা। ও বাছা ক্ষমা দাও।

প্রফুল্ল। ও দিদি—ও দিদি, ওকে তাড়িয়ে দাও।

জগ। হ্যা বাছা, স্বরেশের কি ক'রলে? বাছাকে আনতে পাঠালে না? তোমরা পেটে অন্ন দিচ্ছ কেমন ক'রে? বাছা ছেলে র'য়েছে, আর তোমরা নিশ্চিন্ত র'য়েছ?

জ্ঞানদা। র'য়েছি, র'য়েছি,—বাছা তুমি বেরোও, দাঁড়িয়ে রইলে যে, তুমি কেমন মানুষ?

জগ। আহা, স্বরেশ রে!

জ্ঞানদা। বেরুবে তো বেরোও, নইলে অপমান হবে, ঝি—ঝি, মাগীকে তাড়িয়ে দে ত।

(উমাসুন্দরীর প্রবেশ)

উমা। কি বড়বোমা, কি বড়বোমা?

জগ। কে, দিদি? আমার চিন্তে পারবে না, স্বরেশ আমার খুড়ী খুড়ী ব'লতো।

জ্ঞানদা। তা ব'লতো ব'লতো, দূর হ'বি ত হ'; ঝি মাগী কোথায় গেল, দূর ক'রে দিক না গা।

উমা। ছি মা ছি, দুর্ভাগ্য কারুকে ব'লতে নাই, মানুষ বাড়ীতে এসেছে। এস দিদি এন, মেজবোমা, একখানা পিঁড়ি এনে দাও।

প্রফুল্ল। ও না, ও ডান! ওকে তাড়িয়ে দাও মা।

উমা। চুপ কর আবাগী, পিঁড়ি নিয়ে আর। এস দিদি এস।

জগ। আহা দিদি, আমার বুক ফেটে যাচ্ছে; তোমাদের সোণার সংসার কি হয়ে গেল।

উমা। আর দিদি, সব গোবিন্দীর ইচ্ছা! আমার তো হাত নেই।

জগ। দিদি, তোমায় একটা কথা ব'লতে এসেছিলুম, নিরিবিলি ব'লতুম।

জ্ঞানদা। (জনান্তিকে) ওগো বাছা, তোমায় আমি পাচ টাকা দেব, তুমি কোন কথা ব'লো না।

জগ। না, আমি কি স্বরেশের কথা বলি! আমি আর একটা কথা ব'লতে এসেছিলুম। গিন্নীর সঙ্গে দেনা-পাওনা আছে, তাই ব'লতে এসেছিলুম। দিদি, শুনছো—একটা কথা ব'লতে এসেছিলুম।

উমা। তা বল না।

জগ। তুমি অশ্রমস্ক হ'চ্ছে।

উমা। আর বোন, আঘাতে কি আমি আছি; স্বরেশকে না দেখে আমি দানো পেয়ে র'য়েছি।

জগ। আহা, তা বটেই তো, গেলের ছেলে!

জ্ঞানদা। তুমি কি কর?

জগ। ভয় নেই মা ভয় নেই। দিদি, নিরিবিলি ব'লবো, বোমাদের শব্দেতে বল।

জ্ঞানদা। কেন গা, আমরা রইলেনই বা।

জগ। না বাছা, সে একটা গোপন কথা।

উমা। বোমা এসতো গা, কি বলছে শুনি।

প্রফুল্ল। ও দিদি, তুমি যেয়ো না, এ মাগী ডান, মাঝে থাকবে।

উমা । দাঁড়িয়ে রৈলে কেন গা ? তোমরা এস, একটা কি বলছে মানুষ, শুনে যাই ।

জ্ঞানদা । আর মেজবৌ, মধুসূদনের মনে যা আছে হবে !

প্রফুল্ল । ও দিদি, লুকিয়ে থাকি এস, মাগী মাকে ধরে নিয়ে যাবে ।

জ্ঞানদা । বলছে কিছু মিছে না, মাগী যেন রাঙ্গসী !

(প্রফুল্ল ও জ্ঞানদার অন্তরালে অবস্থান)

জগ । আমি তো দিদি বড় মুঞ্চিলে পড়েছি । সুরেশ মাঝে মাঝে এর চুরি করত, ওর চুরি করত ; আমি কি করবো, চৌকিদারকে ঘুষ দিয়ে, জমাদারকে ঘুষ দিয়ে, কত রকম করে বাঁচিয়ে বেড়াতেম ; এই করে প্রায় শ-পাঁচেক টাকা খরচ করে ফেলেছি ।

উমা । বল কি গো, বল কি ! সুরেশ চুরি করে বেড়াতে ? বাবা তো আমার তেমন নয় ।

জগ । ও দিদি, সঙ্গুণে হয় ; ঐ যে শিবে বলে একটা ছোড়া, সেই সব শিথিয়েছে ।

উমা । তার পর, তার পর ?

জগ । আমি দিদি, এ টাকার কথা ধরি নি ; কিন্তু কর্তা, সে পুরুষমানুষ, বড় টাকার মায়ী ; আমায় ধমক ধামক করে বলে, “টাকা কি করেছিস ?” আমি ভয়ে বলে ফেল্লাম, “সুরেশকে দিয়েছি ।” এই সুরেশের ঠেয়ে ঠাওনোট লিখে নিয়েছে । আমি দিদি, এদিন টেলে রেখেছিলুম, আর তো টালতে পারিনি । সে বলে, “নালিস করবো ।” বলে,—“কেন ? ওর ভায়েরা রয়েছে, টাকা দাবে না কেন ?” কি করবো দিদি, বড় দায়ে পড়ে এসেছি ।

অন্তরালে জ্ঞানদা । এত কথা কি হচ্ছে ?

অন্তরালে প্রফুল্ল । মাগী মস্তর পড়েছে, ঐ দেখ না, চাখ ছুটো যেন কোটর থেকে বেরিয়ে আসছে !

উমা । দেখ বোন, তুমি আর দিন-কতক রাখ, আমি সুরেশের দেনা এক কড়া রাখবো না, যেমন করে পারি, শোধ দেব । আমি বড় বিপদে পড়েছি, গোবিনজীর ইচ্ছায় এন্টি একটু হিলে লাগছে ; একটা কিছু সুবিধা হলেই সূদ শুক চুকিয়ে দেব, ওর ভায়েরা না দেয়, আমি যাদের ধার দিয়েছি, আদায় হলেই তোমায় ডেকে চুকিয়ে দেব ।

জগ । কর্তা তো আর রাখতে চায় না ; সে বলে, “কেন

ওর মেজবাই চুকিয়ে দিক না, ও একটা সহি করলেই চুকে যায় ।”

উমা । কিসের সহি ? আবার সহি কিসের !

জগ । কে জানে বোন, রমেশ বাবু নাকি বলেছে ।

উমা । না বোন, আর সহি টয়ে কাজ নাই, আমি সবই চুকিয়ে দেব, বেটা তো নয়, আমার পেটের কণ্টক ! কি একটা সহি করে নিয়ে আমার যোগেশকে উন্মাদ করেছে । সুরেশ ফিরে আসুক, কত টাকা শুনি, হিসেব করে সব চুকিয়ে দেব ।

জগ । দিদি, সে কথা বলতে এসেছি, অমন ডবকা ছেলে, এখনও দশ দিন রয়েছে ।

উমা । দশ দিন নয় বোন, চিঠি লিখেছে, পরশু দিনে আসবে ।

জগ । কে চিঠি লিখেছে গো ?

উমা । পীতাম্বরের ভাই নবদ্বীপ থেকে তাকে আনতে গিয়েছে ।

জগ । নবদ্বীপ কি গো ?

উমা । তবে কোথা গিয়েছে ?

জগ । ও মা, তুমি কিছু শোন নি ? না বোন, বল না, আমায় বৌমায়েরা বারণ করেছে ।

উমা । তুমি বল, শীগ্গির বল, আমার প্রাণ হাঁপিয়ে উঠছে ! সে কি নেই ? সুরেশ কি আমার নেই ?

জগ । নেই কেন, বালাই !—কর্তা তো ঠিক বলেছে, আহ, মাগী জানে না, সেকলে মানুষ, ভুলিয়ে রেখেছে ।

উমা । কি, কি, আমায় বল, আমায় শীগ্গির বল ?

জগ । ও বোন, তুমি কারুর কথা শুনে না, তুমি তোমার মেজবেটার সঙ্গে চল । সুরেশকে বুঝিয়ে সুঝিয়ে সহি কত্তে বলবে চল । যা হবার হবে, কারুর কথা শুন না, ছেলে যদি বাঁচে, সব পাবে ।

উমা । শীগ্গির বল, শীগ্গির বল, আমার সুরেশ কোথায়, শীগ্গির বল ? আমার প্রাণ থাকতে থাকতে বল ; বল, বল, তোমার পায়ে পড়ি বল ? দেখছো কি, আমার প্রাণ যায়,—বল, বল ?

অন্তরালে প্রফুল্ল । ও দিদি, মা কেমন ক'চ্ছে !

অন্তরালে জ্ঞানদা । ওরে তাই তো !

(জ্ঞানদা ও প্রফুল্লর অন্তরাল হইতে প্রবেশ)

জ্ঞানদা। মা, মা, অমন ক'চ্ছে কেন মা? তুমি চলে এস; দূর হ নাগী, দূর হ!

উমা। বল—বল, শীগ্গির বল, কেন স্ত্রীহত্যা দেখছে; তুমি সেকলে মানুষ, স্ত্রীহত্যা ক'র না। বল দিদি বল, আমার প্রাণ রাখ, সুরেশের কি হ'য়েছে বল? আমার সুরেশকে পাব তো?

জগ। দিদি, কি ব'লবো বল, তার যে জেল হ'য়েছে; সে পাথর ভাঙছে।

উমা। অ্যা! জেল হ'য়েছে?

জ্ঞানদা। না মা না, মিছে কথা, ও মাগী রাফসী; দূর হ।

উমা। অ্যা! জেল হ'য়েছে? পাথর ভাঙছে? নখুসুদন!
(মূর্ছা)

জ্ঞানদা। ও মা! কি হ'ল গো! কি সর্বনাশ হ'ল! মা, মা, মিছে কথা, না শোন মা,—দূর হ নাগী!

জগ। (স্বগত) না, কিছু হ'ল না, আমার কাজ হ'ল না, মাগী মূচ্ছা গেল,—কাল আবার আসবো। মাগী বেন গ্রাফা, মূচ্ছা যাবার আর সময় পেলেন না! কাজের কথা শোন, তবে মূচ্ছা যাবি।

জ্ঞানদা। বেহারা, বেহারা, মাগীকে গর্দানা দে তাড়িয়ে দে তো।

জগ। দূর হোক্গে ছাই, মাগী গঙ্গা নাইতে যায় না? সেইখানে গিয়ে ধ'রবো।

[জগমণির প্রস্থান।

প্রফুল্ল। ও মা, ওঠো মা, ওঠো।

উমা। আ মর! ঘুমুচ্ছি, ঘুম ভাঙাচ্ছি কেন? গোল ক'চ্ছি কেন? আমি উঠবো না।

প্রফুল্ল। ও দিদি, মা কি বলে গো!

জ্ঞানদা। মা, মা, কি ব'লছে? মা, ওঠো না।

উমা। যা পোড়ারমুখী, আমি এখন খাব না।

জ্ঞানদা। ও মা, কি ব'লছে মা, ওঠো না।

উমা। আ মর! ঘুমুতে দেবে না, বাবাকে গিয়ে ব'লবো, এমন কিও সঙ্গে দিলে, আন্সায় ত্যক্ত ক'রে মারলে।

জ্ঞানদা। হায়, হায়! মেজবো রে, সর্বনাশ হ'ল! মা বুঝি ক্ষেপলো!

উমা। কৈ রে, সুরেশ আমার কৈ? সুরেশ রে—বাপ

রে, তোরে কি আমি পাথর ভাঙতে পেটে স্থান দিয়েছিলেম! বাবা রে, তুই কি আর কিরুবি! আর কি মা ব'লবি! তুই যে আমার হারানিধি! আমি বুক চিরে মা কালীকে রক্ত দিয়ে তোরে পেয়েছি। আন্সায় সেই সুরেশ, সুরেশ পাথর ভাঙছে! ও মা বুক যায়, বুক যায়, বুক যায়! (মূর্ছা)

জ্ঞানদা। কি সর্বনাশ! কি হবে! মেজবো, ঝিকে শীগ্গির পাঠিয়ে দে, ডাক্তারকে ডেকে আনুক।

[প্রফুল্লর প্রস্থান।

ও মা, ওঠো মা, অমন ক'চ্ছে কেন? মা, ওঠো মা, ঠাকুরপো আবার ফিরে আসবে, তারে পাথর ভাঙতে হবে না; আমি টাকা দিয়ে পাঠিয়েছি, তারে পাথর ভাঙতে হবে না; মা, মা, শুনছো মা? মা, মা!

উমা। ই্যা মা, তোমার পায়ে পড়ি মা, আমি শশুরবাড়ী যাব না মা, আমার শশুরবাড়ী পাঠিয়ে দিও না মা, আমি বাবা এলে যাব, আমি বাবাকে দেখে যাব।

জ্ঞানদা। ও মা, কাকে কি ব'লছে? আমি যে তোমার বড়বো।

উমা। ওহো-হো-হো! কি হ'ল, কি হ'ল! বাপ রে, সুরেশেরে! ও বাবা, তোমার ধ'রে রেখেছে বাবা? বাবা, তাই আসতে পারুছ না বাবা? তুমি যে মা নইলে থাকতে পার না। আহা হা! হা! কি হ'ল, কি হ'ল! বুক যায়, বুক যায়, বুক যায়! (মূর্ছা)

নেপথ্যে যোগেশ। পীতাম্বর, ছেড়ে দাও, ছেড়ে দাও, আগোদ হবে না, আগোদ হবে না,—“রাণী মুদিনীর গলি”—

(যোগেশ ও পীতাম্বরের প্রবেশ)

ছেড়ে দে শালা, আমি নাচবো! এই যে বড়বো, ও প'ড়ে কে, মা? তুলছে কেন, তুলছে কেন? ঘুমুক; হয় মদ খাও, নয় ঘুম'ও, ব্যস! বড়বো, তুমি মদ খাও, আমি মদ খাই, পীতাম্বর মদ খাও—

পীতা। বড় মা, এ কি গো?

জ্ঞানদা। আর কি ব'লবো বাছা, সর্বনাশ হ'য়েছে! এক মাগী এসে মাকে খপর দিয়েছে।

যোগেশ। পীতাম্বর, পীতাম্বর, মদ নিয়ে এস, খুব সরগরম হ'ক; খেয়ে প'ড়ে থাকি।

পীতা। বাবু, একেবারে উচ্ছন্ন গেলে? গিন্নী মা যে মূর্ছা গিয়েছেন, দেখছে না?

যোগেশ। তোর কি? তুই কেন মূর্ছে! যা না।

পীতা। না, মাত্‌লাগো ক'রবেন না। বড় মা ধরুন, গিন্নীমাকে বিছেনায় নিয়ে যাই, বড় মা, মাকে বিছেনায় নিয়ে যাই; গিন্নীমা গিন্নীমা—

উমা। কেরে রূপো? ঠাকুরণ এ দিকে আসছেন নাকি? রান্নাঘরে যাই, রান্নাঘরে যাই।

[উমাসুন্দরী ও তৎপশ্চাৎ জ্ঞানদার প্রস্থান।

নেপথ্যে জ্ঞানদা। ও পীতাম্বর, ও পীতাম্বর, এদিকে এস, এখনি আছাড় খেয়ে পড়বে। (পীতাম্বরের গমনোচ্ছোগ)

যোগেশ। কোথা যাস্‌ শালা? মেয়েদের পেছনে পেছনে কোথা যাচ্ছিস্‌?

পীতা। যান ম'শায়, মাত্‌লামীর সময় আছে।

যোগেশ। চোপ্‌রাও শূয়ার, আমি মাতাল? দেখ, বাড়ীর ভেতর থেকে যা বন্দি; ভাল চাম্‌তো বাড়ীর ভেতর থেকে বেরোও। শালা, অন্দরে ঢুকে মেয়েদের পেছনে ফিরছো?

পীতা। বাবু, গিন্নীমা যে মরে।

যোগেশ। মরে মরুক, তোর বাবার কি?

নেপথ্যে জ্ঞানদা। ও পীতাম্বর, শীগ্‌গির এস—শীগ্‌গির এস।

পীতা। যাই মা যাই; যাচ্ছি বড় মা, এখানে এক আপদে ঠেকেছি।

যোগেশ। শালা তবু বাবি? (ইট লইয়া পীতাম্বরকে প্রহার)

পীতা। ওরে বাপ্‌ রে! খুন-ক'রলে রে, খুন ক'রলে রে!—

যোগেশ। ধব্‌ শালাকে! চোর, চোর, চোর—

[উভয়ের প্রস্থান।

চতুর্থ অঙ্ক

—:~::~:—

প্রথম গভীর্ষ

শিবনাথের বাড়ীর ছাদ

সুরেশ ও শিবনাথ।

সুরেশ। ভাই শিবনাথ, তুমি আমার মাকে এইখানে নিয়ে এস, আমার দেখতে পেনেই তাঁর বাই-রোগ সেরে যাবে, আমি তো এখন সেরেছি।

শিব। তা আন্ব হে, তুমি এত মিনতি ক'রছো কেন? তোমায় যে বাঁচাতে পারবো, এ আমার মনে ছিল না; তা হ'লে কি তোমার মাকে রমেশবাবুর বাড়ী যেতে দিই? তুমি কিছু ভেবো না, মা রোজ দেখে আসেন; আর তোমাদের মেজবৌ যে যত্নটা ক'রছে, তোমায় আর কি বলবো। মা বলেন, অমন বৌ কারুর হবে না।

সুরেশ। শিবনাথ, তোমার ঝগ আমি কখনও শুভে পারবো না।

শিব। তুমি ঐ কথা একশোবারই বল। তোমার দার আমি কখনও শুভে পারবো না, তুমি আপনি জেলে গিয়ে আমার জেল বাঁচিয়েছ।

সুরেশ। ভাই শিবনাথ, তুমি বড়বোর কোন খপর পেলে?

শিব। না ভাই, আমি সে খপর তো কিছুতেই পেলেম না; নে যে বাড়ী বেচে কোথায় গিয়ে আছে, আমি অ্যাড-ভারটাইজ (advertise) করে দিয়েছি, ডিটেক্‌টিভ পুলিশ (Detective Police) কে টাকা দিয়ে খপর নিচ্ছি, আমি আপনি রোজ ঘুরছি, কিছুতেই কিছু সন্ধান ক'রতে পারছিনি।

সুরেশ। তারা বোধ হয় বেঁচে নাই; দাদার কোন খপর পেয়েছ?

শিব। সে কথা আর তোমায় কি বলবো! রমেশ বাবু কতকগুলো মাতাল ঠেকিয়ে দিয়েছেন, তাদের সঙ্গে মদ

খাচ্ছেন, আর পথে পথে বেড়াচ্ছেন। আমি এত আনবার চেষ্টা করেছি, কিছুতেই বাগ ফেরাতে পারিনি।

সুরেশ। আমাদের সোণার সংসার ছাড়া হ'ল। কি কৃষ্ণেই মেজদাদা জন্মেছিলেন! দাদার এ দশা হবে, আমি স্বপ্নেও জানি নি। কখনও একটা মিথ্যা কথা বলেন নি, কখনও পরস্বীর মুখ দেখেন নি। ভাই রে, যদি ব্যামোতে আমার মৃত্যু হ'ত, সেও ভাল ছিল; আমি বেঁচে উঠে দাদার এই দশা দেখতে হ'লো!

শিব। সুরেশ, কেন আক্ষেপ করছ, তুমি সব ফের পাবে; তুমি একটু ভাল করে সেরে ওঠো, আমি টাকা ধরচ করে মকর্দমা করবো। তোমার মেজদাদার জোচ্ছুরি আমি বার করে দিচ্ছি। মা বলেছেন, বাড়ী বেচতে হয়, সে-ও কবুল, তবু যাতে তোমার মেজদাদা জন্ম হয়, তা করবেন।

সুরেশ। ইয়া হে, পীতাম্বরের কোন খপর পেয়েছ?

শিব। সে চিঠি লিখেছে, শীগগির আসবে, বড় কাহিল আছে, একটু সারলেই আসবে; অমন লোক হবে না। তোমার দাদা মাথায় ইট মেরেছিল, জরে কাঁপছে, আমি এত বারণ করলেম, তবু তোমার খালাসের দিন আমার সঙ্গে গেল। আহা, বেচারি রাস্তায় ভিড়মি গেল, আমি এক বিপদে পড়লেম; এ দিকে তোমায় নিয়ে সামলাব, না তাকে নিয়ে সামলাব।

সুরেশ। আমার সে সব কিছুই মনে নাই।

শিব। তুমি তিন মাস অজ্ঞান হয়ে পড়ে আছ, কি করে জানবে।

সুরেশ। দেখ, তিন মাস যে কোথা দে কেটেছে—ভাই, আমার কিছুই মনে নাই। আমার স্বপ্নের গায় মনে হয়, কে আমায় জেল থেকে নিয়ে এল; তার পর জ্ঞান হয়ে দেখি, তোমার মা কাছে বসে, তুমি কাছে বসে। ভাই শিবনাথ, আমি জেলে যাবার সময় একবার কোল দিয়েছিলে, আজ একবার কোল দাও; তোমার মত বন্ধু আমার যেন জন্ম-জন্মান্তরে হয়।

শিব। সুরেশ, আমরা বন্ধু নই; মা বলেন, তোরা দু'ভাই। আমার মায়ের পেটের ভাই নাই, তুমি আমার ভাই; আমার পুলিশের কথা মনে প'ড়লে এখনও গা কাঁপে! তুমি আপনাকে বিসর্জন দিয়ে আমায় বাঁচিয়েছ। ভাই

সুরেশ, আমি তোমার উপদেশ শুনেছি, আমি শুধরেছি, আমি আর কুসঙ্গে মিশি নি।

(ডাক্তারের প্রবেশ)

ডাক্তার। সুরেশ বাবু, সুরেশ বাবু, তোমার গুণধর ভাই জিজ্ঞাসা করছিল, সুরেশ কেমন আছে? আমি বল্লেম, ম'রে গেছে, খুদী যে! পথে আবার কান্ডালে বেটা ধরেছে, তারেও বলেছি, তুমি ম'রেছ। সে বেটা বিশ্বাস করেছে। তার মাগ বেটা—বেটাই বল আর বেটাই বল, মাথা চালতে লাগলো। অমন চেহারা কখন দেখি নি বাবা! মন্টার অব আগ্লিনেস্ (Monster of ugliness)! শিবুবাবু, তোমার ফ্রেণ্ডকে একটু একটু বেড়াতে বল।

শিব। বেড়াচ্ছে তো, রোজই একটু একটু ছাদে পাইচারি করছে।

ডাক্তার। একটুর কর্ম নয়; সেরে গিয়েছে তো, সকাল বিকেলে খানিক খানিক বেড়িয়ে আগবে। চল, তিনজনে খানিক বেড়িয়ে আসি।

[সকলের প্রস্থান]

দ্বিতীয় গর্ভাঙ্ক

কান্দালীর কম্পাউণ্ডিং রুম

রমেশ, কান্দালী ও জগমণি।

কান্দালী! এখন নিশ্চিন্ত, রামরাজ্য ভোগ করুন কেমন বাবু বলেছিলেম, ও অকালকুস্মাণ্ড পীতাম্বর, ও ঘোর আহাম্মক, ওকে আপনি টাকা দিতে গিয়েছিলেন; পাঁচ হাজার টাকাও লাগলো না, দু'হাজার টাকাতেই ফৌজদারীতে গ্রেপ্তার করে দিলেম। এখন যাক, তারপর মকর্দমা যা হয় হবে। ওর জাস্তুতো ভাইটে বড় ভদ্রলোক, ওটার মতন নয়। যখন টেনে নিয়ে যায়, সে যে তামাসা! আমি হাসতে হাসতে বাঁচি নি।

রমেশ। কি রকম, কি রকম?

কান্দালী। সেই তো আপনার দাদা মেরেছিল; বেটা এমনি পাজী, বিছানায় পড়ে, জর,—তবু সুরেশের খালাসের দিন গাড়ী করে চ'ল।

রমেশ। তা তো শুনেছি, তার পর ?

কাকালী। সুরেশও মুদোর, ও-ও মুদোর, কে কাকে দেখে ; ও বেটা তো গাড়ীর ভেতর ভির্মি গেল, সুরেশও ভির্মি যায় যায়—

রমেশ। সেই দিনেই ল্যাঠা মিটতো, চৌরঙ্গীর মাঠ না পেরুতে পেরুতে মারা যেতো, কোথেকে শিবে বেটা জুটলো।

কাকালী। হ্যাঁ, ঐ এক বেটা চামার ! বেটা ছ'জনকে মুখে জল দিয়ে বাতাস করে, বাড়ী নিয়ে গেল।

জগ। হঁ হঁ, আমি তো বলেছিলাম যে, শিবকে চটাস নি, হাতে রাখ, তা হলে তো একাজ হয় না। সুরেশটা হাঁসপাতালে প'চ্'তো। সকলকে হাতে রাখা ভাল, সকলের সঙ্গে মিষ্টি কথা বলা ভাল। ঐ যে তুই ম'নাকে পাগল বলে অগ্রাহ্য করেছিলি, কত বড় কাজটা পেলি বল দেখি ? পাগল বলেই হয় না, দলিলের বাস্তব তুই চুরি ক'ত্তে পারতিন, না আমি পারতুম ? বড়বোটা যে খাওয়ারী, তাকে জায়গা দিত, না আমায় জায়গা দিত ?

কাকালী। পাগলাটা খুব হ'সিয়ার, কেমন সন্ধান করে করে, সিন্দুক ভেঙ্গে নিয়ে এসেছে।

জগ। রোজ কেন ওর কাছে যেতেন, এই বোঝ। রমেশ বাবু, তুমি উকিলই হও আর যেই হও, আমার বুদ্ধি একটু একটু নিও। বেটা ছেলে, ভয়েই সারা হও, মিছে ডিক্রী করে যদি তোমার দাদাকে না ধর, তা না হলে কি তোমাদের বৌ হাজার টাকায় বাড়ী বেচে ? গেছলো গেছলো দলিল চুরি, রেজেষ্টারী আপিসে তো নকল পেতো।

রমেশ। বাবা ! তুমি তো মেয়ে নও, পুরুষের কান কাটো। মিথ্যা বোণেশ সাজিয়ে এক তরফা ডিক্রী করে দাদাকে ওয়ারিগ ধরান, আমার বুদ্ধিতে আসতো না, বুদ্ধিতে এলেও সাহস হ'ত না। যদি ফল্‌স পারসনিফিকেশন (false personification) এর চার্জ আনতো, তা হলে সর্কনাশ হ'ত।

জগ। চার্জ আনলেই হ'ল ? তবে পরসা খরচ করে মাতাল লাগিয়েছ কি ক'ত্তে ? পরসা খরচ করে মদ দিচ্ছ কি ক'ত্তে ? দিনে রেতে চোখ চাইতে পারলে তো আদালতে গিয়ে দাঁড়াবে, তবে তো চার্জ আনবে।

রমেশ। আচ্ছা, বড়বো বাড়ী বেচে টাকা দেবে, কি করে ঠাওর পেলো ?

জগ। আমরা সব এক আঁচড়ে মানুষ চিনি ; ওরা সব পতিপ্রাণা, পতিপ্রাণা !

কাকালী। বাড়ীটের খুব দর হ'রেছিল, যদি দলিলগুলো হাত না হ'ত, ফ'্যাসাদে ফেলেছিল ; হাতে কতক টাকা পেতো। তোমাদের বড়বো যে দস্তি, স্বচ্ছন্দে মকদ্দমা চালাতো। আপনার ঠেয়ে দলিল দে'গে খদ্দের বেটা ভারি দম্'থেয়ে গেল।

জগ। তা নইলে বাড়ী হাজার টাকায় বাগাতে পারতেন না ; পাগলাকে দিয়ে তো দলিল আনিয়েছি, আরও কি কাজ করি দেখ। বড়বো মনে ক'রেছে, চোরে চুরি করেছে, পাগলার পেটে পেটে এত, তা ধ'ত্তে পারে নি। এখনও আন্দাজ হয়, মাগীর হাতে ছ'তিনশো টাকা আছে, আর মদে খরচ ক'রো না, মদ বন্ধ ক'রে দাও, ঘরের টাকায় টান পড়ুক। ব্যাঙ্কের টাকা তো আটক হ'য়েছে ?

রমেশ। সে আমি এড'মিনিষ্ট্রেটার জেনারেল (Administrator General) এর হাতে দিয়েছি, ব্যাপারীর টাকা পেমেন্ট করে বাকী টাকা হাতে নিয়েছে, সে এখন বিশ বাঁও জলে ! পীতাম্বরে যখন ধরা পড়েছে, আমি আর কিছু ভাবিনি।

জগ। হ্যাঁগা, ও সাহেবটাকে হাত ক'রলে কি করে ?

রমেশ। ওরা তো তাই চায়, আসতে কাটে, যেতে কাটে। দরখাস্ত ক'রলেম, আমাদের যৌত টাকা, একজন মদ খেয়ে উড়িয়ে দিচ্ছে, পীতাম্বরে আপত্তি ক'রেছিল।

কাকালী। আর ধরাই প'ড়ে গেল, কে বা আপত্তি করে, 'চাচা আপন বাঁচা' ; তবে ও টাকার বড় কিছু পাওয়া যাবে না, একবার এড'মিনিষ্ট্রেটার (Administrator) এর গর্ভে গেলে আর কিছু বাঁর হয় না।

রমেশ। তা কি ক'রবো, সব দিক সামলান ভার। ও টাকায় আর তেমন লোভ ক'রলুম না, শেষ যা হয়, দেখা যাবে ; এখন নগদ টাকা হাতে প'ড়লে মকদ্দমা চলতো, শুধু আগার ভয় পীতাম্বরে বেটাকে।

কাকালী। সে ভয় ক'রবেন না, সে ভয় ক'রবেন না। বেটাকে যখন ফৌজদারীতে ধ'রলে, তখন বেটা মরণাপন্ন। ঐ শিবে বেটা ডাক্তার এনে আপত্তি ক'রলে যে, পথে মারা যাবে। ওর জাসতুতো ভাই, দেখলেম ভারি ভদ্রলোক,

হেড কন্স্টেবলকে টাকা গুঁজে ব'লে বে, মারা যায়, আমার দায়, তুমি নিয়ে চল। চার্জট তো যে সে দেয়নি!

জগ। কি মকদ্দমাটা, আমায় তো একদিনও বলিনি, এর ভাল-মন্দ বুঝবো কি করে? মনে করিস্—আমি মেয়েমানুষ, তোরা পুরুষ, ভারি বুদ্ধি তোদের! এই মাই ছুটো কাটাতে পারতেন তো বুঝতেন, কোথায় কে পুরুষ কার কত ছাতি। পোড়া ভগবান্ যে মেরেছে, কি ক'রবো।

রমেশ। রূপসি, তুমি সব পার।

জগ। কি কেশ (case) টা ক'রেছিস্ শুনি?

কাঙ্গালী। ঐ যে ছোট একখানা তালুক ক'রেছিল না? কিছু টাকা দিয়ে এক বেটা ডোমকে আদমারা ক'রে ওর জাস্তুতো ভাই ফৌজদারী বাধিয়েছে, যে, উনি নায়েবকে হুকুম দিয়ে মেরেছেন।

জগ। এই তো কাঁচিয়েছিস্, বাকে মেরেছে, সেই ওর হ'য়ে সাক্ষী দেবে; ওর জাস্তুতো ভাই প্যাচে পড়বে।

কাঙ্গালী। আরে, সে টাকার লোভে ইচ্ছে ক'রে মার খেয়েছে, ঠিকঠাক সাক্ষী দেবে। আর যে অবস্থায় তাকে ষোলাতে ষোলাতে নিয়ে গেল, হয় তো পথেই মারা বাবে।

জগ। বটে, বটে, মফঃস্বলের লোক এমন! আহা হা হা! তারাই সুখী, তারাই সুখী! আমিও এ বুদ্ধি ক'রেছিলেম; কেমন বল পোড়ারমুখো, বলিনি যে, শিবকে জন্দ ক'ত্তে চাস, মাথায় লাঠি মেরে পুলিশে গে দাঁড়া, আপনি না পারিস্, আমি মারছি, তা তুই রাজী হ'লি কৈ?

রমেশ। সুরেশের খবর কিছু শুনেছ?

কাঙ্গালী। কিছু বুঝতে পাচ্ছিনি; যে ডাক্তারটা দেখছিল, তাকে জিজ্ঞাসা ক'রেছিলেম, সে বলে, আজ তিন দিন ম'রেছে; কিন্তু জগা বলে, আমার বিশ্বাস হয় না।

রমেশ। আমায়ও ডাক্তার বেটা ব'লে, কিছু ভাব বুঝতে পারছি নি।

জগ। ও মিছে কথা, আমি ডাক্তার ব্যাটার মুখ দেখেই বুঝেছি। কারুকে বিশ্বাস ক'রে কোন কাজ ক'রবে না। এখন ধর, ও বেঁচেই আছে। আমার আর একটা বুদ্ধি নাও—আজই হ'ক, কালই হ'ক, আর ছ'দিন বাদেই হ'ক, তোমাদের বড়বোকে আর যেনো কে এনে বাড়ীতে পোরো।

কাঙ্গালী। কেন, তাদের এনে ফল কি?

রমেশ। না না, ঠিক বলছে, এখনও সব দিক মেটে নি,

কেউ যদি বড়বোকে হাত ক'রে মকদ্দমা চালায়, সে এক ক'্যাসাদ হবে।

জগ। আরও আছে, এই ডাক্তারখানাটা রয়েছে, এতে কোন্ ওষুধটা নেই? বল, যদি কিছু কাজই হ'ল না, ডাক্তারখানা রেখে লাভ?

রমেশ। ও কি কথা রূপসি!

জগ। ক্রমে বুঝবে, ক্রমে বুঝবে, আগে বাড়ী নিয়ে এস।

রমেশ। তারা কোথা আছে? বাড়ী বেচে রাতারাতি কোথায় উঠে গেল, তা তো সন্ধান ক'ত্তে পারি নি।

জগ। সে সন্ধান আমি ক'রবো।

রমেশ। যাক্, পাঁচ কথায় কেটে গেল, এটা কাজের কথা হ'ক্,—তোমার ভাগ্নেকে শিখিয়ে রেখো, কাল এমাইনমেন্ট রেজেষ্ট্রারি (assignment registry) ক'রে নেব, রেজেষ্ট্রারটা ভারি বজ্জাত, সব খুঁটিয়ে না জেনে রেজেষ্ট্রারি করে না, ভাল ক'রে শিখিয়ে রেখো।

কাঙ্গালী। আপনিই কেন শেখান না, সে এখানে রয়েছে। ওরে ভজা! ভজা! ম'রেছে, প'ড়লো কি ঘুমুলো, ঘুমুলো কি ম'লো! ওরে ভজা!

(ভজহরির প্রবেশ)

ভজ। মরু—ঘুমতে দেবে না, একটু যদি চোখ বুজেছি, -ভজা, ভজা, ভজা! ভজা যেন ওর বাপের খান্দামা।

জগ। ভজহরি, বাবা! কাল তোমার রেজেষ্ট্রারী আপিসে যেতে হবে।

ভজ। কুচ পরোয়া নেই, বা ওয়েক্।

রমেশ। যখন রেজেষ্ট্রার জিজ্ঞাসা করবে যে, তুমি কি কাজ কর? তুমি বলবে, তুমি জমীদার, মপ্তচর পরগনা তোমার জমীদারী: নাম বলবে, মুল্লুকচাঁদ ধুধুরিয়া।

ভজ। জমীদার মুল্লুকচাঁদ ধুধুরিয়া রায় বাহাদুর।

রমেশ। না না, রায় বাহাদুর ব'লো না।

ভজ। খালি জমীদারী দিয়া? কুচ পরোয়া নেই, আজ রাত্কা ওরাস্তে রুপেয়া লেয়াও।

কাঙ্গালী। কাল একেবারে টাকা পাবি।

ভজ। মামা, আমায় কচি ছেলে পেলে নাকি? রোজ রোজ টাকা চাই, তবে এ কাজ হবে

রমেশ। আচ্ছা, এই ছ'টাকা নাও।

ভজ। কেয়া, জমীদারকা সামনে দো রোপেয়া নজর লেয়ায়া? তা হ'চ্ছে না, নিদেন যোলটা টাকা আজ রাতে চাই। এই ধর না, পাটা একটা আড়াই টাকা, ছ'টাকার একটা মদ, আট টাকার কম একটা হিন্দুস্থানী মেয়েমানুষ হবে না, এই তো ফুটকড়াই হ'য়ে গেল। যোলটা টাকা বার কর, আর মামা-মামীকে যা দাও, তা আলাদা,—তবে মুল্লুকটাদ ধুধুরিয়া! তা নইলে বাবা যে ভজহরি, সেই ভজহরি! পোষাক, ঘড়ী-ঘড়ীর চেন, হীরের আংটি তো তোমায় দিতেই হবে, আমি খালি গৌপে তা দিয়ে থাকবো, বোধ হয়, এ থেকে এক পোয়া আতর নিতে পারি।

রমেশ। আচ্ছা, চারটে টাকা নাও।

ভজ। চার টাকার মতনও কাজ আছে; রামেশ্বর, বদমাথ সাজতে বল, ছ'টাকাই বায়না নিচ্ছি। মুল্লুকটাদ ধুধুরিয়া জমীদার, যোল রুপেয়া নজর লেয়াও।

কাদ্দালী। আচ্ছা, আটটা টাকা নে।

ভজ। বকো মং বেকুব, হাম নিদ বায়, জমীদারকা সাত হড় বড়াতে হো?

রমেশ। আচ্ছা আমার সঙ্গে এস, আমি যোল টাকাই দিচ্ছি।

ভজ। এ তো বায়না, আসলের বন্দোবস্ত কি বলুন? আমি বেশী চাই নি, লক্ষ্মীয়ের পুঁটিয়া বলে আমার একটা মেয়েমানুষ আছে, সে বেটা টাকার জন্তে আমার তাড়িয়েছে, শ-ছই টাকা নইলে ফের ঢুকতে পারবো না, এই ছশো, রেল ভাড়া, আর আমার কি দেবে?

রমেশ। আচ্ছা, তার জন্ত আটক খাবে না।

ভজ। জমীদারীর চাল-চুল সব ঠিক পাবেন, নোচনে তা চড়ায়গা এসাই, পায়ের ফেলেগা এসাই, বাত করেগা হো হো, যেসাই বেকুবি মাদো ওভাই বেকুবি হায়। গাধাধাকা মাফিক কলম পাক্ড়েগা উল্টা, কাগজ উল্টাবি লেলেগা, জমীদার লোক যেসো বেকুব হোতা. ওসাই বন্ বাগা, কুচ পরোয়া নেই, রোপেয়া লেয়াও।

রমেশ। তোমায় যে গোটাকতক কথা শেখাব।

(টাকা প্রদান)

ভজ। বাবু, আজ রাতে মদটা ভাঙটা খাবো, সব

কথা কি মনে থাকবে, কাল টাটকা টাটকা বলে দেবেন, কাজ ফতে করে দেব,—বাস্!

[ভজহরির প্রশ্নান।

রমেশ। এ ছোকরা চালাক আছে।

কাদ্দালী। তা খুব!

জগ। বাবা, আমাদের বন্দোবস্ত কি ক'ল্লে? একখানা বাড়ী আর দশ হাজার টাকা লিখে দিতে চেয়েছ, সেটাও অগনি এক সঙ্গে সেরে ফেলে হয় না?

রমেশ। তার জন্ত ভাবনা নেই, তার জন্ত ভাবনা নেই, সে হবে, হবে।

[রমেশের প্রশ্নান।

জগ। ষ্টুপিডকে এত দিন ধরে যে বলছি, বাড়ীখানা লিখে নে, হাতে থাকতে থাকতে কাজ গুছিয়ে নে, কাজ রফা হ'য়ে গেলে তোমার মুখে ঝাড়ু দিয়ে বিদায় ক'রবে।

কাদ্দালী। না, তার যো কি; আজ না হয় কাল, কদিন ভাড়াবে?

জগ। আচ্ছা, দেখি আর দিন কতক, তোর বুদ্ধি শুনেই চলি; যদি ফাঁকি পড়ি, তোকেও ধরিয়ে দেব, ওকেও ধরিয়ে দেব, আমি বাদশাজাদীর সাক্ষী হব, তা না হয়, ক'জনেই জেলে যাব; খেটে মরবো। বুদ্ধি দেব আর ফাঁকে পড়বো, সে বান্দা আমি নই; তুই ষ্টুপিড তখন দেখবি। ভজার ঘটে যা বুদ্ধি আছে, তোর তা নাই।

কাদ্দালী। আরে ঠকাবে না, ঠকাবে না।

জগ। আমি তোমাদের ছ'জনকে বাঁপিয়ে দেব, এই আমার কথা। বিধাতা মরে না, দেখতে পেলে তার মুখে আগুন জ্বলে দিই! এমন গৌরার মুখ্যর সঙ্গে আমার জুটিয়েছে! আমার কতক যুগি রমেশ।

কাদ্দালী। চল্ চল্, ক্ষিদে পেয়েছে।

জগ। পিণ্ডি খাবি বা, আমি চল্লম মদননোহনের বাড়ী, আজ শুনেছি কি ভাল দিন আছে, দেখি যদি বৌ-টা মদন-নোহন দেখতে যায়, তা হ'লে পেছু পেছু গিয়ে বাসার সন্ধান ক'রবো, নয় তো আবার কাল ভোরে গঙ্গার ঘাট খুঁজতে হবে।

কাদ্দালী। আচ্ছা, ওদের খুঁজিস্ কেন? তারা যেখানে হয় থাকুক না, তোর কি?

জগ। এ কাজটা চল্লিশ হাজার টাকার কাজ, তুই কি বুঝবি? আমি যা খুসি করি, তুই বকাসনি।

কান্দালী। বা মরুগে যা, আমার ক্ষিদে পেয়েছে।

[উভয়ের উভয় দিকে প্রস্থান

তৃতীয় গর্ভাঙ্ক

ভগ্নগৃহ

যোগেশ ও জ্ঞানদা।

যোগেশ। কি বাবা, এখানে পালিয়ে এসেছ? আমার সঙ্গে লুকোচুরি,—কেমন ধরেছি? ভালমানুষের মতন চাবিটি বাঁর করে দাও, আজ ছুঁদিন আর বেটারা মদ খেতে দেয় না।

জ্ঞানদা। তুমি আবার কি ক'ত্তে এসেছ? ছেলেটা কি ক'রে উপোস ক'রে মরছে, তাই দেখতে এসেছ?

যোগেশ। আমি কিছু দেখতে শুনতে আসি নি, মদ ফুরিয়েছে, মদ চাই, টাকা বাঁর করে দাও, স্ফুঁ স্ফুঁ চলে যাচ্ছি। কারুর মুখ দেখতে চাই নি, কারকে মুখ দেখাতে চাই নি, ঢুক ঢুক মদ খেতে চাই, ব্যস!

জ্ঞানদা। তোমার একটু লজ্জা হয় না? মাগছেলে অন্নভাবে মরে, যার বাড়ী ভাড়া, সে আজ বাদে কাল ভাড়ার জন্তে তাড়িয়ে দেবে; বাড়ী বেচা তিনশো টাকা ছিল, তা চুরি ক'রে নিয়ে গিয়েছ, আর কোথায় কি পাব, কি নিতে এসেছ? ধিক্—তোমায় ধিক্!

যোগেশ। ধিক্ একবার—ধিক্ লাখবার! আমাকে ধিক্, তোমাকে ধিক্, মাকে ধিক্, য়েদোকো ধিক্, আর যে যে আছে, সবাইকে ধিক্, ধিক্ বলে ধিক্, ডবল ধিক্! কেমন বাবা, ধিকের ওপর দিয়েই একটা ছড়া বেঁধে দিলেম। নাও, বাপের স্নপুত্র হ'য়ে বাস্তুটি খোলো।

জ্ঞানদা। ওগো, একটু হুঁস কর; কোথায় দাঁড়াব, তার স্থল নাই। আগামী বাড়ী ভাড়া দেবার কথা, দিতে পারি নি, কখন তাড়িয়ে দেয়, ছেলেটা আধ পয়সার মুড়ি খেয়ে আছে, তোমার কি দয়া-মায়ী নাই? পাখীতেও যে ছেলের আদার যোঁটায়। ঘরে চা'ল নাই, এখনি য়েদো ক্ষিদে

পেয়েছে বলে আনবে, তুমি টাকা চাইতে এসেছ, তোমার লজ্জা নাই?

যোগেশ। বড় লম্বা লম্বা কথা ক'চ্ছো যে? কিসের লজ্জা! লজ্জা থাকলে কেউ জুচ্চুরি করে? লজ্জা থাকলে কেউ মদ খায়? লজ্জা থাকলে কেউ ভিক্ষা করে? আজ তিন দিন ভিক্ষা ক'রে মদ খাচ্ছি, একটা ছোলা দাঁতে কাটি নি, একটা পয়সার জন্ত রাস্তার লোকের কাছে হাত পাতছি, আবার লজ্জা দেখাচ্ছ? তবে আর কি, কিসের লজ্জা? নিয়ে এস, টাকা নিয়ে এস!

জ্ঞানদা। বকো, আমি চল্লিশ।

যোগেশ। যাবে কোথা? টাকা বাঁর কর; না বাঁর ক'ত্তে পার, চাবি দাও, আমি বাঁর ক'রে নিচ্ছি; ঐ যে বাস্তু রয়েছে, আমি ভেঙ্গে নিতে পারবো।

জ্ঞানদা। কি কর, কি কর? আজ যে ভাড়া দিতে বে, নইলে বাড়ী থেকে তাড়িয়ে দেবে। আমি বাসন বাঁধা দিয়ে তিনটে টাকা এনেছি, দুটা ঘর ভাড়া ক'রে আছি, দূর ক'রে তাড়িয়ে দেবে, রাস্তায় দাঁড়াতে হবে।

যোগেশ। তা আমার কি? কেউ আমার মুখ চেয়েছিলে? কেউ আমার মুখ চাচ্ছ? আমি এই যে রাস্তায় রাস্তায় ভিক্ষা ক'রে বেড়াচ্ছি; বিষয় চিনেছিলে, বিষয় নিয়ে থাকো। কেমন ঠকিয়ে নিয়েছে! হা, হা, হা! ছেড়ে দাও বলছি—

জ্ঞানদা। ওগো, একটু বোঝো, তোমার পায়ে পড়ি, একটু বোঝ।

যোগেশ। ছেড়ে দাও বলছি, ভাল চাও তো ছেড়ে দাও, নইলে খুন ক'রবো।

জ্ঞানদা। খুন ক'রবে কর, আপদ চুকে যাক।

যোগেশ। বটে রে হারামজাদী! (পদাঘাত)

জ্ঞানদা। ও বাবা রে!

যোগেশ। এখনও ছাড়লিনি? ছাড় হারামজাদী— ছাড়।

[গলাধাক্কা দিয়া বাস্তু কাড়িয়া লইয়া প্রস্থান।

(বাড়ীওয়ালীর প্রবেশ)

বাড়ী-। ওগো বাছা, ভাড়া দাও। ওগো, কথা ক'চ্ছো না যে? বাছা, ভাল চাও তো ভাড়া দাও—নইলে আমি

আর বাড়ীতে জায়গা দিতে পারবো না। আমি পতিপুত্রহীন, এই ঘর-ছুটি ভাড়া দিয়ে খাই—ও মা, তুমি কেমন ভাল-মাল্লুকের মেয়ে গা? যেন কে কাকে বলছে; রাজরাণী শুয়ে ঘুমুচ্ছেন; ও মা, এ যে সিটুকে সিটুকে রয়েছে, মৃগী রোগ আছে নাকি? ও মা, এমন লোককে ভাড়া দিয়েছি, খনের দায়ে প'ড়বো নাকি।

জ্ঞানদা। ও মা!

বাড়ী। কি গো কি, তোমার কি হয়েছে?

জ্ঞানদা। কিছু হয় নি বাছা।

বাড়ী। না হ'য়েছে নেই নেই, এক দিনের ভাড়া দিয়ে তুমি উঠে যাও; কোন্ দিন দাঁত ছিঁকুটে ম'রে থাকবে, আমার হাতে দড়ি প'ড়বে।

জ্ঞানদা। মা, আমার হাতে কিছুই নেই, আমার ছেলে আস্থক, নিয়ে চ'লে যাব।

বাড়ী। হ্যাঁ গা, তুমি কেমন জোচ্চোরণী গা? এই যে থালা ঘটা বাঁধা দিয়ে ধার ক'রে নিয়ে এলে, আমার ভাড়া দাও বাছা, ভাড়া দিয়ে চ'লে যাও, জুচ্চুরির আর জায়গা পাওনি?

জ্ঞানদা। ওমা, আমি বা এনেছিলাম, চোরে নিয়ে গেছে, ঘটা-বাটা যা আছে, তুমি বেচে নিও, আমি ছেলোট এলেই চ'লে যাচ্ছি।

বাড়ী। ওমা, ঘটা-বাটা তো ঢের, ভালা জোচ্চোরের পালায় পড়েছিলাম; তাই চ'লে যেয়ো বাছা, চ'লে যেয়ো।

[বাড়ীওয়ালীর প্রস্থান।

(যাদবের প্রবেশ)

যাদব। মা, তুমি কাঁদছো কেন?

জ্ঞানদা। যাদব, চল, এখানে আর আমরা থাকবো না।

যাদব। কোথা' যাব মা?

জ্ঞানদা। কালীঘাটে যাব, চ' যাবি?

যাদব। ক্ষিদে পেয়েছে, ভাত খেয়ে যাব।

জ্ঞানদা। না, সেইখানে গিয়ে খাবে।

যাদব। আজ ভাত কি নেই?

জ্ঞানদা। না, আজ রাখি নি।

যাদব। পথে চ'লতে পারবো না, বড্ড ক্ষিদে পাবে আর এক পয়সার মুড়ি কিনে দিও।

জ্ঞানদা। হা ভগবান, অদৃষ্টে এই লিখেছিলে! ভিক্ষে ক'ত্তেও যে জানি নি, কোথায় যাব, কোথায় দাঁড়াব!

(প্রফুল্লর প্রবেশ)

যাদব। কাকীমা এয়েছে, কাকীমা এয়েছে—

প্রফুল্ল। দিদি! যাদব, যা তো, এই সিকিটে নিয়ে যা, খাবার কিনে আন, আমরা খাব।

যাদব। ও মা, দেখ মা দেখ, খাবার কিনে আনি গে মা।

জ্ঞানদা। যাও বাবা, যাও।

[যাদবের প্রস্থান।

প্রফুল্ল। দিদি! তোমার এমন দশা হয়েছে দিদি?

জ্ঞানদা। মেজবৌ, তুমি কেমন ক'রে এলে?

প্রফুল্ল। আমার পাঠিয়ে দিলে;—ব'লে, তোমাদের বড় ছুখ হ'য়েছে, ওদের নিয়ে আয়। দিদি, এখন আমি মিছে কথা শিখেছি, আমি নিয়ে আসছি ব'লে এসেছি, কিন্তু দিদি, তোমাদের নিয়ে যাব না; কি তার মতলব আছে। আমি তোমাদের বদতে এসেছি, নিতে এলে খবরদার যেয়ো না; সেই ডাইনী মাগী আর এক গিসে ডা'ন, “বেদো যেদো” ব'লে কি ফুস্ফুস করে, আমার বুক শুকিয়ে যায়; খবরদার দিদি, তোমাদের নিতে এলে যেয়ো না!

জ্ঞানদা। বোন, তোমার কাছে আমার একটি মিনতি আছে, তুমি একদিন যাদবকে পেট ভ'রে খাইয়ে পাঠিয়ে দিও, তারপর আমি গলা টিপে মেরে ফেলবো। একদিন যদি পেট ভ'রে খাওয়াতে পারি, আমি ওকে মেরে ফেলে জলে গিয়ে ডুবি। আজ তিনদিন এক বেলাও পেট ভরে খেতে দিতে পারি নি; রাত্রে একটু ফেন খাইয়ে শুইয়ে রাখি! বোন, আমার আর কিছু ক্ষোভ নাই। আমি মহাপাতকী, কার ভাড়া ভাতে ছাই দিয়েছিলাম, তাই এ দশা হয়েছে; কিন্তু হুধের ছেলে ক্ষিদেয় ছটফট করে, এ যাতনা আর দেখতে পারি নি, আজ আমাকে বা'র ক'রে দিয়েছে, ভাড়া দিতে পারি নি, রাখবে কেন? মনে করেছিলাম, ভিক্ষা ক'রে ছুটি খাইয়ে জলে গিয়ে উলুবো; আমি বেরিয়ে যাচ্ছি, আর তুমি এলে।

প্রফুল্ল। দিদি, তুমি কেঁদো না, আমার এ গয়নাগুলি নাও, এ বেচে কিনে চালাও। আমি তোমার সঙ্গে থাকতুম,

গিরিশ-গ্রন্থাবলী

মাকে দেখবার কেউ নাই, না খাইয়ে দিলে খায় না, কি করবো, আমার ফিরে যেতে হবে। তুমি এগুলি নাও, আমি আবার এসে যেখান থেকে পাই, টাকা দিয়ে যাব।

জ্ঞানদা। বোন, তোমার গহনা নিয়ে আমি কি করবো? এ তো থাকবে না, আমার স্বামী আমার শত্রু! সে দিন বাড়ীবেচা তিনপো টাকা বাক্স ভেঙ্গে চুরি করে নিয়ে গেল; আজ বাসন বাঁধা দিয়ে ঘরভাড়ার টাকা এনেছিলেম, লাথি মেরে ফেলে দিয়ে কেড়ে নিয়ে গেল।

প্রফুল্ল। দিদি, তুমি কি আমার পর ভাবছো? আমি তোমার পর নই, আমি তোমার সেই ছোট বোন; আমার পেটের ছেলে নাই, বাদব আমার ছেলে, আমার যা আছে, সব বাদবের। আমি বাদবের জিনিষ বাদবকে দিচ্ছি, তুমি কেন নেবে না দিদি?

জ্ঞানদা। মেজবো, পর ভাবি নি, আমি কি ছিলেম, কি হয়েছি! আমার বাড়ীর যে সব সানগ্রী কুকুর-বেড়ালের খেয়ে অরুচি হয়েছে, সে আমার বাদব পেতে পার না, যে স্বামী আমার মুখে রোদের আঁচ লাগলে কাতর হ'ত, সে আমার লাথি মেরে ফেলে গেল; যে কাপড়ে সন্তে পাকাতুন, সে কাপড় বাদবের নেই; কখনও চন্দ্র সূর্য্য মুখ দেখে নাই, আজ নিরাশ্রয় হ'য়ে পথে চলেছি—

(বাদবের পুনঃ প্রবেশ)

বাদব। কাকীমা, কাকীমা, বাবা হাত মুচড়ে সিকি কেড়ে নিয়ে গেল।

জ্ঞানদা। দেখ বোন—দেখ, আমার অদৃষ্ট দেখ! আমি কোথায় যাব, স্বামী কার শত্রু হয়? ভগবান কেন আমার এ পেটের বালাই দিয়েছেন, আমার কি মরণ নাই?

প্রফুল্ল। দিদি, তুমি বাঁদছো কেন? অমন ক'চ্ছ কেন?

জ্ঞানদা। কে জানে ভাই, আমার শরীর কেনন ক'চ্ছে, আমি কিছু দেখতে পাচ্ছি নি। (উপবেশন)

(বাড়ীওয়ালীর পুনঃ প্রবেশ)

বাড়ী। হ্যাঁ গো, এখনও ঘরে রয়েছ, এখনও বেরোও নি?

প্রফুল্ল। কে না তুমি? তোমার কি এই বাড়ী? তুমি

কি ভাড়ার জন্ত বনছো? কত ভাড়া হ'য়েছে বল, আমি দিচ্ছি।

বাড়ী। এ তোমার কে গা?

প্রফুল্ল। আমার জা।

বাড়ী। আহা, তোমার জা, ওর এমন দশা কেন গা?

প্রফুল্ল। ওগো বাছা, সে চের কাহিনী! তুমি আমার মা, আমার দিদিকে আর ছেলোটিকে যদি যত্ন কর, তুমি বাছা বা চাও, আমি তাই দিই!

বাড়ী। হুঁ হুঁ, বড়লোকের ঘরের মেয়ে, তা বুঝতে পেরেছি। কি করবো বাছা, কড়ি নেই, এই ঘর দুটি ভাড়া দিয়ে খাই, তা নইলে কি ভালমানুষের মেয়েকে বাড়ী থেকে তাড়িয়ে দিই?

প্রফুল্ল। তা বাছা, তুমি এই হারছড়া রাখ, এই বাঁধা দিয়ে খরচপত্র চালিও; আমার সঙ্গে এস, আমি আমাদের বাড়ী দেখিয়ে দেব, টাকা ফুরালেই এক একখানা গহনা দেব, তুমি বেচে চালিও।

বাড়ী। হ্যাঁ বাছা, আমার কাছে কেন রেখে বাচ্ছ? তোমাদের বাড়ী কেন নিয়ে যাও না, আমি কোথায় গয়না বাঁধা দেব, কে কি বসবে, আমি কাপাল মনুষ্য, আমি অত পারব না।

প্রফুল্ল। ওগো, বাড়ী নিয়ে যাবার যো নাই! আচ্ছা, তোমায় আমি টাকা দেব।

বাড়ী। বাছা, আমি কিছু বুঝতে পাচ্ছি নি, তুমি ভাড়া দাও বাছা; তোমার দিদির কাছে টাকা দিয়ে যাও, এনে নিয়ে দিতে হয়, আমি দিতে পারবো।

জ্ঞানদা। মেজবো, বোন, তুমি কেন অমন ক'চ্ছো? আমার দিন ফুরিয়েছে, আমি আর বাঁচবো না, যেদোর যদি কিছু ক'তে পার, দেখ।

বাদব। কেন মা, কেন তুই বাঁচবি নি? ও মা, বলি নি মা, আমার ভয় করে।

জ্ঞানদা। মেজবো, প'ড়ে গিয়ে বুকে লেগেছে, আমার দম আটকাচ্ছে।

প্রফুল্ল। ওগো বাছা, তুমি একজন ডাক্তার ডেকে আন না।

বাড়ী। না বাছা, আমি কব রেজ ডাবতে পারবো না। ঘরে ম'লে আমার ঘর ভাড়া হবে না, তোমাদের খুন

বিদায় কর। ও মা, মুখ দিয়ে রক্ত উঠছে বে গো, ওঠো গো ওঠো ; ম'তে হয় রাস্তায় গিয়ে মর।

প্রফুল্ল। ইয়াগা বাছা, তোমার দয়া নাই ? মানুষ মরে, তুমি তাড়িয়ে দিচ্ছ ?

বাড়ী। না বাছা, আমার দয়া-দায়ী নাই। ঘরে ম'লে আমার ঘর ভাড়া হবে না, আমি ভাড়া চাইনি বাছা—তোমরা বিদায় হও।

প্রফুল্ল। ও বাছা, তুমি যা চাও, তাই দিচ্ছি, তাড়িও না বাছা ? আমি তোমায় সব গয়না দিয়ে বাচ্ছি।

বাড়ী। ই্যা ই্যা তোমার গয়না নিয়ে আমি বাধা যাই।

প্রফুল্ল। কোথায় নিয়ে যাব, কি সর্পনাশ হ'ল !

জ্ঞানদা। মেজবৌ, তুই ভাবিস্ নি, আমি সেরে উঠেছি, আমার গা ঝিম্ ঝিম্ ক'চ্ছিল, সেরে গিয়েছে, তুই বাড়ী যা।

প্রফুল্ল। দিদি, কি হবে দিদি ? কই দিদি, তুমি তো সার নি, তুমি যে এখনো কাঁপছো।

জ্ঞানদা। না বোন, তোর ভয় নেই, আমার অমন হয়, ঠাকরণ পাগল মানুষ, একলা আছেন, তুই দেখ্ গে যা ; তোর ঠেঁয়ে যদি টাকা থাকে, আমায় দিয়ে যা।

প্রফুল্ল। ই্যা দিদি, সেরেছ তো ? আমি তবে যাই, এই নাও ; (টাকা দিয়া) তবে আদি দিদি। আমি পাঙ্কীর বেহারাদের দিয়ে তোমায় টাকা পাঠিয়ে দেব, সন্দারকে বলে দেব, তোমার রোজ খবর নেবে।

জ্ঞানদা। এস বোন, এন।

[পদবুলী লইয়া প্রফুল্লর প্রস্থান।

বাড়ী। ইয়াগা, তুমি চোখ্ টিপলে যে ? ওকে তো বিদায় ক'লে, আমি বাহা তোমায় রাখতে পারবো না।

জ্ঞানদা। আমি যাচ্ছি মা, তোমায় কি ভাড়া দিতে হবে ?

বাড়ী। আমি এক পরস। চাই নি বাছা, তুমি বিদায় হও।

জ্ঞানদা। এই নাও একটি টাকা নাও, আমি পাঁচ দিন এসেছি ; তুমি যাও, আমি বাসন-কোসন নিয়ে বেরাচ্ছি।

বাড়ী। নাও, শীগ্গির নাও, ঐ ধোপা-পাড়ায় ভেতর খোলার ঘর আছে, সেইখানে গিয়ে থাক' গে।

[বাড়ীওয়ালীর প্রস্থান।

জ্ঞানদা। যাদব—যাদব, কাঁদিস্ নি—চল। মা

ভগবতি ! তোমার মনে এই ছিল মা ? আশ্রয়হীন ক'লে ? শরীরে বল নাই, রাস্তায় চলতে চলতে পথে প'ড়ে ম'রে থাকবো, মুদ্রকরাশে টেনে ফে'লে দেবে, এ অনাথ বালক কোথায় যাবে ? লক্ষীর কথায় শুনেছিলেম, আপনার ছেলেকে খাওয়ার জন্তে সাপ রে'ধেছিল, আমারও তাই ইচ্ছে হ'চ্ছে, আমি ম'লে এর দশা কি হবে।

[সকলের প্রস্থান।

চতুর্থ পর্ভাঙ্ক

রমেশের ঘর

রমেশ ও জগমণি।

রমেশ। প্রফুল্ল আনতে পারলে না।

জগ। আমার ওকে আর বিশ্বাস হয় না, ও তেমন শাদাটি আর নেই। আমি যোগাড় ক'রে রেখেছি, মদনাকে তার বাড়ীর দোর-গোড়ায় পাহারা রেখেছি, ছেলেটা বেরুবে, আর ভুলিয়ে নিয়ে আসবে। ছেলে হাতে হ'লেই হ'ল, বৌকে তো আর দরকার নাই।

রমেশ। বৌকে দরকার আছে বৈ কি। পীতাম্বরে বেটা শুন্ছি আসছে ; সে বেটা এসেই একটা ছাপাম বাধাবে, তার সন্দেহ নাই।

জগ। তা ছেলেকে আনতে পারলে বৌকে হাত করা শক্ত হবে না ; ছেলেটা পেতে পার না, খাবার দাবায় দিয়ে ভুলিয়ে রাখা যাবে, বৌটাকে ছেলে দেখাবার নাম ক'রে আনা যাবে। একটা ভাব'ছি, বৌটা থাকলে ছেলেটাকে মারা মুষ্কিল, সে পরের কথা পরে, বাড়ী তো এনে প'রো ; আমি চল্লেন, রাত হয়েছে।

রমেশ। আমায়ও বেরুতে হবে। মা রাত্রে যে চাঁচায়, বাড়ীতে থাকতে ভয় করে।

জগ। তুমি তো বাগানে যাবে ? আমায় অমনি নাবিরে দিয়ে যেও না।

[উভয়ের প্রস্থান।

(প্রফুল্লর প্রবেশ)

প্রফুল্ল। আমি যা ঠাউরেছি, তাই ; ছেলে এনে মেরে ফেলবে ! খুদকুড়ো গেয়ে বেঁচে থাকুক, আমি তারে ছুদ-দি

থাওয়াতে চাই নি, প্রাণে বেঁচে থাকুক, পরমেশ্বর করুন, প্রাণে বেঁচে থাকুক !

(স্বরেশের প্রবেশ)

স্বরেশ। মেজ', মা কোথা ?

প্রফুল্ল। ঠাকুরপো, তুমি কোথেকে এলে ?

স্বরেশ। আমি রাত্রিবেলা যে দিক্ দে বাড়ী সঁধুতেম, সেই দিক্ দে সেই পাঁচিল টপ্কে এসেছি।

প্রফুল্ল। ঠাকুরপো, তুমি যেদোকো বাঁচাও।

স্বরেশ। তারা কোথায় ?

প্রফুল্ল। আড্ডায় বেয়ারাদের জিজ্ঞাসা কর, আমার পাঙ্কী ক'রে সেখানে নিয়ে গিয়েছিল, তুমি যেদোকো নিয়ে পালিয়ে যাও।

স্বরেশ। এত রাত্রে তো বেয়ারাদের দেখা পাব না ?

প্রফুল্ল। তবে কা'ল সকালে খবর নিও।

স্বরেশ। তাই নে'ব ; মা কোথায় ?

প্রফুল্ল। শুয়ে আছেন।

স্বরেশ। তুমি এত রাত্রে জেগে ব'সে আছ যে ?

প্রফুল্ল। তিনি ঘুমুতে ঘুমুতে ওঠেন।

স্বরেশ। তা তুমি মা'র কাছে না থেকে এখানে র'য়েছ যে ? যদি আর এক দিক্ দে চ'লে যান ?

প্রফুল্ল। না, তিনি এই ঘরেই আসবেন, যখন জেগে থাকেন, যেন ছেলেমানুষ হন, যেন নূতন শিশুর ঘর ক'ত্তে এসেছেন, আমার মনে করেন, তাঁর বাপের বাড়ীর ঝি। এই থাওয়ালেম, তখনি ভুলে যান,—বলেন, “ঝি, ঠাকুরপো কি আজ আমায় খেতে দেবেন না ?” আর ঘুমন্ত যেন সেই গিন্নী, কি বলেন, আমি কিছুই বুঝতে পারি নি। ঐ দেখ, আসছেন, চক্ষের পল্লব পড়ছে না। মনে ক'চ্ছ জেগে আছেন, তা নয়, ঘুমুচ্ছেন।

(উমাসুন্দরীর প্রবেশ)

উমা। সই কর, সই কর, মদ খাস্ খাবি ; আমার বিষয় থাকুক, আমার বিষয় থাকুক, সই করবি নি ? রমেশ, রমেশ ! ওকে খুন ক'রে ফেল্। ওহো ! আমার ধর্মের ঘরে পাপ সঁধিয়েছে, আমার ধর্মের ঘরে পাপ সঁধিয়েছে !

স্বরেশ। ওমা, মা, আমি যে তোমার স্বরেশ।

উমা। শীগ্গির রেজেটারি ক'রে নে, শীগ্গির রেজেটারি

ক'রে নে, ভাঙ,—ভাঙ, পাথর ভাঙ ; আমার সব ফুরলো ! গড় গড় গড় গড়, এই বৃন্দাবনে এয়েছি।

প্রফুল্ল। ও মা, অমন ক'চ্ছ কেন মা ? ঠাকুরপো এসেছে, দেখ না মা !

উমা। উঃ ! বৃন্দাবনে কি অন্ধকার ! খালি ধোঁয়া খালি ধোঁয়া, কিছু দেখবার যো নেই ! গড় গড় গড় গড়—ভাঙ, পাথর ভাঙ, পাথর ভাঙ, বুক যায়, বুক যায় ! (মূর্ছা)

প্রফুল্ল। এমনি মূর্ছা যান; আমি ধরি, আমাকে নিয়ে পড়েন। এই দেখ না, আমার সর্কাঙ্ক খেঁতো হ'য়ে গিয়েছে।

স্বরেশ। ও মা, মা ! আমি যে স্বরেশ মা, কেন অমন করছ ? ও মা, ওঠো মা, আমি যে স্বরেশ ; মা, এই দেখতে কি আমায় গর্তে ধ'রেছিলে ? এই দেখতে কি আমায় বুকচিরে রক্ত দিয়ে বাঁচিয়েছিলে ? হায় হায় ! এই দেখতে কি আমি জেল থেকে বেঁচে এলেম ! মা গো, আর যে সময় না মা !

উমা। ও ঝি—ঝি ! এত বেলা হ'ল, আমায় কিছু খেতে দিবি নি ? আমি অপাট করেছি, তাই বুঝি ঠাকুরপো খেতে দেবে না ?

স্বরেশ। ও মা, মা, আমায় চিন্তে পারছ না ? আমি যে তোমার স্বরেশ, দেখ মা !

উমা। ও ঝি, শিশুর মিন্দের আঁকেল দেখেছিস্, স'রে' যেতে বল্ ; আমি কি সেই ছোট বোটি আছি, যে কোলে ক'রে নিয়ে বেড়াবে ?

প্রফুল্ল। মা, ঠাকুরপোকে চিন্তে পারছো না ? চেয়ে দেখ না, ঠাকুরপো ফিরে এসেছে।

স্বরেশ। ও মা, মা গো ! একবার কথা কও, বুক ফেটে যাচ্ছে মা !

উমা। স'রে' যেতে বল্, স'রে' যেতে বল্, এখন আমি বুড়ো গাঙ্গী হয়েছি, এখন আমায় আদর করা কি ? বল্লি নি—বল্লি নি ? আমি চল্লেম, আমি চল্লেম ; ওহো হো হো হো ! বুক যায়, বুক যায়, বুক যায় !

[সকলের প্রস্থান।

পঞ্চম গর্ভাঙ্ক

রাস্তা

জৈনক মাতাল ও যোগেশ।

যোগেশ। কি বাবা, কাজ গুছিয়েছ, আর মদ দেবে না ?

মাতাল। আর মদ কোথায় পাব, কাপ্তেন ঘাল হ'ল, আর মদ কোথায় পাব ?

যোগেশ। যেওনা, শোন, একটা কথা শোন,—একজন যোগেশ ছিল, সে তোমাদের ছুঁতো না, তোমাদের মুখ দেখলে নাইতো। তার একটি স্ত্রী ছিল, দেখলে প্রাণ জুড়াতো, একটি ছেলে ছিল, তারে কোলে নিত, চুমো খেতো। দিন গেল, দিন ফুরুলো, আবার একজন যোগেশ হ'ল ! বলে যোগেশ, যোগেশ কি না কে জানে ; এ যোগেশ কে, তা জান ? স্ত্রীর বাড়ী-বেচা টাকা নিয়ে পালাল, স্ত্রীকে লাথি মেরে ফেলে দিয়ে বাক্স নিয়ে চ'লে এলো ; ছেলেটার হাত মুচড়ে পয়সা কেড়ে নিলে, প্রাণে একটু লাগলো না। কারুকে সে চায় না ; বলতে পার, কোন্ যোগেশ আমি ? সে কি এ ?

মাতাল। ছেড়ে দে, ছেড়ে দে।

[মাতালের প্রশ্নান।

যোগেশ। আচ্ছা যাও। কোন্ যোগেশ আমি, সে কি এ !

(জৈনক লোকের প্রবেশ)

ওহে, একটা পয়সা দাও না, একটা পয়সা দাও না।

[লোকের পশ্চাৎ পশ্চাৎ যোগেশের প্রশ্নান।

(শিবনাথ ও ভজহরির প্রবেশ)

শিব। স'রে যা, স'রে যা, গায়ের ওপর পড়িস্ নি।

ভজ। ক্যা তোম হামকো পছাঙ্তা নেই ? হাম মুল্লক-চাঁদ ধুধুরিয়া জমীন্দার।

শিব। এ পাগল নাকি ?

ভজ। পাগল নয় ম'শায়, পাগল নয়, সুরেশ বাবু কোন্ বাড়ীতে থাকেন, বলতে পারেন ? সুরেশ ঘোষ, সুরেশ ঘোষ ; এখানে কোন্ শিবনাথ বাবুর বাড়ী থাকেন।

শিব। সুরেশ বাবুকে কি দরকার ?

ভজ। হাম উস্কা মহাজন হায়, জমীন্দার ; মোচ-দেখকে সম্ভ্রাতা নেই ? ম'শায়, শিবনাথ বাবুর বাড়ী বলতে পারেন ?

শিব। আমার নাম শিবনাথ ; তোমার সুরেশ বাবুর সঙ্গে কি কাজ ?

ভজ। শুনুন না, বুঝতেই তো পেরেছেন, আমার কোন' পুরুষে জমীন্দার নয় ; সুরেশ বাবুর ভাই রমেশ বাবু আজ আমায় জমীন্দার ক'রেছেন। আমি যোগেশ বাবুর বিষয় বাধা রেখেছিলেম, সে বিষয় রমেশ বাবুকে লিখে দিয়ে রেজেষ্টারী ক'রে এলেম ; হাম জমীন্দার হায়, সপ্তচর পরগণা হামারা হায়।

শিব। তুমি জমীন্দার ?

ভজ। জমীন্দার নেই ? রেজেষ্টার লিখলিয়া জমীন্দার। ও ম'শায়, আপনি বুঝতে পারবেন না—শাদা লোক, সুরেশ বাবুর কাছে নিয়ে চলুন ; তিনি না বুঝতে পারেন, একটা উকিল ডাকুন, আমি বুঝিয়ে দিচ্ছি। রমেশ বাবু ফাঁকি দিয়েছে, বাজার-রাষ্ট্র কথা,—এ কথা শোনে নি ? আমাকে জমীন্দার সাজিয়েছিল।

শিব। বুঝেছি বুঝেছি, আমার সঙ্গে এস।

ভজ। ক্যা—জমীন্দার এসা যাগা ? সোয়ারী লেয়াও ; তোম ক্যায়সা দেওয়ান ? তোমকো বরতরফ্ করে গা।

শিব। তুমিও তো এ জুচ্ছুরির ভেতর আছ ? আমরা নালিশ ক'রে তোমারও তো গেয়াদ হয় ?

ভজ। অত দূর ক'রবেন কেন, আনায় নিয়ে রমেশ বাবুর কাছে হাজির হ'লেই তাঁর গা শিউরে উঠবে, লিখে দিতে পথ পাবেন না ; চলুন না, আমি বাগিয়ে সব ঠিক ক'রে দিচ্ছি।

শিব। তুমি যদি শেষ পেছোও ?

ভজ। পেছোবো তো এগিয়েছি কেন ? অবিশ্বাস হয়, একটা উকিল ডেকে এফিডেভিট (affidavit) করিয়ে নাও না ; আর আমি আগে তো এক পয়সা চাচ্ছি নি, তোমাদের বিষয় পাইয়ে দিই, আনায় কিছু দিও, তোমরাও স্বেচ্ছন্দে থেকে, আমিও পুঁটিয়াকে নিয়ে থাকবো।

শিব। আচ্ছা, তুমি এস।

[উভয়ের প্রশ্নান।

(জ্ঞানদা ও যাদবের প্রবেশ)

জ্ঞানদা। যাদব, এক কথা বলি শোন, এই চারটে টাকা বেশ ক'রে বেঁধে নে, কেউ চাইলে দিস্ নি, কারুকে দেখাস্ নি, দোকানে যা ইচ্ছা হয় লুকিয়ে বা'র করে কিনে খাস্। আর এখন এই ছ' আনার পয়সা নে, দোকান থেকে কিছু খাবার কিনে খেগে, আমি এইখানে ব'সে থাকি।

যাদব। কেন মা, তুমি এস না, তুমিও ত খাও নি মা।

জ্ঞানদা। আমি খেয়েছি বৈ কি।

যাদব। অমন ইঁপাচ্ছ কেন মা ?

জ্ঞানদা। ইঁপিয়েছি, তাই তো ব'সে আছি, তুই যা।

যাদব। মা, তোরে জল এনে দেব মা ?

জ্ঞানদা। না বাছা, তুমি যাও, খাও গে।

[যাদবের প্রস্থান।

এই তো আসন্নকাল উপস্থিত, অদৃষ্টে যা ছিল হ'ল, ম'লেই ফুরিয়ে যাবে! বেদোর কি হবে, আর দেখতে আসবো না, আজ তো বাছা খেতে পাবে!

(যোগেশের প্রবেশ)

যোগেশ। কোথাও তো কিছু হ'ল না, এই চারটে পয়সা পেয়েছি, এক ছটাক মদ দেবে। এ কে, জ্ঞানদা প'ড়ে নাকি ?

জ্ঞানদা। তুমি এসেছ! আমার মৃত্যুকাল উপস্থিত, একটা কথা শোন; আমায় মার্জনা কর, আমি ঠাকুরপোর বুদ্ধি শুনে তোমার এই সর্কনাশ ক'রেছি! আমি শিব-পূজা ক'রে শিবের মতন স্বামী পেয়েছিলেম, আমার বরাতে সহিল না, তোমার অপরাধ নাই। এখনও শোধরাও, তোমার সব হবে।

যোগেশ। ম'চ্ছে, রাস্তায় ম'ত্তে এসেছ? তোমাদের এতদূর হ'য়েছে? আমার সাজান বাগান শুকিয়ে গেল! বেদোও ম'রেছে? বেশ হ'য়েছে! ম'চ্ছে, মর, আমি মদ খাই গে; ঘরে ম'ত্তে পারলে না? তা মর, রাস্তায়ই মর; কি করবো, হাত নেই, মদ খাই গে আমার সাজান বাগান শুকিয়ে গেল!

জ্ঞানদা। তুমি আমার একটি উপকার কর, যদি এই কথাটি স্বীকার পাও, তা হ'লে আমি স্বে মরি কোন রকমে যদি বেদোকে পীতাম্বরকে বাড়া পাঠিয়ে দাও, কি

পীতাম্বরকে যদি একখানা চিঠি পাঠিয়ে দাও, সে এসে নিয়ে যায়, তা হ'লে আমি স্বে মরি।

যোগেশ। তুমি রাস্তায়, যেদো সেথায় ম'রবে, কেমন? —তা বেশ! আমি বলতে পারি নি, মিছে কথা বলবো না, পারি যদি পীতাম্বরকে চিঠি লিখবো। আমার ঘাড়ের ভূতটা, এখন তফাতে দাঁড়িয়ে আছে, যদি শীগ'গির না ঘাড়ে চাপে, তা হ'লে পারবো; আর ঘাড়ে চাপলে আমি কি ক'রবো! কি বল, আমি লাথি মেরেই তোমায় দেরে ফেলেছি, কেমন?

জ্ঞানদা। তোমার অপরাধ কি, আনায় ভগবান মেরেছেন!

যোগেশ। না না, ভূতটা তফাতে আছে, আমি বুঝতে পাচ্ছি; আমিই মেরে ফেলেছি। কি করবো বল, ভূতে মেরেছে, চারা নাই! ম'চ্ছে, মর—মর!

(জ্ঞানদার মৃত্যু)

আমার সাজান বাগান শুকিয়ে গেল! আহা হা! আমার সাজান বাগান শুকিয়ে গেল!

পঞ্চম অঙ্ক

প্রথম গভীর

দরদালাল

রমেশ ও কাঙ্গালী।

রমেশ বৌ মারা গিয়েছে, সুরেশও মারা গিয়েছে, আমি আজ ডাক্তারকে ভাল ক'রে জিজ্ঞাসা ক'রলেম, শুনলেম, পীতাম্বরে বেটা তার দেশে নিয়ে গেছলো, সেইখানে মারা গেছে। এখন ছেলেটা কোথায় গেল? সেইটাকে ধ'ত্তে পারলেই যে আপদ্ চোকে। এডমিনিষ্ট্রেটারের কাছ থেকে টাকাটা বার ক'রে আনি। দাদা পাগল হ'য়েছে। পীতাম্বরে বেটা যদি মামলার উত্তোগ করে, বেনামী স্বীকার পাব, দাদার না হয় খোরাকী বন্দোবস্ত করবো; সেও কি,

তু' এক হাতল মদ দিয়ে রেখে দেব, মদ খেতে খেতেই এক দিন অন্ধা পাবে।

কাঙ্গালী। জগা তো ঠিক বলেছিল, ছেলেটা হাত করা ভারি দরকার, দেখছি, ওর ভারি বুদ্ধি। বাবু, একজন খেটে খুটে বিষয় ক'রলে, আপনি বুদ্ধির জোরে ফাঁকতালায় মেরে দিলেন!

(জগমণি, যাদব ও মদন ঘোষের প্রবেশ)

এই যে জগা ছেলে নিয়ে এসেছে।

যাদব। ও মদন দাদা, এ কে মদন দাদা? আমার ভয় করে মদন দাদা! আমার মা কোথায় মদন দাদা, কই,— ভাত রোঁপে ডাকছে মদন দাদা? ও মদন দাদা, আমার ভয় ক'চ্ছে মদন দাদা!

রমেশ। ভয় কি, আর, এ দিকে আর, তোর মা বাড়ীর ভেতর আছে।

যাদব। আনার মা'র কাছে নিয়ে চল, আনার মা'র কাছে নিয়ে চল, আমার ভয় ক'চ্ছে!

রমেশ। চুপ্, কাঁদিস্ নি।

যাদব। না, না কাকাবাবু, আমি কাঁদবো না, তুমি মেরো না কাকাবাবু!

রমেশ। বা, এর সঙ্গে যা।

যাদব। ও কাকাবাবু, আনার ভয় করে কাকাবাবু, আমার তেষ্ঠা পেয়েছে কাকাবাবু, একটু জল দাও কাকাবাবু।

রমেশ। না, জল খায় না, তোর অস্থখ ক'রেছে।

যাদব। না কাকাবাবু, অস্থখ করে নি কাকা বাবু, আনার ক্ষিদে পেয়েছে।

রমেশ। ক্ষিদে পেয়েছে, কেটে ফেলবো।

যাদব। ই্যা কাকা বাবু, আমি দু'দিন খাই নি কাকা বাবু, আমি মাকে খুঁজছি; মা টাকা বেঁধে দিয়েছিল, কে কেটে নিয়েছে, আমি কিছু খেতে পাই নি; আমার বড্ড তেষ্ঠা পেয়েছে, জল দাও।

রমেশ। জল খায় না, যা ওর সঙ্গে যা।

যাদব। আমি আর চলতে পারি নি কাকা বাবু!

রমেশ। এই চাবী নাও, যে মহলটা বন্ধ আছে, সেইটে খুলে তারির ভেতর রাখ গে। নিয়ে যাও, পাঁজাকোলা ক'রে নিয়ে যাও।

কাঙ্গালী। এসো, তোমার মা'র কাছে নিয়ে যাই, চল। যাদব। সতি ব'ল্ছো, মিছে কথা ব'ল্ছো না?

রমেশ। আবার কথা কাটাতে লাগলো, মেরে হাড় ভেঙে দেব, অস্থখ ক'রেছে, শুগে যা।

যাদব। অস্থখ ক'রেছে? আমি কিছু খাব না, একটু জল দাও।

রমেশ। না, যা যা, জল দেবে এখন যা।

যাদব। ও মদন দাদা, তুমি এসো!

[যাদব, মদন ঘোষ ও কাঙ্গালীর প্রস্থান।

জগ। কাজ তো গুছিয়ে আছে, একটা ইংরেজ ডাক্তার ডেকে নিয়ে এসো; তুমি রোগ ব'লেই টাকার লোভে একটা রোগ ব'লবে এখন, আর ওষুধও লিখে দেবে এখন। বেশ, কাকুর সন্দেহ করবার যো নাই; ছেলে পথে পথে বেড়াচ্ছিল, যত্ন ক'রে বাড়ী নিয়ে এসেছ, ডাক্তার দেখিয়েছ, মারা গেল, তুমি কি ক'রবে?

(মদন ঘোষের পুনঃ প্রবেশ)

মদন। পাহারাওলা সাহেব, ও ছেলেটাকে ছেড়ে দাও না।

জগ। চোপ্, এখনি বেঁধে নিয়ে যাব।

মদন। না না, আমি তো চুরি করি নি; তুমি যা বলবে, তাই শুনছি। পাহারাওলা সাহেব, ছেলে তো এনে দিয়েছি, এখন আমি কোথাও চ'লে যাই, তুমি আর আনার ধ'রো না।

জগ। চুপ ক'রে ব'স। (রমেশের প্রতি জনান্তিকে) ওকে দিন কতক ভুলিয়ে রাখ, কি জানি, কোথাও গোল করুক। আর ওষুধের যদি একটা ওন্টা-পাণ্টা ক'ত্তে হয়, বলা যাবে, পাগ্লাটা ওন্টা-পাণ্টা ক'রেছে কোন কিছু দোষ চাপাতে হয়, ওর ওপর দিয়ে চাপান যাবে।

রমেশ। ঠিক বলেছ। মদন দাদা, তুমি যেতে চাচ্ছ, আমি ক'নে ঠিক ক'রে রাখলেম, আর তুমি চ'লে?

মদন। ই্যা দাদা, সতি? ই্যা দাদা, সতি?

রমেশ। সত্য বৈ কি।

মদন। তাই ব'ল্ছি—তাই ব'ল্ছি, বংশটা লোপ হয়, বংশটা লোপ হয়।

রমেশ। দিব্যি ক'নে ঠিক ক'রেছি।

গিরিশ-গ্রন্থাবলী

মদন । তা যেমন হ'ক, কি জান—বংশরক্ষা, বংশরক্ষা !
রমেশ । যেমন হ'ক কেন, বেশ ক'নে ঠিক ক'রেছি,
তুমি বৈঠকখানায় ব'স গে ।

মদন । ইয়া দাদা, আর পাহারাওয়ালার সঙ্গে বে দেবে
না ?

রমেশ । পাহারাওয়ালার কেন ?

মদন । দেখ দাদা, বেশার মেয়ে বে দিয়েছিল, দাঁতে
কুটো ক'রে জাতে উঠেছি, যাত্রাওয়ালার ছেলে বে দিয়েছিল,
ছুটো কানগলা খেয়ে চুকেছে, এই পাহারাওয়ালার বিয়ে ক'রে
আমার প্রাণটা গেল ! আর পাহারাওয়ালার বে দিও না
দাদা !

রমেশ । না মদন দাদা, বেশ মেয়ে ।

মদন । তাই বলছি, তাই বলছি, কি জান, বংশরক্ষা,
বংশরক্ষা !

[মদন ঘোষের প্রশ্নান ।

জগ । তবে বাও, ডাক্তার ডেকে নিয়ে এসো । দু'দিন
খায় নি, আর জোর দু'দিন টেকবে ।

[জগমণি ও রমেশের প্রশ্নান ।

(প্রফুল্লর প্রবেশ)

প্রফুল্ল । কিছু জানতে পারলেম না, কি ফুস্ ফুস্ ক'লে ;
ছেলেটাকে কি ধ'রেছে ? আমার মন আজ কেমন ক'ছে,
আমি স্থির হ'তে পাচ্ছি নি, আমার প্রাণটা কেঁদে কেঁদে
উঠছে, আমি আর কাঁদতে পারি নি, আমার কান্না এসে না,
আমার বুকের ভেতর কেমন ক'ছে ! ঠাকুরপো কি সন্ধান
পায় নি ? কি করি, আমার বুকের ভেতর কেমন ক'রে
উঠছে !

(ঝিয়ের প্রবেশ)

ঝি । বৌ ঠাকুরণ, একটু মুখে জল দেবে এসো, না খেয়ে
না ঘুমিয়ে তুমি কি পাগলের সঙ্গে মারা যাবে ? শুনেছিলেম,
কলকাতার বৌগুলো কেমন কেমন হয়, আমি এমন বৌ তো
কখন দেখি নি । এসো, সকাল সকাল নাও, দুটি খাও ।

প্রফুল্ল । দেখ ঝি, বুঝি আমার এ বাড়ীতে খাওয়া
ফুরিয়েছে ; আমার বড় মন কেমন ক'ছে । আমার যদি
এমন হয়, তা হ'লে আর আমি বাঁচবো না ; আমার কে যেন

ডাকছে, আমার প্রাণ যেন কাঁদছে, আমি কাঁদতে পারি নি,
আমার যেন নিশ্বাস বন্ধ হ'য়ে আনছে !

ঝি । ও কিছু নয় । খাওয়া নেই, নাওয়া নেই, রাত-
দিন পাগলের সঙ্গে ঘোরা, বাতিক বেড়েছে ।

প্রফুল্ল । না ঝি, আমার কোথায় কি সর্বনাশ হ'ছে !
আমার বড় মন কাঁদছে ; তোমায় একটি কথা বলি, যদি
আমার ভাল মন্দ হয়, আমার গহনাগুলি তুমি নিও, বেচে যা
টাকা হবে, তাই থেকে ঠাকুরণকে খাইও, আবাগীর আর কেউ
নাই !

ঝি । বালাই ! অমন সোনার চাঁদ বেটা র'য়েছে, তুমি
অক্ষয় অমর হও, কেউ নেই কি ?

প্রফুল্ল । না ঝি ! অমন আবাগী ভারতে আর জন্মায়
না ! তুমি আমার কাছে বল, তুমি কোথাও যাবে না, মাকে
দেখবে ? আমি আর বাঁচবো না, আমার কোথা ভরাডুবি
হ'য়েছে ।

ঝি । ই্যাগো হাঁ, তাই হবে, তুমি এখন এসো ; ফাঁকে
ফাঁকে ছুটি খেয়ে নেবে, ফাঁকে ফাঁকে একটু ঘুমিয়ে নেবে, তা
নইলে বাঁচবে কেন ?

প্রফুল্ল । আমার মা বাঁচতে এক তিল ইচ্ছে নাই, কেবল
ঐ আবাগীর জন্ত মনটা কাঁদে । আমার ছেলেবেলা মা ম'রে
গিয়েছিল, আমি শ্বশুরবাড়ী এসে মা পেয়েছিলেম, সেই মা
আমার এমন হ'ল, আমাদের সোনার স'সার ভেসে গেল !

ঝি । কি ক'রবে মা, কারু তো হাত নয়, এসো মা,
এসো ।

প্রফুল্ল । চল যাই ।

[উভয়ের প্রশ্নান ।

দ্বিতীয় গর্ভাঙ্ক

কাশী মিত্রের ঘাট

শিবনাথ, স্বরেশ ও ভজহরি ।

শিব ওহে স্বরেশ, আমি তো ছেলে কোথাও খুঁজে
পেলেম না । আমি তো সমস্ত রাত থানায় থানায় ঘুরেছি,

পাঁচজন লোক লাগিয়ে ক'লকাতার অলি-গলি খুঁজেছি, কেউ তো বলে না যে দেখিছি।

স্বরেশ। বল কি, তবে সর্বনাশ হয়েছে, সে আর নাই! মেজদা মেরে ফেলেছে।

শিব। সে কি?

স্বরেশ। আর সে কি! তোমায় তো বলেছি, মেজবোর ঠেয়ে শুনে এলেম, তাকে মেরে ফেলবার পরামর্শ ক'চ্ছে। ভাই শিবনাথ, আমার প্রাণের ভিতর জ্বলে জ্বলে উঠছে, যেদোকো যদি না পাই, এ প্রাণ আর আমি রাখবো না! আমি কি এই যাতনা ভোগ ক'রবার জন্যই জন্মগ্রহণ করেছিলাম! ভাই, আমার যেদোকো এনে দাও, যেদোকো না পেলে আমি এ শ্মশান থেকে যাব না। আমি তিন দিন দেখবো, তারপর জলে ঝাঁপ দেব।

ভজ। ওহাইয়াদ, ওহাইয়াদ, সাক ওহাইয়াদ! স্বরেশ বাবু, একে না পেলে মরবো, ওকে না পেলে মরবো, তা হলে তো আর বাঁচা হয় না, দিনের ভিতর দু'শোবার, ম'ত্তে হয়। মনে করেছেন কি, আপনিই ঝড়-ঝাপটা খাচ্ছেন, অ'র কেউ কখনও খায় নি? তবে ক'ন্দছেন ক'ন্দুন, বেশী বাড়াবাড়ি কেন?

স্বরেশ। ভাই রে, আমার মতন অভাগা পৃথিবীতে আর নাই! আমার অন্নপূর্ণার মত মা জ্ঞানশূণ্য হ'য়ে বেড়াচ্ছেন, আমার ইস্ত্রের মত বড় ভাই পথে পথে ভিক্ষা ক'চ্ছেন, আমার রাজলক্ষ্মী বড়ভাজ, অনাহারে পথে প'ড়ে মরেছেন, আজ অনাথার মত পোড়ালেম,—আমার প্রফুল্ল-কমল মেজ বো' দিন দিন মলিন হ'চ্ছেন, আজ আমার ব্রজের গোপাল হারিয়েছে! আমি আপনি জেল খেটেছি, তাতে ছুঃখিত নই, আমার যেদোর মুখ মনে প'ড়ছে, আর আমি প্রাণ ধ'ন্তে পারছি নি!

ভজ। মুখ মনে ক'ন্তে গেলে অনেকের অনেক মুখ মনে পড়ে। আমার ইস্ত্র, চন্দ্র, বায়ু, বরুণ নয়,—এক গৃহস্থ বাপ ছিল, হাঙ্গমুখী মা ছিল, গ্যাটাগোটা সব ভাই ছিল, বোনটা আমি না খাইয়ে দিলে খেত না; তার পর শোন, একদিন খেলিয়ে এসে বাড়িতে দেখি, সব বাড়ী শুক ক'ন্দছে। কি সমাচার?—না জমীদারে আমার বাপকে খুব মেরেছে, রক্ত ঝুঁঝিয়ে প'ড়ছে, প্রাণ ধুক-ধুক ক'চ্ছে। সেই রাত্তিতেই তো তিনি মরুন; তারপর জমীদার বাহাদুর ঘরে আগুন

ধরিয়ে দিলেন, ছেলেপুলে নিয়ে মা ঠাকরণ বেরুলেন, দেশে আকাল, ভিক্ষে পাওয়া যায় না, যা ছুটি পান, আমাদের খাওয়ান, আপনি উপোস যান, এক দিন তো গাছতলায় প'ড়ে মরুন—

স্বরেশ। আহা হা!

ভজ। রসো, আহা হা ক'রো না, ঝড়ে যেমন আম পড়ে—ভাইগুলো সব একে একে প'ড়লো আর ম'লো; বোনটাকে এক মাগী ছিনিয়ে নিয়ে গেল, ক'ন্দতে লাগলো, আমিও ক'ন্দতে লাগলেম; তারপর আর সন্ধান নাই! কেমন, মুখ মনে পড়বার আছে?

স্বরেশ। আহা ভাই, তুমিও বড় ছুঃখী!

ভজ। তারপর মামা বাবুর কাছে গিয়ে প'ড়লেম; গরুর জাব দেওয়া, বাসন মাজা, উমুন ধরান, ভাত র'াধা; মামা বাবুর বেত আর মামী ঠাকরণের ঠোনার সঙ্গে কেনে ফেনে ভাত, জেলটা আসটাও ঘুরে আসা গিয়েছে।

(স্বরেশের জনৈক পরিচিতের প্রবেশ)

স্ব-পরি। কেউ তো কিছু বলতে পারে না। একজন মররা ব'লে, একটি ছেলে খাবার কিনতে এসেছিল, একটা বুড়ো এসে বলে, “শীগ'গির আয়, তোর মা ডাকছে; কিন্তু কে যে, তা আমি কিছু সন্ধান ক'ন্তে পারলেম না।

স্বরেশ। ও ভাই, তুমি আবার যাও, কোন রকমে সন্ধান কর। আহা কখনও কোন ক্রেশ পায় নি, ননী ছানা পেয়ে বেড়িয়েছে! কখনও রাত্তায় বেরুতে পেতো না, কখনও ভুঁয়ে নাবে নি, কোলে কোলে বেড়িয়েছে। না জানি, তার কত দুর্গতি হ'চ্ছে!

ভজ। রসো রসো, বিনিয়ে কেঁদো এখন; বুড়ো ব'লে বুঝি, বুড়ো সঙ্গে ক'রে নিয়ে গিয়েছে? স্বরেশ বাবু, সন্ধান হয়েছে, তোমার মায়ের পেটের সহোদর নিয়ে গিয়েছে। সে বৃদ্ধটি আমার মাতুলানীর অহুচর! স্বরেশ বাবু, স্বরেশ বাবু, একটু আড়ালে দাঁড়াও, আমি সন্ধান নিচ্ছি। ঐ যে তোমার মধ্যম ম'র পেটের ভাই—গাড়ী থেকে নামছেন, যাবার যো কি? চুষকে যেমন লোহা টানে, তেমনি টান দিয়েছি, আমার দে'খে নড়বার যো কি? একটু আড়ালে দাঁড়াও, একটু আড়ালে দাঁড়াও, আমাদের দু'জনকে একত্রে দেখলে সববে।

(সুরেশ ও শিবনাথের অন্তরালে অবস্থান ও রমেশের প্রবেশ)

ক্যা রমেশ বাবু, আপু হিঁয়া তসুরিপ কাহে লেয়ায়া, মেজাজ খোসু ?

রমেশ । কি হে, তুমি যাও নি ?

ভজ । হামু লোক জমীন্দার হায়, যাতে যাতে দো এক রোজ রহে যাতা ।

রমেশ । আরও কিছু টাকা চাই নাকি ?

ভজ । মেহেরবাণী আপুকা ।

রমেশ । আচ্ছা এসো, আমি ফাষ্ট ক্লাস টিকিট কিনে দিচ্ছি আর একখানা চেক দিচ্ছি এলা-বাদের ব্যাঙ্কের উপর ।

ভজ । যাবই তো ; রয়ে গিয়েছি কেন জানেন, আরও যদি কিছু কাজকর্ম দেন ।

রমেশ । আর এখন কিছু কাজ হাতে নেই, হ'লে চিঠি লিখে পাঠাব ।

ভজ । সো তো আপু লিখিয়েগা, সো তো আপু লিখিয়েগা, দোস্তি হয়া, ও সব তো চলেই গা ; দেখিয়ে হামুসে কাম চলতা, দোসুরাকো কাহে দেনা ?

রমেশ । সত্য বলছি, এখন আর কিছু কাজ হাতে নাই ।

ভজ । আবি নেই, দো রোজমে হো শেক্তা । আগর ভাতিজা মরে তো একঠো জমিন্দার গাওয়া চাহিয়ে, ওঙ্কো বেমার হয়া থা ; হামুতো জমিন্দার হায়, আপুকা মোকামমে যাতা হায় ।

রমেশ । ভাতিজা ! ভাতিজা কে ?

ভজ । ভাইপো গো ভাইপো, যাদব ।

রমেশ । ও কি কথা !

ভজ । সুরেশ বাবু, আসুন, সন্ধান পেয়েছি ।

রমেশ । এই যে সুরেশ বেঁচে আছে, মিছে কথা বলেছে পাজী বেটা !

ভজ । ম'শায়, যান কেন, যান কেন, ভাইয়ের সঙ্গে একবার আলাপ ক'রে যান ।

[রমেশের প্রস্থান ।

(শিবনাথ ও সুরেশের প্রবেশ)

সুরেশ । কি সন্ধান পেলে, কি সন্ধান পেলে ? আছে তো—বেঁচে আছে তো ?

ভজ । বোধ হচ্ছে তো আছে, আসুন, শীগ্গির আসুন, বাবুর বাড়ীতে চলুন ।

শিব । বাড়ীতে যাবে, যদি চুকতে না দেয় ?

ভজ । আমাতে সুরেশ বাবুতে গেলে দোর ভাঙলেও কিছু ব'লবে না, চুকতে দেবে না কি ?

[সকলের প্রস্থান ।

(জনৈক লোকের প্রবেশ)

গীত ।

মন আমার দিন কাটালি, মূল ধোয়ালি, ভাল ব্যাসাত ক'রলি ভবে ।

একলা এলে একলা যাবে, মুখ চেয়ে কার যুরছ' ভবে ?

কে তুমি বলছো আমি, দেখ ভবে আর ভাবি কবে ।

ভাঙবে মেলা, যুচবে খেলা, চিতার ছাই নিশানা যবে ।

(যোগেশের প্রবেশ)

যোগেশ । আমার সাজান বাগান শুকিয়ে গেল ! কি ক'রবো, গেল তা কি ক'রবো ? আমার সাজান বাগান শুকিয়ে গেল ! আহা হা ! গেল, যাক ; আমার সাজান বাগান শুকিয়ে গেল ! ই্যা হে তুমি তো মড়া পোড়াতে এসেছ ?

লোক । ই্যা ।

যোগেশ । মদ-টদু খাচ্ছ' না ?

লোক । এ কে রে ! (পলাইতে উচ্চত)

যোগেশ । বল না, বল না, আমার যা ব'লবে তাই ক'রবো । বেশী খাব না, এক গেলাস দাও, ফুরিয়ে গিয়ে থাকে, পয়সা দাও, চটু ক'রে এনে দিচ্ছি । আমার সাজান বাগান শুকিয়ে গেল ! গেল, তা কি ক'রবো ?

[লোকের প্রস্থান ।

আহা ! আমার সাজান বাগান শুকিয়ে গেল ! ঐ না কারা মড়া পুড়িয়ে যাচ্ছে,—গায়ের ব্যথার জন্ত একটু মদ খাবে না ? যাই ওদের সঙ্গে । আমার সাজান বাগান শুকিয়ে গেল !

[যোগেশের প্রস্থান ।

তৃতীয় পর্ভাঙ্ক

যোগেশের বাড়ীর দরদালান

মদন ঘোষ ও প্রফুল্ল ।

মদন । না না, আমি পারবো না, আমি পারবো না !
ছেলে মারবে, ছেলে মারবে ! আমার লুকিয়ে রেখে দাও,
আমায় লুকিয়ে রেখে দাও ; ছেলে মারবে, ছেলে মারবে,
বংশলোপ ক'রবে, বংশলোপ ক'রবে ।

প্রফুল্ল । কি গা, কি বলছো ? ছেলে মারবে কি
বলছো গা ?

মদন । ওগো, বংশলোপ ক'রবে, বংশলোপ ক'রবে,
ছেলে মারবে ! সেই পাহারাওয়াল ছেলে মারবে, হায় হায়,
আমি কেন পাহারাওয়াল বে ক'রেছিলুম !

প্রফুল্ল । মদন দাদা, মদন দাদা, শীগ্গির বল, ছেলে
মারবে কি ?

মদন । না না, আমি বলবো না, আমার ধ'রবে,
জমাদারে ধ'রবে, আমি কোথায় লুকুবো, আমি কোথায়
লুকুবো ?

প্রফুল্ল । মদন দাদা, তোমার ভয় নেই, তুমি বল ।

মদন । না না, সে তেমন পাহারাওয়াল নয়, সে ধ'রবে,
আমার ভয় ক'চ্ছে ।

প্রফুল্ল । কে ধ'রবে ? ছেলে মারবে কি ?—আমায়
শীগ্গির বল ।

মদন । না না, বলবো না, আমি তার ভয়ে সিঁদুক
ভেঙ্গে দলীল চুরি ক'রে আনলেম, তবু ছাড়লে না ; আমি
তার ভয়ে ছেলে ভুলিয়ে নিয়ে এলেম, তবু ছাড়লে না ;
ছেলে মারবে, না খেতে দে মারবে, আমার বিষ দিতে বলে,
আমি একটু জল দিয়েছিলেম, দুধ দিয়েছিলেম, তাই বেঁচে
আছে,—না না—দুধ দিই নি ! আমি পালাই, আমি
পালাই ।

প্রফুল্ল । মদন দাদা, মদন দাদা, কাকে ধ'রেছে,
যেদোকো ?

মদন । ই্যা, ই্যা, না, না, আমি না, আমি না, আমি
দলীল চুরি ক'রেছি, ধ'রিয়ে দেবে ; হায় হায়, বে ক'ত্তে গে
মজ্লেম, বে ক'ত্তে গে মজ্লেম ! কেন এ দস্তি পাহারা-

ওয়ারা বে ক'লেম ? সেই আমার ভয় দেখিয়ে দলীল চুরি
ক'ত্তে ব'লে, তাকে আমি দলীল দিলেম, এখন আমার ধ'রিয়ে
দেবে । কি হবে, কি হবে, আমি ছেলেটাকে দুধ দিয়েছি
জানলেই এখনি আমার বেঁচে নে যাবে । আমি পালাই,
আমি পালাই ।

প্রফুল্ল । মদন দাদা, দাঁড়াও ।

মদন । না না, দাঁড়াব না, আমার ধ'রবে, আমি
লুকুবো ।

প্রফুল্ল । মদন দাদা, ভয় নেই, ভয় নেই, ছেলে কোথায়
বল ?

মদন । ওরে বাপ রে আমার ধ'রলে রে !

প্রফুল্ল । তুমি কেন ভয় পাচ্ছো ? ছেলে কোথায়
বল ? আমি ছেলেকে বাঁচাব, মদন দাদা, শীগ্গির বল—
কোথায় ?

মদন । ঐ তোমাদের পোড়োমহলে রেখেছে, আমার
ছেড়ে দাও, আমি লুকুই,—আমি পালাই, আমার মেরে
ফেলবে !

প্রফুল্ল । মদন দাদা, তোমার তিনকাল গিয়ে এককালে
ঠেকেছে, তুমি তুচ্ছ প্রাণের ভয় এত কর ?

মদন । না—না মরতে পারবো না, মরতে পারবো
না ! আমার ছেড়ে দাও, আমার ছেড়ে দাও ।

প্রফুল্ল । মদন দাদা, ধিক্ তোমায় ! মা বলতেন,
তুমি একজন সাধুপুরুষ, তোমার কি এই বুদ্ধি ? তুমি
তুচ্ছ প্রাণের ভয়ে অধর্ম কর ? প্রাণের ভয়ে বাক্স ভেঙে
চুরি কর ? প্রাণের ভয়ে কচি-ছেলে এনে রাক্ষসের
মুখে দাও ? এই প্রাণ কি তোমার চিরকাল থাকবে ?
একবার ভেবে দেখ, যম তোমার সঙ্গে কিরুছে ;
যখন ধর্মরাজ তোমায় জিজ্ঞাসা করবেন যে, 'তুমি বালক
ভুলিয়ে এনে রাক্ষসকে দিয়েছ' ? তখন তুমি কি উত্তর দেবে ?
মদন দাদা, সেই ভয়ঙ্কর দিন মনে কর, এখনও মহাপাপের
প্রায়শ্চিত্ত কর, বালকের প্রাণরক্ষার উপায় কর ; ছার প্রাণ
চিরদিন থাকবে না, ধর্মই সাথী, ধর্ম রক্ষাক র, ধর্ম ইহকাল
পরকালের সঙ্গী, ধর্মের শরণাপন্ন হও । মদন দাদা, যা
করেছ, তার আর উপায় নাই, আমার ব'লে দাও, যেদোকো
কোথায় ? আমি তাকে কোলে নে বসি, দেখি, কোন
রাক্ষস আমার কাছ থেকে নেয় ? এখনও বলছো না ?

তোমার কি মরণ হবে না? এ মহাপাতকের কি শাস্তি হবে না? যদি হিত চাও, যদি ঘোর নরকে তোমার ভয় থাকে, ধর্মের শরণাপন্ন হও; যমরাজ দণ্ড ভুলে তোমার পেছনে পেছনে ঘুরছেন, তুমি বুঝতে পাচ্ছে না।

মদন। অঁ্যা—অঁ্যা—যমরাজ?

প্রফুল্ল। হঁ্যা, যমরাজ তোমার পেছনে পেছনে! যদি সেই মহা ভয় হতে উদ্ধার হতে চাও, সাহস বাঁধ, আগার সঙ্গে এসো, যেদো কোথায় দেখিয়ে দেবে এসো; তুমি সামান্য পাহারাওয়ালার ভয় ক'চ্ছে? যমদূতকে ভয় কর না?—ধর্মরাজকে ভয় কর না? অবোধ বালককে ভুলিয়ে এনেছ, তবু স্থির আছ? প্রাণভয়ে তার প্রণয়কার উপায় ক'চ্ছে না? তোমার প্রাণে ঝিক, তোমার ভয়ে ঝিক, তোমার জন্মে ঝিক!

মদন। চল চল, আমি দেখিয়ে দিচ্ছি; ধর্মরাজ রক্ষা কর, ধর্মরাজ রক্ষা কর!—যদি ধরে?

প্রফুল্ল। তোমার এখনও ভয়? যখন যমদূত ধ'রবে, তার উপায় কি ক'রেছ? এখনও ধর্মের আশ্রয় নাও, সামান্য ভয় ছাড়।

মদন। চল চল, এই দিকে চল, মরি ম'রবো, ছেলে দেখিয়ে দেব; ধর্মরাজ রক্ষা কর, ধর্মরাজ রক্ষা কর!

[উভয়ের প্রস্থান।]

চতুর্থ পর্ভাক্ষ

যোগেশের ঘর

যাদব, রমেশ, কাকালী ও জগমণি।

যাদব। ও কাকা বাবু, একটু জল দাও! আগার আগুন জলছে গো—আগুন জলছে!

রমেশ। জল দিচ্ছি, এই ওষুধটা খা।

যাদব। না গো, জ্বলে যায়, জ্বলে যায়! আমার একটু জল দাও।

জগ। কোন্টা দেব?

রমেশ। টার্টার এমিটিক (Tartar Emetic) দাও, ডাক্তার আসছে, বমি হবে—দেখবে এখন।

জগ। না না, পেটে কিছু নেই, উঠবে কি? সেইটেই

উঠে যাবে, ডাক্তার ব'লবে, খেতে দাও; এইটে দাও, খুব ছুঁকটু ক'রবে দেখবে এখন।

যাদব। ওগো না গো, ও কাকা বাবু, আমি সন্ধ্যাবেলা ম'রবো, এখন আর দুঃখ দিও না! আমার সব শরীরে ছুঁচ্, ফুটছে! কাকাবাবু, তোমার পায়ে পড়ি কাকা বাবু!—

রমেশ। ডাক্তার আসছে, ডাক্তার আসছে।

(ডাক্তারের প্রবেশ)

ডাক্তার। গুডমর্নিং (Good morning), কেমন আছে?

জগ। আহা, বাছা আজ নির্জীব হ'য়ে পড়েছে।

কাকালী। ডাক্তার বাবু, বাঁচবে তো? বাবুর ছেলে-পুলে নেই, কেউ নেই, ঐ ভাইপোটিই সর্বস্ব।

যাদব। ও ডাক্তার বাবু, আমার কিছু হয়নি, আমার একটু জল খেতে দিলেই বাঁচবো।

ডাক্তার। দাও দাও, জল দাও।

জগ। ও আমার পোড়ার দশা—জল কি তলায়!

যাদব। ওগো, আমার একটু জল না দাও, একটু দুধ খেতে দাও, আমি কিছু খাই নি।

রমেশ। ডাক্তার সাহেব, ডিলিরিয়াম সেট ইন্ ('Delirium set in') ক'লে।

ডাক্তার। এত দুধ স্করুয়া র'য়েছে, তোমাকে খেতে দেয় না?

যাদব। না ডাক্তার বাবু, আমাকে খেতে দেয় না।

ডাক্তার। ছুট।

জগ। ডাক্তার বাবু, একটা উপায় কর, বাছার জলটুকু তলাচ্ছে না!

রমেশ। ডক্টর, ইয়োর ফি. (Doctor, your fee)।

ডাক্তার। একটা ব্লিস্টার (Blister) দাও।

যাদব। না গো না, আর বেলেত্তারা দিও না গো, আমার পেটের খানা এখনও জ্বলছে, এই দেখ—যা হ'য়েছে।

[ডাক্তার ও রমেশের প্রস্থান।]

ও না গো, একবার দেখে যাও গো; মা, তুমি কোথায় আছ গো! জ্বলে গেলুম গো জ্বলে গেলুম, মা গো, একবার দেখে যাও!

(রমেশের পুনঃ প্রবেশ)

রমেশ । ওহে কাকালী, ডাক্তারকে রাখতে গিয়ে দেখি, ভক্তহরি, স্বরেশ, শিবনাথ, পীতাম্বর চার বেটা দাঁড়িয়ে কি পরামর্শ কচ্ছে ; বাড়ী ঢোকবার যেন কি মতলব কচ্ছে ।

জগ । তার ভয় কি, এই বেলেস্তারা খানা দিলেই হ'য়ে যাবে এখন ।

বাদব । ওগো তোমাদের পায়ে পড়ি, ওগো তোমাদের পায়ে পড়ি, আমার গলা টিপে মেরে ফেল ! জ্বলে গেল গো জ্বলে গেল ! ও কাকা বাবু, কাকা বাবু, তোমার পায়ে পড়ি কাকা বাবু !

কাকালী । চল, যাওয়া যাক, মদনাকে পাঠিয়ে দিই, এই মালিসটা এক ডোঙ্গ খাওয়ালেই হ'য়ে যাবে এখন ; এই বিছানার কাছেই রইলো ।

বাদব । ও কাকা বাবু, তোমার পায়ে পড়ি কাকা বাবু, আমার জলে ডুবিয়ে মার, আমার জলে ডুবিয়ে মার, আমি একটু জল খেয়ে মরি ! কাকা বাবু, আমার একটু জল দাও, জল খেলেও বাঁচবো না কাকা বাবু !

রমেশ । দাও, একটু জল দাও ।

জগ । না না, তবু পাঁচ মিনিট যুজ্বে ।

বাদব । না, আমি জল খেলেই মরবো—না, আমি জল খেলেই মরবো ; এই দেখ না, আমার গায়ে ইঁদুর-পচা গন্ধ বেরিয়েছে, আমার কুকুরে চিবিয়ে খাচ্ছে ।

জগ । চল চল, দেখা যাগ্গে ; ভক্তহরিটার সঙ্গে স্বরেশ যুটেছে, আমার ভাল বোধ ঠেকছে না । আমি ত বলেছিলুম, ডাক্তারটা পাজী, মিছে কথা কয়েছে, স্বরেশ মরে নি ।

[রমেশ, কাকালী ও জগমণির প্রস্থান ।

বাদব । ও না, মা গো, কতক্ষণে ম'রবো মা !

(প্রফুল্লর প্রবেশ)

প্রফুল্ল । এই যে আমার বাদব ! বাদব, বাদব, বাবা !

বাদব । কে ও কাকীমা এসেছ ? আমার একটু জল দাও । (প্রফুল্লর জল প্রদান) আমি আর খেতে পারছি নি, আমার চোখে কানে জল দাও । কাকীমা, আমার না খেতে দে কাকা মেরে ফেলে ।

প্রফুল্ল । পরমেশ্বর, কি ক'লে ! ও বাবা, এই ছুখ খাও ।

বাদব । আর গিলতে পারবো না, গলা আটকে গিয়েছে ; দেখলে না, জল গিলতে পারলুম না । কাকীমা, মা কি বেঁচে আছে ? বেঁচে থাকলে মা আমার খুঁজে খুঁজে আসতো । যদি বেঁচে থাকে, তোমার সঙ্গে দেখা হয়, ব'লো না, আমি না খেতে পেয়ে ম'রেছি । আমার আধপেটা ভাত দিত, মা কাঁদতো, খেতে পাইনি শুনলে মা আমার বুক চাপড়ে ম'রে যাবে । কাকীমা, ব'লো, আমি ব্যামোতে ম'রেছি ।

প্রফুল্ল । বালাই, বালাই ! ছি বাবা, ও সব কথা ব'লতে নাই । বাদব, বাদব, বাবা, বাবা ! পরমেশ্বর, রক্ষা কর !

(মদন ঘোষের প্রবেশ)

মদন । ধর্মরাজ রক্ষা কর, ধর্মরাজ রক্ষা কর ! এই নাও এই নাও, এই পারাভস্ম নাও, আমি সন্ন্যাসীদের সঙ্গে গাঁজা খেয়ে পেয়েছি, এই খাইয়ে দাও ; আমি লুকিয়ে রেখেছিলাম, বেঁচে থাকবো ব'লে লুকিয়ে রেখেছিলাম, এখনি বাঁচবে । ধর্মরাজ রক্ষা কর, ধর্মরাজ রক্ষা কর ! (পারাভস্ম লইয়া দুধের সহিত প্রফুল্লর বাদবকে খাওয়াইয়া দেওন) আর আমি পাগল নই, আর আমি পাগল নই, ধর্মরাজ রক্ষা কর, ধর্মরাজ রক্ষা কর !

(রমেশ, কাকালী ও জগমণির পুনঃ প্রবেশ)

জগ । কই, কোথায় কি ? তুমি যেমন, বাতাস নড়লে ভয় পাও ! তোমার ভয় হয়, গাড়ী ক'রে আমার বাড়ী নিয়ে যাচ্ছি ।

প্রফুল্ল । কে রে রাক্ষসি ! মা'র কোল থেকে তার ছেলে কেড়ে নিয়ে যেতে এসেছিস ? তোর সাধ্য না, রাক্ষসি, দূর হ ! নরকে তোর মত যত পিশাচী আছে, একত্র হ'লে পারবে না ;—দূর হ, দূর হ ।

কাকালী । এ কি সর্কনাশ !

রমেশ । প্রফুল্ল, তুই হেথা কি ক'ত্তে এসেছিস ? এখান থেকে যা, ছেলের বড় ব্যামো, চিকিৎসা ক'ত্তে হবে ।

প্রফুল্ল । তুমি এখনও প্রতারণা ক'চ্ছো ? তোমায় অধিক কি ব'লবো, তুমি কার জন্তু এ সর্কনাশ ক'চ্ছো ? তুমি কার জন্তু সহোদরকে পুথের তিথারী করেছ ? কার জন্তু কনিষ্ঠকে জ্বলে দিয়েছ ? কার জন্তু বংশধরকে অনাহারে

মেয়ে টাকা রোজ্গার ক'চ্ছে? তুমি কার জন্ত গর্ভধারিণীকে পাগলিনী করেছ? শুনেচি, তুমি বিদ্বান, আমি অবলা স্ত্রীলোক, আগায় তুমি বুঝিয়ে দিতে পার, এ মহাপাতকে লাভ কি? পরকালের কথা দূরে থাকুক, ইহকালে কি সুখ-ভোগ ক'র্বে? সদাশিব বড় ভাই মদে উন্মত্ত, মা পাগলিনী হ'য়েছেন, ছোট ভাই কয়েদ খেটেছে, বংশের একটি ছেলে অনাহারে মৃত্যুবরণ! এ ছবি তোমার মনে উদয় হবে, তোমার জীবনে কি সুখ, আমি তো বুঝতে পারছি নি।

রমেশ। দেখ, প্রফুল্ল, ছোটমুখে বড় কথা ক'সনি; ভাল চাস্ তো দূর হ, নইলে তোরে খুন ক'র্বো।

প্রফুল্ল। তুমি কি মনে কর, আমি প্রাণ এত ভালবাসি, যে অবোধ নিরাশ্রয় বালককে রাক্ষসের হাতে রেখে প্রাণভয়ে পালাব? প্রাণভয়ে স্বামীকে পিশাচের অধম কার্য্য ক'র্তে দেব? আমি ধর্মকে চিরদিন আশ্রয় ক'রেছি, ধর্মকে ভয় ক'রেছি, আমার প্রাণের অত ভয় নেই; নিশ্চয় জেনো— তোমার চেষ্টা বিফল হবে। সকল কার্য্যের শেষ আছে, তোমার কুকার্য্যের এই শেষ সীমা! ধর্ম অনেক সহ ক'রেছেন, আর সহ ক'র্বেন না, সতর্ক হও; আমি সতী, আমার কথা শোন,—যদি মঙ্গল চাও, আর ধর্মবিরোধী হ'রো না। তুমি কখনই এ শিশুকে বধ ক'র্তে পারবে না।

মদন। না না, বধ ক'র্তে পারবে না। ধর্মরাজ আশ্রয় দাও, ধর্মরাজ আশ্রয় দাও; না না, বধ ক'র্তে পারবে না, আমি আর পাগল নই, আমি আর পাগল নই।

জগ। তবে রে মড়া মদনা, তুমিই পথ দেখিয়ে এনেছ?

মদন। হ্যাঁ হ্যাঁ, আমি জান্লা ভেঙ্গে এনেছি, ধর্মরাজ আশ্রয় দাও, ধর্মরাজ আশ্রয় দাও! জমাদার, আর তোমায় ভয় করি নি; পাহারাওয়াল, আর তোমায় ভয় করিনি; চাপ্‌রাসি, আর তোমায় ভয় করিনি। ধর্মরাজ আশ্রয় দাও, ধর্মরাজ আশ্রয় দাও।

রমেশ। প্রফুল্ল দূর হ, ভাল চাস্ তো দূর হ।

প্রফুল্ল। আমার ভাল কি! এ সংসারে আমার ভাল আর কি আছে? আমার ভাল আমি চাই নি, তোমার মঙ্গল প্রার্থনা করি। আমি এত দিন মা'র জন্ত বড় অস্থির ছিলাম, আজ তোমার জন্য ব্যাকুল হ'য়েছি।

জগ। রমেশ বাবু, রমেশ বাবু, কি ক'চ্ছে? ওদের ঠে'লে কে'লে দে ছেলেটাকে নিয়ে চল

মদন। খবরদার পাহারাওয়াল, খুন ক'র্বো! ধর্মরাজ রক্ষা কর, ধর্মরাজ রক্ষা কর!

রমেশ। প্রফুল্ল, প্রফুল্ল, তো'রে খুন ক'রে ফেলবো; সরে যাবি তো যা।

যাদব। কাকীমা পালাও, তোমায় গেরে ফেলবে, আমি মরি, তুমি পালিয়ে যাও।

প্রফুল্ল। তোমার কি প্রাণ পাষণে গড়া? এই স্নেহ-পুতলী ছেলেকে না খাইয়ে মারছো! ছি ছি ছি, তোমায় ধিক্, তোমায় সহস্র ধিক্! আমার কথা শোন, আগায় মিনতি রাখ, আর মহাপাতকে লিপ্ত হ'য়ো না, আমি আবার বলছি, ধর্ম অনেক সহ ক'রেছেন, আর সহ ক'র্বেন না।

রমেশ। তবে মরু! (প্রফুল্লের গলা টিপিয়া ধরন)

মদন। ছেড়ে দে রাক্ষসী! ছেড়ে দে নরাদম! ধর্মরাজ রক্ষা কর, ধর্মরাজ রক্ষা কর।

(মার্জ্জন, জমাদার, ইনেস্পেক্টার, পাহারাওয়ালার সহিত সুরেশ, শিবনাথ, পীতাম্বর, ডাক্তার ও ভজহরি

ইত্যাদির প্রবেশ)

পীতা। আরে নীচপ্রবৃত্তি নরাদম! স্ত্রীহত্যা, বালক হত্যা ক'চ্চিস!

(রমেশকে ধৃত করণ)

ডাক্তার। ওহে শিবু, শিবু, ভয় নাই, ছেলে বেঁচে আছে! পাল্‌স্‌ ষ্টেডি (Pulse steady) আছে, দিন দুই তিনে সেরে যাবে, ভয় নাই।

মদন। হ্যাঁ হ্যাঁ পাহারাওয়াল, আমি রোজ রাতে দুখ খাইয়েছি; ভয় নাই, ভয় নাই, পারাভঙ্গ দিয়েছি; ধর্মরাজ রক্ষা কর, ধর্মরাজ রক্ষা কর।

সুরেশ। ডাক্তার বাবু, এ দিকে দেখুন, মেজবোদিদির মুখে রক্ত উঠছে।

ডাক্তার। ইস! তাই তো!

সুরেশ।- মেজবোদিদি! মেজবোদিদি!—

প্রফুল্ল। ঠাকুরপো এসেছ? যেনোকে দেখো, আগায় দিন ফুরিয়েছে, আমার জন্ত ভেবো না, আমি মা'র জন্ত জোর ক'রে প্রাণ রেখেছিলাম, আজ আমি নিশ্চিত হলেম! আমি তোমায় মাক্‌ড়ী দিয়েই সর্বনাশ ক'রেছিলাম, তুমি

আমায় মার্জনা কর; আমি জানুতেম না, এ সংসারে এত প্রতারণা! ভগবান্ আমার ভাল জায়গায় নিয়ে যাচ্ছেন,—যেখানে প্রতারণা নাই, সেইখানে নিয়ে যাচ্ছেন। আমি তাঁর দুঃখিনী মেয়ে, অনেক যন্ত্রণা পেয়েছি, আজ আমায় তিনি কোলে নিচ্ছেন! (রমেশের প্রতি) দেখ, তুমি স্বামী! তোমার নিন্দা ক'রবো না—জগদীশ্বর করুন যেন আমার মৃত্যুতে তোমার পাপের প্রায়শ্চিত্ত হয়—তুমি বড় অভাগা—সংসারে কারকে কখন আপনার কর নি! আমার মৃত্যুকালে প্রার্থনা—জগদীশ্বর তোমায় মার্জনা করুন! ঠাকুরপো, অভাগিনীকে কখন মনে ক'রো—আমি চল্লম!

(মৃত্যু)

স্বরেশ। দিদি, দিদি, মেজবোদিদি! মেজবোদিদি! শিবনাথ, শিবনাথ, কি হ'লো! মেজদাদা! তোমায় বলবার আর কিছু নেই!

পীতা। নরাদম! তোর কার্য দেখ!

ভজ। রমেশ বাবু, হাম ব'লাখা একঠো জমিন্দার গাওয়া রাখ্ দিজিয়ে। এই দেখুন না, তাহ'লে তো এই ফ্যাসাদ হ'তো না; এইবার এই বালা পকুন।

(ইনেস্পেক্টার কর্তৃক রমেশের হস্তে হাতকড়ি প্রদান)

রমেশ। দেখ হাবুল, বে-আইনী ক'রো না, বে-আইনী ক'রো না।

ভজ। রমেশ বাবু, কিছু বে-আইনী নয়; ক্রিমিন্যাল প্রসিডিওর (Criminal procedure)য়ে মার্ডার (murder), অ্যাটেম্পট টু মার্ডার (attempt to murder)য়ে বালা মল ছুই পরতে হয়।

জগ। আগার ধরো না, আমায় ধরো না, আমায় ছেড়ে দাও।

জমা। চোপ্‌রাও গস্তানি।

জগ। দেখ দেখ, তোমার নামে আমি কেস্ আনবো; তুমি ভদ্রলোকের মেয়ের জাত খাও।

ভজ। মামা, তুমি কিছু দাবী দেবে না? বে-আইনী টে-আইনী কিছু ব'লবে না? এতদিন উকিলের বাড়ীর চাকরী কল্লো কি? একটা সেক্সন খোজো, দুটো মুখের কথাই খসাত! বাবা, ঢের ঢের বদমায়েসী দেখেও এলেম, ক'রেও এলেম, কিন্তু মামা-মামীতে টেকা নেবে দিয়েছে।

জমা। কেঁও রমেশ বাবু, আবি ধরম্ দেখ'লায়া নেই? যবু ভাইকো কয়েদ দিয়া তব'তো বহত ধরম্ দেখ'লায়াখা।

ভজ। ছেলাম রমেশ বাবু, ছেলাম! ধর্ম দেখানটুকু আছে না কি? তুমি আগার মামী-মামার ওপর! সত্যি কথা বলতে কি, মামার মুখেও কখন ধর্মের কথা শুনিনি, মামীর মুখেও কখন ধর্মের কথা শুনিনি।

ইনেস্। রমেশ বাবু, বেশ বাগিয়েছিলে, কিন্তু শেষটা রাখতে পারলে না, তা হ'লে একটা হিষ্টরিক্যাল ক্যারেক্টার (Historical character) হ'তে!

ভজ। রমেশ বাবু, পাঁচজনে পাঁচদিক থেকে পাঁচকথা ক'চ্ছে, তুমি একবার ধর্ম দেখিয়ে বক্তৃতা কর। তোমার মুখে ধর্মের দোহাই শুনলে লোক যে বয়েসে আছে, সেই বয়েসেই থাকবে।

বাদব। কাকীমা, কাকীমা!—

ডাক্তার। ভয় নাই, ভয় নাই, এই যে তোমার কাকীমা, ভয় কি? তুমি এই দুধ খাও।

বাদব। আমার মা কি আছে?

ডাক্তার। তোমার কাকীমা আছে, ভয় নাই।

পীতা। নরাদম, নররাক্সস! সংসারটা এমনি ছারেখারে দিলি?

ভজ। সে কি পীতাম্বর বাবু, কি ব'লছো? এমন কুলের ধ্বজা আর হয়! আবাল-বৃদ্ধ-বনিতা ওর নাম গাইবে, যম-রাজ ওরে নরকের মেট ক'রে দেবে। মামা বাবু, মামীমা, তোমরাও এক একজন কম নও, তোমাদের তিনের ভেতর যে কে কম, এ বেদব্যাস চাই ঠিকানা ক'ত্তে; এমন পাথর-কুটির প্রাণ, দোহাই ব'লছি, আমার বাপের জন্মে দেখিনি! এই ছেলেটাকে না খেতে দিয়ে মার'ছিলে! তোমাদের বাহাহুরী যে আমার চোখেও জল বা'র ক'রেছ।

গদন। প্রফুল্ল, প্রফুল্ল, তুমি কোথায়! দেখ, এত পাহারাওয়ালো, জমাদার এসেছে, আমি আর কিছু ভয় করি নি। প্রফুল্ল, তোমায় বাঁচাতে পারলেম না, এই আগার দুঃখ রইল! আমি পাগল নই, আমি পাগল নই; ধর্মরাজ রক্ষা কর, ধর্মরাজ রক্ষা কর!

ভজ। না তুমি পাগল নও, আমি মুক্তকণ্ঠে ব'লছি। মা, তুমি এই পাগলকে মাহুষ ক'রেছ, কিন্তু মা, তোমার মৃত্যুতে যেন ভজহরির জুর্কুন্ধি দূর হয়! মামাবাবু, মামীমা, রমেশ

বাবু, দেখ আমি যদি ভ্রজ হ'তাম, তোমাদের মাপ ক'ন্তে, তোমরা যথার্থই অভাগা !

(উমাসুন্দরীর প্রবেশ)

উমা । বাপ্‌রে, বুক যায়, বুক যায়, বুক যায় ! (মূর্ছা)

সুরেশ । ভাই শিবু, আমার কি সর্বনাশ দেখ ! মা, মা, জননি ! তোমার অভাগা সুরেশকে একবার কোলে কর, মা গো, দেখ আমি প্রাণ ধ'বুতে পাচ্ছি নি !

ভ্রজ । 'সর্বনাশে সমুৎপন্ন অর্ধঃ ত্যজতি পণ্ডিতঃ'—
সুরেশ বাবু, তোমার সর্বনাশ উপস্থিত, যাদবকে পেলে এই

চের; আর বেশী কাঁদাকাটা ক'রো না, যা হবার হ'য়ে গিয়েছে, ফেব্বার তো নয় ।

(যোগেশের প্রবেশ)

যোগেশ । এই যে আমার বাড়ীই জটলা, মড়া পুড়িয়ে সব এইখানে এসেছে । এই যে যেদো, এই যে মা, এই যে রমেশ ! দেখ্‌ছো, দেখ্‌ছো, দেখ, মরুবার সময়ও দেখ্‌বে, দেখ, দেখ ! আমার সাজান বাগান শুকিয়ে গেল ! আহা হা ! আমার সাজান বাগান শুকিয়ে গেল !

মননিকা

নল-দময়ন্তী



(পৌরাণিক নাটক)

[১লা পৌষ, ১২৯০ সাল, ষ্টার থিয়েটারে প্রথম অভিনীত]

নাট্যোন্মিখিত ব্যক্তিগণ

পুরুষ

নল	নিষধ-রাজ ।
পুঙ্কর	রাজ-ভ্রাতা ।
বিদূষক	রাজ-সখা ।
ভীমসেন	বিদর্ভ-রাজ ।
ঋতুপর্ণ	অযোধ্যা রাজ ।

ইন্দ্র, অগ্নি, বরুণ, যম, কলি, দ্বাপর, রাজাগণ, সারথি,
মন্ত্রী, দূতদ্বয়, রক্ষী, ব্যাধদ্বয়, মুনি, গ্রামবাসী,
নাগরিকগণ ইত্যাদি ।

স্ত্রী

দময়ন্তী	বিদর্ভ-রাজকন্যা ও নলের মহিষী ।
রাজ-মাতা	চেদী-রাজ-জননী ।
স্বন্দা	চেদীনগরের রাজ-কন্যা ।
রাণী	ভীমসেনের মহিষী ।

সখীগণ, অপ্সরাগণ, ব্রাহ্মণী, জনৈক বৃদ্ধা, ধাত্রী ইত্যাদি ।

প্রথম অঙ্ক

—***—

প্রথম গর্ভাঙ্ক

উপবন

নল ও বিদূষক ।

নল । সখা, হের বন উপবনসম,
নৃত্য করে ময়ূর-ময়ূরী ;
বহে বায়ু ধীরি ধীরি মকরন্দ বহি' ;
দোলে ফুল সোহাগ-পরশে ;
সরস-কুম্ভমে রসায় ঋষির মন ;
তাহে কুহতান মত্ত করে প্রাণ ;
রম্য স্থান হেথা—ঋণ করহ বিশ্রাম ।
সখা, সখা—

বিদু । কারে কহ মহারাজ ?
যে হিড়িক্ টান—
সখা তব ক'রেছে পয়াণ ;
আর কোথা পাইবে সখারে ?
বাবা ! রথ চলে এত বেগে ?
দিব্য করি,— স্মৃধায় যতপি মরি,

আর মিষ্টান্ন অদূরে থাকে,
তবু তব রথে না যাব কখন ।
আর কারে বলি ?
রাজার পিরীত কিছু ভুতুড়ে খেতের ;
বন পেলে পিরীত ঝাঁপিয়ে ওঠে ।
ভাল, মহারাজ,
কখন' কি করি নি পিরীত ?
দেখি নি ত এ বেতর ঢঙ !
নল । বর্কর, দেখ কি অতুল শোভা ;
চিনিয়াছ মিষ্টান্ন কেবল !
বিদু । আর মহারাজ চিনেছেন নব ঘাস !
নল । (স্বগত) তর তর পত্র যথা প্রভাত-সমীরে,
প্রাণ কাঁপে নিরন্তর ;
ছুখ-সুখ-মাবে আশা দোলায় আমায় ।
আরে মন ! রত্ন কার করে আশা ?
ত্রিভুবন রত্ন করে আকিঞ্চন ।
স্বয়ম্বরে যাব—লজ্জা পাই পাব—
যারেক দেখিব,
নয়নে শ্রবণে বিবাদ ঘুচাব ।
এ জীবনে কি বা পাব ?
দেখিব সে কল্পনা-প্রতিমা ।
হায় !
কেন মনে হয় সে আমার ভালবাসে ?
বিদু । মহারাজ, ভাঙাও আমায় ?
ঠেকিয়াছ পিরীতের দায় !
জানি আমি—আমার' ত গেছে দিন ।
নল । দেখ সখা !—ব্যাকুল ভ্রমর
গুঞ্জরি' জানায় মনোজালা ;
মুদিত নলিনী ফিরে নাহি চাহে আর ;
এ কি—এ কি কঠিন ব্যাভার !—
দেখ সখা, নিরাশায় ভ্রমরা ফিরিল !
বিদু । এই টুকু নুতন কেবল !
আমি যবে ব্রাহ্মণীয়ে দেখি—
ঐ কড়া খাস, ঐ রূপ উপর চাউনি—
মিষ্টান্ন পাইলে
হয় ত বা রয়ে গেল গোটা ছুই !

কিন্তু,
ভ্রমর এল কি গেল কখন' দেখিনি ।
মহারাজ, কেঁদে ফেল ;
আমি ব্রাহ্মণীকে দেখে কেঁদে তবে বাঁচি,
তবে ক্ষুধা হয় !
নল । সখা, সত্য কহি—
নলরাজা নহি আমি আর ;
ছি ছি কত করি, মন বুঝাইতে নারি ;
রাজ্য ধন মান নাহি চাহে প্রাণ ;
ক্ষত্রিয়ের প্রাণের সুসার
বীৰ্য্য বল কাজ নাই আর ;
প্রাণ তৃষিত আমার—
দাবানল দহে সদা ।
সে প্রমদা আমারে কি চাবে ?
সে রতন ত্রিভুবন করে আকিঞ্চন ;—
কোন্ গুণে পাব তারে ?
যাব—যাব স্বয়ম্বরে ;—
আর লাজে বাধে কি বা ?
বিদু । কোথা যাও ? একে ঘোর সন্ধ্যা—
তায় এই সোমন্ত বয়েস, রাজা,—
তায় পিরীত হাজামে !
একা কেন ঘাটে বসে থাকে জল ?
মহারাজ, চল, বিলম্ব কর' না ;
জান ত মৃগয়া ক'রে
বনে মিষ্টান্ন না মেলে ;
যত দূর পদ্যের ডাঁটায় হয় !
নল । দেখ সখা, কিবা দীপ্তি অকস্মাৎ—
খোলে জলে মুদিত নলিনী !
(পদ্য হইতে দেববালাগণের আবির্ভাব)

গীত

ইমনু বেহাগ—একতারা ।
হায় রে হায় ! প্রেমিক বে জন
সে কেন চায় ভালবাসা ?
দিলে নিলে, ... বদল পেলে,
ফুরিয়ে গেল প্রেমপিরাসা !
প্রেমে চায় ভালবাসি, পরাব না, পরবো কাঁসি,
চায় না প্রেম কেনা-বেচা—ভালবেসে পুরান আশা ।

নল। (স্বগত) সত্য, কেন প্রাণ চাহে বিনিময় ?

সঙ্গীতের ছলে

দেব-বালা দেন উপদেশ।

আশা নাচায় কাঁদায় ;

আর ছলনায় ভুলিব না ;—

আশা দিব বিসর্জন।

পরি প্রেম-ফাঁসি হইব সন্ন্যাসী ;

ভালবেশে আশা মিটাইব।

(দেববালাগণের গীত)

সিকুড়া খান্ধাজ—একতারা

প্রাণে যার সর না ব্যথা সে কেন কর প্রেমের কথা ?

প্রেমে দিন যাবে কেঁদে—প্রেমিক যে জন সে ত জানে।

প্রাণ দিতে যে জানে পরে, বিচ্ছেদের ভয় সে কি করে ?

বিচ্ছেদে অবিচ্ছেদে—স্বয়ং-টান্দে হেরে ধ্যানে !

যে আপনা হারে, চায় সে কারে ?

সাধের ফাঁসি খুলতে পারে !

প্রাণ মজে প্রাণ দিয়ে পূজে,

ব্যথা কি তার থাকে প্রাণে ?

(জলমগ্ন হওন)

নল। (স্বগত) সত্য, আমি ভালবাসি ;

আমি প্রাণ দিছি তারে ;

তবে, দানে কেন চাই প্রতিদান ?

সুস্থ হয় প্রাণ

যদি আশা করি বিসর্জন।

কিন্তু,

মরাল-বচনে মনাগুণে জ্বলে মরি !

সে চায় আমায়—

বলে গেছে স্বর্ণ-বিহঙ্গম।

চায় বা না চায় দেখি পরীক্ষায়।

দেখে যাব—কোন্ ভাগ্যধরে

আদরে সে রমণীরতন।

(প্রকাশ্যে) সখা, সখা ! এ কি ভাব তব ?

বিদু। হায় ! আমি গরীব ব্রাহ্মণ—

কেন ঠেকিলাম রাজার পিরীত-দায় ?

নল। সখা, সখা ! আচ্ছ কি হেতু তুমি ?

বিদু। রস' তুমি মহারাজ ;

কর দেখি অঙ্গুলি দংশন,—

দমা ধরে গেছে বুকে ;

বাবা ছুঁ ছুবার !

মহারাজ, তোমার এ প্রেমের হিড়িকে

যে কারুর প্রাণ বাঁচে, এমন ত বোধ হয় না।

ঘরে বসে কোথা পেলো রাক্ষুসে প্রণয় ?

রাক্ষসী নিশ্চয় !

বনে একা পেলো ভুলিয়ে নিয়ে যায়।

নল। সখা !

অনুমাণে জ্ঞান হয় দেবকণ্ঠাগণ।

বিদু। তোমার প্রেমের চোটে

পদ্ম ফেটে দেব-কণ্ঠাগণে এল' বনে !

নিশ্চয় রাক্ষসী ; ইচ্ছা যদি, রহ রাজা ;

আমি—সোঁদা ব্রাহ্মণের ছেলে—

ভরা সাঁজে হেথা নাহি রব।

নল। যাও সখা, কহ গিয়ে সারথিরে—

অশ্বগণে দেয় তৃণ পানি ;

এ কাননে করিব বিশ্রাম আজি।

বিদু। রাজা-রাজড়ার খেলা—

পালা, বামুন, পালা।

[প্রস্থান।

(ইন্দ্র, বক্রণ, যম ও অগ্নির প্রবেশ)

ইন্দ্র। জয় হ'ক মহারাজ।

নল। তেজঃপুঞ্জ মুরতি সুন্দর—

পুরুষ-প্রবর,

কেবা তুমি সন্তাষ কাননে ?

পরিচয় দেহ মোরে,

কহ মহাজন ! কি বা প্রয়োজন

সাধিবে তোমার দাস ?

ইন্দ্র। শুন মহামতি ! আমি—দেবরাজ ;

মায়াবন করিয়া সৃজন

আসিয়াছি ধরামাঝে।

নল। সফল জনম মম ;

বহু পুণ্যে পাইলাম দরশন।

ইন্দ্র । আসিয়াছি বড় আশে তব পাশে,
কর সত্য, ওহে সত্যবান,—
রূপাবান্ হবে মম প্রতি ?
নল । মিনতি কি হেতু, দেব ! আজ্ঞাবাহী দাসে
যে বা আজ্ঞা হয়,
প্রাণপণে সাধিব নিশ্চয় ;
দেবরাজ ! আদেশ কিঙ্করে ।

ইন্দ্র । যার তরে যাও স্বয়ম্বরে,
তারে হেরে মদনে পীড়িত মম প্রাণ !
হেরি' সে রূপ-মাধুরী
ধৈর্য্য না ধরিতে পারি ;
ইন্দ্র হু যতপি মম যায়,
ক্ষতি নাহি তায়—
ধরি নরকায় রহি তারে ল'য়ে স্মৃথে !
কিন্তু, স্নলোচনা তোমা বিনা
অন্য জনে না হেরে নয়ন কোণে ;
হংস-মুখে তব বার্তা শুনি'
আছে তব ধ্যানে ;—
নলরূপ নিয়ত নয়নে জাগে !
তাই, মহাশয়, চাই তবায় —
দূত হ'য়ে যাও তার বাসে ;
বরিতে আমার বুঝাও বাল্যায় ;
শচী হ'তে রাখিব আদরে—
বল' তারে ;—স্মর-শরে জরজর তহু ;
ব'ল—দেবরাজ কিঙ্কর হইতে চাহে ।

অগ্নি । আমি—অগ্নি, শুন হে ভূপাল,
কি জঞ্জাল করিয়াছি তারে হেরে !
যদি ইন্দ্রে নাহি বরে, ব'ল মোর তরে ;
মন্মথের শরে মন নিপীড়িত মম !

ইন্দ্র । বরুণ শমন
হের, আশীর্বাদ জানায়, রাজনু !
আসিয়াছে দময়ন্তী-আশে ।
আছি চারিজন —
যারে ইচ্ছা—করুক বরণ ;
দৌত্য-কার্য্য কর মহারাজ ।

নল । শুন দেবগণ !

দেব-কার্য্য করিব সাধন ;
যাব আমি দূত হ'য়ে ;
কিন্তু, বালা রহে অন্তঃপুরে,
সতর্ক প্রহরী সদা ফিরে ;
কি উপায়ে দেখা পাব তার ?

ইন্দ্র । দেব-মায়া ঢাকিবে তোমারে—
অদৃশ্য পশিবে, রাজা ।
হেথা পুনঃ দেখা পাবে মো সবার ।

[দেবগণের প্রস্থান ।

নল । (স্বগত) আরে, সত্যঘাতী মন !
কেন হও বিচঞ্চল ?
উচ্চ শিক্ষা শিখরে হৃদয়,
পর-স্বখে হ'তে স্মৃথী ;
দুর্লভ রতন,
পার যদি, যত্নে কর দেবে সমর্পণ,
বিসর্জন কর রে লালসা ;
দেবরাজ ইন্দ্র যাহে চায়,
সে স্মৃথায় নরে কোথা পায় ?
দেবাকনা গিলাইব দেবসনে !
আরে রে অবোধ মন ! যদি ভাল বাস
স্বখে তার কি হেতু অস্মৃথী তুমি ?
শচী সনে রবে ইন্দ্রাসনে—
কি হেতু অস্মৃথী হও ?
ছি ! ছি ! দুর্নিবার নয়নের ধার ।

[প্রস্থান ।

দ্বিতীয় গর্ভাঙ্ক

উত্থান

দময়ন্তী ও সখীগণ ।

দম । হেরিলাম সুন্দর সুরাল
সরোবরে ভাসে কুতূহলে ;
স্বর্ণ-পাখা হেরি মনোহর
ধাইলাম ধরিতে সঙ্কর ;
বক্রগ্রীবা মাণিক-নয়নে

চাহিল কাঞ্চন-বিহঙ্গম ;
 নর-স্বরে ধীরে ধীরে কহিতে লাগিল,—
 “নলরাজ পাঠাইল মোরে ;
 তোর তরে ভূপতি উদাস !
 দময়ন্তী ধ্যান জ্ঞান তাঁর” ;
 সখি, মুখপ্রায় কতই শুনিছ ;
 ছু' নয়ন ভাসিল সলিলে ;
 ছলে পুনঃ কহিল স্তবর্ণ-দূত,—
 “দেঁহ লো যুবতি ! বারি-বিন্দু ছুটি তোর,
 যত্নে দিব নলের নিকটে” !
 উন্নতের প্রায়—
 লাজ খেয়ে কতই কহিছ ;
 চাহিল অঙ্গুরী,—পুত্রলীর প্রায় দিছ ;
 দেখিতে দেখিতে উড়িল সে মায়াবী মরাল ।
 বুঝি মন্থথের অমুচর পাখী ;—
 ললনায় কাঁদায় মদন !
 সখি, সখি, কে আগে জানিত,
 দাসী হ'তে চায় প্রাণ !

(সপিগণের গীত)

অহং-কানেড়া—পোস্তা ।

প্রাণে প্রাণ প'ড়লো ধরা, ব'লে গেল সোণার পাখী ;
 প্রেমের খেলা, প্রেমের লীলা, চখে চখে' রইল বাকী ।
 নয়নকোণে চাইবি ষত, বাণ খাবি বাণ হান্‌বি তত,
 নীরবে প্রাণের কথা, আঁধিসনে কবে আঁখি ।

দম । সখি, বুঝ না বুঝ না প্রাণের বেদনা —
 তাই রক্ত কর কত !
 প্রাণ দি'ছি নলে—নল মম প্রাণনাথ ;
 ভেবে মরি,—
 স্বয়ম্বরে যদি তাঁরে নাছি হেরি ।
 সখি, সত্য কি কহিল পাখী ?
 সখী । সখি ! সত্য মিথ্যা বুঝ মনে মনে ;
 পদু-আশে ভ্রমরা আপনি আসে,—
 ভুঙ্ক কেন না আসিবে তোর ?
 যার তরে কাঁদে যার প্রাণ,
 সে কাতর তার তরে ।

দম । সখি, দেখ—দেখ আসিছেন নলরাজা !
 সখি, এসেছে রতন, করহ যতন,
 আমি ত আপনহারা !
 নিত্য হেরি যে বদন ধ্যানে,
 দেখ লো, নয়নে—
 সম্মুখে সে নিরুপম ঠাম !
 সখি, ধর—ধর, কাঁপে লো অন্তর মোর !

(নলের প্রবেশ)

১ম সখী । মহাশয়, দেহ পরিচয় ; —
 অকস্মাৎ,
 কে তুমি উদয়, দেব, রমণী-মাঝারে ?
 নল । নল নাম—শুন, সুলোচনে !
 দেবরাজ-আদেশে এসেছি,
 দেব-বলে পশিয়াছি অন্তঃপুরে ;
 কেন রাজবালা, উতলা আমারে হেরে ?
 আমি দেব-দূত—দাস তাঁর ।
 দম । নাথ, কি বল—কি বল ? আমি দাসী,
 তব আশে রাখি প্রাণ ।
 নল । ভদ্রে, দেব-কার্য্যে মম আগমন ; —
 ইন্দ্র, অগ্নি, বরুণ, শমন,
 তব প্রেম করি' আকিঞ্চন
 পাঠাইল হেথা মোরে ;
 মন চাহে যারে, বর তারে, বরাননে,—
 দেবের বাঞ্ছিত তুমি ;—
 এ সুধার নর নহে অধিকারী !
 দেবরাজে যদি, সতি, ভজ,
 রবে শচী হ'তে আদরে, সুন্দরি !
 অগ্নি বা বরুণ, যম—
 যারে মালা করিবে অর্পণ—
 যতনে সে রাখিবে তোমারে ।
 দম । প্রভু, কি কথা দাসীরে বল ?
 নছি বিচারিণী ;
 হৃৎস-মুখে শুনি, তব পায় দিছি প্রাণ ;
 তুমি—প্রাণনাথ ;
 আশ্রিতে হে কর' না আঘাত ;

আমি নারী, বাঞ্ছা করি নরে,
না চাহি অমরে ;—
নল মম হৃদয়ের রাজা ।
যদি, প্রভু, নিদয় হইবে,
নারী-বধ লাগিবে তোমারে ।
দেব-দূত, কহ গিয়া দেবগণে—
পিতাসম গণি চারি জনে ;
যাচি শ্রীচরণে -নল স্বামী হয় মোর ।
প্রাণসখা, স্বয়ম্বরে দিও দেখা ;
নহে, তখনি ত্যজিব প্রাণ ;
নল বিনা আমি আর কার ?
তুমি হে আমার ;
প্রাণেশ্বর, কেন ছল কর ?
ছলে, প্রভু, ভুলাতে নারিবে ;
স্বামী ! পত্নীরে ঠেলনা পায় ।

নল । (স্বগত) আরে হীনবল প্রাণ !
নারীর বচনে হইতেছ বিচঞ্চল ?
(প্রকাশ্যে) শুন সুলোচনে !
যদি ভালবাস,
ভালবাসা চির দিন রবে ;
স'পি' কায় পূজা কর দেবতায়,
আপনায় দেহ বলি ।
দেব-কার্যে নরে ধরে দেহ ।
দেব-কার্যে আসিয়াছি, সুবদনি,
দেব-কার্যে যাচি জাহ্নু পাতি'—
দেবে কর দেহ-দান ;
তব আত্ম-বিসর্জন
জগজ্জন করিবে কীর্তন ।
শুন, বরাননে, সুগ তুচ্ছ গণি'
তু'পে সুগ শিখ মোর তরে ;
আমি ও কেঁদেছি,
কাঁদিয়ে শিখেছি ; কেঁদে কেঁদে হব সুখী !

দম । প্রভু, কি দিয়ে করিব দেব-পূজা ?
দেহ, প্রাণ,—কিছু আর নহে মোর ;
দেবগণে সাক্ষী করি' কহি—
সকলি হে দিয়েছি তোমায় ;

জানি, নাথ, তুমি হে আমার ;
দানে তব নাহি অধিকার ।
ধর্মপত্নী আমি তব ;
দেহ মোরে, পতি-পূজা-উপদেশ ;
কহ, নাথ, স্বয়ম্বরে দিবে দেখা ?

নল । দেব-দূত—দাস-কার্যে নিযুক্ত, কল্যাণি, —
এবে আমি নহি ত স্বাধীন ;—
অধীকার কেমনে করিব ?

দম । প্রভু, ছেড়ে যাবে ভেব না কখন ;
সতী পায় পতি-দরশন—
দেবতা মিলায় আনি' ;
যেতে চাও যাও হে নির্দয়,
দাসী পদ কতু না ছাড়িবে ।—
দেবগণে পিতাসম গণি ।

নল । যাই, সুলোচনে,
দেবগণে দিই গিয়ে সমাচার ।

দম । দেখা দিবে স্বয়ম্বরে ?

নল । মা পারিব দেবাদেশ বিনা ।

[নলের প্রস্থান ।

দম । দিয়ে নিধি, কেন বিধি, হও প্রতিকূল ?
ছি ! ছি ! ধিক্ নারীর জীবন !
সাধিতে কাঁদিতে দিন বার ;
যারে প্রাণ চায়—সে অংগারে ঠেলে পায় ;
তবু প্রাণ তত কাঁদে তার তরে !
আরে ! আরে ! এ প্রাণের তরে
লজ্জাহীনা কত আর হব ?—
কতই সাধিব ?—
ছি ! ছি ! প্রাণ,
বার বার কত হ'বি অপমান ?

(সখীগণের গীত)

গারা বিল্লা—একতারা ।

আগে কি জানি বল, নারীর প্রাণে সয় হে এত ?
কাঁদাব মনে করি ; ছি ! ছি ! সখি, কাঁদি কত ।
সাধ করি—সে সাধবে এসে, প্রাণের জ্বালায় সাধি শেষে ;
লাজ-মান তানিয়ে দিয়ে, অপমান আর সব কত ?

[সকলের প্রস্থান ।

তৃতীয় পর্ভাঙ্ক

প্রাক্ষণ ।

বিদূষক ও সারথি ।

বিদূ । গুন হে সারথি,
ব্রহ্ম-হত্যা যদি নাহি চাও—
যথা পাও মিষ্টান্ন আনিয়া দাও ।
মরুভূমি বিদর্ভ নগর,
সারাদিন কিছু খাই নাই ;
দেখ, হ'ল প্রায় সূর্য্যোদয়,
বাল্যভোগ গিয়েছে চিতায় ;
ভূতে পেয়ে রাজা প্রেম খায়,
ঝোপে ঝোপে রজনী কাটায় ;
আমি, বল, কেমনে সামাল দিই ?
রঙ্ বেরঙা পিরীত,
দেখেছি ত যথোচিত ;
বলি, ও সে হ্যাঁকামে আন্নি ত পড়েছি ;—
কবে ভোজন ভুলেছি বল ?
রাজার এ নয় ত পিরীত,
পেঙ্গীতে পেয়েছে নিশ্চয় ;
ঐ দেখ,
ছেমোচাপা ছম্ছমে আসে রাজা !

(নলের প্রবেশ)

মহারাজ, তব পিরীতের দায়
ব্রাহ্মণের প্রাণ যায় ;—
কে যেন কাহারে বলে ?

নল । আরে রে বাতুল, কি জানিবি—
কি বেদনা মর্ষস্থলে মোর ?
স্বত ! যাও, অশ্বগণে কর গে সংঘত—
আজি যাব নিষধ নগরে ;
(স্বগত) না, না—
যাব স্বয়ম্বরে, বারেক দেখিব তারে ;
(প্রকাশ্যে) রহ প্রস্তুত, সারথি,
আজ্ঞা মাত্র পাই যেন রথ ।

[সারথির প্রস্থান

(স্বগত) আহা, সরলা ললনা !
দেবের ছলনা কেমনে বুঝিবে বালা ?
ফেলে-যাব তায় !
প্রাণ আর ফিরিতে কি চায় ?
হায় ! সে আমারে চায়,—
আমি তার হব,
যাব আমি সভামাঝে ;
কিন্তু,
ছলে ভুলে, বরে যদি নল-বেশী দেবে—
কেমনে বাঁধিব প্রাণ ?
সভামাঝে হারাইব জ্ঞান,—
উপহাস্ত হব লোকে !

বিদূ । মহারাজ, পিরীতের নানান্ ভিরুকুটি
জ্ঞাত আছে গরীব ব্রাহ্মণ ;
কড়া শ্বাস, উদ্ধ'দৃষ্টি—
এ সব রকম জানা আছে কিছু কিছু ;
কিন্তু,
প্রাতে কিছু বেতর রকম !

নল । আরে রে বাতুল,
পরিহাস-সময় এ নয় ।

বিদূ । ভাল,
বুঝিলাম তবু জীয়াস্ত রয়েছ, রাজা !
বলি, অত কেন ? মালা দিতে হয়, দেবে ;
মহারাজ, আমি ত বাতুল,—
বল দেখি, এত কি নলের সাজে ?

নল । সখা, নল রাজা নহি আমি আর ।
আহা ! অশ্রুপূর্ণ লোচন বালার—
সকাতরে প্রণয় যাচিল,
লাজ খেয়ে প্রাণ বিলাইয়ে পায় ;
হায় রে নিদ্দয় !—পলায়ে আইলু আমি ;
পুতলীর প্রায়
একদৃষ্টে চাহিয়া রহিল ;
নীরব ভাষায়
প্রাণে প্রাণে কহিল আমায়,—
“দেখ' নাথ, রেখ' মনে”
আমি অভাজন—

এ রতন বুঝি নাহি পাব !
 হেরি' পঞ্চ নল—
 উন্মাদিনী বালা কতই কাঁদবে !
 কেমনে নীরব রব ?—
 পরিচয় কেমনে না দিব ?
 কেমনে বাঁধিব প্রাণ ?
 আঁখি-বারি কেমনে বারিব ?

বিদু। রাজা, পঞ্চশরে ব্যাকুল তোমার প্রাণ,—

পঞ্চ নল কোথা পেলে ?

নল। ইন্দ্র, অগ্নি, বরুণ, শমন,
 চারিজন বসিবেন মোর রূপ ধরি' ;
 তাই ভাবি—স্বয়ম্বরে যাব কি না যাব ।

বিদু। এ ত বড় বাড়াবাড়ি দেবতার !

এ আবদার কেন, রাজা ?

নল। দময়ন্তী-আশে আসিয়াছে চারিজন ।

বিদু। মহারাজ, দেবতাদের ত বিলক্ষণ !

যারে তারে প্রয়োজন !

মর্ত্যে এল মানবী-আশায় !

মহারাজ, কেমনে জানিলে ?

নল। রূপা ক'রে ব'লেছেন তাঁরা মোরে ।

বিদু। আহা, অভুল করুণা !

আর রূপা করি যাইবেন দময়ন্তী ল'য়ে !

মহারাজ, কি দিলে উত্তর ?

আমি হ'লে বলিতাম,—

'করণায় কাজ কি, রতন ?'

এই হেতু এত চিন্তা তব ?

আমি সভায় চীৎকার ক'রে কব,—

এই নল রাজা,—

দময়ন্তী, এস এই স্থানে ।

নল। করিয়াছি পণ, নাহি দিব পরিচয় ।

বিদু। মহারাজ, তুমিও রতন !

নাও—কোণে যাও, ঐ ঝোপে ব'সে কাঁদ ।

নল। স্বয়ম্বরে যাব কিনা যাব, ভাবি ;

সভামাঝে নারী যারে অনাদরে,

ধিক তার জীবন যৌবন !

প্রাণ যারে উন্মাদ হইয়ে চায়,

অশ্রু জনে মালা তুলে দিবে—

কত জ্বালা যে জানে সে জানে !

যাব স্বয়ম্বরে, প্রাণে প্রাণে কবে কথা ;—

সরলা আমারে চায় ।—

[নলের প্রস্থান ।

বিদু। বাবা, যত বাগুড়া রাজার পিরীতে ? বেয়াড়া
 রকম সব ; দেখ না, এলেন কি না যম ! আমি হতেম ত
 বিলক্ষণ ছু' কথা শুভুতেম । বাবা ! যমটা যেন কেমন কেমন
 দেবতা ! নামটা মনে হলেই, গাটা ছম্ ছম্ করে ! দূর-হোক,
 এবার থেকে সন্ধ্যা না ক'রে আর খাব না । আমার ইচ্ছা করে,
 ভাল ক'রে মোণ্ডা সাজিয়ে একবার যমকে পূজা দিই ; যেই
 ছু' হাতে বদনে তোলে—বলি, তবে রে মোণ্ডার ঠেলাটি বোঝো !
 বামুনের ছেলে—সন্ধ্যা-আহ্নিক কল্লেম বা না কল্লেম, অত ধরো
 না । যাই আমিও যাই সভায় ; বড় ক্ষুধার প্রাতুর্ভাব—
 ভাণ্ডারটা ঘুরে যাই ।

[প্রস্থান ।

চতুর্থ গর্ভাঙ্ক

স্বয়ম্বর-সভা

রাজগণ, ভট্টগণ প্রভৃতি আসীন ; ইন্দ্র, অগ্নি, বরুণ
 ও যমের নলরূপে অবস্থান ।

১ম ভট্ট। এ কি স্বয়ম্বরে চারি নলরাজা ?

(নলের প্রবেশ)

২য় ভট্ট। হের পঞ্চম উদয় আসি' ।

(রাজা ভীম সেনের প্রবেশ)

ভীম। এ কি বিড়ম্বনা ?

তনি মহিবীর মুখে

কণ্ঠা মম চাহে নলরাজে ;

এ সমাজে পঞ্চ নল ?

হায় !

কেবা করে ছল অবলা বালিকা সনে ?

(দময়ন্তী ও সখীগণের প্রবেশ)

সকলে। আহা, কি মোহিনী ছবি !

দম। এ কি ! সভামাঝে পঞ্চ নল ?

দেবগণে করিছেন ছল ;
ওহে, ধর্ম-আত্মা দেবগণ !
ধর্মরক্ষা কর অবলার ;
দেহ সবে নিজ নিজ পরিচয়,
নাহি পারি করিতে নির্ণয় -
নারী আমি ;—দেবমায়ী কেমনে ভেদিব ?
হের, কাতরা নন্দিনী ;—
পতি-করে করহ অর্পণ তারে ;
প্রাণেশ্বরে দেহ দেখাইয়া ;
দেবগণ ! দেহ নিদর্শন
যাহে সতী পায় নিজ পতি ;
মালা করে
ধর্ম সাক্ষী করি, কহি সত্য-মাঝে ;
নল মম প্রাণেশ্বর ।

(দেবগণের নিজ নিজ মূর্তি ধারণ)

প্রাণেশ্বর, মালা পর গলে । (মাল্য প্রদান)

নল । প্রাণেশ্বর, প্রাণ লও বিনিময়ে ।

ইন্দ্র । হে কল্যাণি !

তব যোগ্য নলরাজ, নল-যোগ্যা তুমি ;
চারি জনে করি আশীর্বাদ
স্বামি-ভক্তি অচলা রহক তব ;
সতি ! ধর্মে তোর রবে মতি,
অলঙ্কিত বিছা
দিই যৌতুক স্বামীরে তব ।

অগ্নি । হে কল্যাণি ! যৌতুক আমার—

অগ্নি বিনা নলরাজ্য করিবে রক্ষন ।

বরুণ । জল পাবে যথা তথা—

নলরাজ্যে করি আশীর্বাদ ;
কল্যাণি ! বঞ্চহ স্মৃথে ।

যম । প্রাণিবধ-বিছা দিই পতির তোমার ;

চারুনেত্রে ! করি আশীর্বাদ,—
অবিচল ধর্মে রবে মতি,
হবে পতি-সোহাগিনী ।

দম । কিঙ্করীয়ে অপার করুণা !

নল । ওহে, অন্তর্বামী দেবগণ !

কৃতজ্ঞতা কি ভাষে প্রকাশে দাস ?

(সখিগণের গীত)

সাগুন-বাহার—একতালা ।
কোন গগনে ছিল রে এ দুটি চাঁদ ? এস ধরাতলে ।
চাঁদে মিলে, দেখ, কত খেলে ;
আধ হাসে রে চাঁদ, আধ ভাসে রে চাঁদ,
ভাসে নয়ন-জলে ।
কথা চাঁদে চাঁদে, কথা কত ছাঁদে,
কথা নয়নে নীরবে রে !—
পিয়ে সুখা, ত্রাণ দোলে ।

দ্বিতীয় অঙ্ক

—:❦:—

প্রথম গর্ভাঙ্ক

উপবন

কলি ও ছাপর ।

কলি । একাদশ বর্ষ করি রক্ত অন্বেষণ !
বৃথা পরিশ্রম—মনোরথ না পুরিল ।
ধর্ম-পরায়ণ নল বিচক্ষণ
নারিলাম প্রবেশিতে শরীরে তাহার ;
নাহি অনাচার—
গম অধিকার নিষ্ঠাচার জনে নাহি ;
হায় ! না দেখি উপায়,
ঈর্ষ্যানলে দহে প্রাণ ।
ছি ! ছি !
কত অপমান সহিলাম স্বয়ম্বরে ;—
দময়ন্তী যৌবনের ভরে
দেবে অনাদরে !
নলে বরে দেব-সত্য মাঝে ।
কি প্রেম-বন্ধনে আছে দুই জনে ;
অবিচ্ছেদ বহিছে প্রবাহ ;
অহরহ হেরি, প্রাণে জলে মরি ;

ভাল—আর দেখিব কয়েক দিন ;
নলরাজে যদি নাহি পারি
বৃথা কলি নাম ধরি ।
সংসারের অধিকারী হইব কেমনে ?
ক্রীড়া-দাসী কুমতি আমার
সতর্ক রয়েছে সদা ;
কিন্তু নলে, কোন ছলে না পারে ভুলাতে ।

দ্বাপর । দেখ, আর নাহি প্রয়োজন ;
দেবরাজ করেছেন নিবারণ,
শুনেছ ত দময়ন্তী নহে দোষী ;
স্বয়ম্বর-স্থলে—
দেবাদেশে বরিয়াছে নলে ;
দেহ ক্ষমা—হিংসি' নাহি কাজ ।
কলি । ক্ষমা কোথা হৃদয়ে আমার ?
কুংসিত আচার—মম অলঙ্কার ;
হিংসা, ঘেঘ—সহচর ;
মিথ্যা কথা, নিষ্ঠুরতা—সহায় আমার ।
ক্ষমা আমা হ'তে না সম্ভবে ;
নিজ কার্যে যাও হে দ্বাপর,
আমি নলে না ছাড়িব ।
দময়ন্তী গরবের ভরে,
নল বিনা চক্ষে নাহি দেখে পারে ।

দ্বাপর । সাধে কি হে, ক্ষমা-কথা আনি মুখে ?
আছি যে অস্থখে—তোমাকে কি কব আর !
নিত্য যেন নব অমুরাগ—
নল সনে নিত্য প্রেম-খেলা—
হেরি' বাড়ে জালা আর না সহিতে পারি ।
এ প্রণয়ে বিচ্ছেদ কি হবে ?
কেন তবে বৃথা করি পরিশ্রম ?

কলি । হে দ্বাপর !

শক্তি মম অগোচর নহে তব ;—
বথা আমার উদয়,—
ধর্ম কর্ম লোপ সমুদয় ;
প্রেম কথা নাহি রয় ;
পিতা পুত্রে অরি ;
তীক্ষ্ণ খড়্গ ধরি' ঘন্ব করে সহোদরে ;
সতী, ত্যজি পতি উপপতি করে সদা !

কোন মতে পারি যদি পশিতে শরীরে,
অচিরে দেখিতে পাও প্রভাব আমার ।
দ্বাপর । ভাল,
আমা হ'তে কিবা তব হ'বে উপকার ?
কলি । অক্ষপাটি হবে তুমি - এই মাত্র চাই ।
নল সহোদর,
পুঙ্কর ছুঙ্কর পাপ-প্রিয়,
প্রভুসম নিত্য মোরে সেবে ;
বসিয়া নির্জনে
মনে মনে সাহায্য সে চায় মোর ;
আজীবন করে মন—
নলে দিবে বনবাস ;
রাজ্য-আশ পূরাব তাহার ;
ত্বরা দেথা দিব তারে ।

দ্বাপর । কেমনে জানিলে তুমি সাহায্য সে চায় ?
কলি । চিরদিন হিংসা করে নলে ;
কিন্তু, নিজ বুদ্ধি-বলে
কোন কার্য নাহি হয় সমাধান ।
হতাশ হইয়ে, শূন্য-পানে চেয়ে,
নিত্য কহে—“কে আছ কোথায় ?
দেহ সাহায্য আমায়—
ঈর্ষ্যায় নরকে নাহি ডরি” ।
দেখ, দূরে আসে ধীরে ধীরে
হেঁটমুণ্ড, চিন্তায় মগন,
পাপ চিন্তা করে অমুক্ষণ ।
এস অন্তরালে,
মন তার এখনি জানিবে ।

(উভয়ের অন্তরালে গমন)

(পুঙ্করের প্রবেশ)

পুঙ্কর । (স্বগত) এক মাতৃগর্ভে জন্ম আমা দৌহাকার,
আমি পাপাত্মা পুঙ্কর,
উনি পুণ্যশ্লোক নল !
রাজ্যে আর রহা নহে শ্রেয়ঃ,
রাজদ্রোহী ভাবে জনে জনে,
মন্ত্রী হেরে সন্দেহ-নয়নে,

হীনমতি সভাসন্ পেটুক ব্রাহ্মণ—
 কুকুর যেমন—সদা পিছে লাগে মোর ।
 ভাল—রাজ্য ত্যজি' যাব,
 যাব—কিন্তু হিংসা না ত্যজিব ।
 হায় ! কেহ নাহি সহায় আমার ।
 প্রজাগণে স্নিয়মে বশ ;
 মন্ত্রী অতি সতর্ক সূবীর ;
 সৈন্যগণ সতত প্রস্তুত ;
 একা আমি কি করিব ?
 কি সৌভাগ্য তার—
 ইন্দ্রের বাঞ্ছিত নারী বরিল তাহারে !
 পুণ্যবান্ জগতে আখ্যান ;
 তৃপ্ত মন—অতুল বৈভব-অধিকারী ;
 পুণ্যবান্ আগিও হইতে পারি -
 সিংহাসন যদি পাই !
 হীন প্রাণ নাহি যাচে আপন উন্নতি ।
 সন্তোষ—সন্তোষ—
 দুর্দশায় সন্তোষ কোথায় ?
 প্রাণ জ্বলে যায় !
 অবস্থার বিনিময় যদি করে নল,
 ধর্ম-বল তবে বুঝি তার ।
 নহে,
 রাজা হ'য়ে দান বস্ত্র কেবা নাহি করে ?
 দেগি কম দিন আর—
 বিনা রণে ভঙ্গ নাহি দিব ।

(কলির প্রবেশ)

কলি । কে তুমি ? কি ভাবে মগ্ন অন্তর তোমার ?

কিবা কার্য্য বাঞ্ছা কর ?

ত্যজ ভয় না কর সংশয় ।

পুঙ্কর । চিন্তা কি বা ? কেবা তুমি ?

শ্রম দূর করি আসি' এ বিজন স্থলে ।

কলি । শুন বৎস, ভাণ্ডাও না মোরে ।

আমি রে সহায় তোরা ;

অন্তর তোমার অগোচর নহে মোর ;

শুন বৎস ! বলি—ঈর্ষ্যানলে জলি ;

কলি নাম খ্যাত চরাচরে,

শুন কথা ত্যজ মনোব্যথা,

রাজ্যেশ্বর করিব তোমায় ;

রাজ্য ত্যজি না কর গমন ।

পুঙ্কর । (স্বগত) নিশ্চয় মন্ত্রীর চর ।

(প্রকাশ্যে) মহাশয় ! রাজ্য কে বা চায় ?

আমি রাজ-সহোদর,

রাজদ্রোহী নহি ।

কলি । শুন, যাহে তব জন্মিবে প্রত্যয়,—

দময়ন্তী-আশে যাই বিদর্ভ-নগরে,

স্বয়ম্বরে করিল সে অনাদর ;

দণ্ড তার দিব সমুচিত ।

করিব কৌশল,

রাজ্যভ্রষ্ট হবে রাজা নল,

পত্নীসনে বিচ্ছেদ ঘটবে ;

যদি তুমি না হও সহায়,

অন্য জনে করিব আশ্রয় ;

বল কিবা ইচ্ছা তব ?

পুঙ্কর । কায়, মন, প্রাণ

বলিদান এখনি চরণে দিব,

নল যদি হয় রাজ্যচ্যুত ।

কহ, মহাশয় !

কিবা কার্য্য চাহ আমা হ'তে ?

কলি । অক্ষুপাটি উপায় কেবল !

মায়া-অক্ষ-বলে

রাজ্য-ধন জিনে লবে ছলে ;

ধৈর্য্য ধর সূদিন আসিছে তোরা—

স'য়েছ বিস্তর রহ আর কয় দিন ।

পুঙ্কর । আজি হ'তে ক্রীতদাস তব আমি ।

কলি । যাও নিজাগারে—

দেখা দিব স্বেযোগ হইলে ।

[কলির প্রস্থান

পুঙ্কর । (স্বগত) আজ এ কি অভিনয়—

কলি আসি হইল উদয় !

দেহ-মন-জীবন বেচিছ তারে ;

নহে আজি, বেচিরাছি বহুদিন—

যবে ধীরে ধীরে, তুবানলসম
রাজ্য-আশা জ্বলিল হৃদয়ে ।
এত দিন, একা ব'সে করিমু কল্পনা,
আজি, ক্ষমবান্ সহায় মিলিল ।
তবে কেন, ভয়ে কাঁপে প্রাণ ?
মৃত্যু যদি হয়,
তবু, অন্ত পথ নাহি লব ;
হ'য়েছি কলির ক্রীতদাস,
অঙ্গীকার রাখিব আমার ।
অক্ষপাটি—অক্ষ-সুনিপুণ নলরাজা—
আশামাত্র জীবনে উপায় ;
আশা ত্যাগ না করিব ।

(বিদূষকের প্রবেশ)

বিদু। মহাশয়, না হয় একটু হাসলেন,—না হয় ছ' দণ্ড
লোকালয়ে ব'সলেন,—মনের কপাট না হয় খানিক খুল্লেন ।

বলি, ম'শয়, হাসতে কি দিব্যি দেওয়া আছে ?

পুঙ্কর। দেখ, উপযুক্ত শাস্তি দিব তোরে ;

আমি রাজ-সহোদর ।

বিদু। বলি, তাই ত মুন্সিলে ঠেকে'ছি ; নইলে, আমার
মাথাব্যথা কি ? নিত্য মুখ দেখি—আর ঘরে হাঁড়ি কাটে !

ম'শয় ! মুখের ভাবটা এক চেটে ক'রেছেন । হাসি-
কান্না—দিব্যি ক'রে ব'লতে পারি,—কিছু বোঝা যায় না ।

পুঙ্কর। হে ব্রাহ্মণ, কেন কহ কুবচন ?

এস যদি মমাগারে,

কত দিই মিষ্টান্ন তোমায় ।

বিদু। দেন কি, কেউটে সাপের লাড়ু ? আর গোথ'রোর
মোহনভোগ ?

পুঙ্কর। দেখ, তুমি রাজ-সখা,

আমি রাজ-সহোদর ;

আজি হ'তে বন্ধু তুমি মম ।

বিদু। ইস, বিধম গ্রহের কোপ ! মহাশয়, আহার দিতে
চান, বন্ধু ব'লে ডাকেন, শনির দৃষ্টি নিশ্চয় লেগেছে ! নইলে
অকস্মাৎ মহাশয়ের এত প্রেম কেন ?

পুঙ্কর। দেখ, তুমি যথাবাদী,

তাই নিরবধি যাচি আমি বন্ধুত্ব তোমার ।

বিদু। বামনীর হাতের নোয়ার কি জোর ! এতেও
এতদিন টিকে আছি ! বলি, ব্রাহ্মণের ছেলে ত নরবলি হয়
না, তবে আমার সঙ্গে বন্ধুত্ব কেন ?

পুঙ্কর। জানি জানি,

শঠ তুমি গোরে বল চিরদিন ।

কিন্তু,

আজি নয় এক দিন দিব বুঝাইয়ে —

কত মম অন্তর সরল !

সরল অন্তর তব —

তাই প্রাণ তব অমুগত ।

বিদু। যা হোক মহাশয়, আজকে একটা উপকার
আপনা হ'তে হ'ল । আপনি যে চুপি চুপি পেয়ে আছেন, তা
—দোহাই ধর্ম—কে জানে ? দোহাই ম'শয়, কৃপা ক'রে
ছেড়ে যান, নইলে রোজার বাড়ী যাব ।

পুঙ্কর। বাই আমি ; কর পরিহাস ।

(গমনোচ্ছত)

বিদু। মহাশয়, দুটো গাল দিয়ে যান ; যে মিষ্ট মুখ
দেখালেন, রাতে ডরাব ! জেনে শুনেই হাসেন না ; হাসলে
বুঝি সৃষ্টি থাকে না ।

পুঙ্কর। দূর হোক ।

[প্রস্থান ।

বিদু। যখন শুন্লেম বন-ভোজন—তখনি প্রাণ কম্পন !
আবার তার উপর লক্ষণ—পুঙ্কর আছেন নিরিবিলি ব'সে ;
যদি এক হাঁড়া মোণ্ডা নিয়ে চুলোয়ও যাই, সেখানেও যদি
পুঙ্করকে দেখতে না পাই তা কি বলি, পুঙ্কর থাকতে উদর
চালান ছুঙ্কর হ'য়ে উঠলো ।

(নল, দময়ন্তী ও সখীগণের প্রবেশ)

নল। বন-শোভা উদ্ভানে কোথায় ?

শ্বেচ্ছাধীন লতা হের, ধায় ;

শ্বেচ্ছাধীন তমাল প্রসারে বাছ ;

বগ্ন তানে গায় শ্বেচ্ছায় বিহঙ্গ ভ্রমি,

কোটে ফুল, ছড়ায় সৌরভ ;

কি বিভব প্রকৃতির !

বিদু। মহারাজ ! রাখ তব বন-উপাসনা ;

আজিকার বন নহে যেমন তেমন ।

মুগয়ায় বনে ফল—নহে, মুগাল মিলিত ।

আজি দাবানল নাহি হয় ।

প্রথম লক্ষণ সূদর্শন সহোদর তব ;—

আগমন তাঁর হয়েছিল এই স্থানে ।

নল । ছি ! ছি ! কু-কথা কি হেতু বল সখা ?

বিদু । কেন বলি ? পাকস্থালী জলে, বলি তাই ।

অনের দফা ছাই—

বুঝি এই থানেই খাবি খাই ।

নল । সখা, সহোদর মম ;

নিন্দা কর এ নহে উচিত তব ।

বিদু । দোহাই রাজার ! নিন্দা নাহি করি ।

করি মাত্র স্বরূপ বর্ণন !

হরেক রকম দেখেছি বদন ;

কিন্তু মুক্তকণ্ঠে বলি, দিগ্বিজয়ী সহোদর তব ;—

নল । কোথায় পুঙ্কর ?

বিদু । ছিলেন নির্জনে ;

হেরে নর-সমাগম

হ'য়েছেন অন্তর্কান !

(সখীগণের গীত)

ললিত বাহার—যং ।

কুহতানে আকুল করে প্রাণ ।

বুঝি রাখতে নারি কুল মান ॥

কুহম হেরি ভুলতে নারি,

মনে পড়ে সে বয়ান ॥

শুধরি জমরা চলে, মনের কথা পশ্বে বলে,

সাধ হয় সাধি গিরে, ভাসিরে দিরে অভিমান ।

বিদু । বলি, বনে কি আজ খুনো-খুনি ক'রবে ?

বলি, তোমাদের যেন হাওয়া-খেকো জান,

এ গরীব ব্রাহ্মণের প্রাণ কিসে বাঁচে,

এখন তান্ ধরেছে !

নল । সখা, শুন অতি সুন্দর সঙ্গীত ;

সুধাকণ্ঠ সুলোচনা সখীগণ !

বিদু । মহারাজ, ও পাতলা সুধায়, রাজারাজ্‌ডার পেট
ভরে ; দেখছেন ঘন ব্রাহ্মণ—আমাদের ঘন রকমের সুধা

চাই ! যা হোক, এক রকম ত হ'ল—এখন চলুন, শিবিরে
যাওয়া যাক ।

নল । প্রিয়ে, এই স্থান প্রিয় অতি মম—

হেথায় মরাল-দূত দিল সমাচার ,

হেথা কত দিন বসিয়া একাকী

তোমারে করেছি ধ্যান ।

বিদু । মহারাজ, ক্ষান্ত হও,

ভয় হয় কথা শুনে ;

আবার কি উর্দ্ধদৃষ্টি হবে রাজা ?

হংস হংস রব তোল কেন ?

নল । আর নাহি ভয়—

দময়ন্তী সহায় আমার ।

উর্দ্ধদৃষ্টি আর কেন হবে ?

(গমনোচ্ছত)

দম । নাথ, কোথা যাও ?

নল । আসি, প্রিয়ে ।

[নলের প্রস্থান ।

(সখীগণের গীত)

অহং-কানেড়া—পোস্তা ।

বলে ফুল ছলে ছলে, তুলে দেলো বঁধুর গলে ;

সোহাগ আর ক'রবি কবে ? ধাবে মধু বাসি হ'লে ।

ফুটেছি আমোদভরে, তুলে নে যা আদর করে ;

তোলনা, আর পাবেনা,—বলে কুহম হেসে ঢ'লে ।

[সকলের প্রস্থান ।

(দময়ন্তী ও বিদুষকের প্রবেশ)

দম । কই, কোথা মহারাজ ?

বিদু । আজ জানি বিষম বিভ্রাট ।

প্রথম পুঙ্কর—

তার উপরে উঠেছে হংসের কথা ;

রাজা কোথা বসেছেন ধ্যানে ।

(নলের প্রবেশ)

নল । চল যাই শিবিরে ফিরিয়ে ।

হেথা—

জল কোথা নাই পদ-প্রক্ষালন হেতু ।

এস প্রিয়ে ;
ছুঁয়োনা আমায়—অশুচি র'য়েছি !

[সকলের প্রস্থান । নল । চল তবে ।

(কলি ও দ্বাপরের প্রবেশ)

কলি । পূর্ণ মনস্কাম,
দেখ আজি গিলিল স্বেযোগ ;
মূত্র ত্যজি' না করিল পদ-প্রক্ষালন,
দেখিব কেমন নল !
দময়ন্তী—বুঝে ল'ব অহঙ্কার !
বাদ মোর মনে ?
রূপ-গর্বে অবহেলা কর দেবগণে ?
আজি সাধের ভ্রমণ,
পুনঃ শীঘ্র যেতে হবে বন !
দেখি কোথা পুঙ্কর এখন ।

[উভয়ের প্রস্থান

(নলের পুনঃ প্রবেশ)

নল । কেন মন উচাটন আজি ?
এই স্থানে স্নিগ্ধ হয় প্রাণ ;
মনোলোভা প্রকৃতির শোভা
চিরদিন ভালবাসি ;
এ কেমন ? তিক্ত সব হয় অমুভব ।
পুঙ্কর না আসে হেথা ?

(পুঙ্করের প্রবেশ)

পুঙ্কর । দেখ মহারাজ, কি সুন্দর অক্ষপাটি !
নল । অতীব সুন্দর ! কোথা পেলে ?
এস, আজি করি পাশা-ক্রীড়া ।
পুঙ্কর । মহারাজ, অক্ষ-সুনিপুণ তুমি,
অক্ষ-যুদ্ধে কে জিনে তোমায় ?
ভাল—ইচ্ছা যদি অক্ষ-ক্রীড়া,
চল মহারাজ, রয়েছি প্রস্তুত ।
নল । চল তবে শিবিরে খেলিবে ।
পুঙ্কর । না না, মহারাজ !

রথ আছে প্রস্তুত আমার,
মমাগারে চল গিয়ে খেলি ।—

[উভয়ের প্রস্থান ।

(কলি ও দ্বাপরের পুনঃ প্রবেশ)

কলি । বুঝ গম প্রভাব দ্বাপর ।
এক পল নাহি রহে দময়ন্তী বিনা—
গেল তারে শিবিরে রাখিয়া হেথা,
অক্ষ-ক্রীড়া হেতু !
যাও স্বরা অক্ষে হও আবির্ভাব ;
এ বৈভব কিছু নাহি রহে যেন ।
রাজ্য-ধন যাবে—বিচ্ছেদ ঘটবে—
তবু সঙ্গ না ছাড়িব ।
আরে আরে যৌবন-উন্নতা বাল্য—
যার তরে দেবে কর হেলা—
পায়ে ঠেলে চলে যাবে তোরে ।

দ্বাপর । চল শীঘ্র—বিলম্বে কি ফল ?
কলি । ভাল, তব উৎসাহে সন্তুষ্ট আমি ।

[উভয়ের প্রস্থান ।

দ্বিতীয় গর্ভাঙ্ক

কক্ষ

মন্ত্রী ও দূত ।

মন্ত্রী । সত্য কহ ;
আসিতেছ রাজার নিকট হ'তে ?
অসম্ভব কথা !—
গিয়াছেন রাণীকে ত্যজিয়ে ?
দণ্ড পাবে মিথ্যা যদি হয় ।
১ম দূত । মহাশয় !
সত্য কহি, রাণী পাঠালেন মোরে ।
মহারাজ অকস্মাৎ ত্যজিয়ে শিবির
কোথা গিয়েছেন চলি ;—
কেহ তাঁর সন্ধান না পায় ।

মন্ত্রী। কে আছি রে, বন্দী কর দূতে।
সমাচার আপনি লইব;
নিশ্চয় কে অরি করে ছল।

[দূতের প্রস্থান।

(দ্বিতীয় দূতের প্রবেশ)

২য় দূত। মন্ত্রী মহাশয়! ভয়ে মম কাঁপে কায়,
মহারাজ পুঙ্কের ঘরে;
অক্ষ-ক্রীড়া হয় তথা।
না জানি কি মায়া-অক্ষ এনেছে দুর্ঘতি—
বার বার পুঙ্কর জিনিছে!
কত ধন করিলেন পণ রাজা,
পুনঃ পুনঃ পুঙ্কর জিনিল।
অশ্বপণ শুনি,
আইলাম দিতে সমাচার।

মন্ত্রী। এ কি! কিছু বুঝিতে না পারি।
রে দূত!
চিরদিন প্রত্যয় তোমারে করি,—
অসম্ভব বার্তা কেন দেহ তুমি আজি?

২য় দূত। মহাশয়! সত্য সমাচার,
বন হ'তে এক রথে আসি' ছই জনে,
গোপনে করেন ক্রীড়া।

মন্ত্রী। যাও শীঘ্র রাণীকে আগারে আন;
বল তাঁরে সর্বনাশ হেথা,—
অক্ষ-ক্রীড়া নিবারণ করুন আসিয়া।

[দ্বিতীয় দূতের প্রস্থান

(সারথির প্রবেশ)

কহ সূত! রাজ্ঞী এসেছেন পুরে?
সারথি। আসিয়াছি রাজ্ঞীকে লইয়ে।
হের, আপনি আসেন দেবী।

(দময়ন্তীর প্রবেশ)

দম। মন্ত্রী!
শুনিলাম মহারাজ ফিরেছেন পুরে;
বল, তবে কেন তাঁরে নাহি হেরি?

।। দেবি! সর্বনাশ হেথা—
পুঙ্কের সনে পাশা খেলেন ভূপতি।
এস মাতা, বিলম্ব না কর;
চল, খেলা করিগে বারণ;
পণে পুঙ্কর সকলি জিনে।
এস মাতা, এতক্ষণে না জানি কি হয়।

[সকলের প্রস্থান

তৃতীয় গর্ভাঙ্ক

কক্ষ

পুঙ্কর ও নল—পাশা-ক্রীড়ায় নিযুক্ত

কহ রাজা, কি করিবে পণ?

নল। রাজ-পুরে আছে যত বস্ত্র, অলঙ্কার—
এই বার পণ মম।

পুঙ্কর। জিনিলাম—দেখ মহারাজ!

নল। অগ্ন অক্ষ ল'য়ে কর খেলা।

পুঙ্কর। অগ্ন অক্ষে অগ্ন দিন খেলিব রাজন!

যদি মিটে থাকে সাধ—

ফিরে যাও পণ না করিতে কহি।

নল। ভাল, এত বড় দস্ত তোর?

অর্ধ রাজ্য পণ।

(রাণী, মন্ত্রী ও সারথির প্রবেশ)

এ কি! রাণী এল কোথা হ'তে?

দম। মহারাজ! ক্ষমা দাও এ পাপ-ক্রীড়ায়;

নহে, সর্বনাশ হবে নাথ!

নল। রাণি! কেন ভাব?

পুনঃ জিনি লইব সকলি,—

অর্ধ-রাজ্য পণ মম।

পুঙ্কর। জিনিলাম—দেখ মহারাজ!

দম। মহারাজ,

জেনে শুনে কেন কর সর্বনাশ?

মায়া-অক্ষ এ জেন' নিশ্চয় ;—

নহে, রাজা ! তব পরাজয়

বার বার কেন হবে ?

শাস্ত, ধীর, তুমি সদাশয়—

পাশায় উন্নত কিবা হেতু ?

অর্ধ রাজ্য গেছে—তবু অর্ধ রাজ্য আছে ;

এখনও হে, দাও ক্ষমা ।

রাজা, রাজ্যভ্রষ্ট হবে—

পুত্র-কণ্ঠা তব বল কোথা যাবে ?

পাপ-ক্রীড়া কর নিবারণ—

রাখ, প্রভু, দাসীর বচন ।

নল । প্রিয়ে, নাহি ভয় ; এখনি জিনিব ।

রত্নের ভাণ্ডার

আছে চারি সাগর আমার—

এই বার করি পণ ।

পুঙ্কর । জিনিলাম—দেখ মহারাজ !

দম । নাথ, এখনও হে, দাও ক্ষমা ।

নল । রাণি, গিয়েছে সকলি ।

অর্ধ-রাজ্যে কিবা ফল ?

আর অর্ধ-রাজ্য মম পণ এই বার ।

পুঙ্কর । জিনিলাম—দেখ মহারাজ !

নল । দময়ন্তী ! এইবার কিছু নাহি আর ।

দম । নাথ, নাথ ! যথা তুমি তথা রাজ্য হবে,

শোক নাহি কর মহীপাল !

পুঙ্কর । মহারাজ ! দময়ন্তী রয়েছে তোমার ;

কেন নাহি কর পণ ?

নল । আরে নরাধম ! প্রাণে নাহি কর ডর ?

(আক্রমণোত্তত ও দময়ন্তী কর্তৃক বাধাপ্রদান)

নাহি ভয়—না পলাও ভীক !

মন্ত্রী, আজি হ'তে রাজ্য আর নহে মম,

পুঙ্করের অধিকার সব ।

(নলের রাজবেশ ত্যাগ ও দময়ন্তীর অলঙ্কার উন্মোচন)

লও মম অলঙ্কার ।

(পুঙ্করের অন্তরালে গমন)

প্রিয়ে, বিদায় জন্মের মত !

দম । কারে নাথ, দাও হে বিদায় ?

আমি ছায়া তব ;

বরিয়াছি নল মম প্রাণেশ্বরে,

বরি নাই রাজা নল ।

আমি পত্নী তব ;—কোথা' রব তোমা' ছেড়ে ?

আমি দাসী ভালবাসি তব সেবা ।

বঞ্চনা কি হেতু কর, প্রভু ?

যদি অপরাধী পদে—

ক্ষম নাথ, কিঙ্করী ভাবিয়ে ।

স্বামি, তোমা' ছেড়ে কোথা যাব আমি ?

প্রভো, বাঞ্ছা মাত্র—রব তব সনে,

সেবিব তোমারে—কোন ভার নাহি দিব ।

প্রাণেশ্বর, ঠেলনা চরণে ।

নল । প্রিয়ে ! কোথা যাবে উন্নতের সনে ?

আহা !

রাজবালা, কি চুর্দশা করিলাম তব ?

দম । নাথ, মম সম কে বল ধরণীতলে ?—

তুমি মম প্রাণেশ্বর !

বার বার বলেছ আদরে—

আমি তব জীবনের সহচরী ।

পায়ে ধরি—আজি কেন অশ্রু মত কহ ?

তব মুখ হেরি' স্বর্গ তুচ্ছ করি,

ইন্দ্রাণীরে নাহি গণি ;

আদরে তোমার—

অ হুল বৈভব-অধিকারী !

নল । দেবি !

মনে ভাবি—আমা হেতু ইন্দ্রে না বরিলে,

কোথা যাবে ?

আমি নহি আর সেই নল,—

এবে নিজ অরি !

বুঝিতে না পারি—কেন মম ভাবান্তর ।

বুঝহ প্রমাণ—মায়া-অক্ষ জানি'—

তুমি প্রণয়িনী সম্মুখে বারিলে মোরে—

তবু, বার বার করি পণ,

রাজ্য-ধন সকলি হারাই !

বনে যাই তোমা সম পত্নী ত্যজি' !

করি মানা—যেওনা, যেওনা ।

শুন বালা, উন্নত হয়েছি আমি ;
 কি করি ? কি করি ? না বুঝিতে পারি ।
 কোথা যাবি ?—মনে নাহি ভাবি তিল ।
 এখনও, এখনও, সত্য কহি চন্দ্রাননে !
 কে যেন ইঙ্গিত করে মোরে,—
 “আরে রে বাতুল ! নারী ল’য়ে কোথা যাবি ?
 দেখ্ তোমার কি দুর্দশা হয় ।”
 দুর্দশায় নাহি হয় ভয়—
 উৎসাহ বাড়ে হে প্রাণে ।
 চন্দ্রাননে !
 এ দশায় কেমনে হইবে সাথী ?
 ধরা শূন্যপ্রায় !
 শূন্য প্রাণ গেছে কোথা চ’লে,
 ছায়াসম দেহ হয় জ্ঞান !
 যাই প্রিয়ে, তুমি যাও পিত্রালয়ে ।
 দেখ, কেহ কিছু জিজ্ঞাসিলে পরে,
 বল’ প্রিয়ে !—পাপগ্রস্ত হয়েছিল নল ।

দম । এ কি কথা বল, প্রভু ?
 পুণ্যবান্ পুণ্য-আত্মা তুমি ;
 ধৈর্য্য, বীর্য্য, গাভীর্য্য তোমার
 চরাচরে খ্যাত, নাথ !
 দিন যাবে,—এ কুদিন নাহি রবে ।
 গেছে রাজ্য-ধন,—জীবন-যাপন
 পরিশ্রমে অনায়াসে হবে ।
 কুটার বাধিব,—
 স্মৃতে তথা রব দুই জনে ।
 উঠিব প্রভাতে বন্দী-বিহঙ্গম-গানে ;
 তরুগণ ফলে ফলে রাজ-কর দিবে ;
 কুরঙ্গ ময়ূরী আসি,
 ধীরি ধীরি অতিথি হইবে কত ;
 প্রেমের সংসার—দিন বয়ে যাবে স্মৃতে ।

মন্ত্রী । মহারাজ, কিবা আজ্ঞা দাস প্রতি ?
 নল । হে সচিব !
 বলেছি তোমারে,—রাজা আর নহি আমি,
 আর নাহি আদেশ আমার ।

দম । মন্ত্রী, কণ্ঠাপুত্র মম যুমায় আগারে,—

দৌহে রেখে এস কোণ্ডিল্য নগরে ;
 আছে তথা আত্মীয় আমার—
 আমি যাই পতি সনে ।

নল । বৃশ্চিক দংশন—বৃশ্চিক দংশন ;
 ছাড় প্রিয়ে, আর না রহিতে পারি ।

[অগ্রে নল ও পশ্চাতে দময়ন্তীর প্রস্থান ।

মন্ত্রী । মহিষীর আজ্ঞা পাল স্মৃত !

শীঘ্র রথ করহ প্রস্তুত,—

পুত্র-কণ্ঠা ল’য়ে যাব কোণ্ডিল্য নগরে ।

কে জানিত—এ রাজ্যে এ দুর্দশা ঘটবে ?

বুদ্ধি ভ্রম নলের জন্মিবে ?

সকলি দেবের লীলা !

কহ স্মৃত ! কোথা যাবে তুমি ?

সারথি । নল বিনা অন্ম জনে আমি না সেবিব,—

ভগবান্ দিবেন উপায় ।

মন্ত্রী । পুষ্করের রাজ্যে বাস আমি না করিব,—

বন ভাল এ রাজ্য হইতে ।

[উভয়ের প্রস্থান ।

(কলি ও পুষ্করের প্রবেশ)

কলি । শুন হে পুষ্কর !

অর্দ্ধ কার্য্য সমাধান তব ;

রাজ্যে এই দেহ রে ঘোষণা—

যেই নলে স্থান দিবে,

সবংশে বিনাশ তার ;

যেন বারি-বিন্দু তৃষ্ণায় না দেয় কেহ ।

(পুষ্করের অলঙ্কার লগন)

নাহি ভাব অলঙ্কার হেতু,—

রাজ্য সকলি তোমার ।

পুষ্কর । যথা আজ্ঞা প্রভু !

[পুষ্করের প্রস্থান

(দ্বাপরের প্রবেশ)

দ্বাপর । এখনো কি মনোবাহা পূরে নি তোমার ?

কলি । মনোবাহা পূর্ণ মম ?

কি অস্মৃতে আছে নল ?—

দময়ন্তী আছে সাথে ।

গুণবতী পত্নী আছে যার
 এ সংসার সুখাগার তার ;
 আগে করি পতি-পত্নী-ভেদ—
 মনোখেদ তবু না মিটিবে ।
 অন্ন বিনা অতি কদাকার—
 ভ্রমি' ষার ষার
 মহাক্লেশে যদিও বন্ধিবে—
 তবু তার সন্তোষ জন্মিবে ;
 মনে হবে,—আছে দময়ন্তী মোর ;
 সে কাঁদে আমার তরে ।
 দেখ, যেখানে প্রণয়
 দুখে সুখ আছে তথা ।
 রাজ্যভ্রষ্ট করিয়াছি নলে,
 তবু দ্বিগুণ জলে এ প্রাণ ;
 ছিল রাজ্য—গেল ; তাতে বা কি হ'ল ?—
 দুর্ভাগি না জন্মিল তাহার ;
 তবু পাপাচার নাহি উঠে মনে তার ।
 আঞ্জামাত্র সুসজ্জিত সেনা—
 যুঝিবে নলের তরে ;
 পণে বন্ধ, রাজ্য আর ফিরিয়ে না চায় ;
 বনে চলে যায়—
 কুমতির নাহি গুনে উপদেশ ।
 কোন মতে সত্যভঙ্গ হয় যদি নল—
 উদ্দেশ্য সফল মম ;
 দময়ন্তী ছায়াসম পতি-অমুগামী—
 ফিরাইব পাপ মতি হ'লে তার ।
 কথায় কথায় বহিছে সময় ;
 দেখি,
 রাজ্যহারা বিকল-অন্তর নল কত দূর যায় ।

[প্রস্থান ।

চতুর্থ গর্ভাঙ্ক

রাজপথ

বিদূষক ও ব্রাহ্মণী ।

বিদূ । যাও ফিরে ঘরে,— মায়া বাড়ে তোরে হেরে ;
 রেখো কথা—রয়োনা হেথায় —
 অরাজক পুঙ্করের অধিকার !
 ওরে ! আয়ু গলা ধরে কাঁদি তোর ;
 ফেটে যায় প্রাণ —
 একবস্ত্রে রাজা-রাণী গেছে চ'লে ।
 ব্রাহ্মণী । কত দিনে দেখা পাব ?
 বিদূ । নল যবে হবে রাজা পুনঃ ।
 বনে বড় ছিল ভয় —
 সেথা, ফল খেতে হয় ;
 কিন্তু,
 পুঙ্করের অমুগ্রহে সে ভয় ঘুচেছে ;—
 একবস্ত্রে রাজা গেছে বনে ।
 কাঁদি আয়, ব্রাহ্মণি, খানিক ;
 না, না—
 রাজ্যে মানা—কেহ নাহি দিবে অন্ন-জল ;
 যাই, খুঁজি কোথা' রাজা ;
 যাও ফিরে,— নহে, মম পদ নাহি চলে ।
 ব্রাহ্মণী । নাথ !
 থাকে যেন মনে ছুখিনো ব্রাহ্মণী ব'লে ।

[প্রস্থান ।

বিদূ । ওঃ ! কথাটা নির্ঘাত চোট ,
 বায়ুন,
 ছোট, ছোট,— নইলে, যেতে পারবি না ।

(পুঙ্কর ও রক্ষীর প্রবেশ)

পুঙ্কর । বন্দী কর পাপিষ্ঠ ব্রাহ্মণে ।
 বিদূ । দেখ, বুঝি বিভ্রাট ঘটায় !
 রক্ষী । আরে ধূর্ত, কোথা যাস ?
 বিদূ । বলি, মৃতন রাজার কি পথ চলতে মানা ?
 পুঙ্কর । উত্তরীতে বাধা কিরে তোর ?
 বিদূ । কেন ? হাঁড়ি ;

যাচ্ছি স্বপ্নর বাড়ী ।

রাজ্যের এ শুভ সংবাদ দেব -

আর, মিষ্টমুখ করাব ।

পুঙ্কর । রে ব্রাহ্মণ ! মুখভাব কদাকার মোর ?

হাসি নাই মুখে ? -

দেখি, কারাগারে অন্ন-ধানে

কত দিন বাঁচে তোর প্রাণ !

বিদু । আহা, ধর্ম কল্পতরু !—ব্রহ্মবধে সুরু !

যদি গরুর দরকার—মহারাজ !

আমার গোয়ালে আছে ;

দিও ধানে চালে ;

কিন্তু,

রোজ একবার সামনে দাঁড়াতে হবে—

তা হলেই পেট ভরে যাবে ।

পুঙ্কর । ল'য়ে চল বর্ষের ব্রাহ্মণে ।

বিদু । ছি বন্ধু ! অত প্রেম সকালে—

এর মধ্যে ভুলে গেলে ?

পুঙ্কর । জিহ্বা তোর পোড়াব অনলে ।

বিদু । বলি, গুণ কত ! নইলে, লোকে বলে এত ?

শুন পুঙ্কর !

যদি গর্দান।ও ফেল কেটে—

তোমার যে বদ্‌মারেসি একচেটে

তা ব'লতে আমি ছাড়ব না ।

যদি মোগুর হাঁড়ি ল'য়ে বাড়া বাড়ি—

মোগুর হাঁড়ি লও -আমায় ছেড়ে দাও ।

পুঙ্কর । যমালয়ে দিব' তোরে ছেড়ে ।

বিদু । মহারাজ ! যদি কষ্ট দিতে চাও—

তবে,

আপনার রাজ্যেই আটক রাখুন ।

যে রকম চুটিয়ে

রাজ্য আরম্ভ ক'রেছেন -

যম রাজা এসে শলা ল'য়ে যাবে ।

হয় ত, নরক থেকে তুলে

পাপীগুলোকে হেথা ছেড়ে দে যাবে ।

ওনেছি ইচ্ছাতে শচীতে বাজী হ'য়েছে,—

যম বড়—কি পুঙ্কর বড় ।

পুঙ্কর । নাহি মান, ব্রাহ্মণ বলিয়ে ;

বাধ—ল'য়ে চল কারাগারে ।

বিদু । মহারাজ ! ভবপারে যেতে হবে—

এক বার ভাব ।

সেথা' ত নলরাজা নাই—যে, পাশা খেলে,—

অত জুলুম সেথা' চলে বা না চলে !

যাচ্ছি চ'লে, -

আমার সঙ্গে এত বাড়াবাড়ি কেন ?

পুঙ্কর । রক্ষি, ল'য়ে এস কারাগারে ।

[পুঙ্করের প্রস্থান ।

রক্ষী । চল, ঠাকুর ।

বিদু । বলি চ'লব না ত কি ? যগা তুমি—

তোমায় ঠেলে পালাব ?

বলি,—উনিই না হয় পুঙ্কর,

তোমরা না হয় দেবতা-বামুন মানলে !

গিয়ে দেখগে—

এত ক্ষণে কারাগার ভরুতি ।

কেন বাবা, ভিড় বাড়াবে ?

রক্ষী । ঠাকুর !

গর্দানাটা তখন তুমি আমার হ'য়ে দেবে ?

বিদু । ভাল, ছেড়ে দাও বা না দাও—

একটু সঙ্গে এস ;

মহারাজ উপবাসী—

খুঁজে কিছু মিষ্টান্ন খাওয়াই ।

রক্ষী । ও বামুন ! ধনে-প্রাণে গারুতে চাও ?

রাজা আর ঘুরছে কেন ?

সন্ধান নিচ্ছে—

কে ব'সতে দিয়েছে—কে খেতে দিয়েছে ;

যার উপর ধোঁকা হ'চ্ছে—

অমনি চালান দিচ্ছে ।

বিদু । কে বলে—আমি মূর্খ বামুন ?

মা সরস্বতি !

তুমি আমার কণ্ঠে ব'সে আছ,—

পুঙ্কর, যমরাজার বাবা ।

[উভয়ের প্রস্থান ।

পঞ্চম গর্ভাঙ্ক

নগর-প্রান্তর

নল ও দময়ন্তী ।

নল । বহুদূর—বহুদূর যেতে হবে ।

অন্ধকার ! চলিতে না পারি আর ;

উঃ !—বহুদূর ;—কেও ?

দম । নাথ ! আমি দাসী ।

নল । না না—দময়ন্তী ! প্রিয়ে ! আছ সাথে ?

বহুদূর—বহুদূর যেতে হবে ;

কালি প্রাতে দেখাইব বিদর্ভের পথ ।

দেখ, একা আমি অসীম সংসারে ।

দম । একা তুমি নহে, নাথ !

দেখ, প্রণয়িনী দময়ন্তী তব

পদ-সেবা-আশে আছে পাশে ।

নল । ঐ ত ভাবনা !

ভাবি নাই ? অনেক ভেবেছি ,

ভেবে কোথা কূল নাহি পাই !

পণে বন্ধ আমি,—

পুষ্করের অধিকার হেথা,—

কোথা' বিশ্রাম করিতে নারি ।

না না—পদ নাহি চলে আর ;

অন্ধকার—কোথা যাব ?—

যথা যায় দু'নয়ন ।

কে ও ?

দম । কিঙ্করী তোমার, প্রভু !

নল । প্রিয়ে ! এখনো রয়েছ ?

কষ্ট পাবে—তাই করি গান ।

দেখ, হয়েছে স্মরণ—

এই পথ বিদর্ভ যাইতে ।

বন-প্রান্ত—

হেথা পুষ্করের নাহি অধিকার !

দেখ, অসীম প্রান্তর ;

অন্ধকার—অন্ধকার সমুদয়,

মম ভবিষ্যৎ ছবি !

সে আধারে রবি না ফুটিবে আর ।

গর্ভ মম ছিল অতিশয়—

তাই পরাজয় ।

মায়া-অক্ষ পণ মম সিত্যা নয় ।

দম । দেখ নাথ ! হেথা নবতৃণ স্নকোমল ;

অঞ্চল বিছায়ে দিই ।

মম উরু'পরে মস্তক রাখিয়ে,

শ্রম দূর কর, প্রভু !

নল । মম কর্ণমূলে কে যেন কি বলে ;

আর না চরণ চলে ।

প্রিয়ে ! এখনো এখানে ?

নিদ্রা যাও—নিদ্রা যাব তবে ;

দেখ, ধীর বায়ু স্নিগ্ধ করে প্রাণ ।

(শয়ন)

দম । হায়, কি শয্যায় আজি হেরি মহারাজে !

আরে, আরে, দুর্দৈব প্রবল,

অনশনে ধরাসনে মহারাজা নল !

ধৈর্য্য, বীর্য্য, গাভীর্য্য ঝাঁহার

প্রচার ভুবনময়—

ক্ষিপ্ত প্রায় চঞ্চল প্রকৃতি—

বারেক নহেন স্থির ।

শূন্য অভিপ্রায়, পুতলির প্রায়—

যথা আঁখি ধায় যান তথা,

ছিন্ন পদ কঠিন পাষাণে,

শ্রমে অভিভূত ;

নিদ্রাগত - কুসুম-শয্যায় যেন !

হায় ! এত ছিল কপালে আমার—

এ দশায় রাজারে দেখিতে হ'ল ?

আজি মম জীবনের বাড়ে সাধ,—

আমা বিনা প্রাণধনে কে দেখিবে ?

কে বুঝাবে—শান্ত কে করিবে ?

হায় ! পুণ্যমতি ধর্ম্ম-আত্মা পতি—

দুর্গতি কি হেতু হ'ল ?

ছি ! ছি ! কেন মিছা কাঁদি ?

পতি ক্ষিপ্ত প্রায়—

কাঁদিবার নহে ত সময় ।

প্রাণেশ্বরে আদরে রাখিব,
যত্নে ভূলাইব দুখ ;
পতি-সেবা-সময় উদয় ।
ফাটে প্রাণ রাজার এ দশা হেরে ।
হায় ! প্রাণেশ্বর গম—
কত যত্নে রেখেছিল মোরে !—
উপবনে অরুণ-কিরণে
হ'ত যদি রঞ্জিত বদন —
করে ধরে যতনে আগার,
প্রাণনাথ বসিতেন তরুতলে ;
বস্ত্র দিয়ে মুছাইয়ে মুখ,
রথে বেতে শতবার স্মৃতিতেন মোরে —
'অঙ্গে কি লেগেছে ব্যথা' ?
হায় ! যত কথা সব আছে মনে ;
কি যতনে এ যতন দিব প্রতিশোধ ?
নাথে পুনঃ রাজ্যেশ্বর হেরি, মরিবারে পারি—
সে দিন ভুলিব জালা ।

নল । (উঠিয়া)

না, না, বহুদূর — বহুদূর যেতে হবে ।
হেথা নাহি রব, লোকে মুখ না দেখাব ;
ক'বে সবে,—এই ছন্নমতি নল !

দম । নাথ ! স্তম্ভ হও—শ্রম কর দূর ।

নল । কে ও ? দময়ন্তী !

এখনো রয়েছ হেথা ?

যাও—ফিরে যাও ; ঘোর বনে যাব প্রিয়ে !

নিবিড় কানন—বহুদূর—বহুদূর ।

দম । নাথ ! ধীরে যাও—ক্লান্ত তুমি অতিশয় ।

[উভয়ের প্রশ্নান ।

তৃতীয় অঙ্ক

প্রথম গর্ভাঙ্ক

কানন

নল ও দময়ন্তী ।

নল । বারি, তুমি জীবের জীবন !
দময়ন্তী ! অভাগিনি ! বারি কর পান ;
শ্লিষ্ট হবে প্রাণ ।
দেখ, দেখ, স্বর্ণ-পাখা বিহঙ্গম
ব'সে আছে ডালে ;
দেখ, অনাহারী আছি তিন দিন ;
পাব ধন—নগরে বেচিব ;
অচ্ছ তাহে হবে, প্রিয়ে, জীবন-যাপন ।

(পক্ষী ধরিতে গমন)

পক্ষী । পক্ষীরূপে কলি আমি,—শুন রে অজ্ঞান !

যেই অঙ্গে সর্কনাশ তোর—

সেই অক্ষপাটি দ্বাপর আগার সখা ।

অবহেলি' মো সবারে

দময়ন্তী বরিল তোমারে ;—

প্রতিকল দিব হতজ্ঞান ।

[বস্ত্র লইয়া পক্ষীর উড়িয়া যাওয়া

নল । প্রিয়ে ! প্রিয়ে ! এস'না এখানে ;—

বিবসন, কিরাত-অধম,

দিগম্বর আমি ;

বস্ত্র ল'য়ে পক্ষী পলাইল ।

দম । নাথ ! এক বস্ত্র পরিব ছ'জনে ;

বনে অর্থহীন শ্রমজীবী মোরা—

লজ্জা কিবা তাহে প্রভু ?

(দময়ন্তীর গমন ও বস্ত্রদান)

নল । স্বকর্ণে শুনিলে প্রিয়ে ! কলিগ্রস্ত আমি ;—

মোর সনে কেন আর রবে ?

বহু দুঃখ পাবে ;—
 যাও তুমি পিতৃালয় ।
 শুন প্রিয়ে !
 রাজবালা—ক্লেশ তব নাহি ময় ।
 দেখ, অতিশয় দুর্গম কানন—
 নর-ঘাতী জন্তু ফিরে কত ;
 যাও দময়ন্তি ! ফিরে যাও ;
 যবে কলির-প্রভাবে
 পড়িব অশেষ ক্লেশে,
 একমাত্র বুঝাইব মনে—
 সুখে আছ তুমি চন্দ্রাননে ।
 প্রিয়ে ! বাড়ে দুঃখ দ্বিগুণ আমার,
 তোমার এ দশা হেরে ;
 প্রিয়ে !
 প্রভাত-সমীর লাগিলে বদনে তোর,
 ভাবিতাম—ব্যথা বুঝি পাও ;—
 তিন দিন আছ অনাহারে !
 যাও প্রিয়ে ! অভাগারে ছেড়ে যাও ।
 মরি ! বিমলিনী—
 শুকায়েছে স্বর্ণ-নলিনী !
 অভাগিনি ! কেন অভাগারে বরেছিলে ?
 আমি পাপাচার—
 দেব-কার্য্য না করি উদ্ধার ;
 আহা ! সরলা ললনা—
 আমি তব দুঃখের কারণ ।
 দম । নাথ ! কি বল—কি বল !
 প্রাণ বিচঞ্চল —
 ভেদি' বক্ষঃস্থল এখনি বাহির হবে ।
 কোথা যাব ?—কেবা আছে তোমা বিনা ?
 ত্যজিলে আমায়—
 ঠেকিবে হে নারী-বধ-দায়,
 কেন বল নিষ্ঠুর বচন ?
 গুণমণি !
 আমি তোমা' বিনা কভু কি হে জানি ?
 পতি বিনা কিবা সুখ আছে মোর ?
 তোমা ল'য়ে নিরবধি র'ব ;

তোমারে সেবিব—
 সুখ-সাধ এ হ'তে না করি ।
 ওহে মহামতি ! জান ধর্ম-নীতি—
 ভার্য্যা চিরসার্থী ;
 তবে কেন দাসীরে বিমুখ প্রভু ?
 বনে বহু ক্লেশ পাবে—
 সেবা কে করিবে ?
 আশ্রিতা কিঙ্করী—চরণে ঠেলনা, প্রভু !
 চল, দৌহে যাই বিদর্ভনগরে ;—
 আদরে তোমারে রাখিবেন পিতা মোর ।
 নল । প্রিয়ে ! বুঝনা সরলা তুমি, —
 কলিগ্রস্ত আমি --
 সে আদর এ সংসারে নাহি আর,
 সাধে কি হে ছেড়ে যেতে চাই ?
 বন দেখে অন্তরে শু'কাই !
 প্রিয়ে ! তুমি কুসুম জিনিষে সুকোমল ;
 হেরি' মুখপদ্ম মলিন তোমার,
 জীবনে না হয় সাধ আর ।
 কলির ছলনে আত্মহত্যা উঠে মনে !
 দম । প্রাণনাথ ! বাঁচাও আমায় ;
 এ কি কথা বল, প্রভু ?
 নল । কেঁদ না—কেঁদ না প্রিয়ে !
 সতর্ক করেছে কলি ;
 পাপে মন নাহি দিব আর ।
 দুর্মতি আমায় লোভে মজাইতে চায় !
 অক্ষ-যুদ্ধে লোভে না ফিরিছু ;
 লোভে পক্ষী-আশে গেল বান ,
 শাস্তি-আশে আত্ম-বিসর্জন
 কদাচন করিব না, প্রাণেশ্বর !
 কহি সত্য করি,—
 জান তুমি—সত্য গম নাহি টলে ।
 প্রিয়ে ! তোমা বিনা রহিতে কি পারি ?
 তোমা ছেড়ে যেতে কি হে চায় প্রাণ ?
 দৈব-বিড়ম্বনে, চন্দ্রাননে ! যেতে বলি ;
 প্রিয়ে ! ক্লান্ত দৌহে অতিশয়—
 এস করি শ্রম দূর ।

দম । (স্বগত) শঙ্কা হয়, রাজা যদি ছেড়ে যায় ;
আছি একবাসে - কেমনে যাইবে ?
নয়ন মেলিতে নারি । (উভয়ের শয়ন)

নল । এই ত সময়—অভিভূত প্রায়—
হায় ! এ শয্যায় চন্দ্রাননী ।—
“যাও চলে” কে আমারে বলে ;—
একবস্ত্র,—কেমনে পলাব ?
না—না—ছেড়ে যাব ;—
দময়ন্তী কোথা যাবে আমা' সনে ?
চলে গেলে—আমারে না হেরে
যাবে সতী বিদর্ভ নগরে ।
মরি ! প্রাণের প্রেমসী
পূর্ণ-শশী ধরাতলে ।
বিবসন ! কেমনে পলাব ?
(পার্শ্বে অস্ত্র দেখিয়া)

এ কি ! খড়্গা হেথা এল কোথা হ'তে ?
এও মায়া—হ'ক মায়া—
করি নিজ কার্যোদ্ধার ।
(বসনচ্ছেদন)

এই ত ছেদিষু বাস ;
মম অদর্শনে
পতিপ্রাণা বাঁচবে কি প্রাণে ?
চন্দ্রাননে ! ক্ষমা কর অধমেরে,
সুদিন উদয় যদি কভু হয় —
প্রিয়তমে ! দেখা হবে ;
নহে, এই শেষ দেখা !
ছি ! ছি ! আমি কি নির্দয়,—
আমা বিনা যে কভু না জানে,
একা রেখে দুর্গম কাননে
কোন্ প্রাণে যাব চ'লে ?
হায় ! কে যেন রে বলে—
“এস, এস, বিলম্বে জাগিবে বালা”
যাই প্রিয়ে ! যাই ;
দেখ দেখ, যতেক দেবতা,—
সতী একা বনমাঝে ।
হে মধুসূদন !

শ্রীচরণ অভাগীরে দিও ;—
আহা, দুখিনীর কেহ আর নাই ।
দেখ দেখ কর' হে করুণা—
অবলা ললনা—
আমা বিনা হবে উন্মাদিনী ;
চিন্তামণি ! নিরুপায়—দিও হে, আশ্রয় ।
আর কেহ নাই—
শ্রীচরণে পত্নী স'পে যাই ;
দয়া করো দয়াময় ।
আসি প্রিয়ে ! নাগি হে বিদায় ।
(ফিরিয়া) প্রাণ কাঁদে—চলে যেতে নারি ;
সাধে কি হে ফিরি ?
দেখে যাই—দেখে যাই আঁখি ভ'রে ;
আহা ! দময়ন্তী ধুলায় লুটায়—
এ দশায় কেমনে ফেলিয়ে যাব ?
না - না—সুকুমারী রাজার বিয়ারী
কষ্ট পাবে মোর সনে ;
যাই দূর বনে, নহে জনক-ভবনে—
প্রিয়া মম না ফিরিবে ;
অনাথিনী— অর্দ্ধবাস এ কানন মাঝে—
দেখো, রেখো, দীননাথ !
যাই, যাই পলাইয়ে ।

[নলের প্রস্থান

(কলির প্রবেশ)

কলি । তবু মম মন না পূরিল ;
বিচ্ছেদ হইল—
প্রাণে প্রাণে অবিচ্ছেদ প্রবাহ বহিছে !
ফেলে গেছে - ফেলে গেছে ;
যার তরে দেবে অনাদর—
দেখিব নয়ন ভ'রে ;—
হতাশ বিকল বামা কি করে কাননে ।

[কলির প্রস্থান ।

দম । (উঠিয়া) নাথ !
কোথা প্রাণনাথ ?

এ কি ! অর্দ্ধবাস মম পরিধানে ?
নাথ ! প্রাণেশ্বর ! কোথা তুমি ?
দাও দেখা ;— নহে, যায় প্রাণ ।

(কলির পুনঃ প্রবেশ)

কলি । ছেড়ে গেছে—তবু চায় নলে ;
ঈর্ষ্যানলে প্রাণ মম জলে ।
না, না—প্রাণে প্রাণে বিচ্ছেদ না হবে কভু ।

[কলির প্রস্থান ।

দম । প্রাণেশ্বর ! দাও দেখা,—
একা আমি বনমাঝে ;
ওহে গুণমণি ! একা আমি বনমাঝে ।
দাও দরশন ;—নহে, না রবে জীবন ।
প্রাণনাথ ! কোথা গেলে ?
ঘোর বন—হৃদি কম্প হয় ঘন ঘন ;
দেখা দাও—দেখা দাও—প্রাণেশ্বর !
রাখ নাথ ! রাখ পরিহাস ।
হ'তেছে হতাশ ;—
কত সহে কামিনীর প্রাণে আর ?
মরে হে অধিনী, হৃদয়ের মণি !
দেখে যাও সঙ্গ যদি নাহি লও ।
বল স্রোতস্বতি ! কোথা গেল পতি ?
পুণ্যবতি ! বাঁচাও এ অভাগীরে ;
বল পাখি, শাখি,
প্রাণনাথে দেখেছ হে যেতে ?—
কোন্ পথে ব'লে দাও মোরে ;
লতা ! কহ কথা ;—
কান্দালিনী চায় পতি-দরশন ;
উর্দ্ধশির দেখ, গিরিবর !—
কোথা প্রাণেশ্বর,
বল হে, সত্বর—যাব আমি পতি-পাশে,
পতি বিনা বাঁচি না হে শৃঙ্গধর !
প্রাণেশ্বর ! দেহ না উত্তর—
কাতরা কিঙ্করী তব ।
হায় ! কোন্ পথে যাব ?
প্রাণনাথে কোথা দেখা পাব ?—

পদচিহ্ন নাহি হেরি পথে ।
মম প্রাণেশ্বরে কে নিল হে, হরে ?
দে রে, ফিরে দে রে, অভাগীর নিধি !
হায় ! হায় ! কি হ'ল, কি হ'ল,—
কিবা ছলে ভুলে—ত্যজে গেল প্রাণনাথ ?
প্রাণ, মন, জীবন, যৌবন
শ্রীচরণে ক'রে সমর্পণ,
আশ্রয় লয়েছে দাসী ;—
ভুলে তারে কোথা আছ প্রভু ?
এ কি ! এ কি !
দেখা দিয়ে কেন হও অদর্শন ?
এই—নাথ ! এই যে তোমারে হেরি ;
প্রাণনাথ ! পলাইও না আর ;—
দেখ, বুঝি যায় প্রাণ ।

[প্রস্থান ।

দ্বিতীয় গর্ভাঙ্ক

বন

নল ।

নল । চল—চল—ভাবিলে কি হবে ?
পতি-পরায়ণা পশ্চাৎ আসিবে ;
দূরে—দূরে—দূরবনে যাই পলাইয়ে ;—
নহে প্রাণ-প্রিয় আসিবে খুঁজিতে ।
ওই বুঝি, আসে প্রিয়তমা ?
পদ নাহি চলে আর !
না—না—যাই পলাইয়ে ।
আসে ধয়ে উন্মাদিনী—
আহা ! মুক্তকেশা,
অর্দ্ধবাসা, একাকিনী বনে ।
এ কি দাবানল ? না ; এও মায়া ।
কোথা যাব ? পলাব কোথায় ?
চলিতে না পারি আর ।
আহা ! পতিপরায়ণা—
এতক্ষণ জীবিত কি আছে অভাগিনী ?

(নেপথ্য)—কে আছি এ বনে ? যায় প্রাণ দাবানলে !—
চলিতে না পারি । রক্ষা কর—রক্ষা কর—
পুড়ে মরি ।

নল । নাহি ভয়—কে যাচে আশ্রয় ?

(নেপথ্য)—দেখ ! দেখ !

আসে অগ্নি গর্জিয়ে গ্রাসিতে মোরে !

নল । নাহি ভয়—নাহি ভয় ।

[নলের প্রস্থান ।

(কলির প্রবেশ)

কলি । মনোরথ না পুরিল মোর ;—

এ দশায় দয়া-ধর্ম নাহি গেল ;

প্রতিশোধ কি হ'ল—বল না ?

দেখ পুণ্য-বলে—তেজঃপুঞ্জকায় ;

দম্ভপ্রায়—দেহে তার রহি' !

এত কষ্ট !—তবু নাহি ধর্মভ্রষ্ট হয় ;

জ্ব'লে মরি,—জ্ব'লে মরি,—

না পুরিল মনস্কাম ।

[কলির প্রস্থান ।

তৃতীয় গর্ভাঙ্ক

বন

দময়ন্তী ।

দম । শূন্যে, সমীরণে, দুর্গম অরণ্যে

যে শুন রোদন মোর,

বলে দাও,—কোথা প্রাণনাথ ;

সে আমার—আগারে না ছেড়ে রহে ;

আহা ! কতু ক্লেশ নাহি সহে ;—

দুর্গম কাননে কেমনে ভ্রমিবে একা ?

সঙ্গে নাহি দাসী সেবিত্তে চরণ দুটি ;

তাই যেতে চাই ; তাই, কাঁদি—উন্মাদিনী ,

কোথা স্বামী ? কে বা বলে দিবে ?

কে রাখিবে অবলারে ?

এ কি ! ভয়ঙ্কর অজাগর

আসিতেছে মেলিয়ে বদন ;

প্রাণনাথ ! দেখ আসি'—

কালসর্প বধে প্রাণে ।

অস্তিমে হে, অস্তরের সার !

রূপা করি, দেখা দাও একবার ।

দময়ন্তী মরে,—বারেক দেখ হে, আসি' ;—

যায় প্রাণ অহি-গ্রাসে ;

ভগবান্ ! রক্ষা ক'রো নলরাজে ;

প্রাণনাথ ! প্রাণ যায় ;—

কোথা তুমি এ' সময় ?

(নেপথ্যে ব্যাধ) চট্ চট্ গর্দানা ফেল্ছি কাটি হে,
ধেড়ে সাপ্ টা ।

(সর্পবধ করিয়া ব্যাধদ্বয়ের প্রবেশ)

১ম ব্যাধ । দেখ, দেখ,—টুক্ টুক্ টুক্ !

যাই, যাই,—বুকে লিয়ে, মুখে চুমা খাই ।

দম । মা গো ! জগৎ-জননি !

এই কি মা, ছিল তোর মনে ?

বনে ছেড়ে গেছে স্বামী—অন্ধবাসে ভ্রমি—

শিব-সীমন্তিনী ! সতীর সতীত্ব রাখ ।

মরিতাম—সেও ছিল ভাল ;

দেখ মা, কি হ'ল,—

নলের রমণী কিরাত স্পর্শিতে আসে !

দেখ মা অভয়ে ! ঠেকেছি গো মহাতয়ে ;

পদাশ্রয়ে তনয়ারে রাখ, তারা !

দাক্ষায়ণি ! দেখ ছুহিতায় ।

২য় ব্যাধ । ওরে, এগো, এগো ; ওরে ধবুনা ।

১ম ব্যাধ । উঃ উঃ—বড় তাত্ রে !

উভয়ে । ওরে পুড়ে গেল—পুড়ে গেল !

[উভয়ের প্রস্থান

দম । হায় ! যায় প্রাণ—চরণ চলে না আর ;

না—না—যাব,—যতক্ষণ দেহে আছে প্রাণ,

নাথেরে খুঁজিব ।

[মূর্ছা ।

(মুনির প্রবেশ)

মুনি । আহা ! কে রমণী, ছিন্ন কমলিনী সম

প'ড়ে ভূমিতলে ?
 হেঁরি' জ্ঞান হয়—সামান্ণা এ নয় নারী ।
 আহা ! এ' দশায় কেন অভাগিনী ?
 কে মা, তুমি ঘোর বনে আছ পড়ে ?
 এ কি ! সঞ্জাহীন ? শ্বাস বহে ধীরে ধীরে,—
 জল দিই মুখে ।

দম । প্রাণেশ্বর ! প্রাণেশ্বর ! কোথা তুমি ?
 মুনি । আহা ! বুঝি উন্মাদিনী—পতির বিরহে ।
 মা গো ! সন্তান তোমার আমি ;
 ল'য়ে যাই কুটীরে তোমায় ;—
 নহে, পথে প্রাণ হারাবি গো অভাগিনি !

দম । পিতঃ ! ব'লে দাও কোথা পতি মোর ।
 মুনি । মা গো ! জ্ঞান হয়—আছ অনাহারী ;
 চল মা কুটীরে, বিশ্রামে সবল হবে ;
 কর বারি পান ।

দম । পিতঃ ! ব'লে দাও—কোথা মহারাজা নল ;
 বনে ফেলে কোথা গেছে মহারাজ ?
 মুনি । চল মা, কুটীরে,
 ধ্যানে হব অবগত—কোথা পতি তোমার ।
 দম । পিতা, পিতা, পতির কি দেখা পাব ?

[উভয়ের প্রশ্নান ।

(কলি ও দ্বাপরের প্রবেশ)

কলি । সখা ! মজিলাম নলরাজে ছলে ;
 একে পুণ্য-তাপ দেহে তার—
 তাহে, কর্কট-গরলে
 অহরহ অন্তঃস্থল জলে !
 ভাবি—নলে ছাড়ি ; ঈর্ষ্যা পুনঃ করে মানা ।
 অহরহ যে নিগ্রহ সহি—
 কি কব তোমাতে আর !
 আগে কি হে, জানি,—
 ধর্মভ্রষ্ট করিতে নারিব ?
 দয়া আছে যার—

আমা' হ'তে কিছু নাহি হয় তার ।

দ্বাপর । কেমনে করিল তোমা' কর্কট দংশন ?

কলি । কর্কট, অনন্ত-সহোদর,

নারদের শাঁপে ছিল কানন-ভিতর,—
 দম্ব হয় দাবানলে ;

হেন কালে নল তারে উদ্ধারিল ।

বুকে তুলে ল'য়ে যায় নল—

বক্ষে তার দংশিল কর্কট ;

তিরস্কার করি, কহে নল,—

“ভাল তব আচরণ” !

কহিল ভুঞ্জক—“হের নিজ অঙ্গ

হইয়াছে কুংসিত-আকর ;

হুঃসময় স্বর্ণ-কায়, কিবা কাজ ?

স্বরণে আমার পূর্বকাস্তি পাবে, রাজা ;

জেনো, মহারাজ !—আমি সখা তব ।”

এত বলি' অহি গেল চলি,

বস্ত্র দিয়ে নলরাজে ।

দৃষ্ট ফণী নলে না দংশিল—

দংশেছে আমায় ;—প্রাণ যায় বিধে তার !

ঋতুপর্ণ রাজার আশ্রয়

নলরাজা যায় ;

কি হয়—কি হয়—ভয়ে কাঁপে কায় মম !

আছে হে, গণনা-বিদ্যা রাজার বিশেষ,

সেই বিদ্যাবলে মম ছল নাহি চলে ;

গণনায় মতি স্থির হয় ;

হ'লে স্থিরমতি—অক্ষে কে জিনিত নলে ?

সে বিদ্যা যত্বপি নল পায়,

বধিবে আমায় ;

ঈর্ষ্যায় ঠেকি'ছি মহাদায়,—

ঈর্ষ্যার প্রভাবে নলে ত্যজিবারে নারি !

রব দেহে তারি—

যা হবার হবে অবশেষে ।

[উভয়ের প্রশ্নান

চতুর্থ পর্ভাঙ্ক

বন

নল ।

নল । কীৰ্ত্তি মম ঘূষিবে জগতে,—
 আইলাম ঘোর বনে পত্নীরে ছাড়িয়ে !
 সত্য সখা কর্কট আমার ;
 কুসিং আকার হিত হেতু মম ।
 কাস্তি আর নাহি চাই ;
 হেমকাস্তি দময়ন্তী দিছি ডালি ;—
 পূৰ্ব্ব রূপে হব লোকে ঘৃণার ভাজন ।
 অধীনতা কেমনে স্বীকার করি ?
 ফিরে যাই চ'লে ; ফলে মূলে
 কোন মতে কেটে যাবে দিন ।
 ছি ! ছি ! পরের অধীন ?—
 এত ছিল ভাগ্যে মোর ?
 দময়ন্তি ! প্রাণেশ্বরী !
 প্রাণ ছিঁড়ে সাধে কি এসেছি চলে ?
 হতে হবে পরের অধীন—
 জীবন-নির্বাহ হেতু ।
 আহা ! প্রাণেশ্বরী আছে কি আমার ?
 জাহ্নু পাতি' জুড়ে কর, তুলে ঠাঁদ মুখ,
 বার বার ব'লেছিল—'ছেড়না আমার !'
 আহা ! অবলার কোথায় ভাসায়ে এলু !
 আহা ! কেহ যদি বলে—স্থখে আছে প্রাণেশ্বরী,—
 প্রাণ দিতে না হই কাতর ।
 প্রিয়ে ! গিয়েছ কি বিদর্ভনগর ?
 অহো ! চিন্তায় উন্মাদ হব ।
 যা হবার হয়েছে আমার,—
 ঘুচেছে জঞ্জাল ।—
 প্রিয়া সনে আর নাহি হবে দেখা ।
 একা—একা আমি বিপুল সংসারে !
 ভগবান্ ! নাহি ক্ষতি, করেছ দুর্গতি—
 ধর্মে যেন রহে মতি ।

ছি ! ছি ! পত্নী-ঘাতী—ধর্ম কোথা মোর !

আহা ! প্রাণের প্রতিমা—

কোথা ফেলে আসিলাম চলে ?

আহা ! পড়ে মনে—ধরণী-শয়নে—

পূর্ণ-শশী জিনি' রূপছটা ;—

আহা !

বয়ান বহিয়ে পড়েছে রোদন-ধারা ;

আছে রেখা রঞ্জিত বদনে ;—

আহা ! প্রাণেশ্বরী আমা-হারা উন্মাদিনী !

(বৃদ্ধার প্রবেশ)

পথ নাহি জানি,

কোন পথে অযোধ্যা যাইব ?

মাতা, রূপা করি' বলিবেন মোরে—

কোন পথ অযোধ্যা যাইতে ?

বৃদ্ধা । ওমা ! কে তুমি ?

নল । আমি, আমি—

বৃদ্ধা । বাবা গো ! মলুম গো ! গেলুম গো !

বন থেকে বেরুল আই আই করে গো !

নল । ছি ! ছি ! ধিক্ প্রাণে—

সবাকার ঘৃণার ভাজন আমি ।

(একজন লোকের প্রবেশ)

লোক । কি গো ? কি গো ?

বৃদ্ধা । দেখ গো, তালগাছ যেন মিন্‌সে—

খোনা খোনা রা, বাঁকা ছুটো পা,

বলে—“আয়না, আয়না,

বনের ভিতর আয়না, ঘাড় ভাঙ্গি ।”

লোক । কে তুমি ?

নল । আমি বনবাসী ।

লোক । বাসী আছ বাসীই আছ,—বনে লোককে কেন

ভয় দেখাও ?

নল । মাত্র জিজ্ঞাসিনু—

কোন পথ অযোধ্যা যাইতে ?

নাহি জানি বৃদ্ধা কেন পেলেন ভয় ।

লোক । কেন পেলেন ভয় ? যে বর্ণের ঘটা—সাঁকচুর্নী

ডরায় । চল গো চল, ও একটা মুরোদ, বলেন বাসী ; বাসী

আমরা জানি না,—বাসী অমন ফিট ফাট ?—জটা হবে,
নথ হবে ।

[বৃদ্ধা ও লোকের প্রশ্নান ।

নল । ভাল হ'ল—

নল ব'লে কেহ না জানিবে আর ;
সখা ! সখা ! তোমার রূপায়
নল নাম ডুবিল ধরায় ;—
অধীন হইতে আর নাহি হয় ডর ;—
আর নাহি লজ্জা ভয়,—কেহ না চিনিবে ।
আহা ! প্রাণেশ্বর !—আর কোথা দেখা পাব ?

[প্রশ্নান ।

পঞ্চম গর্ভাঙ্ক

চেদিনগর—রাজবাটীর সম্মুখ

নাগরিকগণ ও দময়ন্তী ।

দম । ব'লে দাও—রাখ মোর প্রাণ—

এ' পথে কি গেছে পতি ?

১ম নাগ । আরে ও পাগলি ! এ জানে ।

দম । বল, বল—রাখ গো মিনতি,

জান যদি,

বল—কোন্ পথে গেছে মোর পতি,—

আয়ত লোচন—

বর্ণ যেন উত্তপ্ত কাঞ্চন—

গুণধাম, সর্বস্বলক্ষণঠাম ;

ব'লে দাও, কোন্ পথে যাব—

কোথা তাঁর দেখা পাব ?

আহা ! কোথা তুমি, প্রাণেশ্বর !

বনে ভ্রমি' হয়েছ কাতর ?

এস নাথ ! দাসীর নিকটে ।

(ছাদের উপর রাজমাতা ও ধাত্রী)

রাজ-মাতা । ধাত্রী ! দেখ পাগলিনীপ্রায়

কে রমণী যায় ;

অর্ধবাসে—বিমলিনী-বেশে—

তবু যেন কাঞ্চন মৃত্তিকামাঝে ।

আন, অভাগীরে আন ; পরিচয় জান,—
কেন বাগা কাঞ্চালিনী !

আহা ! ভূজঙ্গিনীশ্রেণী

কেশগুচ্ছ ধূলা-বিলুপ্তিত ।

দম । প্রাণেশ্বর ! নিশ্চয় বলে হে প্রাণ,

পাব পুনঃ দরশন ।

তবে কেন রয়েছ অন্তর,

অন্তরের অন্তর আমার ?

(ধাত্রীর দ্বারে আগমন)

ধাত্রী । কে তুমি গো পাগলিনীপ্রায়,

কর, কার অন্বেষণ ?

দম । স্মভাষিনি ! পতিহারা পাগলিনী আমি ;

পার ব'লে দিতে—কোথা গেছে স্বামী ?

ধাত্রী । এস, রাজমাতা ডাকিছে তোমায় ।

দম । মা গো, যাব আমি পতি-অন্বেষণে ;

বিলম্ব করিতে নারি ।

ধাত্রী । একা নারী ধরামাঝে—

পতি কোথা খুঁজে পাবে ?

রাজমাতা—বড় রূপাময়ী ।

লহ আসি' আশ্রয় তাঁহার,—

উপায় হইবে তাহে ।

দেখ, রাজমাতা দাঁড়ায়ে ছুয়ারে,

আদরে গো ডাকেন তোমারে ।

দম । মা গো ! দেবে কি গো পতির আনিয়ে মোর ?

রাজ-মাতা । শান্ত হও ; শুনি আগে বিবরণ,—

কে তুমি ? কোথায় পতি তব ?

দম । সৈরিন্দ্রী আমার পরিচয় ;

ছিল, পতি মম বহুগুণাধার ।

হায় ! বঞ্চনা ধাতার—

দূত-পণে সকলি হারিল ;

বনে গেল আমা ছাড়ি ।

মা গো ! বহু ক্রেশে খুঁজি দেশে দেশে—

প্রাণেশে কোথায় পাব ?

হয়েছি হতাশ—দে গো মা আশ্বাস—

পতির আনিয়ে দেবে ।

ও মা ! রাখ প্রাণ—প্রাণনাথে হারিয়েছি ।

রাজ-মাতা। শুন হুলোচনে! রহ এ ভবনে,
 কেশ কিছু নাহি হবে ;
 পূজা হেতু কুম্ভ তুলিবে—
 অন্ন ভার নাহি দিব ;
 বলিও লক্ষণ—
 দেশে দেশে পাঠাব ব্রাহ্মণ,
 তব পতি-অন্বেষণ হেতু ;
 কন্তাসম থাকিবে হেথায় ।
 কেঁদো না মা, অভাগিনী,
 ওমা! পতিপ্রাণা! কতই সয়েছ!

দম। মা! মা আমার রূপামরি!
 তনয়ায় রাখ দায়ে ;
 রেখো মা, দাসীর প্রাণ—
 ও মা! জান ত নারীর ব্যথা।

[সকলের প্রস্থান।

(বিদূষকের প্রবেশ)

বিদূ। অল্পেয়ে পুঙ্করে যে রাখলে ধ'রে—তা না হলে
 কি রাজা হাত-ছাড়া হয়? সাত দিন গেল কারাগার থেকে
 বেরুতে—এখন কোন্ পথে কোথায় গে ধ'রবো? বাবা!
 ভাঙ্গা জানুলা ভগবানু দেখিয়ে দিলে। বামুনের ছেলে ধানে-
 চালে দে মারবে! আর খুঁজবো কোথায়?—বাপের জন্মে যে
 নাম শুনিনি—এমন মূলুক বেড়িয়ে এলুম। আবার এর নাম
 শুন্ছি—চেদি। রাজ-বাড়ী কি সাধে দেখে যাই?—পাঁকে
 ব্যাঙ থাকে! হোমা পাখী—গিরিশৃঙ্খই বসে।

(দুই জন লোকের পুনঃ প্রবেশ)

১ম লোক। দেখ, দেখ, তখন সেই পাগলী “স্বামী
 কোথা ব'লে দাও” বলছিল; আর এখন এ পাগলা বামুন
 আপনা আপনি কি ব'কছে।

বিদূ। ব'কছি—তোম্মার বাড়ী আত্মশ্রদ্ধ খাব; বলি
 পাগলী কে? কি বলে—“পতি কোথা ব'লে দাও মোরে”?

২য় লোক। দেখ, দেখ, এও খেপলো—

বিদূ। বলি—এ কি পাগল-করা-দেশ? সাদা কথা
 বলছি, তবু পাগল ব'লছিঁস আমার? দাঁড়া, দাঁড়া—আমি ও
 শিখলুম। দেখ, দেখ—পাগলা বেটা হাসছে দেখ।

১ম লোক। বাঃ! এ রঙের বামুন।

বিদূ। বা! এ সঙের মিন্‌সে।

২য় লোক। বামুন পাগল নয় ধুঁতু।

বিদূ। চটে চলে যাও কেন বাবা? আপোসে ছ' কথা
 হয়ে গেল—এখন চল—তোম্মার বাড়ী ভোজন করিগে।

১ম লোক। রসের সাগর!

বিদূ। না, না—উদরটা বড় ডাগর! তাই ভাব'ছিলাম—
 তোম্মায় কৃতার্থ ক'রুব। তায় আর কাজ নাই; এ পাগলী
 কোথা গেল বল দেখি?

[দুইজন লোকের প্রস্থান।

(এক জন স্ত্রীলোকের প্রবেশ)

স্ত্রী। আহা! পাগলীকে খুঁজ'চ? পাগলী তোম্মার
 কে গা? আহা! কোন্ আবাগী—স্বামী হারিয়ে পাগল
 হয়েছে,—আদর করে রাজমাতা তারে বাড়ী নিয়ে গেছেন।

[প্রস্থান।

বিদূ। বুঝি, দময়ন্তী বেঁচে আছে; নইলে, পাগল হ'য়ে
 স্বামী খুঁজে বেড়াবে কে? রাজাটা চিরকাল জানি—এক
 বগ'গা;—কোথা চলে গেছে; মাগী কেঁদে কেঁদে পথে
 বেড়াচ্ছে। দেখ, আমার বুদ্ধি আছে; গুণমশাই শালা যে
 কান মলে দিলে,—নইলে ক, খ, শিখ'তেম। আজ এখানে
 থাকন, পাগলী দেখন—তবে গমন; যদি ঠিক জানতে পারি—
 তবে ধরি; সন্ধান নিই।

[বিদূষকের প্রস্থান।

ষষ্ঠ গর্ভাঙ্ক

কক্ষ

সুনন্দা ও দময়ন্তী।

(সুনন্দার গীত)

মালকোষ বাহার—কাওয়ালি।

প্রাণে প্রাণে ভালবাসি তারে।

কোথা রবে?— দেখা দেবো

ভালরসে সে আশারে।

কাদে প্রাণ তারি তরে সে ত তা বুঝে অন্তরে;

জেনে শুনে কোনল প্রাণে

বেদনা সে দিতে নারে।

সুনন্দা । আহা !

হেথা তুমি সখি, নীরবে রোদন কর ?

কর নি শয়ন ? ক্লান্ত তুমি অতিশয় ।

দম । রাজবালা ! সুধাময় সঙ্গীত তোমার !

শুনে গান উন্মাদিনীপ্রাণে

আশা পুনঃ হয় বিকশিত ।

সুনন্দা । সখি । কেন লো নিরাশ হ'বি ?

ভালবাসি যারে—

সে আগারে কোথা ফেলে রবে ?

দম । সখি ! যত্ন বিনা হারাই রতন ;

কাল-নিদ্রা এল গো, আমার ;

হায় ! কেন পুনঃ জাগিলু কঁাদিতে ?

কাল-নিদ্রা এল সখি !

তাই ত হারানু নাথে ।

সুনন্দা । আহা ! বিস্তর সয়েছ, সখি !

কথা কও ; মনোব্যথা রেখো না লুকায়ে ।

আমি ভগ্নী সম ;—

কঁাদ, সখি ! প্রাণ খুলে কঁাদ মোর কাছে ।

সংজ্ঞা-হীনা বনপথে ছিলে যবে প'ড়ে—

না জানি গো, কি হ'ল তোমার মনে ।

সখি !

বল মোরে কে তোমারে করিল চেতন ?

আহা !

কান্দালিনী, পতি-হারা, কতই সয়েছ !—

বল তব দুঃখ-কথা,—

অশ্রুজল দিব বিনিময়ে ।

দম । মূর্ছাগত বন-পথে ছিলাম পড়িয়ে,

সংজ্ঞা লাভ করি এক তাপস-রূপায় ।

তেজঃপুঞ্জ উদাসীন কছিল আমায় ;—

“যাও, বংসে !—পশ্চিম প্রদেশে,

পূরিবে গো, মনোরথ ।”

আচম্বিতে তপাচারী হ'ল অদর্শন ।

নাথ বিনা সব শূন্য হেরি,

চলি ধীরি ধীরি ;—

পথে দেখা বণিকের সনে ।

দলবদ্ধ যায়, দেখিয়া আমায়

এক জন রূপায় করিল সাথী ;

পরে হেরি' রম্যস্থল, বণিকসকল

বিশ্রামের হেতু রহে ;

হেন কালে দৈব বিড়ম্বন,—

মত্ত করী আইল তথায়—

চরণের ঘায়', হত হ'ল কত জন ।

প্রাণ-ভয়ে পলায়ে আইলু ;

রাজ-মাতা দেখিয়ে আমায়

রূপায় আনিল পুরে ।

সুনন্দা । আহা !

ফেটে যায় বুক দুঃখ-কথা শুনে তব ।

সাক্ষী তুমি, পতিরতা, গুণবতী,—

সখি ! এ' দিন না রবে তোয় ।

বরাননে !

মলিন বসনে কেন গো, রহিতে সাধ ?

কেন নাহি পর বেশ-ভূষা ?

দম । নাহি জানি স্তবদনি !—কোথা' প্রাণেশ্বর,—

কি দশায় আছেন কোথায় ;

অর্দ্ধবাসে গিয়াছেন ফেলে ;

ভাগ্য-ফলে যদি দেখা পাই—

অর্দ্ধবাস ত্যজিব তখন ;

নহে, ভিখারিণী পতি-কাঙালিনী আমি ;—

অর্দ্ধবাস—যোগ্য পরিচ্ছদ মম ।

সুনন্দা । আহা ! সতি, পতিভক্তি শিখি তোয় কাছে ।

দম । নৃপতি-নন্দিনি, আমি অভাগিনী—

পতিভক্তি যদি গো জানিব—

কেন তবে প্রাণধনে রাগিতে নারিব ?

যুগপ্রায় দিন বয়ে যায়,—

কোথায় আমার নাথ ?

বজ্রাঘাত করিয়া বিপিনে

চলে গেল—আর ত এল না ;

কাল-নিদ্রা আদিল আমার ;—

প্রাণনাথে হারাইলু ।

(ধাত্রীর প্রবেশ)

ধাত্রী । ওগো ! একজন গণংকার এসেছে ; সব ঠিক ঠাক্ ব'লছে ।

সুনন্দা । কোথা ? ডাক না ।
ধাত্রী । এই যে আসছে ।

(ছদ্মবেশী বিদুষকের প্রবেশ)

বিদু । কাগা আয়, কাগা আয়,
ঘড়াননের একই রাঘ,—
তুষ্ট বড় কাঁচা মোণ্ডায় ।
(স্বগত) এই ত মাগী, মড়াঙ্কে পোয়াতির ঝি ;
আর লুকাবে ? ধরেছি ।

দম ! দ্বিজবরে কোথা কি দেখেছি ?

বিদু । ঐ যে গুঁটকো মাগী মাটীমাথা—
ওর ছিল অনেক টাকা ;
ওর স্বামী বড় একগুঁয়ে,—
উড়িয়ে দিলে এক ফুঁয়ে ।

দম । পরিচিত স্বর !

কে তুমি হে দ্বিজ ?

বিদু । সোজা বোঝো,—

পরিচয় দেও—

বাপের বাড়ী চ'লে যাও ।

এখন রাজা কোথা বল,

ল'তে এসেছি, বাপের বাড়ী চল ।

(কৃত্রিম দাড়ি পরিত্যাগ করিয়া)

এই দাড়িতে আগুন,—

আমি সেই ঠেঁটা বামুন !

দম । এ কি ! রাজসখা হেথা ?

জান যদি বল, ওহে !—কোথা নলরাজ ?

বিদু । তুমি চল, তার পর তাঁর সন্ধানে ধুরছি ; যাবে
কোথা ? দিন দুই তিনে ধ'রছি ।

সুনন্দা । সখি ! ভগ্নি ! দময়ন্তি ! তোমর হেন দশা !

(রাজ-মাতার প্রবেশ)

রাজ-মাতা । দময়ন্তি ! বাছা, দাও নাই পরিচয়,—

এই সে জটুল চিত্র !

ওমা, তুই মোর ভগ্নীর বিয়ারী ;

বিদর্ভনগরে আজি পত্র পাঠাইব ;—

পিতা মাতা উদ্বিগ্ন তোমার ।

আয়, মা সুনন্দা ! তোমর ভগ্নীরে লইয়ে—

স্বহস্তে করেছি পাক—দেখ সে কেমন ।

[বিদুষক ব্যতীত সকলের প্রশ্নান ।

বিদু । ওরা ত পাক ক'রেছে :

আমার যে পাক পাচ্ছে ।

দেখি কোথা ভাঁড়ারী খুড়ো—

মিলবেই পেটের মত এক গুঁড়ো ।

[প্রশ্নান ।

চতুর্থ অঙ্ক

—o:~:~:~o—

প্রথম গর্ভাঙ্ক

ঋতুপর্ণ রাজার বাটী—প্রাঙ্গণ

বিদুষক ও ছদ্মবেশী নল ।

বিদু । (স্বগত বাহুক ত বাহুক—আমি ঢের বাঁকা
হুক দেখেছি ;—বিনা আগুনে রাঁধতে হয় না । এই—নল ;
কিন্তু সন্দেহ হ'চ্ছে—পুকুরে রঙটা কোথা পেলে ?—
নল । (স্বগত , জীবনের অলঙ্কার ছিল রে আমার—

স্বেচ্ছায় ফেলিছু জলে ;

ভুলিব কেমনে ? তোলা কি সে যায় ?

অশ্রু-আঁখি বিধুমুখী,—

পলে পলে দেখা দেয় ।

আমার—আমার জীবন আপনার

তারে কি ভুলিতে পারি ?

আহা ! প্রাণের এ কালী কি দিয়ে ধুইব ?

প্রিয়া আগা বিনা নাহি জানে ;

গহনে আইছু ফেলে—

তবু সে ত দোষে নি আমায় ;

সে তেমন নয় ; কেঁদে ছিল উন্মাদিনী ।

হায় ! বারেক না দেখিলে আমায়—

স্বর্ণ-পদ্ম তখনি শুখায় ;
এত দিনে আছে কি আমার প্রিয়া ?
হায় ! বলা নাহি হ'ল—
কত কথা মনে ছিল ;
প্রাণের জ্বালায় পলায়ে এসেছি, প্রিয়ে !
ওহো ! জ্বালা নিভিবার নয় ;
বুক ফাটে—অর্দ্ধবাসা—
অরণ্যের দশা মনে হ'লে !

বিদু। (স্বগত) এই যে—সেই হাত পা ঢালা, ওপর
চাউনি ; আমি ও চিনি—আমার ঠিক মনে আছে ; সেবার
ধ'রেছিলেন স্বর্গহাস—এবার কাট্‌চেন ঘোড়ার ঘাস ! (প্রকাশে)
বলি, মশাই, আজ অতিথ হেথায় ।

নল। শুভ দিন মগ ;
প্রভু ! করুন বিশ্রাম ।

বিদু। (স্বগত) সেই স্বর ;—নল না হ'য়ে আর যায়
কোথায় ? (প্রকাশে) বলি, মশাই, আপনাকেই হয় ত
যেতে হবে ।

নল। কোথা ?

বিদু। বিদর্ভ নগরে ।

নল। কোথা ?

বিদু। বিদর্ভ নগরে ;—দময়ন্তী—

নল। দময়ন্তী ? কোথা ? কে সে ?

বিদু। (স্বগত) হুঁ হুঁ, গলা যে কাঁপে !

(প্রকাশে) দময়ন্তী হবে স্বয়ম্বরী—

আসিয়াছি নিমন্ত্রণ দিতে,

রাজ-দরশন সহজে না পাওয়া যায়,

ভাব্‌লেম—আছেন বাহুক মশাই,

অতিথ গে হই সেথা ।

নল। দময়ন্তী—স্বয়ম্বরী বিদর্ভ নগরে ?

এ কোন্ বিদর্ভ নগর ?

বিদু। মশায়ের জন্ত আবার ক'টা বিদর্ভতয়ের হবে ?

নল। দময়ন্তী—স্বয়ম্বরী ?

বিদু। তা'হলে তাড়ানু না কি ?

নল। না—না, শুনিয়াছি—

দময়ন্তী স্বয়ম্বরী হ'য়েছিল একবার ।

বিদু। বলি, মশাই, রাজারাজড়ার কারুখানা—তার

ঠিকানা কি ? সব সখের উপর কাজ ; স্ক ক'রে দেখুন—
নলরাজা গেল ছেড়ে—

নল। আঃ !

বিদু। মশাই কি ব্যাজার হ'লেন ?

নল। ভাল, মহাশয় !

দময়ন্তী—পুনঃ স্বয়ম্বরী ?

নিশ্চয় জানেন সমাচার ?

বিদু। মশাই, হলপ না নিলে কি বিশ্বাস ক'রবেন না, না
কি ? না মশাই, স্বয়ম্বর নয় ; চলুন ঘরে—ক্ষুধার্ত্ত ব্রাহ্মণ !

নল। প্রভু ! ক্ষমুন আমায়,

ভুলে আছি কথায় কথায় ;

আয়োজন কি করিবে দাস ?

বিদু। ভাল রকম এসে না রন্ধন,

মোণ্ডা পারি বিলক্ষণ ।

নল। মিষ্টান্ন প্রস্তুত এখানে ।

বিদু। দিন এনে ।

(নলের মিষ্টান্ন দান ও ব্রাহ্মণের বন্ধন)

নল। মহাশয় ! ক্ষুধার্ত্ত আপনি, করুন ভক্ষণ ;

আরো দিব মিষ্টান্ন আনিয়ে ;

যত ইচ্ছা যাবেন লইয়া ।

বিদু। দেন আরও বেঁধে লব ; কি জানেন—রাজার বাড়ী
একটু চাপাচাপি হয়েছে ; তিল ধ্বলে তালটা খেতুম্ ;
কিন্তু সে যোগাড় আর নেই—মহারাজ দাঁড়িয়ে থেকেই
থাওয়ালেন ।

নল। বলিলেন—হয় নাই রাজ-দরশন ।

বিদু। বলুনই বা ; বলুন বলে কি আর রাজাকে খাওয়াতে
নাই ? (স্বগত) না মন, মোণ্ডার লোভ সাম্‌লাও ; ধরা পড়ে
যাবে ; রাজা ত হুঁহাতে বদনে ফেলা দেখেছে ।

নল। (স্বগত) এ কি বাতুল ব্রাহ্মণ ?

মহাশয় ! দময়ন্তী পুনঃ স্বয়ম্বরী হবে ?

বিদু। নইলে কি, মশাই, ছেলে খেলার পথ ?—কড়া
পা—নইলে, হাঁটু অবধি ক্ষয়ে যেত !—বাবা ! তর বেতর
দেশ, প্রাণ পুরে হাঁটো ।—

নল। পুনঃ স্বয়ম্বরী ?—

হেন কথা শুনি নাই কতু ?

বিদু। মার পেট থেকে পড়েই কি শোমে ? ক্রমে

ধাক্কে ধাক্কে শুন্তে হয়। আগে কি কেউ শুনেছে—যে
আধখানা শাড়ী পরিয়ে, বনে জী ছেড়ে যায়? পুণ্যলোক
নলরাজ্য পথ দেখালেন।

নল। (স্বগত) তিরস্কার উপযুক্ত মোর ;

দেশে দেশে গাবে এই বশ !

দময়ন্তী পুনঃ স্বয়ম্বর ?

না, না,—পতিপ্রাণা,—মিথ্যা কহে দ্বিজ ;

কিন্তু কে বুঝে নারীর প্রাণ ?

দময়ন্তী—আমার সে ধন, আমি তার ;—

স্বচক্ষে না দেখে এ বিশ্বাস না হারাব।

হায় ! আশা গায়—

বুঝি পাইতে আমার

সরলা, এ প্রেমের ছলনা করে।

(প্রকাশ্যে) মহাশয় ! এ সত্য স্বয়ম্বর ?

বিদু। আর কথায় কাজ নাই,—আপনি তাঁবা-তুলসী
আহুন্।

নল। (স্বগত) এও কি কলির ছল ?

ছল—নিশ্চয় এ ছল।

প্রণয়িনী সে আমার—

সে ত নয় দ্বিচারিণী ;

বুঝি এত দিন বেঁচে নাই ;

আমা বিনা সে রহিতে নারে।

দময়ন্তী পুনঃ স্বয়ম্বর ?

জানিলাম তবে—ধরায় রমণী নাই ;—

ধর্মপত্নী, জীবনসঙ্গিনী,

পতিপ্রাণা নারী নাই।

এই বার সৃষ্টিলোপ হবে ;

সে আমার প্রাণের প্রতিমা,—

সে আমার ভূলে গেছে ?

এ কথায় নল না প্রত্যয় করে।

(ঋতুপর্ণের প্রবেশ)

ঋতু। শুন হে বাহুক, বিচার পরীক্ষা দেহ ;

যেতে পার বিদর্ভনগরে ?

কালি স্বয়ম্বর তথা।

নল। মহারাজ,

কালি প্রাতে উত্তরবে রথ তথা।

ঋতু। হে বাহুক ! সত্য, কি কৌতুক ?

নল। মহারাজ ! অধীনের কৌতুক না সাজে।

ঋতু। অলুমান আছে কি তোমার—

কত দূর বিদর্ভ নগর ?

নল। মহারাজ ! গুরুর কৃপায়

মম হস্তে—হয় তড়িৎ-গমনে ধায় ;—

বিদর্ভ নগরে যেতে নহে বড় কথা।

ঋতু। হও ত্বর, এখনি যাইতে হবে।

বিদু। এখন আমার কি উপায় ?—পায় পায় ?

ঋতু। হেথায় ব্রাহ্মণ তুমি,—

যাবে পিছে চতুরঙ্গ দল ;

যেও অস্ত্র রণে।

বিদু। মহারাজ ! বিস্তর ক্লেশ পেয়েছি পথে ;—

দেশ নয়—যেন বাঘ !

তাই প্রাণটা চাচ্ছে দেশে যেতে ;

বামুনের ছেলে—

নিয়ে যাবেন্ রথের এক ধারৈ ফেলে।

ঋতু। হও তবে প্রস্তুত সত্বর।

[ঋতুপর্ণের প্রস্থান।

বিদু। সত্বর !—তবে মোণ্ডা বেঁধেছি কেন ?

মহারাজ ! প্রস্তুত—জানবেন পা বাড়িয়েছি যেন।

নল। দ্বিজবর ! যাই রথ করিতে প্রস্তুত।

বিদু। চলুন মশাই, আমিও যাই ; কিন্তু, দোখাই যদি
মুছাঁ যাই, এক বার থামিও ; শুনেছি, বেজায় তোমার
রথের টান।

[উভয়ের প্রস্থান।

দ্বিতীয় গর্ভাঙ্ক

উদ্যান

দময়ন্তী ও কেশিনী (সখী)।

দম। জান ত সজনি, হংস-মুখে শুনি,

এই তরুতলে বসিয়ে বিরলে—

ভাসি অবিরল নয়নের জলে।

ভাবিতাম—সে আমার হবে কি না হবে।

সখি, হেরিলে এ কুঞ্জ-আমোদিনী

চমকি—তখনি ; মনে পড়ে—
 এই খানে প্রাণনাথে প্রথমে দেখিছু ;
 লাজ পরিহরি,
 আঁখি ভরি, হেরিলাম অতুল মাধুরী !
 সই রে ! আজি কোথা সে আমার ?
 দিক্ প্রাণ !
 অভাগীর তরে কলি সনে বিসংবাদ ;—
 মনে হলে মৃত্যু হয় সাধ—
 অভাগীর তরে রাজ্যেশ্বর বনবাসী !
 সখি, আগে কি গো জানি—
 উন্মাদিনী—পাব গুণগণি ?
 আগু পাছু না ভাবিছু—
 নলেরে বরিছু,—
 প্রাণনাথে ভাসাইছু অকূল পাথারে !
 এত যদি জানিতাম সখি !
 ত্যজিতাম ছার প্রাণ ;
 কলি-কোপে না পড়িত প্রাণপতি ।
 ছি ! ছি ! আমি স্বামীর দুঃখের হেতু ।
 কেশিনী । সুদিন কুদিন আছে চিরদিন ;
 ভেবনা—ভেবনা ;
 পতি-পরায়ণা তুমি স্থলোচনা ;
 যত, সখি, সয়েছ পতির তরে—
 দ্বিগুণ আদরে হবে পুনঃ রাজ্যেশ্বরী ;
 মেঘ-অন্তে পূর্ণচন্দ্র উদয় যেমন—
 তব প্রাণধন পুনঃ আসি দেখা দিবে ।
 সতর্ক, সত্বর,
 দেশে দেশে গেছে রাজচর,—
 নলরাজে পাইবে নিশ্চয় ;
 দৈবের ছলনে—
 ফেলিয়ে কাননে গিয়াছেন পতি তব ;
 বার্তা পেয়ে আসিবে সে ধেয়ে,
 হৃদয়ে ধরিতে তোরে ;
 রাজ-সখা বান্ধব-বৎসল,
 করি' নানা ছল—
 দেশে দেশে করে অন্বেষণ ;
 জান তুমি—অতি বিচক্ষণ সে ব্রাহ্মণ ;

অন্তঃপুরে অন্বেষণ করিল তোমারে ;
 শুনি তব পুনঃ স্বয়ম্বর,
 নল নৃপবর যথায় রহিবে,
 ব্যগ্র হয়ে আসিবে সত্বর ;
 কেঁদনা, সজনি, আর !
 দম । সখি ! প্রভাত-সমীরে
 পত্র যথা কাঁপে তর তর—
 কাঁপিছে অন্তর স্বয়ম্বর কথা ক'য়ে ;
 কি জানি লো, যদি শুশনিধি,
 ঘৃণা করি' পাগিনী ভাবিয়ে
 আর নাহি দেন দেখা ।
 মনে কত হয়—
 নিশি-দিন স্থির নহে প্রাণ ;
 কি হবে, কি হবে—মরি ভেবে ভেবে,
 এ যাতনা সহিতে না পারি ;
 তবু মরিতে না চাই সই !
 কই প্রাণনাথ কই ?
 মরিব লো ! দেখিতে দেখিতে তাঁরে ;
 সই রে, কাঁদিতে জনম গেল !
 কেশিনী । সখি, অনল-উত্তাপে
 কাঞ্চন দ্বিগুণ শোভা ধরে ;
 দুঃখ তব গৌরবের তরে,—
 প্রেমের পরীক্ষা তোর ;
 প্রাণকান্তে পাবে, দুঃখ ভুলে যাবে,
 গল্পচ্ছলে দুঃখ-কথা কহিবে সোহাগে ;
 নব অমুরাগে—
 পুনঃ হবে সুখ-সম্মিলন ।
 দম । সখি, আর সোহাগের নাহি সাধ ;
 না জানি গো, কত অযতনে
 কোথায় বঞ্জন নাথ ;
 রাজ্যেশ্বর—কত নাহি সহে ক্লেশ ;—
 প্রাণেশে কি পাব আর ?
 সই, যত কাঁদি—
 বাড়াতে যন্ত্রণা
 পোড়া আশা তত করে মানা ।
 শরৎ-বর্ষণে বিরাম যেমন—

কতু হানি, কতু কাঁদি ;
 কতু ভাবি মনে—
 নাথ অধেষণে পুনঃ যাই বনে ;
 দুঃখে, অভিমানে
 কিরাতের সনে বুঝি বা আছেন নাথ ;
 কিছা কোন্ বিজন গহ্বরে—
 নাহি হেরে নরে—
 আছেন বা প্রাণেশ্বর ;
 হায় সখি, মম ভাগ্যে পতি-সেবা নাই ;
 তাই প্রাণনাথ পলাইল আমা ছাড়ি ;
 নহে, সে তেমন নয়—
 আমা বিনা কোথাও না রয় ;
 সই ! সে আমার—
 আমার সে হৃদয়ের রাজা ;
 তবে কেন হ'ল গো, এমন !—
 কোথা মোরে আছে ভুলে ?
 কেশিনী । পতি-ধ্যান, পতি-জ্ঞান,
 পতি-পূজা দিবা নিশি—
 ইষ্ট দেব পতি তব ;
 পরি' অর্ধ শাড়ী
 তপাচারী তুমি পতির সাধনে ;
 এ সাধন বিফল না হয় ।
 পতি ভক্তি উঠিবে ধরায়,
 পতিব্রতা পতি যদি নাহি পায় ;
 সতীর বাসনা পূর্ণ করে নারায়ণ ।
 যার তরে করে আঁখি-নীর—
 সে কি আছে স্থির ?
 দিয়ে অর্ধ চীর ছেড়ে গেছে বনমাঝে—
 নিশি দিনে শেল সম বাজে তাঁর প্রাণে ।
 আসিলে যামিনী,
 চক্রবাক-চক্রবাকী বথা—
 কাঁদে দৌহে দুই পারে,
 তেমতি তোমরা সই !
 পোহার রজনী,
 আসে দিন,—হবে লো মিলন ।
 দম । রাজরাণী ছিলাম সজনি !

প্রাণনাথে শত শত কিঙ্কর সেবিত ;
 ভেবেছিহু—বনে থাকি' নাথ সনে
 রাজ্যস্থ ভূলাইব সেবা করি ;
 ছি ! ছি ! বিড়ম্বনা, রহিল বাসনা,—
 হায় পতি-হারা কত দিন রব আর ?
 কেশিনী । সখি, চল যাই রাণীর আগারে ;
 শুনি গিয়ে—
 কোথা হ'তে কিবা আসে সমাচার ।
 দম । চল যাই ; যত দিন রব—
 আশা কতু না ছাড়িব ।

[প্রস্থান ।

তৃতীয় গর্ভাঙ্ক

নগর-প্রান্ত

বিদূষক ।

বিদু । আমার তবু অভ্যাস আছে,—ঋতুপর্ণ বুঝি
 মরণাপন্ন ! আজ রিশের উপর রথ চালান ! রাজা আজ
 ঘুমবে—ওর রঙটা আমি ধুয়ে ফেলছি । বাবা ! এ খোস
 খত রঙের মসলা পেলে কোথা ? কি—ঘেঁটু পাতা ফাতা
 মেড়ে বুঝি ক'রেছে । আমার সন্দ হয়, ছটাক খানেক পুঙ্কুরে
 ঘাম আছে । এই রইলেন গোঁপ—আর এই রইলেন দাড়ি ;
 বাবা ! সারারাত কুটকুটিয়ে মরি । এই বার পাড়ি দিই
 রাজ-সভায় । ঋতুপর্ণটা কি ক'রবে ?—খানিক আমতা
 আমতা ক'রবে আর কি ।

[প্রস্থান ।

(নল ও ঋতুপর্ণের প্রবেশ)

নল । মহারাজ, আশ্চর্য্য গণনা-বিজ্ঞা তব,
 দৃষ্টিমাত্র গণিলে রাজন্ !
 দেখিলাম ম্যুনাধিক এক পত্র নয় ;
 কৃপা করি, দেহ বিজ্ঞা মোরে ।
 ঋতু । গুণবান্ তুমি হে বাহুক !
 যোগ্য পাত্র এ বিজ্ঞা লইতে ;
 চিত্ত-স্বৈর্য্য এ বিজ্ঞার মূল ।
 মনের নয়ন—সদা উন্মীলন ;

নিমেষে সংসার ছেড়ে !

সদা সচঞ্চল—ধারণা না রহে তার ।

দীক্ষা নাহি দিব—সমযোগ্য তুমি মম ;—

বৃক্ষপত্রে মন্ত্র লিখে দিই ।

নল ! মহারাজ, দাস আমি—অধীন তোমার ।

ঋতু । হে বাহুক !

কতু তুমি নহ সাধারণ ।

হেন অশ্ব-সঞ্চালন সামান্তে কে জানে ?

ভাঙাও না মোরে ;—

চিরদিন গুণের গৌরব রাখি ,

লহ বিজ্ঞা ।

[পত্র প্রদান ।

নল । অশ্ব-বিজ্ঞা রূপা করি, লন যদি প্রভু,

রুতার্থ হইবে দাস ।

ঋতু । তুমি—সখা মম ;

সখা, লব বিজ্ঞা তব ঠাই ।

ভাল, কোথা গেল সে ব্রাহ্মণ ?

(ছদ্ম-শ্বশ্রু পতিত দেখিয়া)

হের ছদ্ম-শ্বশ্রু কার হেথা ।

নল । ছদ্মবেশী ব্রাহ্মণ নিশ্চয় ;

আছে বুঝি রথে ।

ঋতু । কর মন্ত্র-পরীক্ষা বিরলে ;

ততক্ষণ দেখি বন-শোভা ;

পশ্চাৎ আনিহ রথ ।

নল । যথা আজ্ঞা, মহারাজ !

[ঋতুপর্ণের প্রস্থান ।

এ কি.! অশ্ব চক্ষু কোথা ছিল এত দিন ?

এই বৃক্ষ কোটি পত্র ধরে !

(কলির প্রবেশ)

কলি । মহারাজ, রক্ষা কর মোরে ।

তুমি দয়াময়—রূপা কর, আমি কলি ;

ছলিয়া তোমায়—

কি কহিব কত দুঃখ সহিয়াছি নররায় !

একে তব পুণ্য-তাপে তনু দহে,

দময়ন্তী-দীর্ঘশ্বাসে সস্তাপিত প্রাণ ;

তাহে, করুট-গরলে

দেহ মম অহরহ জলে ;—

আর শাস্তি নাহি দেহ রাজা ।

নল । যাও, কলি, দিলাম অভয় ।

কিন্তু, জিজ্ঞাসি তোমায়—

নির্দোষীরে ছলি' কিবা ফল ?

কলি । অধিক না বল রাজা ;

অপকীর্তি রহিল আমার ;

গৌরব বাড়িল তব ।

সত্য করি সম্মুখে তোমার,—

যেবা তব নাম লবে—

মম অধিকার—

তদুপরে না রহিবে আর ।

নল । মম দুঃখে ঘুচে যদি মানব-যজ্ঞা—

ছল নহে—বর তব কলি !

যাও নিজ স্থানে, করেছি মার্জনা ;

নহ তুমি দোষী,—

ভুলিলাম নিজ কর্ম-ফল ।

রূপায় তোমার,—

কীর্তি মম রহিল ধরণী-তলে ।

কলি । আজ্ঞা কর—যাই নিজস্থানে ।

[কলির প্রস্থান ।

নল । অদূরে নগর,—

কিন্তু, মহোৎসব-ধ্বনি কিছু নাহি শুনি ।

মিথ্যা স্বয়ম্বর,—

ছদ্মবেশী ব্রাহ্মণ নিশ্চয় ;

স্বর যেন পরিচিত ।

নহে, কার শ্বশ্রু হেথা ?

সে আমারে ভুলিতে কি পারে ?

পিত্রালয়ে থাকিত যতনে—

কেন তবে আসিবে গহনে ?

ইন্দ্রাণী হইত, কেন বা বরিবে মোরে ?

মিথ্যা স্বয়ম্বর !

ভুলেছে আমায় ?—

এ সংসার দৈত্যের রচনা তবে !

হেন ধরা—ত্যাগ-প্রয়োজন,

যথা সতী নিজ পতি ছাড়ে।
হায়! জানি সে আমার -
তবু কেন যজ্ঞগা ঘোচে না?
কৰ্কটে না করিব স্বরণ;—
ছন্ন-বেশে দেখিব এ স্বয়ম্বর।
ছাড়িয়াছে কলি—তবু কেন প্রাণে জলি?
(ঋতুপর্ণের প্রবেশ)

ঋতু। দেখিলে কি মন্ত্র মোর পরীক্ষা করিয়া?
নল। বিজ্ঞা তব অদ্ভুত সংসারে!
ফুটিয়াছে নূতন নয়ন মম।
মহারাজ, আসিছেন বিদর্ভ-ঈশ্বর,
তব অভ্যর্থনা হেতু।
আসিয়াছি নগরের ধারে—
সমাচার দেছে বুঝি ব্রাহ্মণ ঘাইয়ে।
(ভীমসেনের প্রবেশ)

ঋতু। (নলের প্রতি) এই মহারাজ ভীম?
ভীম। অযোধ্যা-ঈশ্বর! বড় কৃপা তব।
পবিত্র বিদর্ভপুরী তব আগমনে!
করুন জ্ঞাপন—
কোন্ প্রয়োজনে পদার্পণ মমাগারে?
ঋতু। (স্বগত) কোন্ প্রয়োজন?
(প্রকাশে)
মহাশয়! গৌরব তোমার প্রচার ভুবনময়;
আসিয়াছি সৌহার্দ্য—কারণ।
ভীম। পরম সৌভাগ্য মম;
হেথা আর বিলম্বে কি কাজ?
কৃতার্থ করুন মোরে হ'য়ে অগ্রসর।
[ভীমসেন ও ঋতুপর্ণের প্রস্থান।]

নল। কুহকে আচ্ছন্ন প্রাণ মোর;
কিছু না বুঝিতে পারি।
মিথ্যা স্বয়ম্বর।
কে বা সে ব্রাহ্মণ? যেন পরিচিত স্বর।
সখা মম!
কি আশ্চর্য! কলির ছলনে
নারিলাম সখারে চিনিতে?
রথ ল'য়ে ঘাই পাছু পাছু।

[প্রস্থান।]

(বিদূষকের প্রবেশ)

বিদু। বাবা! দূর থেকে দেখিয়ে দিয়েই পেছ
কাটিয়েছি। ঋতুপর্ণ কিছু বিশ্বাসাপন্ন! এখন ত বাছক
মশাইকে না মেজে নিলে নয়! যদি রাজা-রাণীতে জ্বোট
থায় - আমিও ঘরের ছেলে ঘরে গিয়ে বাম্ণীর আঁচল ধরি।
সংসঙ্গে কাশীবাস; দেখনা—গরীব বামুনের ছেলে—
আমাদের পিরীতে বাবা বিচ্ছেদ কেন? পিরীতটে কিছু
হোঁয়াচে রোগ;—রাজার ছোঁচ লেগেচে—বাম্ণীটাকে ছেড়ে
আসতে হয়েছে। কিন্তু, পিরীত অত গড়ায় নি,—নিম্পাতা
বেঁটে মুখে মাখতে হয় নি! দেখ, কেমন আমোদ হ'চ্ছে,
যদি সেদিন হয় রাজা যদি সিংহাসনে বসে—তা হলে
পুকুরেকেও আশীর্বাদ করি, আর লোককে গাল-মন্দ দেওয়া
ছেড়ে দিই। তা নয়—স্বভাব যায় না গোলে।

প্রস্থান।

চতুর্থ গর্ভাঙ্ক

কক্ষ

দময়ন্তী ও কেশিনী (সখী)।

দম। দেখ সখি, অদ্ভুত সারথি—
যার করে বায়ুভরে অশ্বগণ ধায়!
সখি, প্রাণ যায়—লহ পরিচয়।
বল গিয়ে—ছন্নবেশে সাজে নাক আর।
সই, লোকলাজে কহিতে না পারি,
কত মনে করি;
ভাবি পুনঃ—অদৃষ্ট প্রসন্ন নয়।
শুনি' রথধ্বনি কত কাঁদি আমি উগাদিনী,
প্রাণনই, বিধি কি প্রসন্ন হবে?
কেশিনী। রাণি, এত দিনে দুঃখ অবসান তোর;
রাজপুরে যে কথা শুনিমু—
মম মনে ঘুচেছে সংশয়।
অন্য কেহ নয়—নল মহাশয়
উদয় সারথিবেশে।
অগ্নি বিনা করেন রন্ধন,
দৃষ্টিমাত্র স্নিগ্ধ নীরে শূণ্য কুন্ত ভরে,

নীরস কুসুম সরস কর-মর্দনে ;
 ক্ষুদ্র স্বার হয় দীর্ঘাকার
 সারথিরে দিতে পথ ।
 বল, এ' লক্ষণ নরে আর কার ?
 ভাব যদি মলিন বরণ —
 দেখ চেয়ে আপন বদন,
 নিজ অঙ্গ হের হেমাঙ্গিনি !

দম । সখি, এ' লক্ষণে—
 প্রত্যয় না মানে মন ।
 যাও তুমি, কথায় কথায়
 জানাইও দুঃখের বারতা মম ।
 ব'লো আসি'—কি পাও উত্তর ।
 পার যদি বুঝিও অন্তর ।
 ব'লো ব'লো—পুত্র-কণ্ঠা ত্যজি,
 পতি মনে পশি বন মাঝে ।
 একাকিনী নিদ্রিতা কামিনী
 ছাড়ি কোথা গেল স্বামী ।
 দেখ' দেখ'—এ কাহিনী শুনি,
 আসে বা না আসে চক্ষে জল ।
 ব'লো যত পেয়েছি যজ্ঞগা ;
 দীর্ঘশ্বাস করিও গণনা—
 দেখ'—কোন' বেদনা আছে কি প্রাণে তার ।
 পার যদি কথায় কথায়,
 আছি যে দশায়,
 ব'ল' সখি, সারথিরে ।
 প্রাণে প্রাণে জানিলে লক্ষণ—
 মম প্রাণধন তবে ত জানিব সই ।

[দময়ন্তীর প্রস্থান

(রাধরাণীর প্রবেশ)

রাণী । শুন মা কেশিনি ! লোকমুখে শুনি—
 বাহুক সারথি অদ্ভুত-প্রকৃতি নর !
 কার্য্য তার লোকাতীত সব !
 নলরাজসম সকলি লক্ষণ তার ।

কেশিনী । দেবি ! নিশ্চয় এ নলরাজা ।

রাণী । দময়ন্তী বিনা সত্য-মিথ্যা কে বুঝিবে ?

কেশিনী । দেবী আদেশ দেছেন মোরে
 ল'তে পরিচয় ।

[উভয়ের প্রস্থান

পঞ্চম গর্ভাঙ্ক

তোরণ

নল ।

নল । (স্বগত) ছিল দিন—চতুরঙ্গ দলে
 এসেছিহু বিদর্ভ নগরে ;
 প্রতিবাদী ইন্দ্র স্বয়ম্বরে !
 আজি—বাহুক সারথি !
 দময়ন্তী আছে মুখে—
 আর কিছু নাহি প্রয়োজন ।
 লোকালয়ে আর নাহি রব ।
 ছি ! ছি ! কেন হব ঘৃণার ভাজন ?
 সকলি রহিল—আশা ফুরাইল ;—
 প্রাণ যেন তরঙ্গে তরঙ্গে দোলে ।
 মনে হয়—সে যেন জেনেছে—
 সে যেন চিনেছে ;
 পলে পলে জ্ঞান হয়—আসে,
 কহে সকাতির ভাষে,—
 কেন নাথ ! ভুলে ছিলে ?
 বিড়ম্বনা—বিড়ম্বনা !
 ছি ! ছি ! পুনঃ স্বয়ম্বর !—
 দেব নর সকলে জেনেছে ।
 সত্য, মিত্র কর্কট আমার ;
 যদি প্রাণ যায়—নাহি দিব পরিচয় ।

(কেশিনীর প্রবেশ)

কেশিনী । মহাশয় ! রাজকণ্ঠা প্রেরিলেন মোরে
 মহামতি আছিলেন নলের সারথি,—
 জান যদি বল স্মৃতবর !—
 বনবাসে অর্ধবাসে ত্যজি' ব'মা,
 কোথা গেছে মহারাজ ?
 ক'র না চাতুরী—কহ সত্য করি'—

কিমা অপরাধে,
 প্রমদায় ফেলিয়ে প্রমাদে
 পলাইল নৃপবর ?
 ছি! ছি! নিদ্রাগতা—
 হেরিয়ে বয়ান কাঁদিল না প্রাণ ?
 ইন্দ্র ছাড়ি' বরে যারে—
 হায়! হায়! কেমনে সে গেল ছেড়ে ?
 ব'লেছেন রাজবালা মোরে,
 সমিনতি জানাতে তোমারে—
 যদি কভু রাজারে দেখিতে পাও—
 ব'লো তাঁরে রূপা করি'—
 নিদ্রা পরিহরি, হেরে বামা শূন্য পাশ,
 স্বামী নাই কাছে ;
 উন্মাদিনী ধনী—
 উন্মাদ রোদনধ্বনি—জাগাইল প্রতিধ্বনি বনে ;
 বামারে নিরখি,
 অশ্রুজল বরষিল পাখী,—
 বনশাখী ত্রিয়মান তাপে ।
 শূন্যপ্রাণা শূন্য মনে ধায় .
 যথা পদ যায়—কভু ওঠে, কভু পড়ে ;
 যদি দেখা পাও, ব'লো নলরাজে—
 হেন কাজ তাঁহারে কি সাজে ?

নল । মিছা তিরস্কার কর তাঁরে শ্লোচনে !
 দৈব-বিড়ম্বনে কলির ছলনে—
 আচ্ছন্ন আছিল নল ;
 রাজ্য ধন হারাইল গ্রহকোপে ;
 কলির ছলনে,
 ভার্য্যা ত্যজি' গিয়েছে কাননে,—
 নল তাহে নহে দোষী ।
 শুন হে রূপসি,
 যেই নারী পতি-পরায়ণা—
 সদা করে পতিরে মার্জনা ;—
 পুনঃ স্বয়ম্বর সে ত কভু নাহি হয় ।
 কি ভাবে কোথায় বঞ্চে নররায়—
 অগোচর কথা ;—
 সে বারতা কহিব কেমনে ?

কিন্তু জানি পুরুষের মন,—
 নারীর যেমন পলে পলে বিচঞ্চল,
 পুরুষের নহে তাহা,—
 নহে জল-রেখা—তখনি মিলায়—
 প্রস্তুরে অক্ষিত ছবি চিরদিন রয় !
 নলরাজ আছে কি দশায়,
 কেমনে হে, বলিব তোমায় ?
 পরে কি পরের কথা বুঝে ?
 যার ব্যথা আছে মনে, শুন চন্দ্রাননে,
 অণু জনে সে ত নাহি বলে ।
 নারী বিনা শূন্য ধরা যার,
 এমন বিকার
 সে নাহি প্রকাশে ভাষে—
 পাছে লোকে হাসে ।
 কাল সর্প হৃদয়ে সে পোষে ;
 অধীর দংশনে, তবু রাখে সে যতনে !
 কেশিনী । সত্য মহাশয় !
 পরের হৃদয় পর না বুঝিতে পারে ।
 নহে, দেহ মন জীবন যৌবন সঁপি'
 নারী কেন হবে দোষী ?
 পতি প্রাণের আশ্রয়,
 পতি বিনা সব শূন্যময়,—
 এ কথা ত পুরুষ বুঝিতে নারে !
 কঠিন অন্তর—
 নানা রসে বঞ্ছি' নিরন্তর,
 ভালবেসে দেয় নাই দেহ প্রাণ,—
 তারে কে বুঝাতে পারে ?
 ভালবাসা নারীর প্রাণের সাধ ;
 প্রাণপতি অশ্বেষণ তরে
 কলকে না ডরে ;—
 পুরুষ-অন্তরে এ বোধ না পশে কভু ।
 দেশে দেশে পাগলিনীবেশে
 প্রাণেশে খুঁজিয়ে ধায় ;—
 কঠিন পুরুষ জাতি
 অনায়াসে ভার্য্যা ত্যাগ করে ;—
 সে অন্তরে প্রত্যয় কি হয় কথা ?

প্রাণ ছলময়!—

তাই ভাবে নারীর প্রণয়—ছল।

আত্ম-বিসর্জন পুরুষ শিখেনি কভু ;

কথায় কথায় প্রয়োজন গেছি ভুলে,—

কোথা নলরাজ গোচর নহেক তব ?

বলুন আমায়, কি বলি সখীরে গিয়ে।

নল। ধরাগায়ে চাহে কেহ নলের সংবাদ—

জানিলে এ কথা—

সমাচার আসিতাম জেনে।

আসিয়াছি স্বয়ম্বরে রাজারে লইয়ে—

বল, কি উত্তর দিব ?

কেশিনী। ভাল, শুনিলাম অগ্নিবিনা করেন রন্ধন,

দৃষ্টিমাত্র পূর্ণ হয় ঘট—

সত্য কি এ কথা ?

অদ্ভুত এ বিদ্যা—কোথা পেলে মহাশয় ?

নল। শুন সুবদনি !

বিদেশী সারথি আমি—

লোকে মন্দ কবে—

হেথা তব রহিতে উচিত নয়।

বিদ্যা মোরে দিয়েছেন নলরাজ ;

যাও স্থলোচনে, যাব আমি অশ্বশালে।

[নলের প্রস্থান।

কেশিনী। ঘন ঘন দীর্ঘশ্বাস— নয়নের নীর—

আর কি ভূলাতে পার ?

অভিমানে নাহি দেয় পরিচয়।

(বিদূষকের প্রবেশ)

বিদু। ইয়া গা ঠাকরণ !

বাহুক মশাই কোথায় ?

কেশিনী। গিয়েছেন অশ্বশালে।

বিদু। বলি ঝামেলা কিছু বেশী করেছিলেন কি ?

আপনাদের ত রোগ আছে। তা বলুন তাড়াতাড়ি ধরি,

একবার ঘোড়সোয়ার হলেই পগার পার। রাণী ঠাকরণকে

বলুন—বদলী চলবেনা, স্বয়ং আসরে নাবতে হবে। রঙ

ধুনো দিয়ে চিটে ধরিয়েছে—জলে ধোবার কাজ নয় ; চক্ষের

জলে ধুতে হবে। চান কর্তে যাচ্ছে, আমি বলি ভাগ কচ্ছে ;

— পেছ নিমুম—জল থেকে উঠলো, থান্কে থান্ রঙ বজায়।

বাবা! এ আতের কালী, মুখে ফুটে বেরিয়েছে! চল

আমরা যাই। রাণীকে পাঠিয়ে দাও ;—আমি হেথা নিয়ে

আসছি।

[উত্তরের প্রস্থান।

(নলের পুনঃ প্রবেশ)

নল। পূর্ব কান্তি কর্কট ফিরায়ে দিল ;

বলে গেল উপযুক্ত এ সময়।

আত্ম-পরিচয়,

গোপনে কেমনে রাখি আর ?

(দময়ন্তীর প্রবেশ)

দম। নাথ! কেন নাহি দেহ পরিচয় ?

ভাব—ভুলাইয়ে যাবে ?

প্রাণেশ্বর! আর না পারিবে—

কাল-নিদ্রা আর না আসিবে চক্ষে ;

আর ছেড়ে নাহি দিব।

নল। শুন প্রিয়ে! নহি অপরাধী ;—

কলির তাড়নে, বরাননে,

বনে ফেলে পলাইলু ;

জান তুমি—

স্বৈচ্ছায় কি যেতে পারি তোমা ছেড়ে ?

সারথির বেশে এসেছি এ দেশে

তোমারে দেখিতে প্রিয়ে !

কার গলে পুনঃ দেহ মালা—

রাজবালা, দেখিতে হইল সাধ।

কোন্ ভাগ্যধর—

আদরে ধরিবে পুনঃ কর!—

দেখে গেছি মলিন বদন,

চাঁদ মুখে দেখে যাব হাসি,—

হে প্রেমসি, এই হেতু এসেছি এ স্থানে।

দম। নলরাজ-আশে হয়েছিল স্বয়ম্বর ;

নলরাজ-আশে পুনঃ স্বয়ম্বর ভাগ।

হের বেশ—

পুষ্পহার করে নাহি সাজে আর!—

নয়ন-আসারে গৈথে মালা দিব গলে।

সাক্ষ্য হও, অগত-প্রাণ সমীরণ ! —

বল কার তবে প্রাণ-বায়ু বহে মোর ?

প্রভু, নলরাজ-অভিলাষী,

নলে ভালবাসি,

অন্ত দোষে নহি দোষী ;—

কতু নল বিনা অস্ত্র জনে নাহি জানি ।

যদি হই সতী—

দেবগণ ! করি হে মিনতি—

প্রাণপতি দেহ মোরে ;

নহে, প্রাণে কাজ কি আমার !

দৈববাণী । সংশয় না ভাব তুমি, পুণ্যশ্লোক নল !—

সাক্ষী সতী পত্নী তব ।

(আকাশ হইতে পুষ্পবৃষ্টি)

নল । একি ! দৈববাণী ?

পুষ্পবৃষ্টি করিছেন দেবগণে !

কিঙ্কর চরণে তব—

ক্ষমা কর, প্রাণেশ্বর !

দম । প্রাণেশ্বর,

দাসীরে মিনতি নাহি সাজে ।

(ঋতুপর্ণ, ভীমসেন ও রাণীর প্রবেশ)

ভীম । বৎস,

যে আনন্দে পূর্ণ আজি হৃদয় আমার—

করি আশীর্বাদ—

সে আনন্দে বঞ্চ চিরদিন ।

রাণী । বৎস, এত দিন কোথা ছিলে তুলে ?

নল । স্নান, কর আশীর্বাদ ;—

সকলি গো দৈব-বিড়ম্বনা ।

ঋতু । মহারাজ, তুলে আছ সখারে কেমনে ?

(দময়ন্তীর প্রতি) দেবি ! স্বধাও স্বামীরে তব—

সখী তুমি সম ।

দম । অযোধ্যা-ঈশ্বর, চিরকণী আমি তব ।

(বিদূষকের প্রবেশ)

বিদূ । স্বয়ম্বর বিলম্ব নগরে—

সত্য মিথ্যা দেখুন, বাহক মশাই !—

রাজা, রাজা !

সখা ব'লে ডাক হে, বারেক ।

নল । সখা, যে গুণ তোমার—

তব ধার শত জন্মে

নাহি হবে পরিশোধ ।

(পুষ্প, কলি ও অম্বুচরের প্রবেশ)

কলি । মহারাজ, এই সহোদর তব,

কিঙ্কর আমার,

আজি হ'তে কিঙ্কর তোমার—

আমি তব অনুগত ।

পুষ্প । কেন ? কেন ? কিঙ্কর কি হেতু ?

পাশায় জিনি ছি রাজ্য, ফিরে নাহি দিব ;—

মৃত্যু পণ মম ।

নল । যুদ্ধ কিম্বা পাশাক্রীড়া যেরা তব মন—

করহ পুষ্প ত্বরা ।

কলি । ত্যজ আশা,—

ছাপর না সহায় হইবে আর ।

জানু পাতি' যাচহ মার্জনা—

পুণ্যশ্লোক নলরাজা ক্ষমিবেন তোরে ।

নহে, সত্য কহি,

ধন-প্রাণ কিছু না রহিবে তোর ।

পুষ্প । না বুঝে করেছি কাজ—

ক্ষমা কর, নৃপবর !

নল । ওঠ, চিন্তা কর দূর ;

নাহি ভয়—করিমু মার্জনা ।

বিদূ । বলি, পুষ্প মশাই ! দেখে শুনে শিখতে হয় । বাগে

পেলেই ধানে-চালে দিতে হয়—এমন নয় ; মহারাজ ! এখন

নয়—যখন রাজ্যে গিয়ে বসবেন—রঙের মসলা গুলো আঁমায়

বসবেন । বলি, পুষ্প মশাই ! বল্লে না প্রত্যয় যাবেন—

আপনার উপর এক পৌচ ।

(সখীগণের প্রবেশ ও গীত)

পরজ-বাহার—কাওরালী ।

কে এল—কি ভাবে—রণে করে ?

ওলো এ কি ছালা !—সরলা রাজবালা,

বুঝি ভুলারে বিদেপী—নে বার ধরে ।

জানে নানা ছল,

ছটি আঁধি করে ছল ছল,—

হেরে মুখশী হর প্রাণ বিকল ;

ফুটে মলিনী কুমুদিনী হেরি নিশাকরে ।

নিকা

চণ্ড



(ঐতিহাসিক নাটক)

[১১ই শ্রাবণ, ১৯২৭ সাল, ষ্টার থিয়েটারে প্রথম অভিনয়]

অনন্তরিকা

(সূচনা ও পরিশিষ্টের প্রবেশ)

সূচনা ।—

হেথা কেন লাজহীনা, হেথা কি লো তোর ?
ধরা মাঝে ইন্দ্ৰাসন, বাপ্পারাও সিংহাসন,
ভুবন-বিখ্যাত পুরী পবিত্র চিতোর ।
সূর্য্যসম সূর্য্য অশ, শিশোদীয় মহাবংশ,
কবি যার গুণ-গানে আনন্দে বিভোর,—
হেথা কেন লাজহীনা, হেথা কি লো তোর ?

পরিশিষ্ট ।—

দেখি দেখি স'রে থাকি, দেখি কিসে জোর,
থাকে ব না থাকে শেষ গুমোরের ঘোর ।

সূচনা ।—

শোন্ তবে কিসে এত গুমোর আমার ।
উচ্চ তানে করি গান, লাক্ষ্মরাণা মতিমান,
জ্যেষ্ঠ পুত্র চণ্ড তাঁর, গুণের আধার ।
স্বাঠৌরীয় রণমল্ল, শত্রু যার জানে ভল্ল,
চণ্ডে দিতে ছুহিতা হইল বাহ্য তাঁর ।
রাজপুত্র-প্রথা মানি, ভট্ট নারিকেল আনি,
স্বাঠৌরের অভিপ্রায় করিল প্রচার ।
কৌতুকে কহিলা রাণা, “ভট্টরাজ, বুঝি মানা,
নারিকেল প্রদানিতে শুভ্র গুণ্ড যার ?”

রহস্য গুনিয়া সবে,

হাস্ত কৈল উচ্চরবে,—

গুনিয়া চণ্ডের মনে জন্মিল বিকার ;—
শোন্ শোন্ কিসে এত গুমোর আমার ।

পরিশিষ্ট ।—

বল্ বল্, সেই ভাল, শেষ ভাল যার,
স'য়ে থাকি, দেখি কিসে শেষে হও পার ?

সূচনা ।—

হীন সনে হৃদয় করে হীন যেই জন,
সরস আখ্যান মম শোনে স্মৃধীগণ ।

পরিহাসি নররায়,

সম্বোধিল যে কণ্ঠায়,

মনে মনে কুমার করিল আন্দোলন,—

মাতা সম তারে মানি,

গ্রহণ করিষ পাণি

কেমনে তাহার, দিয়ে ধর্ম-বিসর্জন ।

রাণা কত বুঝাইল,

নারিকেল নাহি নিল,

নরপতি নারিকেল করিল গ্রহণ ।

রাখিতে স্বাঠৌর-মান,

করি রাণা অভিমান,

কহিল, “এ কণ্ঠা-গর্ভে জন্মিলে নন্দন—

দিব রাজ্য অধিকার,

সিংহাসন হবে তার,

পুত্র হ'য়ে বার বার ঠেলিলি বচন ।”

ছাদশ বর্ষীয়া বালা,

বৃদ্ধগলে দিল মালা,

হর-বরে হলো পুন গৌরী সমর্পণ ।

দেখলো আখ্যান মম গুনিছে সৃজন ।

পরিশিষ্ট।—

হয় যদি শেষ বেশ, বুঝিব তখন।—

সূচনা।—

কুমার জন্মিল পরে, নৃত্য গীত ঘরে ঘরে,

নব সূত্র, নবীন প্রণয়ে দৃঢ় ডোর।

পঞ্চম বর্ষীয় পুত্র, দেখে কিবা কর্মসূত্র,

হিন্দু ধর্মের যুদ্ধ গয়াধামে ঘোর।

জ্যেষ্ঠ পুত্রে ডাকি রায়, প্রকাশিল অভিপ্রায়,

“নিকট হইল কাল পরামায়ু চোর।

ধর্ম-যুদ্ধে বিসর্জন, এ জীবন মম পণ,

তুমি মম প্রতিরূপ লহ রাজ্য মোর।”

কহে চণ্ড, “হে ধীমান, ক’রেছেন বাক্য দান,

বিমাতা-নন্দন অধিকারী এ চিতোর।”

কোলে তুলে এত বলি, সিংহাসনে মহাবলী,

বসাইল শিশু ভ্রাতা মুকুল কিশোর।—

যাই চ’লে, নাহি সহে নীচ সঙ্গ তোর।

পরিশিষ্ট।—

সুধী-পদে নমস্কার, ও তো ক’রে অহঙ্কার,

কত বলে গেল চলে, দাসী আছে শেষ।

গুণহীনা—তাই ভয়, নিবেদন সবিনয়,

মার্জনা প্রার্থনা সবিশেষ।

নাট্যোন্মিখিত ব্যক্তিগণ।

পুরুষ

- চণ্ড ... লাক্ষরাণার জ্যেষ্ঠ রাজকুমার।
 ... এই মধ্যম রাজকুমার (সংসার-ত্যাগী)।
 ... এই কনিষ্ঠ রাজকুমার (অধুনা মিবারের রাণা)।
 শিখণ্ডী ... ধাত্রী-পুত্র।
 পূর্ণরাম ... ভাট।
 রণমল্ল ... রাঠোরাদিপতি।
 যোধরাও ... এই রাজকুমার।
 ধাণ্ডাধারী ... এই বয়স্ক।

সভাসদগণ, প্রজাগণ, জনৈক লোক, ভীলসর্দার ও তাহার

অনুচরগণ, ঘাতকদ্বয়, রাঠোর সৈন্যগণ, কয়েক জন

আহত সৈনিক, রাঠোরীয় বৃদ্ধ ও বালকগণ,

চিতোরবাসীগণ ইত্যাদি।

স্ত্রী

- গুণমালা ... লাক্ষরাণার কনিষ্ঠা মহিষী।
 বিজরী ... এই সখী।
 কুশলা ... ধাত্রী।

স্ত্রীলোকগণ, চিতোরবাসিনীগণ ইত্যাদি।

প্রথম অঙ্ক

—***—

প্রথম পর্ভাঙ্ক

উপকন্থ সেবালয়

চণ্ড, পূর্ণরাম, শিখণ্ডী ও রঘুদেবজী

চণ্ড । যতদিন মহারাণা লাক্ষ বীৰ্য্যবান্
বসিতেন সিংহাসনে, ছিলে উদাসীন
ভাই রাজকার্য্যে তুমি ; ক্ষতি কিছু জন্মে
নাই তাহে । এবে তিনি গয়াধামে, পণ
ঠাঁর আত্ম-বিসর্জন যবন-সংগ্রামে ।
সিংহাসনে বালক মুকুল বোধহীন,
একা আমি, রাজকার্য্য করিষ কিরূপে ?
'সোদর—দোসর,' শুনি শাস্ত্রের বচন,—
তবে ভাই, সহায় না হও কি কারণ ?

পূর্ণ । হ্যা হ্যা, তুই খুব বাহাদুর ! বাহাদুরী ক'বলেই হয়
না—বাহাদুরী ক'বলেই হয় না, রাখতে পারলে হয় । সিন্নি
দেখে এগুলো হয় না—সিন্নি দেখে এগুলো হয় না, কোঁৎকা
দেখে না পেছোও—কোঁৎকা দেখে না পেছোও ।

শিখণ্ডী । একে ?

চণ্ড । পূর্ণরাম ভাট ।

রঘু । ও পাগল । ...

চণ্ড । না—মা,

মহাজ্ঞানী । শিরোধার্য্য তব উপদেশ ;

মতিভ্রম পদে পদে মানব-জীবনে ।

রঘু । বীর বিনা বীরকার্য্য করিতে সাধন
কেবা পারে ? হীনজনে গুরুভারার্পণ
নহে তো সঙ্গত । আমি দীন-হীন, জান
চিরদিন, অলস অবশ চিত্তদাস ;—
সে কারণ যবে মহারাণা রোষভরে
কহিল তোমারে "সিংহাসন দিব তোর
বিমাতা-নন্দনে," তুমি চাহিলে বদন

পানে মোর ; করিলাম পণ সেই কালে,
সভায়লে—"দেবকার্য্যে বিসর্জন দিব
এ জীবন—র'ব সদা সংসারে বিরত ।"
আত্মত্যাগী মহাজন, স্বার্থ পরিহারি
রাখিলে পিতার মান । পদানত জন্মে
দেহ শক্তি মহেশ্বাস, প্রতিজ্ঞা-পালনে ;
কি কারণ পুন মোরে দিতে চাহ রাজ-
কার্য্য-ভার ? কর নাই উদ্বাহ-স্বীকার,
রাঠোর-নন্দিনী সমে জনক-বচনে
কর্তব্যের অহুরোধে, যবে প্রভু তুমি
নারিকেল করিলে বর্জন, পিতৃ-রোষ
ল'য়ে শিরে পরে । ঘোর সংসার-কঙ্কল
সন্ন্যাসীর নিষেধ, শোন হে মহাজন !
ধর্ম্মপথে অগ্রসর, সদাশয় পিতা
করিলেন দায়-পরিগ্রহ, আমা দৌহা
হেতু ; দেহ' আত্মা, করি প্রতিজ্ঞা পালন,
বীর তুমি, বীর-কার্য্য তব সুশোভন ।

পূর্ণ । হ্যা হ্যা, তোরা দু'জনেই খুব বাহাদুর—তোরা
দু'জনেই খুব বাহাদুর ! আমি আর জানি না, আমিই তো
নারিকেল এনেছিলেম । খুব নাম, খুব সুখ্যাতি, খুব আত্ম-
ত্যাগ, সে তো সুখ্যাতির পালা । এখন নিজার জালা সহিতে
পার, তবে না বাহাদুরী । তুমি সন্ন্যাসী—ছুরি মারলে কথা
না কও, তবে তো জানি । তা না হ'লে রাজকার্য্যের ভার
নিয়ে, ঘোড়া চ'ড়ে, সুখ্যাতি নিয়ে আমিও বেড়াতে পারি,
চেলি প'রে বাহাদুরী আমিও ক'রতে পারি ।

চণ্ড । আশীর্বাদ কর ভট্ট, কর্তব্য-পালনে

যেন কতু নাহি হই পরাশুখ ।

রঘু । যেন—

দেবকার্য্যে মতি গতি রহে চিরদিন ।

পূর্ণ । যেন'র কর্ম্ম নয়—যেন'র কর্ম্ম নয়, মন বাধা চাই—মন
বাধা চাই ।

[পূর্ণরামের প্রস্থান ।

শিখণ্ডী । বাতুল—বর্কর, চণ্ডে দেয় উপদেশ !

চণ্ড । ভট্টের মহিমা ভাই, না জান বিশেষ ।

হেরি তব ও চন্দ্রবদন, বিচলিত

মন, এ কেমন বিধাতার বিড়ম্বনা,—

সুকুমার রাজার কুমার উদাসীন,
সহায়-বিহীন ! সিংহাসন শোভা পায়
যার পদার্পণে, জম-মন ফুল-কর,
সুন্দর স্বভাব, কান্তি রতিপতি জিনি—
সন্ন্যাসী হেরিয়া তোরে এ বিজ্ঞ বনে—
কাদে প্রাণ ! রহ উচ্চায়, উচ্চবানে—
বারিষ না উচ্চ কার্য্য তব । পড়ে মনে
জননীৰ কোলে যবে শুইতে দুলাল,
রাজগৃহ করি আলো, হেন সহোদর
বিজ্ঞ-নিবাসী বৃত্তিহীন, তাই ভাই,
জননীৰ নানে সাধি করিতে গ্রহণ—
'কাবেরিয়া কৈলবারা' বৃত্তির কারণ ;—
জননীৰে স্মরি রাখ ভ্রাতার বচন ।
কুদ্র ছই জনপদ প্রদানি তোমায়,
মম দান ল'য়ে কর, কৃতার্থ আমায় ।

রঘু । সন্ন্যাসী—আকাশ-বৃত্তি ভোগী ; তব দান
মতিমান্ গ্রহণ আমার, মাতৃস্বর্গ
কামে, বৃত্তি-ভোগী হবে দীন-হীন জনে ।
রেখো নিজ দাসে মনে, দেবকার্য্যে যাই ।
সন্ন্যাসীর আশীর্বাদ লহ ধাত্রী-ভাই ।

চণ্ড । রাজকার্য্যে বিব্রত, কি জানি কবে হায়,
ও চন্দ্রবদন দেখা পাব পুনরায় ।

রঘু । দাস তব ; সদা ধ্যান করি শ্রীচরণ,
বারেক দর্শনে পুন জুড়াব নয়ন ।

[রঘুদেবজীর প্রস্থান ।

চণ্ড । প্রাণ কাঁদে ভাই, রঘুদেব—রঘুদেব,
স্বর্গকান্তি রঘুদেব ! চল কার্য্যে যাই ।

শিখতী । দ্বিতীয় প্রহর নিশা, এবে কার্য্য কিবা ?

চণ্ড । জান না কি, রাজদাস আমি নিশি-দিবা ।

[উভয়ের প্রস্থান

দ্বিতীয় পর্ভাক

বারান্দা

গুঞ্জমালা ও কুশলা ।

গুঞ্জ । রাজমাতা—রাজমাতা—রাজমাতা নাম,
রাজদণ্ড প্রকৃত চণ্ডের করে, সবে
অনুগত ; গৌরব-বিহীন সিংহাসনে
মুকুল স্থাপিত, যেন ক্রীড়ার পুস্তলী,—
রাণা নাম, উজ্জল মুকুট শিরে (আত্ম-
ত্যাগী চণ্ড !) শূন্য রাজদণ্ড, শূন্য রাণা-
খ্যাতি, (চণ্ড অতি ধীর মহাত্মা সূজন !)
দিয়াছেন বিমাতা নন্দনে ! কিবা আত্ম-
ত্যাগ—কিবা আত্মত্যাগ, বিরল ভূষনে !
রাজকার্য্য করেন সকলি রূপা করি,
কনিষ্ঠের কল্যাণ-সাধন হেতু ! আহা—
কি আদর্শ পুরুষ-প্রধান, মাতৃ গণ্য
রাজ্যনাথে, নাহি আত্মোন্নতি-অভিলাষ ।
রাজমাতা রহ চেড়ী সম, কর যদি
কোন কার্য্য অস্থঠান,—চণ্ডের এ মানা,
চণ্ডের ও মানা, কিবা প্রভুত্ব রাণীর ।
সোদর তাহার দেব অবতার, শাস্ত
রঘুদেব, সদা দেব-পূজা-রত, যেবা
যবে অভিমত, সেই ব্যয় প্রয়োজন,
রাজকোষ হ'তে হয় তখনি পূরণ ।
ধিক রাজ্যে, ধিক রাণা, ধিক ধিক মোরে,
নফরে প্রভুত্ব করে, প্রভু তার দাস !

কুশলা । সে কি রাজমাতা ? এ কি আচার তোমার
কেমনে ভুলিলে রাণি, পূর্ষ-বিবরণ ?
গয়াধামে ধর্ম্মরণে লাঞ্ছরাণা যবে
করিল গমন, চণ্ডে দিতে সিংহাসন
বাঞ্ছা ছিল তাঁর ; কেবা হ'তো প্রতিবাদী,
জ্যেষ্ঠপুত্র রাজ্য-অধিকারী চিরদিন ;
কে করিত নিবারণ মুকুট গ্রহণ
চণ্ডের, কেমনে বল মুকুল পাইত
রাজ্যভার ? উদার-স্বভাব মতিমান,

পিতারে প্রতিজ্ঞা হ'তে করিল উদ্ধার,
তোমার নন্দনে করি রাজ্য-সমর্পণ ।

শুভ । হীনমতি ধাত্রী, কি বুঝিবি সমাচার ।
আমিও ছিলাম অন্ধ চণ্ডের কৌশলে,
ক্রমে তার আচরণে খুলিল নয়ন ;
সন্দ যেবা ছিল, এবে ঘুচেছে সকল ;
রাজ্যে হেরি উচ্চ নীচ সবে মোর অরি ।

কুশলা । রাজমাতা, এ কি কথা শুনি তব মুখে ।
জান না—জান না রাণি, চণ্ডের মহিমা ;—
রাজভক্ত, পিতৃভক্ত, স্বদেশ-বংশল
চণ্ড সম কেহ কি জন্মেছে ত্রিসংসারে ?
শোন পূর্ব-বিবরণ, জনক তোমার
পাঠাইল নারিকেল রাজার সভায়—
ভট্ট হস্তে, তব শুভ বিবাহ-কারণ,
ছিল মন—চণ্ডে তোমা করিতে অর্পণ ।

শুভ । জানি সে কাহিনী, কেন কর গণ্ডগোল ?
আজ্ঞায় চণ্ডের ঘৃণা পিতৃ-বংশোপরে,
তাই নারিকেল নাহি করিল গ্রহণ
অহঙ্কারে ; মারবারপতি মম পিতা,
চণ্ডরাণা লাক্ষের নন্দন, নারিকেল
তাই নাহি করিল গ্রহণ ; জানি পূর্ব-
কথা, কেন মিছে তোলো আর ? সেই চণ্ড—
যার মম পিতা প্রতি হেন ব্যবহার—
মুকুলের কল্যাণ সে চাহিবে এখন !

কুশলা । অকারণ কেন রাণি, কহ কটু বাণী ?
ঘৃণা-দ্বेष-বর্জিত সৃজন মহামতি
চণ্ড, সে কি কভু করে মারব'-ঈশ্বর
অবহেলা ?

শুভ । সম্মার্জ্জনী সম নীচ মুখে
উচ্চ কথা ।

কুশলা । কেন রাণি, বৃথা দাও ব্যথা,—
জান না সে বিবরণ, দোষ' সে কারণ ।

শুভ । শুনি, শুনি স্খামুখি, শ্রীমুখে তোমার
সে কাহিনী ; কহ—কহ, কেন নারিকেল,
ভট্টে করি অপমান, নাহি নিল চণ্ড
মহামতি, রাণা লাক্ষে অবজ্ঞা করিয়ে ?

কুশলা । নারিকেল যবে ভট্ট আনিল সভায়,
কৌতুক করিয়া রাণা কহিলা ভট্টেরে,
“তব নারিকেল বুঝি নহে বৃদ্ধ হেতু—
শুভ শুভ যার তার নাহি অধিকার ?”
সভাসদ্ হাসিল সে রহস্ত শুনিয়া,
এ রহস্ত-কথা ক্রমে শুনি চণ্ডদেব
মনে মনে বিচার করিল, পিতা যেই
কথা ল'য়ে রহস্ত করিল, কি প্রকারে
সেই কথা পুত্র হ'য়ে করিব গ্রহণ ।
প্রকাশিল অসম্মতি সেই সে কারণ ।

শুভ । আহা, কিবা ধর্মজ্ঞান—পিতৃ-বাক্য হেলা ।
হীন-বুদ্ধি লাক্ষরাণা জগতে প্রচার,
পাপকার্যে বার বার কৈল অহুরোধ,
স্ববোধ তনয় কেন শুনিবে বচন ।
ধাত্রী তুমি, কি বুঝিবে প্রকৃতি উহার,
চির-অহঙ্কার করে রাণাবংশ বলি,
হীন বংশে করিবে বিবাহ, তাই—তাই
না করিল কর্ণপাত নৃপতি-কথায় !

কুশলা । হেন মিথ্যা সমাচার কে দিমেছে রাণি ?
নাহি জান তুমি, নহে—নহে অহঙ্কার,
জননা ভাবিয়া তোমা কৈল নমস্কার ।
করিলেন রাণা যেই বংশের সম্মান,
হেয় জ্ঞানে সম্বন্ধ করিল অবহেলা
কভু কি সম্ভব, সেই রাণার সম্মান
হেয় জ্ঞানে সম্বন্ধ করিল অবহেলা ।
হেন হীনমতি চণ্ড কেন ভাব রাণি ?

শুভ । জান যদি বিবরণ, কহ দেখি শুনি
চণ্ড প্রতি ভূপতি কি করিল ব্যাভার,—
আছে কি স্মরণ, কিবা নাহি তাহা মনে ?
দেখ, যদি স্মৃতিপথে উঠে সেই কথা,
পুত্রের ব্যাভারে রাজা পাইলেন ব্যথা,
নারিকেল করিলা গ্রহণ—আছে স্মৃতি ?
ক্রোধে চণ্ডে লক্ষ্য করি কহিল ভূপতি,
“এ কণ্ঠার গর্ভে যেই জন্মিবে নন্দন,
বঞ্চিয়ে তোমারে তারে দিব সিংহাসন ।”
অশীতি বংশের বৃদ্ধ আছিল বাসনা

বাণপ্রস্থে করিবেন দেব-উপাসনা,—
করিতে হইল গৃহধর্ম-আচরণ ।

হেন কোথা জন্মে কার সুবোধ নন্দন
পিতৃধর্ম-পথে কাঁটা ! ষাদশ বৎসর
বয়ঃক্রম সেইকালে মম, ছিল ভাগ্যে
পুত্র ফল, তাই কোলে পাইলুম মুকুলে ।
চণ্ডের আছিল মনে, এই বৃদ্ধকালে
হবে কি নন্দন,—হের বিধি বিড়ম্বনা,—
পূরিল না পিতৃভক্ত চণ্ডের বাসনা ।
রাজার প্রতিজ্ঞা জানে সভাস্থ সকলে,
অর্পিবেন মুকুট মুকুলে, কি বিভ্রাট,—
সিংহাসন-অধিকারী বিমাতার স্ত ।

কুশলা । প্রতিজ্ঞায় বন্ধ রাণা নাহি ছিল কভু,
ধাকিলে প্রতিজ্ঞাবন্ধ, গয়াযাত্রাকালে
কি হেতু করিল রাণা চণ্ডেরে জিজ্ঞাসা
“কি সম্পত্তি মুকুলে করিব সমর্পণ ?”
দেখ রাণি, ধার্মিক-নন্দন পূর্বকথা
করিয়া স্বরণ, বসাইলা সিংহাসনে
মুকুলে তোমার, পিতৃবাক্য রক্ষা হেতু ।
স্বয়ং নৃপতি, যত সভাসদু আর,
ভূয়সী প্রশংসা দানে কৈল পুরস্কার ।

শুভ । তোরই মুখে ব্যক্ত যত চণ্ডের কৌশল ।
করেছিল, ছল রাণা বুঝিতে চণ্ডের
মন, নহে চিতোর-ঈশ্বর মিথ্যাবাদী ।
ছিল তাঁর প্রতিজ্ঞা স্বরণ, চণ্ড কিবা
বলে, সিংহাসনে তার লালসা কেমন,
চণ্ড সনে পরামর্শ সেই সে কারণ ।
বুঝিবারে মন ধাত্রি, বুঝিবারে মন,—
আপন প্রতিজ্ঞা তার আছিল স্বরণ ।
কৌশল-আকর চণ্ড বুঝিয়া আভাস,
প্রকাশিল আত্মত্যাগ মহিমা আপন—
ভালমতে জানে লাক্ষভূপে, অসম্মতে
অনর্থ ঘটাবে, নিজ প্রতিজ্ঞা পালিবে,
দুরীকৃত হবে চণ্ড, অধিকার যাবে ।
ভাবিল কৌশলী, এই বালক মুকুল,
নাম মাত্র রাজ্য তারে করিয়া অর্পণ,

চিতোরে হইব আমি প্রকৃত ভূপাল ।
পূরিয়াছে সকল বাসনা, রাজ্য তার—
প্রকৃত সে অধিকারী, মুকুল পুত্রলী !
দেখি আর কয় দিন রহে যদি প্রাণ,
পুত্র লয়ে পিতৃরাজ্যে করিব প্রয়াণ,
সহে না যজ্ঞা আর পর-অধীনতা !

কুশলা । শোন শোন, হিব বাণী কহি রাজমাতা,
মুকুলে ধরেছ গর্ভে, পালিয়াছি আমি,
ধ্যানে জ্ঞানে করি তার কল্যাণ-কামনা ;
বিহঙ্গিনী করে যথা শাবকে রক্ষণ,
সেইমত অরক্ষণ রাখি মুকুলেরে ;
কেবা বন্ধু কেবা তার অরি, জানি ভাল ;
চণ্ড তার পরম স্ত্রহদ, দিবানিশি
হিত চিন্তে, চিন্তে সদা গৌরব উন্নতি ;
তার সনে বিসম্বাদ নহে তো যুক্তি ।

শুভ । যা—যা, ডাকি নাই তোরে পরামর্শ তরে ;
হিত চিন্তে—হিত চিন্তে, ফিরায় ইঙ্গিতে !
আমি ক্রীতদাসী,—তিনি রাজ্য-অধিকারী,
রাণী হ'য়ে এ যজ্ঞা সহিতে না পারি ।

কুশলা । বুঝিয়াছি বাসনা তোমার, ইচ্ছা তব
চিতোরে করিবে রাজ্য মারবার বাসী ;—
পিতা ভ্রাতা আনিবে চিতোরে, বসাইবে
সিংহাসন 'পরে, কর মনোমত কার্য,
কে তোমারে বারে ! হিতকথা শুনে যেই—
হিত কহি তারে ; রাজ্যে অনর্থ ঘটাবে,
শুনে যদি এ সকল, চণ্ড যাবে চলে—
ভাসিতে হইবে শেষ নয়নের জলে !

শুভ । অগোচর নহে মোর তোর অভিপ্রায় ;
চণ্ড সনে ছায়াসম তোমার কুমার
ফিরে নিশি দিন, যদি চণ্ড রাজা হয়,
রাজমন্ত্রী-পদ পাবে তোমার তনয়,
সে কারণে করিসু রে চণ্ডের গরিমা ।
কি আস্পাঙ্কা, বাদী হয়ে হেন কাজ তোর !

কুশলা । বাদী সত্য, সত্য কথা কহিতে না ডরি—
রাজপুত্র-স্বতা আমি, কেন মিথ্যা কব ?
দণ্ড দেহ রাজমাতা, অকাতরে সব ।

মাধুপুত্র, সন্ধ্যা মেঘা করে মাধুসনে,

বিপরীত হের তুমি বিবেক-নমনে !

গুণ । হুদিন পাইলে দণ্ড দিব সমুচিত ।

কুশলা । রাজমাতা, চিরদিন ধাত্রী কহে হিত ।

[ধাত্রীর প্রস্থান ।

(মুকুলজীর প্রবেশ)

মুকুল । মা মা, দাদাজী কেমন আমার জন্তে ঘোড়া কিনে এনেছে দেখেছ ?

গুণ । তোর শক্র ! তোর শক্র ! জোর দাদা নয় —
তোর দাদা নয়, বুঝেছিল অভাগা, বুঝেছিল ?

মুকুল । না মা, না মা, আমার দাদাজী ! আমার দাদাজী !

গুণ । ছি ! ছি ! ছি ! কি অদৃষ্ট ! আপনার সম্মান
পর ! আহা—বাছা বালক, কি বুঝবে ! আহা বাছা রে,
তোকে নিয়ে আমি কোথায় যাব, এ শত্রুরের হাত কেমন
ক'রে এড়াব !

মুকুল । হ্যাঁ মা, শক্র ? দাদাজী বলে, শত্রুরের সঙ্গে যুদ্ধ
করতে হয় । তবে কি আমি দাদাজীর সঙ্গে যুদ্ধ ক'রবো ?
দাদাজী আমায় ভাল ভালোয়ার এনে দিয়েছে, আমি খেলতে
শিখেছি ; আমি চল্লম, আমি যুদ্ধ ক'রবো ।

[মুকুলজীর প্রস্থান ।

গুণ । আরে অভাগা সম্মান, কোথায় যাস—কোথায়
যাস ?

(বিজরীর প্রবেশ)

বিজরী । ধাত্রী সনে—হীনজন—কিবা পরামর্শ

তব রাজমাতা ? পরাধীনা কেন আর

রহ ? বাধ বুক, দেহ পরিচয় তুমি

রাঠোর-ঝিয়ারী নহ সামান্য রমণী,

কেবা জীয়ে পদতলে দলিয়ে ফণিণী !

এই দণ্ডে—এই দণ্ডে বিলম্ব কি কাজ ?

অশ্রুধা ক'রোনা কথা । সরলা কামিনী,

ছিলে এত দিন ছলে ভুলে, এবে রাণি,

প্রত্যক্ষ দেখিলে সত্য কিবা মিথ্যা মম

বাণী ; হও প্রস্তুত সশর ক্ষত্র-সূতা ।

বুঝেছ কি—বুঝেছ কি ধাত্রীর ব্যাভার,

অনুগত সেবক চণ্ডের, পুত্র তাঁর !

গুণ । যেই দিন পরাধীন করেছি চিত্তে,

চিনিয়াছি কে কেমন ঘোড়ামিনে ।

শুন লো সক্রমি, আমি পরাধীনা নারী,

কি উপায় করি, চণ্ড বলবান্ অরি,

হ'লে তার বিরুদ্ধ-আচারী, প্রাণসপি,

ডরি পাছে মুকুলের বধে সে জীবন,

নিবারণ কেমনে করিব ? বৈরিপুরী

বিপক্ষ সকলে । তবে কেমনে বল না

অরি মাঝে কি করিব অবলা ললনা ?

মনোসাধ মিলায়েছে মনে । যেই দিন

মুকুল বসিল সিংহাসনে, ভেবেছিল

রাজ্যভার করিব গ্রহণ, পিতা-স্বাতা

আনিব চিত্তে, মনস্থখে যাবে দিন,

উল্লাসে উৎসবে রব, প্রজ্ঞান শাসিব

ইচ্ছামত কার্য হবে ইচ্ছায় আমার ।

হের সব বিপরীত ! পরাধীনা, হীনা,

কি করিব, হায় হায়, বিধি-বিড়ম্বনা ;

অবলা—কি বুঝিব লো খলের ছলনা ।

খুলেছে নয়ন, কিন্তু আশা পরিহারি,

কোন মতে হরি কাল ভগবান্ অরি ;

ভয়ে নাহি কহি কথা দুঃস্থানে ডরি ।

বিজরী । কেন ডর, কিবা ডর ? শোন রাজমাতা,

প্রকাশ্য বিরুদ্ধাচার করিতে নারিবে

লোকভয়ে । তবে কহে চণ্ড মহামতি,—

উদ্বৃত্ত প্রকৃতি তার জানাও সবায় ।

গুণ । প্রেরিয়াছি পত্র আমি পিতার সদনে,

লিখিয়াছি আসিতে ভ্রাতার, এত দিনে

সমাগত প্রায় যোধরাও । যেবা হয়

করিব ভ্রাতার আগমনে, নহে সখি,

অনর্থ ঘটাবে চণ্ড তিরস্কার শুনি ।

বিজরী । কালি যদি কৌশলে মুকুলে বধে প্রাণে,

কি করিবে যোধরাও আসি ? জান না কি

বোঝ না, কৌশলময় চণ্ড দুঃস্থতি ?

আনিয়াছে যোটক নূতন মুকুলের

তরে, বস্ত্র দুঃস্থ বাজী, পৃষ্ঠ আয়োজন

আকিঞ্চন মুকুল করিবে, পদতলে

দলি তারে তুম্বু বধিবে; কিবা যাবে
মুগ্ধায় কে কোথায় ছুটিবে কুরঙ্গ
অশেষে ;—বালকে বধিতে কিবা ভার ?
জেনেছি নিশ্চয় এই বড় যজ্ঞ হয় ।

গুণ । শূন্য দেখি, শোন প্রাণসখি, উপায় কি
করি ? দেখি চক্ষুপরে বুঝেছি সকলি
পলকে শিহরে প্রাণ ! কেঁদে কেঁদে মরি ।

বিজরী । সুযোগ কি হেতু ঠেল পায় ? আছে দিবা

উপায় এখন, যবে সভাসদগণ
ল'য়ে চণ্ড বসিবে সভায়, উপনীত
হ'য়ে তথা করিবে প্রকাশ, “রাজমাতা
আমি, নিজ হস্তে লব রাজ-কার্য-ভার ;
চণ্ডের শাসন নহে মম অভিমত ।”

শ্রাব্য কথা গ্রাহ করি ল'য়ে সব যত
সভাসদে, চণ্ড হবে বিষহীন অহি ।
গিছে ডরি সখি, রহ যদি সহি, কহি
শোন, জেন—জেন স্থির, অনর্থ ঘটিবে !

অকূলে নয়ন-জলে কেন লো ভাসিবে ?
সুযোগ থাকিতে কর উপায় বিধান ।
নাহি ভয় নাহি ভয়, সভাস্থ সকলে
সাপক্ষ হইবে তব জানিহ নিশ্চয় ;
নিশীড়িত সবে তার কঠিন শাসনে ।

গুণ । আসে চণ্ড, চল সখি, বসিয়া বিরলে
যুক্তি করি; যেন নাহি মজি শত্রুহলে ।

[উভয়ের প্রস্থান]

(শিখণ্ডী ও চণ্ডের প্রবেশ)

চণ্ড । ধাত্রী-পুত্র তুমি মম, সোদর সমান ;
মতিমান, জ্যাজি অভিমান, রাজ-মাতা
জননী আশার, যদি ক্রোধভরে ক'ন
মন্দ কথা, তাহে কিবা ব্যথা, মাতা ভাল
মন্দ কহে, পুত্র সহে, সহিতে উচিত ।
রমণী-স্বভাবে কবে কি কহিল রাণী,
অমঙ্গল ঘটিবে করিলে কর্ণপাত
তাহে । আজি অসন্তোষ জন্মেছে মাতার
মস্তে, কালি দস্তই হবেন আমা প্রতি,
নারীজাতি ক'ন কহে স্বভাব-প্রভাবে ।

শিখণ্ডী । না শুনিলে কেমনে বুঝিবে বিবরণ ।

সামান্য কারণে নাহি করি নিবেদন
তব পদে, প্রাণ কাঁদে রাণীর বচনে ।

চণ্ড । ভাল ভাল শুনিব পশ্চাৎ, অতি ক্লান্ত
এবে আমি, রাজদাস—বিরামের নাহি
অবকাশ, তিরস্কার—পুরস্কার সম
মম ভাই, রাজকার্য করিব সাধন
সাধ্যমত, ভাল মন্দ কথায় না ডরি ।

(মুকুলজীর প্রবেশ)

মহারাণা ! কি কারণ হেথা আগমন ?

নিরুপিত এ সময়ে বিছা উপার্জন ।

মুকুল । দাদাজি, তোমার সঙ্গে আমি যুদ্ধ ক'রবো ।

চণ্ড । কেন মহারাণা ? আমি রাজদাস, আমার
সঙ্গে যুদ্ধ কেন ?

মুকুল । কেন দাদাজি, তুমি যে বল, শত্রুর সঙ্গে যুদ্ধ
ক'রতে হয় ।

চণ্ড । আমি তো শত্রু নই, আমি রাজ-অমাত্য—আমি
রাজবন্ধু—আমি মহারাণার শত্রুর শত্রু ।

মুকুল । কেন দাদাজি, তুমি যে বল, মা যা বলে, তা
শুনতে হয়, মা যে বলেন, তুমি শত্রু ।

চণ্ড । ভাই শিখণ্ডি, তুমি রাজ-অমাত্য সকলকে আহ্বান
ক'রে সভায় নিয়ে এস, ব'লো বিশেষ কার্য ! মহারাণা, মা
কি বলেন আমি শত্রু ?

[শিখণ্ডীর প্রস্থান ।

মুকুল । দাদাজি, তুমি ঘোড়া কিনে এনেছ, আমি চ'ড়লে
ফেলে দেবে । বলে, আমি ম'রে যাব, আর তুমি রাণা হবে ।

চণ্ড । এও কি মা ব'লেছেন ?

মুকুল । দাদাজি, তুমি শত্রু হ'ও না, আমি যুদ্ধ ক'রতে
ভয় পাই নি । দাদাজি, তুমি শত্রু হ'লে আমি কার সঙ্গে
বেড়াব ? দাদাজি, তুমি শত্রু হ'ও না, তুমি মাকে ব'লবে
এস, তুমি শত্রু নও ।

চণ্ড । মহারাণা, এখনি সভায় যেতে হবে, রাজবেশ
পরিধান ক'রে বার দিতে হবে ।

মুকুল । আমি যাচ্ছি, রাজবেশে সভায় আসছি । দাদাজি,
তুমি মাকে ব'লবে চল, তুমি শত্রু নও ।

চণ্ড। আমি সেইজন্যই সভায় যাচ্ছি।

মুকুল। দাদাজি, তুমি শত্রু নও—শত্রু নও ?

চণ্ড। না।

মুকুল। দাদাজি, তুমি সভায় যাও, আমি এখনি যাব, মাকে নিয়ে যাব। দাদাজি, তুমি সকলের সামনে মাকে ব'লো, তুমি শত্রু নও। দাদাজি, আমি পরিচ্ছদ প'রে আসি।

[মুকুলজীর প্রস্থান।

চণ্ড। অন্তরের গুঢ় স্থল কর অন্বেষণ

মন। পশি অভ্যন্তরে গুহতম স্তরে
হের কোথা স্বার্থ লুকায়িত। উচ্চ আশ,

উন্নতি প্রয়াস, আছে কি গোপনে ধরি

স্বদেশ-বৎসল ভাব ? আধিপত্য-লিপ্সা,

কিন্মা চিতোরের হিতে চালিত অন্তর ?

সত্য-তত্ত্ব কর নিরূপণ। দেখ মন,

স্বার্থ-শূন্য নহে কি অন্তর ? কহ তব

আছে কি সন্দেহ তার ? প্রকাশ সত্ত্বর।

পাপ-ইচ্ছা লুকায়িত রাহে ধর্ম-ভাণে,

ভুলায় মানবে, পুষ্ট হয় হৃদি মাঝে,

শেষে করে আপন প্রকাশ, কৃতদাস

হেরে যবে মন। পশি স্তরে স্তরে বন্ধ-

মূল বসে সে অন্তরে, নারে হীনবল

নরে, তারে করিতে উচ্ছেদ, প্রিয় হয়

প্রাণের স্তসার সম। সে দশা কি মম ?

আধিপত্য-লালসায় বহি রাজ্যভার ?

নহে কেন জননী বিরূপা, নহে কেন

লোক-নিন্দা ডরি ? বড় সাধ করেছিলে

মন, বড় আশে রাজকার্য্যে প্রাণপণ

তব, ভাব নিশিদিন কেমনে মুকুলে

শিখাইবে মহাকার্য্য প্রজার পালন ;—

বাঞ্ছারাও-মুকুটের গৌরব রাখিতে

সদা যত্ন ; সেই সিংহাসন-যোগ্য হবে

নব রাণা নিয়ত বাসনা, এ কি ছল,

প্রতারণা করেছে কি হৃদি অধিকার ?

নির্ণয় করিতে নারি,—পেয়েছি আঘাত

আচম্বিতে, বিচঞ্চল মতি নহে স্থির।

ধৈর্য্যের বন্ধন বাঁধ ধৈর্য্যের বন্ধন,

হীনজন সম কেন হও বিচলিত ?

থাক যদি ধর্মপথে কি হেতু ব্যথিত ?

[চণ্ডের প্রস্থান।

(পূর্ণরাম ও বিজরীর প্রবেশ)

বিজরী। বলি বুড়ো দাদা, কি মনে ক'রে ?

পূর্ণ। তোমার তরে, দেখতে তোমায় নয়ন ভ'রে ;
বেঁধেছো রূপের ডোরে, থাকতে আর পারি ঘরে ? তাই
তোমার তরে ঘুরে ফিরে, চোনা খেয়ে ঘরে পরে, ছজুরে
দাঁড়িয়েছি করে করে—বলি দেখি, রূপসী রূপা করে
না করে।

বিজরী। ইস, আজ রস যে ধরে না, মারবার থেকে
আমুছো নাকি ?

পূর্ণ। জনার না চিবুলে মুখে এত রস হয় কি বিধুমুখি ?
ভাব্লেম রসিক হয়েছি, রসনাগরীর কাছে যাই, মারবার
থেকে এলেম তাই।

বিজরী। মহারাজকে আমার পত্র দিয়েছিলে ?

পূর্ণ। তাটের হাতে পত্র পেয়ে আহ্লাদে আটখানা—
রাজা আহ্লাদে আটখানা ! আর মন মানে না মানা,
তোমার কথাই তোলাপাড়া, তোমার কথাই শোনা, শুন্ছি খুব
চাল চালো, আট ঘাট বাঁধছো ভালো, দেখিস লো দেখিস—
শেষ কালে না পস্তাও, মুখে তুলতে গিয়ে না বিষম খাও, কোন্
পথে যাও, ভাল ক'রে ঠাউরে নাও।

বিজরী। আমি আবার কি আট ঘাট বাঁধছি বল। বুড়োর
কথা শোন !

পূর্ণ। রাজ-মহলে থাক, রাজা-রাজড়াকে পত্র লেখ,
মন্ত্র দাও রাজরাণীর কাণে, শেষে প্রাণ না বেরোর হেঁচকা
টানে ; সাপের রোঝা সাপে ছুবলে মারে, ভুতের বোঝা
ভুতে ধরে ;—খেলে যে নিয়ে যারে, কেমন বিধাতার কল—সে
পেয়ে বসে তারে। দেখ সাবধান, বুড়োর কথায় পেত কাণ,
যার বিশ ত্রিশটা প্রাণ, সেই রাজা-রাজড়াকে চিঠি লেখে,
পিরীত কতদূর টেকে, একটু বুঝে সাজে দেখ।

বিজরী। আ মর বুড়ো, আমি রাজাকে পিরীতের পত্র
লিখেছি নাকি ?

পূর্ণ। এই পিরীতেই পিরীত বাঁধে—এই পিরীতেই
পড়ে ফাদে—এই পিরীতেই আগে হাসে, শেষে কাঁদে।

বিজয়ী। আ মব্ব বুড়ো, কি ব'ল্ছি ?

পূর্ণ। যা ব'ল্ছি—বুঝলে এখনি বুঝতে পার, ফিবলে এখনি ফিরতে পার, আর বুড়োর কথা ধার না ধার, যা ইচ্ছে তাই কর।

বিজয়ী। বুড়ো দাদা, একটা কাজ পার, কিন্তু গোপনে ?

পূর্ণ। পারবো না কেন ? আমরা বর যোটাই, তোমার মত রস-নাগরীর গোপনের কাজই তো চাই।

বিজয়ী। না না, সে সব কাজ নয়, জান তো আমি

পূর্ণ। কুমারী নিয়েই তো কাজ, নইলে ভাটের কাজ কি সাতভাতারী নিয়ে ?

বিজয়ী। বুড়ো দাদার কেবলই তামাসা ! আমার বড় দয়া হয়েছে, দেখ দেখি, চণ্ডের আচরণ দেখ দেখি, আপনার মার পেটের ভাই, তাকে বনে দিয়েছে। তুমি এই পত্রখানি যদি রঘুদেবকে দাও—চুপি চুপি, কেউ যেন টের না পায়—আর তারে ব'লো, তোমায় পত্র লিখেছে, সে তোমার ভাল ক'রবে।

পূর্ণ। আচ্ছা দাও—যা বোল্ছো ব'ল্বো, কিন্তু ঘুরিয়ে নাক দেখাচ্ছ, আর তোমায় মানা ক'রবো না, এখানে স্ত্রীলোক মানা শুনে না।

বিজয়ী। বুড়ো দাদা, তুমি কি ব'ল্ছো ? আবার খেপেছ নাকি ?

পূর্ণ। খেপেই আছি, যত দেখ্ছি, ততই খেপ্ছি ; খ্যাপার হাতে কে ভাল থাকে বল ? কই, পত্র দাও।

বিজয়ী। এই নাও—দেখ'—চুপি চুপি দিও।

পূর্ণ। আমি চুপি চুপি দেব, কিন্তু তুমি আপনিই ঢাক বাজাবে। লোকে গোল করে না, যারা পিরীত করে, তারা সামলাতে গিয়ে আপনা আপনি মরে।

বিজয়ী। তুমি একশোবারই পিরীত পিরীত কি ক'রছো ? পিরীত-পেরেত আমায় পায় নি, তোমার ভয় নাই।

পূর্ণ। ভ্রমর পদে মধু খায়, আর কাটঠোকরা কাঠে ঠোকরায়—যার যে সখ ! যার যে সখ !

[পূর্ণরামের প্রস্থান।

বিজয়ী। এ বুড়ো মড়া সব টের পেয়েছে না কি ? না, ও অমনি মরে। আমি মনের আগুন মনে চেপে রেখেছি, রঘুদেবকে দেখা অবধি আমি জ্যান্তে মরা হ'য়ে রয়েছি। ওই চণ্ডা—চণ্ডা আমার কাল ! চণ্ডা যদি দূর হয়, রাণীকে যে

দিকে ফেরাব, সেই দিকে ফিববে ; আমারই রাজ্য হবে, আমারই রাজ্য হবে ; রঘুদেবকে বলে পারি, ছলে পারি, যেমন ক'রে পারি নেবো। কি নীরস, কি নীরস—একবার স্ত্রীলোকের পানে ফিরে চায় না। যাই, রাণীর কাছে ভাল ক'রে ফোসলাই, ভয়ে না পেছোয়। চণ্ডাকে দূর ক'রতেই হবে, কি কুক্ষণেই চিত্তোরে এসেছিলেম, রঘুদেবকে দেখে সকল স্মৃথে বঞ্চিত হলেম ! যদি না পাই, কুমারী আছি, কুমারীই থাকবো। কি অদৃষ্টের ফের, যৌবনটাই বুড়ো-রাজার সখী হ'য়ে কেটে গেল।

[প্রস্থান।

তৃতীয়

রাজসভা

সভাসদগণ অসীন।

১ম সভা। মহাশয়, অকস্মাৎ এ সভা-সম্মিলন কি জন্ম ব'লতে পারেন ? কোন' শত্রুর সংবাদ এসেছে না কি ?

২য় সভা। আমি তো কিছুই অবগত নই, এই যে রাণাকে নিয়ে মহামতি চণ্ড আসছেন। এ কি ! অস্তঃপুর পরিত্যাগ ক'রে রাজমাতাও উপস্থিত !

১ম সভা। কোন গুরুতর কার্য, সন্দেহ নাই।

(চণ্ড, মুকুলজী ও গুঞ্জমালার প্রবেশ)

চণ্ড। মহারাণা, নিবেদন—শোন সভাসদ সবে, যে কারণ সভা সংযোজন ; শুনি লোকমুখে বাণী,—মহারাণী অসম্বষ্ট মম প্রতি, রাজকার্য করি—নহে তাঁর অভিমত ; সন্দিগ্ধ মাতার মন মম আচরণে ;—অরি আমি জন্মেছে প্রতীতি ; আপন উন্নতি হেতু বহি রাজ্যভার, রাজ্য-লিপ্সা হৃদয়ে আমার,—স্বার্থ মাত্র অভিপ্রায়, স্বার্থের আশায় সদা ফিরি। মনোগত জননী, প্রজার পালন করেন গ্রহণ নিজ করে, এ নকরে দিবেন বিদায়। দাস অবকাশ চায় ; সভামাঝে রাজ্যভার জননী পায়

করি সমর্পণ। আকিঞ্চন - হস্তমুখে
মা আমার করুন বিদায়। মাতৃপদে
দাসের নিমতি, যদি অপরাধী হ'য়ে
থাকি শ্রীচরণে, নিজগুণে মহারাণী
করুন মার্জনা,—করি মেলানি কামনা।

গুণ। কুমার আমার, ভাল মন্দ তার মম
ভার, ইথে কেন নানা কথা ওঠে—কেন
মার্জনা মেলানি, নানা কথা শুনি—কেন
সভা-সংযোজন? ইচ্ছা হয় রাজ্যভার
কর সমর্পণ, নহে যাই পিত্রালয়ে
মুকুলে লইয়ে, দ্বন্দ্ব নাহি করি—দ্বন্দ্ব
ডরি; সদা ভয় মম, সহায়-বিহীনা
নারী, ইচ্ছা থাকে কর রাজ্য, কিবা ভায়
বাধা? তুমি বলবান্, সৈন্তগণে তোমা
মানে, রাজ্যে সবে গণে রাজকোষ তব
করে, প্রজাগণে বশ—গায় তব বশ,
তব অভিপ্রায়মত রাজকার্য হবে;—
কি বলে অবলা তাহে কিবা হবে যাবে!

চণ্ড। মাতা, নমস্কার—লহ রাজ্যভার, রাজ-
কার্যে নাহি সাধ আর, ছিল বহু আশা—
দিছি জলাঞ্জলি, কয়যোড়ে শ্রীচরণ
ধরি নিবেদন করি, চিতোর-আসন—
বাপ্পারাও-সিংহাসন বিখ্যাত ভুবনে,
উচ্চ কুলে মুকুল উদ্ভব, সে গৌরব
যেন নাহি হয় তিরোহিত,—অতি উচ্চ
শিশোদীয়বংশ যেন ধ্বংস নাহি হয়।

গুণ। রাজ্য কর, কে বারে তোমারে, চ'লে যাই
পুত্র ল'য়ে; আমি ক্ষুদ্র রণমল্ল-সুতা—
শিশোদীয়-বংশের মমতা নাহি মম!
তুমি কুলধ্বজ, তুমি কুলের শেখর,
গৌরব উজ্জ্বল কর বসি সিংহাসনে,—
নাহি আর লাক্ষরাণা, কি ভয় তোমার?

চণ্ড। থাকিলে সে সাধ মনে বল গো জননি,
কে করিত প্রতিরোধ? কে তোমারে আজি
সম্বোধিত রাজমাতা বলি? সভাসদ
সবে জানে, জিজ্ঞাস আপনি, মহারাণা

কুমার কি করে অর্পিলেন রাজ্য
যবে কেবা কোলে কুলে মুকুলে বসালে
এ আসনে? কে দিলে কিরীট তার শিরে?
অর পূর্বকথা! অকারণ কেন গঞ্জ
মাতা? বিনা দোষে কেন বৃথা কটুবাণী?
লহ রাজ্যভার, মা গো, খেদ নাহি তায়,
কাঁপে কান্ন ভবিষ্যৎ ভাবি, আছে কিবা
বিধাতার মনে কেবা জানে! সযতনে
পাল মা নন্দনে; রেখো বংশের সম্মান
উপযুক্ত উপদেশ ক'রো মা প্রদান,
সুশাসনে পুত্র সম পালিহ প্রজায়,—
রাজ্যে যেন সবে গায় বশ, যেন সবে
রহে বশ রাজভক্তি হৃদয়ে ধরিয়ে,
অতুল গৌরব যেন নাহি হয় ক্ষয়,
শতমুখে গায় যেন মুকুলের জয়।

গুণ। উপদেশ শুনিবার নাহিক বাসনা,
যেবা ইচ্ছা কর বৎস! নাহি মম মানা।

চণ্ড। ধৈর্য্য ধর রাজরাণি, যাইব এখনি।
এই মাত্র খেদ মনে শুন গো জননি,
ছেড়ে যাই পিতৃ-পিতামহ-রাজধানী
জনমের মত। শোন মহারাণা, আজি
বিদায়-সময়, তাই ডাকি ভাই ব'লে,—
দাদা ব'লে এস ভাই কোলে, দেহ মোরে
আলিঙ্গন জন্মের মতন, চন্দ্র-মুখ
করি দরশন, ল'য়ে মস্তক আত্মাণ
চলে যাই যথা পথ দেখাইবে আঁখি;
তুমি প্রাণাধিক কি অধিক কব আর—
দেখো—দেখো, রেখ' রাণা-বংশের সম্মান।

মুকুল। দাদাজি—দাদাজি, তুমি কোথায় যাবে? আমি
যেতে দেব' না।

চণ্ড। ছেড়ে তোরে যেতে কি রে চাহে মম প্রাণ
জীবন সর্বস্ব তুমি হৃদয়ের ধন!
কি করিব, দৈব-বিড়ম্বনা—তাই সহি
দারুণ যন্ত্রণা, কেবা বুঝিবে বেদনা
মম? রাখি তরবারি জননীর পায়,
কৃতাজলিপুটে দাস মাগে গো বিদায়।

[প্রস্থান।

মুকুল দাদাজি,—দাদাজি, তুমি কোথায় যাও? দাদাজি
যেও না।

[মুকুলজীর প্রশ্ন।

১ম সভা অচ্চ এ কি চমৎকার? এ কি?

২য় সভা আচ্চ! !

[সভাসদগণের প্রশ্ন।

(বিজরীর প্রবেশ)

বিজরী। নাও তলোয়ার নাও—দাঁড়িয়ে কি দেখছ? যতক্ষণ বিদায় না হয়, নিশ্চিন্ত থেকে না। ও ভারি মায়াবী, তুমি জান না—চল, আগে রাজকোষ হাতে নাও।

[উভয়ের প্রশ্ন।

দ্বিতীয় অঙ্ক

প্রথম গর্ভাঙ্ক

রাজ-তোরণ-সম্মুখ

প্রজাগণ ও পূর্ণরাম।

১ম প্রজা। কি কৃতঙ্গ! কি কৃতঙ্গ! রাজা চণ্ডের প্রতি এই ব্যবহার!

২য় প্রজা। ওহে বোঝনা, এক মুখে শুনতে ভাল। ভিতরে ভিতরে কি হয়েছে—কে জানে?

৩য় প্রজা। কি, তুমি এমন কথা বল? স্বদেশ-বৎসল, দরিদ্রের পিতা, দুষ্টির দমন, শ্রায়বান্, দয়াবান্, আত্মত্যাগী মহাপুরুষ!

২য় প্রজা। কি জানি ভাই, রাজপুরের কথা।

পূর্ণ। মুখ দে বেরোয় হাওয়া, শূন্যে চলে হাওয়া, উত্তরে বয় হাওয়া, আবার দক্ষিণে বয় হাওয়া, কখন ঘোরে কখন ফিরে—এ হাওয়ার ওপরে যে নির্ভর করে, তার চোদ-পুরুষ আটকুড়ো। এই নামের ডাকে গগন কাটে, আবার

সে পায়ে হাঁটে, কখন হাতীতে যায়, কখন লোকে গায়ে ধূল' দেয়; এল অদৃষ্টের উপাসনা করে? এই অদৃষ্ট—অদৃষ্ট করে মরে! আমি বুড়ো ভাট ঠ্যাটা, অদৃষ্টের অদৃষ্টে মারি পাঁচ কাঁটা। বালির ওপর বাস, নারীর মুখের হাস, নদীর ধারে চাষ আর সু-অদৃষ্টের আশ—এর উপর যার বিশ্বাস, তার মাত পুরুষ কাটে ঘাস।

১ম প্রজা। কি ভাট ম'শায়—কি ভাট ম'শায়, কাকে ঘাস কাটাচ্ছেন?

পূর্ণ। আপনিই ঘাস কাটছি।

২য় প্রজা। কেন ভাট ম'শায়, ঘাস কি হবে?

পূর্ণ। বিধাতাপুরুষের ঘোড়া খাবে।

২য় প্রজা। আর বিধাতাপুরুষকে কি দেবেন?

পূর্ণ। তার পেট ভরা আছে, অনেক গাল খেয়েছে, অনেক গাল খাচ্ছে; তবে যদি আমার হেঁয়ে কিছু খেতে চায়, তা হলে বলি,—বাবা কপালের লেখাটুকু চেটে খাও, তোমার ভাল মন্দ তুমি নাও, এখন বুড়ো হ'য়েছি, ছুটি দাও।

৩য় প্রজা। তবে তার ঘোড়ার জন্মে ঘাস কাটছেন কেন?

পূর্ণ। লোকের মুখে দেব' কি?

৩য় প্রজা। ঘোড়ার ঘাস কাটছেন, তা লোকের মুখে দেবেন কেন?

পূর্ণ। বিধাতাপুরুষ কি আর টাটু ঘোড়া চড়ে? লোকের জিবে জিবে ফেরে, লোকই তো সব করে। কখনও কেউ ভাগ্যবান্ হয়, কখনও কেউ আবার অধঃপাতে যায়—কখন কেউ মহৎ, কখনও কেউ অসৎ! লোকের জিবেই সব ফারখতাখতি হ'চ্ছে।

২য় প্রজা। আচ্ছা ম'শাই, এই রাজবাড়ীর কথাটা কি বলতে পারেন?

পূর্ণ। তুমি কি ভাবছো—পরের জন্মই ঘাস কাটছি? আগে আপনার মুখে এক হুড়ো দিয়েছি; অনেক বয়স হয়েছে, অনেক দেখেছি, এখন কথায় আর হাওয়ায় আমার বিশ্বাস নাই, যে বিশ্বাস করে, সে তোমাদের মত রাস্তার ধারে ঘুরে বেড়ায়।

২য় প্রজা। আপনিও তো রাস্তার ধারে ঘুরছেন?

পূর্ণ। বেশ ব'লেছো ভাই, রোগ এখন সারে নাই—তা নইলে ঘোড়ার ঘাস কাটি?

(চণ্ড ও শিখণ্ডীর প্রবেশ)

শিখণ্ডী । এ কি মহাশয়, হেন অত্যাচার কার

প্রাণে ময় ? কি নির্দয় ! হেন কৃতঘ্নতা
আছে কি ধরায় আর ! জীবন-যাপন—
প্রাণপণ শিশোদীয় উন্নতি-সাধনে,
ধ্যানে জ্ঞানে শয়নে স্বপনে রাণা-হিত
বিনা নাহি তব, সৌরভ গৌরব, হৃদি-
আশ—আত্মবিসর্জন করি, প্রতিফল
এই কি ফলিল ? এই তার পরিণাম ?
বিধি বাম, তব নির্বাসন ! কেন আর
রাখি এ জীবন ? দেহ-ভার অকারণ
বহি, কত সহি, কত সহে প্রাণে ? এ কি
কি দুর্জয় প্রকৃতি-বিকার, কৃতঘ্নতা-
পূর্ণ এ সংসার, করে নরক বিহার
ধরামাঝে ! ধিক্ ধিক্ ! দুষ্টির দমন,
শিষ্টের পালন তুমি মতিমান, কর
দুর্জনে দমন, রাখ কুলমান, কেন
অকূলে শিশোদী-কূলে দেহ বিসর্জন ?
তব সূশাসনে, প্রজাগণে দুঃখ নাহি
জানে,—নির্বাসনে হবে রাজ্য অত্যাচার-
ময় ; মহা ভয় বিরাজিবে ঘরে ঘরে,
প্রাণাধিক মুকূলে মজাবে, ছারখার
হবে তোমা বিনা হাশ্মময়ী রাজধানী,
রোদনের ধ্বনি পূর্ণ হবে অচিরাৎ ।
ভাসায়ো না—মজায়ো না সবে, কবে তুমি
আত্মবিসর্জনে পরাঙ্মুখ ? ফের' ভাই,
লহ ভার, কর পুনঃ প্রজার পালন,
ত্যজ অভিমান, ঘৃণা করহ বর্জন ।

চণ্ড । ঘৃণা অভিমান নাহি পায় স্থান মম
মনে, অভিমানে নাহি যাই নির্বাসনে ;
কি কব তোমায় ভাই, কিবা বেদনায়
ছেড়ে যাব চিতোরনগরী । অধিকারী
মহারাণা, তাঁর জননীর মানা, আজ্ঞা
মম প্রতি ত্যজিতে বসতি ; শ্রায়মতে
বালকে মাতার অধিকার, অনুমতি
তাঁর রাণা-আজ্ঞা সম মানি । করি যদি

অবহেলা, শিখাইব রাজ্যে অনিয়ম,
প্রজাগণ হবে মতিভ্রম, সূশাসন
কেহ না মানিবে । বোঝ' ভাই, রাণাপদে
গৌরব টুটিবে, মম আদর্শ লইবে
সবে ; কায়মনোবাক্যে আমি রাণা-দাস ;
প্রভুর সম্মান যাবে কিঙ্কর হইতে ?
অনুচিত উপদেশ তব হে ধীমান !

অস্থি রাণা-অংশে, জন্ম রাণা-বংশে, রাণা-
পুত্র বলি লোকে গণে ত্যজি জন্মভূমি—
রাণার সম্মান হেতু, ছিল সাধ—সাধে
বিসংবাদ,—কি করিব দৈব-বিড়ম্বনা !

সবে মিলে রেখ ভাই, মুকূলে যতনে,
জীবন উৎসর্গ কর তার প্রয়োজনে ।
বিধি বাদী মম ভাগ্যে রাজসেবা নাই,—
স্বখে থাক, মনে রেখো, যাই ভাই—যাই !

শিখণ্ডী । তব সেবা ভিন্ন ভাই, অগ্ন নাহি মন ;
এ জীবন শ্রীচরণে করেছি অর্পণ,
তব নির্বাসনে অল্প মম নির্বাসন ।

(মুকুলজীর প্রবেশ)

মুকুল । দাদাজি—দাদাজি, তুমি যেও না, আমার ফেলে
যেও না, আমার মন কেমন ক'রছে । দাদাজি ! তোমায় না
দেখে আমি থাকতে পারবো না ।

চণ্ড । শূণ্যদেহে চ'লে যাই, প্রাণ তোর ঠাই—

সম্পদ সম্পদ তব, সর্বস্ব আমার,
প্রাণাধিক তুমি, যবে আপন গৌরবে
রাজদণ্ড ল'য়ে করে শাসিবে প্রজায়—
করিলে স্মরণ, দাস দিবে দরশন ।
যাও ভাই, জননী-সদনে—রেখো মনে,
কিঙ্কর তোমার আমি জীবনে মরণে—
নির্বাসনে তুমি ধ্যান জ্ঞান । থেকে ধর্ম-
পথে, সাধুবাক্যে রেখো শ্রীতি, সদা কায়-
মনে জননী-চরণে রেখো মতি, মাতৃ-
সেবা-রত রহ অবিরত, স্বখে থাক
দেবগুরু-আশীর্ব্বাদে, মাগি হে বিদায় ।

মুকুল । না দাদাজি, যেও না দাদাজি—তুমি যেও না,
তোমায় ছেড়ে আমি থাকতে পারবো না ।

(গুণমালা ও বিজরীর প্রবেশ)

গুণ । চণ্ড অতি মহৎ সৃজন, চণ্ড অতি
আত্মত্যাগী,—না না ? কহ কিবা প্রজাগণে ?
বড় ধীর, বড় শাস্ত, বড় উচ্চাশয়,
করণাসাগর !—এ কি, কেহ নাহি কহ
কোন কথা ? হের বিচ্যমান পান পাত্র—
মুকুলের পান-পাত্র এতে হলাহল
কে দেছে ? বিচার কর, রাজমাতা আমি,
বিচার প্রার্থনা করি, বল সবে এক-
বাক্যে, আমি নিতান্ত কলহপ্রিয়, বল—
বল, কেবা আছ প্রজামাঝে—আমি নীচ,
অতি হীন ! জান কি সকলে বণ্ণবাজী-
বিবরণ ? আসিয়াছে তুরঙ্গ সুন্দর,
পৃষ্ঠে লয় যারে—তার জীবন সংশয় !
সেই ঘোড়া—চণ্ড মহাশয়—যার গুণ-
গান রাজ্যময়, এনেছেন মুকুলের তরে
মহা সমাদরে, আদর না ধরে আর ;—
বিমাতার পুত্রের কারণ আয়োজন
হয়, জান বা না জান সমুদয়, শোন
পরিচয়, মৃগয়ায় মুকুল যাইবে—
চণ্ড মহামতি—রাণা প্রতি ভক্তি অতি,
আপনি যাবেন সাথে, পরে মৃগয়ায়
কেবা কোথা যায়, কেবা তার দায়ী বল ?
মুকুল বিহনে রাজসিংহাসন শূণ্য
নাহি রবে, আছে রাণা লাক্ষ-সুত চণ্ড,
গৌরবে বরিবে শিশোদীয় কুলমান
করিতে উজ্জল, সবে কর সুবিচার,
নহি অস্ত্র অপরাধী, পুত্রের কল্যাণ-
কামনা নিয়ত মম ; নারী হীন-জ্ঞান,—
কে দোষী নির্দোষ শীঘ্র কহ প্রজাগণে—
দোষী হই, দণ্ড মোরে দেহ এইরূপে ।
৩য় প্রজা । এ কি সম্ভব ! এ কি সম্ভব ।
২য় প্রজা । সত্য মিথ্যা কে জানে, আমরা তো আর
দখতে যাইনি । রাজ্য-আশা বড় আশা ।
১ম প্রজা । তুমি কি বল ? এ কি কথা !

বিজরী । স্বচক্ষে দেখেছি পাত্রে দিতে হলাহল ;
স্বকর্ণে শুনেছি যত মৃগয়া-গম্ভীরা ;
এতে যদি কোন জন করে অপ্রত্যয়,
করিব প্রমাণ, বল কার অ বিশ্বাস ?
মুকুল । দাদাজি—দাদাজি, তুমি যাও—দাদাজি তুমি
যাও ! মা তোমায় মেরে ফেলবে, হেথা থেকে না দাদাজি,
তুমি যাও !
চণ্ড । (স্বগত) দ্বিধা হও ও মা শ্যামা-ধরা ! এ অধম
সন্তানে দেহ মা স্থান, দারুণ কলঙ্ক-
ভার সহিতে না পারি আর ! বজ্র নাহি
ধরে জলধর ! কাল বিষধর বুঝি
তাজিয়ে গহ্বর, নাহি আসে মম পাশে,
কলঙ্ক আশঙ্ক করি,—কত সহে ! কোথা
মৃত্যু—বন্ধু অভাগার, করহ উদ্ধার,
কত সব, কত সহে মানব-হৃদয়ে ?
২য় প্রজা । দেখ, কোন উত্তর নাই—কি বুঝি ভাই, কি
বুঝি ।
৩য় প্রজা । মাহাত্ম্য ! বুঝতে পার্চো না ?
২য় প্রজা । অত মাহাত্ম্য ভাই আমাদের নাই ।
১ম প্রজা । তুমি বর্কর ! তোমাতে আর চণ্ডেতে কি
বিশেষ নাই ?
শিখণ্ডী । ভাই—ভাই, কি কারণ আছ অধোমুখে ?
কি হেতু শ্রীমুখে নাহি বাণী ? দেহ আজ্ঞা,
এই কি সংসার ! শঠ খলের আগার,
এই পরিণাম ! ছুরদৃষ্ট তুমি ধন্য !
চণ্ড । কেন মাতা, স্তনদানে পালিলে আমায় ?
মেদিনী,—কেন মা স্থান দেছ অভাগায় ?
কেন পিতা, আদরে পালিলে ভাগ্যহীনে ?
এস তাত, বারেক চিত্তোরে—দেখে যাও
তনয়ের দশা, দেখে যাও কলঙ্কের
ভার ; হতমান তবু আছে হীন প্রাণ !
মুকুল । দাদাজি, তুমি যাও—আমি তোমায় ছেড়ে
থাকতে পারবো দাদাজি !
গুণ । দেখ দেখ, কিবা যাহু জানে যাহুকর !
বালক সহজে ভোলে অরি নাহি চিনে ।
৩য় প্রজা । দেখ—দেখ, কি কালসাপিনী দেখ ।

। রাজমাতা, চল যাই,— মুকুলকে নিয়ে চল যাই;
প্রজাদের মনোভাব কিছু বুঝতে পাচ্ছি নি।

গুঞ্জ। এস মুকুল এসো, তুমি হেথায় কেন, রাজ-
সিংহাসনে বসবে চল।

মুকুল। আমি যাচ্ছি মা, তুমি দাদাজীকে আর কিছু
বলো না।

বিজরী। চল রাণি,— চল, সৈন্যদের আজ্ঞা দাও, প্রজারা
না রাজপথে গোল করে। ভয় নাই, চণ্ড চলে যাবে; ও
রাজ্য ছেড়ে চলে যাবে বলেছে, তা যাবে। আপনার কথা
রাখবে, তা না হলে প্রজারা যে মিথ্যাবাদী বলবে। লোকের
কথায় বড় ভয়। সাপ যেমন বুকে হাঁটে, এরা তেমনি
লোকের কথায় মরে বাঁচে; না হলে কি পৃথিবীতে মানুষের
বাস থাকতো।

গুঞ্জ। এস রাণা।

মুকুল। দাদাজি, আমি যাই—তুমি যাও দাদাজি, হেথা
থেকো না।

[গুঞ্জমালা, বিজরী ও মুকুলজীর প্রস্থান।

শিখণ্ডী। তোমরা হেথায় কি করছো, আপন আপন
কাজে যাও।

২য় প্রজা। সেই ভাল, আমাদের কেন মাথা ব্যথা।

১ম প্রজা। আহা, চণ্ডের নির্কাসন! চণ্ডের নির্কাসন!
কি সর্বনাশ হলো!

[প্রজাগণের প্রস্থান।

পূর্ণ। যে লোকের কথায় মরে বাঁচে, কলকে যার ভয়—
যার একটু এদিক ওদিক হলে মরতে ইচ্ছা হয়—কোন কাজে
হাত দেওয়া তার নয়। কেনা জানে রকম রকম কত হাওয়া
বয়—যার কড়া জান, যার কড়া প্রাণ, ঠিক যে দেখে আপ-
নাকে বলিদান—সে পাষণ; সে আপনার কাজ চায়, সময়
বুঝে নয়, আপনার কথা নিয়ে নয়; সে কি কোন কথায়
পাতে কাণ, তার কি এত মানের ভাণ! আমি বুড়ো ভাট,
মিছে কেন বঁকে মরি? থাকি একটু শেষটা দেখে মরি।

চণ্ড। সত্য কেন মিছে করি মরণ-কামনা?

গেছে কিবা আছে তো সকলি; আছে ধর্ম-

হই নাই ধর্মপথ-চ্যুত; তবে কেন

মরণ-কামনা করি? মৃত্যু চিন্তা যোগ্য

নহে মন? ধর্মান্বেষ, ধর্মপথে মতি

গতি মম; পাপশূন্য হৃদয় আমার;

মন নাহি করে তিরস্কার, তবে কেন

মৃত্যু-চিন্তা? হয় তায় অধর্ম-সংকার।

কিন্তু কাঁশে কায় হেরি ভবিষ্যৎ ছবি।

মারবারবাসী আসি বেড়িবে চিতোর

শিশোদীয়। বিদেবী রাঠোর, প্রজাগণে

শত্রুর শাসন সহি রহিবে কেমনে?

চাবে কেবা মুকুলের মুখপানে, যবে

দুরন্ত রাঠোরগণে করিবে পীড়ন?

কি জানি বা বধিবে জীবন! রাজমাতা

সহায়-বিহীনা নারী, নির্কাসিত আমি

হতে কি উপায় হবে?—বুঝি বা মজিবে

সুন্দর চিতোরপুরী! বিধাতার লীলা—

নরে কি বুঝিতে পারে! দেখি যেন হয়,

ভাবিয়ে কি হবে, করি সাহসে আশ্রয়।

থাকিতে জীবন, নাহি সব কোন মতে,

দেশ-হিতে দিব প্রাণ দেখিবে জগতে।

পূর্ণ। যে বড় সকল কার্যে দড় কিছুতে হয় না জড়সড়;

বড় হও পড় যদি বড়র মত পড়। আ ময় বুড়ো ভাট,

কেন করছিস্ হড় বড় সড়? কে জানে, মেলা কথা জিবে

হ'ছে জড়।

(রঘুদেবজীর প্রবেশ)

রঘু। শ্রীচরণ দর্শন মানসে আসিয়াছে

দাস তব, পূজ্যপাদ কর আশীর্বাদ।

চণ্ড। এস ভাই দেহ আলিঙ্গন, পিতৃধামে

বঞ্চিত অভাগা—যাই নির্কাসনে! হেরে

তোর মুখসুধাকর, উথলে অন্তর

সাগর-সলিল সম। প্রাণের সোসর

সোদর দোসর তুমি, জুড়াল নয়ন-

মন তব আগমনে। যাই দূরদেশে,

স্বদেশে নাহিক স্থান, হত মান - বহি

কলঙ্ক-কালিমা-ভার। বিমাতা বিরূপা,

ক'ন মাতা মুকুলের প্রাণনাশ আশে

ফিরি সদা, সাধ মম রাজসিংহাসনে;

লোক-মাঝে এ কলঙ্ক দিল মাতা শিরে,

প্রাণ আছে এত অপমানে ! কি কহিব,
 দুর্নাম—দুর্নাম জুড়ি জগৎ-সংসার,
 বেজেছে দুর্নাম ভাই,—ভাই রে আমার,
 জীবন-বহন লাগে ভার ; কত সহি
 ধর্ম্মে স্মরি, ডরি পাছে ধৈর্য্যচ্যুতি হয় !
 মান হত,—মান হত, অপবন দশে !

রঘু । মেঘে ঢাকা সূর্য্য নাহি রবে চিরদিন ;
 মেঘান্তে সূবর্ণ রশ্মি অধিক স্নানর !
 ছিন্ন মেঘমালা শোভে ইন্দ্র-চাপরূপে
 হেমরশ্মি মাখি কায়, আঁধি বিনোদন ।
 ধর্ম্ম-বলে অচিরে ঘুচিবে এ কালিমা,
 উজ্জ্বল গৌরবে নিজ উন্নত বৈভবে—
 শোভিবে ধরণী মাঝে ; কলঙ্ক-কালিমা-
 ছটা, মেঘ ঘটা-সম যাবে দূরে স্বরা,
 রবে মাত্র মহিমা বর্ধ্বনে । আসিয়াছি
 বিদায় লইতে পায় জনমের মত ।
 জান ভাই, ভক্তুর শরীর বিনির্ম্মিত
 মৃত্তিকায়, কবে যার কেবা জানে । ভাবি
 তাই ভাই, হয় কি না হয় দেখা আর ।
 রেখে মনে পদাশ্রিত অক্লান্তী অধমে,
 ক্রিয়াহীন উদাসীন মাগিছে বিদায় ।

চণ্ড । দেখা কি হবে না ! ইয়ারে দেখিতে পাব না
 আর চাঁদ মুখ তোর যদি ফুল্লকর ?
 কেন রে ব্যথিত প্রাণে কর বজ্রাঘাত—
 যাবে কি ভ্রমণে ? কিরিলে কি পুণ্যধামে ?
 যথা যাও থাক স্মর্থে, মনে রেখে ভাই ;
 কেমনে বিদায় দিব, বিদায় মাগিব,—
 সরল কমল মুখ পুনঃ কি হেঁচিব ?

রঘু । ত্যজ খেদ, কাষ্ঠ তৃণ স্রোতে সংযোজন,
 ভক্তুর সংসার, কিবা বিচ্ছেদ মিলন !

চণ্ড । কঠিন সঙ্কল্প তব মমতা-বিহীন ।
 আজি বাল্যকাল পুনঃ পড়ে মনে, পড়ে
 মনে কেলি-গৃহ, তব কিশোর-বদন-
 খানি পড়ে মনে, বেই দিন উদাসীন
 সংসার-বিরাগী, রাজপুত্র ভোগস্বখ
 পরিহরি পশিলে কিমনে ! বুধা খেদ,

চ'লে যাই, চিত্তোরে নাহিক মম স্থান ।
 মেলানি তোমার ঠাই মাগি হে চিত্তোর !
 স্নানর নগর, জন্মভূমি স্বর্গাধিক
 গরীয়সী, মাগি হে বিদায় ! হে চিত্তোর-
 বাসি, পুণ্যধাম অধিকারী, নমস্কার—
 ছেড়ে যাই সহোদর জীবন সোসর ।
 হে শিখণ্ডি, তব ঠাই মাগি হে বিদায়,
 প্রণাম জানায়ো তব জনকীর পায় ;
 মাতৃসম ধাত্রী-মাতা, যার করুণায়
 অসহায় বাল্যকাল কাটিল হেলায় ।

শিখণ্ডী । সাথে লও, প্রভু, তব কিঙ্করে রূপায় ।
 চণ্ড । কোথা যাবে—নির্কাসিত আমি, কেবা বল
 দেখিবে মুকুলে ? যদি মম প্রিয়কার্য্য
 ইচ্ছা তব, বাক্য ধর, রহ এ নগরে ;
 রেখে—রেখে যতনে রাণায়, শত্রু নাহি
 ছায়া স্পর্শে তার । যদি হয় প্রয়োজন,
 ক'রো প্রাণদান, রেখে শিশোদীয়-মান,
 দিও না হে ব্যথা, কথা করিয়ে অশ্রুথা ।
 হা ধিক্ মমতা, প্রাণ যেতে নাহি চায়,—
 সোণার চিত্তোরপুরী বিদায়—বিদায় !

(রণমল্ল, যোধরাও ও খাণ্ডাধারীর প্রবেশ)

রণমল্ল । কি চণ্ড ম'শায়, কোথায় আগমন ? নীচজনের
 কথায় কর্ণপাত করেন না, না কি ? পদব্রজে কোথায়—
 পদব্রজে কোথায় ? কিছুই চিরস্থায়ী নয়—কিছুই চিরস্থায়ী
 নয়, অহঙ্কার মানব-জীবনে ভ্রম মাত্র ।

[চণ্ডের প্রস্থান ।

খাণ্ডা । ইন্—এখনও অহঙ্কারে মটমট ক'রছে ।

যোধরাও । মহারাজ, শত্রু এখনও বলবান্, সমস্ত প্রজা
 বশীভূত, বারণকে অক্ষুণ্ণ আঘাতে উত্তেজিত ক'রবেন না,
 আসুন আমরা পুরী প্রবেশ করি ।

রণমল্ল । এ ব্যক্তিকে অচিরে প্রতিশোধ দেওয়া কর্তব্য ।

যোধরাও । অগ্রে রাজকার্য্য গ্রহণ করুন, অতীষ্ট সিদ্ধি
 করুন ।

[রণমল্ল, যোধরাও ও খাণ্ডাধারীর প্রস্থান ।

শিখণ্ডী । পালিব বচন জাতা, হব না কাতর ;

বন্ধের শোণিত-দানে রাখিব চিতোর
তব প্রিয়কার্য, মম প্রিয় এ জীবনে ;
পারি যদি কভু, দণ্ড দেব দস্যুগণে ।

[শিখণ্ডীর প্রস্থান ।

পূর্ণ । বাঃ বাঃ ! কি মণিকাঞ্চন যোগ ! চিতোরে
রাজভোগ, আর বিলম্ব নয় নি, তা না নয়—না সোক, যা
হবার হোক, তোর কেন মাথা ব্যথা বুড়ো ভাট ? আঃ মরি, এ
বয়সে এত ঠাট ! আহা, তোর কি বুদ্ধির জোর—কেমন
মেলানি,—চিতোর আর রাঠোর ! কেমন শুভ-ক্ষণে সম্বন্ধ
বাগালি, কেমন শুভক্ষণে নারিকেল এনেছিলি ?—যেমন
ম'রেছি ক'রে ঘোঁট, তেমনি শুভ ঘোঁটঘোঁট, চিতোর গড়াবে
রাঠোরের পায়—তোর কি তায় ? চিতোর বজায় হয় কি না
হয়, তোর কি এত দায় ? আছে দায়—আছে দায়, নইলে
কি বুড়ো ভাট ফ্যাল-ফ্যাল ক'রে চায় ? ম'শায়, আপনার
একখানি পত্র আছে ।

(পত্র প্রদান)

রঘু । কি পত্র ভট্টরাজ ?

পূর্ণ । ওর ভেতর তো সঁধুইনি, তবে ভাটের হাতে
চিঠি, হ'তে পারে পিরীতের কাহিনী, কি জানি । যে পত্র
দেছে, গোপনে ব'লুতে ব'লেছে, সে তোমার ভাল ক'রবে ;
কদর তোমার মনে ধ'রবে, তোমার আপনার বোঝা-বুঝি,
বুড়ো ভাট চ'লে যায় সোজাসুজি ।

[পূর্ণরামের প্রস্থান ।

রঘু । (পত্র পাঠ করিয়া)

দংশে অহি আয়ুহীনে ; মহাকাল ফিরে
সাথে মহাফাঁস ধরি, যুগয়া-কানন
তার এ সংসার । কিবা লীলা ! ঘৃণা, ঘেঁষ,
ভালবাসা এক বস্তু—বহুরূপ ধরে ।
মগ্ন নরে স্নেহে গলে বিদেঘ ঘৃণায়,
সম ঘৃণ্য স্নেহ ঘেঁষ নাহি বোঝে হায় !

(বিজরীর প্রবেশ)

বিজরী । হঁ, তোমায় কে পত্র লিখেছে, আমি জানি,
ব'লুবো কেন ?

রঘু । জান যদি জননি, কহিও সমাচার—
কুমার সন্ন্যাসী, আমি কুমার তাঁহার ;

ছলনা নন্দন-সনে মাতার কি সাজে !
বিলাসীর প্রেম, চিতাভঙ্গ সন্ন্যাসীর
স্মার । ভট্ট বাতুল নিশ্চয়—প্রেম-লিপি
দিল মোর করে, খরশিরে রক্তময়
কিরীট হৃদয় । লহ ফিরিয়ে লিখন,
জানায়ে জননী-পদে মম নমস্কার—
জগতে রমণীগণে জননী আমার ।

বিজরী । সন্ন্যাসী হইয়ে কর ধর্ম বিসর্জন,
ব্যথা দাও রমণী-হৃদয়ে । তব প্রেম-
অভিলাষী দাসী, সন্ন্যাসি, সকাতির
কামিনী প্রণয়ী মাগে ; ক'রো না বঞ্চিত,-
হবে ধর্ম-কর্ম নাশ কাঁদালে অবলা ।
নারীর স্বভাবজাত লাজ পরিহরি,
ভিখারিণী প্রেম-ভিক্ষা চায় পায়, পদে
রাখ তায় । মজায়েছ অবলা বালায়,
দেছে বালা আত্ম-বিসর্জন, সমর্পণ
জীবন-যৌবন শ্রীচরণে । গুণমণি,
কাতরা কামিনী, নিদারুণ বাণী কেন
হেন শেল সম ? কত নয়—কত নয়
রমণী-হৃদয়ে ? ত্যজ ভয়, হীনজন
নাহি করে তব আকিঞ্চন । অবতনে
নবীন যৌবন যাবে, কি হেতু বিরাগ ?
অহুরাগে কেন বিতরাগ, প্রাচীনের
সাজে ত্যাগ, প্রেম-রাগ সোহাগ যৌবনে ।

রঘু । কে মা তুমি, দেবী কি মানবী—বিজ্ঞাধরী,
অপ্সরী, কিম্বরী কিবা ? কি করে ছলনা
ক'রো না, করুণাময়ি ! দাস দীন অতি,
হিতাহিত নাহি জ্ঞান, ধর্মে নাহি মতি !

। নাহি কি অধরে রাগ, আবেশ নয়নে,
যৌবন-তরঙ্গ কলেবরে, উচ্চ হৃদি—
প্রেমের আবাস বুঝি করে না প্রকাশ
বুঝি গোরে ভুলায় দর্পণ, কেশদাম
নহে সূচিকণ, রতিপতি সনে রতি—
নিতম্ব-বিহারী গেছে বুঝি পরিহরি
বিলাস-ভবন, তাই বুঝি মমে নাহি
ধরে ! রূপ-অহঙ্কারে পিপাসীরে বারি

নাহি কর দান, কিবা কোমার আতঙ্ক,
 প্রেমরস কিবা, কিবা লোকলাজে বাধে ?
 কিশোর সন্ন্যাসি, কেন বাদ সাধ, সাধে ?
 তোমার কোমার ব্রত—কুমারী কিঙ্করী
 রূপ হেরি পরিণয় সুখ পরিহরি,
 দিবানিশি বুরি তোমা স্মরি, জ্বলে মরি
 স্মরণরে ; ত্যজি কুলমান, পদে রাখি
 প্রাণ, ধরি পায় কর প্রেম-সুধাদান ।
 রঘু । মায়ার নিদান তুই করে পিশাচিনী ?
 মাতৃ-সম্বোধনে জানি পলায় প্রেতিনী !
 কে রাক্ষসি ! পুত্রের শোণিত কর আশ,
 লজ্জাহীনা, শত ধিক্ তোমার প্রয়াস ।

[রঘুদেবজীর প্রশ্নান

বিজরী । কি লজ্জা ! কি ঘৃণা ! এ কি, এ কি অপমান !
 তবু তো না বোঝে মন, নাহি ফিরে প্রাণ !
 কি লজ্জা—কি ঘৃণা, কি দারুণ অপমান !

দ্বিতীয় পর্ভাক্ষ

কক্ষ

মুকুল ও কুশলা ।

মুকুল । দাই-মা, তুমি দাদাজীর কথা মাকে আর ব'লো
 না, মা তোমার ওপর রাগ ক'রবেন । মা তোমায় কারাগারে
 পাঠাতেন—আমি কাঁদলেম, পায়ে ধ'রলেম, মিনতি ক'রলেম,
 তাই তোমায় কিছু ব'লেন নি । দাই-মা, তুমি কিছু ব'লো
 না, দাদাজী চ'লে গেছে,—আমি তোমায় না দেখতে পেলে
 বাঁচবো না ।

কুশলা । না বাবা—না বাবা, আমি কিছু ব'লবো না ।
 আহা, আমার নয়নের নিধি !

মুকুল । দাই-মা, তুমি মা'র কাছে যেও না, সখী-মার
 কাছে যেও না, তুমি তোমার ঘরে থেকো, আমি লুকিয়ে
 তোমার কাছে যাব ।

কুশলা । আমার আধার ঘরের দীপ, তোমায় দেখলে
 আমি সকল দুঃখ তুলি ।

মুকুল । দাই-মা, দাদাজী বলে, ভয় ক'রতে নেই, কিন্তু

নূতন দাদাজী আমার পানে চাইলে—আমার প্রাণ শুকিয়ে
 গেল । নূতন দাদাজীর হাসি দেখে আমার কান্না এলো !
 নূতন দাদাজী ভাল না—দাই-মা, নূতন দাদাজী ভাল না ।

কুশলা । ভয় কি বাবা, ভয় কি ? তোমার দাদাজী
 তোমায় আদর ক'রবে, ভয় কি ?

(গুঞ্জমালা ও বিজরীর প্রবেশ)

গুঞ্জ । সর্বনাশী বাদী, তুই মুকুলকে কি শেখাচ্ছিস, নূতন
 দাদাজীর কথা কি ব'লছিস ?

বিজরী । বাদি, তুই প্রাণের ভয় করিস নি ?

কুশলা । না ।

মুকুল । না—মা, দাই-মা আমায় কিছু বলে নি, ব'লছে
 নূতন দাদাজী আমায় আদর ক'রবে ।

বিজরী । তোর বড় আস্পর্ক, তুই মুকুলের দাই, তাই
 রাজমাতা তোরে মার্জনা ক'রেছেন, তুই জানিস ?

কুশলা । আমি রাজমাতার কাছে কোন অপরাধী নই ।

মুকুল । দাই-মা, তুমি যাও । না, সখী-মা, আমায় কিছু
 শেখায় নি । দাই-মা, তুমি যাও ।

কুশলা । না, যার কখন' জীবনে সুখ-স্বপ্ন ভাঙে নি, যে
 আশা-ভরসা জলাঞ্জলি দেয় নি, যার উচ্চ অভিলাষ হৃদয়ে
 পরিপূর্ণ, তার প্রাণের ভয় ? আমি বৃদ্ধা রাজপুত্র-কুমারী,
 ধর্মপ্রাণিতা, সত্যবাদিনী—আমার প্রাণের ভয় কি ? মিবান-
 রমণীর পরিচয় জান না, তাই ভয়ের কথা উত্থাপন ক'চ্ছে ।

গুঞ্জ । বাদি, ফের তোর ছোট মুখে বড় কথা ?

মুকুল । ও মা, তুমি দাই-মাকে কিছু ব'ল না ।

গুঞ্জ । না বাবা—না বাবা ।

মুকুল । দাই-মা, তুমি যাও—দাই-মা, তুমি যাও ।

[কুশলার প্রশ্নান ।

বিজরী । মুকুলের আস্পর্কতেই বেড়েছে ।

গুঞ্জ । আমার মুকুলকে প্রাণের মত দেখে, তা না হ'লে
 এত সই ? পিতা আনছেন, খুব হর্ষ দেখছি,—নূতন সংবাদ
 কি ?

বিজরী । আমি যাই, বোধ হয় তোমার সঙ্গে কি কথা
 আছে ।

[বিজরীর প্রশ্নান ।

মুকুল । আমিও এই সময় দাই-মার কাছে যাই ।

[মুকুলজীর প্রশ্নান ।

(রণমল্লের প্রবেশ)

রণমল্ল । গুণমালা, প্রজারা সব তোমার কথা প্রত্যয় করেছে । আমি তোমার নামে রাজ্যে ঘোষণা দিয়েছি, যে চণ্ডকে রাজ্যে স্থান দেবে, তার প্রাণবধ হবে । চণ্ডকে বধ ক'রতে যোধরাওকে পাঠিয়েছি ;—সে যেতে চায় না, আমি তোমার নাম ক'রে পাঠিয়েছি ।

গুণ । কেন পিতা, অকারণ নরহত্যা কোন্ প্রয়োজন ? চণ্ড গেছে নির্বাসনে, কিবা ভয় আর ? এবে চূর্ণ অহঙ্কার, দর্পী—নহে অণু দোষে দোষী ; ভুলাতে প্রজায় করিলাম দোষারোপ, জীবন নিধন কি কারণ ? মুকুলের হবে অকল্যাণ বিনা দোষে বধিলে তাহারে ।

রণমল্ল । নাহি বোঝ,
ভূজঙ্গ জীবিত হয় বায়ুর সেবনে,
অগ্নিদানে ভস্ম কর অহি ; খল ধূর্ত
শঠজনে কদাচিত্ দয়া অহুচিত ।
ও কে—যুক্তি শোনে ?

গুণ । অণু নহে—সখী মম ।

রণমল্ল । কে—কে, কিবা নাম ? কোথা ধাম ? কি সুন্দরী !

গুণ । বিজরী ।

রণ । বিজরী,—সেই বিজরী হেতায় ?
ডাক না—ডাক না, সখী তব, লজ্জা কিবা ?
আছে গুপ্ত-কথা বিজরীর সনে ; ডাক—
ভূসম্পত্তি-অধিকারী হ'য়েছে বিজরী—
কেহ করেছে প্রদান—কোন বন্ধু, মানা
নাম নিতে ; বিজরী বুঝিবে সবিশেষ ;
ডাক না—ডাক না, কোথা ?

গুণ । বিজরি—বিজরি !

(বিজরীর প্রবেশ)

রণ । এত লজ্জা কিসে ? এত লজ্জা কিসে ? আমি
বৃদ্ধ, আছে কোন সবিশেষ কথা, গুহ
কথা ; এস সাবকাশমত মোর ঘরে !
গুণমালা, যাই—আছে বহুকার্য, সখী

তব ! আহা, বাগিকা বধন, নিছি কত
কোলে, লজ্জা মোরে ! এস সাবকাশমত ।

গুণ । পিতা—পিতা, প্রের দূত, বার' যোধরায়ে,
চণ্ড-সনে আর বধ নাহি মম ।

রণমল্ল । যাই,
তাই যাই । বিজরি—বিজরি, সাবকাশ
মত এস, আছি প্রতীক্ষায় ।

গুণ । প্রের দূত,
শীঘ্র বার্তা দেহ যোধরায়ে ; ছিল বাদ—
ঘুচেছে বিবাদ ; কেন জ্ঞাতির নিধন
অকারণ ? বেই অস্থি মুকুলের দেহে,
সেই অস্থি-বিনির্মিত চণ্ডের শরীর ।
যাও পিতা, নিবারণ কর যোধরায়ে ।

রণমল্ল । যাই—যাই ; এস - এস, রব অপেক্ষায় !
কি সুন্দরী ! আহা মরি, হরে মন প্রাণ ।

[রণমল্লের প্রস্থান ।

বিজরী । কেন সখি, অসম্মত চণ্ডের নিধনে ?

গুণ । না—না, উদ্ধার হয়েছে কার্য, বধে কিবা
ফল, হবে তায় মুকুলের অকল্যাণ ।

[গুণমালার প্রস্থান ।

বিজরী । চঞ্চল কটাক্ষ হেরি বৃদ্ধের নয়নে,
এত কি গোপন কথা আছে মোর সনে ?
ভূসম্পত্তি কে দিল আমায় মারবারে ?
নাহি তিন কূলে কেহ । রাখি হস্তগত,
নারীর ইঙ্গিতে ফেরে মদন-পীড়িত ;
রঘুদেব—রঘুদেব—হৃদয়ের ধন !
কত দিনে তোমা-সনে হবে সন্মিলন ?
এই যে আবার বুড়ো আসছে ।

(রণমল্লের পুনঃ প্রবেশ)

রণমল্ল । বিজরি—বিজরি !

বিজরী । কি—কি ?

রণমল্ল । তুমি আমায় পত্র লিখেছিলে—তুমি আমায় পত্র
লিখেছিলে ? তুমি আমার বড় সুহৃদ—তুমি আমার বড়
সুহৃদ । তুমিই গুণমালাকে বুঝিয়েছিলে ?

বিজরী । পত্রে তো রাজপদে নিবেদন করেছি ।

রণমল্ল । তোমার পত্র পেয়েই তো এলেন — তোমার পত্র পেয়েই তো এলেন । গুণমালার পত্র পেয়ে আসিনি, তোমার সঙ্গেই পরামর্শ করবো, তোমার কথা শুনেই চলবো । বিজরি, বিজরি ! অনেক পরামর্শ আছে—অনেক পরামর্শ আছে, এস না—এস না, আমার প্রকোষ্ঠে এস না ।

বিজরী । এখনি রাজমাতা আমার ডাকবেন ।

রণমল্ল । কোন দাসীকে দিয়ে বলি পাঠাও না, তুমি ব্যস্ত আছ । এ চিতোরপুরী কার জান ? যদি আমি হেথা থাকি—তোমার ।

বিজরী । সে কি মহারাজ ! চিতোরপুরী আমার কি ?

রণমল্ল । হ্যা—হ্যা, আমার কথার নড়চড় নাই ; পরে বুঝতে পারবে—পরে বুঝতে পারবে ; সমস্ত চিতোর তোমার কথায় উঠবে ব'সবে, তোমার বুদ্ধিতে আমি কিব্বো, যেথা তুমি, সেথা আমি । দেখ, এ পরামর্শের স্থল নয়, আমার প্রকোষ্ঠে এস ।

সে কি মহারাজ, এই রাজমাতা এলেন বলে ?

। বটে—বটে, তবে আমি যাই, তবে আমি যাই ;

রজনীতে পরামর্শের উত্তম সময় ।

বিজরী । এখনি রাজমাতা আসবেন ।

রণমল্ল । আমি যাই—আমি যাই ; দেখো ম'নে থাকে যেন—ম'নে থাকে যেন ?

[রণমল্লের প্রস্থান ।

বিজরী । রঘুদেব, নিশ্চয় ফলিবে মম আশা,

বৃদ্ধ মম নাচিবে ইঞ্জিতে ; ছলে বলে

কৌশলে অভীষ্ট সিদ্ধ করিব নিশ্চয় ;

গাইব বসিয়া দৌহে মদনের জয় ।

[প্রস্থান ।

তৃতীয় গর্ভাঙ্ক

একখানি কুটীরের সম্মুখ

একজন স্ত্রীলোক ও চণ্ড ।

স্ত্রী । বাছা, বসো, বড় ক্লান্ত হ'য়েছ, এ অতি শীতল স্থান, এইখানে একটু ব'সো ।

চণ্ড । মা, একটু জল দাও—পিপাসায় ক'ঠ শুক হ'য়েছে ।

স্ত্রী । আহা, বাছা রে, চাঁদযুখানি শুকিয়ে গিয়েছে ! একটু ব'সো বাবা, জল এনে দিচ্ছি, একটু শীতল হও । আহা, কোন্ অভাগীর সর্বনাশ ক'রে চ'লে এসেছিল, বাবা !

(উক্ত স্ত্রীলোকের স্বামীর প্রবেশ)

স্বামী । ওরে কি ক'রেছিল, সর্বনাশ ক'রেছিল, কাকে ব'সতে জায়গা দিয়েছিল ?

স্ত্রী । তুমি কি বলছো, এ কি দস্য ? দেখ দেখি, যেন পূর্ণিমার চাঁদটি ! না বাবা, তুমি ব'সো, ওর কথা তুমি শুনো না, আমি জল আনছি ।

স্বামী । না—না, তুমি ওঠো ; যাও—যাও, এখনি আমাদের সর্বনাশ হবে । তুমি চণ্ড, আমি চিনেছি !

স্ত্রী । কি সর্বনাশ হবে ? কে টের পাবে ? তুমি ঘরের ভেতর এসো । আহা, লুকিয়ে একটু জল খেয়ে যাক, এসো বাবা, উঠে এসো ।

চণ্ড । না—মা, মধুরভাষিনি, তোমার কথায় আমার প্রাণ পরিতৃপ্ত হ'য়েছে । আমি অভাগা, যেথায় যাই সর্বনাশ হয়, — আমি চল্লেন । ওঃ ! আর পদ চলে না !

স্বামী । ওই সর্বনাশ হ'লো ! ওই রাজরক্ষী এলো, ওঠো ওঠো, পালাও - পালাও ।

(যোধরাওয়ার প্রবেশ)

যোধরাও । যোধরাও নাম, মারবার-অধিপতি

পূজ্য রণমল্লের নন্দন ; বীরবর,

আসিয়াছি পিত্রাদেশে ; অরি তব, বন্দী

করিব তোমারে, হও প্রস্তুত সত্বর

সম্মুখ-সংগ্রামে ; লহ অস্ত্র, অস্ত্রহীন

তুমি ; ক্লান্ত যদি, কর ক্লান্তি দূর ধীর,

আতিথ্যগ্রহণে কর কৃতার্থ আমায় ;

মম দাসগণে তব সেবারত রবে,

হ'লে শ্রম উপশম, বিক্রম প্রকাশি,

বীরশ্রেষ্ঠ, বিপক্ষে বিমুখ ; কিবা আজ্ঞা

কহ মহাশয়, আছি আজ্ঞা অপেক্ষায় ।

চণ্ড । মহাশয়, সবিনয়ে যাচনা আমার,

রাজমাতা-আদেশে, কি, পিতৃ-অনুরোধে

হেথা আগমন তব ? কহ সবিশেষ

মহাশয় ; রাজকার্যে পরিব বন্ধন—

গিরিশ-গ্রন্থাবলী

রাজমাতা-আজ্ঞা রাণা-আজ্ঞা সম মানি ।

কিন্তু যদি মহাশয়, হয় অগমত,
নহি আমি মারবার-অধীন, যদবধি
দেহে রবে প্রাণ, সাধ্যমত নিবারিব
বিপক্ষ সংগ্রামে ; বীর তুমি, বীরধর্ম
অবগত, স্বেচ্ছায় না পরিব বন্ধন ।

যোধরাও । মহাশয়, মারবার-পতির কিঙ্কর
আমি, মম আগমন পিতার আজ্ঞায়,
নহি বীর, চিতোর-অধীন, রাজ-আজ্ঞা-
বাহী, রহি সদা যত্ববান্ পিতৃ-আজ্ঞা
পালিতে জীবনে, রাজমাতা নাহি জানি ।

চণ্ড । তবে ত্বরা হও যত্ববান্, ক্ষমা কর
বীর, অস্ত্র তব না স্পর্শিব ; এই বৃক্ষ-
শাখা আয়ুধ আমার—বার অরি, তীক্ষ্ণ
অস্ত্র ধরি ।

যোধরাও । রাজ-আজ্ঞা করিব পালন ;
কিন্তু হে ধীমান্, কেন কলঙ্ক দানিবে
মম পরে, নহে রীতি বিপক্ষ-নিরস্ত্র-
আক্রমণ, যোগ্য অরি-সনে কর যোগ্য
ব্যবহার । ধর অস্ত্র, রাখ হে মিনতি ।

চণ্ড । রাজপুত্র, করুন মার্জনা ।

যোধরাও । এস তবে ।
(উভয়ের যুদ্ধ)

(খাণ্ডাধারীর প্রবেশ)

খাণ্ডা । (সৈন্যগণের প্রতি) কর আক্রমণ, কর আক্রমণ ।

যোধরাও । আরে,

সাবধান, নাহি মোরে কর অপমান !

খাণ্ডা । চণ্ড—চণ্ড, রাজমাতার আজ্ঞা, ক্ষান্ত হও ।

চণ্ড । তবে কর বন্দী, রণ অবমান মম ।

(ভীলসর্দার ও তাহার অহুচরণের প্রবেশ)

সর্দার । আরে এই রে এই রে, চণ্ডা এই রে—তোরা
কে বটে রে—কে বটে ? ছুষমন কি মিতে বটে ? ওরে আয়
রে আয়, এই চণ্ডা রে—চণ্ডা ।

সকলে । আরে, কই বটে রে—কই বটে, চণ্ডা
রে—চণ্ডা ?

খাণ্ডা । বাধো—বাধো, দেরি করো না, দেরি করো না ।

সর্দার । আরে, কে বাধে রে—কে বাধে ? আমি ভীল-
সর্দার, আমি ভীল-সর্দার, ছুষমনেরে মার—মার—মার—
ভীলগণ । মার—মার—মার—

(খাণ্ডাধারীর পলায়ন ও যোধরাওকে ধৃত করণ)

চণ্ড । সর্দার, ক্ষান্ত হও—ক্ষান্ত হও ।

সর্দার । আরে, কি বটে রে—কি বটে ?

চণ্ড । আমি রাজমাতার আজ্ঞায় বন্দী । রাজদূতদের
নিবারণ করো না ; তোমরা প্রজা, রাজ-বিক্রম্ভাচরণ উচিত নয় ।

সর্দার । আরে তাই বটে রে—তাই বটে, রাজ-মা কে
বটে ; চণ্ডা রে চণ্ডা, বাপ মা তুই বটে, ভীলের আর কে
বটে—চণ্ডা বটে, চণ্ডা বটে ।

সকলে । চণ্ডা রে—চণ্ডা, বাপ মা তুই বটে ।

চণ্ড । কি, তোমরা রাজমাতাকে মান না ?

সর্দার । মেয়ে-রাজার প্রজা মোরা নই বটে রে—নই
বটে, দশ কুড়ি ভীল মোরা ঘর ছেড়ে যাই বটে, যাই বটে
রে—যাই বটে !

সকলে । যাই বটে রে—যাই বটে ।

সর্দার । তুই যেথা যাবি, ভীল সেথা পাবি, চণ্ডা রে চণ্ডা,
বাপ মা তুই বটে রে—তুই বটে ।

সকলে । চণ্ডা রে চণ্ডা, বাপ মা তুই বটে রে—তুই বটে ।

যোধরাও । বীরবর, আমি পূর্বেই নিবেদন করেছি, রাজা
রণমল্লের আদেশে আপনাকে বন্দী করিতে এসেছি ; আপনি
এক্ষণে স্বাধীন, আমাকে যুদ্ধে পরাভব করেছেন ।

চণ্ড । সর্দার, আমার অহুরোধে রাজপুত্রকে পরিত্যাগ
কর ।

সর্দার । ওরে ছাড় বটে রে—ছাড় বটে, চণ্ডা বলে
ছাড় বটে ।

চণ্ড । ক্ষত্রিয়-প্রধান, আপনার সম্মান, আপনার
মাহাত্ম্য !—আমি নির্বাসিত, আপনার পূজা কি করবো,
অহুমতি প্রদান করুন, আমি আসি ।

যোধরাও । আপনি মহাশয় !

সর্দার ও ভীলগণ । ওরে, ছুষমনটা বেশ বটে রে—বেশ
বটে, চণ্ডারে মাঝে, বাহওয়ানে বাহওয়া ! রাজার ব্যাটা, শির
নওয়া, শির নওয়া ।

[যোধরাওয়ের প্রস্থান ।

ভীষণ।

(গীত)

কাঁধে নিয়ে চল যাই,
 যাই বটে রে—যাই বটে ;
 লড়াই তো নাই, লড়াই তো নাই,
 নাই বটে রে—নাই বটে ।
 দলু দলু দলু, চল চল চল,
 ভাই বটে রে—ভাই বটে,
 যারে ভাই চাই, তারে তো পাই,
 পাই বটে যে—পাই বটে ।
 বাপ না ভাই, সাথে তো ধাই,
 ধাই বটে রে—ধাই বটে ।

তৃতীয় অঙ্ক

প্রথম গর্ভাঙ্ক

রাজসভা

মুকুলজী, রণমল্ল, শিখণ্ডী ও সভাসদগণ।

মুকুল। দাদাজি, আমি খেলতে যাবো ?

রণমল্ল। না ভাই গোপাল, একটু ব'সো—রাণা মুকুলজি, তুমি আমার প্রাণের নিধি, তোমায় চক্কের আড় ক'বতে আমার ইচ্ছা হয় না। চারিদিকে শত্রু, কখন কে তোমার প্রাণবধ করে, আমি এই আশঙ্কায় সদাই অস্থির। কি পাপরাজ্য চিতোর, বালকের প্রতি মমতা নাই।

শিখণ্ডী। পুণ্যভূমি চিতোরনগরী মহারাজ,

মহারাণা প্রজার স্বর্কস্বধন, যার
 নাম স্থির চিতোর-নিবাসী শয্যা ত্যজে,
 উচ্চ নীচ সকলের একমাত্র সাধ
 রাণা-কার্যে জীবন অর্পণ, ভল্লমুখ—
 রাণা-প্রতিকূলে বন্ধে লইতে বাসনা
 সবাকার ; অবিচারে হেন তিরস্কার
 রাজনু, না শোভা পায় ; শত্রু নহে কেহ।

রণমল্ল। তুই শত্রু ; রক্ষি, বাধ জরে !

(রক্ষক কর্তৃক বন্ধন) শঠ তুই—

কপট-আচারে অঙ্ক করিবি আমার ?

শিখণ্ডী। হের কিবা অত্যাচার সভাসদগণ !

রণমল্ল। বিদ্রোহী, বিদ্রোহী—রাজদ্রোহী ! করে মুঢ়
 উদ্ভেজনা, বিদ্রোহ সভায় ; শীঘ্র—শীঘ্র—
 শীঘ্র ল'য়ে যাও কারাগারে, যেন কেহ
 বিদ্রোহী-বন্ধুতা নাহি শোনে, রাণারাজ্যে
 অত্যাচার যে করে প্রচার, 'অত্যাচার'
 'রাজ্যে অত্যাচার' সদা মুখে যার, সেই
 রাজদ্রোহী রাজনীতি-অনুসারে ।

শিখণ্ডী।

করি

বিচার প্রার্থনা, বিনা দোষে অপমান।

রণমল্ল। ল'য়ে যাও—ল'য়ে যাও, কারাগারে যাও।

[শিখণ্ডীকে লইয়া রক্ষীর প্রস্থান।

১ম-সভা। মহারাজ, বিচার উচিত, নির্দোষ বা

দোষী, অপরাধ সপ্রমাণ, হে রাজন,
 কর্তব্য প্রথম ; নহে সবে অত্যাচারী
 কবে, রাণা-হিত-কার্য-রত সদা এই
 শিখণ্ডী ধীমান্ ; জ্ঞাত চিতোর-নিবাসী ।

রণমল্ল। বাহু আবরণে রাখে অন্তর গোপন

শঠ জন, ভুলে তায় সরল-প্রকৃতি।

মুখে মধু অন্তরে গরল, বুঝিবে কে

শঠের কৌশল ; কল্য করিব প্রমাণ

সভা-বিদ্বমান, রাজদ্রোহী এ দুর্জন।

১ম-সভা। অত্ন সে নির্দোষ, নহে দোষ সপ্রমাণ,

সন্দেহ প্রমাণ নহে, হেন অপমান

কার বাক্যে সর্দারের, কেবা অপরাধ

করেছে আরোপ ?

রণমল্ল।

কহে "রাজ্যে অত্যাচার।"

১ম-সভা। অত্যাচার বিদ্বমান, মহারাজ।

রণমল্ল।

এই—

খাণ্ডাধারী জানে।

১ম-সভা।

এ ব্যক্তির বাক্যোপরে

যদি মান অপমান সমর্পিত, তবে

মান রক্ষা অতি শূকঠিন এ সভায়,

যার অপমানে ঘৃণা, সভাকার্য্য তার
সাধ্যাতীত, মাগি অবসর, নমস্কার ।

[১ম সভাসদের প্রস্থান ।

রণমল্ল । অবজ্ঞা আসনে, হের সভাসদগণে ।

২য়-সভা । চক্ষুর্কর্গহীন মোরা সবে, অবসর

মাগি, নমস্কার রাগাসনে, নমস্কার ।

[সভাসদগণের প্রস্থান ।

মুকুল । দাদাজি, দাই ভাইজী আমায় বড় ভালবাসে,
কারাগারে দিও না দাদাজি ।

রণমল্ল । আমার হৃদয়-চন্দ্র, যত্নের নিধি, তুমি জান না ।

মুকুল । না দাদাজি, দাই-ভাই আমার শত্রু নয়, দাই-
ভাইকে ছেড়ে দিতে আজ্ঞা দাও ।

রণমল্ল । যাও—খেলা কর' গে, আমার চক্ষু-জুড়ানো
ধন, খেলা কর' গে ।

মুকুল । না দাদাজি, ভাইজীকে ছেড়ে দাও ।

রণমল্ল । হাঁ যাও, খাণ্ডধারি, ছেড়ে দিতে বল' গে ।
সোনার চাঁদ, খেলা কর' গে ।

[মুকুলজীর প্রস্থানঃ

খাণ্ডা । মহারাজ, ওদের ছেড়ে দিলেন কেন, বন্দী
ক'রলেন না ?

রণমল্ল । ক্রমে ক্রমে ; তত্ত্বর যেমন ঘারে আঘাত করে
গৃহস্থ নিদ্রিত কি জাগ্রত বোঝে, সেইরূপ শিখণ্ডীকে বন্দী
ক'রে চিতোরের ভাব বোঝা যাউক, সভার দ্বারা অপমানিত
হ'য়েছি—প্রজারা জানলে, অনেকে আমার পক্ষ হ'তে পারে ;
কতক প্রজা বশ চাই, নতুবা কার্য্য হ'তে পারে না ।

খাণ্ডা । তাই তো বলি—তাই তো বলি, বুড়োরাজা
কত বুদ্ধি ধরে !

রণমল্ল । খাণ্ডধারি, তুই একবার বিজরীকে ডেকে আন,
বল' গে রাজার আজ্ঞা, তুমি সভায় এসো, সে নির্জনে আমার
সঙ্গে দেখা করে না, রাজ-আজ্ঞা বলে অমান্ত ক'রতে পারবে
না । বাপ্পারাওয়ের সিংহাসনে আমায় আসীন দেখুক, আমার
বৈভব দেখুক, তার লোভ জন্মাক ; যা যা, এই স্থান এখন
নির্জন, কেউ আসবে না ।

খাণ্ডা । রাজবুদ্ধি নইলে বুদ্ধি !

[খাণ্ডধারীর প্রস্থান ।

রণমল্ল । একটা ক্ষুদ্র কণ্টক—একটা ক্ষুদ্র কণ্টক ! বুড়োরাজ
যেমন আলিঙ্গনে লৌহ-ভীম চূর্ণ করেছিল, সেইরূপ ইচ্ছা হয়—
সহসা সাহস হয় না !—যাক—কলদিন । রঘুদেব, রঘুদেবকে
আমার ভয়, সমস্ত মিবার তার পদানত ! বালক-বধের
উপায় অতি সহজ । আজ আজ্ঞা দিয়েছি, রাণার ভোজ্য-
সামগ্রী অগ্রে আমার নিকট আসবে ; একদিন কোন ভ্রম
একটু—ওই বিজরীকে আনছে, কি বোঝাচ্ছে—খাণ্ডধারী
আমার দক্ষিণ হস্ত । আমি লুকিয়ে শুনি ।

(সিংহাসনের নিম্নে লুকায়িত হওন)

(খাণ্ডধারীর সহিত বিজরীর প্রবেশ)

বিজরী । কই, রাজা কই ?

খাণ্ডা । মহারাজ যেখানেই থাকুন, তোমার কপালে
রাজসিংহাসন আছেই আছে,—এই যে তোমার হাতে যে দাগ
দেখ'ছো, এতে রাণী ক'রবেই ক'রবে ; তুমি যে তেমন নও,
বড় আপনার কাজ ভোল ।

বিজরী । কিসে ?

খাণ্ডা । মহারাজের মন কিনে নাও—মন কিনে নাও ।

বিজরী । মহারাজের মন কিন'ব কি ?

খাণ্ডা । হঁ, মন কিনবো কি—মন কিনবো কি—বুড়ো
মানুষ, দুটো গায়ে হাত বুলোলেই হ'লো (সিংহাসনের নিম্নে
রাজার অঙ্গভঙ্গীকরণ) কিন্তু দেখ, আমি এত করছি, শেষটা
আমায় ভুল' না ।

বিজরী । (স্বগত) বুড়ো মড়া এই সিংহাসনের নীচে
লুকিয়ে আছে । (প্রকাশ্যে) দেখ খাণ্ডধারি, তুমি আমার
বন্ধু বটে; কিন্তু আমার মনের সাধ মনেই রইলো

খাণ্ডা । কেন, তোমার যে সাধ ইচ্ছা কর না, যার রাজ্য
হাতে, তার আবার সাধের ভাবনা ?

(রণমল্লের সিংহাসন নিম্ন হইতে উত্থান)

রণ । খাণ্ডধারি, যাও ।

[খাণ্ডধারীর প্রস্থান ।

বিজরি ! কি সাধ আমায় বল, এ কার সিংহাসন জান ?
বাপ্পারাওয়ের এ সিংহাসনে কারে বসাবো ? তোমায়, তোমায়
সাধ পূর্ণ হয় নি !

বিজরী । সে কি মহারাজ, এ রাজসিংহাসনে আমি
ব'সবো কি ?

রণমল্ল । তবে কে ব'সবে? আমার সঙ্গে ব'সবার উপযুক্ত কে ?

বিজরী । এ মুকুলজীর সিংহাসন ।

রণমল্ল । যাক্—যাক্, তোমার সাধ কি বল—তোমার সাধ কি বল ?

বিজরী । আমি শত্রু-ভয়ে সদা সশঙ্কিত ।

রণমল্ল । তোমার শত্রু, আমার বল নি ? সে এখনো জীবিত আছে ? কে বল—কে বল ?

বিজরী । মহারাজকে ব'ললে এখনি তার প্রাণ বধ ক'রবেন, আমার প্রতিশোধ কি হ'লো ? ম'রে গেল ফুরিয়ে গেল ।

রণমল্ল । তুমি কি চাও বল ? নির্বাসিত ক'রতে বল, নির্বাসিত করি,—অগ্নিতে পোড়াতে বল, অগ্নিতে পোড়াই—কারাগারে রাখতে বল, কারাগারে রাখি ।

বিজরী । মহারাজ, আমি পূজা ক'রতে গেছলেম, শিবের গায় অঞ্চল ঠেকেছিল, এই নিমিত্ত আমাকে পদাঘাত ক'রেছে । যদি দাসীকে পারে রাখেন, কিঙ্করীর প্রতি সদয় হ'ন, তা হ'লে বন্দী ক'রে আনুন, বন্দী-গৃহের চাবি আমার দিন ; নিত্য আমি তার আহাৰ নিয়ে যাব আর তিন পদাঘাত ক'রবো, তবে আমার মনের খেদ মিটবে ।

রণমল্ল । কে বল—কে বল, এই দণ্ডেই বন্দী ক'রছি ।

বিজরী । মহারাজ, রূপা ক'রে কত দিন দাসীকে ডেকে-ছেন, কিন্তু আমার দিবানিশি প্রাণ কাঁদছে, দিবানিশি সেই পদাঘাত স্মরণ হ'চ্ছে, দিবানিশি প্রাণ জ্বলছে ; ভেবেছি, যদি মনের খেদ দূর হয়, তবেই প্রাণ রাখবো, নতুবা এই ছার প্রাণে প্রয়োজন কি ?

রণমল্ল । ছি ! ছি বিজরি ! ও কথা মুখে আনে ? এ সামান্ত কথা, এ আমার এদিন বল নি—এ আমার এদিন বল নি ?

বিজরী । মহারাজ কি দাসীর কথায় কর্ণপাত ক'রবেন ?

রণমল্ল । অ্যা, এমন কথা বিজরি ! আমি রাজমুকুট তোমার পারে রাখতে পারি ।

বিজরী । মহারাজ, দাসীকে অহুগ্রহ ক'রে সকলি বলেন ।

রণ । বলি, কথার কথা বলি, আগে তোমার শত্রুকে শাসিত করি । কে বল ? এখনি বন্দী ক'রে আনি ।

বিজরী । মহারাজ, যদি করুণা ক'রেছেন, তো বাদীকে এই ভিক্ষা দিন—

রণ । ভিক্ষা কি বিজরি—আজ্ঞা বল ?

বিজরী । আমি নিত্য কারাগারে যেতে পারবো না, আমার মহলে যদি বন্দী ক'রে আনেন, তা হ'লে আমার মনোবাঞ্ছা পূর্ণ হয়, যখনি অবকাশ পাই, তখনি গিয়ে শান্তি দিই ।

রণ । তাই হবে বিজরি, তাই হবে, এর জন্তে এত মিনতি কেন, তোমার শত্রু কে বল ?

বিজরী । মহারাজ, আমার শত্রু রঘুদেব ।

রণ । রঘুদেব ! রঘুদেব আমারও শত্রু ! বোঝ বিজরি, তোমায় আমার মিল বোঝ !

বিজরী । আমার মনস্কামনা পূর্ণ হ'লে আনন্দে মহারাজের পদসেবা ক'রবো ।

রণ । পদসেবা কি বিজরি, তুমি আমার বুকের ধন ! চিতোরের ঈশ্বরী ! মুকুলজী আর ক'দিন—বুঝেছ বিজরি, বুঝেছ ? তুমিই চিতোরের ঈশ্বরী ! সর্দারগুলোকে দূর ক'রতে পাদলে হয়—কাকেও নির্বাসিত, কাকেও বন্দী, কাকেও বধ ক'রতে হবে । আর বিলম্ব নাই, প্রায় সকল উচ্চপদই মারবারীদের দিয়েছি, কেবল সভাসদেরা চিতোরবাসী, তা আজ তাদের সর্বনাশ আরম্ভ হ'য়েছে ।

বিজরী । রাজমাতা আমার অহুসঙ্কান ক'রবেন, যাই মহারাজ, বিদায় হই ।

রণ । আর রাজমাতা, রাজাই কে, তার রাজমাতা ?

বিজরী । না—না মহারাজ, প্রকাশ হবে, আমি চ'লেম ।

[বিজরীর প্রস্থান ।

রণ । চিতোরেশ্বর, আমার মনে রেপো ; খাণ্ডাধারি—খাণ্ডাধারি :—

(খাণ্ডাধারীর প্রবেশ)

খাণ্ডা । ওঃ—হো—হো—হো !

রণ । হাসছিস্ কেন ?

খাণ্ডা । মহারাজের কি অদৃষ্ট, ধুলো ধরেন তো সোণা হয় ! আজই বিজরী আপনায় হবে, আমি সব শুনেছি ।

রণ । আজই কি ক'রে পাব ? রঘুদেবকে বন্দী করা তো সহজ নয় ।

থাণ্ডা। আরে, সে সহজ হোক আর নাই হোক, বিজরীকে পাওয়া ত সহজ।

রণ। না, রঘুদেবকে বন্দী না ক'রতে পারলে, বিজরী আমার হবে না।

থাণ্ডা। হবে না? আমার নামই না!

রণ। কিসে—কিসে?

থাণ্ডা। মহারাজ, কি বুঝলেন?

রণ। কি?

থাণ্ডা। ও রঘুদেবকে ভালবাসে, ওঃ হো—হো—হো! ও রঘুদেবের জন্তে মরে। তাই তো বলি, ও রঘুদেবের কাছে ভাল ভাল সামগ্রী পাঠায়, পদাঘাত ক'রবে! আপনার শোবার ঘরে বাছ বেড়ে বন্দী ক'রবে; ওঃ—হো হো—হো—হো! আজই বিজরীকে দিচ্ছি।

রণ। বলিস্ কি—বলিস্ কি? আমার অঙ্গুরী নে। কি করে—কি করে? কি ক'রে আজই বিজরীকে পাব? আবার যোধরাও আসছে, ও গেলেই তুই আসিস্। বলিস্ কি—বলিস্ কি, আজই পাব?

থাণ্ডা। না পান, আমার কাণ কেটে দেবেন।

[থাণ্ডাধারীর প্রস্থান।

রণ। আঃ! এমন সময় আবার কি ক'রতে এলো? যা হোক, থাণ্ডাধারী একটা ঠাউরেছে, বিজরীর জন্তে অ'লে মলুম।

(যোধরাওয়ের প্রবেশ)

কি সংবাদ, যোধরাও?

যোধ। রাজপদে, পিতৃ-

পদে মম নমস্কার, রাজ্যে শুনি হুল-

স্থূল, অসম্ভষ্ট সভাসদগণ, তাহে

অনর্থ সম্ভব, নরনাথ! নিবেদন

জানায় কিঙ্কর, সবে কহে অপরাধ

বিনা শিখণ্ডীর কারাবাস, মানী জনে

অসম্মান যুক্তিসিদ্ধ নহে কদাচিত্।

রণ। কিবা শঙ্কা? মারবার-সদ্যারে বেষ্টিত

আমি, উচ্চপদে প্রতিষ্ঠিত যত মম

আত্মীয়-স্বজন, দুর্গ মারবার-সেনা-

করগত, কি আশঙ্কা সভাসদগণে?

যোধ। বুঝিতে না পারি যশে কিবা প্রয়োজন,

চিতোর-নিবাসিগণে বঞ্চিত করিয়ে,

উচ্চপদে প্রতিষ্ঠিত কি হেতু রাঠোর?

মিষ্কারের রাজকার্য্য মিবারবাসীর,—

পরকার্য্যে অযশ অর্জন কি কারণ?

শ্রায়মত সূশাসন-স্থাপন উচিত।

রণ। পরকার্য্য—পরকার্য্য?—রাজপুত্র হেন

বোধহীন! কার এ চিতোর, অধিকার

কার? এ বুঝি ভূতের বোকা বহি! পূর্ণ

এত দিনে সকল বাসনা; শুভক্ষণে

নারিকেল পাঠাই মিবারে, ফলবান্

তরু, রক্ষা হেতু হও সূচেষ্টিত, আশা-

অতীত সংযোগ বিধাতার সঙ্ঘটন।

যোধ। বুঝিতে না পারি পিতা, অভিপ্রায় তব,

চিতোরে কি করিব বসতি? পরাধীন—

রাণার অধীন রব স্বদেশ ত্যজিয়া?

রণ। কার অধীনতা, কেবা রাণা? শীঘ্র হব

নিষ্কণ্টক, কার্য্য কর আজ্ঞামত, স্মরা

কণ্টক ঘুচিবে; শোন পুত্র, পণ মম,

শিশোদীয় বংশ আর চিতোরে না রবে।

যোধ। অস্থির অন্তর পিতা, বচনে তোমার,

কুট অভিসন্ধি এ কি শুনি, মহারাজ!

মুকুল সন্তান তব, মম মম পিণ্ড -

অধিকারী দৌহিত্র-সন্তান, রাজ্যস্তুমি

করে লোকে দান, রক্ষাকর্ত্তা তুমি তার,

চাহ কি সন্তানে তাত, করিতে সংহার?

এ কি অহি মম আচরণ, ধর্মকর্ম-

নাশ—মহুয্যত্ব-বিসর্জন! হে রাজন,

কাপে প্রাণ হেন কথা শ্রীমুখে শুনিয়া—

বৃদ্ধকালে বিষময় বিষয় লালসা!—

নাহি নরকের ডর, আছ মৃত্যু গ্রাসে।

ক্ষম দাসে, কটু কহি তব ভাষে, ত্রাসে—

কর দেব, দুরাশা বর্জন।

রণ। রাজবংশে

জন্ম, নাহি উচ্চারণ? ত্যজিব স্মরণ—

ইচ্ছের বাঞ্ছিত এই বিপুল সন্তোষ?

বোধ । কর ভোগ, পিতা তুমি, কি কহিব আর,
রহিব না হেরিব না তুর্নীতি-ব্যাভার,
রক্ষক ভক্ষক, নিজবালক-নিধন,
ধন্য উচ্চ আশা, কর সম্ভোগ রাজন !

রণ । বোঝ—বোঝ, শোন কথা, কোথা যাও ? কোথা
যাও ? ফেরো,—ফেরো, শোন—শোন না বচন ?

বোধ । উভয় সঙ্কট, স্থান করিব বর্জন ।

[যোধরাওয়ার প্রস্থান ।

রণ । বুঝি সর্বনাশ করে, যেওনা—যেও না ।

[প্রস্থান ।

দ্বিতীয় গর্ভাঙ্ক

গুঞ্জমালার কক্ষ

মুকুল ও কুশলা ।

মুকুল । দাই-মা, তুমি হেথায় এসেছ, মা রাগ ক'রবেন,
আমি তোমার ঘরে গিয়েছিলেম ।

কুশলা । কেন বাবা ?

মুকুল । দাই-মা, তুমি আমায় নিয়ে পালাও, দাদাজী
আমায় মেরে ফেলবে, দাদাজীর চোখ দেখে আমার ভয়
করে । আমার মুখপানে চায়—আমার মনে হয়, আমায়
থেয়ে ফেলবে—দাই-মা, আমায় নিয়ে চল—চণ্ড-দাদাজীর
কাছে আমার নিয়ে চল ।

কুশলা । ভয় কি বাবা, ভয় কি ?

মুকুল । দাই-মা, তুমি জান না—আজ ভাইজীকে বন্দী
ক'রেছে, বোধ করি, মেরে ফেলবে, যারা আমার ভালবাসে,
তাদের মেরে ফেলবে ; যারা আমার কাছে থাকতো, যারা
আমার সঙ্গে যেতো, যারা আমায় ভালবাসতো, তাদের সব
ঝেঁপে তাড়িয়ে দিয়েছে । এখন যারা আমার সঙ্গে যায়, তাদের
দেখলে আমার ভয় করে, আমি চম্কে চম্কে উঠি, মনে হয়,
আমায় কেটে ফেলবে । ঐ মা আসছে, তুমি মাকে বলো
না দাই-মা, আমি লুকুই, তুমি মাকে বলো না । মা যদি

দাদাজীকে বলে দেয়, তা হলে আজই আমাকে মেরে
ফেলবে । [মুকুলজীর প্রস্থান ।

কুশলা । (স্বগত) কি হবে, কি ক'রবো ? শিখণ্ডীও বন্দী
হ'য়েছে, আমি একা জীলোক, মুকুলজীকে নিয়ে কি ক'রে
পালাবো !

(গুঞ্জমালার প্রবেশ)

কুশলা । আসিয়াছে পুন তব পাশে লাজহীনা ;

সর্বনাশ উপস্থিত, বুঝেও বোঝ না,
দেখেও দেখ না ; রাজকার্য ছিল তব
সাধ, পুরিল কি সে বাসনা ? কেবা তুমি
চিতোর নগরে ? রাজমাতা, ছিলে 'রাজমাতা'
চণ্ড ছিল পুরে যবে, নহ এবে
রাণী, তুমি সামান্য রমণী, পরাধীনা
রাঠোর-নন্দিনী, পিতৃ-অন্নদাসী নিজ পতি-
অধিকারে—কে গণে তোমারে ? পরিপূর্ণ
রাঠোরে নগর, হের রাঠোর-ঈশ্বর
রাজপুরে, উচ্চপদে রাঠোর স্থাপিত ;
আজি শুনি রাজসভা ভঙ্গ অত্যাচারে,
উচ্চ কোন সভাসদ বন্দী কারাগারে,
রাজ-মন্ত্রী খাণ্ডাধারী, বেস্তার ঘটক,
ক্ষুর নহি তাহে, আমি ধাত্রী—রাজকার্যে
নহি অধিকারী, অধিকারমত কথা
কহি ; রাজমাতা, আসিয়াছি বড় ব্যথা
পেয়ে ।

গুঞ্জ । শুনিয়াছি পুত্র তব বন্দী পিতৃ-
রোষে, নিরুপায়—কি উপায় করি, ধাত্রি !
কহি যদি পিতায়, শুনিব কটু বাণী,
বুদ্ধিভ্রমে দাসী আমি হ'য়ে রাজরাণী !

কুশলা । আসি নাই পুত্রের কারণে—গর্ভে যবে
ধরেছি নন্দনে, জানি রাণি, রাজপুত্র-
রমণী, পালিত রাজপুত্র-গৃহে, ঘোর
ঝঞ্জাবাতে, রণে বনে দুর্গমে কান্তারে,
কারাগারে কাটিবে জীবন তনয়ের,—
কুসুম-বিস্তৃত পথে বীর নাহি চলে ।
মুকুলের ধাত্রী, মম অন্তর শিহরে,—
ব্যাকুল হয়েছি রাণি, মুকুলের তরে ।

৩৯। অঁয়—অঁয় ধাতি, কি বল—কি বল ?

কুশলা।

দেখ কিবা,

বড়বড় ভেদিতে কি নার, রাজমাতা ?

৪০। কুঠার মেয়েছি ধাত্রি, আপনার পায় !

তুমি মুকুলের মাতা, সাপিনী জননী

আমি, কহিয়াছি কত কটু বাণী, ক্ষমা

কর, কি জানি লো কি ফলে কপালে, শূন্য

হেরি, কি উপায় করি—শঙ্কায় শুকায়

কায় ! ধাত্রি, কি হবে—কি হবে ? এ বিষম

বিপদে বাস্তব নাহি হেরি ; কি কুক্ষণে

আধিপত্য-আশে হয়, চণ্ডেরে বিদায়

দিহু, সাধু জন—বুঝি তার অভিশাপে

মনস্তাপে মরি লো কুশলা ! কিবা লয়

তোর মনে, অভিপ্রায় পিতার বুঝিতে

নারি। নাহি অশ্রু আশ, করি মুকুলের

জীবন-প্রয়াস ; কৰ্ম-ফেরে বন্দী নিজ

ঘরে। যা হবার হইয়াছে ফিরিবে না ;

ভাবি পরিণাম ; তুমি হিতৈষিনী, তুমি

বিপদসাগরে সখী, মন্দ অভিপ্রায়

সন্দ কর কি পিতায় ? কাঁদি দিবানিশি,

ভাবি মনে, মা হ'য়ে কি হইলু রাক্ষসী !

কুশলা। কি কহিব রাজমাতা, ডরে মম কথা

নাহি সরে ; পিতার তোমার রাজ্য-লিপ্সা

বিকট বদনে ; থরে আরক্ত নয়নে

দুষ্টকাজা ; কুটিল কঠোর দৃষ্টি হেরি

বালক শিহরে—যেন কেশরী-শাবক

কিরাতের তীব্রলক্ষ্যে ! শুনি দৌহিত্রের

মনে হবে একত্রে ভোজন, পাছে কেহ

মুকুলের ভোজ্যদ্রব্যে দেয় হলাহল ;

তুমি মাতা, তোমায় প্রত্যয় কিবা, প্রাণ-

সম প্রিয়তম তাঁর দৌহিত্র দুলাল ;—

মা হ'তে অধিক স্নেহ, কেবা সেই জন !

৪১। কহ মোরে মঙ্গলভাষিনি, কোথা যাব—

কুমারের প্রাণরক্ষা করিব কেমনে—

আছে কি উপায় কিছু ? বিপক্ষ চৌদিকে,—

বিজয়ী ব্যবহার বুঝিবারে নারি,

সন্দ হয়, সন্দা যেন গুপ্ত-তবে ফেরে,

বিপক্ষের পক্ষে যেন রয়েছে প্রহরী।

সর্বনাশ কিরূপে নিবারি ? নাহি চাই

রাজ্যধন, সিংহাসন যাক্ ছারেখারে,

কেমনে বাছার রাখি প্রাণ ? এ সঙ্কটে

কিসে হই পার ?—নারী সহায়বিহীনা !

বুদ্ধিমতী তুমি লো কুশলা, স্ককৌশল

কর গো বিধান, চল, যাই পলাইয়া

নিশিযোগে, চল পশি বনে, বগ্ন-সনে

করি বাস।

কুশলা। কোথা যাবে—বিজরী প্রহরী,

কাণে কাণে কথা তার খাণ্ডাধারী মনে ;

নিশ্চয় রাঠোর পক্ষ ; বিপক্ষ সতর্ক

অতি, চ'থে চ'থে রাখে ; গুপ্ত অমুচর

বধিবে জীবন পথে, এখনো প্রকাশে

কিছু করিবারে নারে, প্রজাগণে ডরে,

বধিবে কুমারে তোমা মনে, কবে দস্যু-

গণে হত্যাকারী, অর্থলোভে মিথ্যা কবে

দীন-জনে, হত্যা-দোষ করিবে স্বীকার

সভাস্থলে, প্রাণদণ্ড হবে সে সবার ;—

প্রজাগণ বুঝিবে, হইবে কার্যোদ্ধার।

৪২। কি হবে কুশলা, তবে কে করিবে ত্রাণ ?

অকুল সাগর-মাঝে কুল নাহি দেখি !

কুশলা। শোন রাণি, আছে এক বিপদে কাণ্ডারী।

৪৩। কোথা, কে সে ? কহ ত্বরা ওলো স্ত্রভাষিনি,

জান যদি, উপায় কি হেতু নাহি কহ ?

আমা হ'তে কুমারে তোমার স্নেহ।

কুশলা।

চণ্ড !

চণ্ড এই অকুল পাথারে কর্ণধার,

আছে মান্দুদেশে, প্রের সংবাদ সত্বর।

৪৪। বুঝি ধাত্রি, নিরুপায়—তাই হেন কহ

প্রবোধিতে মোরে ; নির্বাসনে পাঠায়েছি

যারে, যারে নৃশংস ব্যাভারে, বিনা দোষে

দিয়াছি বিদায় ; রাজপুত্র পথে পথে

করিল ভ্রমণ, নিদারুণ পিতৃদেবে,

সতীত মিথ্যার, প্রজাগণে নাহি দিল
স্থান, কোথা নাহি পাইল আশ্রয় আশ্রি-
হু হেতু, পথক্রান্ত মুম্বু যখন
রাজভয়ে বারি-বিন্দু কেহ না দানিল,
ঘাতক রক্ষকগণে কৈল আক্রমণ,
অস্বহীন নিঃসহায় যবে ;—সত্য, নহে
মম আক্রামত—কিন্তু সে তো জানে মম
অস্বমতি বিনা ঘটে নাই এ সকল,—
কোন্ মুখে পাঠাব সংবাদ—কি কুহিব,
মার্জনা কি করে কেহ হেন অপরাধ ?
কুশলা । চণ্ডের প্রকৃতি তুমি নহ অবগত

সতি, অতি উচ্চ-মতি স্বদেশবৎসল,
বীর ধীর গভীর সাগর সম, শ্রেষ্ঠ
শ্রেষ্ঠ হতে, দেবোপম উদার-হৃদয়,
কুমারের প্রতি কত স্নেহ তব রাগি !
চণ্ডের সর্বস্বধন তোমার নন্দন ।
কুলমান-বংশের গৌরব একমাত্র,
উদ্দেশ্য জীবনে তার, সেই কোলে তুলে
বসায়েছে সিংহাসনে বালক মুকুলে ;
তুলিলে সঙ্কট, স্থির কভু না রহিবে,
হেন লয় মনে, কভু নিশ্চিন্ত সে নহে,
ব্যগ্রচিত্ত নিয়ত রাগার তত্ত্ব হেতু,
রাগা তার ধ্যান জ্ঞান, কল্যাণ-কামনা
বিনা কিছু আর নাহি তার ত্রিসংসারে ।

গুণ । কহ ধাত্রি, কেমনে সংবাদ দিব, চারি
ভিতে অরি, অরিগুরে বাস, সঙ্গে অরি,
কুটিল সতর্ক চক্ষু এড়াব কেমনে ?
কেবা যাবে—

কুশলা । বুঝি দেবি, সদয় দেবতা,
আসে পূর্ণরাম ভাট, ওই দূত তব ।

গুণ । প্রত্যয় করিব ভাটে ?

কুশলা । সাধু ভট্টরাজ,
বিশ্বাস না হবে ভঙ্গ, কর চিন্তা দূর ।

(পূর্ণরামের প্রবেশ)

পূর্ণ । যেখানে যাই, চোখ আছে, তাই দেখতে পাই ; খালি
কাণাকানি, খালি ফুশফুশানি, এ সব হানাহানির পূর্বলক্ষণ ।

আ মব বুড়ো, তোর কেন ভিরকুটি, তোর কেন এত বচন ?
যে আগু ভেবে না কাজ ক'রে, শেষে পত্তায়, তোর কি
তায় ? আছে একটু দায়, নইলে ঘুরে বেড়াই ? যার ধন
কেন সেই নিক না, তা হ'লে তো এত গোল বাধে না,
বুড়ো ভাটের মন কাঁদে না ।

গুণ । কি লিখি ?

কুশলা । লিখ, বিপদ ।

গুণ । কিছু নয় আর ?

কুশলা । অঙ্কিত করিয়ে দাও মোহর তোমার ।

পূর্ণ । ভারি কাণাকানি, শেষটা দেখছি, তোরে
নিয়েই টানাটানি ।

কুশলা । ভট্টরাজ, একটি কাজের ভার নেবে ?

পূর্ণ । আর কেন পাতনামা, দাও না কি দেবে ।

গুণ । চণ্ডকে এই চিঠি দিতে হবে ।

পূর্ণ । বুঝেছি, কেন দেরি ক'রছো তবে ? দেখছি
মন, লোকে আপনার বুদ্ধিফেরে সন্দেহ ক'রে গরে, চারদিক
ফরসা, এখন নির্ভরসাই ভরসা ! ইয়া, খুব নে কথা ক'রে,
এ দিকে যাক সময় ব'য়ে । এক পলে কি হ'য়ে যায়
জানিস ? এক পল আগে জ্যান্ত ছিল, এক পলে কাটা
গেল । পল যোড়া দে সময় বাড়ে, পলের ভেতর বজ্র
পড়ে, যে পলের হিসাব রাখা কড়ে, তার পা কি বেতাকে
পড়ে ? আ মব বুড়ো গ'ড়ে, এখানে দাঁড়িয়ে কেন রে
ভেড়ের ভেড়ে, পল যদি তুই এত মানিস ?

[পূর্ণরামের প্রস্থান ।

গুণ । কি উপায়ে করি নিবারণ, পিতা মনে

একত্রে ভোজন মুকুলের, কহ গোরে ?

কুশলা । যদি কুমারের মনে একত্র ভোজন

আকিঞ্চন করেন ভূপাল, দৃঢ়পণে

প্রকাশিবে অসম্মতি,—বুঝিবে অন্তরে

রাজা, কিছু না করিবে সন্দেহের ডরে ;

প্রবল সর্দারগণ হয় নি দমন,

পাপাভীষ্ট পাপিষ্ঠ না করিবে সাধন,

যাই আমি—

গুণ । কহ ধাত্রি, নাহি কোন ভয় ?

কুশলা । ক'রো না সম্মতি দান, হোক যেন হয় ।

[উভয়ের প্রস্থান ।

তৃতীয় গর্ভাঙ্ক

কারাগার

শিখণ্ডী ও ঘাতকদ্বয়।

শিখণ্ডী। কে তোমরা ?

১ম-ঘা। মানুষ আর কে !

শিখণ্ডী। তোমরা কি ঘাতক ?

২য়-ঘা। যদি হই, তার আর কি ?

শিখণ্ডী। তবে বধ কর।

২য়-ঘা। তুমি বেশ মানুষ, বাঃ ! কেউ আঁকে ওঠে, শিউরে ওঠে—কেটে হুথ মেটে না।

শিখণ্ডী। দেখ, আমার ঠেঙে একটা বিছা ছিল, আমি ভাল লোহা পেলে সোণা ক'রতে পারি। তোমরা কেউ সে বিছা শিখে নেবে ?

১ম-ঘা। সত্যি ?

শিখণ্ডী। এই প্রত্যক্ষ দেখ না, তোমার তলোয়ার তো ভাল লোহার ?

১ম-ঘা। ইম্পাতের, কাটবো যখন টের পাবে।

শিখণ্ডী। তবে আর কি, একজন একটু সিঁদূর আন দেখি ?

১ম-ঘা। যা না—যা না, খপ্ ক'রে নিয়ে আয় না।

২য়-ঘা। তুই যা না।

১ম-ঘা। আচ্ছা, আমি যাচ্ছি, তুই দাঁড়া।

[প্রথম ঘাতকের প্রস্থান।

২য়-ঘা। দেখ, তুমি ওকে শিখিও না, আমায় শেখাও।

শিখণ্ডী। কি ক'রে শেখাব, সিঁদূর না হ'লে তো হবে না।

২য়-ঘা। তুমি মস্তুরটা শিখিয়ে দাও না ?

শিখণ্ডী। আরে, সে কি ক'রে সিঁদূর দিতে হয়, না দেখলে পারবে না।

২য়-ঘা। তবে তুমি আমার সঙ্গে এস, আমি তোমায় শিকলি খুলে দিচ্ছি।

শিখণ্ডী। কি ক'রে যাব, রক্ষীরা যে ধ'রবে ?

২য়-ঘা। আরে, আমরা লুকোনো পথ দিয়ে আসি যাই, রক্ষীরা কি জানে আমরা এসেছি। হাঃ হাঃ হাঃ !

রাজাদের কথা তুমি জান না, আমাদের লুকিয়ে দেয়, সে কথা কি কাকে-কোকিলে জানতে পারে ;—আমরা মেরে যাই, রক্ষীরা এসে দেখে খবর দেবে। 'কে মারলে,—কে মারলে' একটা গোল পড়ে যাবে ! আমাদের বুড়ো রাজা কি একটা কম সেয়ানা ঠাউরেছে ? এমনি মারতুম, লোকে ঠাওরাতো তুমি আপনিই ম'রেছ ! একজন চেপে ধরতুম, আর একজন গলার শির কাটতুম। নাও—চল চল, সে আবার এসে প'ড়বে।

[উভয়ের প্রস্থান।

চতুর্থ গর্ভাঙ্ক

কক্ষ

রণমল্ল ও খাণ্ডাধারী।

রণ। কই, এখন' ত আসছে না ?

খাণ্ডা। মহারাজ, ভাবছেন কেন—যে ফাঁদ পেতেছি, প'ড়লো ব'লে ; এখন রাণীর কাছে আছে, আমি যাব না—রাণী আমায় বড় সন্দ করে।

রণ। ঠিক তো ?

খাণ্ডা। আর একটু বসুন না।

রণ। তুই রঘুদেবের কাপড় কোথায় পেলি ?

খাণ্ডা। তার ঠেঁয়ে যে যা চায়, তাই দেয় ; আমি বললুম, "বাবা, এই কাপড়খানি আমায় দাও",—তখনি ছেড়ে দিলে।

রণ। এখন তোকে এক কাজ ক'রতে হবে—লোক নিয়ে যা, আজ রঘুদেবকে বধ ক'রতে হবে।

খাণ্ডা। বড় সোজা কথাটা কি না—একে ত সেই ষণ্ডা জোয়ান, তার পর সর্দারদের সেই খানে আগুনা হয়েছে—দহরের বত লোক আসছে বাচ্ছে, দিনরাত পা পুজো ক'রছে।

রণ। এ কাজ ক'রতেই হবে—যেমন ক'রে হয় ; খুব পাকা দেখে লোক নিয়ে যা।

খাণ্ডা। ও কাঁচা পাকার কর্ম নয়।

রণ। না পারিস্ তো তোর আর মুখ দেখবো না ; দেখ না, এত ফিকির জানিস্।

খাণ্ডা। বড় শক্।

রণ। ক'রতেই হবে, ও থাকতে আমার রাস্তিরে ঘুম হয় না—ও এখনি মনে ক'রলে মেবার গুঁড় তোলপাড় ক'রতে পারে ; সর্দারদের নিয়ে কি একটা ষড়যন্ত্র ক'রছে ; আর ও থাকলে বিজরীর মন পাব না।

খাণ্ডা। মহারাজ, মন নিয়ে কি ধুয়ে খাবেন ?

রণ। না—না, ঐরাবতের আহাৰ ভেক হ'য়ে চায় !

খাণ্ডা। সে ফিরেও তাকায় না।

রণ। আরে, তুই বুঝিস্ নে, সে বেঁচে থাকলে সৰ্কনাশ হবে ; এ কাজ যদি না পারিস্, তুই আর আমার সামনে আসিস নি। তুই জানিস্, ও আজ মনে ক'রলে রাজা হ'তে পারে ; ষত দিন ও আছে, মুকুলকে মারতে আমার সাহস হয় না। গুঞ্জমালা বোধ করি ওর ভরসা পেয়েছে নইলে আজ আমার মুখের ওপর ব'ললে, “না, আমি মুকুলকে তোমার সঙ্গে খেতে পার্ঠাব না।” আমি থেমে গেলেম, বুঝলেম, অবশ্য কারুর সাহস পেয়েছে। কে আর সাহস দেবে, ঐ রঘুদেব বেটাই দিয়েছে।

খাণ্ডা। মহারাজ, ওরে মারলে একটা গোলযোগ হবে।

রণ। হয় হবে, ও ম'লে সকলের বুক ভেঙ্গে যাবে।

খাণ্ডা। ঐ শিকার প'ড়েছে, আপনি চূপ ক'রে এই চাদর-খানা মুড়ি দিয়ে বসুন। আহা! কি ত্রিভঙ্গ রঘুদেবই এসে দেখবে ! ওর পেটের কথা আপনাকে শোনাই, শুনুন।

(বিজরীর প্রবেশ)

বিজরী। কই খাণ্ডাধারি, রঘুদেব কই ?

খাণ্ডা। আমায় কি দেবে আগে বল ?

বিজরী। যা চাও।

খাণ্ডা। শেষটা মনে রেখো, আর কিছু না ; তুমি খুব বুদ্ধি ক'রেছ, একটা কাজ ক'রতে পারলেই ব্যস ; মুকুলকে তো রাজা মারবেই—সে তোমাকে তো এক রকম বলেইছেন। তুমি একদিন যোগাড় ক'রে মদের সঙ্গে এণ্টু বিষ দিতে পারলেই রঘুদেবকে নিয়ে সিংহাসনে ব'সো। কেনন তোমার মনের কথা টের পাইনি, বল ?

বিজরী। রাজা মদ খাবে কেন ?

খাণ্ডা। তুমি দিলে কোঁত কোঁত গিলবে।

বিজরী। খাণ্ডাধারি, তুমি কি চাও ?

খাণ্ডা। আগে রঘুদেবের বামে সিংহাসনে ব'সো, তবে ব'লবো।

বিজরী। তোমায় আমি রাজমন্ত্রী ক'রবো, তুমি আমার সহায় হও।

খাণ্ডা। তোমার কোন্ কাজটা না ক'রছি বল ?

বিজরী। ও সব রক্ষীরা রয়েছে কেন ?

খাণ্ডা। তোমার প্রাণধন যে ষণ্ডা, যদি পালায় তো তুমি ধ'রে রাখবে, না আমি ধ'রে রাখবো ? যাও, ঐ গৌ হ'য়ে ব'সে আছে। [খাণ্ডাধারীর প্রস্থান।

(রণমল্পের বিজরীর নিকটে রঘুদেবের বস্ত্রে আচ্ছাদিত হইয়া আগমন)

বিজরী। প্রাণনাথ, তাজ অভিমান, কথা কও,

চাও চাঁদবদন তুলিয়ে, তৃপ্ত কর
নয়ন চকোর, সদা সুখা-অভিলাষী ;—

ক্ষমা কর, দাসী উন্মাদিনী—গুণমণি,

ধরি পায় প্রাণ রাখ, প্রাণের জালায়
এনেছি তোমায় বন্দী করি ; প্রাণেশ্বর,

সদয় অন্তর তুমি, নিদয় হয়ো না

অবলায় ; যেবা যেই মাগে তব পায়,

তখনি সে পায়, তবে কেন রূপানিধি

তাপিতা তরুণী, বারিবিন্দু নাহি কর

দান ? কুল শীল মান জীবন-যৌবন

সমর্পণ করে নারী, করহে গ্রহণ ;

যায় প্রাণ, খোল মুখ, তোলো আবরণ !

রণ। এই যে প্রাণ-প্রেয়সী, প্রাণের ফাঁসী,

আমি তোমার তরে দিবানিশি বসে—

চ'থের জলে ভাসি।

বিজরী। কি সৰ্কনাশ, এ কে !

[বিজরীর প্রস্থান।

রণ। হাঃ! হাঃ! হাঃ! আপনি শেকল পরেছ,
এখন কোথায় পালাচ্ছে? যাও—যাও, ঘুরে এস, ঘুরে এস,
রঘুদেবকে ফেলে থাকতে পারবে না !

(বিজরীর পুনঃ প্রবেশ)

বিজরী। পিতা তুমি মহারাজ, ধর্ম-অবতার,

আমি তব তনয়ার সখী—ক্ষমা কর,

ধর্ম ভিক্ষা চাহে পদে কুমারী কামিনী ;
নৃপমণি, ফেল না হতাশে, বধ প্রাণ
ইচ্ছা যদি, কর নির্কাসিত, দেহ দণ্ড
যেবা আজ্ঞা হয়, সদাশয় রাখ ধর্ম-
ভয়, নিরাশ্রয় অবলায় কর' না হে—
করো না পীড়ন ; বীর ধর্ম ধর্ম রক্ষা,
বীর তুমি, ধর্মনাশ করো না প্রয়াস ।

রূপ । কারে বলছো ? আমি রঘুদেব, চিন্তে পারছো না ?
এ কার কাপড়, রঘুদেবের না ? দেখ—ভালো করে দেখ,
রঘুদেবের আশা করছো—সিংহাসনে বসাবে !

বিজরী । প্রাণ দণ্ড কর—তমু খণ্ড খণ্ড করি

লহ প্রাণ, অনল দহনে, বিষ-দানে,
কুকুর চর্কণে, শূলে, হস্তিপদতলে—
কঠিন নিয়মে বধ কর নরপতি ;
করো না অবশ্ব, রাখ কণ্ঠার মিনতি ।

রূপ । ইস, এত ধর্ম ! তুমি কার আশায় আমাকে
বধিত কর'তে চাও ?—রঘুদেব ! রঘুদেব যমালয়ে, এই দেখ—
ঘাতক তাকে বধ করে আমার তার কাপড় এনে দিয়েছে ।
দেখচো, চিনেচো—এ রঘুদেবের কাপড় ।

বিজরী । এঁ্যা—এঁ্যা ! (মূর্ছা)

রূপ । তুমি একা নও, অনেকেই মূর্ছা গিয়েছে ।

(ঘাতকের সহিত খাণ্ডাধারীর প্রবেশ)

খাণ্ডা । মহারাজ, সর্বনাশ হ'য়েছে—সর্বনাশ হ'য়েছে !
কারাগার হ'তে শিখণ্ডী পালিয়েছে ! শীঘ্র আস্বন, সৈন্যদের
আজ্ঞা দিন, প্রজারা মহা গোল কর'ছে, বিদ্রোহী বা হয় । এই
বেলা দমন না করলে মহা সর্বনাশ হবে ।

রূপ । এঁ্যা, বলিস্ কি ?

[বিজরী ব্যতীত সকলের প্রস্থান ।

বিজরী । আমি কোথায় ? এই তো আমার গৃহ,—ওহো,
এখনি নরাধম আসবে, কোথায় পলাব ? এই গবাক্ষ হ'তে
উদ্ধানে পড়ি । উঃ ! বড় উচ্চ—প্রাণ যায় যাবে !

[প্রস্থান ।

পঞ্চম পর্ভাঙ্ক

দেবালয়-সম্মুখ

প্রজাগণ, রঘুদেব ও সভাসদগণ ।

প্রজাগণ । জয় রঘুদেবজীর জয় ! জয় রঘুদেবজীর
১ম সভা । পূজা ধর পরমাত্মা পরম-পুঙ্কষ

সনাতন ! আৰ্য্য, মজে রাজ্য অত্যাচারে,

মহাশঙ্কা ঘরে ঘরে, রাজদূত—যমদূত-

সম ফেরে, কবে করে ধরে, কবে

বধে বিনা অপরাধে ; কবে হরে ধন,

গোধন হরণ করে ; কুলের কামিনী

নাহি মানে—সুন্দরী রমণী ঘরে যার,

অকস্মাৎ বুকে ছুরি তার ; ধনী জন

সদা সশঙ্কিত, প্রজা ছিন্নভিন্ন, মানী-

গণ মানচূর্ণ—পাপাচার পরিপূর্ণ

শ্রায়শূণ্য রাজ্যভার যার ; হাহাকার

ধ্বনি ওঠে প্রতিধ্বনি রাজধানী

বেড়ি নিরন্তর ; উচ্চপদ যার, প্রাণ-কাঁপে

তার, ঘাতকের গুপ্ত ছুরি চারিদিকে ;

কারাগারে শিখণ্ডীনিধন হত্যাকারী-

হস্তে শুনি ; প্রজাগণে সৈন্ত বধে রাজ-

পথে ; কর পূজ্যপাদ উপায় বিধান

এ বিপদে, নহে প্রভু, মিবার মজিবে,

অন্ত যাবে সূর্য্যবংশ-বিখ্যাত গৌরব ।

রঘু । বনবাসী দীন দাস, কিশোরে সম্যাসী—

ফলমূলে জীবন যাপন, কার্য্য মম

দেবসেবা কুসুম-চয়ন ; রাজ্য-কোলা-

হল, অস্ত্র-ঝনংকার, রণ-সিংহনাদ,

বাদ-বিসংবাদ কহু কর্ণে নাহি পশে ;

সহায়-বিহীন, নাহি কার্য্য-কুশলতা

মম, কহ—আমা হ'তে উপায় কি হবে ?

২য় সভা । শ্রীমুখে পাইলে আজ্ঞা, চিতোর-নিবাসী

অগ্নি সম গর্জিয়ে উঠিবে, যুবা বৃদ্ধ

বালক বনিতা অস্ত্র ধরি নিবারিবে

অত্যাচারী দেশ-অগ্নি, লাক্ষ্মণা-বংশ-

ধর তুমি দেব, সেহ প্রজারে আশ্রয়,

মহাভয় দূরীকৃত কর মহাশয় !

রঘু । স্বধর্মপালন শ্রেয়ঃ শোন মতিমান্ ;
রাজা রাজধর্মে, বোদ্ধু যুদ্ধকর্মে, কৃষি
কার্যে কৃষী রবে রত ; সন্ন্যাসীর ব্রত—
ঔদাস্ত সংসার কার্যে, স্বধর্মপালন
মঙ্গল-সাধন, অমঙ্গল ধর্মে হেলা,
বিবরী-সন্ন্যাসী করে অধর্ম অর্জন ।
অধর্ম বারণ কভু অধর্মে না হয়,
নিজ নিজ ধর্ম পালে যেই রাজ্যে সবে,
সে রাজ্যের নাহিক পতন ; নিজ-কার্যে
রত রহ সবে, অনিষ্ট না হবে, ইষ্ট-
সিদ্ধি তাহে অসংশয় ; যবে অত্যাচার-
পূর্ণ ধরা, ধর্মরক্ষা-হেতু সাধুজন,
শোণিত প্রদানে হরে ধরণীর তাপ ।
সেই রক্তশ্রোতে হয় অত্যাচারী নাশ—
স্বখের আবাস পুনঃ হয় এ মেদিনী ।
সাধুর শোণিতে যবে ধৌত হবে ধরা—
জেন' হবে অত্যাচার নিবারণ স্বরা ।
নিয়ত প্রার্থনা মম ঈশ্বরের পায়,
মঙ্গলবিধান বিভূ করুন কৃপায় ।
দুর্যোগ নিকটে, সবে কর হে গমন ।

সভা । নমস্কার দেব, যেন পদে রহে মন ।

প্রজা । জয় রঘুদেবের জয় ! জয় রঘুদেবের জয় !

[প্রজাগণ ও সভাসদগণের প্রস্থান ।

রঘু । ঘোর ধুমবর্ণ মেঘমালা বেগে ধায়
ঝটিকা-বাহনে, ক্ষণপ্রভা প্রভা রহি
রহি লকুলকে ভুজঙ্গিনী-জিহ্বা সম,
নৃত্য করে প্রভাময়ী কঠোর নাদিনী,
ঘূর্ণবায়ু গর্জনে ভীষণ ; গণ্ডগোল,
ঘন ধূলি মাখি কায় উন্মাদ কানন
ধরায় নোয়ায় শির, বিকৃতি প্রকৃতি,
তিমির-বসনা ঘোর রণরঙ্গে মাতি !
শাস্ত হও ভয়ঙ্করি, দিব বলিদান,—
সন্তান-শোণিতে যেন পূরে মা পিপাসা,
দাসের কষিরে যেন শাস্তি লভে ধরা ।

(ও ঘাতকদ্বয়ের প্রবেশ)

১ম-ঘা । উঃ ! বেজায় জোয়ান ।

খাণ্ডা । ভয় কি, তিন জন আছি । মহাশয়, মহারাজ
এই পরিচ্ছদ আপনাকে উপঢৌকন পাঠিয়েছেন ।

রঘু । কৃতার্থ এ দাস ; ওই কধির—কধির !

খাণ্ডা । মহাশয়, রাজপোষাক গ্রহণ করুন ।

রঘু । (হস্ত প্রসারণ করিয়া)

কিঙ্করে করুণা অতি শাস্ত হও ভীমা,

সন্তানে লহ মা বলি, পিও রক্তধারা—

(ঘাতক কর্তৃক আঘাত)

পুরাও কামনা, তৃপ্ত হও রক্তে মম !

(পুনর্বার আঘাত)

চৌদিকে কধির-শ্রোত, কধির—কধির !

কধির-তরঙ্গ বয়ে যায়, মুণ্ডমালা

ভাসে শত শত, ওই কধির—কধির !

(পতন)

[খাণ্ডাধারী ও ঘাতকগণের প্রস্থান ।

ওই—ওই—ওই রাঙাচরণ-তরণী—

ওই রাঙা পা ছ'খানি,—বিদায় ধরণি !

চতুর্থ অঙ্ক

--:--

প্রথম গর্ভাঙ্ক

রঘুদেবের সমাধি মন্দির

চিতোরবাসী পুরুষগণ ও স্ত্রীলোকগণ।

১ম-পু। শাঁক বাজাস্ নে, শাঁক বাজাস্ নে, চুপি চুপি
চল্, ফুল দিয়ে আলো রেখে চ'লে যাই।

২য়-পু। শাঁকটা বাজাই, কে আর টের পাবে ?

১ম-পু। ওরে না না, বুঝিস্ নে—রাজ-দূত কাণ খাড়া
ক'রে রয়েছে, এখনি টেনে নিয়ে যাবে।

১ম-স্ত্রী। ধরে ধ'রবে, তাই ব'লে পূজো ক'র্বো না ?

(গাহিতে গাহিতে স্ত্রী-পুরুষগণের সমাধি-মন্দির
প্রদক্ষিণকরণ ও তাহাতে পুষ্পবরিষণ)

(গীত)

পুরুষগণ।—

জয় জয় রঘুদেব, জয় জয় জয়,
কিশোর কাননবাসী করুণা-নিভয়।

স্ত্রীগণ।—

জয় কমলীয় কায়, শশিকর রাঙা পায়,
জয় জয় কোশিক-বসন।

পুরুষগণ।—

জয় সদয়-হৃদয় !

স্ত্রীগণ।—

অসন্ন বদনে শান্তি, হেরে কান্তি হরে আন্তি,
জয় জয় প্রফুল্ল-নয়ন।

পুরুষগণ।—

জয় জয় প্রেমময় !

জয় জয় রঘুদেব, জয় জয় জয়,
কিশোর কাননবাসী করুণা-নিভয়।

স্ত্রীগণ।—

জয় বনফুল-হার, নিরঞ্জন নিরাধার,
কুমার, কুমার অবতার ;

পুরুষগণ।—

জয় মদনবিজয়।

স্ত্রীগণ।—

চন্দনচর্চিত অঙ্গ, মন্থ-মানভঙ্গ,
স্বরণে হরণ দুখভার।

পুরুষগণ।—

জয় সত্তরে অভয়।

জয় জয় রঘুদেব, জয় জয় জয়,
কিশোর কাননবাসী করুণা-নিভয়।

১ম-পু। ঐ রে কে আসছে, পালা—পালা পালা

(শিখণ্ডীর প্রবেশ)

শিখণ্ডী। রঘুদেব, রঘুদেব, ভাই—ভাই, আহা
কিশোর সন্ন্যাসী, দেব অবতার ! বুঝি
মমতায় এতদিন ধরি এ জীবন,
হ'লো না—হ'লো না প্রতিদান, রহিল রে
প্রতিহিংসা-তৃষা, তবে কেন দেহভার—
ভার গুরু ভার ; আহা, তোমার মরণ !
রঘুদেব, কুমার, কিশোর-যোগি, কোথা
ভাই, কোথা তুমি, দেখা দাও দেখা দাও !
ওহো রঘুদেবজি ! ওহো রঘুদেবজি !
ক'রো না রে ঘৃণা, এস ভাই মৃত্যুকালে।

(বিজরীর প্রবেশ)

বিজরী। এ কি, তুমি না ক্ষত্রিয় ! আত্মহত্যা-
প্রতিশোধ ? ধিক্ ! আত্মহত্যা রমণীর,
এ কি বীর ব্যবহার, প্রতিহিংসা-পরামুখ !
ধরণীর গর্ভে রঘুদেব, রণমল্ল
সিংহাসনে, কাঁদে শিশোদীয় কুল, দহ্য
রাঠোর উল্লাসে ভাসে, বীরত্ব প্রকাশ
এই তব ? আত্মবলিদানে ? হেয় মৃত্যু-
প্রতিদান ! ছিঃ ছিঃ, আমি নারী, ঘৃণা হয়
মম ; শোক পরিহর, বীর কার্য ধর,
শক্রর শোণিতে কর অনল নির্বাণ ;
মৃত্যু ইচ্ছা যদি, শক্র-শরশয্যাপরে
লভিও বিরাম শুয়ে অনন্ত-শয়নে।
মৃত রঘুদেব, নারী আমি তবু প্রাণ
ধরি, বহি দেহ প্রতিবিধানের তরে ;
বীর তুমি, বহ ব্যথা বীর ব্যবহারে,—
নারীর প্রকৃতি কতু মাজে কি তোমারে ?

শিখণ্ডী । কহ মাতা, বৃথা কেন রাখিব জীবন ?

অলিল বিদ্রোহানল, সাজিল আবাল-
বৃদ্ধ রণে, রক্তশ্রোত ঢালিল সলিল
সম, তৃণ জ্ঞান করি প্রাণ । অর্দ্ধাশনে
অনিদ্রায় বিনা আচ্ছাদনে, বারিধারা
প্রথর রবির কর, তরু যথা মাথা
পাতি নিল । অর্থশূণ্য, অস্ত্রহীন, ধমু-
গুণ বেণী বিনির্মিত, অপূর্ণ তুণীর,
ভয় অসি, কুঠার আয়ুধ কা'র করে,
পশিল সমরে হায়, মাংসাহারী জীব
পোষণ কারণ ; বলবান্ অরি মহা
অস্ত্রে স্মসঙ্কিত, ভোগপুষ্ট, রাজকোষ
অনাবৃত রণব্যয়ে, সঞ্চালিত শ্রেণী—
সুদক্ষ সামন্তবৃন্দে ; দমিল সহজে
অরক্ষিত অশিক্ষিত প্রজাগণে ; পুঞ্জ
পুঞ্জ অস্থি স্তূপাকার নেহার প্রান্তর-
বক্ষে, হের চ'ক্ষে দক্ষ গৃহ, রাজ্য যুবা
শূণ্য, মুহু রোলে কাঁদে অনাথা বিধবা
শিশুস্বত কোলে ল'য়ে ! অস্ত্রাঙ্কিত হের
অঙ্গ মম, পুনঃ কেন প্রতিহিংসা সাধ ;—
দুর্কার রাঠোর, দুর্গপূর্ণ রাঠোরীয়
চমু ; রণবহি প্রজ্বলিত করি পুনঃ
কিবা ফল স্বগণ-নিধনে ; ত্যজি দেহ,—
দেখিতে সহিতে নারি বিপক্ষ-প্রভাব ।

বিজরী । হয়েছে দুর্দিন গত, সুদিন উদয়,
আসিছে চিত্তোরে চণ্ড বিপক্ষ-বিজয়,
ভাতিবে সৌভাগ্য-সূর্য উজ্জল কিরণে,
রাঠোরীয় বংশ ধ্বংস হবে আজি রণে ।

শিখণ্ডী । কে তুমি, কি হেতু কহ প্রবোধ বচন ?

আসিবে না নরশ্রেষ্ঠ জ্যেষ্ঠ ভ্রাতা আর,
রাজমাতা-অহুমতি বিনা । রঘুদেব-
মৃত্যুবর্তা শুনি মম মুখে—হাহা রবে
পড়িল ধরণীতলে, কুঠার আঘাতে
শালবৃক্ষ যথা, অবিরল চক্ষুজলে
ভাসিল ছকুল, ত্যজি শ্বাস রক্ত আধি
গর্জিয়ে উঠিল দন্তে অধর চাপিয়ে ;

কিন্তু হায়, ভালে কর হানি বার বার
কহিল গভীরে, “কি করিব বন্ধ হস্ত-
পদ, নাহি রাজমাতা অহুমতি, রাণা-
প্রতিনিধি রাজমাতা—বালক কুমার—
অধিকার জননী, চিত্তোর প্রবেশ
নিষেধ আগার ! তবে কি করি বিধান,—
রাজ-আজ্ঞা অবহেলা করিবারে নারি ।”

বিজরী । কর চিন্তা দূর, শূর, নাহি বাধা আর,
রাজমাতা-আজ্ঞামত আসে মহাবল ।

শিখণ্ডী । আসে চণ্ড মতিমান্ রাজ্ঞী-আজ্ঞামত ?
অগণ্য রাঠোর-সৈন্য, দুর্গ সুরক্ষিত,—
আসে একা কিবা সৈন্য সাথে, কোথা এবে ?
নাহি শুনি আয়োজন নিবারিতে তারে,
সতর্ক রাঠোরগণে বার্তা নাহি জানে,
এ কেমন ! কেন বোধ দেহ অকারণ ?

বিজরী । ধীর ! হও স্থির, চণ্ড মহাবীর আজি
নিশিযোগে পশিবে চিত্তোরে ছদ্মবেশে ।
দেওয়ালি-উৎসবে মত্ত রবে সবে, আছে
রণদক্ষ সেনা তার দুর্গ-মাঝে ভৃত্য-
সাজে ; কয় দিন হতে নগরে নগরে,
গ্রামে গ্রামে বিলায় মিষ্টান্ন মহারাণা,—
ফিরে যামিনীতে ; নিত্য নিত্য আনাগোনা,
অসতর্ক প্রহরী সকল সন্দিহান
নাহি হবে, স্বল্প সৈন্য ল'য়ে দুর্গমাঝে
চণ্ড প্রবেশিবে ; ছলে ভুলেছে রাঠোর ।

শিখণ্ডী । এ মিষ্টান্ন বিতরণ চণ্ডের কৌশলে ?
আসা যাওয়া নিত্য নিত্য বাহিরে ভিতরে
শত্রুরে করিতে অন্ধ ? না না, ধন্দ উঠে
মনে । কহ বিবরণ সবিশেষ—কোথা
চণ্ড, কিরূপে বা সৈন্যগণ-তার আছে
দুর্গে দাসভাবে, কেহ সন্দ না করিল ?
কি ছলে ভুলিল ক্রুরমতি সন্দিহান
অরি ?

বিজরী । কয় জন মাত্র আইল প্রথমে ;
চণ্ডগত-প্রাণ যত ভীল অহুচরগণ,
অত্যন্ত বেতনে করি দাসত্ব স্বীকার,

সেবার তুফিল দুইপাশে ; প্রয়োজন-
মত ক্রমে আনিল বাহুব বত ছিল ;
ভীল ভিন্ন অস্ত্র ভৃত্য নাহি সামন্তের
প্রায় এবে ।

শিখণ্ডী । বুঝিলাম—বুঝিলাম, কহ—
কিরূপে এ গুহ্যবার্তা তুমি অবগত ?

বিজয়ী । আমি অবগত ! কি বুঝিবে কি আগুন

হৃদি-মাঝে, কি পিপাসা—রণমল্ল-বক্ষ-
রক্ততৃষা, কি অশান্তি—কি অশান্তি !
নিশিদিন ভ্রমি অবিচ্ছিন্ন গতি, হের ছিন্ন
পদ, হের রক্তকেশ ধূলি-ধূসরিত,

হের ক্ষত অঙ্গ বস্ত্রপথে শত শত

কণ্টক আঘাতে—মান্দুরাজ্য—চণ্ড যথা

নির্কাসিত, ইষ্ট স্থান মম, আসি যাই

তন্তুবায়-তুরি সম ; উৎসুক-নয়নে

দেখি, তীর কর্ণে শুনি, জানি চণ্ড-সেনা-

গণে জনে জনে, দাস সাজে দুর্গমাঝে

দেখি এবে সবে, দূর হ'তে দূরাস্তরে

দিন দিন মিষ্টায়-উৎসব, ব্যগ্র-চিত্তে

করি আন্দোলন হেতু কিবা, নিত্য ভ্রমি

উৎসবের সনে, আজি মহা সমারোহ

গোস্বন্দায়, হোথা গুপ্ত পথে ছদ্মবেশে

চণ্ড আসে গোস্বন্দাভিমুখে ; অকস্মাৎ

বিদ্যুৎ-ঝলক সম চকিল হৃদয়ে

তন্তু বত, পরে ধাত্রী-সনে ঠারেঠারে

রাজ্যীর বচনে আজি নিশ্চিত হইল

অহুমান, হেরিহু প্রমাণ সমাগত-

প্রায় চণ্ড, উর্দ্ধ্বাসে এসেছি নগরে,

আশা মনে, আক্রমণে, পারি যদি কোন

সাহায্য করিতে ; দেহ বিশ্বস্ত সর্দারে

সমাচার, হও সবে প্রস্তুত গোপনে,

ঘোর সিংহনাদে যবে চণ্ড আক্রমিবে,

মিলিয়ে সদল-বলে দিও রণে হানা ।

শিখণ্ডী । কে তুমি মা ?

বিজয়ী । কে আমি ? কে আমি ? উন্মাদিনী—

রণমল্ল-বক্ষরক্ত-পান-আকাজিকণী !

করালিনী ! মণি-হার্য কাল-ভুজদিনী !

[বিজয়ীর প্রহাৰণ ।

শিখণ্ডী । অদ্ভুত-চরিত্র বামা ! উৎসুকস্রোত

বহে কায় ভীমার কথায়, বিভীষণা—

সংহাররূপিণী, সত্য বাণী,—রক্ত আধি

মুখ-ভঙ্গী দশন-পেষণে প্রকাশিত ;

দেখিব কি হয়, আশা ধরি নিরাশায় ।

[প্রহাৰণ ।

দ্বিতীয়

প্রাস্তর

মুকুলজী, গুঞ্জমালা ও কুশলা ।

গুঞ্জ । চিতোরী প্রাকার ওই নেহার সম্মুখে,
আইল যামিনী, কোথা চণ্ড ? চিহ্ন তার
নাহি হেরি, নাহি শুনি সৈন্ত-কলধ্বনি ;—
কি করিবে একা পশি অসংখ্য বিপক্ষ-
মাঝে, ফিরে গেলে সর্বনাশ ! আজি সাক্ষ
হ'লো এ উৎসব, পুনঃ কি কৌশলে বল
দুর্গ হ'তে আসিব বাহিরে ? বহু কষ্টে
অহুমতি করেছি গ্রহণ, নিরুপায়—
হতাশে শুকায় প্রাণ, কি হবে সজনি,
মুকুলের কল্যাণ না হেরি ! ফিরে অরি
স্বযোগ-প্রয়াসে, কবে ভাঙে লো এ পোড়া
কপাল, কি হবে ! ক্রুর-কার্য পরায়ণ
কুটিল বিপক্ষ বুঝি ভেদিল মজ্জণা,
পথে চণ্ড করেছে নিধন, দুর্গ-দ্বারে
গুপ্তচর আছে বা লুকায়, আক্রমিবে
উত্তরিলে তথা মোরা সবে, আজি বুঝি
সকলি ফুরায় ; মহোৎসব অবসান,
জনশূণ্য এ প্রাস্তর, এবে কাঁপি জ্বাসে ;
নাশে পাছে নরঘাতী গুপ্তচর আসি ।

কুশলা । যেবা হয় রহি সবে প্রতীক্ষায় এই

স্থানে, নিরুপায় হায়, চণ্ড না আইলে ।

সদা সন্দ হয় মম সহজে নৃপতি

দিল অহুমতি এ উৎসবে, দুর্ভীষ্ট

কি আছে, কে জানে, নহে কথার না ভোলে
 গলমতি ; বাড়িল যামিনী ক্রমে ওই
 দীপমালা সাজার আধারে পুরবাণী
 দেওয়ালি-সন্মান হেতু ; দূরে কা'রে নাহি
 হেরি, বৃক্ষমাত্র ব্যোমচক্রে সম্মিলিত ;—
 ইষ্ট ভ্রষ্ট হ'লো, গেল সকলি মঞ্জিল,
 কোন দিকে নাহি দেখি কল্যাণ বিধান ।

গুণ । পলাইয়া চল রাখি প্রাণ, চল পশি
 বনে, যেরা হয় পরিণামে ।

কুশলা । ভাল মন্দ
 বোধ নাহি আর, শূণ্যকার অঙ্ককার
 হেরি, কোথা ত্রাণ, কোথা যাব, দ্রুতপদ-
 ঘাতকের বিলম্ব না হবে, পথশ্রান্ত
 বালকে ধরিতে । পূর্ণ রাত্তিরে মিবান,—
 কোথা শত্রু, কোথা মিত্র কিছুই না জানি,
 কে দিবে আশ্রয় কহ, রাজদণ্ড-ভয়ে ?
 পড়িবে ঘোষণা রাজ্যময়, ধনলোভে
 তত্ত্ব দিবে নিঃস্ব জন, তবে কিবা ফল
 পলায়নে ; টুটিল আশার বাসা মনে !

মুকুল । মা, পালিও না, দাই-মা, তুমি তো বল, দাদাজী
 মিথ্যা বলে না, দাদাজী আসবে, তুমি দেখো মা, দেখো ;
 আমি বাঁচবো মা—বাঁচবো ; আমার আর বুক কাঁপছে না,
 আমি দাদাজীর সঙ্গে সঙ্গে থেকে যুদ্ধ ক'রবো, দাদাজী থাকলে
 আমার ভয় করে না ; দেখো—দাই-মা, আমার কেউ মারতে
 পারবে না ।

গুণ । ধাত্রী—ধাত্রী, ওলো ফাটে প্রাণ বালকের
 প্রবোধ বচনে, বাছা ভাল মন্দ নাহি
 জানে, শুনে চণ্ড আসে—আনন্দ ধরে না
 আর, জন্ম জন্মান্তরে করিয়াছি
 পাপ ; অন্ন দিছি ছার, বিশ্বাস বিনাশ
 করিছি লো কত, ঘরে ডেকে মারিয়াছি
 ছুরি বৃকে, সতিনী-নন্দন আহা, সাধু
 সদাশয় পাঠায়েছি নির্বাসনে, তাই
 ভুক্তি প্রতিফল ; নিজ পতি-রাজধানী
 শমনভবন সম হেরি, একমাত্র
 বংশধর রক্ষিবারে নারি, অভাগিনী

মম সম ধরণী কি ধরে আর ? যাই
 পিতৃ-সম্মিধানে, করি আবেদন জাহ্ন-
 পাতি, কর জুড়ি কেঁদে বলি, “লহ রাজ্য-
 ধন, সিংহাসন নাহি প্রয়োজন, মাগি
 মাত্র বালকের প্রাণদান, শিশুপুত্র—
 দৌহিত্র তোমার, কর অভয় প্রদান
 এই ভিক্ষা চাই, রাজ্য কর বিনা বাধে ।”

কুশলা । চাহ রাগি, পাষণে সলিল ? আকিঞ্চন
 অমৃত ভূজঙ্গ-দন্তে ? বজ্রে কোমলতা ?—
 শুনি রাগি অশ্ব-পদধ্বনি !—

গুণ । যাও ধাত্রি,
 পলাও মুকুলে ল'য়ে, আসিছে ঘাতক,—
 নিশ্চয় এ নরহস্তা, দেখ যদি কোন
 মতে পার বাঁচাইতে, যাও—যাও, আছ
 কি সাহসে ? রহি শত্রু বিলম্বিতে । যাও—
 দেখ কিবা ? এলো, এলো—আসে বায়ুগতি !
 মুকুল । মা, দাদাজী—দাদাজী ! অমন ঘোড়া কেউ
 চ'ড়তে পারে না । দেখছে না—দাই-মা, দেখছে না,
 ঝড়ের মত আসছে !

কুশলা । আসে এক অশ্বারোহী, নামে অশ্ব হ'তে,
 সুশিক্ষিত বাজী নাহি চলে এক পদ,
 আসিছে আরোহী এই দিকে ।

মুকুল । মা, দাদাজী !
 কুশলা । চূপ, মা গো চিতোর-ঈশ্বর, এত দিনে
 প'ড়েছে কি মনে তব আশ্রিত মুকুলে ?

(চণ্ডের প্রবেশ)

চণ্ড । নমস্কার রাণা, মাতা কর আশীর্বাদ !
 ধাত্রী মাগো, করে দাস শ্রীচরণ সাধ ।
 কুশলা । চিরজয়ী হও বংশ, ঘুচাও বিষাদ ।
 মুকুল । দাদাজি—দাদাজি, আমায় কোলে নাও ।
 চণ্ড । ভাই—ভাই, মুকুল—মুকুল মহারাণা,
 চণ্ডের প্রাণের নিধি, বাপ্পা-বংশধর !
 গুণ । লজ্জাহীনা, বংশ, তাই আছি দাঁড়াইয়া,
 অন্ম জনে পশিত মেদিনী-বক্ষে, তুমি
 সৃজন সূধীর, উচ্চ মনে তব হিংসা-

ধেব নাহি পায় স্থান, অবোধ রমণী
আমি, বাছা, কত ক্লেশ দিয়াছি তোমারে,
মাহাত্ম্যে তোমার, ধীর, চাব ক্ষমা, নাহি
অধিকার, নিজগুণে ক'রেছ মার্জনা ।

চণ্ড । সন্তানে করো না অপরাধী মাতা ; নাহি
অবসর, ধীর পদে হও অগ্রসর,
প্রবেশ ক'রো না পুরী, দূরে হের ভীল
অনুচর মম । যথা যাবে যেও পাছে,
ল'য়ে যাবে রঘুদেব সমাধি-মন্দিরে,—
কানন-মাঝারে অতি নিরাপদ স্থান,
নিশায় কেহ না যায় তথা আশঙ্কায় ।

শুভ । বৎস, দূর কর চিন্তা, জিজ্ঞাসি তোমায়
লক্ষ লক্ষ বিপক্ষ-রক্ষিত রাজধানী,
একা তুমি কি করিবে, কেমনে বা পুরী
প্রবেশিবে, সাবধান সতর্ক প্রহরী
সদা ফিরে, পিপীলিকা প্রবেশিতে মানা ।

চণ্ড । ত্যজ ভয়, রণজয় করিব নিশ্চয়,
প্রসন্ন ও পদধ্যানে মা প্রসন্নময়ি !
সংগ্রামে পণ্ডিত মম ভীল-অনীকিনী,
ভৃত্যভাবে দুর্গে অবস্থিত । অতি স্বল্প
সেনা সহ পশিব নগরে, মহারণ্য
থাণ্ডবে অনল যথা,—দহিব বিপক্ষ-
পক্ষ রোধানলে, কেহ না পাইবে ত্রাণ ।
শোন মাতা, যে উদ্দেশে মিষ্টান্ন উৎসব
উপদেশ মম, নিত্য হবে আনাগোনা,
জিজ্ঞাসিলে রক্ষিগণ ক'রব উত্তর,
আছিলাম রাণা সনে গোস্বন্দা নগরে
দেওয়ালি উৎসবে, আসিয়াছি দুর্গে রেখে
যেতে তাঁরে । জানে নিত্য লোক আসে যায়,
সন্দ না করিবে ; যাও বাড়িছে রজনী ।

কুশলা । হও গো চিতোরেশ্বর, সমরে সহায়,
আশ্রিতে রেণ মা পায়, দেহ রণ-জয় ।

[চণ্ড ব্যতীত সকলের প্রস্থান ।

(ভীলগণের প্রবেশ)

ভীলগণ ।—

কাড়া সাড়া দিলে, খাড়া দাঁড়া দিলে,
কাড়ি বুড়ী বোলে,
কুড় কুড় ঝাঁইরে—কুড় কুড় ঝাঁই ;—
বড় মিঠা লড়াই রে—মিঠা লড়াই ।
হাল্লা ওঠে গরমি ছোট্টে,
জোটে জোটে ধাঁই,
সাঁই সাঁই সাঁই রে—সাঁই সাঁই সাঁই ;
বড় মিঠা লড়াই রে—মিঠা লড়াই ।
রণারণি, ঝনাঝনি, হানাহানি,
মজা উড়াই রে—মজা উড়াই ;
বড় মিঠা লড়াই রে—মিঠা লড়াই ।

চণ্ড । হের ওই চিতোর নগর পুণ্যধাম—

উচ্চ শির-প্রাচীর-বেষ্টিত, ধরাধর
গর্ভ খর্ক যাহে, সূর্য্যবংশ-অবতংশ
গৌরব আকর বাপ্পারাও, কীর্ত্তি যার
ব্যাপ্ত ধরাতলে, বসিতেন ওই পুরে ;
স্বর্গোপম গরীয়সী মম জন্মভূমি—
পিতৃ-পিতামহ-দেবালয়, আজি তথা
বিহরে রাঠের—রম্য নন্দনকাননে
দুরন্ত দানবদল, রাণা সিংহাসনে
মারবার-কিরাত-বর্কর, কেশরীর
গহ্বরে জম্বুক, বসে চণ্ডাল বেদিতে,
রাজ-হস্তী ভূজঙ্গ-বেষ্টনে জরজর,
সুন্দর চিতোর এবে পিশাচের ঘর ।

১ম ভীল ।—

(গীত)

রণারণি, ঝনাঝনি, হানাহানি—
মজা উড়াই রে—মজা উড়াই ;
বড় মিঠা লড়াই রে—বড় মিঠা লড়াই ।

সকলে । কাড়া সাড়া দিলে ইত্যাদি

চণ্ড । নৃত্য গীত-বাণেশ্বর উঠিত যথায়
অবিরত, উঠে দিবানিশি হাহাকার !
ধনী ধনশূন্য—মানী-মানচূর্ণ—ছিন্ন
ভিন্ন রাজধানী পরিপূর্ণ পাপাচারে,—
হতাশ, হতাশ, দীর্ঘশ্বাস মহাত্ম্য

বিহরে চিত্তোরে, মরে প্রজা অনাহারে,
 বস্ত ঘর, শ্রীহীন নগর, নিরানন্দ
 রবহীন সবে, কার নাহি জ্ঞান, বৃদ্ধে
 অসম্মান, যুবাগণে বধে প্রাণে, করে
 বালকে গ্রহার, নাহি নারীর নিস্তার,
 পৈশাচিক আনন্দে মগন, পুষ্ট ছুষ্ট-
 দস্যুদল পুরবাসী-রক্তপানে, রাণা
 বন্দীপ্রায় জীবন সংশয়, রাজমাতা
 নিরাশ্রয়,—ঘাতকের ছুরি চারিদিকে,—
 প্রকট বিকট অত্যাচার ভয়ঙ্কর,
 নাহি আর সে চিত্তোর আনন্দ-নগর।

১ম ভীল।— (গীত)

ছুষ্টমন চড়াই রে—ছুষ্টমন চড়াই
 সামনে লড়াই রে—সামনে লড়াই।

সকলে। কাড়া সাড়া দিলে ইত্যাদি।

চণ্ড। জানিতে কি রঘুদেবে, কিশোর সন্ন্যাসী
 রঘুদেব? কুমার—কুমার অবতার!
 হাশ্বানন স্বর্ণকাস্তি প্রসন্ন-নয়ন,
 রূপানিধি প্রেমময় পরম পুরুষ
 সনাতন, কামজয়ী, বিষয়বর্জনে
 বসিত কাননে, উচ্চ-ধ্যানে নিমগন,
 কল্যাণ কামনা বিনা ছিল না জীবনে
 কিছু যার, হত সেই প্রজা-মনোহর
 ঘাতকের গুপ্ত অসিমুখে; শোকে মগ্ন
 মিবান-নিবাসী, মরে প্রকাশিতে নারে
 দারুণ মনোবেদনা, নীরবে নয়ন-
 জল ঝরে, শূন্য দৃষ্টি শূন্য-পানে চায়,—
 বেজে আছে প্রজার হৃদয়ে বজ্রঘাত,—
 হয় নাই প্রতিশোধ—সে শোণিতপাত!

১ম ভীল।— (গীত)

দে হানা, দে হানা,
 পড় পড় পড় বন্দনা।
 ছুষ্টমন চড়াই রে—ছুষ্টমন চড়াই,
 সামনে লড়াই রে—সামনে লড়াই।

সকলে।—

কাড়া সাড়া দিলে ইত্যাদি

চণ্ড। আকুল নগর, চল যাই—আবাহন
 করে দীপ-মালা শিখা দোলাইয়া, ভক্ত-
 মুখে, তীক্ষ্ণ অসিধারে অভ্যর্থনা তথা,
 মিষ্টালাপ অস্ত্রে অস্ত্রে বনংকারে, ঘোর
 সিংহনাদে; শিষ্টাচার শত্রু-শিরশ্ছেদ।
 মহোল্লাস মহারঙ্গ মহান্ মেলায়,
 ভৈরব-উৎসব আজি ভৈরবীনিশায়।

১ম ভীল।— (গীত)

তাধেই তাধেই ধেই—লড়াই লড়াই রে।
 দে হানা দে হানা, পড় পড় বন্দনা,
 তাধেই তাধেই ধেই লড়াই লড়াই রে।

সকলে।—

কাড়া সাড়া দিলে ইত্যাদি।

চণ্ড। লহ সঙ্গে দোসর বিক্রম, পথশ্রম
 নাশি রণশ্রমে, চল যাই পাব তথা
 গৌরব অশন, তৃষা-তৃপ্তি করি হেরি
 রক্তশ্রোত রক্ত-প্রস্রবণ, শত্রু-শবে
 রচিত কুসুম শয্যা, মুণ্ডে উপাধান,
 ফে-রব-সঙ্গীত-রোল বিকট করাল,
 চক্ষুপুটে পাকসাটে গৃধ্র দিবে তাল।

১ম ভীল। (গীত)

ধাঁই ধাঁই ধাঁই ভাই, আঁধিয়া উঠাই,
 দে হানা দে হানা, পড় পড় পড় বন্দনা,
 লাগে লড়াই রে—আঁধিয়া উঠাই।

সকলে।—

কাড়া সাড়া দিলে ইত্যাদি।

চণ্ড। হের ওই বিমানবিহারী ভয়ঙ্করী
 ইষ্টদেবী চিত্তোর-ঈশ্বরী, ধূমবর্ণা
 বিকট দশনা বিভীষণা রণপ্রিয়া
 রুধির লোলুপা, লক্ লক্ জিহ্বা, অট্টহাস্ত-
 আশ্র-কপালিনী, কোলে খেলে স্বর্ণ বর্ণ
 রঘুদেব, পিয়ে পীযুষপূরিত-
 স্তন, ওই আরক্ত নয়না চলে ভীমা
 চিত্তোরাতিমুখে, লটপট কেশদল,
 গলে দোলে মুণ্ডমালা, ওই শূন্যপথে

সংহাররূপিনী আগে আগে, চল পাছে,
কথির-তরঙ্গ-রঙ্গ ভীষণ নিশায়,
ভৈরব-কল্লোল ঘোর ভৈরবী পূজায়।

ভীলগণ।—

(গীত)

আধিরা উঠাই রে—আধিরা উঠাই।

কাড়া সাড়া দিলে ইত্যাদি।

[সকলের প্রস্থান।

তৃতীয় গর্ভাঙ্ক

কক্ষ

রণমল্ল ও খাণ্ডাধারী।

রণমল্ল। খাণ্ডাধারি, ব'স না—ব'স না, আজ ভারি আমোদ।

খাণ্ডা। মহারাজ, ব'সবো কি—কি হ'লো দেখি; আজ আপনি অত মদ খাচ্ছেন কেন? রাণা ম'লেই একটা গোল উঠবে, মহারাজকেই সকলে সন্দেহ ক'রবে।

রণমল্ল। তাই তো বুদ্ধি ক'রে মদ খাচ্ছি, বিজরী এলেই ছু'জনে ভেঁা হ'য়ে প'ড়ে থাকবো। তুই তো সব ঘাতক ঠিক ক'রে রেখে দিয়েছিস? মুকুল ঢুকবে, আর ঘাড়ে এক'ধা—বুঝেছিস?

খাণ্ডা। তা বুঝেছি—সব ঠিক আছে, তারা না পারে—আমিই সারবো। আর ভয় কি, কোন্ বেটা কি বলে—যখন ও তিন বেটা সর্দার ধরা প'ড়েছে, আর আমি কিছু ভাবি নি।

রণমল্ল। আমি ভয় করি নি, রণমল্ল ভয় করে না; তবে কি জানিস, কাজ কি একটা গোলযোগে; এদিকে আমি বিজরীকে নিয়ে প'ড়ে আছি, তুই ফাঁকে থাকবি, কোন্ বেটা কি বলে—সন্দ করে, মনে মনে রাখুক। আঃ বাপ্পারাওয়ের সিংহাসনে ব'সবো, কি আমোদের দিন—কি আমোদের দিন!—বিজরীকে পাব! মুখের গ্রাস পালিয়েছে,—শিখণ্ডীকে খুঁজে পেলি নি? তা হ'লে বেটাকে ছাল খুলে ফেলে মারতুম।

খাণ্ডা। সে কোথায় দেশ ছেড়ে পালিয়েছে।

রণমল্ল। বেটা দাইয়ের ছেলে, দেখ দেখি রাজ-বিরোধিতা

করে! মুণ্ডটা কেটে দাই-বেটাকে দেখাতে পারতুম! বেটা বড় গুঞ্জমালার সঙ্গে ফুল ফুল করে, মুকুলকে আগলে আগলে বেড়ায়! * এখন' বিজরী আসছে না কেন?

খাণ্ডা। মহারাজ, 'বিজরী বিজরী' ক'রছেন, আমার বড় সন্দ হয়, এদিনের পর বেটা যখন আপনি চিঠি লিখে ঘেড়িয়েছে, কি একটা মনে আছে।

রণ। আর কি মনে আছে, রঘুদেব তো নেই; আর যা মনে থাকুক—আমার চাই, ওকে পেয়ে মরি সেও স্বীকার। খাণ্ডাধারি, তুই ভাবিস নে—তুই ভাবিস নে; তুই ভাবছিস বিজরীর তোর ওপর রাগ—বাসিফুল কি হুকবো রে, বাসিফুল হুকবো না। খাণ্ডাধারি, একটু খা না?

খাণ্ডা। না মহারাজ, আর খাব না—সতর্ক থাকতে হবে; আমি চলেম—দেখি ঘাতকেরা কি ক'রছে। ক'দিন তো ফাঁকে ফাঁকে কেটে গেল, বেটারা রোজ বলে আজ মারবো। দেখুন দেখি, ভীল বেটারা কি বেইমান, আপনি তাদের কথায় বিশ্বাস ক'রে রাজমাতাকে মিষ্টান্ন বিলাতে দিলেন। আজ তারা না পারে, আমি অশ্লোক ঠিক ক'রছি।

[খাণ্ডাধারীর প্রস্থান।

রণ। বাঃ—বাঃ, খুব মজা—খুব মজা! এরা সব কে, এরা সব কে? ইস সব হাড় বেরিয়েছে—মরা সর্দারগুলো, মরা সর্দারগুলো! জ্যান্ত হ'য়ে এস, তলওয়ার নিয়ে এস, কেমন দেখ রণমল্ল ভয় পায়! দেখেছো ত—দেখেছো ত, যুদ্ধ ক'রে দেখেছো ত—রণমল্ল বুড়ো হ'য়েছে, তলওয়ার চালাতে জানে! স'রে যাও—স'রে যাও, আমি তোমাদের মারি নি, ঘাতকে মেরেছে, তাদের কাছে যাও! দেখেছো বাবা, মদের খেয়াল,—আর মদ নয়, খালি সিদ্ধি আর আফিণ্ড। বিজরীর সঙ্গে আমোদ ক'রে মদ ছেড়ে দেবো। ইস, বুকটা কাঁপছে—বুকটা কাঁপছে; কোথায় কে, মিছে মরা আবার আসে! তবে মেরে সুখ? যা—যা—যা, তোরা মরা—ও! যেন হাড় ঠক ঠক শব্দে শুনতে পাচ্ছি, যেন চারিদিক রক্তে লাল হ'য়ে গিয়েছে! বিজরী বেটা যে একলা থাকতে ব'লেছে,—না, কারকে ডাকি। খাণ্ডাধারি, খাণ্ডাধারি! আচ্ছা রঘুদেবকে তো একদিনও দেখতে পাই নে, এই বেটারাই দেখি—এই বেটারাই দেখি!—বাঃ! সব মিলিয়ে গেল, আর ভয় নাই—এ কি? এই বিজরী এসেছে—এই বিজরী এসেছে!

(বিজরীর প্রবেশ)

এস প্রেমসি, কাছে এস—চাঁদবদন ঢেকে রেখেছ কেন? খোল, অনেক দিন দেখি নি—একবার দেখি। তোমার যে চিঠি এনেছিল, সে বেটা ভারি মজবুত, এত টাকা দিতে চাইলেম, কিছুতেই ব'ললে না, তুমি কোথায়। পেয়েছ—গুপ্তদ্বারের চাবী পেয়েছ?

বিজরী। হঁ।

রণ। আর হঁ হাঁ কেন? মুখ খুলে দুটো কথা ক'য়ে প্রাণ জুড়াও।

বিজরী। দেখবে, দেখবে—মুখ দেখবে—দেখ!

রণ। ছি প্রেমসি! তুমি রসিকা হ'রে এমন কথা ব'লছো?

বিজরী। হাঃ হাঃ হাঃ হাঃ! মুখ দেখবি—দেখ তবে দেখ, এই দেখ, আমার বাসর-সজ্জা দেখ, হাঃ হাঃ হাঃ!

রণ। কে তুই—কে তুই?

বিজরী। আমি, আমি—বিজরী, বিজরী—বিজরীর ছায়া, প্রাণশূন্য কায়া, ছায়া—ছায়া—ছায়া! হা হা হা হা! শূন্য কায়া—হা হা, প্রাণ গেছে রঘুদেব পাশে—রঘুদেব পাশে, হা হা,— শূন্য প্রাণ শ্মশান,—শ্মশান ধব্ব ধব্ব চিতানল জলে, ধু—ধু—ধু—ধু জলে দেখ, এই দেখ, এই দেখ,—বিজরী বিজরী— নহে সে বিজরী—ছায়া, বিজরীর ছায়া!

রণ। ওই—ওই! দূর হ—দূর হ!

বিজরী। দেখ দেখ সুখের বাসর-সজ্জা আজি— সুখের বাসর, অস্থি-পুষ্প-মালা, রক্ত-সুগন্ধি-চন্দন, অপঘাতী শূন্য দেহী প্রাণী অগণন, ওই দেখ—ওই দেখ, নৃত্য করে সখী মম, সখী ওই—ওই, শোন্ শোন্ পেচক গায়ক, ঝিম্ ঝিম্ তাল দেয় কালনিশা তাথেই তাথেই!

রণ। ও কি—ওকি!

বিজরী। ওই—ওই ডাকিনী হাকিনী সঙ্গে শিবা

শকুনি গৃধিনী, আসে হা—হা হ—হ

হে—হে ধমি কল্যাণ-বচনে নন্দ-যুগ

কৌতুকে যৌতুক দিতে সুখের বাসরে—

সুখের বাসরে ঘোর মজল-আরাব!

রণ। এঁ্যা—এঁ্যা!

বিজরী। ওই—ওই, হে—হে গার ছায়া-দেহী,

ছায়া-নৃত্য, ছায়ার ছায়ায় কোলাকুলি,

কিলি কিলি ঘন ঘোর হনুধ্বনি, ঘন

করতালি, নীরবে ভৈরব সমারোহ!

রণ। ও—হো!

(প্রস্থানোত্ত ও পতন)

বিজরী। হঃ হঃ হঃ হঃ! হাঃ হাঃ হাঃ হাঃ! হিঃ হিঃ হিঃ

হিঃ হিঃ! মূর্ছা গেছে, মূর্ছা গেছে—নরহর্য্য ক'রবো না,

রঘুদেব ঘৃণা ক'রবে—রঘুদেব ঘৃণা ক'রবে। এই যে, এই

পাগড়ী, বেঁধে রেখে যাই, হাঃ হাঃ হাঃ! তারা এসে মারবে,

আমি আর মারবো না—আমি আর মারবো না, বেঁধে রেখে

যাই—বেঁধে রেখে যাই, হাঃ হাঃ হাঃ হাঃ!

[বিজরীর প্রস্থান।

রণ। স'রে যা—স'রে যা! আমি না, খাণ্ডাধারী।

ঘুরছে ঘুরছে, পেত্নী ঘুরছে, পেত্নী ঘুরছে;—ঘোরে, ঘোরে,

ঘোরে—ঘোরো! (অচেতন)

তোরণ-সম্মুখ

জনৈক সর্দার ও শিখণ্ডী।

সর্দার। কে তব সংবাদদাতা? দ্বিতীয় প্রহর

হইল অতীত, দেখ ত্রিযাম উদয়,

দেওয়ালি-উৎসব ত্যজি পুরবাসিগণ

ফিরিতেছে, রাজপথ জনশূন্য-প্রায়,

সুরামত্ত ভ্রমে মাত্র ভীল-দাসগণ;

কোথা চণ্ড, মিছে কেন নিশি-জাগরণ—

আশায় প্রত্যয় আর কেন অকারণ—

বৃথা পরিশ্রম, বৃথা প্রজ্ঞা-সংযোজন।

শিখণ্ডী। কিঞ্চিৎ অপেক্ষা আর কর মহাশয়

এখনো ফেরেনি রাণা দেখি কিবা হয়।

সর্দার। পূর্ণরাম!

গিরিশ-প্রবাসী

(পূর্ণরামের প্রবেশ)

শিখণ্ডী ভট্টরাজ, জাগ্রত এখনো ?

সংবাদ কি আছে কিছু, আজি নিশাকালে ?

পূর্ণ। সাধ ক'রে যে পরের বোঝা বয়, তারে অনেক
সইতে হয়,—বোঝা না কেন, রাত্রি জেগে ঘোরে রাস্তাময়।
যদি ফেলতে পারি মাথার ভার, বোঝা নিয়ে কি বেড়াই আর !
আজ রাতটে থাকি স'য়ে, ব'য়ে ব'য়ে চাঁদি গেছে খ'য়ে। প্যাচে
প'ড়েছি জোট বাধিয়ে। ভাব্লেম এক, হ'লো আর—ম'নে
করেছিলাম, একটা স্ববাদ হ'লে চিত্তোরে রাঠোরে মিলবে, তা
নয়, এখনি কিলোকিলি চ'লবে। দূর দূর, ভাটের বুদ্ধি কি
না—ঘরের খেয়ে ঝগড়া কেনা ! আ ময়, রাজায় রাজায় মিল
হয় ! যা নয় তাই তোর ;—দেখ'লি বুদ্ধির ফেরে কত ঘোর ;
চিত্তোরে আজ ব'সলে রাণা, তবে যুচ'বে তোর প'ড়েন আর
টানা।

শিখণ্ডী। ভট্টের আভাস বোঝ, সংবাদ নিশ্চয়।

সর্দার। ওই বুঝি কুমার ফিরিল, অশ্বারোহী

আগে, পাছে সেনা কয় জন, নহে রাণা—

নিবারে রক্ষকগণে,—ছাড়িল ছয়ার,

দেখ ভীল-দাসগণ, মত্ততা বর্জন

করি, শ্রেণীবদ্ধ স্থশিক্ষিত যোদ্ধাসম,

জনে জনে অস্ত্র রেখেছিল সংগোপনে !

পূর্ণ। কাজ কি আর কাণাকাণি, হ'লো ব'লে হানাহানি,
প্রাণ নিয়ে টানাটানি, বুড়ো ভাট কোথায় যাবি। আ ময়,
এইখানে থাক'বি ? কাটাকাটি দেখ'বি ? আচ্ছা দেখে নে—
ঠেকে শিখে নে, আর কখন' পরের কথায় থাকিস্ নে, হ'লে
রাণার জয়, নাকথত দিও ভট্ট মহাশয় !

(নেপথ্যে) জয়, রঘুদেবজী ! জয় রঘুদেবজী !

(নেপথ্যে) সাজ—সাজ, শক্র—শক্র !

(নেপথ্যে) জয় রঘুদেবজী ! জয় রঘুদেবজী !

শিখণ্ডী। চণ্ড—চণ্ড, আক্রমণ—আক্রমণ ! এস

হে চিত্তোরবাসি, চল আনন্দ-উৎসবে,

রাঠোরীয় বংশ ধ্বংস হবে মহাহবে।

[শিখণ্ডী ও সর্দারদের প্রস্থান।

(চণ্ডের প্রবেশ)

চণ্ড। ওই শক্র—ওই শক্র, কর আক্রমণ—

ক্রতপদে ক্রতপদে, পশ্চাৎ পশ্চাৎ—

ক্রতপদে—ক্রতপদে—ধাও ক্রতপদে।

[চণ্ডের প্রস্থান।

(কাড়া বাজাইতে বাজাইতে ভীলগণের প্রবেশ)

গীত

ভীলগণ।—

দে হানা দে হানা, পড় পড় পড়, বন্থনা।

[ভীলগণের প্রস্থান।

(নেপথ্যে) হা রঘুদেবজী ! হা রঘুদেবজী !

(শিখণ্ডীর প্রবেশ)

শিখণ্ডী। ওই ঘোর মেঘের গর্জন শুন রণে,

কেবা যাবে মহারঙ্গে, এস সঙ্গে মম ;

হায় রঘুদেবজী ! হায় রঘুদেবজী !

(সর্দার ও চিত্তোরের সেনাগণের প্রবেশ)

সর্দার। চল চল, ক্রতপদে শক্র করি নাশ।

[সর্দারের প্রস্থান।

সৈন্যগণ। জয় রঘুদেবজী ! জয় রঘুদেবজী !

[সৈন্যগণের প্রস্থান।

(নেপথ্যে)। জয় রাঠোর ! জয় মারবার !

(বিজরীর প্রবেশ)

বিজরী। হাঃ হাঃ হাঃ হাঃ ! মহা সমারোহ, হাঃ হাঃ হাঃ হাঃ !

ভাট—ভাট, দেখ—দেখ, মহা সমারোহ !

(নেপথ্যে) জয় রঘুদেবজী ! জয় রঘুদেবজী !

বিজরী। ওই শুন মুহূর্ৎ হুঃ ঘোর সিংহনাদ,—

ওঠ জাগো হে চিত্তোরবাসি, অবসান

দুঃখ এতদিনে ; জাগো পীড়িত চিত্তোর,

দহ্যদলে দল' পদতলে, ওঠো—জাগো—

হাঃ হাঃ হাঃ হাঃ !

(নেপথ্যে) জয় রঘুদেবজী ! জয় রঘুদেবজী !

(নেপথ্যে) জয় রাঠোর ! জয় রাঠোর !

(পূর্ণরামের গমনোচ্ছতা বিজরীর হস্ত ধারণ)

বিজরী। ছাড় ছাড়, কেন বার, উন্মাদিনী আসি,

দেখিব সংগ্রাম, ছাড়'—পশিব সমরে,

হেরিব শক্রর বক্ষ-শোণিত-নিব'য়।

পূর্ণ। সাধে কি করি টানাটানি, হোক না কেন হানা-

হানি, তুমি এইখান থেকে দেখ না, ম'বুতে হয় শেষে কেন
ম'র না, দেখে নাও শেষটা কি হয় ; হ'লে রাণার জয়, তুমি
একলা নয়, ম'বুতে কে করে ভয় ?

বিজরী। ঠিক ব'লেছ,—ঠিক ব'লেছ, রণমন্ডের রক্ত
দেখবো—হাঃ হাঃ হাঃ হাঃ !

পূর্ণ। এই খানটার ওঠ না—আমি বুড়োমানুষ, চোখ
চলে না ; কি দেখছো, আমার বল' না !

বিজরী। অন্ধকার, বারিধারা সম ঝরে তীর,

হুর্জয়—হুর্জয় অরি বারে আক্রমণ,
নাহি হেলে নাহি টলে পদ, অস্ত্র হানে
ঝাঁকে ঝাঁকে চপলা চমকে ; গেল—গেল,
টলিছে স্বপক্ষ সেনা, অরি বলবান,
অসংখ্য অসংখ্য অরি করে আক্রমণ,
উঠে পড়ে পলে লক্ষ অসি। অরি—অরি,
চারিদিকে অরি অরি বিনা কিছু নাহি
হেরি, শুন বন্দুক-নিনাদ, ঘনধূমে
অন্ধকার, পক্ষশ্রেণী সম চলে গুলী,
কি হয় কি হয় রণে মজে বা সকলি।

(নেপথ্যে) জয় রাঠোরের জয় ! জয় মারবারের জয় !

পূর্ণ। চণ্ড কোথায়—চণ্ড কোথায় ? দৃষ্টি রাখ সূর্য
আঁকা পতাকায়।

বিজরী। ওই ধ্বজা—ওই ধ্বজা, ধূমকেতু সম
ভাতে গর্ভভরে, ওই অরাতি সংহার-
কারী, ওই চণ্ড—ওই ভীমবাহু, ওই
শত্রু মাঝে মেঘাচ্ছন্ন মধ্যাহ্ন-মার্ভগু,
হেথা সেথা, ওই বামে দক্ষিণে সম্মুখে,—
ওই চণ্ড, লণ্ডভণ্ড করে দস্যুদল,
ওই যমদণ্ড তুলে ফেলে শতবার,
প্রচণ্ড বিক্রমে ছিন্ন ভিন্ন শত্রুচমু,
রণজয়—রণজয়, কি ভয়—কি ভয় !

(নেপথ্যে) জয় রঘুদেবজী, জয় রঘুদেবজী !

পূর্ণ। এখন আমোদ রাখ, ভাল ক'রে দেখ আসে পাশে
কে কোথায়—রাঠোর কি পালায় এক কথায় ?

বিজরী। সুদক্ষ অধ্যক্ষবৃন্দ ফিরায় বাহিনী

উচ্চনাদে, পুনঃ রণ পুনঃ আক্রমণ,
অসংখ্য অরাতি চারিধারে, স্তম্ভ সেনা

দ্বীপসম সাগর-মাঝারে, রিপু-অস্ত্র-
তরঙ্গ-বেষ্টিত,—অগণন অনীকিনী।

(নেপথ্যে) জয় রঘুদেবজী ! জয় রঘুদেবজী !

(নেপথ্যে) জয় রাঠোর ! জয় রাঠোর !

পূর্ণ। এই যে হেঁকে হেঁকে গেল, দেখ দেখি চিতোরের
দল কি হ'লো ?

বিজরী। দ্রুতপদে চলে ওই দৃঢ় চতুষ্কোণ

শিখণ্ডী-চালিত, বায়ুবেগে পড়ে শত্রু-
পরে, মিশামিশি মহারণে, অন্ধকার—
দৃষ্টি নাহি চলে, মেঘাকারে ধূলারানি,
তীক্ষ্ণ অসি তল্লশির বিজলী ঝলকে,
নাহি শুনি সিংহনাদ, নীরব সমর,—
চারিধারে নরমুণ্ড ঝরে, রক্তস্রোত
শত শত চিত্রে শরাসন, ওই চণ্ড—
অরাতিসুদন চালে ভল্ল বাসুকীর
ফণা, ফিরে মণ্ডল-আকারে ভীম অসি,
উদ্ধাসম ধায় মহাবীর, পড়ে পাছে
রাশি রাশি হস্ত পদ শির, আর্ষনাদ
রণস্থলে,—জয় জয় ! শত্রু ভণ্ডীয়ান !
পলায় পলায়—ধায় রড়ে পাছে নাহি
চায়, নারে নায়ক বাধিতে ভয়-শ্রেণী।

(নেপথ্যে)। মার মার, ধর ধর, পালা পালা,

এল—এল—জয় রঘুদেবজী ! জয় রঘুদেবজী !

পূর্ণ। চারিদিকে ধর ধর, স'রবার এই অবসর।

বিজরী। হাঃ হাঃ হাঃ হাঃ ! [উভয়ের প্রস্থান।

(কতকগুলি রাঠোর-সৈন্যের বেগে প্রবেশ

ও ব্যস্তভাবে পলায়ন)

(জনৈক রাঠোর-সেনানায়কের প্রবেশ)

রা-সেনানায়ক। ফের'—ফের', রাঠোরীয় সেনা, কয়জন

মাত্র অরি, দল' পদতলে ; ফেরো—ফেরো,

ভুবনবিখ্যাত বীর্য তোমা সবাকার,

ফেরো—ফেরো—নির্ভীক হৃদয়, রণজয়

এখনি হইবে, কয়জন মাত্র অরি।

কয়জন মাত্র অরি, দল পদতলে।

(নেপথ্যে সৈন্যগণ)। জয় রাঠোর ! জয় রাঠোর !

[রাঠোর-সৈন্যগণের প্রত্যাবর্তন ও প্রস্থান।

(চণ্ডের প্রবেশ)

১৩। এই দেখ ভয়-সৈন্ত দলবদ্ধ পুন
আক্রমিছে নেহার চিতোর সেনাগণে,—
দেহ রণ, বীরদর্পে কর আক্রমণ,—
ছিন্নভিন্ন হইবে এখনি, বৃক্ষপত্র
যথা ঘূর্ণবায়ু ; বজ্র সম পড়' শত্রু
মাঝে, স্বল্প শ্রম—প্রতি জনে শত দহ্য
বধিতে হইবে, শত দহ্য মাত্র এক
বীরের বিরোধী ; শ্রোতে তৃণ রহে কত-
ক্ষণ ? কর আক্রমণ—কর আক্রমণ,
সিংহের বিক্রম শিবা সয় কতক্ষণ !

(ভীলগণের কাড়া বাজাইতে বাজাইতে প্রবেশ)

ভীলগণ।— (গীত)

দে হানা - দে হানা, পড় পড় পড় ঝন্ঝনা।

[ভীলগণের প্রস্থান]

(নেপথ্যে) চণ্ড—চণ্ড, পালা—পালা—পালা।

(রাঠোর-সেনানায়কের প্রবেশ)

রাঠোর-সেনানায়ক।—

ফেরো—ফেরো,—চণ্ডে কিবা ভয় ? নহে তার
অভেদ্য শরীর, তোমা সম অস্ত্র বিদ্ধে
কায়, ফেরো - এখনি হইবে রণজয়।

(রাঠোর-সৈন্তগণের প্রবেশ)

রা-সৈন্ত। পালা—পালা, আর রণজয়ে কাজ নেই,
রাজা কোথা—কার জন্তে লড়ি ?

(ভীলগণের প্রবেশ)

ভীলগণ।— (গীত)

দে হানা দে হানা, পড় পড় পড় ঝন্ঝনা।

[সকলের যুদ্ধ করিতে করিতে প্রস্থান।]

(চণ্ডের পুনঃ প্রবেশ)

চণ্ড। অস্ত্রহীন বিকলাঙ্গ বৃদ্ধ বা বালক
নাহি ক্ষমা—কর বধ, ক্ষত্র-ধর্ম নহে
দহ্য মনে, নাহি ক্ষমা,—বধ' যারে পাও।
হা রঘুদেবজী ! হা রঘুদেবজী !

(কয়েকজন রাঠোরীর আহত বৈদিকের প্রবেশ)

রা-সৈন্ত। ক্ষমা কর—ক্ষমা কর, অস্ত্র রাধি পার,
ক্ষমা কর—ক্ষমা কর—মৃতপ্রায় মৌরা।

(সসৈন্তে শিখণ্ডীর পুনঃ প্রবেশ)

শিখণ্ডী। বধ'—বধ, নাহি ক্ষমা, বধ' দহ্যগণে।
হা রঘুদেবজী ! হা রঘুদেবজী !

[সকলের প্রস্থান।]

(কতকগুলি রাঠোরীর বৃদ্ধ ও বালকগণের প্রবেশ)

বৃদ্ধ ও বালক। আমাদের মেরো না—আমাদের
মেরো না।

[বৃদ্ধগণ ও বালকগণের প্রস্থান।]

(সর্দারের প্রবেশ)

সর্দার। বধ' বধ'—রাঠোরীয় বংশ কর নাশ।

হা রঘুদেবজী ! হা রঘুদেবজী ! [প্রস্থান।]

(বিজরী ও খাণ্ডাধারীর প্রবেশ)

বিজরী। এই খাণ্ডাধারী—এই খাণ্ডাধারী ! বধ কর,
বধ কর।

খাণ্ডাধারী। দোহাই বাবা ! দোহাই বাবা !

(ভীল-সর্দার ও তদীয় অহুচরগণের প্রবেশ)

ভীল-স। ধবু বটে, মাবু বটে, খাণ্ডাধারী ওই বটে।

(জনৈক সর্দারের প্রবেশ)

সর্দার। পোড়াও অনলে, দগ্ধ কর পাপীঠেরে।

হা রঘুদেবজী ! হা রঘুদেবজী !

[খাণ্ডাধারীকে লইয়া সকলের প্রস্থান।]

পঞ্চম পর্ভাঙ্ক

কক্ষ

রণমল্ল।

রণমল্ল। আর পিরীত না—ছেড়ে দে, ছেড়ে দে ;
বেটার জাঁহাবেজে ভূজপাশ ! আঃ—বাগ্গারাও মুকুলকে
কে মাবলে—মুকুলকে কে মাবলে ? প্রাণপ্রায়সি, একটু
সব, হাঁপ ছেড়ে বাচি। আদি বা—আদি না, খাণ্ডাধারী—

থাঙাধারী। ওই পেত্নী! ওই পেত্নী! পেত্নী! পেত্নী!
(নেপথ্যে)। এই দিকে—এই দিকে, জয় রঘুদেবজী!

রণমল্ল। কিসের গোলমাল—কিসের গোলমাল?
থাঙাধারী, আমার বেধেছে—আমার বেধেছে; খুলে দে—খুলে
দে, আমি খুলতে পারছি নে,—খুলে দে, খুলে দে থাঙাধারি!

(বিজরীর প্রবেশ)

বিজরী। এই নরাদম, বাধিয়াছি শয্যা সনে,—
বধ কর - বধ কর।

রণমল্ল। কি, বধ করবে?—এসো।—

(চতুর্দিক হইতে রণমল্লকে আক্রমণ)

(কতকগুলি রার্থোর সৈন্তের প্রবেশ)

রার্থোর-সৈন্ত। রাজাকে রক্ষা কর—রাজাকে রক্ষা কর।

(শিখণ্ডীর প্রবেশ)

(শিখণ্ডী কর্তৃক যুদ্ধে রার্থোর-সৈন্তগণ হত)

রণমল্ল। আর—আর, কে তুই—শিখণ্ডী? একখানা
অস্ত্র দে, দেখ—বুড়ো বয়সে বাহুতে বল আছে কি, দেখ!

বিজরী। বধ—বধ, শীঘ্র বধ পাপিষ্ঠ দুর্জনে।

রণমল্ল। কে তুই—বিজরী! তুই পেত্নী নয়—তুই পেত্নী
নয়, তবে আর তোরে ভয় কি? এই আমার হাতে ম'রে
পেত্নী হ।

(বিজরীকে আক্রমণ, শিখণ্ডীর বাধা দেওন,

উভয়ের যুদ্ধ, শিখণ্ডী, বিজরী ও রণমল্ল সকলেরই পতন)
দেখ, কত্রিয়কুলের কালি, ম'রতে জানি কি না; চল চল—স্বর্গে
যাই, সেখানে ল'ড়বো। পেত্নী, কাছে আসিস্ নে—পেত্নী,
কাছে আসিস্ নে,—স্বর্গে যাই—স্বর্গে যাই।

(মৃত্যু)

(চণ্ডের প্রবেশ)

চণ্ড। এ কি—শিখণ্ডী!

শিখণ্ডী। দেখ—

বীরেন্দ্র, দিয়াছি দেহ রাণা প্রয়োজনে,
তুমি স্মৃষ্ট—স্মৃষ্ট, তব বাক্য শিরে রাখি।
তাই—তাই, ব'লো জননীরে, পড়িয়াছি
রাণাকার্যে শত্রু-শব শয্যাপরে, আজ্ঞা
মত তাঁর। হত পূজা রঘুদেব, আমি
থাকিতে চিত্তোরে; প্রায়শ্চিত্ত এই মম।

বিদায় এখন, রঘুদেব—রঘুদেব—
কোথা ভাই, দেখা দাও পরম সময়!

(মৃত্যু)

চণ্ড। বীরের বাহিত শয্যা রচি নিজ করে
শুয়েছ হে মহাবাহু, অনন্ত-শয়নে;
হা শিখণ্ডী, হা হা ভাই, দোসর আমার;
অর্কঅঙ্গ বিনিময়ে জয়লাভ আজি;—
হা শিখণ্ডী, হা শিখণ্ডী, কোথা গেলি ভাই!

বিজরী। শোন চণ্ড, আমি তব কুলের কামিনী,
করিয়াছি রঘুদেবে মানসে বরণ,
রঘুদেব প্রাণপতি; কুমার-নীলায়
রমণীর অঙ্গ অস্পর্শীয়, তাই দাসী
এ জনমে বঞ্চিত সেবায় শ্রীচরণ,
তাই না পাইছ, ত্যজি অপবিত্র দেহ,
ধরি দিব্যকায় রাঙ্গা পায় পাব স্থান
পুলকে পরমধামে; মম প্রেতক্রিয়া
কর' তুমি, অগ্নি দিও মুখে, এই তিষ্ঠা
মৃত্যুকালে। কোথা রঘুদেব—দেখা দাও!
ওই রঘুদেব! ওই রঘুদেব, ওই—

(মৃত্যু)

চণ্ড। বীরাক্ষনা তুমি মাতা, পালিব বচন,
মৃত্যুকালে রঘুদেবে ক'রেছ স্মরণ,
দিব্যধামে যাও—রহ রঘুদেব সনে।
রণমল্ল, এই—এই সে নর-পিশাচ;
জীবনে কলঙ্ক তব, গৌরব মরণে;—
কর গতি বীর-মৃত্যু করিয়াছে লাভ,
শবদেহ সবে মিলি লহ দাহ-স্থানে।

[সকলের প্রস্থান]

অষ্ট পর্ভাঙ্ক

দুর্গ

(চণ্ডের প্রবেশ)

(তুর্য্যধ্বনি ও সৈন্ত-সমাবেশ)

চণ্ড। হের—

জনশূন্য প্রাচীরনিচয়, গর্ভভরে
ফিরিত যথায়, দম্বা রার্থোর-প্রহরী

রাঠোর গর্দিয়ে ; হের বৃহস্পে বৃহস্পে
 যথা দস্থ্যদল রবিকরে প্রদর্শিত
 অস্ত্রের ফলক, ধাইতেছে মহারোলে
 ফেরুপাল শকুনি গৃধিনী ; অট্টালিকা-
 শ্রেণী যথা—রাঠোর তঙ্কর, আনন্দের
 মহারোলে কাঁপাইত নিশা, শূন্য রব-
 হীন এবে ; নিঃশঙ্ক-হৃদয়ে ভ্রম নিজ
 পিতৃধামে, নিজ দুর্গ কর অধিকার ;
 পাতি পাতি চিতোর করহ অন্বেষণ,—
 যথা পাও, বধ কর রাঠোর দুর্জন !
 হা রঘুদেবজী ! হা রঘুদেবজী !

(সৈন্তগণের প্রবেশ)

সৈন্ত । মারো—ধরো—পোড়াও—কাটো

[সকলের প্রস্থান ।

সপ্তম গর্ভাঙ্ক

সমাধি-মন্দির

গুঞ্জমালা, মুকুল ও কুশলা ।

গুঞ্জ । হলো বৃষ্টি রণ অবমান ; আশা ভয়ে
 দোলায় অন্তর, শব্দ স্তব্ধ,—নাহি শুনি
 অস্ত্র-বান্ধনি, বীরকণ্ঠে উত্তেজনা-
 ধ্বনি, নাহি ঘন ঘোর সমর-গর্জন,
 বীর-পদভরে দ্রুত অধ-সঞ্চালনে
 নহে আর কম্পিতা মেদিনী, ধূম সম
 ধূলী-রাশি না হেরি গগনে, কি জানি লো
 কি হলো সংগ্রামে ; স্বল্প মাত্র ভীল-সৈন্ত
 চণ্ডের সহায়, অগণন রাঠোরীয়
 দুর্ন্দ-কটক শত্রুপক্ষ রণদক্ষ
 সামন্ত-চালিত,—যুদ্ধ-বার্তা কেহ নাহি
 দিল সখি, বিগ্রহে কি বিপক্ষ প্রবল ?

কুশলা । মম মনে নাহি লয়, পরাজয়, যবে
 রণনায়ে চমকিল নীরব ত্রিষাম,
 শুনিলাম রাঠোরীয় ঘোর সিংহনাদ
 মুহূর্ন্তঃ ঘোর রবে বাধিল আহব,
 অস্ত্রে অস্ত্রে বনংকার মহা কোলাহল

শুনিহু সভয়ে, ক্রমে উঠে আর্জুনাদ,
 “জয় রঘুদেব” শব্দ ভেদিল গগন,
 আত্মপক্ষ-সিংহনাদ ক্রমে উচ্চতর,—
 পরে সেনাভঙ্গ-রোল, মহাগণ্ডগোল,
 পুনঃ পুনঃ ‘জয় রঘুদেব’ বিপক্ষের
 হাহাকার ধ্বনি,—রাজরাগি, রণজয়
 হয়েছে নিশ্চয় ।

গুঞ্জ ।

কহ কল্যাণ-ভাষিণি,

তবে কেন কেহ নাহি আনে সমাচার ?
 হ’তেছে আকুল মন প্রত্যয় না মানে,
 দুর্জয় রাঠোরগণ অটল সংগ্রামে,
 শঙ্কা নাহি ঘোচে লো সজনি ; নহে মম
 কপাল তেমন, তাই কত ওঠে মনে,—
 কে আসে লো কে আসে ও ? স্বপক্ষ কি অরি
 বুঝিতে না পারি, এস পলাই মুকুলে
 ল’য়ে, যদি বিজয়ী স্বপক্ষ এই হয়,
 কেন নাহি জয়োল্লাস—আসিছে নীরবে,
 গোপনে আসিছে শত্রু মুকুলে বধিবে ।

কুশলা । এস এস বৃক্ষ-আড়ে, বুঝিতে না পারি ।

মুকুল । কোথা যাব ? কেন ভীকর মত পালাব ? দাদাজী
 যুদ্ধে প’ড়ে থাকে, আমিও এইখানে অস্ত্র হাতে ক’রে
 ম’রবো । আমি ক্ষত্রিয়—ক্ষত্রিয়ের মত প্রাণ দেবো ।
 মা—মা, দাদাজী, দাদাজী ।

(চণ্ডের প্রবেশ)

চণ্ড । বন্দি রাণা !—মাতা, তব রচণ-প্রসাদে
 হয়েছে সমর-জয় ; ধাত্রী-মাতা, মহা-
 মূল্য ধন বিনিময়ে, পড়েছে সমরে
 শত্রু-শবোপরে শূর সংগ্রাম-বিজয়ী—
 শিখণ্ডী দোসর, আর নাহি পাব তারে,—
 স্বর্গবাসী স্বর্গধামে—ত্যজিয়ে আমারে !
 ধাত্রী । খেদ নাহি কর, বৎস, ধন্য পুত্র মম,
 ধন্য আমি তারে গর্ভে ধ’রে ! রাজকার্য্যে
 সম্মুখ-সমরে দেছে প্রাণ, ক্ষত্র চায়
 অধিক কি আর,—ধন্য নন্দন আমার !

গুঞ্জ । অতুলনা প্রভুভক্তি তব, পুরস্কার

নাহি এ ধরায়, ধন্য তুমি বীরমাতা,
স্বপ্নপুরে বীরাদনা বিহরে যথায়,
দেববালাগণ তথা তব কীর্তি গায় !

মুকুল । দাদাজি, দাই-ভাইজী রণস্থলে কোথায় পড়ে আছে
দেখবো ?

চণ্ড । চল', রঘুদেবের পূজা ক'রে যাই ।

(ভীলগণের প্রবেশ ও গীত)

হাঁড়িয়া পিঁহি মোরা হাঁড়িয়া পিঁহি,
চাঁদমুখী ভিলনী চালি দিহি —
হাঁড়িয়া চালি দিহি ।

দিং ঝাংড়া দিং ঝাংড়া মাদল বোলে,
ঠুম্বকি নাচি অ্যাং ঝুম্বকি দোলে,
ধমকে ঠমকে ভিলনী চমকে,
আঁখি ঠারি মুকুঁপি লিহি ।

চণ্ড । উল্লাসের দিন এবে নহে বন্ধুগণ,
নাহিক বিরাম, যতদিন রাত্তোরীয়-
বংশ ধ্বংস নাহি হয় ; মুন্দর নগরে
ফিরে গেছে দস্যুদল আপন আশ্রয় ;
আত্মীয়-সংকার-অস্তে যাইব তথায়,
আজি নিশাকালে তথা আক্রমিব সবে,
নির্ঝংশ রাত্তোর হ'লে শাস্তি লাভ তবে ।

(পূর্ণরামের প্রবেশ)

কি ভট্টরাজ !

পূর্ণ । হয়েছে রণজয়, আনন্দ পড়েছে চিত্তোরময়—
একবার দেখতে এলেম রাণায় । তার পর নিয়ে বিদায়,
বৃন্দাবন কি মথুরায়, ভট্টরাজ পায় পায়, আর কি ভেড়ের
ভেড়ে ভাট থাকে হেথায় !

চণ্ড । সে কি ভট্টরাজ, আগে রাত্তোর নির্ঝংশ দেখে যাও !

পূর্ণ । ক'রতে গেলেম আঁটা আঁটি, নারকেল নিয়ে
ভিরকুটা ; তার পর ব'য়ে রাজমাতার আর বিজরীর চিঠী,
বাধলো এই লটখটি ;—শেষ কাটাকাটিতে মিটলো । আবার
কি হ'তে কি হয়, বুড়ো ভাট আর কি রয় । যার চিত্তোর,
সেই পেলে, ষোটাষোট সব ঘটলো ; আর দেখতে সাধ নাই,
গুড়ি গুড়ি যাই, আমার পাপের প্রায়শ্চিত্ত ত' চাই,—নিয়ে

সকায়ের বালাই, এই পালাই । তবে—রাণা ব'সবে সিংহাসনে,
দেখে যাব সাধটা মনে, দাঁড়িয়ে আছি তাই ।

(চিত্তোরবাসিগণের প্রবেশ)

চি-বাসী । জয় বীরচূড়ামণি চণ্ডজীর জয় !

চণ্ড । আমি রাজভৃত্য মাত্র, বল' রঘুদেবজীর জয় !

চি-বাসী । জয় রঘুদেবজীর জয় !

চণ্ড । বল রাণাজীর জয় !

চি-বাসী । জয় রাণাজীর জয় !

চণ্ড । হা রঘুদেব—ভাই ! আর কি তোমার চন্দ্রবদন
দেখতে পাব না—হা রঘুদেব ! হা রঘুদেব ! হা পবিত্র-
আত্মা ! হা পরম-পুরুষ ! অভাগা চণ্ডকে একবার দেখা দাও !

চি-বাসী । জয় রঘুদেবজীর জয় ! জয় রঘুদেবজীর জয় !
জয় রাণাজীর জয় !

চণ্ড । রঘুদেব, প্রাণাধিক—সমাধি তোমার !

হা ভাই—হা গুণনিধি—চণ্ডের জীবন !

চিরপ্রিয় শিখণ্ডী তোমার, নেছ সঙ্গে

তারে, রেখে গেলে অভাগারে, কোথা আছ

ভুলে, এস ভাই, হেরি চাঁদমুখ ভাই !

হা রঘুদেবজী ! হা রঘুদেবজী !

চি-বাসী । হা রঘুদেবজী ! হা রঘুদেবজী !

সকলে । রঘুদেবজীর জয়, জয় রঘুদেবজীর জয় !

জয় রাণাজীর জয় !

(সকলের সমাধি-মন্দিরের উপর পুষ্পবর্ষণ)

সকলে ।

(গীত)

ঠেলে পায় ভুলে আছ কেমনে,—

হও হে উদয় জদয়শশী, আঁধার তোমা বিহনে ।

রাখ পায় কিশোর সন্ন্যাসী,

রাজ্য চরণ-স্থধা পিপাসী,

চাও হে চাও কাননবাসী, কাতরে নয়ন-কোণে ।

এস হে কুমার ফুলহার,

কৃপাময় মুছাও নয়ন-ধার,


বাধার ব্যথিত তোমায় জেনে,

তাই এসেছি কাননে ।

জয় জয় পরম পুরুষ সনাতন

কাকন-গজ্ঞন-কার মদনমোহন ।

রূপ-সনাতন



(প্রেম ও বৈরাগ্য-মূলক নাটক)

[৮ই জ্যৈষ্ঠ, ১২২৪ সাল, ঠার থিয়েটারে প্রথম অভিনীত]

নাট্যোল্লিখিত ব্যক্তিগণ ।

পুরুষ ।

শ্রীচৈতন্যদেব ।
সনাতন নবাবের উজীর ।
রূপ সনাতনের ভ্রাতা ।
বল্লভ ঐ
ঈশান সনাতনের ভৃত্য ।
বুদ্ধিমন্ত গোড়ের জনৈক জমীদার ।
জীবন চক্রবর্তী গোড়বাসী জনৈক ব্রাহ্মণ ।
হোসেন সা গোড়ের নবাব ।
রামদিন কারাধ্যক্ষ ।
নসির খাঁ কারারক্ষক ।
শ্রীকান্ত সনাতনের ভগিনীপতি ।
চৌবে বালক, দহ্য, অল্পম, চন্দ্রশেখর, চৌকিদার, চোপদার, সহিস, পাইকস্বয়ং, বৈষ্ণবগণ, ওমরাওগণ, প্রহরিগণ, ইত্যাদি ।		

স্ত্রী ।

অলকা সনাতনের স্ত্রী ।
করণা রূপের স্ত্রী ।
বিশাখা বল্লভের স্ত্রী ।

চৌবে-রমণী, নারীগণ, প্রতিবাসিনিগণ ইত্যাদি ।

প্রথম অঙ্ক

—:—

প্রথম গর্ভাঙ্ক

ভাগীরথী-তীর ।

(জীবনের অন্তরালে অবস্থান ও সনাতনের প্রবেশ)

সনা । কে আমায় ডাকছে ? কে আমায় টানছে ?
আমি স্থির হ'তে পাচ্ছি না কেন ? কে আমায় ডাকছে ?
প্রভু, প্রভু, অধম ভৃত্যকে কি এতদিনে স্বরণ করেছেন ? ঐ
ডাকে—ঐ ডাকে ! কে ডাকছে ? আমি ত কিছুই বুঝতে
পারি নি ;—আমার অন্তরে কে আগুন জ্বলে দিলে ?
ডাকছে—নিশ্চয় ডাকছে, এ ভ্রম নয় ;—অতি মধুরস্বরে
ডাকছে ! পতিতপাবনী জাহবি ! তুমি নানা দেশ ভ্রমণ করে
আসছ—আমার প্রভু কি আমায় ডাকছেন ? মা প্রেমময়ি !
আমার প্রেমপূর্ণ কর, আমায় হরি-পাদপদ্মে মতি দাও । মা
গঙ্গে ! আমায় বৈরাগ্য দাও—বৈরাগ্য দাও—বৈরাগ্য দাও ।
মা, তোমার তটের রেণু অঙ্গে মাখছি—আশীর্বাদ কর—
বুন্দাবনের রজে যেন এইরূপ লুপ্তিত হই ।

(ঈশানের প্রবেশ)

ঈশান । প্রভু, একবার বাড়ী চলুন ; সমস্ত দিন
অনাহারী—মা-ঠাকরণ ডাকছেন ।

সনা। ঈশান, ঈশান, ওই শোন—আমার ডাকছেন ;
ওই শোন, অতি হৃদয় খর—প্রভু আমার ডাকছেন ; আমি
যাব—আমার প্রভুর কাছে যাব ; আর বাসা-বাড়ীতে
থাকব না ; শোন রে, শোন—শ্রীগৌরাক আমার ডাকছেন,
শোন।

ঈশান। প্রভু, সন্ধ্যা হ'ল, একবার বাড়ী চশুন ; আজ
নবাবের লোক অন্ততঃ দশবার আপনাকে ডাকতে এসেছে।

সনা। হা গৌরাক ! দাসের পায়ে শৃঙ্খল বেঁধে রেখে-
ছেন ; রাজকার্য—সংসারকার্য আমি কাকে দিয়ে যাব ?
রূপ আমার দিয়ে নিশ্চিন্ত হ'য়েছে, বল্লভ ফাঁকি দিয়েছে,
তারা সাধু—প্রভু, তাদের কৃপা ক'রেছেন। আমি এ বিপুল
ভার কাকে দিয়ে নিশ্চিন্ত হব ? ওই যে—ওই যে আবার প্রভু
ডাকছেন ! আমি আজই নবাবের কাছে বিদায় হয়ে যাব।

[উভয়ের প্রস্থান।

(জীবনচক্রবর্তীর প্রবেশ)

জীবন। ব্রহ্মশাপ হাড়ে হাড়ে ফ'লেছে। ফ'লবে না ?
ব্রহ্মাণ্ডদেব কি নাই ?—আঙুল ম'টকে গাল দিয়েছি—নিশ্চয়
বেটা পাগল হ'য়েছে। তা না হ'লে ধূল'র উপর গড়াগড়ি
দেবে কেন ? এইবার, বেটা নেড়ের পুষিাপুল সাকর মল্লিক—
এইবার তোমার উজীরি কে করে ?

(বুদ্ধিমন্তর প্রবেশ)

বুদ্ধি। কে হে, চক্রবর্তী না কি ?

জীবন। বুদ্ধিমন্ত খুড়ো, নেড়ে শালা পাগল হ'য়েছে।

বুদ্ধি। আরে, নেড়ে কে হে ?

জীবন। ওই যে, ঐ বামূনের ঘরের হারাম-খোর।

বুদ্ধি। বটে বটে, মল্লিক সাহেব ? দেখ'লুম বটে—গামর
ধূলা মাখা, ঐ চাকরটা ধ'রে নিয়ে যাচ্ছে ;—যেন মাতালের
মতন চ'লেছে।

জীবন। খুড়ো, সে মজা যদি দেখতে ! খানিক বুক
চাপড়ালে—খানিক আকাশ পানে চেয়ে রইল—খানিক
ওই ওই—ঐ কল্পে—যেন ভুতে পেয়েছে !

বুদ্ধি। এই ? ও বৈষ্ণবী চ'তুনি জান না, বেটাদের
পেটে পেটে হারামের ছুরি ! তোমার সেই বা
হ'ল ?

জীবন। আর কি হবে ? খুড়ো, তুমি ঠিক ক'রেছ ;

সতি—বেটাদের পেটে হারামের ছুরি ! ভাব'লেম—রূপটা
সব ত্যাগ ক'রে গেছে, সে যদি কিছু ব'লে ক'রে দেয়—রাজ্য
ছেড়ে গিয়ে বৃন্দাবনে ধ'ব'লেম।

বুদ্ধি। তার পর ?

জীবন। তার পর আর কি ? একখানা খোলামকুচিতে
ইকড়ি মিকড়ি চাম্ চিকড়ি লিখে দিলে।

বুদ্ধি। আঃ ছ্যা ! তুমি যেমন বোকা, আমার কাছে
আসতে হয়।

জীবন। পাড়ায় ত সকলের কাছেই গিয়েছিলাম।

বুদ্ধি। আমার কাছে এলে ছুই ধমকে সোজা ক'রে
দিতেম। আর এই উজীরি কার দৌলতে, তা ত তুমি জান ?
ঐ হোসেন সা বেটা আমার সেরেস্তায় চাকর ছিল ; ওর কাবা
খুলে দেখ গে—আজও কোড়ার দাগ আছে।

জীবন। বলি, আমি যে খ' লিখে দিয়ে টাকা ধার
ক'রেছি।

বুদ্ধি। বলি কত টাকা ?

জীবন। ছ' হাজার ; তা খুড়ো, বামূনের ছেলে—বিপদে
প'ড়ে না হয় নিয়েই ছিলেম ; এই রোজ তাগাদা ! আমি,
বাপু, একদিন রাগের চোটে গালি-গালাজ করেছিলাম—মিথ্যা
ব'ল'ব না ; এই বেটা বলে কি—'বাড়ীটুকু আমার লিখে
দাও',—উনি অন্দরমহল বাড়াবেন ; ও বেটা উচ্ছন্ন যাবে—
কাথাসার হবে—বেটার ভিক্ষা জুটবে না।

বুদ্ধি। ও গালি-গালাজের কর্ম নয় ; এক কাজ ক'রতে
পার ?

জীবন। কি ক'রব, বলুন ; খংখানা না চুরি ক'রতে
পাল্পে ত হবে না।

বুদ্ধি। আরে, বুদ্ধি থাকলে সকলই হয় ; আমি যা বলি
তা পারবে ?

জীবন। কি বলুন, আমি পারব।

বুদ্ধি। পারবে ?

জীবন। হুঁ ; বাড়ীখানি যদি থাকে, আমাকে যা ক'রতে
ব'লবেন, পারব।

বুদ্ধি। দেখ, পারবে ত ?

জীবন। হুঁ—পারব।

বুদ্ধি। আর কি ক'রতে হবে ?

জীবন। আর কি ক'রতে হবে ?

বুদ্ধি। আমার বাসীখানা লিখে দাও; আমি বাড়ী খালস করে খংসমেত পাটাসমেত ফিরিয়ে দেব।

জীবন। বাড়ী লিখে দেব ?

বুদ্ধি। হ্যাঁ হ্যাঁ; তুমি কি ওর সঙ্গে হুজুতে পারবে ? দেখ, তা তুমি ভেবো না,—তোমার খুড়ো তেমন নয়; আমি ঝুলি-কাথা নিইনি বটে, ভগামো নেই বটে, কিন্তু আমি নির্লিপ্ত সংসারী।

জীবন। খুড়ো, লেখাপড়ায় কাজ নেই, কি করতে হবে, বল; আমি হুজুত টুজুত সব পারবো।

বুদ্ধি। হুঁ হুঁ, তোমার অবিশ্বাস হ'চ্ছে—অবিশ্বাস হ'চ্ছে; তা তুমি লিখে দাও আর না দাও, আমার মনের ভাব তুমি শোন,—আমি যে সংসারে আছি, সে কেবল দুর্জনের দমনের নিমিত্ত; আর, লোককে শিক্ষা দেওয়া যে, সংসার-ধর্মের অপেক্ষা আর ধর্ম নাই; শ্রীকৃষ্ণ যেমন নির্লিপ্ত-ভাবে সংসার করেছিলেন, আমারও সেইরূপ, দুর্জন দমন—শিষ্টের পালন—এই আমার কাজ। তোমার ওটুকু লিখে মিতে চাচ্ছিলেম কেন জান ? আমার তালুকের মাল গুজারির সময়, ওদের সঙ্গে লাগতে গেলে অর্থব্যয় চাই; তোমায় ত কেউ আর কর্ত্ত দেবে না, আমি ঐটুকু বাঁধা রেখে টাকা নিয়ে ল'ড়তেম—তোমার জন্তে গাঁটের পয়সা বার করে কি করে কি করি বল ? চলতি তহবিল থাকত ত দিতেম।

জীবন। আর বুঝেছি খুড়ো, নাও, হাত কেটে খং লিখে দিয়েছি, মামলা-মকদ্দমা করে কি করব ?

বুদ্ধি। আরে, আমি কি তোমায় মামলা করতে ব'লছি—না যবনের কাছারিতে যাই ? সরকার লোকজন আছে, কাজ-কর্ম করে,—এর উপায় ছিল; তুমি ত কথা শুনলে না।

জীবন। উপায় আমার মাথা আর মুণ্ড !

বুদ্ধি। তবে ব'লব ?

জীবন। আর কি ব'লবে ?

বুদ্ধি। বলি শোন; ওরা সমন্বয় করবে;—মোছলমান্ অপবাদ আছে কি না;—বাড়ী বাড়ী ঘুরে, টাকা-কড়ি দিয়ে ত এক রকম ঠিক করেছি—এই কাজটি ভুল করতে হবে।

জীবন। কি করে কাজ ভুল করব ?

বুদ্ধি। সব তোমায় শিখিয়ে দেব; ব্যাপারখানা কি জান, রূপোর স্ত্রী নষ্ট হ'য়েছে।

জীবন। এঁ্যা ! বল কি খুড়ো ?

বুদ্ধি। তুমি কথাটা রটলেই দেখ না; সভ্য মিথ্যা জানতে পারবে।

জীবন। খুড়ো, তুমি ত বেশ লোক ! নবাবকে ব'লে আমার গর্দানা নিগ্।

আগেই ত আমি ব'লেছি—তোমার কর্ম নয়।

। মিছে কথা কি করে রটাই ?

বুদ্ধি। বলি, দেখতে চাও, না, শুনতে চাও ?

জীবন। তুমি যদি দেখাতে পার, তুমি যা ব'লবে, আমি তা করব।

বুদ্ধি। আমার সঙ্গে এস; যখন খিড়কি দোর দিয়ে বেরোবে, আমি ধরিয়ে দেব।

[উভয়ের প্রস্থান]

দ্বিতীয়

সনাতনের বাটা—অন্তঃপুরস্থ কক্ষ

অলকা, করুণা ও বিশাখা।

অলকা। ছোট বৌ এলি কেন ? মেজবোকে একটা কথা ব'লব।

করুণা। ও থাকলেই বা, কি ব'লবে, বলনা ?

অলকা। না ভাই, ও ছেলেমানুষ, ওর শুনে কাজ নেই

করুণা। এখন না শোনে, আমি ওকে সব কথা ব'লব; কি ব'লবে বল না ?

অলকা। আচ্ছা, ভাই, তুমি কি পাগল হ'য়েছ ?

করুণা। পাগল হইনি দিদি—পাগল ক'রেছে।

অলকা। ছি, তোমার এ কি পাগলাম ? তুমি কুলে কালি দিতে ব'সেছ ?

করুণা। কুল ত দেখি নি দিদি, যে কুলে কালি দেব; আমি অকুলে ভাসছি।

অলকা। তুমি অত অধীর হ'চ্ছ কেন ? স্বামী বিদেশে যায়, বিবাহী হ'য়ে যায়, যার বাড়ী নাই—যমকে দিতে হয়; ভাল মানুষের মেয়ে তাতে কি করে ? ঘরে ব'সে কাঁদে, আর ইষ্টি দেবতাকে ডাকে।

করুণা। আর, স্বামী থাকে নুতন স্বামী দিবে যার ?

অলকা। দেখ ভাই, আমি মার মতন ; শাওড়ী নাই, আমরা যদি বেচাল হই, কে স্থনীতি শেখাবে বল ? তা নয়, তোমার এ কি কাজ ? তুমি রাতছ'পুরে পান খেয়ে গয়না-গাঁঠি প'রে বাড়ীর বাইরে বেরিয়ে যাবে, লোকে টের পেলে যে মুখ দেখাবার ঘো থাকবে না।

করুণা। তুমি লোকের কথা শুন্তে বল, না স্বামীর কথা শুন্তে বল ?

অলকা। তোমার স্বামী কি তোমায় ব'লে গেছেন যে, তুমি এমনি ক'রে বেড়িয়ে বেড়াও ?

করুণা। তাই ত ব'লছিলাম ; তুমি ত শুন্লে না। আমার স্বামী আমাকে মৃতন স্বামী দেখিয়ে দিয়ে গিয়েছেন।

অলকা। ভাই, তোমায় মিনতি করি, তোমার পায়ে ধরি, ছুই ভাইয়ের শোকে তোমার ভাঙুর যেন কাঁটা হ'য়ে র'য়েছে ; তার উপর লোকে যদি ঘুণাকরে কোন কথা কাণে তোলে, তা হ'লে আর প্রাণ রাখবে না।

করুণা। তিনি জানেন, আমার স্বামীর আজ্ঞা আছে। তোমার কথা আমি কাল শুনব' ; আজ দেরি হ'য়ে যাচ্ছে, আমি চ'ল্লেম।

অলকা। রাত্তিরে তুমি কোথায় চ'ল্লো ?

(করুণা ও বিশাখার গীত)

নানা ছাঁদে প্রাণ বাঁধে,
নাচে তাথেই, তাথেইয়া বঁধিয়া,
কিবা মধুর মঞ্জীর বাজিছে।
শুন রুণু রুণু রুণু, শুণু শুণু শুণু,
অমরা শত গাজিছে, অবলা-মন মজিছে।
কটি দোলে, মরি ! হেলে ছলে চলে,
গোরা ভাবের ভোরে পড়ে চ'লে,
রাধা রাধা ব'লে গোরা নয়ন-জলে ভিজিছে ;
দামিনী ঘন রাজিছে।

অলকা। ছোট-বৌ—ছোট-বৌ, তুইও কি হ'লি ?

বিশাখা। আমিও আমার মনের মতন পুরুষ পেয়েছি।

অলকা। গহনা-গাঁঠি প'রে বাহার দিসনে যে ?

বিশাখা। আজ আমার সে সন্ন্যাসিনী সাজতে ব'লেছে।

অলকা। এ কি ?

বিশাখা। কি—কি ?

অলকা তোমাদের কি ঘুণা নেই, ভয় নেই, লজ্জা নেই ?

করুণা। ঘুণা লজ্জা ভয়, তিন থাকতে নয়।

অলকা। তোমাদের হেয়ালি আমি কিছু বুঝতে পারি নে ; তোমাদের যা ইচ্ছা তাই কর ; আমি কর্তাকে ব'লে বাপের বাড়ী চ'লে যাই। দেখলেই দোষী হ'তে হবে।

করুণা। দিদি, রাগ ক'র না ;—তোমায় কি ব'লব—তোমায় বল্লোই কি তুমি বুঝতে পারবে ? কিন্তু তুমি মনে স্থির-বিশ্বাস রেখো যে, আমি এক বই আর ছুই জানি না।

অলকা। তবে তুমি যাও কোথা ?

করুণা। তাঁর কাছে।

অলকা। শুনেছি—তোমার স্বামী ত বন্দাবনে ; তিনি কি কোথায় লুকিয়ে আছেন ?

করুণা। আমার স্বামী সর্বত্র,—আমি চ'ল্লেম, আর থাকতে পারিনে।

অলকা। ছোট-বৌ, তুইও চল্লি ?

বিশাখা। আমিও থাকতে পারি নি ; প্রাণ কেমন করে। [করুণা ও বিশাখার প্রস্থান।

অলকা। এ কেবল নষ্ট মেয়ের ভিবুকুটী। কর্তাকে ত আর না ব'লে নয়।

(ঈশানের প্রবেশ)

ঈশান। মা-ঠাকরুণ ! কর্তার যে রকম ভাব দেখছি—উনি যে আর ঘরবাসী হন, এমনি ত বোধ হয় না ; গঙ্গার তীরে ধূলয় প'ড়ে গড়াগড়ি, আর “গৌরাক্ষ” “গৌরাক্ষ” ব'লে চীংকার ! আমি ভুলিয়ে ভালিয়ে বাড়ী আন্ছিলাম—তার উপরে আবার সর্বনাশ !

অলকা। কি ? কি ? হায় ! গৌরাক্ষ কি আমাদের সর্বনাশ ক'রতে এসেছিলেন ? প্রভু, শুনেছি, তুমি দয়াময়, —তা আমাদের কেন সন্ন্যাসিনী ক'রতে ব'সেছ ?

ঈশান। মেজ-মা, ছোট-মা আর কতকগুলো মেয়ে সব গান গাইতে গাইতে এক দিকে চ'লে যাচ্ছে, উনিও তাঁদের পেছ পেছ চ'ল্লেন ; আমি সঙ্গে যাচ্ছিলাম, এমনি ধমক দিলেন যে, আর যেতে সাহস হ'ল না ; ভাবছি,

মা, বাপের চোটে যদি একটা খুন্-খারাপি করে
বসেন।

অলকা। ঈশান, তুই বাবা লুকিয়ে—পেছ পেছ যা ;
কোন রকমে বাড়ীতে ফিরিয়ে নিয়ে আয়।

ঈশান। ও গো, তার যো নাই ; তিনি আর এখন
সহজ গাছুব নাই, একবারে উন্নত ; তবে আমি যাই,
দেখি—যদি আনতে পারি।

[ঈশানের প্রস্থান।

অলকা। আমার অদৃষ্টে কি আছে, তা জানি না ;
গৌরাজ, অবলার অপরাধ মার্জনা কর ; প্রভু ! অবলার
ভয় ভঞ্জন কর,—প্রভু ! অনাথনাথ ! অনাথিনীকে পদে
ঠেলনা। একি ! ছবিখানা হুঁছে কেন ? ও মা ! গৌরাজ
যে হাসছে। আমিও পাগল হব না কি ? ও মা !
চোখ ঠারে কেন গো ? আমার গা যে ডুলি মেরে উঠছে,—
আমি এ ঘরে থাকুব না, বাপু।

[প্রস্থান।

তৃতীয় গর্ভাঙ্ক

দেবালয়

করুণা।

করুণা। ও লো, ক'নে সাজান হ'ল ?

(বিশাখা ও প্রতিবাসিনীগণের প্রবেশ)

দেখ্ দেখ্, বর বড়, না ক'নে বড় ?

(সনাতনের প্রবেশ)

সনা। (স্বগত) এ কি ! দেবান্দনারা মিলে গৌরাজের
বিবাহ দিচ্ছেন না কি ?

করুণা। ও লো, বাসর ক'রে ব'স ; কথা না কয়—
খুব কাণ ম'লে দিবি।

বিশাখা। না না না—কথা না কয়, না কবে,—সোণার
গায়ে ব্যথা লাগবে। বলি, ও বর, ক'নে পছন্দ হ'য়েছে ?

২য় স্ত্রী। হ'য়েছে লো, হ'য়েছে ; ঐ দেখ্—হেসে
হেসে ঘাড় নাড়ছে।

৩য় স্ত্রী। বলি, তোর বর মনে ধ'রেছে ?

৪র্থ স্ত্রী। ইস্ ! ঘোমটার ভেতর হাসি আর ধরে না।

(সকলের গীত)

নয়নে নয়নে হানে,

হাসি চাঁদবদনে ধরে না আর।

তনু জর জর, হিরা ধর ধর,

কে পারে হারে দেখুব এবার।

মধুর সমর নেহারি রঙ্গ,

অনঙ্গ-রঙ্গ পুলকে ভঙ্গ।

রণে হৃদয়-মাঝারে, বাজে ভারে ভারে,

বারে বারে বারে আপন পাশরে সমরে,

কিশোরী কিশোর সমরে দোসর,

কেহ নাহি আঁটে কারে ;

ঘন ঘন প্রেম-বরিষণে,

বহে প্রেমের ধারা অঙ্গে দৌহার।

১য় স্ত্রী। ও লো ! চল, সমস্ত রাত আর জাগিণি।

২য় স্ত্রী। চল যাই ;—বর-ক'নে শুইয়ে যাই।

৩য় স্ত্রী। ওলো ! চল লো চল,—ভোর হ'য়েছে

—এখনি পূজারি বামুন আসবে।

[সনাতন ব্যতীত সকলের প্রস্থান।

সনা। এরাই ধন্য ! যে গৌরাজকে নিয়ে সংসার,
তারই যথার্থ সংসার। প্রভু ! আমি আর কত দিন
কর্মভোগ করুব ? আর আমি কার জন্তে চিন্তা করি ?
বধুমাতারা পরম-বৈষ্ণবী, আমার পরিবার—এ বৈষ্ণব সঙ্গে
তারও হরি-ভক্তি হবে।

(অপর দিকে বল্লভের প্রবেশ)

এ কে, বল্লভ না কি ? বল্লভ ! বল্লভ ! আমার প্রাণ-
বল্লভ গৌরাজ কেমন আছেন ?

(কোলাকুলি)

বল্লভ। আমি তাঁরই কাছ থেকে আসছি ; রূপ গোস্বামী
আর আমি সেই ব্রহ্মার দুর্লভ পদকমলে গিয়ে প্রণাম
ক'রুলেম। আহা, কি করুণা ! প্রভু আমাদের আলি-
ঙ্গন ক'রুলেন, মধুর-ভাষে জিজ্ঞাসা ক'রুলেন, “আমার
সনাতন কেমন আছেন ?” বৈষ্ণবরাজ, তোমার ভাগ্যের
সীমা নাই ; পঞ্চানন যারে ধ্যানে পায় না—তিনি তোমার
সংবাদ জিজ্ঞাসা ক'রুলেন।

সনা। ওরে বল্লভ ! আমি যে ঘোর পাপপঙ্কে পতিত,
আমি যে বিষয়ী। আমি কি শ্রীগৌরাজের পাদপদ্ম আবার
দর্শন পাব ?

বলত। প্রভু! আপনি গৌরাক-অচর্যগী; পদ-পত্রে
বেশন জল লিপ্ত হয় না, সেইরূপ বিষয়-বাসনা আপনাকে
লিপ্ত করতে পারে না; কেন না, আপনি গৌরাকের
প্রিয়পাত্র।

সনা। ওরে, কেন—কেন আর আমার বৃথা আশা
দিস? রূপ কি ক'বছে?

বলত। তিনি অতুল বৈভব গৌরাকের পাদপদ্মধানে
নিযুক্ত আছেন।

সনা। আর দেখ, আমি পামর, দিবারাত্র বিষয়-
চিত্তার যাপন ক'বছি; তোমরা সাধু, বিষয়-বাসনার জলা-
ঞ্জলি দিয়েছ; আমার কর্মভোগ কে নিবারণ ক'রবে?

বলত। সাধুতম! ক্ষুধ হবেন না; সময়ে বৃক্ষ ফল-
বতী হয়; আপনি গৌরাকের শ্রীচরণ সার ক'রেছেন।
মহাসংসারে গৌরাক-ভক্তের ভয় নাই; মহামায়া ধীর
শ্রীচরণ পূজা করে, তাঁর ভক্তের কি মায়া-ঘোর থাকে?

সনা। ইয়া রে! যদি বিষয়ে ভয় নাই, তবে তুই
কেন ছেঁড়া কাঁথা সার ক'রেছিস?

বলত। হায়! সে নবীন সন্ন্যাসীকে দেখে—সে কোঁপীন-
ধারী গৌরাককে দেখে, কার প্রাণ স্থির থাকে? আহা!
গৌরাক যখন মস্তক মুড়িয়ে কাঁথা নিয়েছেন, তখন কোন্
প্রাণে আর অণু বস্ত্রে দেহ আচ্ছাদন ক'রবে?

সনা। বলত! আমিও কাল কঙ্ক-গ্রহণ ক'রব; এ
পরিচ্ছদ আমার অঙ্গে ফুটছে। সোণার গৌর কঙ্কচ্ছাদিত
—আমি রাজ-অলঙ্কার-ভূষিত! বলত, কি করি, নবাবের
সমস্ত ভার যে আমার উপর, তাঁর চারিদিকে শত্রু প্রবল;
—আশ্রয়-দাতার বিপদ দেখেই বা কি ক'রে যাই? বলত,
আমায় উপায় বল,—আমি কেমন ক'রে কঙ্কধারী হব?

বলত। প্রভু, উৎকণ্ঠিত হবেন না; শ্রীগৌরাকই উপায়
ক'রবেন।

সনা। আঃ! নবাব আমার ইচ্ছায় ত্যাগ করেন—
তা হ'লে এ ভব-বস্ত্রণা এড়াই। ইয়ারে! তুই ত এলি
—রূপ কি আমার মনে করে?

বলত। গোস্বামীই আমাকে আপনার কাছে পাঠিয়ে
দিলেন। তাঁর মিনতি এই—তাঁর এখন বিষয়-অভিমান আছে,
সেই ভক্তিপথের কষ্টক সমস্ত সম্পত্তি বেন দীন লোককে
দান করা হয়।

সনা। বলত, তাঁর অভিলাষমতই হবে; লক্ষ ব্রাহ্মণ-
ভোজনের আয়োজন করেছি; কল্যই তাঁর সমস্ত সম্পত্তি
বিতরণ ক'রে দেব। আর বলত, ঘরে আর।

বলত। প্রভু, অপরাধ মার্জনা করুন, তরুতল ভিন্ন ত
আমার অপর গৃহ নাই; আপনি গৃহে যান—আমি আমার
আশ্রমে যাই।

সনা। ইয়া রে, আমি অট্টালিকায়—আর তোরা
তরুতলে?

বলত। শ্রীগৌরাক যে তরুতলে তা কি তুমি জান
না?

সনা। তবে আর আমি গৃহে যাব না।

বলত। যখন গৌরাকের ইচ্ছা হবে, তখন গৃহে থাকতে
পারবেন না; বলের প্রয়োজন নাই—শ্রোতের তৃণ হউন;
গৌরাক যখন আকর্ষণ ক'রবেন, তখন সঙ্কল্প-বিকল্প-রহিত
হবে; ঘরে যাব কি না যাব, এ কথা থাকবে না;—ভাসিয়ে
নিয়ে যাবে—উদ্বিগ্ন হবেন না।

(বলভের গীত)

যখন আসবে তুকান ভাসিয়ে নে যাবে।

সে যে অকুলপাথার নাইক সাতার,

কুল কিনারা কে পাবে?

আগে ধীর তরঙ্গ বয়,

তাঁতে হেলে ছলে খেলে আশা ভয়,

হয় কি না হয়, কত হয় উদয়,—

ক্রমে জোর ব'য়ে যায় দু'কুল ভাসার,

টানের টানে কে রবে?

বুঝতে নারি প্রেম-তরঙ্গ চলে কি ভাবে।

দ্বিতীয় অঙ্ক

—:~:—

প্রথম গর্তাঙ্ক

রাজপথ

বুদ্ধিমন্ত ও বল্লভ ।

বুদ্ধি । বলি, তুই গাছতলায় শুয়ে কাটালি, আমার একবার ব'লতে হয়—আমি ঘরে নিয়ে যেতাম ।

বল্লভ । দাসের এই স্থান ।

বুদ্ধি । বলি, তোকে কি তাড়িয়ে তুড়িয়ে দিয়েছে—কি কিছু ঝগড়া-ঝাঁটি ক'রে গিয়েছিল ? ছেলে বয়সে এ সব কি ? কেন চ'লে গেলি বল দেখি ?

বল্লভ । প্রভু ডাকলেন, নফর কি আর থাকতে পারে ?

বুদ্ধি । বলি, কি কথাটা বল না, তোর বকুরা টকুরা দিতে চায় নি না কি ? তা আমার বল না—তোর বাপের যা যা ছিল, আমি সব জানি ; এক অম্মে ছিলি—ফাঁকি দিলে ত আর চ'লবে না ।

বল্লভ । হা গৌরাক্ষ ! হা করুণাময় ! এ বুদ্ধকে রুপা কর ; তোমার রুপা ভিন্ন ঘোর পক্ষ হ'তে এ উঠতে পারবে না ।

বুদ্ধি । বলি চ'লে যে ?

বল্লভ । আজ্ঞে, আমি প্রভুকে ছেড়ে এসেছি, আর থাকতে পারি না ।

বুদ্ধি । হাঁ, বুঝেছি, তোমার বৈরাগ্য হ'য়েছে ; তা চ'লে যাচ্ছ কেন ? শোন না,—আমার একটি উপকার কর, ভাই !

বল্লভ । আমার কি শক্তি ? গৌরাক্ষকে ডাকুন—তিনি পদাশ্রয় দেবেন ।

বুদ্ধি । হ্যাঁ দেখ, তুমি আমার গৌরাক্ষ ; তুমি রুপা ক'রলেই মনোরথ সফল হয় । আর কিছু নয়—এই সাদা কাগজখানায় একটা সই ক'রে দিয়ে যাও ।

বল্লভ । আমি ভিখারী, আমি কি সই ক'রব ?

বুদ্ধি । দেখ, সেই ত তুমি সব ছেড়ে ছুড়ে বাছ—আমি বুড়ো মানুষ কিছু পাই, এতে আর তোমার আপত্তি কি ?

বল্লভ । আপনি সনাতন প্রভুকে জানান, তিনি আপনার দুঃখ মোচন ক'রবেন ।

বুদ্ধি । তোমাদেরই ভালর জন্ত ব'লছিলাম ; সনাতনের বাড়ী কেউ থাকে না, তা জান ? তোমাদের আশ্পর্ক ত কম নয় ; আমি এই আজ থেকে বৈকল্য, রূপোর স্ত্রী আর তোমার স্ত্রী যদি ঐ বাড়ীতে থাকে—তা হ'লে কেউ পা খোবে না ; রাত্তিরে বাহার দিয়ে বেরুন' হয়—তা কি আমরা জানি নে ?

বল্লভ । হা প্রভু ! এ বুদ্ধ মোহ-অন্ধ ;—একে জানদৃষ্টি দিন । [বল্লভের প্রস্থান ।

বুদ্ধি । ব্যাটার সব ডাকাবুকো, মনে ক'রেছে—টাকার চোটে সব ক'রে নেবে । চক্রবর্তীটে কি ক'রলে ? উত্তরপাড়ার বামুনগুলো কি ক'রলে ? ঐ না আসছে ? আম'ল ! সনাতনের চাকর ব্যাটার সঙ্গে কি ষড়যন্ত্র ক'চ্ছে না কি ? না—তা নয় ; বোধ করি, এই গোলযোগ শুনে সনাতন ভয় পেয়েছে ! এই চাকর ব্যাটা বুঝিয়ে ছ'কথা ব'লবে । আমি শীগ্গির হুচি নি—একখানা তাগুক না পেলে মেটাচ্ছি নি ; একটু আড়ালে দাঁড়িয়ে দেখি, কি করে ।

(অন্তরালে অবস্থান)

(ঈশান ও জীবনের প্রবেশ)

জীবন । বাবা ঈশান, আমি কিছুই জানি না ; ওই বুড়ো বুদ্ধিমন্ত আমার সব শিথিয়ে দিয়েছে ।

ঈশান । তোর আমি ভিটে মাটি চাটি ক'রব—তবে আমার নাম ঈশান ।

জীবন । বাবা, আমি ব্রাহ্মণ, আমার কোন অপরাধ নাই ।

ঈশান । তোর সাত পুরুষ বামুন না,—তুই মা-ঠাকুরগণদের নিন্দা করিস ?

জীবন । দোহাই বাবা ! বুড়ো বুদ্ধিমন্ত আমার শিথিয়ে দিয়েছে, আমি দাঁতে কুটো ক'চ্ছি, নাকে খৎ দিচ্ছি ; বুড়ো এখানে ছিল—তোমায় দেখে কোথা পালান' ।

বুদ্ধি (অন্তরাল হইতে) গতিক বড় ভাল নয়—আমি সইকাই ! যে দস্য চাকর—একটা অপমান ক'রে ফেলবে !

জীবন। বাবা ঈশান, ঐ বুড়ো ব্যাটা পালাচ্ছে।

ঈশান। দাঁড়া বুড়ো, তোর মুখে আমি আঙন জ্বলে দেব।

(সনাতনের প্রবেশ)

সনা। কি রে ঈশান, কি গোল ক'চ্ছিস্ ?

ঈশান। আজ্ঞে, এই চক্রবর্তী বামুন—আর এই বুড়ো বুদ্ধিমন্ত, ঘরে ঘরে মা-ঠাকুরগণদের বদনাম ক'রে বেড়াচ্ছে।

জীবন। না বাবা, দোহাই বাবা, রূপ গোসাঁই আমায় জানে বাবা,—আমি তেমন লোক নয় বাবা ! এই দেখ বাবা, রূপ গোসাঁই আমায় লিখে দিয়েছে, বাবা !

সনা। ঈশান, ছেড়ে দে।

জীবন। (স্বগত) এইবারে সটকাই।

[পলায়ন।

সনা। ও ঠাকুর, দাঁড়াও—দাঁড়াও।

জীবন। আর দাঁড়ায়।

[জীবনের প্রস্থান।

সনা। (পত্রপাঠ)

যদুপতেঃ কু গতা মথুরাপুরী

রঘুপতেঃ কু গতোত্তরকোশলা।

ইতি বিচিন্ত্য কুরু স্বগনস্থিরং,

ন সদিদং জগদিত্যবধারয় ॥

ভাই রূপ, তুমি আমার গুরু ! সত্য, যদুপতির মথুরাপুরীই বা কোথায়—শ্রীরামচন্দ্রের কোশল রাজ্যই বা কোথায় ? সকলই জানি, তবু আমার এ বিষয়ে আসক্তি—যেন কোন কালে ছেড়ে যেতে হবে না। বলভকে ভিখারী দেখলেম, তবু এসে অট্টালিকায় শয়ন কଲ্লেম। রূপ তরুতলে—আমি রাজপুরে ; প্রভু আমার সন্ন্যাসী—আমি উজীর-পদে মত্ত ! আমার উপায় কি হবে ? কবে আমি এ আসক্তি হ'তে মুক্ত হব ? নবাব ত আমায় ত্যাগ ক'রবেন না,—আমি পলায়ন ক'রব। দেখ ঈশান, আমি চল্লেম ; দাওয়ানকে বলিস্—যার যা খং আছে, ছিঁড়ে ফেলে দেয়। তুই গিন্নীকে দেখিস্ আর তাকে বলিস্—যৎসামান্য ভরণপোষণের জন্তু রেখে সব দান করেন ; আর তুই আমার এই নামাকিত মোহর নে।

ঈশান। প্রভু, আপনি কোথায় যাবেন ? আমি আপনার চরণ ছাড়ব না।

সনা। না না, তুই ঘরে যা ;—গিন্নী ভারি অস্থির

হবে। আমার অভিভাবক কেউ নাই—তুই সকলের রক্ষণাবেক্ষণ ক'রবি।

ঈশান। প্রভু, আমি আপনাকে জানি, আর কারকে জানি না।

(দুই জন ওমরাওয়ার প্রবেশ)

ওমরাওয়ার। উজীর সাহেব, আদাব।

সনা। আদাব।

১ম-ও জাঁহাপনা আপনার বাড়ীতে তসরিপ নিয়ে-ছিলেন।

সনা। হাঁ, জাঁহাপনা।

১ম-ও। আপনার শরীর অসুস্থ শুনে তিনি আপনাকে দেখতে এসেছিলেন ; কিন্তু আপনাকে না দেখতে পেয়ে বিরক্ত হ'য়ে ফিরে গেছেন ; আপনাকে নিয়ে যেতে বান্দার প্রতি আদেশ আছে।

সনা। মিঞা সাহেব, সত্যই আমি মর্ষপীড়িত ; কেবল বায়ু-সেবনের নিমিত্ত একবার বেরিয়ে এসেছি ; আমি হজুরে হাজির হ'তে অক্ষম।

১ম-ও। উজীর সাহেব, গোস্তাকি মাফ হয়, নবাবের আজ্ঞা লঙ্ঘন হবে না, আপনি অসুস্থ ক'রে আসুন ; নচেৎ বড় কঠিন আজ্ঞা আছে ; নফরদের আর অপরাধী ক'রবেন না।

সনা। নবাব কি আমায় ধ'রে নিয়ে যেতে ব'লেছেন ?

১ম-ও। আজ্ঞে, ছোট মুখে বড় কথা সাজে না—নবাবের জোর তলব।

সনা। তবে চলুন।

১ম-ও। হাতী প্রস্তুত আছে, আসুন।

সনা। ঈশান, যা ; বাড়ীতে বলিস্—হয়ত আর আমার সঙ্গে দেখা হবে না।

[উভয়ের প্রস্থান।

ঈশান। প্রভুও যেখানে, নফরও সেইখানে ; নবাব সরকারের খপর না নিলে প্রাণ স্থির হবে না ; আমি ঘোড়া চ'ড়ে পেছু যাই।

(জীবনকে লইয়া চৌকিদারের প্রবেশ)

চৌকি। হজুর, আপনি এই বামুনকে খুঁজেছিলেন না ? ও দৌড়ে পালাচ্ছিল, আমি ধ'রে এনেছি।

ঈশান । ছেড়ে দাও । ঠাকুর, দাওয়ানের কাছে এস,
তোমার খং ফিরিয়ে দেব ।

[ঈশানের প্রস্থান ।

চৌকি । যাও, ঠাকুর, বেঁচে গেলে ।

[চৌকিদারের প্রস্থান ।

জীবন । খানসামা ব্যাটার কড়কানি আর এই ত চৌকি-
দারের রক্ষা ! আবার বাড়ী পুরে গর্দানা নেবে—তাই ভুলিয়ে
ডাক্চে । খতে কাজ নাই বাপ, নাকে খং ! আমি সটকাই ।
টাকাই সব ; বামূনের ছেলে—খামকা বেইজ্জত ক'রলে !
মাগের মুখে ছাই, বাড়ীর মুখে ছাই, যদি টাকা হয়—
ত দেশে ফিরব, নইলে এই এক কাপড়ে বেরুলেম । ভাল
কথা, বিশ্বেশ্বরের কাছে ধরা দিয়ে বন্দাকাশ ভাল হ'চ্ছে—
আমি সেইখানে গে হত্যা দিচ্ছি টাকা পাই—ভাল, নইলে
অনাহারে প্রাণ ত্যাগ ক'রব ।

[প্রস্থান ।

দ্বিতীয় গর্ভাঙ্ক

নবাবের দরবার

বুদ্ধিমন্ত, হকিম, নবাব, ওমরাও ইত্যাদি ।

বুদ্ধি । জাঁহাপনা, ব্যামো-স্যামো সব মিছে । সত্য
মিথ্যা—এই হকিম সাহেবকে জিজ্ঞাসা করুন ।

হকিম । তোমরাই ত ভালমানুষকে বরবাদ দিতে ব'সেছ ,
বেমার নয় সচ্, কিন্তু মনে ভারি রঞ্জ হ'য়েছে, তোমরা জাত
মারতে চাও ।

নবাব । কি, কি, কি হ'য়েছে ?

হকিম । হজুর, বান্দা ওয়াকিব হ'লো যে, এই বুদ্ধিমন্ত
বামুন ঠাকুর, হজুরে উজ্জীরি করে ব'লে, উজ্জীর সাহেবের জাত
মারবার চেষ্টা ক'রছে ।

বুদ্ধি । হকিম সাহেব, আমার উপর মিথ্যা অপবাদ
দিও না । ওর বৌ-ঝি সব বেরিয়ে যাচ্ছে—তাই দশ জনে
একঘরে ক'চ্ছে, তা আমি কি ক'রব ?

হকিম । শুনিয়ে জনাব ।

নবাব । তোমার বি জাত গিয়েছে, (মুখে জল দিয়া)
এই খুক তোমার মুখে লাগল ।

বুদ্ধি । নারায়ণ ! নারায়ণ !

নবাব । তুমি জান, সনাতন হামারা লেড়কা হ্যার ?—
কৈ হ্যার রে—সহরমে এসকো লেকে টেইরা রেও "এসকা
জাত গিয়া" । তুমি বড় লোক ছিলে, তাই তোমার বহত মাপ
ক'রেছি ।

[বুদ্ধিমন্তকে লইয়া জনৈক লোকের প্রস্থান ।

(সনাতনের প্রবেশ)

মল্লিক, তোমার বড় দুষমনকে আজ জন্ম কিয়া ;—বুদ্ধিমন্তকে
মুখমে থুক দিয়া গিয়া—তুমি রঞ্জ ক'রে ঘ'রে ব'সে আছ,
আমায় বল' নি ? যে তোমার বাড়ী না থাকে, তার মুখে
আমি গরুর টে'রি দেব ।

সনা । জনাব, এ সর্বনাশ কেন ক'রলেন ? গোলামের
জন্ম আপনার অকলঙ্ক নামে কেন কলঙ্ক দিলেন ?

নবাব । মল্লিক, তুমি আমার লেড়কা ;—তোমার যে
দুষমন, হামার সে দুষমন ; তোমার ভাই ফকিরী নিয়েছে—
আমার বুকে চোট লেগেছে ।

সনা । জাঁহাপনা, আমার শত্রু আমার দেহে ।

ষড়ঙ্গপু সতত প্রবল,

সদা করে বল—

অন্তর চঞ্চল দারুণ পীড়নে যার !

ইঞ্জিয়-লালসা

হৃদিমাঝে করিয়াছে বাসা ;—

দুরাশায় নিয়ত নাচায় ।

ধরিয়াছি মানব-জীবন—

পশুসম নিয়ত ভ্রমণ !

নিদ্রা, ভয়, আহার, মৈথুন,

এই মাত্র ক্রিয়া মম,—

পরমাধু গত ঋণে ঋণ,

পাছে পাছে ফিরিছে শমন,

ভ্রান্ত মন ভ্রমেও না ভাবে তাহা ।

সুখ-চিন্তা মূতন করনা,

সাগর-তরঙ্গ সম উঠিছে বাসনা,

যেন কভু যেতে নাহি হবে,

ভঙ্গুর এ দেহ যেন চিরদিন রবে ।

সেই মত উত্তেজনা প্রতিদিন ;

শত্রু মম নাহিক বাহিরে,—

ছট অগ্নি হৃদয়ে বিহরে ।

বিবেক, বরাগ্য ভয়ে পলায়েছে দূরে,

অন্ধকারে করি বাস ;

ছলশত্রু হরিপদে করেছে বঞ্চিত ।

নবাব । হকিম, দেওয়ানা - হ'য়েছে—তুমি দাওয়াই দাও ।

হকিম । জনাব, হিন্দুলোককে বিচমে কি হাওয়া আয়া—
গোরা গোরা বোল্কে বহুত আদমি এন্ মাফিক্ দেওয়ানা
হোতা ।

নবাব । মল্লিক, তুমি কি রূপের মত ফকিরী
নিবে ?

সনা । ধর্মাবতার, আমার কি সে দিন হবে ?—

বুন্দাবনে গদগদপ্রেমে

যমুনা-পুলিনে লুটাইব প্রাণ ভরে ?

গোরা ব'লে বাছ তুলে আনন্দে নাচিব,

কুঞ্জে কুঞ্জে কাঁদিয়া ফিরিব,

রাধারাগী চরণে দিবেন স্থান ?

দুরন্ত বিষয়-জ্বালা ভুলি —

সাধু-সঙ্গে মনোরঞ্জে কেলি,

বনমালি-পদাশুজ ধ্যান, —

শূন্য বাহুজ্ঞান —

রাধা-কৃষ্ণ হৃদয়ে হেরিব ?

গোলকের অধিকারী হব' নরদেহে ?

নবাব । মল্লিক, এ সব ফকিরী মতলব তুমি ছাড় ,
কাজ-কর্ম্মে মন দাও । তোমার ভাই চ'লে গেল—তুমি কাম
ক'রবে না—আমি কি কুতাকে উজ্জীরি দেব ? আমি জান্লে
রূপকে ছেড়ে দিতেম না । আমি মনিব—আমার বাৎ শুন্বে
না, এতে গুনা হয়—জান ? যাও—উড়িম্যার কাগজ-পত্র
দেখ ;—হাম্ জানতা, হুঁয়া লড়াই হোগা ।

সনা । জাঁহাপনা,

অপার সাগরমাঝে ভাসে যেই জন,

কর্ম্মক্ষম সে কেমনে হবে ?

যোগ্য জনে দেহ ভার ।

দিবানিশি বাতুলের প্রায়

ফিরিতেছি প্রাণশূন্যকায় ;

মতি ধায় গৌরান্দের পদে !

গলগ্রহ রেখো না ভূপাল !

শীঘ্র দূর করহ জঞ্জাল ;

মৃত জনে কার্যে নাহি অধিকার ;—

জীবন্মৃত হইয়াছি গৌরান্দ-বিহনে ।

নবাব । কি, তুমি কাজ ক'রবে না ?

সনা । গোলাম—শক্তিহীন—

নবাব । দেখ, হুঁসিয়ার হ'য়ে কথা কও ; আমি তোমায়
স্নেহ করি, অনেক মাপ ক'রেছি ।

সনা । পুত্র-সম নরনাথ, ক'রেছ পালন ;

তোমার রূপায়

ধন-মান-সম্মান-ভাজন আমি ;

কুবের-বাঞ্ছিত ধন ক'রেছ অর্পণ—

উচ্চ জন নতশির হেরিয়া আমারে ;

হইয়াছি পাৎসার প্রসাদ-ভাজন—

মূলাধার আশ্রিত পালক তুমি ।

কিন্তু হায় ! ওহে নরস্বামী,

ভব ভয়ে ব্যাকুল হৃদয় ।

আসিতেছে চরম সময় —

সে হৃদ্বিনে কে দেবে আশ্রয় দীনে ?

দিন গেল—ঐহিক ফুরাল,

ভ্রমে সাথে কৃতান্তের চর,

ল'য়ে যাবে কৃতান্ত-নগর ;

ধন, মান কিছু নাহি হবে সাথী ;—

তাই, অগতির গতি গৌরান্দের পদে

শরণ লইতে সাধ ।

ভীত জনে মার্জনা করিয়া

দেহ শীঘ্র বিদায় ভূপাল !

নবাব । তুমি ফকিরী নিবে ?

সনা । জাঁহাপনা বিদায় দিলে আমি সেই ফকিররাজের
আশ্রয় নেব ।

নবাব । আর যদি বিদায় না দিই ?

সনা । আমার প্রাণ গৌরান্দের পাদপদ্মে গিয়েছে ;
শবদেহ ল'য়ে জাঁহাপনার ফল কি ?

নবাব । ফল কি তুরন্ত জানতে পারবে ; কারাগারে
তোমার ফকিরী ছুটবে । কি কাফের, নবাবকে জানিস্ নি ?
বার বার কথা ঠেল্লি ? কৈ হ্যায়রে ?—এস্কে গারদমে লে
যাও ।

[সনাতনকে লইয়া জনৈক প্রহরীর প্রস্থান ।

হকিম, উস্কা মগজ বিগড় গিয়া, তদ্বির করে
হকিম। যো হকুম খামিন্।

তৃতীয় পর্ভাঙ্ক

রাজ-পথ

বুদ্ধিমন্ত ও দুইজন পাইক।

বুদ্ধি। বাস্—এখন' ছাড়লে না, আর' ঘোরাবে ?

১ম পাইক। ক্যা, আবি তোমরা ছয়া নাই ?

বুদ্ধি। আর ছয়া নাই কেন, সেই থুক দেওয়াতেই ছয়া
ছয়া হ'য়েছে; আজ কি জোর বরাং—নবাবের অধর-সুধাপান,
ডকা বাজিয়ে সহর ভ্রমণ; বুদ্ধিমন্ত কি চূড়ান্ত বুদ্ধিই
খাটিয়েছ—নারায়ণ নারায়ণ! আর নারায়ণ কেন, এখন
তোবা তাল্লা।

১ম পাইক। উজীর কা সাং লাগ্নে হোতা বেকুব।

বুদ্ধি। বলি লাগ্নে হোতা নাই ত এমন হোতা খামকা।

২য় পাইক। আচ্ছা ভাই, তোমকো হাম ডাণ্ডা-উণ্ডা
নাহি লাগায়, তোম্ ত হামকো কুচ নাহি দিয়া।

বুদ্ধি। দেখ খাঁ সাহেব, তুমি মনের ক্ষোভ রেখো না;
দুই এক ঘা ডাণ্ডা-উণ্ডা দিয়ে যাও।

১ম পাইক। আচ্ছা, বাও দাদা; দোস্‌রা দফে দেখা যাগা।

বুদ্ধি। দফা রফা ক'রে ছেড়ে দিয়েছ, আবার দোস্‌রা
দফা!

২য় পাইক। কেয়া ?

১ম পাইক। আরে চল; এস্‌সে হড়বড় কাহে করে ?

[পাইকদ্বয়ের প্রস্থান।

বুদ্ধি। এখন খাঁ সাহেবের কোথায় গমন ? যমের বাড়ীও
ভাল—কিন্তু দেশে আর না; কাশীতে গে একটা ব্যবস্থা নিয়ে
একটা প্রায়শ্চিত্ত ক'রুব; পথের সম্বল ত কিছু নাই—বাড়ী
গিয়ে কালামুখ আর দেখাব না—ভিক্ষায় যা হয়; উঃ!
আমার কি সর্বনাশ হ'ল, এই বুদ্ধ-বয়সে জাত খোয়ালাম;
ম'লে মুখে আগুন দেবে না, ভগবান, আমার পাপের দণ্ড কি
হয় নি ? দেখি তোমার মনে আর কি আছে। ওঃ! বাজারে
বাজারে ঘুরে ত আর চলশক্তি নাই; এই খানে একটু
বিজ্ঞান করি।

(সন্ন্যাসিনীবেশে বিশাখার দণ্ড-কমণ্ডলু-হস্তে প্রবেশ)

বিশাখা। এই তরুতলে আমার প্রাণনাথ শয়ন ক'রে-
ছিলেন। তরু, তুমি ধনু,—তোমার তলায় ব'সে আমিও ধনু !
আহা, তরু, তুমি আমার প্রাণকান্তের মূর্ত্তি অঙ্কিত ক'রে
রাখ নি ? তোমার তলায় যখন সে নবীন সন্ন্যাসী শয়ন
ক'রেছিল, তুমি শিশিরছলে কত রোদন ক'রেছ; আমি এখন
কাঁদি ! তরু, তোমার সে আনন্দ-অশ্রু - আমার এ নিরাশ-
বারি; আমি যদি তরু হ'তাম, আমি যতন ক'রে তাঁর
ছবিখানি এঁকে রাখতাম; তরু, তুমি ভাল কর নি—সে
প্রতিমূর্ত্তিখানি এঁকে রাখ নি; তুমি অনেক দেখেছ—অমন
মূর্ত্তি কি আর কখনও দেখতে পেয়েছ ? আহা ! তরু,
তোমার আশ্রয়ে প্রাণকান্ত এসেছিলেন। তোমায় আলিঙ্গন
ক'রে তাপিত প্রাণ শীতল করি।

বুদ্ধি। আ মলো ! ওটা কে ? গাছটা নিয়ে জড়াজড়ি
ক'চ্ছে কেন ? বুঝেছি—ব্যাটা না বেটা বৈরাগী, ওরা অমন
করে; এই যে ধূলায় গড়াগড়ি দিয়েছে। আ ম'লো, মাটি
মাথে কেন ?

(করুণার প্রবেশ)

করুণা। দেখ দিদি, তোমার বেশ দেখে আমি বেশ
ক'রতে শিখেছি; এই আমাদের উপযুক্ত বেশ; শুধু হাতের
বালা খুলতে পারি নি, বালা খুলতে যে প্রাণ কেঁদে উঠ'ল।

বিশাখা। দিদি, আমাদের কাঁদবারই দিন।

করুণা। কেন, বালাই, কাঁদব কেন ? গোরচাঁদ যে
আমাদের; সোণার গৌরাজ যে আমাদের ভালবাসেন; আয়,
আয়, কাঁদিস্‌ নি, আনন্দের দিনে আয় আনন্দ করি, গোর-
চাঁদকে নিয়ে আনন্দ করি।

(করুণা ও বিশাখার গীত)

ভালবাসি সে ভালবাসে,

তবে কাঁদবো কেন বল না ?

হেসে হেসে ডাকলে আসে, করে না সে ছলনা।

ওলো, মনের মতন রতন গৌরচাঁদ,

আমার সাধের নিধি নিরবধি

পুরায় মনের সাধ;

হেরে গৌরসোণা যায় বাসনা—

দেখবে তরা চলনা।

মাই ত মানা আর না ওলো, অনাথ ললনা।

বুদ্ধি। (স্বগত) গৌরাক্ষ কে? এ যে আবালবৃদ্ধ-বনিতা এর জন্ত উন্নত! গৌরাক্ষ কি আমার একটা উপায় ক'রতে পারে না? না—আগে কাশীতে গিয়ে ব্যবস্থা নি; সেখানে বড় বড় পণ্ডিত আছে, এদের একবার গৌরাক্ষের কথা জিজ্ঞাসা করি। (প্রকাশ্যে) বলি হাঁ গা বাবা সকল, না, মা সকল, তোমরা কি?—আমি কিছুই ঠাওর পাচ্ছি নি; বলি বাবা হও, বাছা হও, ব'লতে পার—গৌরাক্ষ হ'তে মুসলমান হিন্দু হয়?

করণা। পরেশমণি ছুঁলে লোহা সোণা হয়, গৌরাক্ষ-দর্শনে জীব—দেবতা হয়

বুদ্ধি। বলি—বাবা না বাছা,—মুসলমান কি হিন্দু হয়?

করণা। গৌরাক্ষ-চরণ যে ক'রেছে সার,

তার কোথা আর মনের বিকার?

যুচে অভিমান—সকলি সমান—

ব্রহ্মপদ তার হয় তুচ্ছ জ্ঞান;

নির্বিষ্কার মন সেই শ্রীচরণ—

দিবানিশি ধ্যানে রহে নিমগন;

ভব-ভয়-ভঙ্গ, সদা রস-রঙ্গ—

উথলে সদাই প্রেমের তরঙ্গ;

সে রাজীবপদে যেই রাখে আশ,

জীবন মরণে গোলোকে নিবাস।

গৌরাক্ষ-চরণ নেছে যে শরণ,

তাঁর পদে বেন সদা থাকে মন।

বুদ্ধি। বুঝেছি বাছা, বুঝেছি,—গৌরাক্ষের কৰ্ম নয়।

করণা। ঠাকুর, তোমার কি হ'য়েছে?

বুদ্ধি। যা হবার, তা হ'য়েছে বাছা, তা তোমাদের ব'লে কি হবে?

করণা। তোমার বাই হোক,—গোহত্যা, নরহত্যা, নারী-হত্যা, যে পাপ ক'রে থাক,—গৌরাক্ষের শরণাগত হও; তুমি নিস্পাপ হবে।

বুদ্ধি। বলি বাছা, জাত আর কি হবে না? বিস্তর তপ-শ্রায় ব্রাহ্মণ হয়; বিশ্বামিত্রের মতন তপশ্রা ক'রতে পাল্লোও ত নয়;—তিনি ত আর মুসলমান ছিলেন না, ঋত্বিয় ছিলেন। এখন তোমার গৌরাক্ষের ইচ্ছায় কিছু পথের সম্বল পেলে হয়; তা হ'লেই আমি কাশী চ'লে যাই।

করণা। ঠাকুর, দেখ, গৌরাক্ষের ইচ্ছায় পথের সম্বল হয় কি না? (অলঙ্কার দান)

বুদ্ধি। (স্বগত) ইস! নবাব বেটা শ্রীঘরে ঠেলবার যড়যন্ত্র ক'রেছে; এ সব নবাবের চর। (প্রকাশ্যে) না, বাছা, ও নিয়ে কি ক'রব?

করণা। ঠাকুর, তুমি ভয় ক'র না; যে একবার গৌরাক্ষের শরণাগত, তাঁর কাছে তোমার কোন ভয় নাই; যে একবার গৌরনাম মুখে এনেছে, তাকে তুমি অবিশ্বাস ক'র না, তুমিও গৌরাক্ষ-নাম মুখে এনেছ—আজ হ'তে তুমি বৈশ্বব; দেখ, অমৃত-কুণ্ডেতে ইচ্ছায় নাব—আর কেউ ঠেলেই ফেলে দিক, সে অমর হবে—তার আর সন্দেহ নাই; গৌরাক্ষ নাম ভ্রান্তে অভ্রান্তে, অনিচ্ছায় ইচ্ছায়, ভক্তিতে বা ব্যঞ্জে যে ক'রবে, সে ধন্য। ঠাকুর, তুমি একবার প্রাণ ভ'রে গৌর ব'লে আমাদের কৃতার্থ কর—গৌর, গৌর, গৌর!

বুদ্ধি। গৌর, গৌর, গৌর!

(স্ত্রীলোকগণের প্রবেশ ও গীত)

আদর ক'রে ডাক রে গৌর-হরি।

আম্বে গোরা রাখ'ব ধ'রে, দেখ'ব নয়ন ভরি।

সে যে পাগল গোরা—পাগল প্রেমের দায়,

যে ডাকে, তার অম্নি কাছে যায়,

অরুণ-নয়ন চল চল ছল ছল চায়,

বলে—“ডাকলে কে আমায়?”—

আর যাবে না, থাক'বে কেনা, গৌর বল নাগরি,

গৌর নামের অতুল মাধুরী।

[গান করিতে করিতে স্ত্রীলোকদিগের প্রস্থান।

এও ত আচ্ছা চং! ও—এতক্ষণে বুঝিছি,—ঐ যে শুনেছিলেম, যারা গৌর গৌর ব'লে সন্ন্যাসী হ'য়ে গিয়েছে, তাদের পরিবারেরা একটা দল বেঁধেছে—সে এই;—যে গহনা দিলে, তাকে যে চেনা চেনা ক'রুছি; ঐ যে রূপের স্ত্রী! আঃ—এ সময় মুসলমান হ'য়ে গেলুম—দলাদলিটা পাকিয়ে ক'রুতেম! মোল্লার পো, আর সে আপ'সোস্ ক'রলে কি হবে?—এখন ত কিছু সম্বল হ'ল - স'রে পড়। যদি ফের'বামুন হ'তে পারি ত দেখে ফিরি। ওঃ—জাতগুলো যে সব হাস'বে—ঘর ঘর কুছো বা' করি, আর এক-ঘরে করি!

[প্রস্থান।

চতুর্থ পর্ভাঙ্ক

কারাগার।

হিন্দু কারাধ্যক্ষ রামদিন, ঈশান ও বালকবেশে অলকা।

রাম। ঈশান, তুমি জাঁহাপনার কাছে দরখাস্ত ক'রেছিলে যে, একজন কনোজিয়া ব্রাহ্মণ আছেন, তিনি মল্লিক সাহেবকে বুঝাতে পারবেন—তুমি তাঁকে শীগ্গির নিয়ে এস ; যদি আজ বুঝাতে পারেন, ভাল—তিনি জাইগীর পাবেন ; তুমিও বিশেষ পুরস্কার পাবে। আর তা না হয়, বড় সর্বনাশ ! নবাবের বড় কড়া হুকুম—মল্লিক সাহেবের পায়ে জিজির প'ড়বে, আর চানা-জল খোরাক, নবাবের কথা ঠেলেছেন ব'লে, তাঁর বড় রাগ হ'য়েছে। তুমি সে কনোজ-ব্রাহ্মণকে এখন নিয়ে এস।

ঈশান। আচ্ছ, তিনি এই।

রাম। এ যে বালক।

অলকা। আমায় বালক দেখে উপহাস ক'রবেন না ; গুরুর রূপায় আমি শাস্ত্রের মর্ম সব অবগত আছি।

ঈশান। মহাশয়, ইনি বড় পণ্ডিত ; বালক বটে—একটু আকারে খর্ব, কিন্তু বিদ্যায় সরস্বতী।

রাম। ভাল, আপনি বিশ্বাস করুন ; মল্লিক সাহেব এ সময় পূজা করেন।

ঈশান। তবে আমি চ'ল্লেম ; শাস্ত্রের বিচার আর কি শুনব ?

রাম। আচ্ছ।

[ঈশানের প্রস্থান।

আপনি কোন্ আশ্রম ভাল বলেন ?

অলকা। সংসার-আশ্রমের তুল্য আর আশ্রম নাই,—এতে ধর্ম, অর্থ, কাম, মোক্ষ চতুর্ভুজ পাওয়া যায়।

রাম। ঐ ঠিক। যে ফকির, সে ত পেটের জ্বালায় ঘুরবে—সে দয়া-ধর্ম কখন ক'রবে ? এই যে মল্লিক সাহেব।

(সনাতনের প্রবেশ)

মল্লিক সাহেব, আপনি ভাল ক'রে বিবেচনা করুন। নবাব বড় রাগত,—আপনাকে জিজির প'ড়তে হবে।

সনা। নবাবের আদেশ ত আমায় জানিয়েছেন

রাম। আচ্ছ, কেন আপনি এমন মতলব ক'রেছেন ইনি একজন পণ্ডিত, এ'র সঙ্গে আপনি বিচার করুন।

সনা। কে বা বল করিবে বিচার ?

আমি আর নহি ত আমার,—

কায়, মন, প্রাণ গৌরাক্ষের রাঙা পায় !

যাঁর পদে অর্পিত জীবন—

কতক্ষণে পাব দরশন ?

কে আমায় এনে দেবে নিধি—

দুস্তর এ বিরহ-জলধি

কতক্ষণে হব পার ?

প্রেমোন্মাদ গোরাকাঁদ নাচে—

কতক্ষণে যাব তাঁর কাছে ?

কবে দেখা পাব—

কতক্ষণে নয়ন জুড়াব ?

পদরজে লুটাব পুলকে—

কবে হবে সার্থক জীবন !

হর্ষ, কম্প, পুলক, নর্ভন—

অমুরাগে কবে হব ভোর ?

গোরা মাতোয়ারা সনে মাতোয়ারা হ'য়ে

প্রেম-সুধা পিয়ে

উঠিব, পড়িব, কাঁদিব, হাসিব—

গোরা, গোরা, কোথা তুমি দয়াময় ?

রাম। আপনি বিচার করুন, আমি বাহিরে আছি ; ভয় নাই—কিছু ব'ল্বে না, পাগল নয়, ঐ এক রকম ফকিরী ; নদে থেকে কেমন এক বদ্ হাওয়া এসেছে।

[রামদিনের প্রস্থান।

অলকা। কর মনস্থির—শুনহ সুধীর,

এ কেমন তব আচরণ ?

আশ্রিত পালন, কর্তব্য সাধন,

পরিহরি কি কারণ সম্মাস-গ্রহণ ?

সংসার-আশ্রম

আশ্রমের সার জেন স্থির ;

দয়া নাহি যার, ধর্ম কোথা তার ?

আশ্রিত স্বগণে ত্যজে মুচ জনে।

গৃহে তব আছে প্রণয়িনী—

কেন তারে কর অনাথিনী ?

কোন শাস্ত্রে নিষ্ঠুরতা দেয় উপদেশ ?
যদি তব এত ছিল মনে—
কি কারণে
উদ্বাহ-বন্ধনে বাধিয়াছ অবলায় ?
অনাথায় অকূলে কে দেবে কূল ?
ধর্ম, অর্থ, কাম, মোক্ষ করিয়া বর্জন
এ তোমার কি মনোবিকার ?—
আশ্রিতে না ত্যজে সাধুজন ।

সনা । নহি সাধু, নহি আমি ধার্মিক স্ত্রীর,
নহি নহি আশ্রিত-পালক ।
চতুর্দর্শ ফল নাহি চাই ;
কেবা পতি কার ?
জগৎপতি সেই সারাংসার,
আমি কেবা—প্রণয়িনী কেবা মম ?
বন্ধ আছে বৈষ্ণবী মায়ায়,—
গেছে ঘোর প্রভুর কৃপায় ;
দয়াময় ক'রেছেন স্মরণ দাসেরে,
নফরের ভার কিবা ?
প্রভু-সেবা বিনা অন্ন কার্য কিবা তার ?
দাস আমি—যাব প্রভু-পাছে ।

অলকা । এ ভীকতা, নিষ্ঠুরতা কি হেতু তোমার ?
আছে হেন শাস্ত্রের বচন—
কর্ম-ফল করিয়া বর্জন
নির্লিপ্ত সংসারে রবে রত,
সতত আশ্রিত জনে করিবে পালন ;
পত্নী যদি হয় তব মন্দপথগামী,
তার পাপে তুমি অংশী হবে,—
ধর্ম কোথা রবে ?
পুণ্যশ্লোক রাগচন্দ্র ছিলেন ভূপাল ;
যত্নপতি নির্লিপ্ত সংসারী ;
আছিলেন জনক রাজন্—
ছিল তাঁর নারী পরিজন ;
তবে কিসে সংসার ঘৃণিত ?
সংসারে সকলে যবে হবে হে সন্ন্যাসী,
সৃষ্টি তবে রবে কি প্রকার ?
মানব-জীবনে শ্রেষ্ঠ কর্তব্য আচার,

কর্তব্যবিমূঢ় জন নরকুলগানি ।
আনন্দবাজার এই হের ত্রিভুবন—
পুরুষ-প্রকৃতি সনে লীলায় মগন !
সনা । গৌরান্দ-রাজীব-পদে আশ্রিত যে জন—
ভবের বন্ধন ঘুচে তার ,
সে চরণ স্মরণ বিহনে
কার সাধ্য এ বৈষ্ণবী মায়া করে ভেদ ?
হে ধীমান, ত্যজ তুমি সৃষ্টি-লোপ-খেদ,
ঈশ্বর-কৃপায় হয় বৈরাগ্য সঞ্চার ;
নহে, মোহ-ডোর ছিঁড়িতে কে পারে ?
কর্তব্যের কর অভিমান ?—
স্থির-মনে চিন্ত মতিমান—
হয় কিবা নয় এই মোহের ছলনা ।
“আমার এ নারী”—এই হেতু যত্ন তার ;
“আমি” দেখ প্রধান এ স্থলে ।
আত্মপর মোহের বিচার ;
“আমি আমি” অভিমান—কর্তব্যের হেতু,
আমি কর্তা—মোহবশে মহা অভিমান !
গৌরান্দের এ বিশ্বসংসার,
বিশ্বরক্ষা গৌরান্দের ভার,
সমপ্রেম সর্দঙ্গীবে তাঁর,—
আমার কি অধিকার ?—
আমি মূঢ় জন ; নহিক শ্রীরাম,
নহি নহি রক্ষচন্দ্র, জনকরাজন্ ;
নির্লিপ্ত সংসার-ধর্মে নহিক সঙ্গম—
আসক্তির দাস আমি ;
কেবা ধরে প্রাণ ক'রে জানকী বর্জন—
প্রাণসম লক্ষণে কে করে ত্যাগ ?
কেবা হেরে বহুকুলক্ষয়—
রাজকার্য ত্যজি বনে ভ্রমে ঋষি-সনে ?
সর্দঙ্গীবে সম প্রেম যার
সংসার সন্ন্যাসসম তাঁর !
জীবের তুলনা কিবা প্রেমিকের সনে ?
অলকা । চেষ্টাসাধ্য সকল সাধন—
চেষ্টা বিনা কোথা হয় ধর্ম উপার্জন ?
সংসার তরঙ্গে ডরে ভীক যেই জন—

পরিজনে সেই ঠেলে পায় ;
বীর বিনা নাহি কার ধর্মে অধিকার ।

সনা। নহি বীর, তাই ডরি ছরস্ত সংসারে ;

আছে যার “আমি”-অভিমান,
আসক্তিতে বদ্ধ সেই জন ;
মোহ অন্ধকার নাহি ঘুচে তার,
মোহবশে দারা পুত্র যতনে পালন ;
ভুলি নিরঞ্জন অভিমানী মন
অহঙ্কারে ভাবে—করি কর্তব্য-সাধন ;
হরিপ্রেম সার, কিছু নাহি আর ;
সেই প্রেমে মাত জগৎ জন !

দেখ, দেখ, দীন-বেশে গৌরাঙ্গ ধরায়
দ্বারে দ্বারে বিলাইছে প্রেম ;

ওই ডাকে পরমকান্দাল—

“তাজি এই সংসার জঞ্জাল
আয় আয়, নিয়ে যা রে, কিশোরীর প্রেম !”
বলে গৌরা,—

“বাধা আমি দাস-খতে রা'য়ের চরণে ;

আয় তোরা আয় ত্বরা মুক্ত করু ঋণে,

অষ্টসখী সাক্ষী আছে দাস-খতে ;

প্রেম নে রে,

শিরে মোর প্রেমের পশরা ।”

বল বল হরি—

ওই যে কৌপীনধারী হরি ;

মিছে কেন গণ্ডগোল ?

অলকা। প্রভু, প্রভু, আমার উপায় কি হবে ? আমি যে
অবলা, তোমার দাসী ; গৌরপ্রেম ত জানি না ।

সনা। কে ও ? অলকা ? যাও, যাও, শীঘ্র যাও, আর
কেন অন্য় মুক্ত কর ? মহামায়া, তোমার চরণে আমি
গৌর-প্রেম যাচ'ঞা করি—আর আমায় বঞ্চনা ক'রো না, পথ
ছেড়ে দাও ।

অলকা। প্রভু, দাসীর আর কি আছে ? দাসী
কি নিয়ে আর সংসারে থাকবে ? আমি অনাথা !

সনা। তুমিই ধন্য ! যে আপনাকে অনাথ ভাবে, সেই
ধন্য । অনাথের জন্ত অনাথ-নাথ হরি দেহ ধ'রে এসেছেন ;
হরিবোল, হরিবোল ! আমি অনাথ—আমার জন্ত তিনি এসে-

ছেন ; তিনি জগতের স্বামী, আমার স্বামী, তোমার স্বামী,
ত্রিভুবনের স্বামী ।

(রামদিনের প্রবেশ)

রাম। আপনাদের বিচার হ'ল ? জাঁহাপনা এখন
আসবেন ।

সনা। যাও যাও, আর আমাকে পীড়ন ক'রো না ।

অলকা। প্রভু, চরণে রাখবেন ।

রাম। আমি জানি, তুমি বালক ; উজীর সাহেব ভারি
পণ্ডিত, তুমি পারবে কেন ? তুমি যে উজীর সাহেবের মত
কাঁদছ, এ দিক দিয়ে এস ।

[অলকা ও রামদিনের প্রস্থান ।

(জনৈক চোপদারের প্রবেশ)

চোপ। বাদসানন্দকা বার ছয়া ।

(নবাব হোসেনসা ও তৎপশ্চাৎ রামদিনের প্রবেশ)

রাম। জনাব ! সে—বালক পারবে কেন ? সেও
কাঁদতে কাঁদতে, গৌরাঙ্গ ব'লতে ব'লতে চ'লে গেল ।

নবাব। এ গৌরাঙ্গটো কেয়া ছায় ? মল্লিক, আমি কাল
উড়িয়ায় যাব ; তুমি বদগায়েসি ছেড়ে দাও—সহরের তদা-
রকে থাক ; নেই ত তোমরা বড় বুরা হোগা ।

সনা। জনাব, আমার শক্তি নেই ।

নবাব। তুমি বড় বড় পণ্ডিতকে হারাও, তোমার মগজ
থারাপ হয় নি ত ? তুমি কেন কাজ ক'রবে না ?

সনা। বিরহ-বিকারে তম্বু জর জর !

উহ ! মরি, মরি, কোথা প্রাণেশ্বর ?—

যার তরে সদা প্রাণ-মন কাঁদে—

কোথা গেলে পাব সে প্রেমিকটাদে ?

ক'রেছে উদাসী, কোথা সে সন্ন্যাসী—

যার তরে সদা আঁখি-নীরে ভাসি ?

মম গোরারায় কে দেবে আন্য় ?—

সে বিনা এ ছার প্রাণ বুঝি যায় ।

নবাব। এ ক্যা, তুম্ আওরাং হোয়া ?

সনা। কে রাখে পুরুষ-অভিমান ?

একমাত্র পুরুষ প্রধান

সকলে প্রকৃতি আর ;

সবে জড় - সেই ত চেতন—

সেই সর্বভূতে জীবের জীবন ।

মোহ-তম-মাঝে সেই মাত্র জ্যোতির্শয়,

হর্ষা কর্ষা সেই জগৎ-পতি ।

নবাব । বাওরাপণ ছাড়, আমার কথার উত্তর দাও ।

সনা । জনাব, এ অধীনকে আর কেন তাড়না করেন ?

নবাব । আচ্ছা, তোমাকে শিখলায় দেতা হয়। রে, জিঞ্জির লেয়াও ; নসীর্ খাঁ, মাটিকা নিচু গারদ মে রাখো ; যাহা কীড়া চলতা—স্বরয় কা মুরত্ নেহি দেখ নে পায়ে ; এক মুঠি চানা আউর পানি দেও ।

সনা । হা গৌরান্দ ! তুমি কোথায় ? হা গৌরান্দ ! তুমি কোথায় ?

নবাব । আবি তোমরা ডবু হয় ?

সনা । ভয় ? অভয়পদে শরণ নিয়েছি—আর আমার ভয় ! যার নামে কৃতান্তের ভয় দূর হয়, তাঁর আশ্রিতের সাগাণ্ড কারাগারে ভয় কি ? গৌরচন্দ্র, দর্শন দিও

নবাব । চল, বদমাস্কো লে চল ; রামদিন্, আগবু ছরন্ত হয়ে ত নজরবন্দী রাখ্কে খবর লিখো, নেই ত গারদমে মরে

[সকলের প্রস্থান

তৃতীয় অঙ্ক

প্রথম গর্ভাঙ্ক

সনাতনের অন্তঃপুর

অলকা, করুণা ও বিশাখা ।

অলকা । দিদি, আমি সকলই বুঝেছি, আমি অপরাধিনী—আমায় মার্জনা কর ; আমার পাপ মন—আমি তোমাদের সন্দেহ ক'রেছিলাম ; গৌরান্দের চরণে তোমাদের পতি তোমাদের অর্পণ ক'রে গিয়েছে, তা আমি বুঝতে পারি নি ।

করুণা । দিদি, এখন ত বুঝেছ, এখন ত তুমি সেই গৌরান্দের দাসী, তবে কেন দিবারাত্রি কাঁদ ? কেবল স্বামী অপেক্ষা গুরু নাই ; স্বামীই সেই আনন্দময়কে দেখিয়ে দিয়েছেন ; তবে কেন নিরানন্দ থাকুব ?

অলকা । দিদি, তুমি কি জান না যে, স্বামী আমার এখনও সংসারে ? তিনি যে কারাগারে—তিনি ত এখনও সংসার ত্যাগ করেন নি ; যত দিন স্বামী আমার সংসারী, তত দিন আমিও সংসারী ; আমি পাষণ্ড তাই এখনও আমার প্রাণ বিদীর্ণ হয় নি । আহা ! ছরন্ত নবাব-চর তাঁকে শৃঙ্খলাবদ্ধ ক'রে রেখেছে ; মৃত্তিকার নিচে বাস—চন্দ্র-সূর্য্য সেথা প্রবেশ করে না ; আমি কেমন ক'রে স্থির থাকুব ?

বিশাখা । দিদি, গৌরান্দকে ডাক, তিনিই উপায় ক'রবেন ।

অলকা । যার নানাবিধ সামগ্রীতে রুচি হ'ত না, শুষ্ক চণক তাঁর আহার ; কুসুম-শয্যা পরিত্যাগ ক'রে মৃত্তিকায় শয়ন ; এ কষ্টে তিনি কি আর জীবিত থাকবেন ?

(ঈশানের প্রবেশ)

ঈশান, কি উপায় ক'রলে ?

ঈশান । মা, কিছুই ত উপায় দেখি নি, কোথায় তাঁরে রেখেছে, তারও ত তত্ত্ব পেলেম না ।

অলকা । চল, আমি উপায় ক'রবো ।

ঈশান । মা, তুমি কোথায় যাবে ?

অলকা । যদি আমি সতী হই, যদি আমার স্বামী-পদে মতি থাকে, আমি তাঁকে মুক্ত ক'রবো । হে গৌরান্দ ! আমার

স্বামী কারাগারে, আমার স্বামী তোমায় দেখিয়েছেন, প্রভু !
তুমি অন্তর্যামী, আমার অন্তরের কথা তোমার অগোচর নাই,
আমি স্বামী বই ত আর কিছুই জানি নি ; প্রভু ! যত দিন
স্বামী আমার কারাগারে, তত দিন তোমার পদ-সেবায়ও রুচি
নাই ; শুনেছি, তুমি বিপদ-ভঞ্জন, এ বিপদে আমায় রক্ষা
কর ; এ কি ! এ কি ! আমার এমন হ'চ্ছে কেন ? আবার
ছবি হাসছে কেন ? ওই যে গৌর ! ও রে, কে বলে রে
আমার ভয় নাই ? এ কি ভ্রম ?

করুণা । দিদি, আর ভয় কি ? গৌরাজ্ঞ ব'লছেন,
ভয় নাই ।

অলকা । সত্য মিথ্যা বুঝ, প্রভু ! তুমি দয়াময় কি না—
দেখ দয়াময় ! তুমি আমার স্বামীকে উদ্ধার কর, আর তোমার
পদে আমি কিছু যাচঞা ক'রব না, আমি ভজন-সাধন জানি
নি ; অন্তরের ব্যথা জানাবার তুমি বই আর স্থান নাই ; এ
কি ! কে আমায় ব'লছে—ভয় নাই ?

করুণা । দিদি, তুমি ভাগ্যবতী ; সাক্ষাৎ গৌরাজ্ঞ তোমায়
ব'লেছেন—ভয় নাই । তোমার চরণ-রূপায় আমরাও
গৌরাজ্ঞকে পাব ।

অলকা । ঈশান, দাওয়ানকে বল গে—আমি তাঁর সঙ্গে
দেখা ক'রুব, আর আমার কনোজ ব্রাহ্মণের পোষাকটা কোথা ?

ঈশান । আপনার শোবার ঘরে আছে ।

অলকা । তুই প্রস্তুত হ—আমার সঙ্গে যাবি ।

ঈশান । বে আজ্ঞা । [প্রস্থান ।

বিশাখা । দিদি, কোথায় যাবে ?

অলকা । জানি নি ;—যেথায় গৌরাজ্ঞ ল'য়ে যান ;
তোরা গৌর ব'লে ডাক, আমি শুনতে শুনতে বিদায় হই ।

সকলে । গৌর হরি, গৌর হরি, গৌর হরি !

[অলকার প্রস্থান ।

বিশাখা । দিদি, হাস্ছিষ্ কেন ?

করুণা । দেখ, গৌরাজ্ঞের নামেতে কেমন পশুতে পর্বত
লজ্জায় !

বিশাখা । সে কি ?

করুণা । আজ হীন অবলা তাঁর পতিকে কারামুক্ত
ক'রবে ।

বিশাখা । আমি ত কিছুই বুঝতে পারি নি ; একা স্ত্রী-
লোক কি ক'রবে ?

করুণা । তুই কি শুনিস্ নি—বাঁদরে সাগর বেঁধেছিল ;
যে কুলবধুকে সন্ন্যাসিনী ক'রতে পারে, যে আপনি মেতে রাজ্য
মাতায়, যে আপনি কেঁদে জগৎ কাঁদায়, সে তার ভক্তকে
উদ্ধার ক'রবে, এ কোন্ কথা ? সোণা যেমন পুড়িয়ে খাটি
করে—কারাগারে দিয়ে গৌরচন্দ্র তাঁর ভক্তকে নির্মল ক'রে
নিচ্ছেন ; জগৎকে দেখাচ্ছেন, তাঁর ভক্তের কত ধৈর্য্য ।

বিশাখা । দিদি, আমরা কি গৌরাজ্ঞকে পাব ?

করুণা । তবে কি শুনলি ? কে ভয় নাই ব'ললে ?
দেখলি নি—ছবি কথা কইলে, গৌরাজ্ঞকে অবশ্যই পাব ।

বিশাখা । দিদি, আমিও দেখি, কিন্তু মনের ভ্রম ঘোচে
না ।

করুণা । তিনি যখন ভ্রম ঘোচাবেন, তখনি ঘুচবে ।
চল, আমরা দেবালয়ে যাই ।

দ্বিতীয় গর্ভাঙ্ক

কারাধ্যক্ষের গৃহ

রামদিন ও অলকা ।

রাম । কি ঠাকুর, তুমি আমার সঙ্গে দেখা ক'ত্তে চাও
কেন ? আমি গরীব লোক, আমি ত কিছু দিতে পারবো
না । তোমার অদৃষ্টে নেই, তুমি উজীর সাহেবকে বোঝাতে
পারতে, জাইগীর পেতে ।

অলকা । তোমার অদৃষ্ট বড় প্রসন্ন, আমি ঠিক গণনা
ক'রে দেখেছি ; দেখি, তোমার হাত দেখি ।

রাম । আর দেখবে কি, আমার বরাত পাথরে চাপা ।

অলকা । ইস, এই যে উচ্চ ধনরেখা রয়েছে ।

রাম । ঐ রেখাই সার, ধনের দফা চুচু ! যা পাই, খেতে
কুলায় না ।

অলকা । না না, তোমার ভাগ্য বড় প্রসন্ন, তুমি অতুল
ঐশ্বৰ্য্যের অধিকারী হবে ।

রাম । ম'লে ।

অলকা । না, তুরিৎ ।

রাম । কদিনে বল দেখি ?

অলকা । আজই ।

রাম । তুমি খাপা নাকি ঠাকুর ?

অলকা । আজ রাত্তিরে তুমি লক্ষপতি হবে ।

রাম । যাও ঠাকুর, মিছে বাক্‌চাতুরী ক'রো না ।

অলকা । আমি এই ব'সে রইলুম, আজ রাত্তিরে না পাও, আমার গারদে দিও ।

রাম । আর এই ত রাত হ'য়েছে ।

অলকা । আমি ব'সে থাকতে থাকতেই টাকা পাবে ।

রাম । তা যদি হয়, তুমি যা চাও, তা আমি দিই ।

অলকা । পেলে ঢের লোক দেয় ।

রাম । কি, আমি ব্রাহ্মণ, ব্রাহ্মণ্যদেবের দোহাই, যদি আজ রাত্তিরে টাকা পাই, তুমি যা চাও, দেব ।

অলকা । দেখ, প্রতিশ্রুত হ'লে ?

রাম । হাঁ ।

অলকা । এই নাও, এই জহরং নাও, এর লক্ষ টাকার অধিক মূল্য ।

রাম । এ কি এ ? এ কি ভোজবাজী ?

অলকা । ভোজবাজী নয়—তুমি লক্ষপতি এখন তোমার অঙ্গীকার পালন কর ।

রাম । এ জহরং কার ?

অলকা । আমার, আমি তোমায় দিলেম ।

রাম । তুমি কে—তুমি কি চাও ?

অলকা । আমি কারারুদ্ধ উজীরের স্ত্রী ; আমার স্বামীকে কারাগুক্ত ক'রতে চাই ।

রাম । এ্যা ! মা তুমি ?

। আমি আমার স্বামীকে উদ্ধার ক'রব ব'লে কনৌজ-ব্রাহ্মণের বেশ ধ'রেছি, আমিই আমার স্বামীর সঙ্গে বিচার ক'রেছিলাম ; আজ তোমার শরণাগত, অবলার প্রাণ রক্ষা কর

রাম । এ আমার সাধ্যাতীত ; নবাবের জোর লুকুগ,—আমার গর্দানা যাবে ।

অলকা । আমার স্বামী নিরপরাধী, ধর্মের নিমিত্ত তাঁর এই যন্ত্রণা ; যে পদের নিমিত্ত লোকে তপস্বী করে, ধর্মের অল্পরোধে সেই উজীর-পদ তিনি ত্যাগ ক'রেছেন, অতুল ঐশ্বর্য পায়ে ঠেলেছেন, নবাবের ক্রোধ উপেক্ষা ক'রেছেন, ধর্মের অল্পরোধে তিনি কারাবাসী । তুমি ধার্মিক, ধর্মান্নাকে সাহায্য কর, তোমার অমঙ্গল হবে না, আর যদি না কর, অঙ্গীকার-ভঙ্গ, সাধুহত্যা, নারীহত্যা—পাতকে লিপ্ত হবে ; এই অস্ত্র

দেখ, এখন তোমার সম্মুখে আত্মঘাতী হব, বড় আশায় এসেছি—নৈরাশ ক'রো না ।

রাম । মা, আমায় বিষম সমস্যায় ফেললেন ।

অলকা । তোমার ভয় কি ? তুমি লক্ষপতি, আরও অর্থ চাও, দেব ; তোমার চাকুরির আর প্রয়োজন নাই, সমস্ত ভারতবর্ষ নবাবের অধিকারে নয় ; নবাব উড়িষ্যা হ'তে ফিরে আসতে আসতে তুমি স্থানান্তরে ধনাঢ্য ব্যক্তি হ'য়ে বাস ক'রতে পারবে । তুমি আমার পিতা, কণ্ঠার প্রাণদান দাও ।

রাম । মা, তুমি জান না, এ বড় কঠিন কার্য, নসির খাঁ নামে একজন নির্দয় যবন উজীর সাহেবের কারারুদ্ধক, অপর অপর প্রহরীও আছে, রাজ-প্রতিনিধি নিত্য তস্থ লন ।

অলকা । যদি প্রতিজ্ঞা-পালন, শরণাগত-রক্ষণ, সাধু-সাহায্য কঠিন না হ'ত, তা হ'লে ত সকলেই মহৎ হ'তে পারত, কঠিন কার্য সাধনই মহাত্ম্য । হে মহাত্মা, উচ্চ কার্যে পরাশ্রুত হ'য়ো না, ধার্মিকের ধর্ম রক্ষা কর, অবলার প্রাণদান দাও, নিজ-প্রতিজ্ঞা পালন কর ।

রাম । মা, তুমি স্থির হও, অস্ত্র রাখ, আমি যথাসাধ্য চেষ্টা ক'রব, তোমার অর্থ তুমি রাখ ; যদি অল্প কারকে দিতে হয় দিও, ওতে আমার আবশ্যক নাই ; উজীর সাহেব ধার্মিক-প্রধান, আমি হিন্দু, তাঁর সাহায্য ক'রব ।

অলকা । এ অর্থ তুমি নাও ; আমার দাওয়ান বাহিরে আছে, যত অর্থ প্রয়োজন হয়, দেবে ; যাকে দিতে হয়, দিও ।

রাম । না মা, পাপে মতি দিও না ; যদি উজীর সাহেবকে মুক্ত ক'রতে পারি, আমি যথেষ্ট পুরস্কৃত হব । অর্থ ঐহিকের প্রয়োজন ; কিন্তু যদি এ কার্য সমাধা ক'রতে পারি, সাধুর রূপায় আমি পরমার্থ লাভ ক'রব । মা, তুমি আমায় ব'লতে পার—সে গৌরাজ কে—যাঁর নামে উজীর ফকির হয়, নারী বীর হয়—কারাব্যক্তের কঠিন হৃদয় দ্রব হয় ?

অলকা । বাবা, গৌরাজকে আমি ত জানি না ; আমার স্বামীর কাছে শুনেছি, তিনি পতিত-পাবন, পতিত-উদ্ধারের জন্তে তিনি পৃথিবীতে এসেছেন ।

রাম । মা, এস ; দেখি, যদি কোন উপায় হয় ; তুমি একবার গৌরাজকে ডাক, তিনি আমায় সাহস দিন ।

অলকা । গৌর, গৌর, গৌর !

[উভয়ের প্রহান ।

তৃতীয় গর্ভাঙ্ক

কারাগার
সনাতন ।

সনা । প্রভু, নন্দরাণী তোমাকে ক্ষীর-সর-নবনী দিত ; আমি এ শুষ্ক চর্ণক কেমন করে নিবেদন করুব ? হা প্রভু ! তোমার কাছে থাকুব, তোমার সেবা করুব, তোমায় হাতে তুলে খাওয়াব, এই আমার সাধ ; সে সাধে বাদ কেন সাধ ? কে রে - আমার গোরচাঁদ এলি ? খিদে পেয়েছে, আমি কি করুব—আমার ত এই চানা বই আর সম্বল নাই ? প্রভু, উক্তাধীন, শুনেছি, তুমি বিছরের খুদ গ্রহণ করেছিলে ; ঐ যে, আমার গৌরাক্ষ সুন্দর নাচ্ছে !

গোরা নেচে নেচে যায়, পড়ে ঢলে ঢলে, —

(মরি) ভাবে মাতুলারা

ভাসে আঁখি-জলে—

অমিয় খসিয়ে পড়িছে !

মরি রূপের ছটায় খেলিছে দামিনী,

আহা ! মোহিত নেহারি

কামের কামিনী,—

প্রেমের তুফান বাড়িছে !

খ্যাপা কভু রাধা বলে কভু বলে হরি,

খ্যাপা কখন নীরব কি ভাবে আ মরি,

কভু বা গভীর গরজে !

শিলা সরস রাজীব-চরণ-পরশে,

মরি তাপিত পরাণে সলিল বরষে,

হেরিলে বদন-সরোজে !

প্রভু, এস—আমার কাছে এস ; আমি ত যেতে পারিনি—আমায় যে বেঁধে রেখেছে ; তুমি কাছে এস—আমি একবার সাধ পূরে দেখি ।

(নসির খাঁর প্রবেশ)

নসির । জনাব—জনাব, একটি কথা আমায় বলুন ।

সনা । বাপু, তুমি কেন আমার কাছে এসেছ ? নবাবের আদেশ—আমার সঙ্গে কেউ কথা কহিতে পাবে না ; তুমি অকারণ কেন দণ্ড পাবে ?

নসির । হজুর, সাজা পাই পাব ; আমার একটি কথা বলুন—আপনি কাকে ডাকেন—কার সঙ্গে কথা কন ? আপনার—এই অন্ধকার কারাগারে—যে আনন্দ, নবাবেরও আমি তেমন আনন্দ দেখি নি । আপনি কার জন্ত এ কষ্ট স্বীকার করেছেন ? মনে করলেই উজীরি পান,—তা ত্যাগ করে কেন কারাগারে রয়েছেন ?—আমায় বলুন—আমি অধম যবন—আমায় কৃপা করে বলুন ?

সনা । বাপু, আমি গৌরাক্ষের দাস—আমি আর উজীরি করব কেমন করে ? আমি ত কারাগারে নাই—দেখ না, প্রভু আমার সঙ্গে আছেন ।

নসির । কই জনাব ?—আমি ত কিছু দেখতে পাচ্ছি নি ; আপনার প্রভু কে আমায় বলুন ।

সনা । যে জীবের হৃৎথে নরদেহ ধরে এসেছেন, যে নবীন বয়সে চাঁচর চিকুর মুগুন করে সম্রাসী হ'য়েছেন, যে প্রেমের দায়ে তরুতলবাসী, যার প্রেমের ঋণে কোঁপীন সার, যে প্রেমের দায়ে ঘরে ঘরে নাম বিলায়, যে পতিতকে কোলে নেয়,—সেই আমার প্রভু, আমার প্রভু গৌরাক্ষসুন্দর ।

নসির । জনাব, আমি ত পতিত ।

সনা । ঐ দেখ, তোর জন্তে আমার প্রভু, কোল পেতে র'য়েছেন ।

নসির । জনাব, সত্য বলুন, আমায় কি তিনি দয়া করবেন ? আমি তোমায় জিজির বেঁধে রেখেছি, আমায় দয়া করবেন ? গৌরাক্ষ কি আমার মত অধমকে দয়া করবেন ?

সনা । ওরে নসির, তুই ভক্তচূড়ামণি ; তুই গৌর বলে নেচে এসে একবার কোল দে ।

নসির । প্রভু, আমি মুসলমান, আমি কি নিস্তার পাব ?

সনা । ওরে, বড় দয়াল ঠাকুর,—

যেই নাম লয়, ধন্য সেই জন,

হোক দীন-হীন স্বেচ্ছ যবন,

নাহিক বিচার, নাহিক আচার,

গোরার হৃদয় প্রেম-পারাবার !

যেই প্রেম চায়, তাহারে বিলায়,

কিশোরীর প্রেমে প্রেম-সুধা যায় ;

গৌরাক্ষ বলিয়ে ডাকে যেই জন,

খ'সে যায় তার ভবের বন্ধন,

শমনের আর নাহি অধিকার,—

দয়াময় হরি গৌর আমার !

নসির । হা গৌরানন্দ ! তুমি অধমকে কৃপা কর ।

(রামদিন ও অলকার প্রবেশ)

রাম । নসির, তুমি আমার একটি কাজ কর ।

নসির । হুজুর, আমি আর কাজ ক'রব না ।

রাম । সে কি ?

নসির । আমার বেঁধে রাখতে হয় বেঁধে রাখুন, আমি গৌরানন্দকে ডাকব, আর আমার কাজ নাই ।

রাম । নসির, তুমিও কি গৌরানন্দকে চিনেছ ? আমি অধম, আমি চিনতে পারলেম না ; আচ্ছা, তুমি যাও ; উজীর সাহেবের সঙ্গে আমার কথা আছে ।

[নসির খাঁর প্রস্থান ।

মা, বোধ হয় গৌরানন্দ তাঁর ভক্তের উপায় আপনিই ক'রেছেন ; আমার আর বেশী কিছু ক'ত্তে হবে না । মল্লিক সাহেব !

সনা । কে তুমি ?—কেন আমার বিরক্ত কর ? দেখ, আমি গৌরানন্দের পাদপদ্ম ধ্যান করি, তাতেও কি নবাবের নিষেধ ?

রাম । দেখুন, আমি রামদিন, আমি আপনাকে বিরক্ত ক'রতে আসিনি, কারামুক্তির উপায় ব'লতে এসেছি ।

সনা । কি উপায় বল,—আমি ত ছার উজীরি ক'রব না ।

রাম । আপনাকে উজীরি ক'রতে হবে না, আপনি শুধু আমার লিখে দিন যে উজীরি ক'রব ; তা হ'লেই আপনাকে ছেড়ে দেব ।

সনা । আমি মিথ্যাকথা কিরূপে লিখব, যদি মিথ্যা ব'লবার সাধ থাকত, নবাবকে ত মিথ্যাকথা ব'লতে পারতাম ।

রাম । আপনি কেন দুঃখ পান ?—আমার লিখে দিলে আমি ছেড়ে দিই,—আর সেই পত্র জাহাপনাকে পাঠিয়ে দিই ।

সনা । আপনি কেন আমার মিথ্যা ব'লতে প্রলোভন দেখাচ্ছেন ?

রাম । ভাল, তবে আমিই মিথ্যা সংবাদ লিপ্ব, আপনি আসুন ।

সনা । কোথায় যাব ?

রাম । আপনি কারামুক্ত ।

সনা । নবাব কি আমার মুক্তির আশা দিয়েছেন ?

রাম । না—তিনি আমার ব'লে গিয়েছেন যে, আপনি উজীরি ক'ত্তে সম্মত হ'লেই আপনাকে খোলসা দিতে । আমি বেগবান্ অশ্ব প্রস্তুত ক'রে রেখেছি, আপনি যথা ইচ্ছা গমন করুন ।

সনা । মিথ্যার জন্ত আপনি যে নবাবের নিকট অপরাধী হবেন ?

রাম । সে আমার কার্য, আমি বুঝব ।

সনা । আমার নিমিত্ত আপনি অপরাধী হবেন—আমি যাব না ।

রাম । আপনি বাতুল, আমি কি ক'রব ? এখানে যে আপনার প্রাণ-সংশয় ।

সনা । নাহি জান বৈষ্ণবের রীতি ;

হয় হোক জীবন-সংশয়,—

ছিল দেহ, গেল—

তাহে ক্ষোভ বৈষ্ণব না করে ;

বৈষ্ণবের শমনের নাহি ডর—

ডরে মিথ্যা প্রবন্ধনা ;

তুধানলে যদি তন্নু দহে—

তবু কভু মিথ্যা নাহি কহে,

মিথ্যা নাহি মনে দেয় স্থান ;

ধিক্ ছার দেহের মমতা—

মিথ্যা কব দেহরক্ষা হেতু ?

মাংসপিণ্ড রক্ষার কারণ

অপরাধী করিব তোমারে ?

হেন উপদেশ

বৈষ্ণব না শুনে কাণে ;

জীবন, মরণ, বৈষ্ণবের সন দুই—

নাহি অশ্রু সাধ—

যাচে মাত্র শ্রীহরির রাঙা পদ,—

প্রলোভনে বৈষ্ণব না টলে ।

অলকা । হে বৈষ্ণব !

কেন আজি সত্যমিথ্যা অভিমান ?

যার দাস তুমি সে ডাকে তোমায়,—

মুক্ত কারাগার তাঁহার কৃপায় ;

মতিমান, কেন আজি মতিভ্রম ?

হেথা বন্ধ তুমি,

সেবা হেতু ডাকে তব স্বামী,

নাহি জানি কেমনে রয়েছ স্থির—

কিঙ্করের বিচারের নাহি অধিকার ।

ভাস' শ্রোতের তৃণের সম

ধর্মাধর্ম জ্ঞানের বিচার,—

কেন আজি পাণ্ডিত্য ব্যাভার ?

ভৃত্য যার, বার বার ডাকিছেন তিনি ;

যেই রব শুনিয়া শ্রবণে,

জলাঞ্জলি দিয়াছ সংসারে,

মনের বিকারে

করিয়াছ বৈরাগ্য গ্রহণ,

গোরাটাদ করিতে দর্শন

কেন নাহি হও অগ্রসর ?

শুন ওই ডাকেন গোরাঙ্গ ।

সনা । যাও—যাও, মিছে আর ক'রো না রে ছল ।

একবার ভুলাইয়া প্রণয়-বচনে—

মজায়েছ সংসার-সাগরে ;

পুন ঘোর মিথ্যা অন্ধকারে

মজাইতে সাধ তব ;

যাও—যাও, আর কেন কর প্রতারণা ?

অলকা । আমি প্রতারণক ?

প্রতারণক মন তব ;—

বল, বল, ধার্মিক-প্রবর,

অধর্মের এত যদি ডর,

কেন, তবে ত্যজিয়াছ আশ্রিত স্বর্ণগণে ?

অন্নদাতা নরপতি বিপদে পতিত,—

কেমনে নিশ্চিন্ত আছ ?

সত্য,

জীবনের মমতায় নাহি প্রয়োজন ;

কিন্তু জীবন-রক্ষণ অবশ্য কর্তব্য, ধীর ;

বিনা অপরাধে কেন বঞ্চ কারাগারে ?

যার তরে সর্বত্যাগী তুমি,

যাও শীঘ্র তাঁর দরশনে ।

সনা । না—যাও, আমায় বিরক্ত ক'রো না ।

রাম । মহাশয়, আপনি বন্দী ; আপনার স্বাধীন ইচ্ছা
নাই জানেন ?

সনা । যতদিন এ পঞ্চভৌতিক দেহ-পিঞ্জরে বন্ধ, তত
দিন সকলেরই অধীন ; কিন্তু ইচ্ছা আমার গোরাঙ্গের
রাঙাপায়ে লিপ্ত ।

রাম । মা, আমি কারাগার থেকে বার ক'রে দেব
ব'লেছি ; তার পর না যান—আমি আর দায়ী নই ।

অলকা । আপনি কারাগারের বাইরে দিন, আমি উপায়
ক'রছি ।

[অলকার প্রস্থান ।

রাম । নসির, নসির !—

(নসিরের বেশে ঈশানের প্রবেশ)

ঈশান । আজ্ঞে ।

রাম । তুমি কে ?

ঈশান । আজ্ঞে, ঠাকুরের ভৃত্য, আমার নাম ঈশান ।

রাম । তুমি এখানে কিরূপে এলে ?

ঈশান । আজ্ঞে, আমি কারাগারের দোরে দাঁড়িয়ে ছিলাম,
দেখলাম—একজন মুসলমান 'গোরাঙ্গ গোরাঙ্গ' বলে যাচ্ছেন,
তাঁর এই কারারক্ষকের বেশ ; আমি তাঁরে মিনতি ক'রে
জিজ্ঞাসা করায়, তিনি পরিচয় দিলেন, তাঁর নাম নসির খাঁ,
আমার প্রভুর রক্ষক ছিলেন ; এখন প্রভুর নিকট তিনি
উপদেশ পেয়ে গোরাঙ্গ-দর্শনে চ'লেছেন ; আমি তাঁর কাছ
থেকে তাঁর এই পরিচ্ছদ যাচিঞা ক'রে নিলাম, আমি বহুকাল
প্রভুকে দর্শন করিনি, ভাবলেম এই পরিচ্ছদ প'রে গেলে
কেউ আমাকে বাধা দেবে না ; তাঁর নিকট পথ অবগত হ'য়ে
আমি হেথায় এসেছি ।

রাম । দেখ, আমি তোমার প্রভুকে মুক্তি দিতে
প্রস্তুত ; উনি যাবেন না, আমি কি ক'রব ?

ঈশান । আমি সব শুনেছি ; আপনি গুঁর শিকল খুলে
দিন, আমি নিয়ে যাচ্ছি ।

রাম । দেখ ঈশান, তোমার প্রভুই ধন্য, গোরাঙ্গের
নামই ধন্য,—আমি এমন রহস্য কখনও দেখিনি ! আমিও
গোরাঙ্গের চরণে শরণ নেব, আমি শিকল খুলে দিয়ে যাচ্ছি,
পার যদি নিয়ে এস ।

(রামদিন কর্তৃক শৃঙ্খল-মোচন)

সনা। কে ও ?

রাম। আমি কারাধ্যক্ষ।

সনা। কি কর !

রাম। আপনার জান্বার অধিকার নাই।

[শৃঙ্খল মোচনান্তে প্রস্থান।

সনা। প্রভু এস, আমার হৃদয়ে এস, গোপীকার হৃদয়ে যেমন তোমার বাস, আমার হৃদয়ে তেমনি বাস কর।

ঈশান। গৌরাজ ! গৌরাজ ! গৌরাজ !

সনা। আহা ! কে আমায় গৌর-নাম শোনায়ে ?

ঈশান। আমি গৌরাজের দাস, প্রভু আপনাকে ডেকে-ছেন, আপনি শীঘ্র আসুন।

সনা। প্রভু স্মরণ করেছেন ? চল—শীঘ্র চল।

[উভয়ের প্রস্থান।

চতুর্থ গর্ভাঙ্ক

জাহ্নবী-তীর।

(জনৈক বৈষ্ণব ও ঈশানের সহিত সনাতনের প্রবেশ)

বৈষ্ণব। মহাশয়, বলতে পারেন, এখানে সনাতনের আশ্রম কোথা ?

ঈশান। এই যে উন্নতের ঠায় আপনার সম্মুখে।

বৈষ্ণব। প্রভু, আপনি সেই তক্তচুড়ামণি, আপনার নাম সনাতন ?

সনা। আজ্ঞে, দাসের নাম সনাতন।

বৈষ্ণব। আজ আমার জন্ম সার্থক !

(পদধূলি লইতে অগ্রসর হওন)

সনা। কি করেন—অধম, বৈষ্ণব-চরণের দাস।

বৈষ্ণব। ভক্তরাজ, দীনকে বঞ্চিত ক'রবেন না ; আমি অহেতু আপনার স্তুতিবাদ করছি নি। শুনুন, অতি অদ্ভুত রহস্য ; গৌরাজদেব নিত্য সংকীর্ণনে উন্নত হয়ে ডাকেন,—“সনাতন, সনাতন, সনাতন !” আপনি গৌরাজের প্রিয়পাত্র, আমার মন্তকে চরণ দিন।

সনা। (স্বগত) প্রভু, দয়াময়, এ অবশ্যের প্রতি এত করুণা ! হা প্রভু, কতক্ষণে আপনার চরণ দর্শন ক'রবো ! (প্রকাশে) বৈষ্ণবরাজ, আমায় নিয়ে চলুন ; আমার প্রভু কোথায় ?

বৈষ্ণব। মহাপ্রভু কাশীধামে; আপনি শ্রীপদ-দর্শনে যাত্রা করুন ; আমি একবার প্রভুর জন্মভূমি দর্শন ক'রে যাব।

সনা। চল, শীঘ্র চল, আমার প্রভুর কাছে যাই ; বৈষ্ণবরাজ, আমায় পদে রাখবেন, ভক্তের রূপা হ'লেই প্রভুর রূপা হবে। [সনাতন ও ঈশানের প্রস্থান।

বৈষ্ণব। গৌরভক্তের পদারবিন্দে প্রণাম ; এই মহাপুরুষের পদধূলি যে দেশে প'ড়বে, সেই দেশই হরিপ্রেমে উন্নত হবে। [বৈষ্ণবের প্রস্থান।

(অলকা, করুণা ও অপর স্ত্রীলোকগণের প্রবেশ)

অলকা। আমার আজ সংকল্প শেষ হ'য়েছে ; আমার স্বামী সন্ন্যাসী, আমি আজ সন্ন্যাসিনী ; আজ হ'তে তোমাদের দাসী, তোমাদের সাথী হবো।

করুণা। দিদি, ঐ দেখ, তোমার স্বামী নোকায় উঠেছেন, এখন কি ক'রবে ?

অলকা। তোমাদের সাথী হবো।

করুণা। আমরা দেশ-বিদেশে যাব ; যারা আমাদের মতন অনাথিনী, তাদের ব'ল্ব বে, জগৎপতি গৌরাজ এসেছেন ;—যার পতির সাধ আছে, গৌরাজের চরণে আত্মসমর্পণ করুক।

অলকা। দিদি, তোমাদেরও যে দশা, আমারও সে দশা।

করুণা। তবে ঝুলি নাও, 'জয় রাধে' ব'লে চল।

সকলে। জয় রাধে—শ্রীরাধে, জয় রাধে—শ্রীরাধে, জয় রাধে—শ্রীরাধে !

(সকলের গীত)

প্রেমে চল চল, চল চল, রাধা রাধা নাম বল না,—

বদন ভ'রে বল, জয় রাধে—শ্রীরাধে !

নগরে নগরে দেখি ঘরে ঘরে,

অনাথিনী কেবা কাঁদে,

বিধি কার ভাল, বাদ মেখেছে সাধে,—

বদন ভ'রে বল জয় রাধে—শ্রীরাধে !

কব বিনয়ে তারে—কৈদ না,

গোরা এসেছে, প্রাণ বাঁধ না,

সে যে কিশোরীর দায়, বিকাইতে চায়,

বলে—কে নিধি আমায়,

যে চায় সে পাথ তারে, সাধের গোরাচাঁদে,—

বদন ভ'রে বল, জয় রাধে—শ্রীরাধে !

[গান করিতে করিতে সকলের প্রস্থান।

চতুর্থ অঙ্ক

প্রথম গর্ভাঙ্ক

বন

সনাতন ও ঈশান ।

সনা । ঈশান, আমার পায়ে যেন কে শৃঙ্খল দিয়ে টান্চে, আমি চ'লতে পারছি নি, আমি মহাপ্রভুর দর্শনে যাত্রা ক'রেছি, আমার এ ভাব কেন? ঈশান, তুমি কাছে এলে আমার শ্বাস-প্রশ্বাস রুদ্ধ হ'য়ে যায়; তোমার কাঁথার পানে চাইতে আমার ভয় করে; বোধ হয়, এ কাঁথাখানা অতি অপবিত্র ।

ঈশান । প্রভু, এ ছেঁড়া নাগাবলীতে তয়েরি ক'রেছি ।

সনা । তবে কি,—আমি ত কিছু বুঝতে পারছি নি, তোমার মনে কি কিছু বিষয়-কাগনা আছে ?

ঈশান । না প্রভু, আমি বিষয়-বাসনায় জলাঞ্জলি দিয়েছি; আপনি ত জানেন, আপনার চরণযুগল আমার সর্ব্বশ্ব ।

সনা । তবে কি, বুঝেছি, আমার মনই অপবিত্র !

(জনৈক দস্যুর প্রবেশ)

দস্যু । প্রভু, আপনারা দেখছি সম্মাসী; কৃপা করে যদি আমার কুটীরে আসেন, আমি আজ অতিথি-সেবা ক'রে জনম সফল করি ।

ঈশান । বাপু, তুমি কে ?

দস্যু । আজ্ঞে, আমি কাটু কুড়িয়ে খাই; অতিথি-সেবা না ক'রে জল গ্রহণ করিনি ।

ঈশান । আহা, তুমি বড় সাধু ।

দস্যু । অতিথি-সেবার চেয়ে কি আর ফল আছে? অতিথি আসল নারায়ণ; আস্থন, গাছতলসয় কেন, আস্থন ।

ঈশান । ঠাকুর, চলুন, এ ব্যক্তি বড় সাধু, এর কুটীরে আজ বিশ্রাম করুন ।

সনা । না ঈশান, আমি বৃক্ষতলেই থাকুব ।

দস্যু । দোহাই প্রভু, এস গো, তোমার পায়ে পড়ি গো, এখানে বড় ডাকাতে ভয় গো, পথে ব'সে থেক না গো—

ঈশান । প্রভু, চলুন, এখানে ডাকাতে ভয় ব'লছে ।

সনা । কাঙ্কালের ভয় কি ঈশান ?

ঈশান । আজ্ঞে, তবে ভয় নাই ?

সনা । ঈশান, তুমি প্রবঞ্চনা ক'র না; সত্য বল, তোমার নিকট কিছু আছে ?

ঈশান । আজ্ঞে—আজ্ঞে !

সনা । বল বল, আমার বোধ হয় আছে, নচেৎ দস্যুর ভয় কেন ?

ঈশান । আজ্ঞে, যৎকিঞ্চিং আছে ।

সনা । কি আছে বল ?

ঈশান । আজ্ঞে, ১৫ খান মোহর এই কাঁথায় সেলাই করে এনেছি, অপরাধ মার্জনা করুন, পথের সম্বল ত চাই ।

সনা । আমি এতক্ষণে বুঝলেম, কেন আমি চ'লতে পারছিলাম না, কাঁথায় বেঁধে শমনের অনুচর এনেছ; এখনি প্রাণ নাশ হ'তো; কোথায় মোহর, বাঁর কর ।

দস্যু । ওরে জংলা !

সনা । বাপু, স্থির হও; তুমি এই মোহর নাও, একটি আমায় ভিক্ষা দাও, আমার এ ভৃত্যের পথের সম্বল নাই, একে আমি বাড়ী পাঠিয়ে দেব ।

দস্যু । এঁয়া এঁয়া! আমায় দিলে ?

সনা । হ্যাঁ, তুমি নাও ।

দস্যু । ফাঁড়িতে গে ব'লে দেবে ?

সনা । না বাপু, তুমি সে আশঙ্কা ক'রো না, আমি সরল-মনে তোমায় দিচ্ছি; তোমায় আশীর্বাদ কচ্ছি, তুমি স্বখে স্বচ্ছন্দে থাক; তুমি আমার পরম উপকারী,—তোমার প্রসাদে আমি বিষয়ীর সংসর্গ পরিত্যাগ ক'রব । তুমি নাও,—আমায় অবিশ্বাস ক'রো না ।

দস্যু । তুমি ঠিক বৈরাগী বটে; আমি তিন দিন তোমার পেছ পেছ আছি, লোকের ভিড়ে কিছু ব'লতে পারি নি; আমি দেখেছি, তোমার কিছুতে মন নাই; আপনার গৌভরেই চ'লেছ, আর উনি কেবল কাঁথা সামলাচ্ছেন । ওহে, কাঁথার ভেতর পূর্বে আমাদের নজর এড়িয়ে যায় না, এখানে কত লোক কত রকম ক'রে যায়,—কেউ জটার ভেতর রাখে, কেউ গায়ের সঙ্গে মোম দিয়ে মেড়ে রাখে, কেউ কোপুনির ভেতর

রাখে, আমরা সব টের পাই। তোমার জোর কপাল, এঁর সঙ্গে ছিলে, তাই বেঁচে গেলে। হা—হা—হা! তুমি মনে ক'রেছিলে, আমি বনের ভেতর অতিথ-সেবা ক'রতে এসেছি! দেখ ঠাকুর, তোমার উপর বড় খুসি হ'য়েছি, এই একটা মোহর নাও, আমি চল্লুম।

[প্রস্থান।

সনা। ঈশান, এই নাও, বাড়ী যাও।

ঈশান। প্রভু, আপনাকে ছেড়ে আমি কোথায় যাব? আমায় পায়ে ঠেলবেন না।

সনা। তুমি কখনও ত আমার অবাধ্য হও না। আজ কেন কথা শুনচো না? তোমার এখনও বিষয়-বাসনা দূর হয় নি, তুমি যাও, আমার যে জহরৎ তোমার জিন্মায় আছে, তা বিক্রয় ক'রে লক্ষ মুদ্রা পাবে, ভোগ-বাসনা তৃপ্ত হ'লে বৃন্দাবনে যেও।

ঈশান। প্রভু, চিরদিন আপনার সেবা ক'রেছি, আপনাকে ছেড়ে আমি কেমন ক'রে থাকবো, হায়! আমার কি হ'ল,—দীনবন্ধু, কি ক'রলে,—আমি কেন এ কাল মোহর এনেছিলুম।

সনা। ঈশান, তুমি ক্ষুব্ধ হ'য়ো না; তুমি আমায় পরিচয় দিয়েছিলে, তুমি গৌরাক্ষের দাস; যখন মহাপ্রভুর দাসত্ব গ্রহণ ক'রেছ, তখন আর তোমার ভয় নাই; গৌরাক্ষদেব তোমায় পদে স্থান দেবেন, কিন্তু কর্মভোগ খণ্ডন হয় না, এখনও সময় পূর্ণ হয় নি, সময় হ'লে বিষয় পরিত্যাগ ক'রো; যাও, যদি আমায় স্নেহ কর, কথা অগ্রথা ক'রো না।

ঈশান। প্রভু, কতদিনে সময় পূর্ণ হবে?

সনা। আপনি বুঝতে পারবে; যখন গৌরাক্ষের নাম ভিন্ন অপর পথের সম্বল চাইবে না, যখন একমাত্র গৌরাক্ষকে সর্বস্ব জানবে।

ঈশান। প্রভু, আমার উদ্ধারের কি হবে?

সনা। গৌরাক্ষের নাম স্মরণ রেখো, বিষয় তোমায় লিপ্ত ক'রতে পারবে না।

ঈশান। আপনার আজ্ঞা আমার শিরোধার্য; দেখ প্রভু, দাসের যেন গতি হয়।

সনা। গৌরাক্ষ তোমার গতি ক'রেছেন, ভেবো না।

[ঈশানের প্রস্থান

প্রভু, কতক্ষণে তোমার দর্শন পাব!

(জনৈক সহিসের প্রবেশ)

সহিস্। আরে, এবে, তোম্ ঘোড়াকা কাম সেক গে, তোম্ রোতে হো কাহে কো?

(শ্রীকান্তের প্রবেশ)

জনাব, এ একঠো ঘেসিয়াড়া হো সেক্তা।

শ্রীকান্ত। এ কি, মহাশয়ের এ দশা কেন?

সনা। শ্রীকান্ত, তুমি কি কানী হ'তে আসছ? তুমি কি গৌরচন্দ্রের সংবাদ জান?

শ্রীকান্ত। হায় হায়, সংসারটা উচ্ছন্ন গেল, তিন ভাই সন্ন্যাসী হ'ল! মহাশয়—মহাশয়, কেন এ সর্বনাশ ক'রতে ব'সেছেন, অট্টালিকা ছেড়ে কেন এ তরুতলে এসেছেন, উজীরি পরিত্যাগ ক'রে কেন এ সন্ন্যাস? চলুন, ঘরে চলুন। হাজিপুরে নবাবের জন্ত ঘোড়া কিন্তে এসেছিলুম, তা ঘোড়া পাই আর না পাই, আমি এদিকে এসে ত বড় কাজ ক'রেছি। মেলায় দিন এল, আমি হাজিপুর থেকে ঘোড়া কিনে শীঘ্রই গোঁড়ে যাব, আসুন আমার সঙ্গে আসুন।

সনা। তুমি এ দিকে এসেছিলে কেন? গৌরচন্দ্রকে দর্শন ক'রতে?

শ্রীকান্ত। না, মেলায় দেরি ছিল তাই, এ দিকে যদি ঘোড়া পাই, তাই এসেছিলেম, কৈ, ছ' চারটা বই ত পেলুম না। হাজিপুর থেকেই নিতে হবে। আপনি আমার তাঁবুতে আসুন, আহা, এ ছুরন্ত শীতে একখানা কাপড় নাই, দেখে যে প্রাণ ফেটে যায়! এই শালখানা গায়ে দিন।

সনা। আমি সন্ন্যাসী, শাল নিয়ে কি ক'রবো?

শ্রীকান্ত। কে বলে আপনি সন্ন্যাসী, আপনি উজীর; চলুন, সংসারটা ভাসিয়ে দেবেন না।

সনা। ভাই, তুমি কি বিশ্বাস কর যে, বৃন্দাবনে বাশীর রবে ব্রজাঙ্গনারা কুলে জলাঞ্জলি দিয়ে গহন কাননে যেত? কথাটি সত্য,—আমি সেই বেপুরব শুনেছি, আমি সেই ব্রজ-গোপীর গায় অকুলে ভেসেছি, আমি আর আপন বশে নাই, কি ক'রবো বল? ওরে, গৌরচন্দ্র যে আমায় ডেকেছেন। হায়, তিনি কোথায়, আর আমি কোথায়?

শ্রীকান্ত। ও সব কি কথা? আপনি প্রকৃতিস্থ হন, কেন এ প্রলাপ ব'কছেন? বাশীরব হ'য়েছিল স্বাপরে, কলিতে

কি ? মাগ ছেলে প্রতিপালন করুন, ইষ্টদেবতার নাম করুন,
বাঁশী বাজে, রাখাল নাচে, গোপিনী যাবে,—ও সব কি ?

সনা ! ওরে বাজে বাঁশী চিরদিন,

ভুবন ভরিয়া বাজে বাঁশী স্তমধুর,

বাঁশী রাধা-নাম গায়,

বাঁশী বলে, আয় আয় ঠেকেছি রে দায়,

বলে বাঁশী, কে আছ ভিখারী,

এস ত্বরাত্বর,

কল্পতরু প্রেমের কিশোরী,

আয় আয়, না এলে কাঁদবে রাই !

বাঁশী প্রেমে মত্ত ডাকে উভরায়,

যার কাণে যায়—সে হয় আপন-হারী,

মহারোল সংসার-সাগরে,

রঙ্গে ভঙ্গে তরঙ্গে ডুবায় নরে,

মহারোল—বধির শ্রবণ,

তাই বেগুরব নাহি পশে কাণে,

তাই নাহি জানে,

কাতর জীবের তরে প্রেমময়ী রাই,

শুন শুন, ব্যাকুল শ্রীহরি

ডাকিছেন মুরলীর নাদে ।

শ্রীকান্ত । বুঝেছি, আর ফেরবার নয়, শাল না গায়ে দিন,

এই বনাতথানা গায়ে দিন

সনা । আমার প্রভু কন্বাধারী, নফরের এ সাজ সাজবে
না । আহা ! প্রভু আমার ভিখারী, দ্বারে দ্বারে ভিক্ষা
ক'রে বেড়ান ; আমায় ছেড়া কাঁথা দিয়ে সাজিয়ে দাও, আমি
প্রভুর দর্শনে যাই ; ঐ—ঐ শোন, আমায় 'আয়' বলে
ডাকছেন, ঐ বংশীবিনিন্দিত মধুর-ধ্বনি শুন, আমি আর
থাকতে পারিনি, চ'ল্লেম ।

শ্রীকান্ত । এ বনে কোথায় যাবেন, অদূরে ভাগীরথী, কাশী
ও পারে । আমি শুনেছি, গৌরাক্ষ কাশীতে আছেন, যদি
একান্তই গৃহে না যান, আমি নৌকা ক'রে দিব, আপনি
যাবেন, এ যে ছরস্ত শীত, তা এই ঘোড়ার কন্বলখানা গায়ে
দিন, আসুন ।

(কন্বল দেওন)

সনা । না ভাই, তুমি যাও ; আমি চ'ল্লেম ।

শ্রীকান্ত । কোথায় যান ? না হয় যোগাড় ক'রে কাশীতেই

পাঠিয়ে দিই, বনে মারা যাবে না কি ? আঃ ! গৌরাক্ষ কি
সর্বনাশই ক'রলে

দ্বিতীয় গর্ভাঙ্ক

কাশী—চন্দ্রশেখরের বাটী

চৈতন্য, রূপ, অমুপম, চন্দ্রশেখর, বৈষ্ণবগণ ইত্যাদি ।

সংকীর্তন ।

ভেলি ভেলি রূপমাধুরী তিরপিত নহু অঁগি,

চাহে মন জনম জনম চরণ হনয়ে রাখি ।

মুঞ্জ কুঞ্জে কুমুম তুলব, গাঁথব নব মালা,

গহন গহন ফিরি ফিরি ফিরি, ধরব হামার কালা :

ফুল-ফাঁদে শ্যামচাঁদে রাখব হাম বাঁগি,

অনিমিত্ত মুখ হেরব, হৃদয়ে হৃদয়ে মাখি ;

যতনে মে রাখব অঁচরা ঢাকি ।

চৈতন্য । কে রে রূপ ? কে রে অমুপম ? তোরা
যে আমার, তোদের দেখলে আমার কত কথা মনে পড়ে ।

রূপ । প্রভু, শরণাগতের মস্তকে পাদপদ্ম দিন ।

চৈতন্য । ওরে রূপ, ওরে অমুপম, তোরা যে কৃষ্ণভক্ত,
আমার মাথার মণি ।

রূপ । প্রভু, প্রভু, কি আজ্ঞা করেন !

চৈতন্য । আমি বৈষ্ণবের পদধূলি বড় ভালবাসি, কৃষ্ণভক্তের
পদধূলি বড় ভালবাসি ; তোরা কৃষ্ণভক্ত, তোদের পদধূলি
আমি ভালবাসি ।

রূপ । প্রভু, ক্ষমা করুন, দাস কুণ্ঠিত হয় ।

চৈতন্য । রূপ, তুমি জান না, কৃষ্ণভক্ত দেবতাদিগেরও
পূজ্য । দুর্লভ নরজন্ম ধারণ ক'রে কোটি লোকের মধ্যে
একজনের ধর্মনিষ্ঠা হয় ; কর্মনিষ্ঠাই অধিক, কোটি কর্মনিষ্ঠের
মধ্যে একজন জ্ঞানী হয়, কোটি জ্ঞানীর ভেতর একজনের
হরিভক্তি হওয়া দুর্লভ,—তুমি সেই হরিভক্ত, তোমার কাছে
আমি অনেক আশা করি । রূপ, অমুপম, তোরা এলি,
আমার সনাতন কোথা ?

রূপ । প্রভু সকলি জানেন, অমুপম গোড় থেকে শুনে
এসেছে, নবাব রোষাক্ত হ'য়ে তাঁকে কারাগারে দিয়েছেন ।

চৈতন্য । কার সাধ্য সনাতনকে কারাগারে রাখে ? তার
মুখে আমি হরিনাম শুনেছি, হরিভক্তকে কে কারাগারে বন্ধ-

করে? আমার সনাতন আমার কাছে আসছে। 'ওরে, রূপ-সনাতন—তুইজন যে আমার বৃন্দাবনরক্ষক। রূপ, তুমি বৃন্দাবনে যাও, ভক্তি-রসের গ্রন্থ প্রস্তুত কর, জীবকে অমরত্ব প্রদান কর; সনাতনের জন্ত ভেব না, তার দেখা শীঘ্র পাবে। অল্পপম, তুমি অল্পপম, তুমি যেখানে যাবে, লোকে পবিত্র হবে। যাও, তুমিও রূপের সঙ্গে বৃন্দাবনে যাও। রূপ, বৃন্দাবন-বাসীর ভার তোমার উপর, আমার মদনমোহনের ভার তোমার উপর।

রূপ। প্রভু, দাসকে শক্তি-সঞ্চার করুন।

চৈতন্য। কৃষ্ণের শক্তি তোমাতে বিরাজমান; তোমার ভয় কি,—তোমার ললিত রচনায় মানব-হৃদয় ভক্তিরসে সিদ্ধ হবে। রূপ, যাও, তুমি আমার বৃন্দাবনের দ্বারী, তুমি গেলে আমি বৃন্দাবনের দায়ে নিশ্চিন্ত হব।

রূপ। দাসের ভাল-মন্দ সকলই প্রভুর উপর।

চৈতন্য। অল্পপম, রূপের সঙ্গে যাও; এখানে থাকলে তোমাদের সনাতনের সঙ্গে সাক্ষাৎ হ'তো, কিন্তু তাতে তার মায়িক সম্বন্ধ উদয় হবে, প্রেমের রাজ্য বৃন্দাবনে গায়ার অধিকার নাই, শেষ তার সঙ্গে সাক্ষাৎ কর'।

অনু। প্রভু, আপনার চরণে যদি অচলা ভক্তি থাকে, তা হ'লে যে আমায় অল্পপম নাম দিয়েছেন, আমার অল্পপম নাম সার্থক।

চৈতন্য। তোমার ভক্তিরসে শুষ্ক তরু মুঞ্জরিত হবে।

[রূপ ও অল্পপমের প্রশ্নান।

আহা! আমার রূপের, আমার অল্পপমের কি আশ্চর্য্য কৃষ্ণ-ভক্তি,—ভক্তি-ডোরে আমার মদনমোহনকে ওরা বেঁধেছে।

চন্দ্র। প্রভু, আপনি বাঁধা প'ড়েছেন!

চৈতন্য। ছিঃ—আমি কে, দেখছ না একটা মাংস-পিণ্ড-জড়িত! আমার গৌরব ক'র না, কৃষ্ণচন্দ্রের গৌরব কর। চন্দ্রশেখর, দেখ তো, দোরে ত কেউ বৈষ্ণব নাই,—আমার প্রাণ যে কেমন ক'রছে, আমার যেন কেউ আপনার লোক এসেছে।

[চন্দ্রশেখরের প্রশ্নান।

১ম বৈষ্ণব। প্রভু, ক'রছেন কি?

চৈতন্য। আমি কৃষ্ণ-বিরহে বড় কাতর, তাই ভক্তবৃন্দের পদ-রত্ন অঙ্গে ধারণ ক'রছি, ভক্তের রূপা হ'লে মদনমোহনের রূপা হবে।

(চন্দ্রশেখর ও সনাতনের প্রবেশ)

সনাতন, সনাতন, আমি এত ডাকছি,—তুই আমায় ভুলে কোথায় ছিলি? আয় রে. তোর চন্দ্রবদন দেখি।

সনা। প্রভু, প্রভু, পতিতপাবন, আমায় শ্রীচরণ দিন; আমি বিষয়ী!—

কাঞ্চন গঞ্জন, শ্রীঅঙ্গ রঞ্জন,

গৌরাঙ্গ সুন্দর ঠাম!

প্রেমের সন্ন্যাসী, দ্বারে দ্বারে আসি,

প্রেম ঢালে অবিরাম।

তাজিয়া বাঁশরী, কি ভাবে আ মরি,

দণ্ড-কমণ্ডলু করে!

সদা উতরোলে, রাধা রাধা বলে,

কমল-নয়ন ঝরে।

কাল' কায় ঢাকা, রাধারূপ আঁকা,

নবলীলা নব সাজে,—

হের দীন জন, মাগিছে শরণ

চরণ-রাজীব রাজে!

চৈতন্য। তুমি কৃষ্ণ-প্রেমে বৈরাগী, তোমার জন্মে পৃথিবী ধন্য। দেখ সনাতন, আমার একটি কথা মনে প'ড়েছে—প্রহ্লাদ হরিপ্রেমে পিতার কথা ঠেলেছিল, প্রহ্লাদ অবাধ্য হয়ে ধন্য; ভরত শ্রীরামের জন্ত মায়ের কথা ঠেলেছিলেন,—তিনি অবাধ্য হ'য়ে ধন্য; বিভীষণ ভগবানের জন্ত জ্যেষ্ঠের আঞ্জা লঙ্ঘন ক'রেছিলেন,—তিনি ধন্য; তুমি হরিপ্রেমে রাজ-আঞ্জা ঠেলেছ,—তুমিও ধন্য।

সনা। ভগবান্ অস্তুর্ধ্যানী, আমার বড় আশঙ্কা ছিল, আমি ছলে কারাগারমুক্ত,—প্রভু, ভয়হর, শ্রীমুখের আঞ্জায় আমার সে ভয় দূর হ'লো।

চৈতন্য। তুমি কি জাননা, কৃষ্ণ চতুর চূড়ামণি! চতুররাজ চাতুরী ক'রে তাঁর ভক্তকে উদ্ধার ক'রেছেন। কৃষ্ণের চাতুরী, তোমার কি?—তুমি একবার সেই মদনমোহনকে ডাক, আমি প্রাণ ভরে শুনি।

সনা। গৌরাঙ্গ, গৌরাঙ্গ, মদনমোহন গৌরাঙ্গ!

চৈতন্য। ছিঃ, তুমি জীবাধমে ঈশ্বর তুলনা কর!—

কৃষ্ণচন্দ্র মদনমোহন,

বিশ্বের আধার কৃষ্ণচন্দ্র সার,

ব্রহ্মা আদি শক্তি মাত্র ধার,

বিশ্বব্যাপী সেই সর্বভূতে—
সেই সনাতন ভকত রঞ্জন,
সেই বিপিনবিহারী বাজ্রায়ে বাঁশরী,
প্রাণ মন চুরি করে ছলে, —
সেই কালা বন্ধিম-নয়নে,
প্রাণে বাণ হানে,
উন্মাদিনী গোপিনী যে স্বরে—
এই ছিল কোথা গেল, কোথা সে আমার ?
কোথা রাধিকার মনোচোরা,
আন ছুরা আন ব্রজরাজে ।

(প্রথম বৈষ্ণবের গীত)

বাসি হ'লো বনমালা, দেখ ওলো প্রাণ-সই,
ধূসর গগনে শশী, কাল-শশী এল কই ?
মজিয়া শঠের ছলে, ভাসিল নয়নজলে,
দেখ লো কমলদলে, অমরা বসিল ওই ।
এল না এল না কালা, বিফল বিপিনে জ্বালা,
বিরহ-বিধুরা বালা, বল বল কত সই !

চৈতন্য । সনাতন, আমার মুখপানে চেয়ে আছ কেন ?
সনা । প্রভু, অধমের মনোবাঞ্ছা পূর্ণ করুন ।

চৈতন্য । কৃষ্ণ তোমার মনোবাঞ্ছা পূর্ণ ক'রবেন, তুমি
বৃন্দাবনে যাও ।

সনা । প্রভু, আপনি আমার সর্বস্ব, আপনার চরণ
ভিন্ন আমি অণু কারুকে চাইনি ! আমি গোলোক চাইনি,
আমি বৃন্দাবন চাইনি,—আমি আপনার চরণযুগল চাই,
আপনার সেবা ক'রবো,—আমার বড় সাধ ।

চৈতন্য । আমি ত তোমার কাছে থাকতে বড় ভালবাসি ।
আবার ভয় হয়, মা আমায় আদর দিয়ে বড় আব্দেদের
ক'রেছেন ; তুমি যদি রাগ কর,—মা আমায় রাগ ক'রে কত
মারতেন, কত বাঁধতেন !—

দেখ, নন্দরাণী নবনীত তরে,—
করে করে বেঁধেছিল মোরে,
আজ' আমি বাঁধা আছি যশোদার পায়—
না জানি কি ছলে তুমি ভূলাও আমায় !
বাঁধিতে কি আছে তোর সাধ ?
ওরে, বারে বারে বন্ধ হব কত ?

কি জানি কেমন মন বুঝাইতে নারি,—
যেই কৃষ্ণ বলে, ছলে বসি তার কোলে,
তখনি রে কেনা তার কাছে !

ওরে, কত মনে করি—মনেয়ে নিবারি,
যেই জন বলে হরি হরি,
অমনি তখনি—আপনা পাসরি,
ধেয়ে যাই তার কাছে !

আত্মহারা এমন কে আছে—
বিকিয়েছি কত বার ।

সনা । হা করুণাময় !

চৈতন্য । সনাতন, তুমি বৃন্দাবনে যাও, আমি তোমার
কাছে থাকতে বড় ভালবাসি । নিৰ্জনে আমার একটি কুটীর
ক'রে দিও, আমি এক এক দিন আব্দার ক'রবো, আমায়
মেরো না, আমার আব্দেদের স্বভাব । সনাতন, আমি যদি
কালা হ'য়ে যাই, তুমি আর কি আমায় ভালবাসবে না ?
আমায় কি চূড়া মাথায় দিলে ভাল দেখায় না ? আমি
যদি পীতধটা পরি, আমায় কি তুমি তাড়িয়ে দেবে ? দেখ,
আমি নুপুর পায়ে দিয়ে তোমার কাছে নাচ'বো, আমি বংশী
বাজাব, তুমি আমায় কিছু ব'লো না । দেখ সনাতন,—আমি
চিকণ-কালো, আমার রায়ের রূপে ভুবন আলো !

(বৈষ্ণবগণের গীত)

আমি আপনি চিকণ-কালো.

আমার রাইয়ের রূপে ভুবন আলো,
রাইয়ের বরণ মেখেছি কায়, রাইকে বাসি ভালো ।
কিশোরীর রূপের কিরণ, ঢেকেছে কালো বরণ,
রাই বিনে আর সোনার চাপার বরণ কার এমন ?
আমার অঙ্গে অঙ্গে রাই কিশোরী,
রাধানাম সদাই করি,
কিশোরীর প্রেমের ঋণে যোগী হ'তে হলো ।

[সঙ্কীৰ্তন করিতে করিতে সকলের প্রস্থান ।

তৃতীয় পর্ভাঙ্ক

কাশী—পথ

রামদিন ও নসির খাঁ।

রাম। নসির খাঁ, এখানে কি গৌরান্দ আসবেন? তাঁর কি দর্শন পাব?

নসির। হুজুর, আমি ত জানি না; সকলে ব'লছে, তাই আমি আশা ক'রে এখানে ব'সে আছি।

রাম। নসির, তুমি আমায় হুজুর ব'লো না, আমি তোমার দাস।

(বুদ্ধিমন্তের প্রবেশ)

বুদ্ধি। বাপু, ব'লতে পার, এই পথে গৌর যাবে কি? এঁয়া, কে ও? রামদিন! কে ও, নসির?—

রাম। আপনি কে, সেই বুদ্ধিমন্ত ঠাকুর না?

বুদ্ধি। না বাবা, আমি বুদ্ধিমন্ত নই।

রাম। কেন ঠাকুর, ভয় কি? মিথ্যাকথা ব'ল্চো কেন? আমি তোমায় চিন্তে পেরেছি।

বুদ্ধি। বাবা, পরোয়ানা টরোয়ানা আন নাই ত?

রাম। আমরা গৌরান্দ-দর্শনে এসেছি, গৌরান্দকে দর্শন ক'রে মানব-জীবন সফল ক'রুব। আমি কারাধ্যক্ষ—মহাপাতকী, আমায় কি দর্শন দেবেন? দেখি, নিজগুণে ঠাকুর কি করেন।

বুদ্ধি। হুঁয়া বাবা, ব'লতে পার, আমার উপায় কিছু হবে?

নসির। তুমিও কি প্রভুকে দর্শন ক'রতে কাশীতে এসেছ?

বুদ্ধি। না বাবা, আমি কাশীতে একটা ব্যবস্থা নিতে এসেছিলুম। আমায় ত মুসলমান ক'রে দিয়েছে জান, তাই একটা ব্যবস্থা নিতে এসেছিলুম।

রাম। তা কি হ'লো?

বুদ্ধি। বড় বড় মাথা-কামানে গেরুয়া-পরা ব'ল্লেন, “তোমার ত আর টাকা-কড়ি নাই, তোমার তুষানল”।

রাম। তার পর?

বুদ্ধি। তার পর আর কি?—শুনে অঙ্গ শীতল হ'য়ে গেল আর কি!

রাম। তুমি অশ্রুতরে ব্যবস্থা নিলে না কেন?

বুদ্ধি। যেখানে যাই, কেউ বলেন তুষানল, কেউ বলেন—তপ্ত ঘৃত পান! এই পণ্ডিত শালাদের মুখে নবাব থুংকুড়ি দেয়, তা হ'লে সাতজন মুসলমান হ'য়ে থাকি সেও ভাল, দেখি—শালারা ক' ঢোক তপ্ত ঘি খায়, আর ক' শালা তুষানল করে!

(সনাতনের প্রবেশ)

রাম। প্রভু, গৌরান্দদেব কি এ দিক দিয়ে যাবেন?

নসির। আমরা কি তাঁর দর্শন পাব?

সনা। কে ও, রামদিন? কে ও, নসির? গৌরান্দদেব বড় দয়াল, তিনি তোমাদের রূপা ক'রবেন।

নসির। কে ও, সনাতন প্রভু! আপনার রূপা হ'লে আমরা গৌরান্দদেবের রূপা পাব।

সনা। কোন চিন্তা ক'রো না, তোমরা পরমভক্ত; তিনি ভক্তবৎসল, এখনি তোমাদের দর্শন দিবেন।

বুদ্ধি। দাদা সনাতন, তুমি কি ঐ গৌরের দলে?

সনা। আমি তাঁর দাস।

বুদ্ধি। দেখ দাদা, তুমি যে শুনেছিলে—তোমায় আমি একঘরে ক'রতে চেয়েছিলেম, সে জীবে চক্রবর্তী রটিয়েছিল, আমার কোন অপরাধ নাই; যদি গৌরান্দকে ব'লে আমার একটা প্রায়শ্চিত্ত-বিধি ক'রে দিতে পার,—তুষানল টুষানল পারুব না দাদা!

সনা। গৌরান্দ-দর্শনে কোটি জন্ম পাপের প্রায়শ্চিত্ত হয়। আপনি এইখানে দাঁড়ান,—গৌরচন্দ্র দর্শন ক'রলে আপনার সকল পাপ দূর হবে। নসির, আমার প্রতি রূপা কর, আমার এই কঞ্চলখানি নিয়ে তোমার কাঁথাখানি দাও।

নসির। প্রভু, আপনার কথা আমি ঠেলতে পারি নি, এ যে ছেঁড়া কাঁথা, আর আমি যবন—অপবিত্র!

সনা। দাও, আমায় রূপা ক'রে কাঁথাখানি দাও। তুমি গৌর-ভক্ত, তোমা অপেক্ষা শুচি কে? আমার মিনতি রাখ, গৌরান্দদেব বার বার আমার এ কঞ্চলের প্রতি দৃষ্টি ক'রেছেন, আমি এ ছার কঞ্চল আর গায়ে দেব না।

(কাঁথা দিয়া নসীরের কঞ্চল গ্রহণ)

বুদ্ধি। দাদা সনাতন, গৌর এলে যেন আমার কথাটা
মনে থাকে।

সনা। তুমি গৌরহরি বল, তোমার ভয় নাই।

সকলে। গৌরহরি, গৌরহরি, গৌরহরি!

(চৈতন্যদেবের প্রবেশ)

চৈতন্য। (নসিরের প্রতি) দেখ, তোমার কৃষ্ণ-ভক্তি
হ'য়েছে, তুমি সাধু।

নসির। প্রভু, অধম যবনের প্রতি এত কৃপা!

চৈতন্য। (রামদিনের প্রতি) কে রে ভক্তোত্তম? কৃষ্ণ
যে তোমার হৃদয়ে! তোমার হৃদয় স্পর্শ ক'রে আমি পবিত্র
হই,—আমি কৃষ্ণধনকে স্পর্শ করি।

রাম। হা গৌরাঙ্গ!

বুদ্ধি। বাবা গৌর, আমি সনাতনের ঠাকুরদাদা স্ববাদে
হই, আমার বা হয় একটা প্রায়শ্চিত্তবিধি ক'রে দাও,—আমি
তপ্ত-ঘি টি খেতে পারব না। বাবা, নবাব আমার মুখে
থুংকুড়ি দিয়েছে, আমি মুসলমান হ'য়ে গিয়েছি।

চৈতন্য। তোমার ভয় কি? তুমি কৃষ্ণনাম কর।—

কৃষ্ণনামে অপার মহিমা—

একনামে পাপ হবে ক্ষয়!

পুনঃ কৃষ্ণ বল,

কৃষ্ণচন্দ্র হবেন উদয়!

তৃতীয় নামেতে তাঁর পাবে সহবাস!

কৃষ্ণ কৃষ্ণ কৃষ্ণ বল ভাই—

কৃষ্ণ বই নাই!

কৃষ্ণ কৃষ্ণ কৃষ্ণ নাম বল বার বার,

গোলকে উঠিবে তাহে দুন্দুভি-ঝঙ্কার।

'ধন্য ধন্য' বলিবে গোলকবাসী।

কৃষ্ণ কৃষ্ণ কৃষ্ণ নাম বল অবিরাম,

নবঘনশ্যাম—

বংশী করে ফিরিবেন পাছে পাছে।

কৃষ্ণনাম কর গিয়া বৃন্দাবনে,

দূরে যাবে সকল যন্ত্রণা,

অতি শ্রেষ্ঠ হবে তুমি কৃষ্ণনাম-গুণে।

বুদ্ধি। কৃষ্ণ কৃষ্ণ কৃষ্ণ কৃষ্ণ কৃষ্ণ কৃষ্ণ।

(বৈষ্ণবগণের প্রবেশ)

১ম বৈষ্ণব। এই যে আমার কৃষ্ণচন্দ্র!

২য় বৈষ্ণব। এই যে আমার কৃষ্ণচন্দ্র!

সকলে। জয় জয় পতিতপাবন!

চৈতন্য। ওরে সনাতন, তোর কি সুন্দর সাজ হ'য়েছে!

ওরে প্রেমিক সন্ন্যাসি! তোর পদধূলি আমি মস্তকে মাখি,
ওরে বৃন্দাবনবাসি! তুই বৃন্দাবনে যা, জীবের উপায়
কর। কৃষ্ণ-ভক্তি রচনা ক'রে জীবের পথ মুক্ত ক'রে দে।

সনা। প্রভুর আজ্ঞা শিরোধার্য।

চৈতন্য। আয়—সঙ্কীর্ণনে নাচি, নেচে নেচে বৃন্দাবনে
চ'লে যা।

(সকলের সঙ্কীর্ণন)

বল ভাই, হরি হরি, প্রেম ক'রে ভাই হরি বল।

নামে প্রাণ উথলে, পাষণ গলে,

প্রেম-রসে নাম চল চল!

অনুরাগে বল রে হরি নাম,

প্রেম-রসে প্রাণ ভান্বে অবিরাম,

হৃদয়-মাঝে উদয় হবে ত্রিভঙ্গিম শ্যাম,

ছার বাসনা যাবে দূরে, ক'রবে না আর ছল,—

নামের গুণে প্রাণ হবে শীতল।

হরি নাম কেন ভোল!

বল্লভ। আমি ত তা জানি নি, প্যারীজীর রূপ বর্ণনা ক'রে একটা গীত আমায় গাইতে ব'লেছিলেন, সেইটিই যা শিখেছি।

সনা। রূপা ক'রে গাও দেখি, শুনি।

(বল্লভের গীত)

মবি তরুণ অরুণ কিরণ ঝলসে, আমার কাঁচা সোণা কমলিনী,
মদনমোহন রঞ্জন আঁখি, শ্যামচাঁদের প্রেমে উন্মাদিনী,
অঙ্গছাদন নীল-বসনে—যেন মেঘে খেলে সৌদামিনী !

মরি চল্ল কুহুম নেহারে হাসি,

আমার ব্রজরাণী আমোদিনী।

মরি লম্বিত বেণী দল দল দোলে—

রাইয়ের বেণী কাল-ভুজঙ্গিনী !

সনা। অনুপম, একটি কথা যেন আমার প্রাণে বাজছে ; আনন্দ-প্রতিমা অমৃতময়ী কিশোরীর লম্বিত বেণী - বিষধর কালভুজঙ্গিনীর সঙ্গে তুলনা,—এটি কেমন মনে হ'চ্ছে ; নইলে গোস্বামীর রচনার আর তুলনা নাই। অনুপম, গোস্বামীকে আমার সাষ্টাঙ্গ প্রণিপাত জানিও, আমার নিবেদন এই যে, ভ্রমর যেমন মধুপানের নিমিত্ত ব্যাকুল, আমিও তাঁর রচনা-মাধুরী শ্রবণ ক'রতে সেইরূপ লালায়িত। আমি সন্ধ্যার পর মথুরা দর্শন ক'রে তাঁর শ্রীচরণ বন্দন ক'রব। শুনেছি, মথুরায় এক অপূর্ব বিগ্রহ মদনমোহন মূর্তি বিরাজিত।

বল্লভ। প্রভু, দাসকে বিদায় দিন।

সনা। বৈষ্ণব-চরণে আমার প্রণাম।

[বল্লভের প্রস্থান।]

(জীবন চক্রবর্তীর প্রবেশ)

জীবন। দূর ছাই—এই গাছ, এই ঘাট, এই যমুনা, বেশীর মধ্যে ত এই বৈরাগী শালা ! টাকা কই ? ও ফাঁকি—ফাঁকি, কলিতে সব ফক্কিকার ! দেবতাই বল, আর যাই বল, এ দিকে সব ঠিকঠাক, শুধু টাকার বেলা বুড়ো আঙ্গুল দেখালে গা ! হাত্তোর নেই বিখেশ্বরের নিকিছি ক'রেছে ! আর এ প্রাণ নিয়ে কি ক'রব ছাই, যমুনায় ডুবে মরি। সাতজন লক্ষীছাড়া থাকতে হবে, এক জন্মের জন্তু খেদ ক'রলে কি হবে ?

সনা। ঠাকুর, আপনি অত বিষন্ন কেন ?

জীবন। আর তা বুঝতে পারছ না ?—তোমার তিলক

পঞ্চম অঙ্ক

প্রথম গর্ভাঙ্ক

বৃন্দাবন—যমুনাতীর

সনাতন।

সনা। প্রভু আমায় ছল ক'রে নীলাচলে চ'লে গেলেন। কই, প্রভু ত আমার সেবা নিতে এলেন না, প্রভুকে ত পেলেম না !—আজ হ'তে আর কুটীরে প্রবেশ ক'রব না ; এই যমুনাতীরেই বাস ক'রব। রূপ ধনু, আমি স্বচক্ষে দেখেছি, প্যারী পেয়ারীলাল তাঁর অন্তর্ভঙ্গণ ক'রেছেন,—আমি সেই মহাপুরুষের রূপায় পঞ্চানন-বাহিত প্রসাদ ধারণ ক'রেছি, রূপের চরণে আমার কোটি প্রণাম।

(বল্লভের প্রবেশ)

বল্লভ। প্রভু, গোস্বামী আপনাকে সাষ্টাঙ্গে প্রণাম জানিয়ে নিবেদন ক'রেছেন যে, আজ রজনীতে তাঁর নূতন পুস্তকখানি আপনি শোনেন।

সনা। গোস্বামীর চরণে আমার সাষ্টাঙ্গে প্রণিপাত, তাঁর হরিভক্তি সার্থক ! ভ্রম নয়—আমি স্বচক্ষে দেখেছি, রাধা-কৃষ্ণ তাঁর অন্ন প্রসাদ ক'রেছেন। আমি নরাধম, মদনমোহন-সেবা আমার অদৃষ্টে নাই ! গৌরানন্দেব ছল ক'রে আমায় বৃন্দাবনে পাঠিয়ে দিলেন ; আমি পদ্মাসন পেতে দিন-যামিনী অপেক্ষা ক'রছি,—কই, আমার আশা ত পূর্ণ হল না ?

বল্লভ। প্রভু, আপনি মলিন হবেন না, গৌরানন্দের কথা কখনও মিথ্যা নয়।

সনা। আরে, তুমি জান না, চতুরের কথায় প্রত্যয় নাই, আজ প্রভাতে আমি স্বপ্ন দেখেছি যে, মদনমোহন আমার কুটীরে এসেছেন ; নিদ্রাভঙ্গে দেখি, আমার কুটীর যেমন শূণ্য থাকে, তেমনি শূণ্য, মদনমোহন নাই। আমি বৃন্দাবনে এসে তিন দিন স্বপ্ন দেখেছি, মদনমোহন আমার কাছে আসতে ব্যাকুল, তা কই ?—বোঝ, ছল কি নয় ? গোস্বামী কি নূতন গ্রন্থ রচনা ক'রেছেন ?

দেখে আমার ভাব হ'য়েছে! যাও, যাও, তোমার কাজে যাও, আর জালিও না।

সনা। এ বৃন্দাবন আনন্দধাম! হেথায় কি নিরানন্দ হ'তে আছে?

জীবন। আমার স্ক, বুঝতে পারছ না,—আমি সৌখীন, স্ক করে নিরানন্দ হ'য়েছি! বলে, 'নিরানন্দ হ'তে আছে?'

সনা। এ আনন্দগয়ের পুরী, হেথায় কেউ নিরানন্দ থাকে না।

জীবন। বলি, দেখলেও কি প্রত্যয় কর না? এই যে সাম্মনে চক্ষু-কর্ণের বিবাদ মিটেছে। তোমার বৃন্দাবন—আমি ঢের বন দেখে এসেছি, লক্ষ্মীছাড়ার কাছে সব সমান! বৈরিগী ঠাকুর, কলিতে কি আর দেবতা আছে?—

সনা। দেবতা নাই? ছি! ছি! অমন কথা মুখে আনবেন না; বৃন্দাবনে এসেছেন, দেবতা প্রত্যক্ষ দেখবেন।

জীবন। এই যে কাশী থেকে প্রত্যক্ষ দেখে এলেম! দেবতা দেবতা ক'রুচ, তবে শুনবে? এতেও যদি আক্কেল হয়, তবে শোন!—আমার বাড়ী ছিল গোড়ে, আমি বড় গরীব, আমায় এক দিন এক ব্যাটা অপমান ক'রলে; শুনে'ছিলেম—বিশ্বেশ্বরের কাছে ধন্য দিলে রোগ-টোগ ভাল হয়, আমি টাকার জন্তে গে ধন্য দিলেম, সাত দিন অনাহারী থেকে স্বপ্ন হ'ল, বৃন্দাবনে গেলেই তোর মনস্কামনা পূর্ণ হবে।

সনা। যখন বাবার আদেশ হ'য়েছে, তখন অবশ্যই হবে।

জীবন। হবে,—তোমার বহির্কাসখানা দেবে নাকি? ওহে বাপু, ভাল ক'রে শোন নি, বোঝ, আমার টাকার দরকার,—টাকা, রূপচাঁদ—রুধির! দেবে তুমি?

সনা। বৃন্দাবনে তুচ্ছ টাকার জন্ত এসেছেন?

জীবন। তুমি এঁচেছিলে বুঝি, রজে গড়াতে এসেছি; দেখলে দেবতা মিথ্যা কি নয়?

সনা। দেবতা মিথ্যা নয়।

জীবন। তবু ব'লবে নয়; নয় ত নয়, বাপু, তুমি পথ দেখ।

সনা। ঠাকুর, দেবতার বাক্য অবিশ্বাস ক'রো না, গম্ভ্য মিথ্যাবাদী, দেবতা মিথ্যাবাদী নয়; যদি তোমার ধনের আশাই হয়—বৃন্দাবনে এসেছ, নিরাশ হবে না; ঐ নাও, ঐখানে পরেশ পাথর আছে, নাও।

জীবন। চূড়ান্ত বেল্লিক, বেল্লিকের বাদশা! বাবাজী কি

পাথরটা ঐখানে ফেলে দিয়েছ বুঝি, ঐ ছুড়িটা—ঐ পরেশ-পাথর-খানা?

সনা। আপনি অবিশ্বাস ক'রবেন না, ঐখানে কাল আমার চিমটা প'ড়ে গিয়েছিল, পরেশ-পাথর ঠেকে সোণা হ'ল।

জীবন। যদি দেশে হ'ত, বাবা, কাজীকে ব'লে সাত বেত তোমায় খাওয়াতেন।

সনা। আপনার সঙ্গে ত ধাতু আছে, ছুঁইয়ে দেখুন, সোণা হয় কি, না।

জীবন। কই, চাবিটি সোণা কর দেখি? বুজুকি আমি ঢের দেখেছি; ভাবছ কিছু গল্পা ক'রবে, তা আমার ঠেঁঙে কিছু নাই বাবা, আমি লক্ষ্মীছাড়া।

সনা। শুনুন, দেবতা মিথ্যা নয়, সব সত্য,—বৃন্দাবন সত্য, যমুনা সত্য, বিশ্বেশ্বরের বাক্য সত্য, আমি তোমার সঙ্গে প্রবঞ্চনা ক'রছিনি,—সত্যই এ পরেশমণি, ছোঁয়াও—সোণা হবে।

জীবন। এইটে?

সনা। হ্যাঁ।

জীবন। (পরেশমণি স্পর্শে চাবি সোণা হইতে দেখিয়া) এ কি যাদু? আপনি কে? আপনি কি কোন দেবতা, আমার সঙ্গে ছল ক'রছেন? আপনি কি সাক্ষাৎ বিশ্বেশ্বর!

সনা। চক্রবর্তী মহাশয়, আমাকে চিন্তে পারছেন না? আমি সেই অধম সনাতন।

জীবন। এঁয়া, সনাতন! সত্যই ত বটে; না, কোন দেবতা সেই বেশে আনায় ছলনা ক'রছেন? আপনি কি রত্ন পেয়ে উজ্জীরি পরিত্যাগ করেছেন? আপনি কি রত্ন পেয়ে পরেশমণি পায়ে ঠেলেছেন? দেবতা সত্য, বিশ্বেশ্বর সত্য, বৃন্দাবন সত্য, যমুনা সত্য, রাধাকৃষ্ণ সত্য, সনাতন সত্য, সত্য সত্য! আপনার নিকট কি রত্ন আছে যে, আপনি পরেশমণি পায়ে ঠেলেছেন? আমায় সেই রত্ন দিন, আমার এ তুচ্ছ পরেশমণিতে প্রয়োজন নাই; আমায় সেই রত্ন দিন, আমায় সেই অমূল্য রত্ন দিন, না দেন, আমি ব্রহ্মহত্যা হব, এই নাও তোমার পরেশমণি।

[যমুনায় নিক্ষেপ।]

সনা। ভাই রে, আমি কান্দাল; কান্দালের নিধি হরি-নাম আমি পেয়েছি; বল, ভাই, 'হরিবোল।'

জীবন। বল, ভাই, 'হরি' বল ! বল, ভাই, 'হরি' বল !
বল, ভাই, 'হরি' বল ।

সনা। বিশ্বেশ্বরের কি অপার মহিমা ! গরল চাইলে সুখা
দেন। হরিনামই ধন্য ! জয় হরিবোল, হরিবোল, হরিবোল !

[সকলের প্রশ্নান

দ্বিতীয় গর্ভাঙ্ক

মথুরাপুরী—চৌবের বাটীর সম্মুখ

চৌবের ছেলে ।

চৌ-ছে। মদনমোহন আওনা ভাই, বন্মে যাকে খেলে।
নেপথ্যে। নেই ভাই, তোম্‌সে খেলেগে নেই, তোম্‌ত
প্যারী হামকো নেই দিয়া।

চৌ-ছে। আরে, লেড়কা পন ছোড় ভাই ; পেয়ারী লেকে
কেয়া করোগে ?

নেপথ্যে। বিন্ পেয়ারী মেরি পরাণ না মানে ভাই।

চৌ-ছে। তু বোল কাঁহা পেয়ারী মিলে ?

নেপথ্যে। হাম্‌ ক্যা জানে কাঁহা জান্‌ লে।

চৌ-ছে। যা,—তোরি বায়না বড় কানাছি।

(বুদ্ধিমন্ত ও সনাতনের প্রবেশ)

বুদ্ধি। প্রভু, আমি বনভ্রমণে গিয়াছিলেম, এই বনফল
ক'টি তুলে এনেছি, আপনি যদি কৃপা ক'রে গ্রহণ করেন ;
আমি রূপ গোস্বামীর চরণ-দর্শনে চ'ল্লেম।

[ফলদিয়া বুদ্ধিমন্তের প্রশ্নান।

সনা। আহা ! মদনমোহন আমার ঘরে নাই, এ
বনফল আমি কারে দেব' ? শুন্‌লেম, এখানে চৌবের
বাড়ীতে সেই মদনমোহন মূর্তি বিরাজিত।

চৌ-ছে। এ ক্যা, বন কি ফল, হামে দেনা।

সনা। ঝাও, খাও।

চৌ-ছে। হাম্‌ খায় ? মদনমোহন বন্কা ফল বড়া
চাহাতা, মায়্‌ মায়িকা ডব্‌সে দূর বন নেহি যা সেক্তা

সনা। মদনমোহন কে ?

চৌ-ছে। মেরি মদনমোহন হাম্‌সে খেল্‌ খেল্‌তা, তোম্‌
জানুতা নেহি ? নেহি ভাই, ভুল গিয়া—মদনমোহন মানা
কয় দিয়া, মায়ীকে তু না বোল।

সনা। তুমি কি বলছ ? আমার প্রাণ কেমন ক'রছে।
চৌ-ছে। আরে কাহে রে ? মদনমোহনকো খেলায় কে
প্রসাদ হাম্‌ দেগা, তেরা আনন্দ্‌ হো যাগা, মদনমোহন
বনফল্‌ বড়া প্রীত্‌সে খাতা হায়।

সনা। মদনমোহন, কোথায় তুমি ?

চৌ-ছে। ঘর মে হায় ; তু দর্শন করোগে ? দেখো,
এক্‌ঠো পেয়ারী জী হাম্‌কো দে সেক্তা, তব দেখতে হো
আনন্দ্‌ মে মদনমোহন নাচ্‌তা, দেখ্‌নেসে প্রাণ পূরা
হোতা ; ঘব্‌মে কুব্‌জা রাণী হায়, ওস্‌কা পসন্দ্‌ নেহি ; আহা,
মদনমোহন কেয়্‌সে নাচে !

(গীত)

কণ্‌ কণ্‌ কণ্‌ নুপু'র বোলে, নাচে মদনমোহন মেরি।
ধীর মধুর দোলত কটী, অনিমিত্ত আঁধি হেরি ॥
হেলত কিবা খেলত চুড়া মুরলী বদন খেলে,
উথলে যমুনা বহে উজান, মদনমোহন ভেলে ;
বোলত পিক মোহিত হিয়া, গাওত শুক-সারী।

সনা। তুমি কি গোলোকবাসী ?

চৌ-ছে। নেই, মথুরাবাসী হায়। এই হামারা ঘর,
মেরা ঘব্‌মে ভোজন করোগে ? মায়ী বড়া খুসী হোগা।

সনা। আমি তোমার প্রসাদ ধারণ ক'রব।

চৌ-ছে। আরে, ছি ! ছি ! রোদন মং করো ; হাম্‌
মদনমোহনকো প্রসাদ দেগা। মায়ি, মায়ি, ইধার দেখো,
অতিত আরা।

(চৌবের স্ত্রীর প্রবেশ)

চৌ-ছে। মা, মা !

চৌ-স্ত্রী। নারায়ণ, ভিতরে আসুন।

চৌ-ছে। হাম্‌ যায় ভাই, ফল্‌ খেলায়কে প্রসাদ লাতে
হ্যায়।

[চৌবের ছেলের প্রশ্নান।

চৌ-স্ত্রী। প্রভু, চরণ লাইয়ে

সনা। মা, ভাগ্যবতী মা, বহুভাগ্যে আপনাদের শ্রীচরণ
দর্শন পেলেম।

চৌ-স্ত্রী। আপনি এমন বোলেন্‌ না, আপনি অতিত
নারায়ণ আছেন।

সনা। মা, আমি বড় ক্ষুধাতুর, আপনার বালকের যদি

কিঞ্চিৎ প্রসাদ থাকে, আমায় এনে দিন। মা, আপনার বালক ব্রজের শ্রীদাম, আমি তার প্রসাদ ধারণ ক'রব।

(চৌবের ছেলের প্রবেশ)

চৌ-ছে। এই দেখো, মদনমোহন আনন্দ সে খায়া।

সনা। তুমি খেয়ে দাও।

চৌ-ছে। হাম্ খাকে দে তোরা আনন্দ হোগা? লে

চৌ-স্ত্রী। আরে ছল, যশোদা কি চোট্টা, আরে কোটিন কপট বুটা, তোম্ হাম্কে ছোড় যাগা—বাও, তোমারা এসেই রীত হ্যায়। তোম্ যশোদা মায়ীকি নেহি—নন্দজীকি নেহি, ব্রজবালককা নেহি—গোপিনীকো নেহি—প্যারীজীকা বি নেহি—হাম্ কো ছোড়কে চলোগে বিচিত্র নেহি।

সনা। মা, কি হ'য়েছে মা?

চৌ-স্ত্রী। আজ তিন রোজসে মদনমোহন স্বপ্ন মে বোলতা, হামারা বালককা যো বুটা খাগা, ওস্কা পাস্ ও যাওয়ে গা, হাম্ এত্না রোতী, ও শুন্তা নেহি। হাম্কে ছোড়কে ও চলা যাগা, হাম্ রাখ্নে সেখেগী নেহি?

চৌ-ছে। আর মায়ি, তু রোতী ক হে? গৌসাইকো লে জানে দেও, হাম্ উস্কা নিত খেল্নে লেয়ায়েগা, হাম্:লাক্কা কভি ছোড়েগা নেহি। আগবু ছে ডে ত ডব্ কেধা? তু হ্ ম্ মদনমোহন বে.লকে যমুনা মে ঝাঁপ দেগা—ও যেত্না কঠিন হোয় না ক হে, ওস্কা দরদ লাগেগা মায়ি!

চৌ-স্ত্রী। আরে মদনমোহন, আরে মদনমোহন!

চৌ-ছে। মায়ি, তু রোদন সামারো; মদন:মোহন যোসা স্বপ্ন দিয়া, করো; কুব্জা রাণীকো রাখো, হাম্ নিতি রাতকো মদনমোহনবে। খেল্নে আনেগা।

সনা। মা, মদনমোহন তোমাদের, যদি তিনি আজ্ঞা ক'রে থাকেন, অ মায় দাও, তোমাদের মদনমোহন তোমাদের থাকবে, মথুবাবাসীর চরণ-রূপায় আমি মদনমোহনের সেবক হব।

চৌ-স্ত্রী। তোম্ মেরি মদনমোহন লিয়া যতন্মে রাখিও।

সনা। মা, মা, আমি ত যত্ন জানি না, আমায় যত্ন গিথিয়ে দাও।

চৌ-ছে। আরে, তু ভি শঠ্ হ্যায়, নেই শঠ্ সে তোরা

প্ৰীত্ হোতা? তোম্ যতন নাহি জানে তো মদনমোহন তোরা সঙ্ জানে মাঙ্গেগা ক'হে?

চৌ-স্ত্রী। কুব্জারাণী হামারি রহেগি, কুব্জ'রাণীকো হাম্ ছোড়েগি নেহি, ঠাকুর, তোম্ হিঁয়া বয়ঠো, হাম্ অ্যাতি। আহা, কুব্জারাণীকো হাম্ কেয়া সম্জায়েগী।

[চৌবের স্ত্রীর প্রস্থান।

চৌ-ছে। দেখ, তোম্ পেয়ারী রাণী দিও, নেই তো মদনমোহন রহেগা নেহি, মায়ী উস্কা বুয়া বোলেগা, হাম্ সামাল্নে যাতা, মায়ীকো বহ্ ডরে।

[চৌবের ছেলের প্রস্থান।

সনা। বালক ব'ল্লে; - রধারাণী দিতে, আমি র ধারাণী পাব কোথা? তাই ত মদনমোহন ত একলা থাকবেন না—আমি রধারাণী কোথায় পাব? ব্রজেশ্বরী প্রেমময়ী রাই, তোমার মদনমোহন কি একলা থাকবে? আমি ত একলা রাখতে পারব না।

(রূপ, বল্লভ ইত্যাদির প্রবেশ)

রূপ। প্রভু, অপরাধ মার্জনা করুন, আর আমি রচনা ক'রব না; ছার রচনা ক'রে আপনার মনে ব্যথা দিয়াছি, গৌসাই! জানেন ত আমার শক্তি নাই; হায়! আমি বেণীর সঙ্গে কেন কালভূজঙ্গিনীর তুলনা দিলাম? কেন ভক্তরাজের মনে ব্যথা দিলাম? আহা! না জানি, ভক্তের ব্যথায় আমার রাধা-কৃষ্ণ কত মনে ব্যথা পেয়েছেন!

সনা। না না,—গোস্বামী, তুমি ভক্তের প্রধান, তোমার রচনা অতি মধুর! তোমার গীত শ্রবণে আমি যেন পেয়ারী-জীকে সাক্ষাৎ দেখেছি। তুমি আর একবার দেখ, ব্রজেশ্বরীর রূপায় তোমার রচনা সম্পূর্ণ হবে।

(চৌবের স্ত্রীর পুনঃ প্রবেশ)

চৌ-স্ত্রী। ঠাকুর, তোম্ ভিতরে আইয়ে।

সনা। গোস্বামী আহন, মদনমোহন দর্শন ক'রবেন।

[সকলের প্রস্থান।

পতি-পল্লিবর্তন

কুঞ্জবাটা ।

চৌ-স্ত্রী । লেও, মেরি মদনমোহন তেরা ছয়া, আরে, তেরা এতাই চতুরালী, তোম্ কভি কিসিক্যা নেই ছয়া, যা তোম্‌রা আনন্দ্ হোয়ে, ঐ আচ্ছা ! রোদন করুকে জনম লিয়া, রোদন করুকে দিন গুজারেগি ।

চৌ-ছে । মায়ি, যাস্তি বোলো মং, মদনমোহনকা বদন মলিন হোগা ; দেখ, উস্কা ডর লাগা ! ডর মং ; হাম্ ছিপার কে রাখে ।

চৌ-স্ত্রী । নেই, উস্কা কুচ্ নেই বোলে গি, মেরা ভাগকো বোলে ।

চৌ-ছে । নেই মায়ি, তু রৌ মং, মদনমোহনকা দরদ লাগেগা ; দেখো. তোম্ পেয়ারীজী মাদ্‌ইও ।

সনা । আরে, আমি রাধারাণী পাব কোথা ? ব্রজেশ্বরী রাই, তোমার দর্শন কোথায় পাব ? তোমার রূপা ভিন্ন ত আমি মদনমোহনকে রাখতে পারুব না ।

রূপ-সনা । প্রেমময়ী রাধে, কোথায় ?

(গান করিতে করিতে সখিগণ ও রাধিকার শৃঙ্খ হইতে অবতরণ ও গীত)

ছাখ্ রে ছাখ্ রাইয়ের বেণী কাল-ভুঞ্জিনি
বেণী মনোমোহিনী !

ফণী হেরি মরি ডরে, বেণীতে অমিয় করে,
আদরে বংশীধরে বাধে বেণী আমোদিনী !

সনা । রূপ, ধন্য তোমার রচনা ! ঐ যে ভুঞ্জিনি বেণী
হুচ্ছে !

মদন । ভাই, মেরি পেয়ারী গিলা ।

(মদনমোহন রাধিকার নিকট গমন করিয়া মিলনভাবে
দণ্ডায়মান, সখিগণ কর্তৃক সকলের পূর্বোক্ত
গীত ' ছাখ্ রে ছাখ্ ' ইত্যাদি)

(ভক্তবৃন্দের প্রবেশ)

সকলের গীত ।

দাঁড়ালো কিশোর-বামে কিশোরী,
অধরে ধরে না হাসি ।
মোরা অভিলাষী যুগল-মাদুরী
যুগল ভালবাসি ॥

জয় জয় হরিবোল হরিবোল হরিবোল !

শিশেছে চুড়া চাঁচর-চিকুরে,
দৌহে দৌহা যন বদন নেহারে,
প্রাণ ভাসে প্রেমমধুরে ;
উভয়ে উভয়ে মাদুরী হেরি,
যত্নে পরে প্রেমের ফাঁসী ॥

জয় জয় হরিবোল হরিবোল হরিবোল !

সবনিকা

অভিমন্যু-বধ

—•••—

(পৌরাণিক নাটক)

[১২ই অগ্রহায়ণ, ১২৮৮ সাল, শ্যামাশ্রম থিয়েটারে প্রথম অভিনীত]



* * স্বধারস অভিমন্যু-বধে ।

কাশিরাম দাস কহে গোবিন্দের পদে ॥”

কাশিরাম দাস ।

“মহাভারতের কথা অমৃত সমান ।

হে কাশি ! কবীশ-দলে তুমি পুণ্যবান্ ।”

মাইকেল মধুসূদন দত্ত ।

উৎসর্গ-পত্র



পরম-শ্রদ্ধাস্পদ অনারেবল্

শ্রীযুক্ত রমেশচন্দ্র মিত্র মহাশয়

বহুমাননিধানেষু ।

যিনি স্বয়ং উৎকর্ষলাভ ও মাতৃভূমির মুখোজ্জল করেন, তিনি সংসারে আদর্শ । মহোদয়, আমার ক্ষুদ্র উপহার গ্রহণ করুন ; ভক্তির সহিত অর্পণ করিলাম । ইতি—

বাগবাজার,
কলিকাতা ।
১২৮৮ সাল ।

বিনয়াবনত

শ্রীগিরিশচন্দ্র ঘোষ ।

নাট্যোল্লিখিত ব্যক্তিগণ

পুরুষ

শ্রী কৃষ্ণ, যুধিষ্ঠির, ভীম, অর্জুন, নকুল, সহদেব, সাত্যকি, ধৃষ্টদ্যুম্ন, অভিমত্যা, দুর্য়োধন, দুঃশাসন, দ্রোণাচার্য্য, কুপাচার্য্য, অশ্বখামা, কর্ণ, কৃতবর্মা, ভগদত্ত, শকুনি, জয়দ্রথ, সুশর্মা, দুষণ, গর্গমুনি, সেনানায়ক, দূত, গণক, সৈন্যগণ, পিশাচদল ইত্যাদি।

স্ত্রী

সুভদ্রা, উত্তরা, রোহিণী, স্বপ্নদেবী, স্বপ্নমঙ্গিনিগণ, উত্তরার সখীগণ, পিশাচীদল ইত্যাদি।

প্রথম অঙ্ক

—:০:০:—

প্রথম গর্ভাঙ্ক

শ্মশান

পিশাচদল।

বৃদ্ধ। বাজ্বে মাদল, ঘোর কোলাহল,

রক্ত-শ্রোতে ভাস্বে ধরা।

বালক। হাঁ বাবা, মতি বাবা ?

বৃদ্ধ। হাঁ রে হাঁ।

যুবক। রক্ত খাব সরা সরা—

রক্ত খাব সরা সরা !

(গীত)

টক্ টক্ টক্, চক্ চক্ চক্,

চুম্বকি কধির পিয়ে ;

হাম হাহা হহ হিয়ে।

আতি মাধি,

কাম্ড়ে কাম্ড়ে হাড়ে হাড়ে ছাড়ে !

হিহি হিহি হিহি খুসি চুচু চুচু চুচু চুচু।

তাজা তাজা তাজা, মরুজা মরুজা,

হাম্ হাম্ হাম্ হারা রারা রারা,

তাধিমা তাধিমা পিয়ে।

দ্বিতীয় গর্ভাঙ্ক

কুরু-শিবির

দুর্য়োধন, দ্রোণাচার্য্য, কর্ণ, কুপ, সুশর্মা, জয়দ্রথ,
অশ্বখামা ইত্যাদি।

দুর্য়োধন। হে সখে, হে মাতুল সুধীর !

বুঝিয়া করহ বিধি,

নহে রণে মজিবে সকল।

নিশ্চয় বিধাতা বাম,

নহে জামদগ্ন্য রাম

পরাভূত যার ভুজ্জ-বলে,

মহীতলে অব্যর্থ সন্ধান যার,

কুরু-শ্রেষ্ঠ ধনুর্ধর পড়িল সগরে,

পামর পাণ্ডব-ছলে !

হে আচার্য্য প্রধান—

সুখে তোমা মূঢ় দুর্য়োধন,

কোথা ছিল ধর্মজ্ঞান ফাস্তুরীর তব—

বৃদ্ধ পিতামহে,

বিচ্ছিন্ন হুরন্ত যবে শিখণ্ডীর আড়ে ?

চিরদিন তুমি হে পাণ্ডব-প্রিয়,

তেঁই উপেক্ষিয়া কর রণ।

যবে বনস্থলে, মা তুল-কোশলে—

ছলিল পাণ্ডবগণে,

দুই হাতে ধূলি ছড়াইল ধনঞ্জয়,
 হাসিলাম হেরি, জ্ঞানহীন আমি,—
 এত দিনে বুঝিলাম অর্থ তার ;—
 ঘোর বাতে শুষ্ক পত্র যথা,
 উড়ায় মদীয় সেনা ধনঞ্জয় রণে,
 অধীর করীন্দ্রশ্রেণী,
 বিকট রথের নাদে ;
 রথ রথী চূর্ণ রথ-বেগে ;
 মধ্যাহ্ন-মার্ভণ্ড-কর সম,
 চারিদিকে আগুন উথলে শর-জ্বালে ;—
 আচার্য্য উদাস রণে ।
 নিদাঘ-মিহিরে মীনকুল ক্ষয় যথা,
 দিনে দিনে কুলক্ষয় মম,
 প্রবল পাণ্ডব-তেজে ;
 রণস্থল ত্রাঙ্গণের নয়,
 বুঝিলাম এত দিনে ।
 দ্রোণ । ভাল বৎস,
 পিতা-পুত্রে ত্যজি সভাস্থল ।
 বার বার ব'লেছি তোমারে,
 অজ্ঞেয় পাণ্ডবগণে,—
 মম শিষ্য বলি,
 নাহি জ্ঞান ধনঞ্জয়ে ;
 দেবতা গন্ধর্বি যক্ষ,
 রাক্ষসীয় দীক্ষাপূর্ণ বীর,
 পাণ্ডপত অস্ত্র করতল,
 নিবাত-কবচঘাতী ।
 এ প্রাচীন কালে,
 যুদ্ধ নাহি শোভে আর,
 তবু যথাসাধ্য করি রণ,
 সপক্ষে তোমার ।
 লোকলাজ করি পরিহার,
 গমতা করিয়া ছেদ,
 মহা অস্ত্র কত হানি ধনঞ্জয়ে,
 নিবারে সকলি রণে পার্থ মহারথ ।
 অতুলনা মহীতলে বীর,
 গভীর সাগর সম,

দেবগণ-সনে
 পুরন্দর পরাভব সমরে যাহার !
 এ হেন অর্জুনে জিনিবে সমরে সাধ ।
 বার বার ব'লেছি তোমারে,
 এ সমরে দিতে ক্ষমা,
 মিলিতে পাণ্ডব-সনে ;
 দুষ্ট মন্ত্রী-উপদেশে, না শুনি বচন,
 জ্বালাইতে কালানল,
 পোড়াইতে পতঙ্গের সম
 পৃথিবীর রাজগণে ।
 আজি হ'তে নহি সেনাপতি তোর ।
 চল পুত্র, যাই অগ্নি স্থান,
 দুর্জনের সহবাস নহে শ্রেয়ঃ কভু ।
 রূপা । কি কর আচার্য্য বীর !
 কৌরব আশ্রিত তব,
 তব বাহুবলে দর্পী দুর্ঘ্যোবন ;
 তোমার সহায়ে চাহে জিনিতে পাণ্ডবে !
 ত্যজি তারে অর্ণব-মাঝারে,
 কোথা যাও দ্বিজোত্তম ?
 শুন দুর্ঘ্যোবন,
 গুরুর চরণে কর মিনতি বিশেষ,
 বড় স্নেহ তোমা প্রতি, ত্যজিবেন রোষ ।
 দুর্ঘ্যো । গুরুদেব,
 না ব'লে তোমারে,
 বল, বলিব কাহারে !
 বলক্ষয় দিন দিন,
 খসে একে একে বীরচূড়ামণি,
 যামিনী-প্রভাতে তারা সম ;
 তেঁই দেব,
 তাপিত প্রাণের জ্বালা নিবেদি চরণে,
 পুত্র-জ্ঞানে ত্যজ রোষ প্রভু !
 দ্রোণ । প্রাণপণে করি তোর হিত,
 তবু অহুচিত কহ বার বার ।
 কহি পুনঃ পুনঃ,
 নাহি বীর এ তিন ভুবনে,
 কৃষ্ণার্জুনে জিনে রণে !

যেবা হয় করহ মঙ্গলা,
 পাণ্ডবের নাহি পরাজয় !
 দুর্ঘো। প্রভু,
 নিতান্ত কি ঠেলিলেন পায়,
 চির-অমুগত দীনজনে ?
 এ অকূলে তুমি কর্ণধার,
 পার কর বিপদে কাণ্ডারী ।
 দ্রোণ । একমাত্র উপায় ইহার,—
 কহ নারায়ণী সেনাগণে,
 যমের দোসর জনে জনে,
 সুশর্মা নায়ক যার—
 কালি যুদ্ধে আহ্বানি অর্জুনে,
 ল'য়ে থাক স্থানান্তরে ;
 হেথা সবে মিলি প্রকাশি বিক্রম,
 আক্রমিব বৃকোদর-ঠাট ;
 রচিব বিচিত্র ব্যূহ অমুগত জগতে,
 কৃষ্ণার্জুন বিনা,
 ভেদিতে অক্ষম তিনলোক !
 দেখি এ কৌশলে ফলে যদি ফল ।
 দুর্ঘো। এই সে মঙ্গলা সার ।
 কহ সখা, তোমার কি মত ?
 কর্ণ । ভাবি তাই কৌরব-ঈশ্বর,
 ব্যাঘাত ঘটিল মম প্রতিজ্ঞা-পালনে ।
 শ্রীকৃষ্ণ-অর্জুনে,
 বিনাশিবে নারায়ণী-সেনা,
 না পাবে এঁড়ান ভীম কালি তব হাতে,
 কুরুরাজ,
 প্রতিজ্ঞা পালিও তব ক্ষত্রিয়-সম্মুখে ।
 দ্রোণ । কৃষ্ণার্জুন বিনা তথাপিও তুল্যারণ,
 ধৃষ্টদ্যুম্ন, সাত্যকি-সংহতি,
 বৃকোদর দুষ্কর সমর-কৃতী,
 অতুলনা বাহুবল যার—
 নহে অবহেলা-যোগ্য অতি ।
 শুন সুশর্মা ভূপাল,
 দিকপাল মম বীর্যবান্ তুমি,
 কালি রণে শার্দূল-বিক্রমে,

আক্রমহ ধনঞ্জয়ে,—
 যশস্তম্ভ রোপ মহীতলে ।
 সুশর্মা । হে কৌরব-সেনাপতি,
 প্রণাম চরণে দ্বিজোত্তম !
 যথাশক্তি করিব সমর,
 প্রবোধিব কিরাটীরে ;
 জয় পরাজয়,
 ইচ্ছামাধ্য নহে মম ;
 অবসর না দিব অর্জুনে,
 যতক্ষণ দেহে রবে প্রাণ ।
 দুর্ঘো। তব যোগ্য বাক্য মতিমান্ !
 এত দিনে জানিহু জিনিব রণ ;
 কত শক্তি ধরে ভীমসেন,
 না ধরিবে টান মম রণে,—
 কালি হবে পাণ্ডব-সংহার ।
 জয় । হে আচার্য্য, জানাই প্রণাম পদে ।
 কুরুরাজ, করি নিবেদন,
 প্রাণপণে করি রণ সপক্ষে তোমার ;
 কালি রণে দেহ ভার মোরে,
 রক্ষিবারে ব্যূহদ্বার ;—
 অর্জুন বিহনে,
 পাণ্ডব-বাহিনী নাহি ডরি ;
 নিবারিব পাঞ্চাল-পাণ্ডবে মহাহবে,
 সিন্ধুবারি বেলা যথা ।
 দ্রোণ । মহাযশা তুমি বীর,
 ব্যূহদ্বারে স্থাপিব তোমায় ।
 দুর্ঘো। বীরবর, সহোদর মম তুমি মম,
 এ সমরে তুমি অধিকারী,
 আমি মাত্র সহায় তোমার ;
 পূর্ব অরি ভীমসেন তব,
 দেহ সমুচিত দণ্ড হুরাচারে !
 শুন সমাগত বীরগণ,
 নিপ্পাণ্ডবা সমর-সঙ্কল্প প্রাতে,
 লভহ বিরাম ক্ষণে, যে যার শিবিরে ।

[অশ্বখামা, কৃপাচার্য্য ও দ্রোণাচার্য্য ব্যতীত

সকলের প্রস্থান

রূপ। নিপাণ্ডবা পৃথিবী কি প্রতিজ্ঞা তোমার ?
দ্রোণ। এ হেন প্রতিজ্ঞা কভু সম্ভবে কাহার !

পাণ্ডবে আহবে কেবা পারে জিনিবারে,
প্রেমে বাধা শ্রীমধুসূদন !

‘যথা ধর্ম, তথা জয়,’

অখণ্ড শাস্ত্রের বাণী ।

দিব্য চক্ষে দেখিতেছি স্থির,

ধাইছে ঘটনা-শ্রোত অবিরাম-গতি,

হরিতে পৃথীর ভার ;

বীরমদে মত্ত ক্ষত্রগণে,

নিধন কারণে উদয় এ কাল-রণ—

সকলি হইবে ক্ষয়,

একমাত্র রহিবে পাণ্ডব ।

অশ্ব। তবে কি কাজ সমরে পিতঃ ?

দ্রোণ। নিবারিতে কে পারে ঘটনা-শ্রোত !

ও কথায় নাহি প্রয়োজন,—

সেনাপতি মাত্র আমি,

রাজ-আজ্ঞা করিব পালন ;

শুন সাবধানে,

বাধিবে তুমুল রণ কালি ;

পশিব পাণ্ডব-বাহিনী-মাঝে,

ধর্মরাজে করিতে গ্রহণ ।

প্রাণ উপেক্ষিয়া,

অবশ্য বারিবে মোরে,

পাণ্ডব-সাপক্ষ রথী ;

হেরি চির-অরি,

ধুষ্টহুম্ন অবশ্য হইবে রোধী

প্রাণের মমতা ত্যজি,

সমরে পশিবে বীর—

প্রাণপণে করিব যতন,

প্রতিজ্ঞা-পালন হেতু ।

দ্বন্দ্ব-যুদ্ধে যদি হয় তনু-ক্ষয়,

ক’রো দুর্ঘোষনে যতনে সাস্তনা ;

ব’লো তারে,

মৃত্যুকালে বলিয়াছে গুরু তার,

ক্ষমা দিতে কাল রণে ;

কিন্তু যদি নাহি মানে মানা,

যাচে যুদ্ধ কুরুরাজ,—

পিতৃ-আজ্ঞা ক’রো রে পালন —

দুর্ঘোষনে রক্ষিও যতনে ;

কুরুবীর আশে, ফেরে ভীমসেন রণে,

লেলিহান কেশরী সমান ;

ভীমে প্রবোধিতে তব ভার ।

সাত্যকি সহিত,

আর আর পাণ্ডব-বাহিনী যত,

রহিল তোমার ভাগে রূপাচার্য্য বীর !

যাও,

লভহ বিরাম নিদ্রাদেবী-অঙ্কে স্মৃথে ।

[রূপাচার্য্য ও অশ্বখামার প্রস্থান ।

জন্মিয়া ব্রাহ্মণ কুলে,

কুক্ষণে হইল অঙ্গধারী !

যাগ-যজ্ঞ-মঙ্গল-কামনা-রত দ্বিজ,

জীব-ক্ষয় বাসনা আমার !

যেই কর তুলিয়ে উল্লাসে,

আশীর্বাদ করিছে ব্রাহ্মণ,

সেই করে করি নরনাশ,

দ্বিজকুলগ্নানি আমি !

[প্রস্থান ।

তৃতীয় পর্ভাক্ষ

রাজ-শিবির

দুর্ঘোষন ও জয়দ্রথ ।

দুর্ঘো। প্রাণাধিক তুমি মহাবীর !

তেঁই ডরি স্থাপিতে তোমারে ব্যূহঘারে,

কেমনে রহিব স্থির,

সঙ্কটে রাখিয়া তোমা,—

মহারথিগণে পুনঃ পুনঃ দিবে হানা,

একেশ্বর প্রবোধিবে কত জনে ?

সেই হেতু যুক্তি এই সার,

বীর বৈকর্ভন রহক প্রহরী মুখে,

পার্শ্বরক্ষা কর তুমি তার ।

জয় । না মান বিশ্বয় কুরুরাজ,
 পূর্ব-কথা বলি হে তোমায়,—
 বনে যবে বঞ্চিল পাণ্ডব,
 শূন্যঘরে দ্রৌপদী করিছ চুরি,
 চালাইছ রাজ্যমুখে রথ ;
 পথে বাদী ভীমার্জুন কৃষ্ণার রোদনে,
 বিধিমতে পাইছ অপমান,
 কঠিন ভীমের হাতে,
 প্রাণ রহে যুধিষ্ঠির-উপরোধে ।
 না যাইছ দেশে,
 পশি বনমাঝে,
 আরাধিছ দেব পঞ্চাননে,
 পাণ্ডব-নিধন সঙ্কল্প করিয়ে হৃদে ;—
 সদয় হৃদয় আশুতোষ,
 দিয়াছেন দাসে বর,—
 জিনিব পাণ্ডবগণে অর্জুন বিহনে ।
 সেই আশে, সুর্যোগ-প্রয়াসে সদা ফিরি ;
 আজি সমরাস্ত্রে দিবা-অবসানে,
 স্নান হেতু নামিলাম সরোবরে—
 বিস্তার সরসী,
 দলে দলে রাজহংসকূলে করে কেলি,
 মধ্যে শতদলদল,
 ফুটিয়াছে অগণন,—
 যেন সুন্দরী রমণী-ছবি,
 হেরিলাম তার মাঝে ;
 মধুস্বরে শুনিছ ভংসনা,—
 'কোথা সিন্ধুরাজ-সুত,
 প্রতিদান তব অপমানে,
 কেন শঙ্করের বর কর অবহেলা !'
 অকস্মাৎ নীরবিল বাণী,
 মিশাইল ধনি,
 পরিমল-পূর্ণ সমীরণ ।
 নীরব গগনে হাসিল চন্দ্রমা ;
 নীরব স্বভাব, নীরব বিস্তারব্যাপী
 নীরব সে কমল-কানন !
 হে কৌরব-মহারথ !

মনোরথ অবশ্য লভিব,
 কহিতেছে অন্তরাত্মা মম ;—
 পুনঃ রথে তুলিব দ্রৌপদী,
 কাঁদবে বিবশা, রথমাঝে এলোকেশী,
 হেরিব নয়ন ভ'রে,
 প্রাণের সম্ভাপ নিভাইব সে সলিলে ।
 দুখ্যো । শুভক্ষণে পেয়েছি তোমারে,
 ওহে সিন্ধুকুলোত্তম !
 পদাঘাত করিব ভীমের শিরে ;
 কহিব পামরে কালি,
 দেখাইয়া উরুস্থল,
 উরুদেশে বসাব কৃষ্ণায় ।
 জয় । সমরাস্ত্রে তোমায় আগায় বাদ,
 সুন্দ উপসুন্দ যথা তিলোত্তমা হেতু ।
 দুখ্যো । সে আশঙ্কা নাহি বীর,—
 দুই জন পঞ্চজন স্থলে ।

[প্রস্থান ।

অন্তরীক্ষ

রোহিণী ও গর্গমুনি ।

রোহিণী । হায় তপোধন !
 কাঁদে প্রাণ পূর্বকথা স্মরি,—
 কুক্ষণে সাজিছ রতি,
 পৌড়িতে মদনে প্রাণনাথে ;
 হেরি সে বয়ান, শতদল জগে,
 পোড়া মুখে এল হাসি,
 হানিছ কটাক্ষ-শর মোহিতে নাথেরে,
 তেঁই প্রাণেশ্বর অনঙ্গ মাতিয়া,
 অবহেলা করিল তোমারে,
 দিলে হে কঠিন শাপ ;
 বিরহ-বিধুরা বালা,
 কাঁদি একাকিনী চন্দ্রলোকে ;
 ঝর ঝর ঝরে বারিধারা,
 হেরি শশধর স্বামী,

ভূমিতলে নরমাঝে ;
 শত শর বিক্ষে বৃকে তপোধন,
 উত্তরারে যবে,
 সম্ভাষণে প্রাণনাথ 'প্রিয়া' বলি ;
 অবলারে কর দরা মুনিবর !
 তব শিক্ষামত দেখা দিছি জয়দ্রথে ;
 কিস্ত দেব ! প্রত্যয় না মানে পোড়া মন ।
 মহারথী অভিমহ্য বীর,
 কি করিবে সপ্তরথী তার ?
 দ্বাদশ দিবস আজি দেখেছি সমর,
 রণিকুলে রথীন্দ্র আর্জুনি ;
 ভীষ্ম দ্রোণ রূপ কর্ণ বীরে
 বিমুখিল পুনঃ পুনঃ ;
 নাহি গণে যোগ্য অরি কারে,
 দস্তভরে ফিরে মদমত্ত করী সম ।

গর্গ । গুন স্থলোচনে,
 ব্রাহ্মণের মনে কভু স্থায়ী নহে রোষ ।
 শাপ দিয়া অমৃতাপ হইল তখনি ;
 চলিছ কৈলাসে,
 আরাধিছ দিগম্বরে,
 উদ্ধারিতে পতি তব ;
 কহিলা শঙ্কর হাসি,—
 চন্দ্রলোকে যাবে শশী কুরুক্ষেত্র-রণে ।
 আজি পুনঃ ভেটলাম ভবে,
 আজায় তাঁহার,
 গেছে স্বপ্নদেবী, সঙ্গিনী-সংহতি
 কাঁদাইতে উত্তরারে ;
 কেঁদে সতী হরিবে পতির বল ;
 দুই পাপে পড়িবে কুমার ;—
 বাল্যকালে,
 চালিলা শ্রীকৃষ্ণে শূরবংশ-গরিমায় ;
 বীরদম্ভে আজি ঠেলিবে মায়ের মানা ।
 হীন-বল মাতার নিঃখাসে,
 হবে তল মহাবল সপ্তরথি-রণে ।
 আদেশ দেছেন শঙ্কু বীর হনুমান ।
 করিবারে সিংহনাদ ভীমের সম্মুখে,—

অরি-হিয়া,
 না কাঁপিবে থর থরি, গর্জনে তাহার ;
 বিকল হইবে শূর,
 রাখিবারে যুধিষ্ঠিরে ;
 মমতায় আকুল বালক হেতু,
 বৃকোদর হইবে অধীর রণে,
 গেরু যথা ঘোর ভূকম্পনে ।
 চল, সঙ্কোপনে দিব উপদেশ,
 যে মত করিবে রণস্থলে ।

[উভয়ের প্রস্থান

পঞ্চম গর্ভাঙ্ক

বাপীতট

অভিমহ্য ।

অভি । প্রাণ মম কি জানি কি চায় !
 দিনমান যায় রণশ্রমে ;—
 নিশা-আগমনে,
 কি যেন কি যেন পড়ে মনে !—
 যেন নিদাঘে নিকুঞ্জ-মাঝে
 গাহিছে কোকিল ;
 দূর-সমীরণে, মিলি একতানে,
 ভাসে যেন সঙ্গীত-লহরী,
 আধ-শ্রুত, কভু যেন শুনেছি সে গীত !
 সদা জ্ঞান হয়,
 রমণীর পদ-সঞ্চালন পাছে ;—
 মুদিলে নয়ন, কি যেন ঝলকে,
 কে যেন দাঁড়ায় কাছে বিরস-বদনে ।
 (দূরে ভেরী-রব)
 নিশাকালে,
 কি হেতু নাছিল ভেরী কোরব-শিবিরে !
 কি বিকার অন্তরে আমার,
 চমকিছ ভেরীনাগে !
 যেন,
 সাধ হয় চন্দ্র সম ভাতিতে গগনে !
 স্থধিব জনকে আজি কোথা চন্দ্রলোক ?

রাজসূয়-কালে

কোন্ পথে চলিল বিমান ;

যেন,

দেখেছি দেখেছি সে মোহন স্থান,

রমণীয় অবশ্য সে পুর,

শশধর বিরাজে যথায় !

(দূরে ভেরী-রব)

পুনঃ শুনি ভেরী-রব কৌরব-শিবিরে !

নিশীথে কি বাধিবে সমর ?

রণোল্লাসে স্থির নহে প্রাণ ।

[প্রস্থান

(রোহিণীর প্রবেশ)

রোহিণী । দেখা দিব কালি রণস্থলে,

হৃদে আশ হ'তেছে বিকাশ,

পাব পুনঃ প্রাণনাথে ;

তমোগুণে ধাইছে ঘটনা,

কৈলাস-শিখর হ'তে ।

(স্বপ্নদেবীর প্রবেশ)

স্বপ্ন । চল মম সনে সুলোচনে,

হেরিতে সতিনী তব,

মহেশ-আদেশে, যাই রঙ্গচ্ছলে,

কাদাইতে উত্তরারে ।

রোহিণী । হে রঙ্গিণি ! সুভামিনী তুমি ।

ভাসি রঙ্গিলু নীরদমাঝে,

সাজি সতী বিচিত্র বসনে,

পুলকিত-মতি,

ক্রীড়া কর শিশু সনে ;

হ'য়ে দূতী গুণবতী,

যুবতী মিলাও যুবজনে,

স্বর্ণরাশি বিলাও প্রাচীনে ;

দেহ প্রাণপতি ভুবনমোহিনি !

স্বপ্ন । পাবে সতি, প্রাণেশ্বর তব,

শঙ্কর-প্রসাদে জরা ।

[প্রস্থান

ষষ্ঠ গর্ভাঙ্ক

পাণ্ডব-শিবির

শ্রীকৃষ্ণ ও অর্জুন ।

শ্রীকৃষ্ণ । দিন দিন হীনবল অরি,

তব অমোঘ প্রতাপে, সখে !

নল্লযুদ্ধে তুষ্টিয়ে শঙ্করে,

রাখিলে ঘোষণা ধরাগাঝে মহাযশা !

স্থাপ কীর্তি,

মণি বাহুবলে কালি নারায়ণী-সেনা,

ইন্দ্রতুল্য জনে জনে রণে ;

মহারাজ মগধ-ঈশ্বর,

পরাতব যার তেজে !

শুনিলাম সুরলোকে করিলা সমর,

দেখি নাই বিক্রম-বিকাশ সেই কালে ;

সেইরূপ রণে কালি প্রকাশ প্রভাব,

পরাতবি সংসপ্তকগণে,

উত্তেজনা কর শক্তি তব,

যতক্ষণ রহে যামী ;

প্রভাতে লইব রথ শিবির-সম্মুখে ।

অর্জুন । হে মধুসূদন !

তব পদ হৃদি-পদ্মে রাখি,

শিখি নাই উরিতে অরিরে ।

আইসে যদি তিন লোক কৌরব-সহায়ে,

মুহূর্ত্তে শ্রীহরি, পারি বিমুখিতে সবে ;

বাড়ে বল শ্রীমধুসূদন,

তোমাঝে হেরিলে রণে ।

কিন্তু ভাবি যত্বীর,

কে রক্ষিবে ধর্ম্মরাজে,

ধাইবে কৌরব যবে ধরিতে রাজায় ?

একা ভীম,

কত মহারণে নিবারিবে রণস্থলে ?

হে পাণ্ডব-সখা, আশঙ্কা হ'তেছে মনে,

কি হয় সমরে প্রাতে !

সাহস সম্পদ বল, ও রাজীবপদ,

সকটে কাণ্ডারী শ্রীনিবাস,
কর যুক্তি যে হয় বিধান ।
শ্রীকৃষ্ণ । না হও অধীর সখা !
একা বৃকোদর,
সোসর সমরে সমূহ কৌরব-সনে,
তাহে মহা মহারথী সহায় তাহার ;—
অপার বিক্রম যুযুধান,
ধৃষ্টদ্যুম্ন অগ্নি হেন রণে,
মহারথ বিরাট ক্রপদ,
আর আর দেব-অবতার রথী,
ঘটোৎকচ মহাবীর,
রাক্ষসীয় ঠাটে,
জিনিতে তাহারে,
কে আছে কৌরব-মাঝে ?
বৃথা চিন্তা ত্যজ ধনঞ্জয় !
। কি ভয় তাহার দেব,
যারে তুমি দাও হে অভয় !
ক্ষ । কি হেতু বিনয় সখা,
কোন্ কার্যে অক্ষয়,
অর্জুন গাণ্ডীবধারী !
সকলি হে,
রূপায় তোমার চক্রধারি !

[অর্জুনের প্রশ্নান

শ্রীকৃষ্ণ । লীলাশ্রোত নাচিছে চৌদিকে,
হরিছে ধরার ভার ;
পলে পলে হোরা, হোরাদলে মিলি,
গড়ি দিবা-নিশি,
ছয়বার বহিবে সময়,
হবে লয় দুঃস্থ ক্ষত্রিয়-কুল,
যুচিবে ধরার ভার ।
কি মমতা ভাগিনা ছেদিতে !
বহি দেহভার, ধরার রোদনে,
তমোগুণে রাখিব মেদিনী ।

[প্রশ্নান ।

দ্বিতীয় অঙ্ক

—:~:—

প্রথম পর্ভাঙ্ক

দেবালয়

সুভদ্রা, উত্তরা ও সখিগণ ।

উত্তরা । রাখ শঙ্কর, সংগ্রামে প্রাণপতি,
দীনগতি,

চরণে শরণ মাগে হীন-মতি ;
আন্তোষ শিব শশাঙ্কধারী,
জাহ্নবী-বারি,
কুল কুল মৃদুল, জটাঘটা-মাঝে,
বিভূতি সাজে ;
বব ব্যোম্ বব ব্যোম্ দিগম্বর,
হর দেহ বর,

অবলা মাগিছে হৃদিরঞ্জে হে,
অঙ্গনা বঞ্চনা ক'রো না তোলা,
হাড়মালা দোলা,
তমাল-বিনিন্দিত নীল গলা,
ধটা বাঘছালা ;
প্রাণপতি যাচে দীনা বাল।

(গীত)

শ্রী—পটতাল ।

ব্যোম্ ব্যোম্ নাচে, নাচে খেপা ভোলা,
নাচে খেপী সাথে, ধরি হাতে হাতে,
(মরি) কমলে কমল, অমর বিকল,
রঞ্জিণী যোগিনী মাতে ।

(কিবা) চরণে গুন্ গুন্ অমর বোলে ;—

(হাসে) শতদল দলে, ঢালে পরিমলে,
দিনমণি শ্রেণা নথরে ভাতে ।

(স্তব)

জয় পিনাক-ধারী,

জয় ত্রিপুরারি,

জাহ্নবী বারি ঢালি শিরে ;

হের হর তাপ হর, গৌরি-মনোহর,
ভাসি শিব শঙ্কর, আঁখি-নীরে ।
ধর ধর পূজা ধর, আশুতোষ দেহ বর,
বিহ্বলা বালিকা, ভোলা ভূতপতি ;
করণা কুরু ভব, হুরন্ত আঁধ,
রক্ষ শ্রামাধব, প্রাণপতি !
(অর্ঘ্য-প্রদান)

হা জননি !
পড়িল প্রমাদ হেথা,
দিগন্তর অর্ঘ্য নাহি নিল ;
ভাঙ্গিল কি কপাল আমার !
আশুতোষ, কি হেতু করিলা রোধ,
না জানি গো সতি !

স্বভদ্রা । একচিন্তে পুনঃ বৎসে,
আরাধ শঙ্করে ।

(করযোড়ে স্তব)

পতি পুত্র ভ্রমে রণভূমে,
রেখ মনে গণেশ-জননি !
সঙ্কটে শঙ্করি,
স্মরি শুভকরী-পদযুগ,
রেখ পায় তনয়ায় হৈমবতি—
রণজয় দে রণরঙ্গিনি !

উত্তরা । হায় মাতঃ,

পুনঃ হর অর্ঘ্য নাহি ধরে ।
প্রেম স্বরা আনিবারে প্রাণেশ্বরে ;
না জীব জননি, তিল আর
না হেরিলে গুণমণি মম ।
যবে বাধিল মা, এ কাল-সমর ;
নিত্য ঘুমাইলে দেখি গো স্বপনে,
ঈর্ষ্যাপূর্ণ রমণী-মুরতি—
পলক-বিহীন আঁখি—
চাহে একদৃষ্টে মোর পানে ;
সে বদনে হেরি কত ভাব,
ভয় বাসি হেরি সে সুন্দরী !

স্বভদ্রা । পুনঃ ভক্তিভাবে দেহ অর্ঘ্য হরে ।

উত্তরা । মা গো, ভূতনাথে করিতে অর্চনা,

প্রাণনাথে পড়ে মনে ;
ঢালি জল ভাসি আঁখি-জলে !
দারুণ ক্রিয়-পণ,
যুদ্ধ নামে উন্নত প্রাণেশ !
মা গো,
নাথ বিনা এ সংসারে নাহি জানি আর !

স্বভদ্রা । কর পুনঃ শিব-আরাধনা ;
বিশ্বপতি বিশ্বনাথ বিনা,
কামনা পুরায় কেবা ?
কেমনে,
চাহ আনিবারে অভিমত্তে হেথা ?
প্রাতে রণ,
ব্যস্ত রথী রণকাঞ্জে,
নহে বীরাক্ষনা-রীতি,
বীর-কার্যে দিতে বাধা ;
কুল-কার্যে রহ কুলবতি !

উত্তরা । বৃথা গঞ্জ গুণবতি মোরে ;

কিশোরে গো কে যায় সমরে—
ক্রীড়াশূল ত্যজি ?
কুরঙ্গ সঙ্গিনী,
হেরি প্রাণাধিক কুরঙ্গেরে,
লেলিহান শাদ্দূল-মাঝারে,—
কেমনে বাধিবে প্রাণ, কুরঙ্গিনী ?
ফেলি নিধি জলধি-জঠরে,
কার প্রাণ রহে স্থির ?
আমি মা, দুঃখিনী অতি,
অভাগীরে ক'রো না ভৎস'না,
পাগলিনী পতির বিরহে !
অঙ্কুরিত প্রেমের যুকুল হদে,
যত সাধ র'য়েছে কুঁড়া'য়ে,
পূরে নি গো একটা বাসনা !
কহি সত্য বাণী জননি গো, করযোড়ে,
ধৈর্য ধরিতে নারি নাথ-অদর্শনে ;
তাহে বামদেব—বাম অবলায়,
অর্ঘ্য নাহি নিল পশুপতি !

স্বভদ্রা । ভক্তি বিনা অর্ঘ্য নাহি পায় স্থান,

দ্বিতীয় পর্ভাঙ্ক

উত্তান

স্বপ্ন ও সঙ্গিনীগণ ।

স্বপ্ন । শুন লো সঙ্গিনি, ভুবনমোহিনী তোরা !
 আসিছে উত্তরা,
 তোল তান গ্রস্থি-হীন গান ;
 ফুল ফুলযানে, ভ্রম লো বিমানে !
 চারিদিকে গেল, ঢাল রাঙ্গা কাল,
 হাস বনমাঝে ফণী ধরি ;
 ময়ূর ময়ূরী ল'য়ে গড়' করী,
 কেশরী গড়াও বায় ;
 কাঞ্চনে চন্দনে অঙ্গারের সনে,
 মিলায়ে মাথ লো কায় ;
 স্থান পরিমাণ, হর ধীরে ধীরে,
 বাড়াও সময়, পলের ভিতরে,
 নেচে নেচে ধাও, নেচে নেচে গাও,
 কাঁদাও কাঁদাও অভিমন্যু-ভামিনীরে !

সঙ্গিনীগণ ।—

(গীত)

বেহাগ—জলদ-একতাল।

চুপি চুপি, কর কাণাকাণি

নাচে নিশীথিনী ;—

ঝিমিকি ঝিমিকি ঝিকি ঝিকি ঝিকি,

ঝিম্ ঝিম্ ঝিম্ লো ।

চলে অনিলে আগু করি, কিরণ-সারি,

নামে তিমির-গহ্বরে,

ত্রিম্ ত্রিম্ ত্রিম্ লো ।

চাদে কাঁদে, তারা বাঁধে,

দেখ দেখ কত আনাগোনা ;

কেবা আসে, কেবা হাসে,

কে ভাসে গগনে, মানা নাহি মানে,

রবি নিবিল,

জোনাকী টিম্ টিম্ টিম্ লো !

(উত্তরার প্রবেশ)

উত্তরা । কে যেন ঢালিছে কায় অলসের ভার,

আরাধনা কর ভক্তিভাবে ।

জান না বালিকা তুমি ক্ষত্রিয়-নিয়ম,

সঙ্কট মরণ রণ—অঙ্গ-আভরণ ;

তপ করি যাচে যোগ্য অরি,

পতি-পুত্র যায় রণে,

বীরাক্ষনা সাজায় সমর-সাজে ;

ঘোর রণভূমে ভ্রমে বীরকুলনারী,

সারথি হইয়ে রথে,

কাটে বেণী বিনাইতে গুণ,

কাঁদায়ে সন্তানে,

খুলে দেয় আভরণ রণব্যয় হেতু ।

বাল্যাবধি জানি রণ-রীতি,

যাদব-কিয়ারী পাণ্ডুবংশ-কুলবধু ।

অকস্মাৎ গেলে দূত সংগ্রাম-শিবিরে,

কি কবে রথীন্দ্র যত,—

আসিবে সত্বরে সবে বিপদ আশঙ্কা করি,

ভঙ্গ হবে সমর-গজগা,

এ কামনা করো না কল্যাণি !

যবে যুদ্ধকার্যে রত বীরভাগ,

বীরপত্নী ব্যস্ত রহে দেব-আরাধনে ;

তাজ মোহ বীরবালা,

বীরকুল-রীতি অরি ;

মমতা ছেদিত্তে,

শিখে মা ক্ষত্রিয়-সূতা ভূমিষ্ঠ হইয়ে ।

উত্তরা । ও গো যাদব-সুন্দরি !

জেনে শুনে বুঝাইতে নারি মন ।

সুভদ্রা । দেবগৃহে ক'রো না রোদন,

অকল্যাণ ঘটে তায় ;

চল যাই স্নান হেতু সরোবরে,

শীতল সলিলে স্নিগ্ধ করি প্রাণ মন—

পুনঃ পঞ্চাননে কর পূজা ;

চন্দ্রচূড়া চণ্ডীর অর্চনা,

আরম্ভিব পুনঃ আমি ।

[প্রস্থান ।

মরি কি স্নান তরু হাসে ফল-ফুলে,
সৌরভে জুড়ায় প্রাণ !

[শয়ন ও নিদ্রা ।

সঙ্গিনীগণ-

(গীত)

চল দলে দলে, চড়ি শশিকরে,
যাই যাই যাই লো ;
যুরে ফিরে দেখি, পাই কি না পাই লো ।
পুলকে আলোকে, পাখী ঝাঁকে ঝাঁকে,
স্বর্ণপাখা, মেঘে ঢাকা,
পীত লোহিত সিত সলিলে,
ভাসিল ফণিনী, গ্রাসিল নলিনী,
যাই যাই তাই, ফিরে চাই লো ।

১ম সঙ্গিনী । কে কোথায় জাগে লো স্বজন ?

২য় সঙ্গিনী রুপে তারা ভ্রমিছে রোহিণী ।

৩য় সঙ্গিনী ধরামাঝে কেন লো রঙ্গিনী ?

৪র্থ সঙ্গিনী । দেখ আসিয়াছে ধনী,--

নিরে যেতে গুণমণি ।

উত্তরা । ও মা ! নিরে যায় প্রাণনাথে !

(অভিমত্যা-প্রবেশ)

অভি । প্রাণেশ্বর,

ভাল খেলা খেল উপবনে !

কি হেতু প্রেরিলে দূতী,

কহ স্নলোচনে ?

যাব স্বরা প্রভাত নিকট ।

উত্তরা । নাথ !

দিব না যাইতে রণে,

কাজ নাই রাজ্য-ধনে মম,

বনে রব বাকল-বসনে তোমা ল'য়ে ।

হৃদি-তন্ত্রী কম্পিত সদাই,

বড় ভয় গণি মনে,

না জানি কি ঘটে অকল্যাণ,

অর্ঘ্য না পাইল স্থান ভবেশের মাথে !

শুদ্ধচিত্তে পুনঃ আরাধিতে ভূতনাথে,

আইলাম স্নান হেতু সরোবরে ;

অলসে অবশ কায়া,

তরুতলে অঞ্চল পাতিয়ে,

অঙ্গ ঢালি হ'লু অচেতন ;

স্বপনে হেরিহু,

স্বপ্নদৃষ্টা রমণী-মুরতি,

ধরি হাতে তুলিল তোমায় রথে ;

উত্তরোলে কাঁদিয়া জাগিহু !

অভি । সম্মুখে দেখিলে স্বপ্ন বিপরীত ফল ।

চল সতি,

ভেটি জননীয়ে বিদায় লইব স্বরা ;

হের ফুলকুলে সাজিছে মেদিনী,

উমা প্রতীক্ষায় শ্যামা ;

কলরবে জাগিতেছে পাণী,—

গাইবে গায়কবৃন্দ,

উদ্বিবে ববে সূবর্ণ-কিরীটা, সতি !

উত্তরা । ধরি চরণে হে গুণনিধি,

দাসীরে স্টেল না পায়, যেও না সমরে,

যদবধি অর্ঘ্য নাহি লন ভোলানাথ ।

অভি । প্রিয়ে !

এ কথা কি সাজে হে তোমায় ?

পিতা, ভ্রাতা, জ্যেষ্ঠতাত, খুল্লতাত আদি,

আত্মীয়-বান্ধবগণে, যুঝিবে সঙ্কট-রণে,

রব বন্ধ মহিলা-শিবিরে,

নারীর অঞ্চল ধরি !—

এই কি বাসনা তব ?

বৃথা শঙ্কা তাজ আগোদিনি ;

না জান বিক্রম মম,

তিন পুর আসে বদি কোরব-সহায়ে,

পরাজিব পলকে প্রমদা ;

চল প্রিয়ে, জননী-সমীপে ।

[সকলের প্রশ্নান ।

তৃতীয় গর্ভাঙ্ক

কক্ষ

সুভদ্রা ও গণক ।

গণক । শুভে,

রোহিণী নক্ষত্রে জন্মে তোমার তনয়,

রুপে তারা সঙ্গ নেছে তার,

দেখিছু গগনে,
মহারুষ্টে তারা,
কালি যদি যায় স্মরণে,
পুত্র তব অমর নিশ্চয় !
সুভদ্রা । বুঝিছু, বুঝিছু এতক্ষণে,
কেন হর অর্ঘ্য না ধরিল,
শঙ্করী-পূজায় কেন ঘটিল ব্যাঘাত ।
যাও স্বরা,
কে আছে ডাকি আন অভিমন্ত্রে হেথা ।

(অভিমন্ত্রে ও উত্তরার প্রবেশ)

অভি । উতলা কি হেতু মাতঃ ?
প্রণমে চরণে দাস, আশীম জননি !
কি হে দ্বিজবর !
গগনায় দেখিলে কি স্থির,
কৌরব-বিনাশ কালরণে ?

সুভদ্রা । যাইতে দিব না তোরে,
কাল-রণে কালি ।

অভি । মাতঃ !—

সুভদ্রা । কোন মতে দিব না
যাইতে রণে আমি ।

অভি । আজি নিশিযোগে,
ক্ষিপ্তরেণু মিশেছে কি বায়ু-মনে !
কহ, কি জঞ্জাল ঘটায়েছ আচার্য্য ব্রাহ্মণ ?

সুভদ্রা । বাছা, কাল মাত্র যেও না সমরে,
বীরাজনা বীরমাতা আমি,
সামান্য কারণে,
নাহি মানা করি তোরে,
সাধ কি রে মম—অর্জুন-তনয়,
রহিবে মহিলা-শিবির-মাঝে,
বাদব-নন্দিনী আমি !—

অভি । মাতঃ,
জান তুমি যাদব-বিক্রম,
পাণ্ডবের রীতি নাহি জান !
প্রমথ-মণ্ডলে শূন্য পশিলে সমরে,
পাণ্ডব দিবে না পৃষ্ঠ কভু ।

সুভদ্রা । বৎস, শুন মন দিয়া, হও না উতলা,
সাধে আমি করি না রে মানা !
দেখ এই দ্বিজ,
বিশারদ জ্যোতিষ-বিজ্ঞান,
কহিয়াছে দিন দিন গ'ণে মোরে,
যে দিন যা ঘটবে তোমার ;
তারা রুষ্ট এক দিন আছে আর তোর ;
দেখিল গণিয়া বিপ্রবর,
অমঙ্গল ঘটে, বৎস, তায় ।

অভি । ফিরি রণভূমে, যুদ্ধে ব্রতী অস্ত্রধারী,
মঙ্গলামঙ্গল মাতঃ, আছে চিরদিন ।
কহ দ্বিজ, কোন্ গ্রহ রুষ্ট মোর প্রতি ?
হানি শর বিধি নভঃস্থলে ।

সুভদ্রা । অলক্ষ্য সে গ্রহের প্রভাব বৎস !

অভি । বিপক্ষ প্রত্যক্ষ মাতঃ !

পিতা ভ্রাতা বান্ধব সকল রণভূমে,
রব সবে রাখিয়া সঙ্কটে—

অলক্ষ্য প্রভাবে বাঁধা মহিলা-শিবিরে ?

সুভদ্রা । বাছা, ঋণী তুই মার কাছে,
মাতৃঋণ যাবে শোধ তোরে,
এক দিন ক্ষমা দেহ রণে,
চণ্ডী আরাধিতে দেখিছু রে ধ্যানে
তোরে মস্তক-বিহীন ছায়া !
হর-শিরে অর্ঘ্য না ধরিল !

অভি । শুনেছি মা,

উন্মাদ-সংবাদ যত উত্তরার মুখে ।
মা গো, সহস্র ঋণে ঋণী আমি তব,
যত দিন বহিবে কালের স্রোত,
সে ঋণ না হবে পরিশোধ ;
চাহ সে ঋণে উদ্ধারিতে মোরে,
কৃপা তব অতুল ঈশ্বর !

। মাতঃ,

অস্থি হেতু পিতৃঋণে ঋণী আমি,—
মান হেতু পুত্রের কামনা,
প্রাণ-হেতু পিতৃমান দিব বিসর্জন ?
নারিষ জননি,

ক্ষম বুঝি অবুঝ সন্তানে ।
 দেহ পদধূলি,
 রণমৃত্যু চাহে ক্ষত্রবীর ;
 জন্মে কত নর দেহধারী অগণন,
 দিনে দিনে পলে পলে,
 রয় যায় কালের কবলে,
 কিন্তু বীর্যবানে না ভুলে ধরণী,
 কীর্ত্তি তার চলে অগ্রসর,
 দেখাইয়ে পথ অণু বীরে ;
 লক্ষ হৃদি হয় উত্তেজিত,
 শুনি গুণগ্রাম-গান তার ;
 হেন পুত্র কর কি কামনা,
 ষাদব-নন্দিনী পাণ্ডব-গৃহিণী মাতঃ ?
 চাহ যদি সে পুত্র তোমার,
 দেহ পদধূলি যাই চ'লে রণস্থলে ;
 একান্ত চঞ্চল হইতেছি মাতা,
 হের উষা উদিল গগনে,—
 বিলম্বিতে নারি আর ।

উত্তরা । যাও নাথ, বধিয়া আমায় !
 অভি । প্রিয়ে, সকলই ভাল সহমত ।
 উত্তরা । একদিন মাত্র রহ গৃহে ।
 অভি । হেন উপদেশ,

কহিও ভ্রাতার কাণে মংশুরাজ-সুতা !
 প্রেম-কথা বিলাস-ভবনে,
 কর্তব্যের সনে সম্বন্ধ নাহিক তার !
 পতি আমি, শুন বীরাক্ষনা,
 ধর উপদেশ-বাণী,
 কুলের কামিনী রহ কুলাচারে রত,
 যদি হয় অলস তাহায়,
 অগ্রব্রতে ব্রতীজনে নাহি দেহ বাধা ।

উত্তরা । নাথ, —
 অভি । না উত্তরা ।

(উত্তরার মুচ্ছা)

প্রণাম চরণে মাতঃ, নিশা অবসান ।

[প্রস্থান

উত্তরা । মা গো ! কি হ'লো, কি হ'লো !

সুভদ্রা ! বল মা, কি উপায় করি আর ।
 উপায়ের সার,
 চণ্ডিকার পদ করি ধ্যান ।
 উত্তরা । নাহি কহ মোরে,
 শঙ্করে পূজিতে আর ;
 পূজি নারায়ণে—রক্ষাকর্ত্তা জনাধিন ।
 সুভদ্রা । হর-হরি ক'রো না মা ভেদ ;
 গৃহভেদে না জানি কি হয় !
 চল যাই দেবালয়ে ।

[সকলের প্রস্থান

চতুর্থ গর্ভাঙ্ক

শিবির-সম্মুখস্থ পথ
 অভিমত ।

অভি । এখনো স্বভাব ঢাকা নিশা-আবরণে,
 মেঘে ঢাকা শশী,
 তাই প্রভাত জানিয়া,
 কুঞ্জনিছে বিহঙ্গিনী স্তমধুর !
 এ কি বিঘ্ন, কুংসিত বায়স-রব ।
 উত্তরা চেতনাবধি,—
 না না, থাকিলে বাড়িত মায়া ;
 ডরি মাত্র প্রেমের বন্ধনে !
 মাতৃ-মানা শুনিল কি ধনঞ্জয় ?
 যবে রথী,
 চলিল একেলা বনে ব্রহ্মচারী-বেশে,
 ভ্রমিবারে দ্বাদশ বৎসর,
 কর্তব্য-রক্ষণ হেতু !

(গণকের প্রবেশ)

গণক । বীর, গ্রহাচার্য্য আমি,
 শুন মানা একদিন তরে ।

অভি । দ্বিজ,
 ক্ষত্রিয়ের বশ নয় রোষ ;

কিংবা, কি হেতু বা ঋষি আমি,
শুনি উপগ্রাস,
এখন' তো আছে যামী ;
কি হে দ্বিজ !

গণক । কুমার, দেখিছ গগনে,
কালি গ্রহ রুষ্ট তব প্রতি ।

অভি । ওহে দ্বিজ,
ও সংবাদ শুনেছি ত জননীর মুখে ;
কিবা অমঙ্গল, সমরে পড়িব কালি ?
শুভ এ বারতা
পাণ্ডবের পক্ষে, হে ব্রাহ্মণ ;
জেনো স্থির, অর্ধ সৈন্য না বিনাশি রণে,
ধনু মম হবে না অচল ।
এক কথা কহি দ্বিজ,
বৃদ্ধ তুমি পিতামহ সম,
লহ স্বর্ণমুদ্রা, হে আচার্য্যবর,
ক'য়ো উত্তরারে,—

'নাহি ভয়, পুনঃ আসি করিব চূষন !'

গণক । কিন্তু বংশ,
ছিল ভাল না যাইলে রণে ।

অভি । দ্বিজ, লহ মুদ্রা,
দেখ গ'ণে, আরো ভাল যাইলে সমরে !

গণক । নাহি অকল্যাণ-ভয়,
গ্রহশাস্তি করিব করিয়া স্নান ।

অভি । এক কথা শুন হে ব্রাহ্মণ,
যদি শায়ী হই রণভূমে,
কহিও মাতারে,
অবাধ্য বালক বলি ক্ষমেন জননী ।
ব'লো উত্তরারে,
বড় ভালবাসিতাম তারে,
কুলমান-দায় ছেদিমু প্রেমের ডুরি !
কিংবা কিছু নাহি ব'লো তারে,
ব'লো মাত্র প্রত্যক্ষ দেখেছ,—
দীর্ঘশ্বাস পড়িয়াছে স্মরি তার নাম !
গ্রহাচাষ্য, আর নাহি রহ এই স্থানে ।

(নেপথ্যে গীত)

পঞ্চম—রূপক ।

ধীরে ধীরে শুন বাড়িছে কোলাহল,
ফুল হেরি উবা হাসে,

ছুকুল বাসে ।

ধীরে ধীরে, ফুল হাসে ফিরে,
হেরি মাধুরী, কলিকা বিকাশে ;
লতিকা পাশে, পরিমল আশে,
অনিল প্রেম-কথা মুহুর ভাবে ।
মধুর পিয়াসে, অলি আসে ;
কোকিল কুহরে, পাখিকুল শিহরে,
খুলে প্রাণ, তোলে তান,
মোহিনী রতনরাজী স্থনীল আকাশে,
বীর ধীর চলে সমর-প্রয়াসে ।

অভি । কে ঢালে এ সঙ্গীত-লহরী,

হেন স্বর ধরায় কে ধরে ?

নীরবিল বীণা !

মরি, পুনঃ উঠে তান,

শুনি প্রাণভ'রে ব'সে ।

সঙ্গীত চলিল দূরে

বায় যেন দেখাইয়ে পথ ;—

ওহো ! ধাইতেছে অগণন শিবা,

মাংস-লোভে রণস্থলে ।

কি কঠোর নিনাদে বায়স,

ক্ষুদ্র প্রাণী না হইলে মারিতাম প্রাণে ।

আহা !

ঝরিল বারি মায়ের নয়নে,—

(দূরে ভেরী-রব)

ডাকে ভেরী সাজিতে সমরে,

বুঝি,

একা আমি, ত্যজিয়ে শিবির ভ্রমি দূরে,—

অস্ত্র ল'য়ে ব্যস্ত অগ্র জন ;

কেবা আর দূতীর বারতা শুনি,

বাবে নারী-মাঝে লজ্জাষিতে প্রেমসীরে,

ঘোর রণ উপস্থিত প্রাতে !

যাই ক্রত,

পারি যদি কুলাইতে সমরের ব্যয় ।

[প্রস্থান ।

তৃতীয় অঙ্ক

প্রথম গর্ভাঙ্ক

যুদ্ধক্ষেত্র

যুদ্ধিষ্টির ও অভিমত ।

যুদ্ধি । দেখ বৎস, মজিল সকলি !

সংসপ্তকে কৃষ্ণ-ধনঞ্জয়,

কৌরব-কৌশলে আজি,—

নাহি জানি কি হয় সমরে !

যমোপম নারায়ণী সেনা,

তাহে সপ্তরথী দুর্ন্দ স্তম্ভা-সনে ;

নাহি এক গোটা পদাতিক মম,

প্রেরি যারে আনিতে সংবাদ ;

অবসাদ নাহি কাল-রণে ।

মৈনাক-সমান,

একা রথে আচার্য্য প্রবীণ

পশিয়াছে সৈন্ত-সিন্ধু-মাঝে,

মথিবারে ক্ষীণ দলবল,

সহায়-বিহীন ।

দারুণ শ্রোণের শরে,

আকুল পাঞ্চাল-সেনা,

নিবারিতে নারে ভীমসেন,

বিপক্ষ-প্রবাহ ঘোর,—

যুঝে অরি চক্রবৃহ করি,

দেবের দুর্ভেদ্য সমাবেশ ।

সমর্থ কেবল ধনঞ্জয়,

ভেদিতে দুর্গম ব্যূহ ।

কহ পুত্র, কি উপায় হবে,

মুহূর্ত্তে মজিবে সব,

রুদ্ধ বায়ু গর্জে বথা পর্বত-কন্দরে,

গর্জে গুন বৈরি-ঠাট জয়-আশে ;

হের মহাত্মাসে

বিকল বাহিনী মম—পলাইছে বেগে !

একমাত্র তুমি ধর্ম্মর পাণ্ডব-শিবিরে,

পিতৃসম কৃতী রণে,

বুঝি কর যা হয় বিধান ;

শুনিলাম তব সখা মুখে,

ভেদিতে দুর্গম ব্যূহ সক্ষম হে তুমি,

সংগ্রাম-কৌশল-বলে ।

অভি । সখা মম !

জানি আমি প্রবেশ-সন্ধান,

নির্গম না জানি তাত ;

কিন্তু এ সংবাদ লোক-অগোচর ।

হে পাণ্ডবনাথ,

এ বারতা কে দিল তোমাতে ?

যুদ্ধি । বয়সে সাহসে রূপে সোসর তোমার,

দেবের কুমার হয় জ্ঞান ;

রুধিরাক্ত-কলেবরে,

বার্তা দিল দ্রুত বীর,

পুনঃ রণে পশিল ধীমান্ ।

অভি । কহি তাত, পূর্ব-বিবরণ,—

ছিহু যবে জননী-জঠরে,

গল্লচ্ছলে চক্রবৃহ-কথা,

কহিতে লাগিল পিতা,

তেই জানি প্রবেশ-নিয়ম ।

শুনিতে শুনিতে নিদ্রিতা হ'লেন মাতা,

না শুনিলু নির্গম কেমন ।

যুদ্ধি । ব্যূহ ভেদি কর যুদ্ধ বীর,

ভীম আদি যোদ্ধা গিলি,

যাব সবে পশ্চাতে তোমার,

মহামার করিব কোঁরব-দলে,

রণজয় হবে অবহেলে—

তব বাহুবলে, পাণ্ডবংশ-গুণধর !

অভি । আজি কুরু পড়িল প্রমাদে ।

দেহ পদধূলি ধর্ম্মরাজ,

অবাধে লভিব জয় ;

আনি দিব ডালি রাজপদে

কর্ণ-শকুনির শির ।
পিতৃপুত্র উপরোধে না বধিব দ্রোণে,
করি নিরস্ত্র সমরে,
সম্মানে তুঙ্গিব নিজ রথে ।
গর্জে অরি—
কুরুবংশ-ধ্বংস হবে রণে ।

[অভিমত্যুর প্রস্থান

(রোহিণীর প্রবেশ)

রোহিণী । এক নিবেদন ধর্মরাজ,
মহারথী অভিমত্য় বীর,—
সমযোগ্য সারথি তাঁহার নাহি দেব ;
তেঁই যাচি রাজপদে সারথির পদ ।
যুধি । মহাদস্তে প্রবেশিছে রণে শূর ।
জানিলাম তুমি হে পাণ্ডব-সখা,
দেবপুত্র নাহিক নংশয়,
চল যাই, যথা বৎস সাজিছে সমরে ।

[উভয়ের প্রস্থান ।

দ্বিতীয় গর্ভাঙ্ক

যুদ্ধক্ষেত্র

ধৃষ্টদ্যুম্ন ।

ধৃষ্ট । হে পাঞ্চাল !—
শরজালে এখনি নাশিব দ্রোণে ;
হও স্থির, রহ সবে দর্শকের প্রায়,
সপুত্র পাড়িব ব্রাহ্মণ-কুলের ঘানি !

(দ্রোণাচাষ্যের প্রবেশ)

দ্রোণ । ভাল ভাল,
নিতান্ত মরণ-সাধ ক্রপদ-কুমার ?

ধৃষ্ট । আরে আরে হিংস্রক ব্রাহ্মণ,
বীরপনা জানাও পাইক বধি ?
আজি রাজা হবে যুধিষ্ঠির ,
তীক্ষ্ণ খড়্গ কাটি তোর শির,
দিব মাংসলোভী জীবে :

সপুত্র পামর,
কবন্ধ-সমান প'ড়ে রবে রণস্থলে ।

(অশ্বখামার প্রবেশ)

অশ্ব । পিতঃ !
এখনি হইবে ক্ষয় পাণ্ডব-বাহিনী ;
ধৃষ্টদ্যুম্ন দেহ মম করে,
পশুবৎ নাশি মুঢ়ে ।

(সাত্যকির প্রবেশ)

সাত্যকি । জান না কি নিকট শমন ?
[যুদ্ধ করিতে করিতে সকলের প্রস্থান

তৃতীয় গর্ভাঙ্ক

সজ্জাতুমি

অভিমত্য় ও রোহিণী ।

রোহিণী । যবে রণ অবসানে
হাসিতে হাসিতে—
দুই জনে ফিরিব ভবন-মুখে,
দিব পরিচয় বীরমণি !
অভি । জানিলাম একান্ত আগাতে তব প্রীতি,
হেরিয়ে তোমারে,
সহোদর জ্ঞান হয় মনে ;
যেন কোথা দেখেছি, দেখেছি—
স্বপ্ন-সন সে ভাব লুকায় ।
আসন্ন সমর,
ফিরি যদি রণ জিনি দৌহে,
বিরলে বসিয়ে কব কথা পরস্পরে ।
তেজঃপুঞ্জ মহারথী তুমি,
রূপা করি সেজেছ সারথি ;
কিন্তু মম সারথি নিপুণ,
নিঃশাস ছাড়িবে ক্ষত্র,
না করিলে সাথী রণে ।
ইথে এই মন্ত্রণা ধীমান,
লহ অস্ত্র-পূর্ণ অন্ত রথ পাছে,

যাই নিজ রথে আমি,
তব রথ রাখ বাহ-মুখে,
রণে যবে করিব প্রবেশ,
যেও বীর পশ্চাতে আমার ।

[প্রস্থান

নাহি কি হে অর্জুন-কুমার ?
কি ভয় কি ভয়,
রণজয় করিব এখনি ।
বরষিব বজ্রসম শর, —
দেখি অগ্রসর কে হয় সমরে —
কে বাধে কবচ দৃঢ় বৃকে !
এস এস আচার্য্য প্রবীণ,
দেখ কত শিক্ষা শরাসনে ।

চতুর্থ গর্ভাঙ্ক

রণক্ষেত্র

(দ্রোণাচার্য্যের প্রবেশ)

যুধিষ্ঠির ও সৈন্যগণ ।

দ্রোণ । বালক,

নাহিক বিরোধ মম তোমার সংহতি,
ছাড় পণ, ধর্মরাজে ভেটিব সমরে ।

যুধি । না পাল্যও না পাল্যও সৈন্যগণ,
ক্ষত্রধর্ম করহ পালন ;
কৌরব কি ধরে করে তীক্ষ্ণতর তাঁর ?
নহে তারা অভেদ-ধরীর !—
চল সবে মিলি বধি দ্রোণে ।

অভি । অবিরোধী ধর্ম-নৃপমণি,
বিরোধী অর্জুন-সুত—

১ম সৈন্য । ভদ্র নাহি নরপতি আর !
পড়িয়াছে বড় বড় বীর,
মৃতপ্রায় ভীমসেন রণে,
ধ্বংসস্থায় যুযুধান আদি,
অধীর সমরে সবে ;
চতুরঙ্গ সেনা আকুল দ্রোণের বাণে ।

যুদ্ধ দেহ আচার্য্য নিপুণ :

শুনোছি জনক-মুখে ধনুর্বেদ তুমি,
প্রমাণ তাহার দিয়েছ এ রণস্থলে,
ছলে করি পিতারে অন্তর ;
কি হয় মনোরথ না দর্শলবে তব ।

(নেপথ্যে)—এই এই এই যুধিষ্ঠির !
হে আচার্য্য,
করুন্ গ্রহণ, করুন্ গ্রহণ ।

যমের দোসর অর্জুন-কুমার,
কতু গাণ হাতে ;

২য় সৈন্য । কি দেখ, কি দেখ আর
তুলারামি মেমতি অনলে,
ভস্ম হবে দ্রোণ-শরে ;
এল এল, পাল্যও সহর !

হান অশু, বহু কর প্রতিজ্ঞা-পালনে,
অন্তুচরে বিমুখ সমরে,
কোথা পাবে নৃপ দরশন,
জ্ঞান-সম অরি সমুখে তোমার ।

দ্রোণ । সিদ্ধস্রোত চাহ রোপিবারে !

[যুদ্ধ করিতে করিতে উভয়ের প্রস্থান।

যুধি । চল সবে, চল হে সহর,

সবে মিলি করি আক্রমণ ;
হের, বিরথী আচার্য্য বীর ।

(অভিমত্যা-র প্রবেশ)

অভি । না পাল্যও পাণ্ডব-বাহিনী,
ক্ষণকাল দেখ রণ ;
পিতা মম ভুবন-বিজয়ী,
অক্ষয়-গাণ্ডীবধারী ;
প্রকাশে বিক্রম অরি অগোচরে তাঁর ।

[সকলের প্রস্থান

(সসৈন্তে যুদ্ধিষ্টির প্রবেশ)

পঞ্চম গর্ভাঙ্ক

রণস্থল

অভিমন্যু ও সৈন্তগণ ।

অভি । দেখ চেয়ে পাঞ্চাল পাণ্ডব,
ফেরুপাল-সম পলাইছে অরিদল,
বিকল কোরব ঠাট—
অটল সমরে মাত্র সিন্ধুরাজ-সেনা ;
এখনি করিব আক্রমণ,
আইস সবে পশ্চাতে আমার,
বৃহ ভেদি বিনাশি কোরবে ।
১ম সৈন্ত । ধন্য বীর অর্জুন-তনয়,
পিতা সম বীর্যবান্ ;—
কারে ভয়, কুরুকুল করিব নিশ্চুল !

[সকলের প্রস্থান ।

ষষ্ঠ গর্ভাঙ্ক

বৃহ দ্বার

জয়দ্রথ ও রোহিণী ।

রোহিণী । হের বীরবর, অস্তক-সমান রণে,
পশিছে অর্জুন সূত !
নাহি কাজ রোধিয়া উহারে,
স্বর শঙ্করের বর, !
আর্জুনিরে দেহ পথ ছাড়ি,—
নিবারহ অস্ত অস্ত যোধে,
কুরুরাজ দেছেন আদেশ ।

[রোহিণীর প্রস্থান ।

(অভিমন্যুর প্রবেশ)

অভি । যম কারে ক'রেছে স্মরণ,
কে রাখে বিপক্ষ-বৃহ সশ্রুখে আমার ?

জয় । পিপীলিকা !

কত দিন উঠিয়াছে পাথা ?

[যুদ্ধ করিতে করিতে উভয়ের প্রস্থান ।

যুধি । দেখ ছিন্ন-ভিন্ন ব্যূহমুখ,
বাতে যথা কদলী-কানন ;
চল সবে আর্জুনি-সহায়ে ;
চল যুযুধান, ধৃষ্টদ্যুম্ন, বৃকোদর,
কর আক্রমণ চারিদিকে
বৃহ ভেদি পশিয়াছে রথীন্দ্র-কুমার ।

[সকলের প্রস্থান ।

সপ্তম গর্ভাঙ্ক

রণক্ষেত্র

অভিমন্যু ।

[সকলের প্রস্থান ।

অভি । এ কি, চারিদিকে অরি,

কেহ নাহি সহায় আমার !

নাহি হেরি কোথা সে সারথি,

কোথা অস্ত্রপূর্ণ রথ তার !

সিন্ধুরাজ সৈন্তসহ রোধিছে পাণ্ডবে ;

দৃঢ় অস্ত্রে ছেদি সৈন্তগণে,

নিজ-পক্ষে মিলিব এখনি ;

কেমনে যুঝিব একা চক্রব্যূহ-মাঝে ।

(রোহিণীর প্রবেশ)

রোহিণী । কি কাজে বিলম্ব বীর ?

যুঝ ব্যূহ ভেদি ;

আগুবাড়ি আছে মম রথ,

উড়িছে পতাকা দূরে ;

হের,

ধাইছে চৌদিকে সেনা বিপক্ষে তোমার,

একেশ্বর জিন রণ বীর,

জিনিল অমরে যথা জনক তোমার,

থাণ্ডব-দাহন-কালে ;

ভীমসেন-রথধ্বজ দেখেছি পশ্চাতে,

সিংহনাদে যোঝে মহাবীর,

এখনি হইবে রথী সহায় সমরে ।

অভি । আন রথ পশ্চাতে আমার,
গর্জে অরি সম্মুখ-সমরে,
নাহি সহে প্রাণে মোর,
অর্জুন-নন্দন আমি ।
ছিন্ন-ভিন্ন করিব এখনি,
মুহূর্ত্তে ঘুচাব অহকার ।

(কর্ণের প্রবেশ)

কর্ণ । ধনু অস্ত্র ত্যজহ বালক,
ক্রীড়াশূল নহে রণভূমি ।

অভি । মহাক্রীড়াশূল হে রাধেয় !
গেণ্ডুয়া খেলিব ল'য়ে কুরুকুল-শির ;
বহিবে রুধির খর ;
ছিন্নশির কুরুরাজে,
বাধি তোমা শকুনির সনে,
ভাসাইব সে সলিলে,
ক্রীড়াশূলে ভ্রমিব সে ভেলাপরে,
উপস্থিত হের অস্ত্র-খেলা ।

[যুদ্ধ করিতে করিতে কর্ণ ও অভিমত্ম্যর প্রস্থান

অষ্টম গর্ভাঙ্ক

বৃহ-দ্বার

জয়দ্রথ ও সৈন্যগণ ।

জয় । সাবধানে রহ বীরভাগ,
হের পরাভূত পাঞ্চাল পাণ্ডব,
প্রবেশিছে রণে পুনঃ —
আগে আগে বীর বৃকোদর ;
না হও চঞ্চল কেহ, বারিব সবারে,
বায়ুদলে ভূধর যেমতি !

[প্রস্থান

(ভীমের প্রবেশ)

ভীম । উদ্ধাবেগে কর আক্রমণ,
এখনি নাশিব হৃষ্ট সিন্ধুর নন্দনে ;
একা পুত্র গেছে বৃহ ভেদি,

তীক্ষ্ণ অস্ত্রে ছেদি রিপুদলে,
হও সবে সহায় তাহার ;
একেলা বালক, যুঝে বৃহ-মাঝে,
মাগর উপাল সম গর্জিছে কৌরব,
হায় হায়, একা পুত্র অরি-মাঝে !
রে পামর সিদ্ধু-স্বত,
ঘুচাই সমর-সাধ তোর ।

[যুদ্ধ করিতে করিতে প্রস্থান

নবম গর্ভাঙ্ক

যুদ্ধ-ক্ষেত্র

যুধিষ্ঠির ও নকুল ।

যুধি । হে নকুল,
কেমনে যাইতে বল শিবির-ভিতরে,
যতক্ষণ পাপ দেহে আছে প্রাণ ?
কর্মজ্ঞানহীন আমি মূঢ়,
রাজ্যলোভে করিছু হৃকর পাপ !
বার বার কহিল কুমার,
নাহি জানি নির্গম-উপায় ;
দ্রাস্ত মোহমদে,
প্রেরিছু শাবকে ব্যাঘ্র-মুখে !
কোটি বজ্রনাদ-সম বাকারে কৌরব,
ক হয়—কি হয় রণে !
চল ল'য়ে সংগ্রাম-ভিতরে,
ধরুক আশারে দ্রোণ,
যুচে যাক এ কাল-সমর ।
গর্জে পুনঃ কৌরবীয় চমু ;
হাহাকারে ন দিছে
পাঞ্চাল পাণ্ডবগণ ;
প্রাণ মম আকুল নকুল,—
নাহি শুনি বৃকোদর-সিংহনাদ !
হের দূরে,
হাহা রবে কাঁদিছে সাপক্ষরথী !

জ্যেষ্ঠ অর্ষি, সাধি হে তোমায় পুনঃ,
অর্পি ত্রেণ-করে মোরে,
নির্বাণ করহ রণানল ।
নকুল । তিষ্ঠ মহারাজ ক্ষণ,
বিকল শরীর তব রিপুর প্রহারে ;
যাই রণে, তব অশীর্বাদে,—
অবাধে জিনিব সিদ্ধুরাজে,
তিষ্ঠ সাবধানে নরমণি !

(দূতের প্রবেশ)

দূত । হায় হায়, মজিল সকলি !
জয়দ্রথ করে ঘোর রণ ব্যূহমুখে,
প্রবেশিতে নারে কোন বীর ;
একা শিশু বিপক্ষ-মাঝারে !
অষ্টবার ভীমসেন অচেতন,—
নবম সমর—না জানি কি হয়,
সিদ্ধুরাজ দুর্গিবার আজি !
ধুষ্টদ্যুম্ন যুযুধান আদি
মহারথিগণ,
নিমুখিল রণে একা সিদ্ধুর কুমার !

[সকলের প্রস্থান]

দশম গর্ভাঙ্ক

ব্যূহ-মুখ

জয়দ্রথ ও সৈন্যগণ ।

জয় । দেখ চেয়ে
পাণ্ডবের দল, পলায় শৃগাল-সম !
চল ধাই পশ্চাতে তাহার,
ছারখার করি শ্রেণী ভেদি ;—
জয়লাভ হইবে এখনি ।

[সসৈন্তে জয়দ্রথের প্রস্থান]

(ভীম ও সহদেবের প্রবেশ)

ভীম । সহদেব,
সম্বর শিবিরে লহ পাণ্ডবের নাথে ।

[সহদেবের প্রস্থান]

ধিক্ ধিক্, ধিক্ বাহুবলে,
রক্ষিতে নারিহু শিশু !—
হে সৃঞ্জয়, পাঞ্চাল, পাণ্ডব !
একচাপে বেড়' সিদ্ধুহতে ;—
হায় হায়,
রণে পুনঃ পশিদ্ধাছে ধর্মরাজ !
হে নকুল, দেখ কি কৌতুক,
ক্ষিপ্ত শোকে পাণ্ডব-উত্তম,
বিকল অরিব ঘায় ;
শীঘ্র লও শিবির-ভিতরে ;—
উচাটন প্রাণ ছুই স্থানে,
কেমনে রাখিব বংশধরে ;
হা কৃষ্ণ, কি এই হেতু জনন আমার,
রোধে মোরে সিদ্ধুকুলাধম !
আরে আরে ভীক সেন দল,
কি লাগি মরণ-ভয়,
পলায়ে কি এড়াবে শমন ?
আরে আরে সৃঞ্জয়, পাঞ্চাল,
পৃষ্ঠে অরি করিবে প্রহার,
হেয় প্রাণ রাখি কিবা ফল,—
অপমান হ'তে মৃত্যু শ্রেয়ঃ !
চল রণে সাত্যকি ধীমান্,
দ্রুতপদে দ্রুপদ-তনয়,
অগ্রসর হও মৎসরাঙ্গ,
পাঞ্চাল-রাজন্—শিখণ্ডী সমরে শূর,
কোরব-গোরব নাশ' রণে ;
আক্রমণ কর সিদ্ধু-ঠাট,—
ঘূর্ণিবায়ু পশি যথা কানন-মাঝারে,
ভাঙ্গে মড়মড়ে তরুদলে,
চল প্রবল-প্রতাপে,
প্রবেশি বিপক্ষ-মাঝে,
পাড়ি অরি বীরবৃন্দ গিলি ।

[ভীমের প্রস্থান]

(সসৈন্তে নকুল ও সহদেবের প্রবেশ)

নকুল । ধাও বেগে,
এখনি পাড়িব ছার সিদ্ধুর নন্দনে ।

চতুর্থ অঙ্ক

—:০০:—

প্রথম গর্ভাঙ্ক

রণস্থল—ব্যূহচক্র

দ্রোণাচার্য্য ও অশ্বখামা

দ্রোণ । ধাও পুত্র, সমীরণ-বেগে—

কহ সিদ্ধুরাজে,
দৃঢ় অস্ত্রে রহে ব্যূহমুখে,
আগুবাড়ি নাহি দেয় রণ,
রহ সপক্ষে তাহার,
অহুক্ষণ সতর্ক প্রস্তুত,
প্রাণ উপেক্ষিয়া কর রণ,
নাহি দেহ প্রবেশিতে কারে ।

[অশ্বখামার প্রস্থান ।

পশিয়াছে বহি গৃহমাঝে,
দেখি যদি পারি নিবাইতে,
না হইতে ভস্মরাশি বাহিনী আমার ।
সিংহের শাবক যুঝে ফেরুপাল-মাঝে !
কুরুরাজে কেমনে রাখিব,—
অধীর অন্তর মম !
হের সূর্য্যের কুমার,
ভাঙ্গিল কটক শিশু রণে ।
কোন মতে রক্ষা কর ব্যূহ ;
নহে দলবল যায় তল আজি !
কুরুরাজ, পতঙ্গের প্রায়,
ঝম্প নাহি দেয় বহি-মাঝে,
উত্তরে ভাঙ্গিল ঠাট,—
রুপাচার্য্য রথী,
রণসঙ্কি রাখ সাবধানে !

(দুর্ঘ্যোধনের প্রবেশ)

দুর্ঘ্যো । কুলক্ষয় হ'ল আজি রণে,
পড়েছে কুমার ভাগ !

রথ-রথী পদাতি কুঞ্জর,
অর্কুদ অর্কুদ ঠাট,
পাড়িয়াছে একেলা বালক !
বারে তারে নাহি হেন জন !
হে আচার্য্য, যত যুক্তি ফুরাল সকল ;
হীনবল বাহিনী আমার,
নাহি রথী প্রবোধিতে একেলা বালকে ।

(অভিমত্যুর প্রবেশ)

অভি । বৃথা পলায়ন কুরুরাজ !
তাজ অস্ত্র, ভজ ধর্ম্মরাজে ।

দ্রোণ । রথিবৃন্দ,
রাখ প্রাণপণে কুরুরাজে ;
হে কর্ণ, হে রুপাচার্য্য বীর,
রাজার সঙ্কট হেথা !

অভি । বিফল এ যত্ন গুরু !—
শরজালে কে বাড়িবে আগু ?

দ্রোণ । পশ'—
ক্রতবেগে সৈন্য-মাঝে কুরুরাজ !

[দুর্ঘ্যোধনের প্রস্থান ।

নহিবে শক্তি মম,
বারিতে এ বালক দুর্জয় ।

[উভয়ের যুদ্ধ ও দ্রোণ অচেতন ।

(অশ্বখামার প্রবেশ)

অভি । ভাল,
পিতা-পুত্রে দেখাইব যম ।
(উভয়ের যুদ্ধ)

অশ্ব । (স্বগত) বিক্রমে কেশরী শিশু !
ধনু-মুষ্টি ধরিতে না পারি আর ।
(কর্ণের প্রবেশ)

অভি । হে রাধেয়,
বার বার পলাইয়া রাখ হেয় প্রাণ,
কুরুণে কুমতি,
দিলি কুমন্ত্রণা কুরুরাজে ;
দিব প্রাতিফল ক্ষত্রিয়-সমাজে তার !

[দ্রোণ ব্যতীত সকলের যুদ্ধ করিতে করিতে প্রস্থান ।

দ্রোণ । (চেতনা পাইয়া)

নাহি জানি কোথা কুরুরাজ,
কোটি কোটি মহা অস্ত্র দীপিছে আকাশে,
আমর্থ, সামর্থ,
ইন্দ্রজাল, ব্রহ্মজাল আদি—
রণে কেবা করে অবতার !
যুঝিতেছে অশ্বখামা ;
নাহি জানি কোথা দীক্ষা পাইল বালক,
নিবারিছে মহাঅস্ত্র যত,
পঞ্চানন যথা,
বারিলা গরল-তেজ সিন্ধুর মন্থনে !

দুঃশাসন । হে মাতুল, মুণ্ডে বাজ পড়ুক তোমার,
চন্দ্র-সম পুত্রগণ মম,
লোটায় ধরণীতলে ;
করহ উপায়,
নহে বিলম্ব নাহিক আর—
পুত্রে দেখা পাবে যমপুরে ।
হায় হায় !
পুত্র-শোকে আকুল কৌরব-শ্রেষ্ঠ
ধাইছে সংগ্রামে !

শকুনি । দুর্ঘোষন ! ক্ষমা দেহ রণে ।

[শকুনি ও দুঃশাসনের প্রস্থান ।

[প্রস্থান

(দ্রোণ ও দুর্ঘোষনের প্রবেশ)

সপ্তম অঙ্ক

দুঃশাসন ও শকুনি ।

দুঃশাসন । হে মাতুল, জীবন-সংশয় আজি রণে

দ্রোণ, কর্ণ, অশ্বখামা, রূপে—
এককালে পরাজিল ছরস্তু বালকে,
পলকে প্রহারে কোটি বাণ ;
আগুয়ান কে হয় সমরে !
যুঝিলাম এক চাপে শতভ্রাতা গিলি,
মুহূর্ত্তে নারিগু সহিতে রণ,
বংশ নাশ হ'ল আজি রণে,
হতাশ হ'তেছে প্রাণে,
ব্যুহ-মুখে না জানি কি হয় !
একা যুঝে জয়দ্রথ বীর,
নাহি অবসর,
প্রেরিতে পদাতি এক সহায়ে তাহার ;
ছলস্থল প্রলয় উদয়,
বুঝি ক্ষয় হইল সকলি ।

শকুনি । বংশ, পুত্রশোকে আকুল অস্তুর,
বংশের ছলল মম,
কোথা গেল ত্যজিয়ে আমারে ।

দুর্ঘোষ । হে আচার্য্য, নাহি বার' গোরে,
গম সৈন্তে নাহি যবে রথী,
রোধিতে সম্মুখ-অরি,—
কে যুঝিবে আমি না যুঝিলে ?
কেমনে পথিক-প্রায় দেখিব দাঁড়ায়,
পুত্র-পৌত্র ক্ষয় মম,—
যাক্ প্রাণ ঘুচুক জঞ্জাল ।
হের, মৃতপ্রায় অশ্বখামা,
পলায় সারথি ল'য়ে ;
নাহি জানি,
জীবিত কি মৃত রণে কর্ণ মহারথী ;
হে আচার্য্য, রূপাচার্য্য হ'লো নাশ !

[উভয়ের প্রস্থান ।

(অভিমত্যর প্রবেশ)

অভি । অস্ত্রহীন বিকল কটক,
প্রহারিতে নহে বিধি ;
কিন্তু কোন ভিতে নাহি হেরি পথ,
পঙ্গপাল বেড়েছে চৌদিকে ;
না পারি বুঝিতে,—
কোন্ পথে ক'রেছি প্রবেশ ।
কোন্ রথী উচ্চৈশ্বরে ফিরায় বাহিনী ?
আসে রণে কৌরব-ঈশ্বর,
যোগ্য বটে কুরু-অধিকারী ;

পুনঃ রথিবন্দ ধাইছে চৌদিকে,
 মার মার হবে সবে ;
 প্রাগ্-সৈন্য চালে প্রাগপতি,
 রাজার সাহায্য হেতু ;
 ভোজ ঠাট আসিছে পশ্চাতে, —
 কাটি পাড়ি উত্তরে বাহিনী ;
 অগণ্য রাজার সেনা,
 কোথা পথ পাইব উত্তরে !
 পশ্চিমে পাণ্ডব-দল ;
 কিন্তু পথ কোথা—না হেরি পশ্চিমে,
 যতদূর দৃষ্টির গমন,
 সৈন্য-সিন্ধু হেরি চারিদিক,
 ব্যোম-চক্রে মিশিয়াছে সেনা !

(ভগদত্তের প্রবেশ)

ভগ । হের মৃত্যু নিকট বালক !
 অভি । ভাল ভাল রাজার শত্রুর,
 সম্মানে কাটিব তব শির !

[যুদ্ধ করিতে করিতে উভয়ের প্রস্থান

তৃতীয় গর্ভাঙ্ক

যুদ্ধক্ষেত্র

দুর্যোধন ।

দুর্যোধন । হো হো, কৃতবর্মা বীর !
 আন হেথা আহ্বানি সত্বরে,
 মহারথিগণে ;—
 হায় হায়, কি হ'ল কি হ'ল,
 বালক সাক্ষাৎ যম ।
 কীট যথা আপন বন্ধনে,
 মরি বুঝি চক্রব্যূহ করি !
 ওহো,
 আখালি পাখালি বাড়ি মারে ভীমসেন,
 ব্যূহ-মুখে ;
 নিবারিতে নারে বা সৈন্যব ।

প্রাগেথর ! চালাও কুঞ্জর ব্যূহ-মুখে,
 অতিক্রম, অতিক্রম ধাও বীর ;—
 মহামার করে বৃকোদর,
 প্রায় অবসান সিন্ধুসেনা,
 ভীমের বিক্রমে ;—
 প্রাগ্-সৈন্য ল'য়ে রোধ পথ ।

(দুঃশাসনের প্রবেশ)

দুঃশাসন, কি হবে কি হবে ;
 বধিবে সবারে আজি অর্জুন-তনয় !
 পুনঃ পুনঃ,
 বেড়িলু বালকে শত ভাই মিলি,
 প্রাণ মাত্র অবশেষ,
 নাহি আর শক্তি ভুজে ধরিতে ধনুক,
 গদাভার লাগে গুরু ।

(সপ্তরথীর প্রবেশ)

হে গুরু !
 যদি প্রাণের সন্তাপে রোষবশে—
 কতু দোষ ক'রে থাকি পায়,
 ক্ষম সে সকল,
 সম্মান তোমার আগি ;
 ল'য়ে তব পদাশ্রয়,
 যায় যায় হয় বংশনাশ,
 ক্ষত্রিয়-সমাজ মজে রণে,
 আজি পতিহীনা হবে মহী ;
 জ্ঞান হয় ভৃগুরাম বালকের বেশে,
 পশিয়াছে বাহিনী-গাঝারে,
 পুনঃ ধরা নিঃক্ষত্রী করিতে !
 গুরু-পুত্র, কৃপাচার্য্য দেব,
 যে হয় করহ সবে,
 নহে,
 সবে মিলি বধ মোরে, ঘুচুক বিবাদ ;
 হের, রথ রথী নায়ক বাহক,
 পড়িতেছে কোটি কোটি চারিদিকে ;
 হের,
 ভিন্দিপাল, পট্টিশ, নারাচ

শেল, শক্তি, তোমর ভোমর, জাঠি,
দীপিতেছে নভস্থলে, —
প্রতিকূলে নাহি অস্ত্র আর ;
হের,
রক্তের প্রবাহ ধাইতেছে খরশ্রোতে,
ভাসে অশ্ব মাতঙ্গ বিমান ;
হের, মহাবায় কোথায় কাঁপায় ঠাট,
মহাবহি দহে সেনাগণে ;
জল-শ্রোত সমুদ্র-সমান,
ডুবায় কটকে কোথা,—
কোথা,
ভয়ঙ্কর অজগর বাঁধিছে বাহিনী ;
লক্ষ লক্ষ পর্বত চাপনে,
অনীকিনী ক্ষয় কোথা
ধূমকে তু সম,
ঝাঁকে ঝাঁকে ধাইছে চৌদিকে,
মহাঅস্ত্র কোটি কোটি ;
শুন সিংহনাদ মুহুমূহুঃ—
অবসাদ না জানে বালক !
হে সখা, হে মাতুল ধীমান,
হে আচার্য্য, রূপ মহাশয় !
কি উপায়ে বধিবে বালকে,
বুঝি যুক্তি কর সবে মিলি,
নহে প্রাণ ত্যজিব এখনি ;
না দেখিতে পারি আর বান্ধব-বিনাশ
ঘোর ভ্রাসে রাখ পদে, গুরুদেব !
দ্রোণ । হের মহারাজ,
সজারু-সমান অঙ্গ বাণে,
দাঁড়িয়ে র'য়েছি মাত্র শরাসন-ভরে,
হের,
মম সম অন্ত রথীগণে !
কর্ণ । ভাবি তাই,
নাহি দেয় চক্ষু পালটিতে,
আগুবাড়ি সাজায়ে স্তম্ভন,
খান খান হয় মুহূর্ত্তেকে,
অজ্ঞান লুটাই ভূমে পড়ি ।

পুনঃ পুনঃ করিহু যতন কত,
বিফল সকলি রণে ।
অশ্ব । যুদ্ধে আজি নাহিক নিস্তার ।
অবতার করিলাম মহা অস্ত্র যত,
হীনতেজ লোষ্ট্র-সম পড়িল ধরায় ;
শিশু নহে, শঙ্কর আপনি !
শকুনি । ডাকিলে কি মহারাজ,
প্রশংসিতে শিশুর বিক্রম ?
রূপ । উপায় বুঝিতে নারি কিছু ।
দুর্য্যো । তবে যাই রণে, বধুক বালকে ।
দুঃশা । কি করেন, কি করেন কুরুরাজ,
বহি-মাঝে পশি কেবা বাঁচে ;
পাষণ বাধিয়া পায় ডুবিলে পাথারে,
কে কোথায় পায় প্রাণ ?
দুর্য্যো । হায় ভ্রাতঃ !
অপমান নাহি সহে আর,
বালকে সংহারে সর্বসেনা ।
কি কাজে এ ছার প্রাণ ধরি,
বুঝি আজ সকলি ফুরায় !
দ্রোণ । দেখিতেছি সকলি দাঁড়ায়ে বৎস !
নিরুপায়ে কি উপায় করি ?
নাহি রথী এ তিন ভুবনে,
গ্নায়-যুদ্ধে জিনিবারে অভিমত্য বীরে ।
শকুনি । অগ্নায় সমরে তবে বধহ বালকে ।
দুর্য্যো । অগ্নায় সমরে যদি হয় রণজয়,
কর তবে অগ্নায় সমর,
সপ্তরথী বেড়ি মার ছরস্ত বালকে ।
রূপ । দুর্নীতি—এ মহারাজ !
দুর্য্যো । নীতি বা অনীতি—
বিচার আমার ভার,
বধ শিশু পার যে প্রকারে ।
দ্রোণ । মহারাজ ! এই পাপে মজিবে সকলি
দুর্য্যো । মজে সব এখনি সমরে ;
পাপ পুণ্য মম' পরে,
পাল বাক্য, রাখ বন্ধুগণে ;
মহাপাপ, দেখি যদি বাহিনী-বিনাশ,

উদাস হইয়া রণে ;
বধ শিশু যা হয় আমার ;
কি অরিষ্ট ভুঞ্জিল পাণ্ডব,
অন্ধ্যায় সমরে পাড়ি কুরুবংশ-চূড়া ?
পুনঃ কহি, বধহ বালকে ।

কর্ণ । শুন রথিবৃন্দ,
ইহা বিনা কি উপায় আছে আর ?
শকুনি । উচিত আশ্রিতজনে রক্ষিতে সর্বথা ।

[সপ্তরথীর প্রস্থান ।

(অভিমহ্যুর প্রবেশ)

অভি । মহা কোলাহলে,
ধাইতেছে সপ্তরথী বিপক্ষে আমার,
এককালে করিবে কি রণ !
নাহি ডরি,
মজ্জিবে মূঢ় নিজ মহাপাপে,
একেলা বধিব সপ্তরথী ।

(সপ্তরথীর প্রবেশ)

সকলে । বধ শিশু, বেড় চারিদিকে ।
অভি । রথিকুল-হেয় মূঢ় তোরা,
সাতজন পেয়ে এলে রণে
আর্জুনি না গণে তায় ;
প্রেরিব পতঙ্গ সম শমন-ভবনে,
নরকে রহিব চিরদিন ।
আরে আরে কুলাস্তারগণ,
অচেতন শতবার লুটায়েছ শির,
সম্মুখে আমার, তোমা সবাকার রণে ;
বীরপুত্র অভিমহ্যু বীর,
না মারিছ তীর আর,—
নহে এতক্ষণ থাকিত কি প্রাণ,
বেড়িতে কি সাত জনে ?

[যুদ্ধ করিতে করিতে প্রস্থান ।

(যুদ্ধ করিতে করিতে পুনঃ প্রবেশ)

অভি । উপরোধ নাহি কারো আর !
নিরস্ত্র কবচ হীন বাহন-বিহীন,

প্রহারিব সবে সম ;
না ছাড়িব হীনপ্রাণী বলি

[সকলের প্রস্থান

চতুর্থ গর্ভাঙ্ক

অস্তুরীক্ষ

রোহিণী ও গর্গমুনি ।

রোহিণী । হের মহাভাগ,
বুঝি মনোরথ না পুরিল মোর !
দর্পে যবে সপ্তরথী চালাইলা হয়,
শিশু বরাবরি রণে ;
হুঙ্কারে পুরিল গগন,
দিগ্‌হস্তী কাঁপিল শঙ্খের নাদে ;
উথলিল সাগরের জল,
বজ্রসম ধমুক টঙ্কারে ;
ঘন ঘন কাঁপিল মেদিনী,
রথগ্রাম-সঞ্চালনে ;
কোলাহলে নাদিল বাহিনী,
অস্ত্রজাল বেড়িল গগনে,
আধারিয়ে দশদিশি ;
পিলাক-টঙ্কার সম গর্জিল বিমানে,
মহা-অস্ত্র কোটি কোটি,
চরাচর কাঁপিল তরাসে ;
কিন্তু গ্রহ-জ্যোতি যথা রবিকরে,
আচম্বিতে নিভিল প্রভাব যত,
বীর-দাপ সকলি ফুরাল !
যথা তুঙ্গ আগ্নেয়-শিখর,
স্থির মহাবীর রণে ;
সায়ক-নিচয় এড়িতেছে চারিভিতে ;
যেন,
আধারে অস্তুর-তাপে গর্জিয়া ভূধর,
হুঙ্কারে ফুংকার ছাড়িছে,
ঋষময়ী ধাতু-প্রস্রবণ নভঃস্থলে,—
উজলিয়া দিশ-পাশ ;

যথা, পড়ে ধারা বিবিধ বরণ,
ভঙ্গি গ্রাম পল্লী প্রান্তর কানন,
অবিশ্রান্ত ঝড়িছে চৌদিকে.—
সর্পাকারে দীপ্যমানা রিপু-বিঘাতিনী,
বিমর্দিয়া চতুরঙ্গ অনীকিনী ;
থানা থানা পড়িছে কটক,
ফেনা উঠে রুধির-প্রবাহে ;
সপ্তরথী সাতবার ভঙ্গ দিল রণে !
হেথা, —
বৃহ-মুখে যুঝে ভীম অসীম-বিক্রম,
একক সৈন্যব,
কত আর রোধিবে তাহারে ?
হের,
রথ তুলি মারে রথোপরে,
অশ্ব অশ্ব-বিনাশন ;
কুঞ্জরে কুঞ্জর পাড়িয়াছে ভূমে ;
কেশরী দলিছে যথা কুরঙ্গের পালে ;
প্রাণপণে ভগদত্ত জয়দ্রথ মিলি,
বিন্দু অহুবিন্দু সাথে,
নারে নিবারিতে মহারণে ।
হের,
পর্কত-প্রমাণ গদা,
চালিতেছে শূর সন্মানে ;
গদার বাতাসে উড়ায় বারণ-ঠাট !
ধনু ধনু সিন্ধুর তনয়,
এতক্ষণ রোধে যোধে ;
পারে কি না পারে আর !
উত্তরে ত্রিগর্ত-গাঝে হের ধনঞ্জয়,
রিপুহর ভৈরব-মুরতি মায়ারথে,
দীপ্যমান দিনমণি যেন,
কিরীট ঝলিছে ভালে,
অগ্নিময় আঁখি,
দলদলে যুগল কুণ্ডল ;
শ্রীমধুসূদন,
চালিছেন শ্বেতাশ্ব বাহন চারি,
ঘোরনাদে ধাইছে বিমান চক্রাকারে ;

কতু আণ্ড, কতু পাছু,
কতু বা দক্ষিণে, কতু বামে,
অস্তরীক্ষে কতু,
কতু দেখি, কতু লুকি,
দেবের নির্মিত যান,
ধ্বজে গর্জে বীর হনুমান ;
ইন্দ্র-সম ইন্দ্রের নন্দন,
অবিশ্রাম হানিতেছে শর ;
বিশিখ-নিকর,
পক্ষ সম ঝাঁকে ঝাঁকে ধায় ;
দেখ, সপ্তরথী, স্তম্ভা সংহতি,
অস্থিমাত্র সার সবে,
প্রাণপণে নারে ফিরাইতে,
হৃদি-ভঙ্গ নারায়ণী-সেনা !
শুন,
নাহি সেই সিংহনাদ,
সত্রাসে শুনিল যাহা মগধ-ঈশ্বর,
যাদব-আহবে ঘোর ;
একমাত্র পাঞ্চজন্তু নিনাদে গভীর,
কম্পে ত্রাসে স্থাবর জঙ্গম !
রণ জিনি,
এখনি ফিরিবে রথী পুত্রের সহায়ে,
এ তিন ভুবনে,
প্রতিবাদী কে হবে সমরে ?
গর্গ । হে কল্যাণি !
বেলা মাত্র তৃতীয় প্রহর,
ষোড়শ বৎসর পূর্ণ দিবা-অবসানে ;
ইতিপূর্বে না পড়িবে শিশু ।
শুন স্নকেশিনি !
যুঝে বীর উত্তরার আয়ুত-প্রভাবে ।
দেখ, দেবদৃষ্টি দানে কুশোদরি,
একাকিনী,
নিমীলিত-নেত্রে সতী আরাধে শঙ্করে !
যাও ত্বরা গুণে,
ভঙ্গ কর উত্তরার ধ্যান ;
নিজ বর স্কুলি,

ভোলানাথ যদি বর দেন তারে,
প্রলয় ঘটিবে তাহে ;
পেয়ে পূজা বিশ্বনাথ,
আশীর্বাদ ক'রেছেন গর্ভস্থ কুমারে,
অন্তর্যোগী, বুঝিয়া মায়ের প্রাণ !
পবন-গমনে যাহ চলি,
বিঘ্ন-বিনাশন বিশ্বনাথে,
আরাধিতে নাহি দেহ আর ।

[উভয়ের প্রশ্নান ।

পঞ্চম গর্ভাঙ্ক

রগস্থল

অভিমহ্য ।

অভি । বিচক্ষণ সারথি সবার,
না হানিতে তীর, পলায় আরোহী ল'য়ে,
সাতবার সপ্তরথী হ'ল অচেতন,
বধিতে নারিছ কারে,
পুনঃ দেখি সপ্তধ্বজ দূরে,
নাহিক সহায় একজন ;
কোথা রাজা যুধিষ্ঠির,
ভীম আদি বীর,
অস্থির অন্তর মম স্মরিয়ে সবারে ;
পড়িল কি রণে সবে !
নহে কেন,
না হয় সহায় মম এ ঘোর সঙ্কটে !
একান্ত বিপক্ষ-হাতে নাহিক এড়ান ;
অপ্রমিত সৈন্ত চারিভিতে,
নাহি হেরি পথ কোনখানে,
ভাল, ত্যজি প্রাণ বীর-পুত্র সম ;
কোথা সে সারথি,
কোথা অস্ত্রপূর্ণ রথ তার ?
বুঝি,
কৌরব-পক্ষীয় কেহ কইল প্রতারণা,
সারথির বেশে ;

যে হয় সে হয় নাহি ডরি,
মারি অরি সম্মুখ-সমরে ।

[প্রশ্নান ।

(সপ্তরথীর প্রবেশ)

কর্ণ । গুন সবে বচন আগার,
এককালে কর আক্রমণ ;
কেহ কাট ধনু, তুণীর কেহ বা,
কবচ কাটহ কেহ,
কেহ অশ্ব রথ, কেহ বা সারথি,
ইহা বিনা না দেখি উপায় ;
বলবান্ অর্জুন-অধিক শিশু ।

(অভিমহ্যর প্রবেশ)

অভি । থাক থাক, দেখাই বিপাক সবে ।

[সপ্তরথীর সহিত যুদ্ধ করিতে করিতে প্রশ্নান ।

(ছর্যোধনের প্রবেশ)

ছর্যো । হের, বিরথী অর্জুন-স্বত,
পুনঃ অস্ত্র হান চারিভিতে ।

[ছর্যোধনের প্রশ্নান ।

(রথিগণ সহ অভিমহ্যর যুদ্ধ করিতে করিতে প্রবেশ)

অভি । ক্ষমা করু নাহি দিব রণে,
যতক্ষণ দেহে রহে প্রাণ ।

[সপ্তরথী সহ যুদ্ধ করিতে করিতে অভিমহ্যর প্রশ্নান ।

(ছর্যোধনের প্রবেশ)

ছর্যো । বেড় পুনঃ—বধহ বালকে ।

[প্রশ্নান ।

(অভিমহ্যর প্রবেশ)

অভি । নাহি অস্ত্র, ফুরাল ভাণ্ডার,
দণ্ড তুলি করি মহামার ;
এ সংবাদ শুনিলে জনক,
অবশ্য হইত আসি অনুকূল মম,
গোবিন্দ মাতুল-সনে ।

(সপ্তরথীর প্রবেশ ও অভিমহ্যকে আক্রমণ)

ছর্যো । অস্ত্রহীন,

তথাপি পাবক-সম বালক সংগ্রামে,—

নিবার হে অঙ্গ-অধীশ্বর !

[সপ্তরথী-সহ যুদ্ধ করিতে করিতে অভিমহ্যর প্রশ্নান

(অভিমুখ্য প্রবেশ)

কাটিল দণ্ড রাধেয় দুর্জন ;
মরিয়ে দেখাব দুর্ঘোষনে,
পাণ্ডব-মরণ-রীতি ;
পড়ে মনে মাতার রোদন,
উত্তরার বিরস বদন !
চক্র-ঘায় পাড়ি রথ-রথী ।

(সপ্তরথীর প্রবেশ)

কর্ণ । দানব-সমরে যথা দেব জগন্নাথ,
চক্রহাতে যুঝে মহাবীর !

[সপ্তরথী-সহ যুদ্ধ করিতে করিতে অভিমুখ্য প্রস্থান
দুর্ঘোষা । রথিবৃন্দ ! নাহি দেহ ক্ষমা,
হান অস্ত্র যতক্ষণ নাহি পড়ে শিশু,
ধন্য ধন্য গুরুপুত্র,
কবচ পেড়েছে কাটি !

[প্রস্থান

(কবচ-হীন অভিমুখ্য প্রবেশ)

অভি । পাই যদি অস্ত্র-পূর্ণ রথ একখান,
এখন' কৌরবে দেখাইতে পারি যম ;
দেগিতাম কি কৌশলে,
করিত বিরথী পুনঃ সপ্তকুলাঙ্গার ;—
রিক্ত হস্তে করিব সমর ।

(সপ্তরথীর প্রবেশ ও অভিমুখ্যকে আক্রমণ

ক্রমে তনু হ'তেছে অবশ ;—
কত অস্ত্র বরষিছে অরি ;—
বাজে গায় অগ্নি-শিখা সম ;
দেহ-ভার না পারে বহিতে পদ !

(পতন)

দ্রোণ । কেন আর অস্ত্রের বন্ধার ?
উড়িয়াছে কলঙ্ক-পতাকা,
প'ড়েছে বালক রণে !

(দুষণের প্রবেশ)

দুষণ । ঘুচেছে কি অহঙ্কার তোর ?
যাও—যাও যমপুরে !

(গদাঘাত করণ)

অভি । ওঃ—

এখন' নিবৃত্ত নহে অরি !

দ্রোণ । রহ—রহ দুঃশাসন-স্বত,
নাহি ভয়,
অতল সলিলে বাষ্প দিয়াছে মৈনাক,—
উঠিবে না পুনঃ আর !

[সকলের প্রস্থান ।

অভি । বুঝি আসন্ন সময় !

আর নাহি হইবে চেতন,

আর নাহি করিব সমর ।

ছিল সাধ দেখিব জনকে,

মাধব মাতুল সহ,

রণ জিনি ফিরিয়ে শিবিরে ।

ছিল সাধ,

জননী পদধূলি লইব আবার,

উত্তরারে সঙ্ঘাষিব হাসি ;—

খেদ নাহি তায়,

পড়িয়াছি বীরের শয্যায় ;

কিন্তু, নিঃসহায় পড়িছু অন্ডায় রণে ।

ধনঞ্জয় পিতা মম—

নিবাতকবচ-জয়ী ;

মাতুল অনাথবন্ধু শ্রীমধুসূদন ;

হে পাণ্ডব-সগা, দেহ দেখা এ সময় ;—

হরি !

তনু—যায় রাজা পায়

অনাথে হে দেহ স্থান,

প্রাণ যায়—যায় ফিরে চায়,

মোহে ছ'নয়নে বহে বারি,

তার' নিজগুণে চক্রধারি ;

কাণ্ডারি ! অকূলে কর পার ;

রমাপতি, দেহ দিব্য জ্যোতিঃ,

দূরে যাক্ সংসার-আঁধার—

মায়া-ফেরে অবোধ বালক ;

হে গোলক-পুলক প্রভু !

দেখাইয়া চল পথ,

মরি মরি, কোথা সারথির সাজ হরি !

বাঁকা শিখি-পাখা,
 ত্রিভঙ্গিমঠাম বনমালি ?
 পীতাম্বর, মধুর অধরে বাঁশী ;—
 বাঁশী, রাধানামে মাতোয়ারা,
 রাধা রাধা সদা বলে !
 প্রেমময়ী প্রেমের প্রতিমা,
 ত্রিভঙ্গভঙ্গিনী,
 কে রমণী বামে তব ;—
 ক্ষীরোদ-মোহিনীরূপে—
 ঢালিছে প্রেমের ধারা !
 প্রেমের লহরে, পরাগ নাচায়,
 পরাগ গলায় হায় !
 যাই সখা, চিনেছি তোমারে ;—
 রণ অবসান ;—
 হাসি-মুখে চল যাই চক্রলোকে !

(মৃত্যু)

পঞ্চম অঙ্ক

—:~:—

প্রথম গর্তাঙ্ক

শিবির সম্মুখস্থ পথ

শ্রীকৃষ্ণ ও অর্জুন ।

অর্জুন । চমৎকার ! গাণ্ডীব লাগিল ভার গুরু,
 টলিলাম রথের গমনে,
 কর পদ কাঁপিল জঘন ;
 উচাটন অন্তমন রণে ,
 ছিলাম সমরে মাত্র রথাবলম্বনে,
 লক্ষ্যহীন—চলিল কর অভ্যাস-কুশলে ।
 বিকল অন্তর,
 অমঙ্গল ঘটেছে নিশ্চয় ;
 নহে, যে হৃদয় কাঁপে নাই কভু,
 মহা অস্ত্র-দীপ্তি হেরি,
 চাহে কাঁদিবারে উভরায়,
 হীনমতি বালিকা যেমতি ।
 ঘোর কলরব—
 বিজয়-হলহলা শুন কোরবের দলে,
 দস্তে বাজে দামামা দগড়া ;
 অঙ্ককার পাণ্ডব-শিবির,
 নাহি রব, প্রাণিশূণ্য যেন ;
 চল দ্রুতপদে যতুবীর !

শ্রীকৃষ্ণ । স্থির হও সখে !

সন্দ নাহি অমঙ্গল ঘটেছে নিশ্চয় ;
 অস্ত্র ক'র না বৃদ্ধি হইয়ে উতলা,
 বাঁধ বুক উচ্চ দুঃখ হেতু,
 ছোট কাজে নহে কভু নীরব পাণ্ডব ।
 (দূরে জয়ধ্বনি ও বাজ)

ওহো ! মহানন্দ কোরব-শিবিরে ।
 ধরেছে কি যুদ্ধিরে ?

বৃকোদর ভ্রাতা পুত্র বান্ধব সংহতি,
প'ড়েছে কি মহারণে ?
নহে,
কি হেতু না গর্জে ভীম কৌরব-উল্লাসে ।
বিপদ কর না বৃদ্ধি বীর ;
কি বুঝাব হে সখা তোমায়,
বিপদ-শৃঙ্খল বাড়ে অধীরতা হেতু ।

[উভয়ের প্রশ্নান ।

দ্বিতীয় গর্ভাক্ষ

শিবিরাত্যস্তর

যুধিষ্ঠির, ভীম, নকুল, সহদেব, ধৃষ্টদ্যুম্ন, সাত্যকি প্রভৃতি
যুধি । হায় ভীম,
কুরুগে হইলু আমি পাণ্ডব-প্রধান ।
ভগবান, এই কি হে লিখেছিলে ভালে,
পৃথিবী করিলু পতিহীনা ।
ভ্রাতা ভ্রাতুরোধী, পিতাপুত্রে বাদী,
গৃহভেদী কালরণে,
আজি যারে হেরি, কালি না নেহারি,
নিভে একে একে,
নিশা-অস্ত্রে দীপমালা সম ।
পালে পাল কুকুর শৃগাল,
ভূপাল-কপাল ল'য়ে খেলে ।
নীর সম রুধির বহিয়ে,
নিত্য আর্দ্রে মহীতল ;
ব্যোমচর উড়ে ঝাঁকে ঝাঁকে,
মাংসাহারী রাছ সম পড়ে ছায়া ;
মহারোল চঞ্চুধনি নীরব নিশীথে,
কৈদে যেন ভ্রমিছে পুষ্করা,
মহামারী সহচরী ;
আমা-হেতু এ সংহার-ক্রিয়া !
বন্ধ করি জালিলু অনল,
দিহু ডালি বংশধরে হস্ত-পদ বাধি,

হায় হায় স্তভদ্রার অঞ্চলের নিধি !
কি কব, যবে সূধাবে উত্তরাবধু,—
“কোথা ধর্মরাজ, পতি মম ?
বালিকা গো আমি,
কোথা মম বাল্যক্রীড়া-সার্থী ?”
কি ব'লে বুঝাব,
কেমনে হায় অর্জুনে দেখাব মুখ ?
কি কহিবে শ্রীমধুসূদন,
শুনি, হত প্রিয় ভাগিনের তাঁর,
মম রাজ্য-লোভে,
মম ছারপ্রাণ রক্ষা হেতু !
আহা ! মরে পুত্র অন্মায় সমরে,
আশ্বাসে বিশ্বাস করি ।
হীনবীর্ঘ্য ক্ষত্রিয় অধম আমি ;
নহে, ত্যজি গাভী-বৎস ব্যাত্র-মুখে,
না যাইলু রাখিতে তাহারে !

ধৃষ্ট । শুন গভীর রথের নাদ,
আসিতেছে ধনঞ্জয় ।
সাত্যকি । কেমনে—অর্জুনে দেখাব মুখ !
ভীম । ওহো !

(অর্জুনের প্রবেশ)

অর্জুন । হের হে কেশব !
শব-সম নীরব সকলে অন্ধকারে !
ওহো বৃকোদর ! কি হেতু নীরব তুমি ?
কেন না সূধাও ভাই, রণের বারতা ?
বীরভাগ ! কেহ দেহ উত্তর আমারে—
কোথা মম অভিমত্ব্য বীর ?
অভিমত্ব্য,—
জীও যদি দেহ রে উত্তর,
কাতর পরাণ মম !
ধৃষ্ট । হে অর্জুন, গেছে পাখী
পিঞ্জর ভাঙ্গিয়া !
অভিমত্ব্য-মৃত্যু-কথা কহিব কেমনে ;
অন্মায় সমরে কুরু বধিল বালকে,
বৃহমাবো সপ্তরথি-কুলাধমে মিলি !

অর্জু সৈন্য নাশিয়া সংগ্রামে,
 প্রসন্ন কিংগুক সম প'ড়েছে কুমার,
 চন্দ্রবংশে চন্দ্র-অবতার,
 শয়্যা রচি অরি-শবে শূর !
 অর্জুন । হে কেশব ! হে কেশব !
 শ্রীকৃষ্ণ । ক্ষত্রিয়-উত্তম !
 সত্য, শূলসম পুত্র-শোক !—
 কিন্তু বজ্রসম ক্ষত্রিয়-হৃদয় ;
 বীরবীর্য্য প্রকাশি সমরে,
 বীরের বাহ্নিত মৃত্যু ল'ভেছে কুমার,
 ক্ষত্র-পিতা, অধিক কি চাহ আর ?
 অর্জুন । হে পাণ্ডব-সখা,
 ধন্য ধন্য তুমি যদুবীর ।
 কেমনে আমি বুঝিব মহিমা তব ;
 পরশ-পরশে লৌহ কাঞ্চন-মুরতি,
 ধরে তরু চন্দন-সৌরভ—
 মলয়ের সহবাসে,
 দেখি,
 পারি যদি, হে আদর্শ নরদেহধারি,
 অনুগামী হইতে তোমার ।
 ওহে রূপা-সিন্ধু, পাণ্ডব-বান্ধব,
 ত্রাণকারী ভবান্ধবে !—
 গুরু তুমি, শিক্ষাদাতা এ পরীক্ষা-স্থলে ।
 যুধি । করিল প্রতিজ্ঞা দ্রোণ ধরিতে আমায় ;
 পশিল সমরে,
 দলবলে চক্রব্যূহ করি ;
 নিবারিতে নারিল কোঁরবে,
 ভীম আদি যোদ্ধা মিলি ;
 চক্র-ব্যূহ দুর্ভেদ্য সাজন ।
 মত্ত রাজ্যলোভে
 কহিছ বালকে ভেদিতে দুর্গম-ব্যূহ ;
 করি মহামার বীর-অবতার,
 প'ড়েছে সম্মুখ-রণে,—
 দ্রোণ আদি সপ্তরথী অন্তায় সমরে
 বধিয়াছে পাণ্ডু-কুলোজ্জ্বলে ।
 ভীম । হে অর্জুন ! ভীম বলি ডাক বার বার,

কোথা ভীম, কে দিবে উত্তর !
 ধিক্ ধিক্—
 নহি ভীম, নহি—নহি কুন্তীর কুমার,
 কুলান্ধার ক্ষত্রিয়-অধম আমি !
 হায় ! রণে যবে বেড়িল বালকে—
 সপ্তনরাধমে মিলি ;
 না জানি বালক কত চাহিল পশ্চাতে—
 বিপক্ষ বাহিনী-মাঝে বিপাকে পড়িয়া !
 যবে পীড়িত অরির বাণে,
 অবশ্য ডাকিল পুত্র জ্যেষ্ঠতাত বলি,—
 কিংবা বৃথা খেদ করি আমি,
 বীর-পুত্র-রথি-কুল চূড়া,
 কভু যুঝে নাই,
 মম সম হীনবল-মুখ চাহি ।
 হা কৃষ্ণ ! কি কব হে তোমারে—
 ভগ্নব্যূহ নারিছ ভেদিতে,
 জয়দ্রথ রোধিল সবারে ।
 অবশ্য দেবতা কেহ হইল সহায়,
 নহে ছার জয়দ্রথ
 পদাঘাত করিয়াছি মুখে,
 যমোপম রথিবৃন্দে
 বারিল সমরে একা !
 অর্জুন । কহ দেব, অস্তুত কখন !—
 রোধিল তোমারে ছার সিন্ধুর কুমার ?
 ভীম । হে অর্জুন ! ধরি দেহ
 প্রতিবিধিৎসার হেতু ।
 নহে তীক্ষ্ণ খড়্গে ছেদি বাহুদ্বয়,
 ফেলিতাম জলন্ত অনলে,—
 ছুরিকায় ছেদি জিহ্বা দিতাম কুকুরে,
 বীর গর্ষ না করিত কভু আর ;
 রহিতাম,
 শৃগাল-কুকুর-ভক্ষ্য শ্মশানের মাঝে,
 অনলে না ত্যজিলাম তনু,—
 স্পর্শে মম পাবক অশুচি !
 সিন্ধুকুল-নরাধম রোধিল আমারে !
 চ'ক্ষের নিমিষে ব্যূহ ভেদিল কুমার,

হাহাকার উঠিল কোঁরব-দলে,
ধাইলাম পাছে পাছে তার,—
ঘোর যুদ্ধ হইল ব্যাহমুখে ;
প্রাণ উপেক্ষিয়া,
পুনঃ পুনঃ সবে মিলি দিলু হানা ;
নারিহু ভেদিতে ব্যাহ,
আক্রমিহু কভু বা দক্ষিণে, কভু বামে,
কোন মতে নারিহু বুঝিতে,
মহাসৈন্য-সমাবেশ ;
যথা যাই তথা জয়দ্রথ—কামরূপী—
শত শত পাড়িলাম চারিভিতে,
আঘাতিতে নারিহু পামরে ।

। হে মাধব !
মরে পুত্র জয়দ্রথ-হেতু,
কালি তারে বধিব সমরে,
অস্ত না হইতে ভানু !
শুন শুন বীরভাগ ! প্রতিজ্ঞা আমার,
কি ছার কোঁরব-ঠাট,
রাখিবারে পুত্র-ঘাতী মুঢ়ে,
যত্ন যদি করে তারকারি
অসুরারি দলে বলে ;
যক্ষ-সৈন্যে গদাধর বক্ষনাথ ;
যত্ন করে,
ভূচর, খেচর, গন্ধর্ক, কিম্বর ;
দিকপাল, অষ্টবসু সহ—
যত্ন করে,
রাক্ষস, খোক্ষস, পিশাচ, দানব,
বেতাল, ভৈরব রণে ;—
এককালে যত্ন যদি করে তিনপুর,
নারিবে রক্ষিতে সিদ্ধকুল-নরাধমে ।
এক বাণে কাটিব তাহার শির ;
ধরি বাণ পুনঃ পুনঃ কহিব গর্জিয়ে
সমূহ অরির মাঝে,—
দেখ দেখ বধি সিদ্ধসুতে ;
কে ক'রেছ মাতৃসুগ পান,
রক্ষা কর আসি হেথা ।

ফিরিবে না রিপু-বিঘাতিনী,
মহেশের শূলাঘাতে,
পাশ-দণ্ড নারিবে বারিতে মহাশর ;
অস্ত্রের প্রভাবে মহাঅস্ত্র যত,
তৃণ হেন হবে ভস্মরাশি,
পশুবৎ ছেদিব অরাতি-শির ;
না করিব দ্বিতীয় সঙ্কান,
কহি অস্ত্র স্পর্শ করি ।
কিন্তু,
শক্তিধর যদি কেহ থাকে কোন স্থানে,
রথীন্দ্র সমাজে পূজ্য, রাখে জয়দ্রথে,
ধনু-অস্ত্র না ধরিব আর,
মুক্তকণ্ঠে কহিব ক্ষত্রিয়-মাঝে,—
ক্ষত্র-ক্ষেত্রে জন্ম নহে মম ;
না হ'ল, না হ'বে কভু পিতৃলোক-গতি ;
অগ্নিকুণ্ড কাটি নিজ হাতে,
নিজ হাতে পঞ্চচূলে সাজি,
প্রবেশিব বহ্নি-মাঝে
পুনঃ কহি,
বীর কার্য দেখাইব কালি,
রুধিরে ডুবাব ক্ষিতি,
প্রেতাঙ্গার তৃপ্তি হেতু তার ।
ওহো ! নিঃসহায় প'ড়েছে বালক
মৃত্যুকালে,
অবশ্য ডেকেছে মোরে কুমার আমার ।
হায় হায়, ফেটে যায় বুক,
অভিমত হত রণে ।
তিন লোক কাঁপিত রে বাণে তোর,
ভীষ্মদেব পরাভূত তোর রণে,
হা হা পুত্র ! কোথা গেছ আমায় ত্যজিয়ে ?
কি ক'ব মায়েরে তোর,
কি কহিব গর্ভবতী উত্তরারে,
কহ মোরে শ্রীমধুসূদন ?
শ্রীকৃষ্ণ ! ধনঞ্জয়, হ'ও না অধীর ।
হের,
রাজা যুধিষ্ঠির আকুল আক্ষেপে তব,

ত্রিমাণ আত্মীয় সকল ;

শুন—

বিজয়-ছন্দুতি বাজে কৌরব-শিবিরে,

উল্লাসে নাচিছে অরিন্দল,

হীনবল হইবে বাহিনী তব,

কর নিজ তেজে উত্তেজনা সবে ।

ধনঞ্জয়, শক্তি তব সহিবার হেতু,

ধৈর্য্য মাত্র মহত্ব-লক্ষণ ।

হে ভীম, হে ধৃষ্টদ্যুম্ন, হে বীর-সমাজ,

নাহি কি হে মহাকাব্য প্রাতে ?

নাহি কি হে প্রতিবিধিৎসার তার ?

মারি ছুঙ্কপোষ্যশিশু অগ্রায় সমরে,

গর্জে অরি অহঙ্কারে !

ভীম । শুন শুন বীরভাগ, প্রতিজ্ঞা আমার,

কালি যদি সঙ্ঘ্যার গগনে,

কুরুকুল-কুলবধু রোদনের রোল,

নাহি উঠে আজিকার জয়োল্লাস-সম ;

গদামুষ্টি না ধরিব আর,—

অগ্নিকুণ্ডে ত্যজিব এ পাপ-দেহ ।

সকলে । কুরুবংশ-ধ্বংস কালি রণে ।

শ্রীকৃষ্ণ । যাও সবে যে যার শিবিরে,

পূজ নিজ নিজ ইষ্টদেবে বল হেতু ;

কালি প্রাতে রুধিরের ক্রিয়া ।

না হও চঞ্চল ধর্ম্মরাজ,

নিয়তি রোধিতে নারে কেহ ;

বীরধর্ম্মে পড়িল কুমার,

কি দোষ তোমার রাজা ;

বংশ তব পুরিল গৌরবে,

অভিমন্যু-পরাক্রমে ।

যুধি । ওহে অন্তর্ধামি !

তোমা বিনা কে বুঝিবে মর্ম্মব্যথা ।

মুখ চাহি কহিল কুমার মোরে,

‘নাহি জানি নির্গম কেমন ।’

তথাপি প্রেরিছ রণে ,

তাই প্রাণ বাধিতে না পারি, হরি !

অর্জুন । হে পাণ্ডবনাথ,

অধীর হইলে দেব, কে রহিবে স্থির ?

পাণ্ডবের মাঝে, ধর্ম্মজ্ঞানে ধর্ম্মরাজ তুমি,

গতজীব-হেতু শোক কর কি কারণ ?

বিধির নিয়ম খণ্ডন না হয় প্রভু !

যুধি । হা পুত্র ! হা বংশধর মম !

[কৃষ্ণ ও অর্জুন ব্যতীত সকলের প্রশ্নান ।

শ্রীকৃষ্ণ । বামা-কণ্ঠ-রোল শুন বীর ধনঞ্জয় ।

কাঠিন কর্তব্য এবে সম্মুখে তোমার ।

(স্তভদ্রা ও উত্তরার প্রবেশ)

স্তভদ্রা । শুন মা আমার, হও স্থির ,

গর্ভে তব অভিমন্যু-সুত ।

উত্তরা । কহ তাত, কহ বাসুদেব,

কেন হর অর্ঘ্য নাহি নিল,

কি দোষে ভুলিল ভোলা ?

ধরিতে না পারি প্রাণ, তাত,

পূর্ব্বজন্মে ছিছ গো রাক্ষসী,

নিশ্বাসে হইল ভস্ম প্রাণনাথ মম,—

বালা-হৃদি-মঞ্জুরী-বিকাশ ।

কিস্ত হে মধুসূদন !

খেদ নাহি তায় মম,

শুনেছি সর্ব্বজ্ঞ তুমি,

বল মোরে কেন ভাণ্ডাইলা ভূতনাথ ?

ভাণ্ডাইবে যদি, কেন দিলা হেন পতি,

কাদাইতে বালিকারে ?

কহ,

দেবদেবে কে পূজিবে ভবে আর ?

হে গাণ্ডীব-ধারী !

ভাবি তাই কি ছার কপাল ধরি !

বিশ্বজয়ী মহারথী তুমি,

তব পুত্রে বধিল কৌরবে,

বরাহে যেমতি,

বেড়ি মারে কিরাতে দল !

হয় মনে, সকলি তোমার চক্র,

ওহে চক্রধারি !

হে পাণ্ডব-সখা !

কাদায়েছ সব্বারে সংসারে,
 কাদায়েছ যথা গেছ তুমি ;—
 কাদায়ে বহুদেব-দেবকীরে,
 নন্দালয়ে গেলে হরি,
 খেলিলে পাঁচনী ল'য়ে রাখালের সনে,
 মাতালে গোপিনী-প্রাণ বাজায় বীশরী ;
 পুনঃ হরি ব্রজ পরিহরি,
 চড়িলে অক্রুর রথে,
 কাদিল নন্দ, কাদিল যশোদা,
 গোপাল গোপাল ব'লে,
 রাখাল বালক আকুল হইল কৈদে,
 কাদিল গোপিনী,
 অনাথিনী কাদিলা রাধিকা ;
 মাতুলে সংহারি কাদাইলে মাতৃকুলে ;
 এবে হরি পাণ্ডবের রথে
 তাই বুঝি,
 পথে পথে কাদে বীরকুলনারী যত ।
 দয়াময় কে বলে তোমাকে ?
 বালিকার বুকে হানিলা এ শক্তিশেল !
 স্তম্ভদ্রা । ভাবি মনে কোন মায়াবলে,
 আছিল আচ্ছন্ন রথিকুল ।
 দেখেছি সারথি হ'য়ে,
 পাণ্ডবের পরাক্রম রণে ;
 এ হেন পাণ্ডব-পুত্রে নাশিল কৌরবে !
 সিংহ-শিশু বিনাশিল,
 সিংহের সম্মুখে ফেরুপাল মিলি ;
 জানিলাম দৈব বলবান্ ।
 অর্জুন । না দহ অন্তর ভদ্রা, না দহ অন্তর,
 আছি স্থির—প্রতিহিংসা-হেতু !
 শ্রীকৃষ্ণ । ত্যজ শোক স্তম্ভদ্রা ভগিনি,
 হের পুত্রশোকে বিকল বীরেন্দ্র আজি ।
 গৃহিণী তুমি,
 কর যতনে স্বামীর সেবা,

ভুলাইতে শোক ।
 তমালে লতিকা যথা বাঁধে,
 পতি-পত্নী বন্ধন তেমতি ;
 বিকাশে লতিকা সুন্দর তরুর ভরে ;
 কিন্তু যবে ঘোরবাতে কাঁপে তরু,
 বাঁধে তরুবরে লতা দৃঢ়তর বাঁধে,
 মরে তরু সনে একই মরণে !
 চেয়ে দেখ পুত্রবধু তব,
 বালিকা বিবশা পতি-শোকে,—
 গর্ভে তার পাণ্ডব-সন্তান,
 কাদিতে কি পাবে না গো দিন ?
 হে বৎসে উত্তরে !
 দেব-নিন্দা নাহি কর কভু ;
 দোষ' নিজভাগ্যে গুণবতি ।
 অবশ্য কল্যাণি,
 ঘটেছে ব্যাঘাত অর্ঘ্য দিতে ।
 স'ন্দচিত্তে অর্ঘ্য দিলে নাহি লন হর,
 সন্দেহ বিষম বিষ দেব-আরাধনে ।
 যা হবার হইয়াছে গুণবতি,
 গর্ভে তব অভিমত-বংশধর,
 শোকে তাপে ভুল না কর্তব্য সতি !
 যাও ফিরি গৃহে পাণ্ডবের বধু,
 প্রাতে রণ—কর গিয়ে মঙ্গল অর্চনা ;
 চল,
 বহু কার্য্য সম্মুখে তোমার ।
 অর্জুন । অধীর হৃদয়, দেব, উত্তরার তরে ।
 শ্রীকৃষ্ণ । সে সময় নহে মতিমান,
 বুঝ নাই—শঙ্কর বিমুখ !
 রুদ্র-তেজ বিনা ভীমসেনে.
 কে জিনে সম্মুখ-রণে ?
 চল যাই কৈলাস-শিখরে,
 আশুতোষে তুষিবারে ;
 আছে ভার প্রতিজ্ঞা-পালনে !

প্রহ্লাদ-চরিত্র



(পৌরাণিক নাটক)

[৮ই অগ্রহায়ণ, ১২৯১ সাল, ষ্টার থিয়েটারে প্রথম অভিনীত]



নাট্যোল্লিখিত ব্যক্তিগণ

পুরুষ ।

স্ত্রী ।

হিরণ্যকশিপু

দৈত্যরাজ ।

কয়্যাদু

রাণী

প্রহ্লাদ

ঐ পুত্র ।

দেবীগণ, গোলক-সখীগণ ইত্যাদি ।

যশ ও

গুরুমহাশয়দ্বয় ।

অমার্ক }

শ্রীকৃষ্ণ, নারদ, নৃসিংহ-অবতার, মন্ত্রী, সেনাপতি, দূত, রক্ষীগণ,
বালকগণ, গোলোক-সখাগণ, দেবগণ ইত্যাদি ।

প্রথম অঙ্ক

—:০০:—

প্রথম গর্ভাঙ্ক

রাজসভা ।

(হিরণ্যকশিপু ও মন্ত্রীর প্রবেশ)

হিরণ্য । অযোগ্য সকলি,

বুঝিলাম দৈত্যকূলে নাহি হেন চর,

রাজ-আজ্ঞা করে যে পালন ;

বধযোগ্য হবে ।

মন্ত্রী । মহারাজ ! দূতগণ নহে অপরাধী,

স্বর্গ, মর্ত্য, রসাতল করিল ভ্রমণ,

জল স্থল মেরুশির গভীর কন্দর

অন্বেষিল জনে জনে,

কিন্তু দৈত্যকূলেখরে কেহ না দেখিল,

পুনঃ দাস প্রেরিহু সূদক্ষ দূতগণ,

সবে সৃষ্টি করি অতিক্রম

তমোগর্ভে কৈল অন্বেষণ,

বৃথা পরিশ্রম—নিদর্শন না পাইল ,

মৃতপ্রায় ফিরিয়ে আইল হবে ।

হিরণ্য । অকর্ণ্য ভীক দূতগণ !

(দূতের প্রবেশ)

দূত । মহারাজ,

এসেছে নারদ ঋষি রাজ-দরশনে ।

হিরণ্য । আনহ সভায় ।

[দূতের প্রস্থান ।

এই ঋষি ভ্রমে নানাস্থলে,

জানে কি এ ভ্রাতার সন্ধান ?

(নারদের প্রবেশ)

কহ ঋষি, কোথা হ'তে আগমন ?

নারদ । হরগৌরী করিয়া প্রণাম,

আসিয়াছি রাজদরশনে ।

হিরণ্য । জান তুমি,

বিশ্বজয়ী ভ্রাতা মম করিল পয়াণ,

হরিসহ করিতে সংগ্রাম,

তদবধি তবু তার নাহি আর ।

দৈত্যদূত গেল দশদিকে,

মৃতপ্রায় একে একে সকলি ফিরিছে,

ভ্রাতার সন্ধান আনিতে নারিল কেহ ।

নারদ । মহারাজ !

ভয় হয় অমঙ্গল-বার্তা দিতে,

বিশ্বপ্রান্তে গদা-করে হেরিলাম শূরে,

হরি করে অশ্বেষণ,

দৈত্য-ডরে ধরি হরি বরাহ-শরীর,

নীল-গর্ভে ছিল লুকাইয়ে,

কহিলাম বিবরণ হিরণ্যাক্ষ বীরে ।

ক্রোধে দৈত্যেশ্বর,

দৃঢ় করে ধরি গদাবর,

অনন্ত সলিল-সুস্ত ভেদি বাহুবলে,

বরাহে করিলা আক্রমণ ;

দৈববিড়ম্বনা,

রণে দৈত্যরাজ পরাজয় ।

হিরণ্য । সাজ সাজ ! কে আছে কোথায়,

ভ্রাতার প্রেতাত্মা-তৃপ্তি

করিব বরাহ-মেধে ।

সকলে । সাজ, সাজ !

নারদ । মহারাজ ! কোথা তাঁর পাবে দরশন,

জলগর্ভে নাহিক বরাহ আর,

প্রাণভয়ে পলাইয়ে গেছে কোথা ।

হিরণ্য । পলায়েছে, কোথা পলাইবে ?

বিশ্ব খুঁজে বধিব তাহারে ।

হা, বিশ্বজয়ী ভ্রাতা মম !

মন্ত্রী । মহারাজ, কেবা রবে রাজ্যের রক্ষণে,

দৃষ্ট দেবগণে

রাজ-অদর্শনে যদি করে আক্রমণ ?

হিরণ্য । দেবগণে বধি জনে জনে,

যাব আমি হরির সন্ধান,

কেবা সেই হরি,

ঘন্দ করে আমা সবা সনে ।

নারদ । মহারাজ, ধর্মহিংসা বিনা

হরির না পাবে দরশন,

কামরূপী বরাহ দুর্জয়,

হিরণ্যাক্ষ ঋষি বলে পরাজয়,

কৌশলে করহ তাঁরে বধ ।

হিরণ্য । কহ ঋষি,

কি কৌশলে দেখা পাব তার ?

নারদ । মমতাবিহীন সেই হরি,

কিন্তু ভক্ত তাঁর প্রাণাধিক ;

ত্রিভুবন কর অশ্বেষণ,

হরিভক্ত যথা যেই জন,

পীড়ন করহ তারে,

ভক্তের রক্ষণে আপনি আসিবে হরি,

বিনাক্রেশে বধ কর তাঁরে ।

হিরণ্য । মন্ত্রি, অযোগ্য এ দৈত্যকুল,

অযোগ্য সকলে, অযোগ্য

এ দৈত্য-সিংহাসনে আমি,

নহে অশুরারি-হরি-ভক্ত আছে ত্রিভুবনে ?

ভ্রাতৃহত্যা-হরি-পূজা হয় অধিকারে ?

যাও মন্ত্রি, যতপি মমতা থাকে প্রাণে,—

নহে দৈত্যকুল নিজহস্তে করিব নিশ্চল ।

হা ভ্রাতঃ ! শতাবধিক বীর্যে মম,

তব অরি পূজা পায় দৈত্য-অধিকায়ে ?
 হে অশান্ত আত্মা, শাস্ত হও, শাস্ত হও,
 তুলি ভুজু কহি সভাগায়ে,
 প্রতিশোধ, প্রতিশোধ, প্রতিশোধ !
 হায়, নহে অরি সম্মুখীন !
 মন্ত্রী । পদপ্রান্তে চির-নিপতিত দাস ;
 মহারাজ, কহি সত্য ভাষ,
 কেবা মৃত্যু ক'রে আশ,—
 হরিপূজা করিবে সংসারে ?
 দৈত্যচর ফিরে ঘর ঘর,
 দেব নাগ নর—
 সবে মানে দৈত্যের শাসন ।
 মহাবীর হিরণ্যাক্ষ করি অশ্বেষণ,
 দূতগণ কৈল পর্যটন,
 হরি নাম কোথা না শুনি,
 সূধাও ঋষিরে, কেবা করে হরিপূজা ?
 হিরণ্য । কহ ঋষি ! কোথা ভক্ত আছে ?
 নারদ । নহি জ্ঞাত, মহারাজ কর অশ্বেষণ,
 গুনহ লক্ষণ,
 হরিভক্ত যেই, উন্নত সে জন,
 দিবানিশি হরিগুণগান, হরিপদে প্রাণ,
 বাহুজ্ঞানশূন্য সদা রহে ।
 হিরণ্য । মন্ত্রী ! প্রের দূত, কর অশ্বেষণ,
 হরিভক্ত যেই, বধহ জীবন তার ;
 কহ ঋষি, অস্তুত বারতা—
 কত বল ধরে সেই হরি,
 ভ্রাতারে করিল পরাজয়,
 ঐরাবত-হীনতেজ গদাঘাতে যার,
 কহ কিরূপে হইল রণ ?
 নারদ । দৈত্যেশ্বর ! দেখি নাহি রণ,
 দূর হ'তে শুনেছি গর্জন,
 জ্ঞান হ'লো অকালে প্রলয়,
 গর্জে কতু হিরণ্যাক্ষ শূর,
 কতু নাদে বরাহ দুর্মদ,
 যেন মহাশব্দে একার্ণব ধায়—
 নব বিশ্ব গ্রাসিবারে ।

শতবর্ষ এ ভীম আরাব,
 ক্রমে দৈত্যপতি ক্ষীণশ্বর,
 বরাহগর্জন মুহুমূহুঃ বিদারিল দিশা !
 ক্রমে শব্দ স্তব্ধ, নাহি আর,—
 নীরব ভুবন প্রলয়াস্তে যথা ।
 পরে মহাত্মাসে শুনিহু কৈলাসে
 দৈত্যপতি-পরাজয়,
 জ্যোতি তার মিশিয়াছে শিবের চরণে ।
 হিরণ্য । মানিলাম যোগ্য শত্রু হরি,
 কিন্তু ভীকু,—কেন নাহি দেয় রণ ?
 নারদ । মহারাজ !
 কামরূপী সেই হরি নানা রূপ ধরে,
 কতু মংস্র, কতু লমে কুর্ম-কলেবরে,
 বরাহ-আকারে,
 দস্তে ধ'রে তুলিল মেদিনী,—
 একে কে বুঝিতে পারে ?
 কিবা চক্রে ফেরে,
 চক্রী হরি চিরদিন ।

(প্রহ্লাদের প্রবেশ)

প্রহ্লাদ । পিতা, পিতা !
 হিরণ্য । প্রহ্লাদ, বসি তুই দৈত্য-সিংহাসনে,
 পারিবি অমরগণে করিতে শাসন ?
 আমি যাই হরি-অশ্বেষণে ।
 প্রহ্লাদ । পিতা, আমি যাব সাথে,
 তব পদাশ্রয়ে হরির দর্শন পাব ।
 হিরণ্য । দেখ ঋষি, দৈত্যপুত্র নাহি গণে অরি,
 শিশু চায় হরি-সম্মুখীন হ'তে ।
 নারদ । দৈত্যপরাক্রম,
 বিদিত অমর-নর-নাগে ।
 প্রহ্লাদ । কেবা অরি পিতা ?
 হিরণ্য । হরি ।
 প্রহ্লাদ । হরি কার অরি ?
 নামে যার অতুল মাধুরী,
 বাঁশরী-বদন ভক্তজন-হৃদয়-রঞ্জন,
 মদনমোহন শ্রাম, হরি কারু নহে অরি ।

হিরণ্য । কোথা শত্রু করি অশ্বেষণ,—

শত্রু নিজ গৃহে ;

কহ পুত্র,

কে তোরে বলিল, হরি নহে অরি,

কার হেন কুবুদ্ধি ঘটিল,

হেন উপদেশ তোরে দিল ?

প্রহ্লাদ । পিতা, বুঝ মনে মনে—

ব্রহ্মার সৃজন, হরির পালন,

পঞ্চানন সংহারের অধিকারী,

হরি হ'লে অরি, সৃষ্টি কভু না থাকিত ।

হিরণ্য । কুলের কলঙ্ক দেখি জন্মিল কুমার,

দুর্জনের উপদেশে হেন সংস্কার ।

শুন মন্ত্রি, রাজ্যে হেরি অতি অনিয়ম,

শাসন না গানে প্রজাগণ,

হরি নাম অবশ্য কীর্তন হয় পুরে ;

দুর্দেব আমার !—

পুত্র করে হরিগুণগান ।

তপ জপ যজ্ঞ ব্রত কর নিবারণ,

পুত্রের শিক্ষায় আপনি ক'রেছি হেলা,

কি দোষ শিশুর ?—

অধ্যাপক করহ নিযুক্ত,

দৈত্যকুলোচিত ধর্ম শিখাও নন্দনে ।

মন্ত্রী । ষণ্ড আর অমার্ক দু'জন

সর্বশাস্ত্র-বিচক্ষণ,

দৈত্যরীতি জানে বিধিমতে,

যুবরাজ উভয়েরে করুন অর্পণ ।

(ষণ্ড ও অমার্কের প্রবেশ)

হিরণ্য । শুনিলে স্বকর্ণে গম পুত্রের যে রাত,

কর পুত্রে উপদেশ দান,

যাহে মন্দবুদ্ধি হয় দূর ।

শোন রে প্রহ্লাদ,

হরি নাম আর নাহি আন মুখে,

মহারুষ্ট্র হব তাহে আমি,

হরি দৈত্যকুলে চির অরি,

যাও, পাঠ লহ ষণ্ডামার্কস্থানে ।

দেখ বিড়ম্বনা,

পুত্র করে শত্রুর বাখান !

ষণ্ড । মহারাজ, বাল্য-চপলতা,

উপদেশে শীঘ্র হবে ক্ষয় ;

সিংহপুত্র সিংহ চিরদিন,

ছাগ কভু নাহি হয় ।

অমার্ক । রাজপুত্র সুবুদ্ধি সুধীর,—

সর্বশাস্ত্রে অচিরে হইবে অধিকার ;

জ্ঞানলাভে বর্ধরতা হবে দূর ।

[ষণ্ডামার্কের সহিত প্রহ্লাদের প্রস্থান ।

নারদ । রাজ-আজ্ঞা পেলে করি স্বস্থানে গমন ।

হিরণ্য । ভাল, পাও যদি হরির সন্ধান,

অচিরাত্বে দেবে মোরে ।

নারদ । মহারাজ !

দৈত্যকুল-হিত-চিন্তা করি চিরদিন ;

জয় হোক ।

[নারদের প্রস্থান ।

হিরণ্য । শুন মন্ত্রি,

সাবধানে হেন প্রথা করহ স্থাপন,

যাহে রাজ্যে হয় ধর্মের হিংসন,

যজ্ঞ ব্রত নাহি হয় অধিকারে,

হরি ভ্রাতৃ-অরি, প্রতিশোধ দেব ত্বর।

[সকলের প্রস্থান

দ্বিতীয় গর্ভাঙ্ক

পাঠশালা ।

ষণ্ড, অমার্ক, প্রহ্লাদ ও বালকগণ

ষণ্ড । কহ বৎস, কি কারণ করহ রোদন ?

পাঠে দেহ মন, বর্ণ কর উচ্চারণ ।

প্রহ্লাদ । আদি বর্ণ আশঙ্কর প্রভুর আমার,

রুক্ষনাম তাঁর,

যাহে জন-মন আকৃষ্ট তাঁহার পায় ;

যাঁর করুণায় জগৎ আনন্দময়,

নামে তৃপ্ত প্রাণ,

অন্তরে আনন্দ-উৎসবহে শতধারে,
 হৃদয়ে না ধরে, বহে ধারা নয়নযুগলে !
 কহ গুরুদেব, কবে কৃষ্ণ বলে
 বাহু তুলে আনন্দে নাচিব সবে ?
 কবে ভবে হবে কৃষ্ণনাম,
 পাপী তাপী জুড়াইবে প্রাণ,
 বহিবে আনন্দাশ্রু-শ্রোত,
 ব্রহ্মা শিব পুলকে শুনিবে,
 হরিধ্বনি ঘরে ঘরে হবে,
 কবে জীব লভিবে পরম পদ,
 দুর্লভ সম্পদ কৃষ্ণধন কবে সবে পাবে ?
 হা কৃষ্ণ ! হা করুণা-আকর !
 দীনবন্ধু, জগৎ-ঈশ্বর !
 তাপহর, কোথা কৃষ্ণ তুমি !
 কবে রাঙাপায় লুটাইয়ে কায়,
 সফল করিব দেহ ?
 হেয় জন্ম কৃষ্ণনামে সার্থক হইবে,
 কবে কৃষ্ণ পাব, উপদেশ কহ গুরুদেব ?
 অমার্ক । এঁয়া এঁয়া, দাদা ! এ কি সর্বনাশ !
 ষণ্ড । আরে রে প্রহ্লাদ, কি তোর ব্যভার ?
 দৈত্যকূলে তুই কুলাঙ্গার,
 ছারখার সকলি করিবি দেখি !
 ত্যজ মন্দ রীতি,
 নহে দণ্ড পাবে যথোচিত,
 পাঠে মন করহ নিবেশ ।
 প্রহ্লাদ । অশ্রু পাঠে কিবা প্রয়োজন ?
 আছে গুরু, হরস্তু শমন,
 ভবের বন্ধন কৃষ্ণ বিনা কে ঘুচাবে ?
 দিন বয়ে যায়,
 তাই কৃষ্ণ-পায় ল'য়েছি আশ্রয়,
 প'ড়ে ভব-পারাবারে
 বার বার কতই মজিব,
 কৃষ্ণ বিনা কেমনে তরিব,
 মহাভাবে কৃষ্ণনাম ল'য়ে
 অনায়াসে হব পার ।
 অমার্ক । দাদা, ব'স তুমি,

অকস্মাৎ এ কি বজ্রাঘাত,
 এঁয়া, কোথা পলাইব ?
 ত্রিভুবন খুঁজে রাজা বধিবে জীবন ।
 ষণ্ড । আরে হুরাচার,
 হেন উক্তি কর বারবার,
 রাজকোপে আপনি মজিবি,
 আমারে মজাবি,
 সর্বনাশ কেন কর আবাহন ?
 প্রহ্লাদ । দেব ! কৃষ্ণপদে যে করে আশ্রয়,
 ত্রিসংসারে কিবা তার ভয় ?
 যমজয় করে অনায়াসে ;
 দীনবন্ধু বান্ধব যাহার.
 অরি কেবা তার ?
 জগৎপ্রাণ নারায়ণ,
 যার কৃপাবলে জীবের চেতন,
 বিষ্ণুমায়া সংসারে প্রচার,
 তাই কুলমান অহকার,
 অনন্ত সংসারে এক কৃষ্ণ অধিকারী ;
 কেবা কার অরি,
 সর্বভূতে কৃষ্ণ-অধিষ্ঠান,—
 নামে যার ভবসিদ্ধু তরি,
 পরিহরি কৃষ্ণ-পদ-তরী,
 কিবা ছার পাঠে দিব মন ?
 অমার্ক । দাদা, নহে ভাল কথা,
 প্রাণ যাবে ছুঁই শিষ্ণু-হেতু ।
 ষণ্ড । বিধাতার বিড়ম্বনা কে পারে বুঝিতে,
 হেন দুষ্ট জন্মিল এ দৈত্যকূলে !
 পরামর্শ করি মন্ত্রী সনে
 যেবা হয় করিব বিহিত ।
 থাক দুষ্ট, যদবধি নাহি আসি ফিরে,
 দেখিব অচিরে
 কৃষ্ণনাম কর কোন্ মুখে !

[ষণ্ড ও অমার্কের প্রশ্নান ।

১ম বা । ভাই প্রহ্লাদ ! তুই পালা, না পালালে
 গুরুমশাই এসে মারবে ।

২য় বা । না না রাজপুত্র ! তুমি পড়, দেখ দেখি,

আমরা কত পুঁথি পাঠ ক'রেছি, তুমিও অমনি শিক্ষা কর, সকলে
কতশাস্ত্র শিখবে।

প্রহ্লাদ । পদ্ম-পত্র-জল—জীবন চঞ্চল সদা,

পলে পলে মৃত্যু অগ্রসর
হরিতে পরাণ-বায়ু,
ধন মান ঐশ্বর্য বিফল,
মৃত্যুমুখে বিছাগর্ভ যাবে রসাতল,
হরিনাম সহায় কেবল,
তরিতে ছুস্তর ভবে ;
অধ্যয়ন কিবা আর কৃষ্ণনাম বিনা,
কৃষ্ণ বিনা শাস্ত্রের গরিমা কিবা,—
সেই শাস্ত্র হরিকথা যাহে,
অধ্যয়ন সার্থক তাহার,
হরিনাম যে করেছে সার,
সেই জ্ঞান—হরিজ্ঞান যাহে পাই ।
যার কৃষ্ণপদ ধ্যান,
কৃষ্ণগুণ যেই করে গান
জ্ঞানময় কৃষ্ণ তাঁরে দেন পদছায়া ।
তুচ্ছ হয় উচ্চপদ কৃষ্ণনামগুণে,
কৃষ্ণনাম বল রে বদনে,
খণ্ডিবে সংশয়, দূরে যাবে ভবভয়,
শ্রীপদ আশ্রয় দেবেন দয়াল হরি ।
কল্পতরু নাম, সর্বজীবে করুণা সমান,
বাঙ্গা পূর্ণ হয় কৃষ্ণনামে ।
অধ্যয়ন বৃথা পরিশ্রম—
ভ্রম ভ্রম কৃষ্ণে কর প্রাণ সমর্পণ ।
আয় কৃষ্ণ বলি, কৃষ্ণসনে খেলি,
কৃষ্ণনাম মহাশাস্ত্র করি অধ্যয়ন ।
হরি ব'লে কুতূহলে ভবে যাই চ'লে,
হরি ব'লে এড়াব শমন,
এস করি নামসংকীর্তন,
হরি হরিবোল,
গণ্ডগোল কেন মিছে করি,
পাব নব প্রাণ, হরি-নাম অমৃত-সমান,
হরি বল, হরি বল ভাই !

(গীত)

দিয়ে করতালি, এস হরি বলি,
হরিনাম করি গান,—
কাল হরি' আয় হরি ব'লে,
শীতল করি তাপিত প্রাণ ।
অলসে দিন ব'য়ে যার,
প্রেমে হরিনাম বলি আয়,
রাঙা পায় স'পি মনকার—
সুধায় ভাসি দিবানিশি,
সুখে সুখা করি পান ।

(ষণ্ড, অমার্ক ও মন্ত্রী প্রবেশ)

অমার্ক । মন্ত্রীমহাশয় !

মহারাজ উভে উভে দেবে শূলে,
হায় হায় পলাব কোথায় ?

ষণ্ড । মন্ত্রীমহাশয়, জীবনসংশয়,

শক্রতা কি ছিল মোর সনে,
সর্বনাশ কি হেতু করিলে ?

আরে মাথা খেয়ে

সকলে কি উন্মত্ত হ'য়েছে !—

রাজা জনে জনে দেবে শূলে,

আর ছার শিষ্ণুগণ,

এতদিন বৃথা কৈলি শাস্ত্র-অধ্যয়ন,

উন্মত্ত হইলি সবে বালকের বোলে,

রাজকোপে নিস্তার কি পাবি কেহ ?

প্রহ্লাদ । হরিপদে মতি গতি যার,

কারে ডর তার ?

ভবার্ণব অকুলপাথার,

যার নামে গোখুর-সমান তরি,

যেই নামে আপনি মুরারি—

ধেয়ে আসি দেন কোল,

প্রফুল্ল-অস্তরে

হরি ব'লে ডাক বারে বারে—

গেল তাপ, হরি ব'লে নাচ ভাই !

বালকগণ ।—

(গীত)

আমার বংশীবদন শ্রাব,
নেচে নেচে বাজায় বাঁশরী,—
ধেয়ে আয় দেখ'বি যদি,
বদন ভ'রে বল হরি ।

মরি হায় কি মোহন-সাজে,
কি মধুর নুপুর বাজে,
দোলে বনমালা, নাচে কালা,
প্রাণ মন মজে ;
প্রমে গলে বাঁশী বলে,
আয় রে আর কোলে করি ।

মন্ত্রী । উচিত নহেক কথা করিতে গোপন,
দৈত্যরাজ্যে এ কি বিড়ম্বনা !
সত্য যাহা নারদ কহিল,
কামরূপী হরি, পুত্রে করে অরি,
নহে কি হে হিরণ্যাক্ষ পায় পরাজয় ?
চল যাই রাজার নিকট,—
যেবা হয় করুন বিধান ।

যশ । নৃপকোপে যাবে প্রাণ ।

মন্ত্রী । সামান্য এ নহে কথা ।

[সকলের প্রস্থান ।

তৃতীয় গর্ভাঙ্ক

রাজপথ ।

(প্রহ্লাদ ও বালকগণের প্রবেশ)

সকলে ।—

(গীত)

শামসুন্দর নাচে বনমালা দোলে ।
মধুর মঞ্জীর মিলে কিঙ্কিণী রোলে ॥
অমর-গুণ্ডন জিনি গুণ গুণ বোলে ।
নাচে হরি হেরি প্রাণ মন ভোলে ॥
নেচে চলে কটি দোলে, দোলে শিখিপাখা ।
খঞ্জনগঞ্জন নাচে আঁখি-ছুটি বাঁকা ॥
অধরে ধরে না হাসি, বাঁশী ছুটি বাজায় রে ।
মদনমোহন নাচে, ভুবন ভোলায় রে ॥
মোহিত মুরলিধারী নাচে পায় পায় রে,—
সারী শুকে মুখে, মনস্থখে গায় রে ।
মরি মরি রূপ হেরি, হৃদয় জুড়ায় রে ॥
ময়ূর ময়ূরী নাচে, হেরিয়ে বিভোর ।
কোকিল-কোকিলা গায় প্রমে উত্তরোল ॥
কেন ভুলি, সবে মিলি বলি হরিবোল ।
মুখে বলি হরিবোল ॥

[গাহিতে গাহিতে সকলের প্রস্থান ।

চতুর্থ গর্ভাঙ্ক

কক্ষ

হিরণ্যকশিপু, যশ, অমার্ক ও মন্ত্রী ।

মন্ত্রী । মহারাজ, দাও হে অভয়,
ভয় হয় বার্তা দিতে ;
যুবরাজ পাঠশালে গেল,
শিশুগণে উন্নত করিল
অরিগুণ করি গান ; সবে হরি বলে
নৃত্য করে বাজারে বাজারে,
উন্নত নগরবাসী বলে হরিবোল—
মহা গুণগোল কেহ নাহি মানে মানা ;
যুবরাজ র'য়েছেন সাথে,
কোতোয়াল মানা না করিতে পারে ।
প্রাণভয়ে জড়সড় হ'য়ে,
রাজপদে আশ্রয় ল'য়েছে অধ্যাপক,
বহুদিন এ বংশে আশ্রিত, —
দেখি নাই হেন বিড়ম্বনা ।

হিরণ্য । হা ভ্রাতঃ ! হা হিরণ্যাক্ষ শূর !

হেন পুত্র জন্মিল আমার—
ঘরে ঘরে শত্রুর প্রশংসা করে,
অবশ্যই দৈত্যপুরে আছে দুষ্টজন,
যার উপদেশে শিশুর এ আচরণ !
কোথায় প্রহ্লাদ,
আন শীঘ্র তত্ত্ব লব সবিশেষ ।

[মন্ত্রীর প্রস্থান

যশামার্ক, আত্মোপাস্ত কহ বিবরণ,
তাজি অধ্যয়ন
শত্রুনাগ কীর্তন করিল কিবা হেতু ?

যশ । দৈত্যকুলেশ্বর !

বুঝিতে না পারি প্রভু,
অনর্থের হেতু শিক্ষা দিমু বর্ণপরিচয়,—
শিশু 'কৃষ্ণ কৃষ্ণ' কয় ;
বুঝাইছ, করিমু-তাড়না,

বিফল সকলি, কৃষ্ণ বলে অবিরত,
কৃষ্ণ বলে মাতাইল শিষ্যদলে,
কৃষ্ণনামে মাতিল নগর,
মহাডরে ক্ষত আইলু বার্তা দিতে ।
হিরণ্য । কামরূপী হরি কহিল আগারে ঋষি,
সেই বা আসিয়া পুত্রে দিল উপদেশ !—
ধরে নানাবেশ,
সেই বা আসিয়া দৈত্যদেশে
করে হেন আচরণ ;
চর মম দক্ষ কেহ নয়,
কোথা হরি কেমনে নির্ণয় করি ?
হা শঙ্কর ! হরিভক্ত নন্দন আমার,
এই হেতু এতদিন পূজিছ তোমায় ?

(মন্ত্রী সহিত প্রহ্লাদের প্রবেশ)

কহ পুত্র, এ কি তব রীত,
গুরু কহে হিত,
কর তাহা অবহেলা ?
ইন্দ্রজয়ী জ্যেষ্ঠতাত তব
প্রাণ দেছে হরির সমরে,
আরে রে অজ্ঞান,
দৈত্য হ'য়ে সে হরির গুণ কর গান ?
দেখ জগৎ-মণ্ডলে
কোন্ কুলে হেন যশোরানি—
কোন্ কুলে দাস রবি-শশী,
কোন্ কুলে ইন্দ্র আজ্ঞাধারী ?
হেন উচ্চবংশে জন্ম তোর !
অতি তুচ্ছ হরি,
দৈবের বিপাকে জ্যেষ্ঠ মম পরাজয়,
দৈত্য হ'য়ে তারে কর ভয়,
কেন চাহ শত্রুর আশ্রয় ?
প্রহ্লাদ, প্রহ্লাদ !
অপবাদ রাখিবি কি কুলে ?
বড় সাধ মনে
সিংহাসনে তোমারে স্থাপিব,
হরি-অঘেষণে আপনি বাইব,

বধিব সে মায়াময় দুরাচারে ;
পুত্র হ'য়ে পিতৃসাধে নাহি হও বাদী ।
প্রহ্লাদ । পিতা, কৃষ্ণের কৃপায়
বৈভব তোমার,
কৃষ্ণের কৃপায় দৈত্যকুলে
প্রতাপ অপার,
হরি পরম প্রভাবময় ।
পিতা, আমি তব পুরাইব সাধ,
কালার্টাদ করিবেন দয়া,
দূরে যাবে মায়া,
নিত্যজ্ঞানে অনিত্য হইবে দূর ;
হৃদিমাঝে গোলকের লীলা,
কৃষ্ণসনে নিত্য প্রেমখেলা,
অমৃত-আম্বাদে অণু সাধ না রহিবে ।
পিতা, যাবে দিন এ দিন না রবে,
শমন ধরিবে কেশে,
কৃষ্ণনামে দমিবে শমনে—
কৃষ্ণনামে হবে মৃত্যুঞ্জয়,
ত্রিসংসারে হের হরিময়,
চিন্ময় সনাতন,
ভাগ্যফলে পাইয়াছি নাম,
মোক্ষধাম করতল যাহে,
দিন গেল, বল হরি হরি ।

হিরণ্য । আরে কুলাঙ্গার অধম সন্তান,
পুত্র নহ, বিজ্ঞ যেন পিতা সম,—
স্মরণ ক'রেছে তোরে যম ।
দেপি হরি তোরে কিসে রক্ষা করে,—
কে আছে রে, বধ শিশু কুকুর সগান ।

(একজন রক্ষকের প্রবেশ)

বধ কর তীক্ষ্ণ অস্ত্রধায়,
আরে রে অধম, এখন'ও মাগ পরিহার,
কহ কৃষ্ণ ছার,
ভজ দৈত্যকুলেশ্বরী কালী,—
মার্জনা যতপি চাও ।
প্রহ্লাদ । পিতা, কালী-কালী কর কেন ভেদ,

এক ব্রহ্ম জগৎ-ঈশ্বর,
নানারূপ ভক্তের বাসনামতে ।
থাকিলে বাসনা,
পিতা মাতা করি উপাসনা,
মোহবশে মাগি নানা বর,
কল্পতরু বিভূ পরাংপর,
বরদাতা পিতামাতারূপে,
সথারূপে খেলা করি ঈশ্বরের সনে ।
প্রেমের কামনা,
প্রেমদানমাত্র উপাসনা,
এক আত্মা অভিন্ন হৃদয় ;
প্রেমময় লীলা,
প্রেমে আত্ম-বিসর্জন,
ঘুচে তাহে জীবের বন্ধন,
নিত্যানন্দময় হয় প্রাণ ।

হিরণ্য । রক্ষি, বধ ল'য়ে বিলম্ব না কর,
দেখি কোথা সখা তোর,
কে রাখে রে দৈত্যের প্রহারে ?
বাও মস্তি, ঘরে ঘরে কর অন্বেষণ,
যেই করে হরি-সংকীৰ্ত্তন,
বধ তারে পামরের সাথে ।

[মন্ত্রী, রক্ষক ও প্রহ্লাদের প্রস্থান ।

হা শঙ্কর !
দৈত্যকূলে কলঙ্ক রটিল,
হেন পুত্র কি হেতু জন্মিল ?
শক্র-পদানত হ'লো আমার অঙ্কজ !
না জানি কে হরি,
মায়াধর ছরস্তু সে জন,
হিরণ্যাক্ষে করিল নিধন,
ছলে তার কুলগ্রহ হইল কুমার ;
দমিয়াছি অমর-ঈশ্বরে,
কিন্তু গৃহভেদী রিপু
করি কেমনে বিজয় ?
বুঝি মোরে বাম ত্রিলোচন,
নহে কার হৃদেব এমন !
যে নন্দনে করি দরশন

পরিভূষ্ট হয় প্রাণ,
সেই কাল হ'য়ে দংশিল হৃদয়ে !
অভাগা কে আছে এ সংসারে,
বধ করে আপন কুমারে ?
পুত্র হ'তে হৃদি ভঙ্গ কার,
সাধে কার জলন্ত অঙ্গার ?
আরে কামরূপী হরি,
দেগিব রে কতদিন রহ লুকাইয়া,
দৈত্যকরে কিরূপে নিস্তার পাও ?
আরে প্রাণ, হীনবীর্য্য পুত্রে কিবা ফল,
সাহস দুর্জয় মৃত্যুমুখে যায়,
কেশমাত্র না কাঁপিল—
হেন স্ত্রুত শক্রর কিঙ্কর !
হরি ! রহ রহ,
অগ্রে হেরি পুত্রের-শোণিত ।

(মন্ত্রীর পুনঃ প্রবেশ)

মন্ত্রী । মহারাজ, অনর্থ ঘটিল,—
শিশু-অঙ্গ বজ্রে বিনির্ম্মিত,
রক্ষিগণ বধ্যভূমে লইয়া বালকে
প্রহারিল নানা প্রহারণ,
স্বরবৃন্দ ব্যথিত-হৃদয়—
স্বর্গ ছাড়ি পলাইল যে আঘাতে,
পুষ্পবরিষণ সম সহিল কুমার ।
মহাভয়ে কম্পিত-হৃদয় রক্ষিচয়
পুনঃ অস্ত্র হানে প্রাণপণে,
কি কুহক কেবা জানে—
রহিল অভেদ্য শিশু মুদিত-নয়নে,
মুখে কৃষ্ণ কৃষ্ণ বলে.
তিল তিল অস্ত্র চূর্ণ হ'লো—
মহারাজ, স্বচক্ষে দেখেছে দাস ।

হিরণ্য । হেন পুত্র হ'লো মম শক্রর আশ্রিত !
এতই কি হৃদেব আমার !
যুগ-যুগান্তর পূজিয়া শঙ্কর
সদয় করিছ তাঁরে,
তাঁর বরে অস্ত্রে মম অভেদ্য শরীর,

দেখ পুত্র মম আমি হ'তে বীর,
 বিনা বরে অস্ত্র নাহি পশে কায় !
 আরে, পাপমতি হরি,
 হেন পুত্রে ছ'ল কর পর !—
 হা শঙ্কর, এত কি হে ছিল তব মনে ?
 হিরণ্যাক্ষ-সম শিশু নির্ভীক হৃদয়,
 অটল রছিল পুত্র আমার শাসনে ।
 দেবগণ ভীত মম চক্ষু-কষায়ণে,
 অস্ত্রমাঝে নিশ্চিন্ত কুমার ।
 ছুর্বিবার দেবের ছলনা—
 মস্ত্রি ! আনহ প্রহ্লাদে,
 বারেক বুঝাব বংশের গৌরব-কথা,
 দেখি যদি নন্দন আপন হয় ।

[মস্ত্রীর প্রস্থান ।

আরে আরে হরি,
 কোথা তোর পাব দেখা ?
 স্বর্গ মর্ত্য রসাতল দেব তোরে,
 আয় হরি বারেক সমরে,
 মিটাই রে মনের এ জ্বালা ।
 দেখি বজ্রমুষ্টি-ঘায়,
 মায়ারূপী মায়ী, তোর যায় কি না যায় !
 আরে ক্রুর নিষ্ঠুর কপট !
 ছলে কর পিতা-পুত্র-ভেদ,
 হরি, হরি, পেলে তোরে—মিটাই এ খেদ ।
 যাক্ ত্রিভুবন,
 ইন্দ্র স্বর্গে হোক অধিকারী,
 যাক্ সিংহাসন,
 দৈত্য-গর্ভ হোক লোপ,
 আপনি যাইব,
 পাতি পাতি খুঁজিয়া দেখিব,
 দেখি হরি কোথায় লুকায়ে আছে ।
 আরে ভীক, জান মনে মনে
 শঙ্কর-সাধনে নাহি মোর পরাজয়,
 জান তুমি কামরূপী হীনমতি হরি,
 মৎস্ত-কুর্শ-বরাহ-শরীরে,
 কিংবা অস্ত্র কলেবরে

সম্মুখীন হইতে নারিবে ;
 তাই লুকাইয়া আছ ডরে ।
 নাহি অনন্ত এ কালে এ হেন সময়,
 মম পাজয় সম্ভব হইবে ববে,
 পঞ্চভূত-সৃজিত নাহিক হেন স্থান,
 যথা হিরণ্যকশিপু
 রণে নাহি হবে জয়ী ।
 আরে হেয় হরি,
 তাই চুরি রণ কর মোর সনে ।

(মস্ত্রী ও প্রহ্লাদের প্রবেশ)

শুন পুত্র, পিতার বচন,
 দৈত্যকূলে যোগ্য পুত্র তুমি,
 অপূর্ণ সাহস বীর্য্য শিশু-কলেবরে ।
 শোন দৈত্যকূলের গৌরব,
 যেই বীর্য্যে জন্মে দেবগণ,
 সেই বীর্য্যে ছুই তাই লভিছ জনম,
 ধরণী টলিল ভারে ।
 একদিনে বাড়িছ ছ'জনে
 তরুণ তপন সনে,
 কিন্তু যবে মধ্যাহ্ন-তপন—
 তাই ছুইজন
 ধরিছ উজ্জল তেজোজ্যোতি,
 যে বিভায় শূন্য নীলিমায়
 খেলিল দামিনীমালা,
 নিভায়ে ভাস্কর,
 বাহুবলে জলেস্থলে সমীরণ ব্যোমে
 দীপ্ত হতাশনে,
 আধিপত্য করেছি স্থাপন,
 ভূত্যসম নিত্য দেখ আসে দেবগণ ।
 বিশ্বজয়ী ভ্রাতার গর্জনে
 থর থর কাঁপিত বিমান,
 হেন জ্যেষ্ঠে মারিয়াছে হরি ।
 বীর্য্যবান্ পুত্র তুমি দৈত্যকূলে,
 করি মানা, নাহি হরি কর আবাহন
 আন হরি সম্মুখে আমার,
 দৈত্যকূলে অন্ত কোন ভার

নাহি আর দেব তোরে ;
হরি অতি কুটিল পামর,
প্রহ্লাদ আমার, পিতা নহ,
জাননা রে পিতার ব্যবহার,
নাহি আর দেব তোরে অশ্রু ভার ।

• আমা হ'তে কেহ উচ্চ হয়,
এ সংসারে কেহ নাহি চায়,
পিতা প্রাণপণে
দিবানিশি করে রে কামনা,
পুত্র উচ্চ হোক শতগুণে আমা হ'তে ;
বোঝ না বোঝ না মর্মেব বেদনা,
উপযুক্ত পুত্র যার শত্রু-অমুগত,
নরক ভীষণ নহে তার ।

প্রহ্লাদ । হরি প্রেমময়,
কেন পিতা শত্রু ভাব তাঁরে ?
পিতা, মুদিয়ে নয়ন,
ধ্যানে রূপ বারেক করহ দরশন,
দেখ শ্রাম মদনমোহন,
বাঁকা ছুটি খঞ্জন-নয়ন,
সুধাকর দেখ পিতা মধুর অধর,
চল চল হের পিতা কি ভাব বদনে ;
দেখ প্রাণে প্রাণে হেন রূপ যার,
সে কি কভু অরি হয় কার ?
নিত্যানন্দ আনন্দে সে খেলে,
আনন্দে ডাকিছে বাহু তুলে,
আনন্দ ঢালিয়া দেয় ।

হিরণ্য । ভাল যে হয় সে হয়,
তবু তব জ্যেষ্ঠতাতঘাতী অরি ।

প্রহ্লাদ । ভাগ্যবান্ জ্যেষ্ঠতাত মম,
হরি যারে অরিরূপে রেখেছেন পার ।

হিরণ্য । ওহো, হিরণ্যাক্ষ শূর !

পুত্রস্নেহ ক্ষমহ আগায়,
আরে বর্কর সন্তান,
ব্রাতৃ-তেজ গিলিছে হরের রাক্ষা পায় ।
অরিরূপ অস্তুত প্রলাপ
কোথা পেলি এ বয়সে ?

প্রহ্লাদ । পিতা, হর-হরি কেন কর ভেদ ?
জগৎ-পিতা বিভূ দিগম্বর,
ফণী-অলঙ্কারে
চিতাভস্ম মাখে কলেবরে,
ফেরে মহাযোগী শ্মশানে শ্মশানে,
মাতা দিগম্বরী
দিগম্বরে আলিঙ্গন করে,
হেরে ডরে পরাণ শিহরে ;
তাই জগৎ-প্রাণ জগৎ-আধার
সখাভাবে ভক্তরে জাগালে,
হরিভক্ত-মনে খেলে,
খায় ফল মুখে হাতে দিলে,
কভু আসে কোলে, কোলে করে কভু ;
আহা হরি ভক্তের অধীন,
দীন হ'তে দীন—দীনে দেন আলিঙ্গন,
হরি নৃত্য করে, মালা চেয়ে পরে,
ভগবান্ খেলা করে ।

হিরণ্য । মস্তি ! আজ্ঞা দেহ মাতাইতে
বারণ আমার,
গর্জনে যাহার পবন কন্দরে পশে,
হস্তী সনে খেলাইতে ডাক রে হরিরে ;
শোন্ তোয় নিকট মরণ,
চাহ ক্ষমা,
এখনও রে মার্জনা করিব তোরে,
বল হরি অরি,
ইষ্টদেব শঙ্করে প্রণাম কর ।

প্রহ্লাদ । পিতা, শিবপদে শত প্রণিপাত,
সদাশিব যুচান বিষাদ
দিয়ে মোরে হরিধন ;
পিতা, হরি অরি কহিব কেমনে ?
মুরলিবদনে কেমনে ভাবিব পর ?
হরি যদি অরি, কহ পিতা,
কিসে প্রাণ ধরি ?
কেন ঘোরে দিবস-শরীরী,
বিশ্ব কেন এ আনন্দধাম ?
হরি বাম ভাবিব কেমনে,

শিরায় শিরায় রক্তশ্রোত-ধার,
কহে মোরে হরি কতু নহে বাম ;
অস্তর আমার
নৃত্য করি কহে বার বার,
হরি বন্ধু, নহে অরি ।
প্রাণে প্রাণে অঙ্কিত মাধুরী,
বুঝিতে না পারি এ সংসারে
অরি কেবা কার ?
হরি নামে প্রাণ ভ'রে যায়—
শত্রু মিত্র সকলি ফুরায় ;
মত্ত মন পিয়ে সুখা অনন্ত তৃষায়,
তৃপ্ত ক্ষিপ্ত এককালে মধু-পারাবার,
ওরে, মন আমার—হরি বল,
হরি বল দিন গেল ব'য়ে ।

হিরণ্য । বধ কর করি-পদতলে ।

[হিরণ্যকশিপু প্রস্থান ।

প্রহ্লাদ । হের হরিময় শত্রু কারু নয় ;
হের খেলা ভোলামন,
খেল বাহুতোল হরি হরি বল ;
ওরে এল তোর আনন্দের দিন,
কৃষ্ণ ব'লে দিবি প্রাণ ।

মন্ত্রী । রাজ-আজ্ঞা শুনেছ কুমার ?

প্রহ্লাদ । চল মন্ত্রি, হরি ব'লে চল সাথে ।

[সকলের প্রস্থান ।

পঞ্চম গর্ভাঙ্ক

কাননপথ

(গোলোক-সখাগণের প্রবেশ)

(গীত)

সকলে আয় আয় আয়, গুটি গুটি চলি,
 আয় আয় আয় ধবলি স্থামলি,
 ওরে গোলোক ত্যজে
 আনবে হরি ধরাতলে ।

(নেপথ্যে প্রহ্লাদ ।) হরি রাখ রাঙা-চরণ-কমলে

হরি হে, হরি হে, হরি হে !

সকলে ।—

ধেনু গুন রে, ওই ভক্ত ডাকে হরি ব'লে

ভক্ত-হৃদয় ভরি শোন বাজিছে বাঁশরী,

ওরে ডাকলে হরি রইতে নারে,

রাঙাচরণ-কমল দেয় তারে,—

প'ড়ে বিপদে

শোন ভক্ত ডাকে ঝরে ঝরে !

গুণ গুণ গুণ নুপুর বাজে,

ভক্ত-হৃদয়ে তার বাজে,

কানু বিভোর ধেনু নেহার—

কানু চলে চ'লে চ'লে,

বনমালা দোলে গলে,

কানাই প্রেমে ভাসে নয়নজলে ॥

[সকলের প্রস্থান

ষষ্ঠ গর্ভাঙ্ক

প্রাস্তর ।

(প্রহ্লাদ, মন্ত্রী প্রভৃতির প্রবেশ)

প্রহ্লাদ । এ সময় কোথা কৃষ্ণ দয়াময় !

করি-পদে যদি প্রাণ যায়,

নাহি গণি তায়,

রাঙাপায় স্থান দিও বংশীধারি ;—

তব পদে আশ,

শ্রীনিবাস, তোমা বিনা নাহি জানি,

এস হরি, ভক্তে কৃপা করি,

মরি প্রভু, হেরিয়ে মাধুরী,

দেখা দিয়ে দূর কর তাপ ;

ওহে ভবভ্রাতা, তুমি পিতা মাতা,

তুমি সখা, বিপদে কাণ্ডারী ;

বংশীধারি, বাজাও বাঁশরী

দাঁড়াইয়ে পায় পায় ।

আরে রে রসনা,

কৃষ্ণ ব'লে ত্যজ রে ভাবনা,

ধাওরে বাসনা শ্রীকৃষ্ণের রাঙাপায়,

কৃষ্ণ ব'লে মরিয়ে হইব যুত্যাগয় ;
কৃষ্ণ পদে নৃত হও মন,
আসিছে শমন দুর্জয় বারণরূপে,
কৃষ্ণ ব'লে ত্যজ পরিতাপ,
শমন-প্রতাপ কৃষ্ণনামে হবে পরাজয় ;
কই কৃষ্ণ, অনাথ-বান্ধব !

(শ্রীকৃষ্ণের আবির্ভাব)

শ্রীকৃষ্ণ । আয় আয় আয় রে প্রহ্লাদ,
করী'পরে দেখ তোর হরি ।

প্রহ্লাদ । প্রভু দয়াময় !
দীননাথ, দয়া কর দৈত্যকুলে,
শব পদ ভুলে
মোহগদে মত্ত মম পিতা,
ওহে জগজ্ঞাতা,
দেহ তাঁরে পদাশ্রয় ।

মন্ত্রী । এই হরি, কর আক্রমণ, কর আক্রমণ ।
(রক্ষিগণ আক্রমণ করিতে উচ্চত ও
হস্তী-গুণ্ডাঘাতে রক্ষিগণের পতন)

১ম রক্ষি । মন্ত্রীমহাশয়, পালাও সত্বর,
নহে কারু নাহি রবে প্রাণ !

মন্ত্রী । সকলি কুহক, সকলি কুহক ।

[সকলের প্রশ্নান

সপ্তম পর্ভাঙ্ক

কক্ষ

(হিরণ্যকশিপুর্ প্রবেশ)

হিরণ্য । ধন জন সকলি অসার,
বৃথা বীর্য, বৃথা অহকার,
কোথা হরি কোথা ছুরাচার,
খল শত্রু কিরূপে সংহার করি ?
আরে কামরূপি, বুঝি তোর বল,
কতু যদি হও সম্মুখীন,
আয় হরি, নিরস্ত্র যুঝিব তোর সনে,

যাব যেই স্থানে কর আবাহন ।
দেহ রণ এইমাত্র চাই,
ওহো, দৈত্যকুল দিল ছারেখারে !
মজালে কুমারে,
অশা বাসা সকলি ফুরালো,
আরে খল, নির্দয় নিষ্ঠুর,
অতি ক্রুরবুদ্ধি তোর,
পিতা-পুত্রে কর ভেদ ।
জান না জান না, আরে হীনমতি হরি !
কি বেদনা পুত্র হ'লে পর,
আরে পাপমতি, এ কি রে ছনীতি,
বীর্যবান্ নাহি করে ছল,
দেখি ছল তোর বল ;
দেখা দে রে কপট পামর,
যদি এক ঘায় নাহি হয় তোর পরাজয়,
সত্য করি, না করিব দ্বিতীয় প্রহার ।
নীচ অরি, কি করি কি করি,
কোথা হরি কেমনে দর্শন পাই ?
আছ কে কোথায়,
সমাচার জানাও আমায়,
দেহ কেহ হরির সংবাদ ।
দিব রাজ্য-ধন, দিব সিংহাসন,
চিরদিন রব রে অধীন,
দেখাইয়ে দেহ যদি হরি ।
ওহো, কি হ'লো কি হ'লো,
পুত্র নিল শত্রুর আশ্রয়,
পিতা হ'য়ে সন্তান-নিধন করি ।
হরি, হরি !
দেখা দে রে, দেখা দে আমায়,
আরে তোর অস্তুত প্রতাপ,
বর হ'লো শাপ,
আত্মহত্যা করিবারে নারি ।
ওহো, এমন বেদনা কেমনে জুড়াব ?
হরি, তোর কোথা দেখা পাব,
দেখ হরি, বধি তোর ভক্তের জীবন,
দে রে দরশন, দরশন দে রে ছুরাশয় !

(মন্ত্রী প্রবেশ)

মন্ত্রী । মহারাজ, বচন না যুয়ার আমার,
নাহি বুঝি শিশুর ব্যবহার ।
মদমত্ত দুর্মদ বারণ—
শিশু হেরি ত্যজিল গর্জন,
অকস্মাৎ করী'পরে চূড়াবাধা শিরে,
দেখা দিল পুরুষ দুর্জয়,
করী'পরে তুলিল কুমারে,
নিরাপদে শিশু করে হরিগুণ-গান ।
রক্ষিগণে আছা দিহু আক্রমণ হেতু,
করী-শুণাঘাত সকলে ত্যজিল প্রাণ ।

[মন্ত্রীর প্রস্থান

হিরণ্য । কালসর্প আনি বধ শিশু,
গদা আন গদা আন,
কৃষ্ণ-বধ এখনি করিব ।

[প্রস্থান

য় অঙ্ক

—:~:—

প্রথম গর্ভাঙ্ক

কঙ্ক

(হিরণ্যকশিপু মন্ত্রী ও প্রহ্লাদের প্রবেশ)

হিরণ্য । সত্য কহ পুত্র মোরে,
জান কি কৌশল,
তোর কায় অস্ত্র চূর্ণ হয়,
দুর্মদ বারণ
প্রভু-আজ্ঞা করিয়ে হেলন
কিবা ছলে লোটে তোর পায়,
নতশির কালভুজঙ্গম
এ হেন বিক্রম তোর,
ধন্য তোরে করি রে বাখান,
বিবপানে পাও পরিভ্রাণ,
অসীম ক্ষমতামালা তুমি,
পূজ কালী করাল বদনী,
এইক্ষণে মন্ত্রিগণে আনি
রাজ্যে তোরে করি অভিষেক ।
ত্যজ পুত্র কুবুদ্ধি তোমার,
কৃষ্ণ অতি অসার কপট,
ধীর তুমি মহাবীর্যবান,
কেন তার মান অধীনতা,
রথ পিতৃ-কথা,
কৃষ্ণনাম কর পরিহার ।
হও রাজ্যেশ্বর,
দেব যক্ষ অমর কিম্বর
ডরে তোর দাস হবে,
ভবে কীর্তি রহিবে অতুল,
দৈত্যকূলে গৌরব বাড়িবে,
আমি যাব হরি অশেষিব

নাগপাশে বাধিয়া আনিব,
 দেখাইব দৈত্য হ'তে বলী নহে হরি ;
 ত্যজ ভ্রম, কৃষ্ণে নাহি কর আবাহন ।
 প্রহ্লাদ । পিতঃ, নাহিক কোশল
 নাহি অণুবল,
 কৃষ্ণপদ ভরসা কেবল ।
 হৃদয়-কমলে,
 ধরি তাঁর রাঙ্গা পা ছুখানি,
 তাই অস্ত্রে পাই পরিত্রাণ,
 বিষপান অমৃত সমান,
 তাই দন্তী পায়ৈ পরিহার
 হরির কৃপায় সর্প নতশির ;
 ধ্যান জ্ঞান সকলি আমার হরি ।
 হরি কতু ধরয়ে বাশরী,
 কতু এলোকেশী করে শোভে অসি,
 কতু দিগম্বর মহাযোগী হর,
 কতু মীন কুর্ম বা বরাহ,
 সর্বদেহে হরি অধিষ্ঠান ।
 হরি জগৎপ্রাণ,
 ব্রহ্ম-আত্মা ব্রহ্মার ধ্যানের নিধি,
 জগৎ-বৈভব শ্রীপদপল্লব তাঁর,
 স্থাপিতে সংসার বার বার হন অবতার ;
 ভবভার খণ্ডে হরি নামে,
 তাঁরে পরিহরি
 বল পিতা, কিসে প্রাণ ধরি,
 প্রাণ মন সকলি তো হরি ।
 পিতা হরিসনে কেন কর বাদ,
 হৃদি-মাঝে হের কালাচাঁদ,
 ঘুচিবে বিষাদ,
 প্রাণভরি হেরিবে সে অতুল মাধুরী ;
 হয়ে বাঁকা দেখা দেবে শ্রাম,
 হৃদি-পদ্মে দেহ তাঁরে স্থান,
 হেরে তাঁরে তাপ যাবে দূরে ;
 বাঁকা শিখি-পাখা,
 খঞ্জন-নয়ন দুটি বাঁকা,
 বাঁকা হ'য়ে বাজা'বে বাশরী,

মরি মরি হরি হরি হরি প্রেমময় !
 হিরণ্য । অগ্নি জ্বালি পোড়াও বালকে,
 দৈত্যকুল-কলঙ্ক কর রে দূর ।
 দৈত্যকুলে কেহ নাহি বলবান
 বালকের বধে প্রাণ ?
 হায়, পরিতাপ কব আর কারে,
 দৈত্যগর্ভ গেল ছারেখারে,
 পুত্র হ'লো অরির সেবক,
 অগ্নিমধ্যে রহে যদি পুত্রের জীবন,
 শিশু ল'য়ে উচ্চশৃঙ্গে কর আরোহণ,
 করি তারে প্রস্তুরে বন্ধন
 সাগরে নিক্ষেপ কর ;
 পুত্র আছে জীবিত আমার,
 হেন সমাচার আর কেহ নাহি আন ;
 বধ তারে পার যে প্রকারে,
 আর মোরে হরিগুণ না শোনায় ।
 দেখি কোথা হরি,
 শুনি দেখা দেয় নয়ন মুদিলে,
 দেখি আমি নমন মুদিয়া,
 আয় হরি,
 হৃৎপদ্মে দেব তোরে স্থান,
 আয় আয় তীক্ষ্ণখড়্গ
 করি হৃদি খান খান,
 আয় প্রবঞ্চক,
 পুত্রশোক পাশরিব বধিয়া তোমায়,
 রহ রহ, কোথায় লুকাবি ?
 জলে স্থলে শূণ্ডে সমীরণে
 খুঁজিয়ে ধরিব তোরে ;
 আয় হরি আয় ধরি তোর পাগ,
 কর রণ দৈত্যের সহিত ।
 আরে ভীক, ছলে কর পুত্রে পর,
 আরেঃরে বর্ষর, পুত্র কি নাহিক তোর ?
 রে নিষ্ঠুর, এ কি তোর বীরপনা,
 বীরপুত্র পিতা হ'য়ে করি বধ ।
 হায় কিসে দিব প্রতিশোধ !
 কেমনে রে শাস্ত করি কোধ,

তুনি ভক্ত তোর পুত্রসম,
আয়, ভক্ত তোর রক্ষিবारे,
দেখ ভক্তে দৈত্য বধ করে ;
হরি যদি তোরে পাই,
তুচ্ছ করি ভুবনের অধিকার,
দেরে মূঢ়, বারেক সমর,
মম যুদ্ধে যদি তোর রহে রে জীবন,
করি পণ—তাজি ত্রিভুবন
বিশ্বপ্রান্তে বসি গিয়ে শিব-আরাধনে,
দেখা দে রে এইমাত্র চাই ।

[হিরণ্যকশিপু প্রস্থান ।

মন্ত্রী । এ কি, রাজা ক্ষিপ্ত প্রায়,
দৈত্যকুলে না জানি কি হয়,
দানবের কাল হ'লো হরি ।
বধিগাছে হিরণ্যাক্ষ শুরে,
কৌশল তাহার
কুমারের জীবন সংশয়,
রাজার এ দশা,
দৈত্যকুল জানে সে দুর্জয়
তাই নাহি সন্মুখীন হয়,
গুপ্ত রহি করিছে কৌশল ।
হায় হায় বুদ্ধিবল নাহিক যুয়ায়,
ছলে বুঝি মজাখ দানব-কুল,
কি করিব দৈত্য বলবান্ ।

[প্রস্থান

দ্বিতীয় পর্ভাঙ্ক

রাসমঞ্চ

শ্রীকৃষ্ণ ও সখিগণ ।

সখিগণ—

(গীত)

হৃদয়ে বহে প্রেমেরি তুফান, প্রাণ পেয়েছে প্রাণের মতন ;
প্রেমের পুলকে গোলক লীলা, প্রাণের সনে প্রাণের রমণ ।

ঢলি ঢলি ঢলি অঙ্গে অঙ্গ,

নয়নে নয়নে নয়ন-রঙ্গ,

মোহিত মদন মানভঙ্গ,

প্রেমভরঙ্গ দেহারে —

বাধি বাধি বাধি মালতী-মালা,

বেড়ি বেড়ি বেড়ি ভুল-বুণালে,

রুণু রুণু রুণু মঞ্জীর তালে,

প'ড়বো চ'লে রূপের ভারে ।

মরি মরি মরি উথলে ওঠে রূপের কিরণ ।

১মা সখী । কেন কেন কেন বিরস বদন হরি,
তোমার এত সাধের গোলোকধামে ?
(নেপথ্যে-প্রহ্লাদ ।) কোথায় হরি,
অনলমাঝে বধে অরি !
হরি হে ! হরি হে !

শ্রীকৃষ্ণ । আমায় ভক্ত ডাকে প্রাণেশ্বরি !

সকলে । চল চল চল যুগলে যুগলে ;

ভক্তে তুলে নিব কোলে ।

শ্রীকৃষ্ণ । আমার ভক্ত বিনে কে আছে আর ।

আমি ভক্ত বিনে রইতে নারি,

ভক্ত আমার প্রাণের সার—

আমি ভক্তের তরে সদাই কাঁদি,

আমি ভক্তে প্রাণে প্রাণে বাঁধি,

দেখেছ প্রাণসখি রে ।

আমি ভক্তের পায়ে ধ'রে সাধি ;

কত কাঁদি প্রাণসইরে ।

সখিগণ । চল চল চল, হরি হরি বল,

ভক্ত প্রেমে বেঁধেছে বাঁকা শ্রামে ;

হরি রইতে নারে ভক্তের তরে

গোলোকধামে ।

চল ভক্তে হেরি নয়ন ভরি ।

কেন কেন কেন বিরস বদন হরি ।

[সকলের প্রস্থান ।

তৃতীয় পর্ভাঙ্ক

কক্ষ

কয়াধু।

কয়াধু। মা চণ্ডি! তোমাভিন্ন মনের বেদনা আর করে জানাব? মা, সকলি দিয়েছিলে, তবে কেন সর্বনাশ করলে? মা গো! যে অতি দীন-দরিদ্র, সে ত আমা-অপেক্ষা শতগুণে সুখী। হায়! এ সংসারে কার পতি পুত্রের বধকামনা করে? জগজ্জননি! শিব-সীমন্তিনি! অভাগিনীর প্রতি মুখ তুলে চাও। মাগো, বার বার প্রহ্লাদকে রক্ষা করেছ, গণেশ-জননি! অনল হ'তে আপনার পুত্রকে রক্ষা কর।

(মন্ত্রীর প্রবেশ)

মন্ত্রী। রাজি! দাসের প্রতি কি আজ্ঞা?

কয়াধু। মন্ত্রি! সর্বনাশ হ'লো, এদিকে পুত্রের এই দশা, রাজাও বোধ করি কোন বিকট রোগাক্রান্ত, বুঝি শিববর ব্যর্থ হয়, তাঁর মন্তিকের স্থিরতা নেই, এখন শঙ্কর না রক্ষা করলে আর উপায় নেই।

মন্ত্রী। কেন জননি!

কয়াধু। রাজা নিদ্রাবস্থায় তর্জন করেন, সম্পূর্ণ নিদ্রিত অথচ এ ঘর ও ঘর অনুসন্ধান করেন, বলেন এই হরি, এই হরি! আমি জিজ্ঞাসা করুনুম, প্রভুর কি পীড়া হয়েছে? আমার প্রতি ক্রোধ করে ব'লেন, আমার শত্রু উদরে, তা জান না? তুমি নারী, নচেৎ বধযোগ্য, আমি ভয়ে নীরব হয়ে রইলেম।

মন্ত্রী। দেবি! আমার বুদ্ধি-শক্তি লোপ হয়েছে, আমি এ অকূলে কোন উপায়ই দেখছি না, হরি দৈত্যকূলে কাল হ'লো, মহারাজের যে অবস্থা, তাঁকে কোন কথা বোঝাতে গেলে ক্রোধানল শতগুণে প্রজ্বলিত হয়ে উঠে; আপনি যদি কোন উপায় করতে পারেন, তা হ'লে হয়। আমি দাস, আমি কি করবো।

কয়াধু। মন্ত্রি! আমি পুত্র গর্ভে ধ'রে কাল করেছি, প্রহ্লাদের মুখ দেখে আমার আনন্দ হয়েছিল, ভেবেছিলাম, পুত্র হ'তে ইহকালে সুখী হব, কিন্তু ভগবতী সকলি বিপরীত

ক'রলেন। রাজপুরে এসে অবধি, মহারাজ কখনও কোন রূঢ়কথা বলেন নি, কিন্তু এখন আমার দেখলেই দস্তে দস্তে ঘর্ষণ করেন, আর আরক্তলোচনে বলেন, তুই পাপিনী নীচ-কুলোদ্ভবা! নচেৎ এমন নীচ সন্তান কেন প্রসব করলি? তোর সন্তান আমার দিবানিশি তুহানলে দগ্ন ক'রছে। মন্ত্রি, আমি অভাগিনী! রোদন করবো, এ স্বাধীনতা আমার নেই, হায়! এই নিমিত্ত কি রাজকূলে জন্মগ্রহণ করেছিলাম? অমুকুল পতি কার এরূপ প্রতিকূল হয়? কার পতি সন্তান-নিধনে যত্বান? এ অভাগা সন্তান কেন আমার জঠরে এসেছিল? মন্ত্রি! বুঝি পুত্র গর্ভে ধ'রে পতি-পুত্র হারাই। মন্ত্রি, যাও, যাও, বুঝি মহারাজ এ দিকে আসছেন।

মন্ত্রী। দেবি! আমি রাজ-বৈষ্ণের সঙ্গে পরামর্শ করি গে?

কয়াধু। মন্ত্রি, যাও, শীঘ্র যাও, মহারাজ দেখলে উভয়কে বধ করবেন।

[মন্ত্রীর প্রস্থান।]

(হিরণ্যকশিপুর প্রবেশ)

হিরণ্য। রাজি! শুনেছ, তোমার পুত্রকে অগ্নিতে দাহন করতে আজ্ঞা দিয়েছি, যদি তাতে রক্ষা পায়, তোমার পুত্রকে গিরিশৃঙ্গ হ'তে সমুদ্রে নিক্ষেপ করবো, দেখি কুহকিনী তোর কি কুহক, পাপিনি! পুত্রশোক পাবি, পুত্রশোক পাবি, পুত্রশোক পাবি। তুহানল, তুহানল! বীরবর হিরণ্যাক্ষ! তুমি কোথায়? এ মনের জালা কা'কে জানাব; দেখে যাও, দেখে যাও, প্রহ্লাদের আচরণ দেখে যাও। রাক্ষসী নীরব আছ? কাঁদ, কাঁদ, তোমার রোদন দেখলেও আমার মন তৃপ্ত হয়। তোমার পুত্রকে বধ করবো, তোমার পুত্রকে বধ করবো, তোমার পুত্রহীনা করবো; এই হরি, এই হরি! ধব্ ধব্ ধব্!—

[প্রস্থান।]

কয়াধু। হা শঙ্করি! তোমার মনে এই ছিল মা!

[প্রস্থান।]

কানন

(রক্ষী ও প্রহ্লাদের প্রবেশ)

প্রহ্লাদ । কৃপাসিকু, অনাথবান্ধব !

পদে রাখ এ ঘোর বিপদে,
দেখ প্রভু, দীপ্ত হতাশন,
এখনি তো যাবে এ জীবন ;
দেখা দাও মদনমোহন আসি,
এস এস ভীতজন সখা ।
বাঁকা হ'য়ে দাঁড়াও সম্মুখে,
পুলকে অনলে ত্যজি প্রাণ ;
বিপদসাগরে যে ডাকে তোমারে,
তারে হরি দাও দেখা ।
এ অকূলে কোথা আছ ভুলে,
এস কৃষ্ণ বাজায় বীশরী,
প্রাণ পরিহরি,
রাঙাপদ দেখিতে দেখিতে ;
কমল-নগ্নে চাহ কমলরঞ্জন ।
হে শ্রীনাথ ভকতবৎসল,
দেহ বল, ত্যজি প্রাণ নাম করি গান ;
হরিনাম সংসারে অভয়,
হর ভয় ওহে ভগবান্,
যদি মম দুর্বল হৃদয়,
মৃত্যুকালে নামে করি কলঙ্ক অর্পণ ;
ডরি বনমালি, শমন-তাড়নে,
পাছে কৃষ্ণ, কৃষ্ণ-নাম ভুলি,
দেখো দেখো রেখো সখা পায়
যেন রসনায় তব ন-ম গায়,
কালার্টাদ নাহি অস্ত্র সাধ,
কৃষ্ণ ব'লে যেন যায় প্রাণ ।

(অনলমধ্য হইতে শ্রীকৃষ্ণের উদয়)

শ্রীকৃষ্ণ । আয় কোলে আয় রে অনলে,
অগ্নিমাবে দেখ তোর হরি,

দেখুক সকলে—

অনল শীতল হয় বৈষ্ণব-পরশে ;
আয় ভক্ত, ভক্ত আমার প্রাণ,
ভক্ত সার ভক্ত বিনা নাহিক আমার,
বাঁধা আমি ভক্তের নিক.ট !

রক্ষী । ওরে ওরে জ'লে গেল !

প্রহ্লাদ : কোটিজন্ম সহিতে তাড়না

কালার্টাদ হয় হে বাসনা মনে ।
হরি দয়াময়, হরি দয়াময়,
হরি দয়াময় !
দেখো প্রভু, ভুলো না আমায়,
দেখা পাই এই ভিক্ষা চাই ।
প্রভু, তব ম'গিা অপার,
দৈত্যকূলে করহ নিস্তার,
পদাশ্রয় দেহ প্রভু, পিতারে আমার ।
ওহে জগৎপতি !
মতি গতি সকলি হে তুমি,
ভগবান্ দিয়ে দিব্যজ্ঞান
ত্রাণ কর দৈত্যকূলেশ্বরে ।

শ্রীকৃষ্ণ । ভক্তের বাসনা পূর্ণ হবে চিরদিন,

কালে পদতলে
দিব স্থান জনকে তোমার ।
কহি সত্য করি,
দৈত্যদ্বায়ে বাঁধা রব চির দিন ।
পূর্ব-বিবরণ বরহ শ্রবণ,
ছিল জয় বিজয় আমার দ্বারী,
ব্রহ্মশাপে জন্মিল ধরায়,
শক্রভাবে দৌহে গোরে করিল সাধনা,
হিরণ্যাক্ষে দিছি আমি দেখা,
কালপূর্ণ হ'লে
দেখা দিব জনকে তোমার ।

প্রহ্লাদ । ইচ্ছাময়, ইচ্ছায় সকল তব !

[প্রস্থান ।

পঞ্চম গর্ভাঙ্ক

উত্থান।

(মন্ত্রী ও রক্ষীর প্রবেশ)

মন্ত্রী। এ কি সত্য?

রক্ষী। মহাশয়! স্বচক্ষে দেখুন, এই বৃক্ষগণের, এই পুষ্পবনের অবস্থা দেখুন, মহারাজ ক্ষিপ্তপ্রায়, এসে সকলি ছিন্ন-ভিন্ন ক'রেছেন, এই হরি হরি বলেন, আর বৃক্ষে গদাঘাত করেন।

মন্ত্রী। অ্যা! কখন?

রক্ষী। দ্বিতীয় প্রহর অতীত হ'লে প্রহরী পরিবর্তন হয়, সেই সময় আমরা দ্বার-রক্ষার ভার পাই।

মন্ত্রী। এখন তো প্রায় তৃতীয় প্রহর অতীত।

রক্ষী। আমি মহারাজের এই দশা দেখে আমার সহকারীকে দ্বাররক্ষায় নিযুক্ত ক'রে মহাশয়কে সংবাদ দিলেম।

মন্ত্রী। আমি রাজ্যের নিকট গুনেছিলেম, মহারাজ নিদ্রিতাবস্থায় চীৎকার করেন, কখনও কখনও নিদ্রাবস্থায় প্রতি গৃহ অন্বেষণ করেন, বোধ হয়, আজও সেই ভাবে উত্থানে প্রবেশ ক'রেছেন।

রক্ষী। কই তো নিদ্রিত দেখলেম না, আরক্তনঃনে অগ্নিশিখা নির্গত হ'চ্ছে, কিন্তু চ'ক্ষের পল্লব পড়ে না—ঐ দেখুন।

(হিরণ্যকশিপুর প্রবেশ)

হিরণ্য। না না, প্রতিজ্ঞা ক'রেছি, গদাগ্রহণ ক'রবো না, চুপ চুপ! কথা কওয়াও উচিত নয়, ছুরাচার পালাবে, ঐ হরি আসছে।

মন্ত্রী। নিদ্রিত অবস্থাই বটে।

হিরণ্য। হা ভ্রাতঃ! বরাহদন্তে তোমার অঙ্গ বিদীর্ণ হ'য়েছে, বীরবর, ক্ষণেক বিশ্রাম কর, আমি বরাহ-নিধন ক'রছি।

মন্ত্রী। এ তো সম্পূর্ণ উন্নততা।

হিরণ্য। মুনি, মৃত—মৃত, কামরূপী—কামরূপী—হুর্জয়—হুর্জয় সে হরি।

রক্ষী। মন্ত্রী মহাশয়! এ কি দেখছি, দৈত্যকুলে সর্বনাশ হ'লো!

হিরণ্য। কি বল মন্ত্রী! প্রহ্লাদ কালী ব'লেছে, ছুরাচার হরিনাম আর নেয় না? আমার পুত্র, আমার পুত্র—আমার, —চুপ চুপ! ঐ হরি আসছে।

মন্ত্রী। আর উপায় নেই, হরি সর্বনাশ ক'রলে, হরি সর্বনাশ ক'রলে, হায়, কি হ'লো! রাজার এই দশা! রাজপুত্রকে পর্বতশৃঙ্গ হ'তে সমুদ্রে নিক্ষেপ ক'রতে নিয়ে গেল, দৈত্যের আ ধপত্য বুঝি ফুরালো।

রক্ষী। হায় হায়, কি হ'লো!

হিরণ্য। কি, অগ্নিতে মরে নি? সকলে প্রবঞ্চক, সকলে আমায় প্রবঞ্চনা ক'চ্ছে, আমি এককালে সকলকে নিধন ক'রবো;—এই হরি, এই হরি, এই হরি—

মন্ত্রী। মহারাজ! আগি, আমি—

হিরণ্য। অ্যা! কোথা আমি!

(মূর্ছা)

মন্ত্রী। সর্বনাশ হ'লো, মহারাজ! ধৈর্য ধরুন মহারাজ ধৈর্য ধরুন, দৈত্যেশ্বর! স্থির হোন।

হিরণ্য। ওঃ হরি!

ধন্য তুই, কপট মায়াবো।

মন্ত্রী, ত্রিসংসার হেরি হরিময়,

নিশিদিনে শয়নে স্বপনে,

হরি নাহি ভুলি,

কিন্তু মম অন্তরের কালি নাহি গেল,

হরি না আইল,

রাজ্যধন বিফল সকলি,

প্রতিশোধ দিতে যদি নারি।

কপট নির্দয় বীর সে ত নয়,

কৌশলে মজায় দৈত্যকুল,

গেল কুলমান,

শক্র-পূজা করিল সন্তান,

জ্যেষ্ঠভ্রাতা বধিল কপটী

দেখা দিয়ে দেখা নাহি দেয়,

ছলে কোথা যায়,

ভাবি তাই কোথা তারে পাই,

এ যাতনা কেমনে মিটাই।

আয় হরি, আয়—

দৈত্যবল বোঝ পরীক্ষায়,
এক ঘাঘ চূর্ণ করি তোর শির,
আয় মূঢ়, কৃষ্ণ-কলেবরে,
কিংবা এস বরাহ-শরীরে,
সিংহ ব্যাঘ্র নর অমর কিয়র,
ধর শীঘ্র যে মূর্ত্তি বাসনা তোর,
দেখা পেলো বুঝি তোর বল,
ভাঙ্গি তোর ছল,
হায় আর নাহি সয়,—
গেল গেল সকলি মজিল ।

মন্ত্রী । মহারাজ, কোথা হরি ?

ধৈর্য্য ধর, কি হেতু উতলা,
তিন পুর ভ্রমে দৈত্যদূত,
যমদূত সম বলে,
স্বর্গে মর্ত্ত্যে ফেরে রসাতলে,
আনি দিবে হরির সংবাদ,
স্থির হও, ধৈর্য্য ধর মহারাজ !

হিরণ্য । মন্ত্রি, পূজিয়া শঙ্কর মাগিলাম বর,
অস্ত্রে জলে অনলে নাহিক মৃত্যু মোর,
নাহিক শরীরী—শঙ্কর-রূপায় ঘারে ডরি,
দিবা বা রাত্রে মৃত্যু নাহি মোর ;
হের মন্ত্রি ! বর হ'লো শাপ,
এ কি পরিতাপ,
পুত্র হ'লো শঙ্কর অধীন ।
ধরি হীন দেহ,
ভ্রাতৃবধ প্রতিবিধিৎসিতে নারি,
মনে করি দেহ পরিহরি,
এড়াই এ দারুণ যন্ত্রণা,—
মৃত্যু সম্ভবে না,
মৃত্যুঞ্জয়—মৃত্যুঞ্জয়-বরে আমি ।
ওই হরি, ওই ছুরাশয়,
আয় বধি তোর প্রাণ ।

মন্ত্রী । মহারাজ ! কোথা হরি ?

হিরণ্য । ওই হরি, বাজায় বাশরী,—
ওই ওই ওই চক্রী মূঢ় !

[হিরণ্যকশিপু পশ্চাতে সকলের প্রস্থান

ষষ্ঠ গর্ভাঙ্ক

(রক্ষিগণের প্রবেশ)

১ম রক্ষী । রাজা তো ভাই গর্দানা নেবে,—উঃ ! সমুদ্র
থেকে উঠ'লো যেন কালো মেঘখানা ।

২য় রক্ষী । আমি ভাই অত দেখিনি, আমি ঝুঁটা
দেখেই সটকেছি, সে দিন আগুন থেকে বেঁচে গেছি, আজ
নিয়েছিল আর কি !—ঐ সেনাপতি মশাই আসছে, আয়
ভাই গুঁরে বলি, রাজা তো আশু রাখবে না ।

(সেনাপতির প্রবেশ)

সেনা । সর্বনাশ হ'লো, মহারাজ আগুন মানেন না,
জল মানেন না, ঐ হরি হরি ব'লে হুদে ঝাঁপ দিলেম, আমি
ভেবে পাচ্চিনে, কি উপায় ক'রবো !

১ম রক্ষী । সেনাপতি মশাই, রক্ষা করুন,—কুমারকে
নিয়ে তো বিভ্রাটে প'ড়'লেম ! গিরিশঙ্কে আরোহণ ক'রে
রাজকুমারকে সমুদ্রে নিক্ষেপ ক'র'লেম,—অকস্মাৎ সমুদ্র থেকে
একখানা কালোমেঘের মত উঠ'লো, আমরা অস্ত্র মার'লেম,
দস্তে অস্ত্র ধ'র'লে,—চতুর্ভুজে শঙ্খচক্রগদাপদ্ম, রাজপুত্রকে
কোলে নিয়ে তীরে উঠ'লো ; আমরা পুনর্বার আক্রমণ
ক'র'লেম, সে মেঘবর্ণ বীরপুরুষ গর্জ্জন ক'র'লে, গর্জ্জনে শত শত
জন মুর্চ্ছিত হ'লো, আমরা প্রাণভয়ে পলায়ন ক'রেছি, কুমার
নিরাপদে পুরে প্রবেশ ক'রেছেন ।

সেনা । সকলি বিচিত্র ! এ সেই হরি নিশ্চয়, রাজার
কাছে চল ।

২য় রক্ষী । মহাশয় ! রাজকোপে সর্বনাশ হবে ।

সেনা । না না, রাজা বুঝেছেন, তোমাদের অপরাধ নাই ;
হরি অতি ক্ষমতাশালী, চল, রাত্রে গেল, বেলা তৃতীয় প্রহর
অতীত, এতক্ষণ কোথায় ছিলে ?

১ম রক্ষী । মহাশয় ! প্রাণভয়ে দিগ্বিদিক-জ্ঞান-শূন্য
হ'য়ে ছুটেছিলেম ।

[সকলের প্রস্থান ।

সপ্তম গর্ভাঙ্ক

র জসভা

(হিরণ্যকশিপু প্রবেশ)

হিরণ্য । দেখা দিয়ে কোথায় লুকায়,—
 পাছে পাছে অরি ধরিতে না পারি,
 এরূপ কেমনে করি নাশ,
 দেখি দেখি কোথায় মিশায় ।
 এই এই—পুনঃ দেখি—নেই,
 কভু জলে, কভু বা অনলে,
 কভু বৃক্ষে, গগনমণ্ডলে
 নাচে কুতূহলে,
 ধেয়ে গেলে তথা আর নেই !
 নিশ্চয় নিকটে আছে,
 কিন্তু হুরাশয় মহা-মায়াময়,
 হেন বৈরী কেমনে করিব পরাজয় !—
 চোরা-রীতি করে চুরি রণ—
 এ দুর্জন শাসন-অধীন নয়,
 নিশ্চয়, নিশ্চয় হেথা কোথা আছে অরি ।

(সেনাপতির প্রবেশ)

সেনা । মহারাজ !
 রাজ্যে দেখি সকলি অদ্ভুত,
 বুদ্ধি হয় পরাভব,
 বাধিয়ে প্রস্তরে
 কুমারে সাগরে যবে করিল নিক্ষেপ—
 জল হ'তে অকস্মাৎ উঠিল পুরুষ,
 নবজলধর জিনি কলেবর,
 শিখিপাথা শোভা পায় শিরে,
 কুমারে লইয়ে কোলে খুলিল বন্ধন ।
 রক্ষিগণ—
 অস্ত্র বরিষণ করিল সকলে মিলে,
 দস্তে ধরি লইল সে পুরুষ দুর্জয়,
 ভীমনাদে করিল গর্জন,
 কত শত জন ত্যজিল জীবন তাহে ।
 কেহ মূর্ছাপ্রায়—

কেহ দ্রুতপদে পলাইল,
 নাহি জানি—

রাজ্যে কিবা জঞ্জাল ঘটিল,

নিরাপদে রাজপুরে ফিরেছে কুমার ।

হিরণ্য । এই হরি ! শীঘ্র বল কোন্ সিদ্ধু-মা
 দেখা দেছে হুরাচার,—
 এখনি বধিব তারে ।

সেনা । মহারাজ !

শত্রু আর নাহি সিদ্ধুমাবে ;
 কভু জলে, কভু শত্রু অনলে বিরাজে,
 সাগরে কি পাবে নিদর্শন ?

হিরণ্য । সেনাপতি ! সত্য তব কথা,
 দুর্ষদ, দুর্ষদ—হরি !
 ডাকহ প্রহ্লাদে,
 অবশ্য সে তত্ত্ব জানে ;
 যদি কোথা দেখা তার পাই,
 অমরত্ব নাহি আর চাই,
 হরির শোণিতে নিভাই মনের জ্বালা ।
 ডাকহ প্রহ্লাদে,
 কৌশলে জানিব কোথা হরি ।

সেনা । প্রভু ! রক্ষিগণে কুমারে আনিছে ।

(রক্ষিগণসহ প্রহ্লাদের প্রবেশ)

হিরণ্য । সত্য কহ, পুত্র, মোরে—
 কোথা তোর হরি ?
 কহ বার বার,
 ব্যাপি ত্রিসংসার—
 হরি তোর বিরাজিত,
 কিন্তু র জচর করে অন্বেষণ,
 হরি-দর্শন কেহ বেন নাহি পায় ?
 বল সত্য বল,
 হরিসনে কোথা দেখা হ'লো,
 কেমনে সে ভুলালে তোমারে ?
 সাগর-মাঝারে কেমনে বা এল ?
 কেবা তত্ত্ব দিল ?—
 ঘুচাও সংশয়, নাহি আর ভয়,

কহ কি প্রমাণে —

জান হরি জগৎ-বিহারী ?

প্রহ্লাদ । পিতা, ভক্তিমাত্র হরির প্রমাণ ;

নাহি স্থান নাহি হেন ধাম—

হরি যথা নাহি বিচ্যমান !

বাক্য বংশীধারী ত্রিসংসার তাঁরি,

হরিময় ত্রিভুবন,—

অস্তরে বাহিরে নেহার হরিরে,

রবিশশী দিবানিশি করে গুণগান,

বহে সমীরণ হরি-সকীর্ভন ক'রে,

মাগর-কল্লোলে হরি হরি ব'লে

হরিনাম করে জলধর,

ভূচর খেচর আদি চরাচর,

হরি পরাংপর নতশিরে মানে সবে ।

ক্ষুদ্র কীটে অথবা অমরে

সমভাবে শ্রীহরি বিহরে,

বিধ-পরমাণু সম পূর্ণ হরিপ্রেমে ।

হিরণ্য । রাখ রাখ বাক্য-আড়ম্বর,

দেহ মোরে স্বরূপ উত্তর,—

এই স্থানে আছে কি রে হরি ?

প্রহ্লাদ । হরি জগন্ময়,—

এ কথা নিশ্চয়, সংশয় না কর তায় ।

হিরণ্য । এই যে স্ফটিকস্তম্ভ দেখ বিচ্যমান,

ইহাতে কি আছে তোর প্রভু ভগবান্ ?

প্রহ্লাদ । হরি বিচ্যমান স্তম্ভের ভিতর ।

হিরণ্য । মমতায় নিজহস্তে বধি নাই তোরে ;

যদি না দেখাও হরি স্তম্ভের ভিতর,

থড়াঘাতে লব তোর প্রাণ ।

প্রহ্লাদ । পিতা, নিশ্চয় এ কথা—

আছেন শ্রীহরি এই স্তম্ভের ভিতর ।

হিরণ্য । আরে ভ্রাতৃ-ঘাতী কপট পামর,

স্তম্ভে আছ লুকাইয়ে !

(স্তম্ভে পদাঘাত করণ ও ভীষণ গর্জন করিয়া

নৃসিংহ অবতারের আবির্ভাব)

এই হরি ! বুঝি বুধা হয় বর,—

চরাচরে হেন মূর্তি নেই !—

তবু বীরকার্য না ভুলিব ।

(গদাঘাত)

দিবারাত্র জলে-স্থলে মৃত্যু নাহি মোর,

আরে রে পামর !

কি করিবি নরসিংহরূপ ধরি ?

নৃসিংহ । সন্ধ্যাকাল, নহে দিবানিশি,

নহে জলে স্থলে—জাহ্নু'পরে ত্যজ প্রাণ,

বল নাহি প্রেম সম ।

(সংহারোত্তত)

হিরণ্য । প্রতারণা ক'রেছ শঙ্কর,—

হরি তুমি বলবান্ !

আহা, কি মোহন মূর্তি তোমার !

হেন রূপে কেন নাহি দিলে দেখা ?

মনোহর ত্রিভঙ্গিম শ্রামল সুন্দর,

হৃৎ-পদ্মে দেহ শ্রীচরণ !

(মৃত্যু)

(দেবদেবিগণের প্রবেশ)

দেবগণ । শাস্ত কর প্রভুরে প্রহ্লাদ,

নহে পদভরে যায় ধরা রসাতল ।

প্রহ্লাদ । প্রভু ! মজে ত্রিভুবন,

ক্রোধ কর সংবরণ,

হের সভয়-হৃদয় দেবগণ,

করঘোড়ে করে অবস্থান, —

সৃষ্টি রাখ সৃষ্টির কারণ ।

নৃসিংহ । আয় আয় ভক্ত সদাশয়,

কোলে ল'য়ে জুড়াই হৃদয়,

আমা হেতু সহিষ্ণাছ অশেষ তাড়না ।

প্রহ্লাদ । প্রভু ! রূপ হেরি সভয়হৃদয়,

দেখা দাও মদনমোহন-ঠামে ।

নৃসিংহ । অবোধ সন্তান হেতু এ রূপ ধারণ

যুগ-প্রয়োজন, —

নেহার নয়ন মুদি ত্রিভঙ্গমূর্তি ।

(সমবেত গীত)

ধাম্বাজ—একতাল।

দৈত্যদম্বভঙ্গ নরসিংহ ভীমরঙ্গ,
 গর্জন ধন, দুর্জন মন কম্পিত আতঙ্কে ।
 স্তম্ভগর্ভে অঙ্গ ধারণ,
 ভক্তাধীন নারায়ণ,
 ভক্ত-চিত্ত মস্ত প্রেমে নর্জন তরঙ্গে ।

অপার করণা হরি,

অরি পায় পদতরী,

হরি তুমি কার নও অরি ;


সখা বলে খেল সখা প্রেমিকের সঙ্গে,

হের দীনে অপাজে ।

স্বননিকা

বৃষকেতু

(পৌরাণিক নাটিকা)



[১৫ই বৈশাখ, ১২৯১ সাল, ষ্টার থিয়েটারে প্রথম অভিনীত]

নাট্যোদ্ভূত ব্যক্তিগণ

(পুরুষ)

(স্ত্রী)

বৃদ্ধ ব্রাহ্মণবেশী বিষ্ণু

পদ্মাবতী

... মহিষী ।

কর্ণ

... অধরাজ ।

বৃষকেতু

... ঐ পুত্র ।

পরিচারিকা, স্ত্রীলোকগণ ইত্যাদি ।

প্রহরী, পাচক, ভৃত্যগণ, বালকগণ ইত্যাদি ।

প্রথম দৃশ্য

—:—

রাজসভা

কর্ণ ও প্রহরী ।

প্রহরী । মহারাজের জয় হোক !

কর্ণ । কি সংবাদ ?

প্রহরী । দ্বারে একজন ব্রাহ্মণ এসে উপস্থিত ।

কর্ণ । অকর্ণণ্য, কি নিমিত্ত সভায় আন নি ?

প্রহরী । মহারাজ, অপরাধ মার্জনা হয়, কেমন বাহুন,—কাথেকে এল, কিছু বুঝতে পাচ্ছি না ।

কর্ণ । কোথা হ'তে এল, তোমার জানবার প্রয়োজন নাই ।

প্রহরী । ধর্মাবতার, অধীনকে মার্জনা করুন, ব্রাহ্মণের চিহ্নের ভিতর শুধু যজ্ঞসূত্র, নইলে কিভূত-কিমাকার, মুখ যেন মালসা, গালের মাংস উরুতে নেবেছে, আর চেহারাখানি যেন তালগাছ ভেঙ্গে পড়েছে ।

কর্ণ । নরাদম ! ব্রাহ্মণকে শীঘ্র সভায় আন ।

প্রহরী । ধর্মাবতার ! কুলোর মত দু'খানা ঠোঁট নেড়ে বলে, “খাব খাব ।”

কর্ণ । পাপিষ্ঠ ! শীঘ্র আন, ব্রাহ্মণ ক্ষুধার্ত এখনও রয়েছে ?

প্রহরী । ধর্মাবতার, রাক্ষুসে মূর্খি !

কর্ণ । শীঘ্র আন, নইলে দণ্ড পাবি । তুই কি আমার নিয়ম জানিস্ না, ব্রাহ্মণকে রোধ—নিষেধ ।

প্রহরী। যে আজ্ঞে মহারাজ! (স্বগত) ব্যাটা আজ রাজসভা শুরু খাবে। এই যে, দামোদর-মূর্ত্তি আপনি আসছেন।

(বৃদ্ধ ব্রাহ্মণ-বেশে বিষ্ণুর প্রবেশ)

বিষ্ণু। মহারাজের জয় হউক।

কর্ণ। আহ্ন, আমার পুরী পবিত্র হ'লো!

বিষ্ণু। মহারাজ! খাব, একাদশী ক'রেছি, খাব।

কর্ণ। যে আজ্ঞা, কি আহার ক'রবেন—বলুন?

বিষ্ণু। মহারাজ! ব'লব, তা বলায় হানি নাই। আপনি দাতার শিরোমণি, আপনার বশ সকলেই গায়; তাই বলি— একাদশী ক'রে র'য়েছি, বড় ক্ষুধার্ত, খাব।

কর্ণ। কি খাবেন, অমুমতি করুন।

বিষ্ণু। মহারাজ! আপনি অতিশয় দাতা, দেবদ্বিজতন্ত্র, তাই বলি, ক্ষুধার্ত ব্রাহ্মণ আমি—কিছু—আমি কিছু—

কর্ণ। কেন কুণ্ঠিত হ'ছেন? আজ্ঞা করুন, অতি দুস্প্রাপ্য দ্রব্য হ'লেও এই দণ্ডে এনে দেব।

বিষ্ণু। আমি কিছু—আমি—কিছু—আমার কিছু মাংসে রুচি।

কর্ণ। দ্বিজবর! এই নিমিত্ত সঙ্কুচিত হ'চ্ছিলেন? যে মাংস আজ্ঞা ক'রবেন, এখনি প্রস্তুত ক'রব।

বিষ্ণু। আহা!—তাই বলি—তাই বলি,—মহারাজের দয়া সমুদ্র-বিশেষ! আপনি অতি সজ্জন, অতি মহাশয়, অতি সদাশয়, অতি গম্ভীরপ্রকৃতি, আর সেইরূপ বিনয়া, সেইরূপ

কর্ণ। প্রভূ! আমি অধম, এতাদৃশ সম্মানের যোগ্য নই। কি মাংস আহার ক'রবেন, আদেশ ক'রে চরিতার্থ করুন।

বিষ্ণু। দেখুন—অতি উত্তম মাংস, সেই মূনির বজ্জে খেয়েছিলুম, অতি কোমল মাংস, প্রাণ পরিভূষ হ'ল, আর রন্ধনও অতি পরিপাটী।

কর্ণ। আমারও সুপাচক আছে, যেরূপ কোমল মাংস ইচ্ছা করেন, তাই প্রস্তুত হবে।

বিষ্ণু। আহা! সে অতি উত্তম মাংস।

কর্ণ। কি মাংস?

। মহারাজ!

। বলুন?

বিষ্ণু। নরমেধবজ্জে অতি কোমল শিশু কেটেছিল, পরিপাটী ভোজন হ'য়েছিল।

কর্ণ। নরমেধ-ভক্ষণ ক'রতে ইচ্ছা করেন?

বিষ্ণু। হাঁ, কিন্তু একটু কোমল—ভোগীর মাংস হ'লে ভাল হয়।

কর্ণ। দ্বিজবর, সঙ্কুচিত হবেন-না, যদি ইচ্ছা করেন, আমার মাংসই রন্ধন করে আপনাকে ভক্ষণ করাই।

বিষ্ণু। মহারাজ, আপনার পুত্রের মাংস আপনার অপেক্ষা কোমল।

প্রহরী। (স্বগত) ব্যাটা ছেলে থেকে শুরু ক'রেছে, সপুরী একগাড় ক'রবে, আমার চাকরীতে কাজ নাই, প্রাণ বড় ধন।

[প্রস্থান।

কর্ণ। আমার পুত্রের মাংস?

বিষ্ণু। আজ্ঞে, পথে দেখ'লুম—যেন ননী।

কর্ণ। ভাল, আপনার ইচ্ছা পূর্ণ হবে।

বিষ্ণু। মহারাজ, পারণের একটু নিয়ম আছে।

কর্ণ। কি নিয়ম—আজ্ঞা করুন।

বিষ্ণু। স্ত্রী-পুরুষে পুত্রকে বধ ক'রতে হবে, সস্ত্রীক না হ'লে, আমি দান গ্রহণ করি না।

কর্ণ। স্ত্রী-পুরুষে বধ ক'রতে হবে?

বিষ্ণু। নচেৎ আমার ভূষি জন্মাবে না।

কর্ণ। ঠাকুর, অপেক্ষা করুন, আমার পত্নীকে একবার জিজ্ঞাসা করি।

বিষ্ণু। করাত দিয়ে কাটবেন, খেঁৎলে না কাটলে একেবারে রক্ত বেরিয়ে যাবে, মাংস অত স্নতার থাকবে না।

কর্ণ। ভাল, পদ্মাবতীকে সম্মত ক'রে আসি।

বিষ্ণু। আর এক কথা,—কাতর হ'য়ে কাটতে পারবেন না, কাতরের দান আমি গ্রহণ করি না। আঃ! বড় উদরের জালা।

কর্ণ। যখন পুত্র-বধে কৃতসঙ্কল্প, তখন কাতর হব—ভাববেন না।

বিষ্ণু। হামি মুখে স্ত্রী-পুরুষে আমার সাক্ষাতে ছেলেটিকে কাটতে হবে। কি জানেন, বড় ক্ষুধার্ত, কাটা দেখলেও কতক তৃপ্ত থাকব।

কর্ণ। ভাল, সেইরূপই হবে। আমি পদ্মাবতীর নিকট

হ'তে আসি, আপনি বিশ্বাস করুন গে। কে আছে রে,
ব্রাহ্মণকে বিশ্বাস-গৃহে নিয়ে যাও। কি আশ্চর্য্য! উত্তর
নাই। কে আছে, কে আছে?—কই, কেউ নাই। আসুন
দ্বিজ, আমার সঙ্গেই আসুন।

[প্রস্থান।

দ্বিতীয় দৃশ্য

কক্ষ

পদ্মাবতী।

পদ্মা। কেন এখনও এল না?—

বৃষকেতু অশান্ত হ'য়েছে,
প্রাতে উঠে গেছে,
সুধার সময় হ'ল তার,—
খেলা পেলো সব যায় ভুলে,
নেচে গেয়ে ফিরে শিশু সনে,
আহা! বৃষকেতু আমার যেমন,
হেন আর দেখি নে নয়নে,
কিবা আভরণে, আভরণ বিনে,
নয়ন জুড়ায় হেরি, —
শিশু ল'য়ে ফিরে, চাঁদ যেন তারা-হারে,
বাজায় ছ'করে যবে নৃত্য করে,
গলে দোলে ফুলমালা—
মুক্তাসারি বরে শ্রম-বারি,
মুছায় বদন, যত্নে কোলে করি,
মনে হয়—
শতধারে বয় অন্তরে সুধার ধারা।
যবে কোলে উঠে 'মা' ব'লে আমার,
স্বর্গ-সুখ নাহি চাই বিনিময়ে।

(কর্ণের প্রবেশ)

কর্ণ। রাগি, ধর্মকর্ম যায় সমুদয়,
সর্বনাশ হয়,
গেল—নাম গেল,
অপকীর্তি রটিল জগতে,
অতি বৃদ্ধ বৃদ্ধ ব্রাহ্মণ,

গেল সকলি বা গেল—কীর্তিনাশ হ'ল,
এলো দ্বিজ, নাহি জানি কোথা হ'তে!
লেলিহান শার্দূলের প্রায়,
সুধার জালায়,
বিপুল জিহ্বায় ওষ্ঠ চাটে পুনঃ পুনঃ,
কর্মলোপ হ'ল এতদিনে।

পদ্মা। কেন কেন, কি হ'য়েছে মহারাজ?

কর্ণ। অতি বৃদ্ধ বৃদ্ধ ব্রাহ্মণ।

পদ্মা। বৃষ্টিতে না পারি, কহ কিবা নরনাথ!

কেন ম্লান বদনমণ্ডল?

শ্বাস বহে ঘন ঘন,

কেন উচাটন বলহ রাজন!

উন্মাদ যেমন,

ঘূর্ণমান লোহিত লোচন,

বৃষ্টিতে না পারি—

আচম্বিতে কেন হেন ভাব?

কর্ণ। জান রাগি, সহজে কাতর নহি আমি,

যবে তনয়ের কল্যাণ-সাধনে—

আইলেন বাসব ভবনে,

অবিচলপ্রাণে,

আখণ্ডে কুণ্ডল করিছু দান,

অকাতরে ছেদিয়া শরীর,

দানিলাম অভেদ্য কবচ;

কিন্তু এবে বিধাতার বিষম ছলনা,

কি করি বল না,

ক্ষত্রিয়-প্রতিজ্ঞা বৃষ্টি না হয় পূরণ।

পদ্মাবতি! ক্ষোভ হয় অতি,

প্রতিশ্রুত হয়ে সত্য নারিব পালিতে।

পদ্মা। প্রাণ কাঁপে, বল মহারাজ,

সন্দেহে রেখ না আর,

সহজে স্মেরু না নড়ে,

বিবর্ণ না হয় ভাসু,

শীঘ্র বল ব্যাকুল হ'তেছে প্রাণ।

কর্ণ। শুন রাগি!

মেঘের বরণ,

কোথা হ'তে আইল ব্রাহ্মণ,

অতিবৃদ্ধ

কুঞ্চিত লোলিত চর্ম ঢেকেছে নয়ন,
কণ্টক সমান মস্তকে পলিত কেশ,
ভয়ঙ্কর বেশ,
সভায় চাহিল দান ;
কহিল ব্রাহ্মণ,
“আছি উপবাসী, একাদশী-ব্রত পালি,
পারণ করাও রাজা !”

কৈম্ব অঙ্গীকার—

দিব যে আহার চাহে দ্বিজ ;
সর্বনাশ উদয় আমার,
বুঝিতে নারিলু তাহা !

পদ্মা । কেন কেন, কিবা দ্রব্য চায় ?
আছে নানা সামগ্রী ভাণ্ডারে—
কোটি কোটি বিপ্র যাহে হয় পরিতোষ,
তবে কেন শঙ্কা নরনাথ !

কর্ণ । নিদারুণ সে ব্রাহ্মণ,
বলিল যে কঠিন বচন,
কহিতে সে কথা
জড়ায় রসনা
ব্রাহ্মণের শুনিয়া বচন
পলায়েছে রাজ-ভৃত্যগণ ;
বড় দায়ে সুধাই তোমায়
বল রাণি, কি হবে আমার ?

পদ্মা । প্রভু ! তুমি জান চিরদিন
আমি তবাধীন,
প্রাণ দিব যদি হয় প্রয়োজন,
বল নাথ, হ'য়ো না উতলা,
শীঘ্র বল কি চাহে ব্রাহ্মণ ।

কর্ণ । রাণি, বড়ই কঠিন দ্বিজ !
বৃষকেতু কুমার আমার—
কহে দারুণ ব্রাহ্মণ—
মাংস তার করিবে ভক্ষণ ।

পদ্মা । না না মহারাজ !
ছল করে দ্বিজবর,
ওহো ! এও কি সম্ভব কভু ?

কর্ণ । নহে ছল ।

রণে বজ্রসম বাণে,
না হই কাতর কভু—
অকারণে কাতর কি হেতু হব ?

পদ্মা । না না,
ধনদানে তোষহ ব্রাহ্মণে ।

কর্ণ । আছি প্রতিশ্রুত—
দিব যাহা করিবে ভক্ষণ,
ধনদানে প্রতিজ্ঞা না রবে,
তাই ভাবি, ধর্মকর্ম গেল সমুদয় ।

পদ্মা । যাক্ কর্ম, ধর্ম হোক লোপ,
যাক্ রাজ্যধন—কাননে করিব বাস ।
আহা ! ছুঙ্কের নন্দন
কেটে দিব রাক্ষসেরে,
কোন্ প্রাণে কহ মহারাজ ?
নহি পশু,
যত্নে যেই নাহি পালে শিশু তার,—
বাধিনী বিবরে, যত্ন সহকারে
রক্ষা করে শাবক তাহার ।

মহারাজ, এই কি ধর্মের ফল ?

কর্ণ । জানি রাণি ! সকলি-মজিবে,
তাই আসিয়াছি লইতে বিদায়,
জ্বলন্ত চিতায় প্রাণ দিব বিসর্জন ।
ক্ষত্র হ'য়ে—

প্রতিজ্ঞা লঙ্ঘন করে যেই জন,
তুষানল প্রায়শ্চিত্ত তার,
তবু তাহে নিস্তার না পাব,
নরকে পড়িব ;

প্রত্যাশিত বৃত্তান্ত ব্রাহ্মণ,
যাই রাণি ! বিদায় জন্মের মত ।

পদ্মা । কোথা যাবে ?
হায়, মম উপায় কি হবে ?
ভগবান্ ! বিনা মেঘে বজ্রাঘাত শিরে !
করহ উপায়—

অন্ত দানে তোষ ব্রাহ্মণেরে ।

কর্ণ । উপায় না দেখি রাণি. প্রাণদান বিনা,

তাই প্রাণ ত্যজিব মহিষি !
গেল ধর্ম, যশঃ হ'ল লোপ,
প্রাণে আর ফল কিবা ?

পদ্মা । ধৈর্য্য ধর মহারাজ !

কাঁদিতে ক'রো না মানা.

জান না জান না মায়ের বেদনা,

তাই নাথ ! করো রোষ ;

নারী দাসী চিরদিন,

পুলে নাহি মম অধিকার,

মম ভাগ্যে বা হবার হবে,

ধর্ম তব করহ পালন,

দাসী আমি কি হেতু স্খাও মোরে ?

সকল তোমার,

শেল হৃদে হানিবে আমার,

পুলে বিসর্জিব,

নহে স্বামী হারাইব,

নিস্তার নাহিক আর,

যেবা হয় কর মহাশয় !

বিদায় আগারে দেহ,

ভাব কি রাজন্ !

পত্নী হ'য়ে দেখিব নয়নে,

জলন্ত চিতায় প্রবেশ করিবে পতি ;

যেবা হয় হইবে আমার,

সত্যে রাজা হও গে উদ্ধার ।

আহা ! বৃষকেতু !—

এই হেতু গর্ভে ধরিলাম তোরে,—

হেরি সকলি আঁধার,

প্রাণ আমার কেন আছে দেহে,

কি হ'ল কি হ'ল,—

যত্ন, তুমি কোথা এ সময় !

কর্ণ । শুন রাণি, কঠিন ব্রাহ্মণ,—

সঙ্গীক ব্যতীত

দান নাহি করিবে গ্রহণ ।

পদ্মাবতি, তুমি কি জান না,

বৃষকেতু প্রাণের দোসর মোর ;

শুন মম বাণী, ধৈর্য্য ধর রাণি,

ধর্ম রাখি পুত্র বলিদানে,

শেষে দৌহে মিলে যাব চ'লে

গহন কাননে,

কিংবা জলন্ত আগুনে—

জুড়াব প্রাণের জ্বালা ।

পদ্মা । রাজা ! মা হ'য়ে কেমনে

নন্দনে দিব হে বলি !

কর্ণ । ধর্ম রাখ, হ'য়ো না কাতর,

নিরস্তর ধর্মে তব মতি ;

এস, ধর্ম করি গে পালন,—

ব্রাহ্মণেরে করাই পারণ,

সত্যে বাঁধা পতি তব,

গুণবতি,—

সত্যে পার করহ স্বামীরে ।

পদ্মা । হায় ! ধর্ম-মর্ম কেমনে বুঝিব ?

আহা ! বাছা যবে স্খাবে আমার,

কারে মোরে দাও বিলাইয়ে ?

বল প্রভু, কি বলিব,

কি ব'লে বুঝাব প্রাণে ?

ওহো ! এত ছিল অদৃষ্টে আমার !

(নেপথ্যে ব্রাহ্মণবেশী বিষ্ণু) ।—মহারাজ !

সুধার কাতর, যাই স্থানান্তরে ।

কর্ণ । যাই দ্বিজবর !

বিলম্ব নাহিক আর ।

রাণি, চিস্তার সময় নাই,

বাঁধ মন,—

পণে মম করহ উদ্ধার,

দুস্তর নরকে পতিরে নিস্তার কর ।

নহে দ্বিজ স্থানান্তরে যাবে,

কীর্তিনাশ হবে,

বাঁধ বুক ধর্ম ভাবি সার ।

বেন ছায়াবাজী এ সংসার,

মহানাট্যশালে নানা সাজে ঘোরে নর,—

কেহ পিতা, কেহ পুত্র, ভ্রাতা,

স্রোতে তৃণ-সম্মিলন,

ধর্মমাত্র অনন্তকালের সখা,
 ধর্ম না করিও হেলা ।
 পদ্মা । প্রভু ! যা হ'বার হবে,
 পাল ধর্ম,—
 কর যেনা অভিরুচি ।
 কর্ণ । আরও আছে কঠিন নিয়ম,
 স্ত্রী-পুরুষে করাত ধরিব,
 অকাতরে পুত্রেরে কাটিব,
 তবে দ্বিজ করিবে ভক্ষণ ।
 পদ্মা । রাজা ! কি বল কি বল,—
 বাছা, বাছা রে আমার !
 (মূর্ছাপ্রায় ও রাজা-কর্তৃক ধৃত হওন)
 কর্ণ । মোহ ত্যজ, মোহ ত্যজ রাণি !
 আছে বহু শোকের সময়,
 উদ্যাপন করিব কঠিন ব্রত ।
 আহা, চাঁদমুখ হেরিয়ে বাছার,
 কতবার করিয়াছি মনে,
 সিংহাসনে বসাব কুমারে,
 হেরিয়ে তনয়,
 কতই ভরসা,
 কত আশা উঠিত হৃদয়ে,
 সব হ'ল ক্ষয় দৈববিড়ম্বনে আজি ;
 কি হবে কাঁদিলে আর ?
 পদ্মা । রাজা ! কোন্ প্রাণে কাটিব নন্দনে ?
 কাতর হইবে,
 মুখ তুলে 'মা' বলে ডাকিবে,
 সন্তানের মা বিনা কে আছে ?
 আহা বাছা ! আহা মরি মরি,
 পিতা-মাতা অরি,
 কেন বাছা, এসেছিলে রাক্ষসী-জঠরে ?
 অহি-সম কঠিন পরাণ,
 বধিব রে আপন সন্তান —
 ভগবান্ ! এত কি নারীর নয়,
 কালরূপী এল কে ব্রাহ্মণ,
 হায়, হায় ! মজিল সংসার,
 মাতৃনামে করিলাম কলঙ্ক অর্পণ,

ত্রিভুবনে মা বলা ফুরাল !
 শতজন্মে এ জালা কি যাবে,
 শত ধিক্ জীবনে আমার,
 বড় অভাগিনী,
 মেদিনি ! দেহ মা স্থান ।
 আজ্জাকারী দাসী তব প্রস্তুত রাজন্ !
 রাখ' ধর্ম, সাধ' প্রয়োজন ।
 কর্ণ । প্রাণ বাঁধ—প্রাণ বাঁধ রাণি !
 পুত্র আনি দিতে উপহার ।

[কর্ণের প্রস্থান

পদ্মা । ধরা অন্ধকার দেহ কারাগার,
 প্রাণ আমার হ'য়ো না চঞ্চল,
 পতিব্রতা-ব্রত আজি কর উদ্যাপন,
 স্বহস্তে নন্দনে দিয়ে বলি ।
 জন্মিয়াছি পুত্রহত্যা তরে,
 দেখিবে সংসারে,
 নারী দহে পিশাচিনী !
 আরে প্রাণ, কোথায় লুকাই,
 কোথা স্থান পাবে ?
 পশ যদি রসাতলে অনন্ত আঁধারে,
 সেথা তোরে পুত্রঘাতী কবে,
 কুমি ফেরে নরক মাঝারে
 সে ত নয় পুত্রঘাতী ;
 সাগর-উদরে তুলনা নাহিক তোর,
 হের, শশরীরে গ্রাসিতে তোমায়
 নরক উদয়,
 শুন শুন রে অনিল !
 অশরীরী বাক্যে সবে বলে—
 এই এই পুত্রঘাতী ।
 দিবাকরে নেহার মলিন,
 মেদিনী না সহে ভার আর,
 চারিদিকে শুন কলরব
 গগণগোল সব,
 হেরে তোরে প্রকৃতি শ্রীহীনা ।
 হবে সৃষ্টিনাশ
 চরাচর সাগর করিবে গ্রাস,

হতাশ ব্রহ্মাণ্ডময়,
ভীত প্রাণী সমুদয় ।
শুন সবে কয়—
মা হ'য়ে সন্তানে দিবে বলি ।
বৃষকেতু ! বৃষকেতু !
পালা পালা বাপধন !
কোথা যাবি কোথা পলাইবি,
মা হ'য়ে বধিব—
কোথায় পালাবি আর,
যাই যাই, বিলম্ব কি হেতু করি ?

[হাঁ।

(পরিচারিকার প্রবেশ)

পরি। সর্বনাশ ! একি, রাণী ধূলোয় প'ড়ে, ওরে
শীগ'গির জল নে আয়, ওরে, শীগ'গির জল নে আয় ।
পদ্মা । (মূর্ছাপগমে)
ওই ওই যায়,
মা বলে আমায় ডাকে ।

[প্রস্থান ।

(নেপথ্যে পতনশব্দ)

তৃতীয় দৃশ্য

রাজপথ

ভৃত্যগণ ।

১ম ভৃত্য । দেখ, তুই একবার উকি মেয়ে দেখে আয়,
কাপড়চোপড়গুলো যদি কোন মতে আনতে পারা যায় ।

২য় ভৃত্য । আঃ ! কি রসের কথা তোর রে, আমায়
আলুম ক'রে গিলে ফেলুক ।

১ম ভৃত্য । তুই চুপি চুপি যা না, আমরা পেছনে যাচ্ছি সব ।

২য় ভৃত্য । তুই কেন এগো না, আমরা পেছনে যাচ্ছি ।

৩য় ভৃত্য । এমন কি ! এস, দেখা যাক, আজ প্রাণ
দেব,—এঁবো সিন্দুকটা আন্বোই আন্বো, চল, এস দেখা
যাক ।

১ম ভৃত্য । তোর সিন্দুক এতক্ষণ রেখেছে কি না,
তাই দেখুবি, এসেই খাব খাব ক'রেছে, আমি দেখলুম,

রাজার গলা অবধি গিলেছে, যেমন ব্যাঙ চোঁচায়, রাজা
চ্যাঁচাচ্ছে, কে আছিঁস্ রে, কে আছিঁস্ রে !

২য় ভৃত্য । আর রাণী—

১ম ভৃত্য । বাঁ হাতে রাণীর চুল ধ'রেছে দেখলুম ।

৩য় ভৃত্য । তবেই ত, কাপড়গুলো সব প'ড়ে রইল;
ওরে, সূদি ছুটে আসছে, এইবারে রাণীকে গিলেছে, ও সূদি!
সূদি ! রাণীকে—

(পরিচারিকার প্রবেশ)

পরি। ওরে সর্বনাশ রে ! রাণী আর নেই !

১ম ভৃত্য । আর গরুগুলো ?

পরি। ওরে ছারখার হ'য়ে গেলরে, ছারখার হ'য়ে গেল,
কোথা থেকে পোড়ারমুখো বামুন এলো, ছারখার হ'য়ে গেল ।

[পরিচারিকার প্রস্থান ।

২য় ভৃত্য । তুই তবে সিন্দুক আনতে যাবিনি ?

৩য় ভৃত্য । না বাবা ! দু'হাতে গিলুচে ।

(একজন স্ত্রীলোকের প্রবেশ)

স্ত্রী । ওরে, সর্বনাশ হলো রে, সর্বনাশ হ'লো, মাঠে
তিনপাল ছাগল খেয়েছে, ময়রাকে খেয়েছে, মুড়কির ধামা
খেয়েছে, অশদপাতা খেয়েছে, অশদ-গাছটা খেয়েছে ।
রাখালদের ছেলেটা গরু চরা'তে গিয়েছিল, তাকেও খেয়েছে ।
ও মা, কোথায় যাবো মা !

১ম ভৃত্য । আয় ভাই, এই বেলা সটকাই ।

স্ত্রী । আর কোথা পালাবি ? সই বুলে, পিল পিল ক'রে
রাক্ষস এসে সোঁদুচ্ছে, তার ভেতর একটা রাক্ষস তিনটে
কোটাবাড়ী ঞ্কার করেচে ; একটার নাক দে তিনপাল
গরু বেরিয়েছে, একটা শুনিছি, দু'হাজার হাতী খেয়েছে ।

১ম ভৃত্য । ইস্, আরও ব'লুচে খাব খাব ।

স্ত্রী । এই বলে ত এই গেলে, এই বলে ত এই গেলে !—

(নেপথ্যে) ওরে ভাই, এদিকে ।

সকলে । ওরে এলো এলো, পালা পালা পালা !

[ভৃত্যগণের প্রস্থান ।

স্ত্রী । দোহাই রাক্ষস বাবা ! আমায় খেয়ো না, আমার
পিলে হ'য়েছে, দোহাই রাক্ষস বাবা ! দোহাই রাক্ষস বাবা !
এই এককাদি মানুষ,—এই দিকে দৌড়ে গেল, এই দিকে যাও ।

(পরিচারিকার প্রবেশ)

ও মা রাক্ষসি ! তোর পায়ে পড়ি মা ! আগায় খাস্নি মা !

পরি। হায় হায় ! সর্বনাশ হ'লো, এমন পোড়া খিদে !
স্ত্রী। ও মা রাক্ষসি ! ঐদিকে যা মা ;—ঐদিকে ঢের
মানুষ পাবি ।

পরি। আঃ মর, মাগী কি বলে গা !

স্ত্রী। দোহাই মা রাক্ষসি, ধান ভানলে ভূষী দেব মা,
আগায় খাস্নি ।

[উভয়ের প্রস্থান ।

(বালকগণের প্রবেশ)

(গীত)

সাওন জিলা—খেমটা ।

হেখা মা তো নাই,

গড়াগড়ি খেলি আয় না ভাই,

ধুলো ছ'হাতে ছ'মুটো নে.

নেচে ছড়া, নেচে গায়ে দে,

পারি যত আয় মাখি তত,

দেখ ধুলো কত—

দেখ মজা বড়, আয় ধুলোতে নাই ।

১ম বালক । আয় ভাই চিপি গড়ি ।

২য় বালক । রাখালরাজা খেলি আয়, তুই ভাই কানাই ।

১ম বালক । তুই ভাই আজ খেলচিস নি কেন ?

বৃষ । দেখ্ ভাই, আমার মন কেমন ক'চ্ছে, আমি স্বপন
দেখেছি—মা যেন কাঁদচে, তুই ডাক্‌লি, আর উঠে এলুম,
মার কাছে যাই নি ।

১ম বালক । যাবি এখন, খেল্ না ।

বৃষ । না ভাই, কিছু খাই নি, মা বৃষি কাঁদচে ।

(পরিচারিকার প্রবেশ)

পরি। তুমি এখানে খেল্‌চো, তোমার মা খুঁজ্‌চে যে ।

বৃষ । যাই ভাই, বাড়ী যাই, দেখ্ ভাই, এখন আমার স্বপন
মনে প'ড়লো,—যেন একজন বামুন এলো, তার চার হাত,
আমায় দেখ্‌তে পেয়ে মুখের ভিতর পুরে ফেল্‌লে, আমি তার
পেটের ভিতর কত ছেলে দেখ্‌লুম, কত খেলা ক'ব্‌লুম, কত
জিনিস দেখ্‌লুম, আর আমার মা, ভাই, কাঁদতে লাগ্‌ল,—
মার কান্না শুনে আমার কান্না পেলে, আমি কাঁদলুম না ।

১ম বালক । পেটের ভেতর ইঁপালিনি ভাই ?

বৃষ । না ভাই, সেখানে খুব হাওয়া, কত সূঁচি, কত
চাঁদ !

১ম বালক । তবে তোর কান্না পেলে কেন ভাই ?

বৃষ । মা যে ভাই কাঁদতে লাগ্‌লো, আর আমি মাকে
দেখ্‌তে পেলুম না ; তুই কাঁদ'ছিস্ কেন ? দেখ্ ভাই, এও
কাঁদচে ।

পরি। আহা ! এমন ছেলেও বামুনকে দেবে !

বৃষ । ওই শুন ভাই, বামুন এসেচে, ইঁা রে, তার ক'টা
হাত, আমায় খাবে ?

পরি। আহা ! এমন ছেলেও বাঘের মুখে ধ'রে দেবে
গা !

বৃষ । ওই শুন'চিস্ ভাই, আমায় খাবে, মা কাঁদবে,
আমার মন কেমন ক'ব্বে !

১ম বালক । তবে তুই কেন ভাই পালা না ?

বৃষ । না ভাই, বামুন যে বাবাকে মাকে শাপ দিয়ে
যাবে, বাবা ব'লে দিয়েছেন, বামুন দে'খে পালাতে নেই ।
বামুন সেবা ক'ব্লে বৈকুণ্ঠে যাব, যার বড় ভাগি, সেই
বামুনের সেবা ক'ব্লে পায় ।

১ম বালক । তুই ভাই একখানা ছুরী নিয়ে যা, পেট
চিরে বেরুবি ।

বৃষ । না ভাই, বামুনের কি পেট চিরতে আছে ? আর
ভাই আমি খেলতে আসতে পারবো না । তোরা আপনারা
খেলিস, একবার তোদের গায়ে আমি ধুলো দিই,—তোরা
আমার গায়ে ধুলো দে,—আমি যাই ভাই !

বালকগণ । ইঁা রে, আর তোর দেখ্‌তে পাব না ?

বৃষ । না ভাই, পেটের ভিতর থাক'বো, কেমন ক'রে
দেখ্‌বি ? আমি তোদের দেখ্‌তে পাব না, তোরাও আমায়
দেখ্‌তে পারি নি ।

বালকগণ । চল ভাই, তোকে বাড়ী রেখে আসি ।

[সকলের প্রস্থান ।

চতুর্থ দৃশ্য

ব্রাহ্মণরূপী বিষ্ণু ।

(কর্ণ ও পদ্মার প্রবেশ)

বিষ্ণু । এখনও কেন আনলে না ? কখন কাটবে, কখন রাখবে ? করাতখানা একটু ভেঁতা আনতে হয়, এ করাতে কাটলে গল্গলিয়ে রক্ত বেরিয়ে যাবে ।

কর্ণ । ঠাকুর ! এই যে বৃষকেতু আস্চে, রাণি, বুক বাঁধ, কাতর হ'য়ো না, শেষ ত অগ্নিকুণ্ড আছেই ।

পদ্মা । মহারাজ ! দেখুন পাষণ হ'য়ে আছি ।

(বৃষকেতুর প্রবেশ)

বৃষ । ঠাকুর ! তুমি স্বপন দিয়েছিলে ? তোমার চার হাত কই ? খাবে তো খাও । মা ! তুমি এবার কেঁদো না, কাঁদলে আমার কান্না পায় ।

কর্ণ । রাণি ! চঞ্চল হ'য়ো না । এ সময় নয়, সকল পণ্ড হবে ।

বিষ্ণু । লও লও, করাত ধর, করাত ধর, বেলা হ'লো !

বৃষ । ঠাকুর, কেটে খাবে ?

বিষ্ণু । নাও নাও, কাট !

বৃষ । বাবা, লাগলে কাকে ডাকতে হয়,—দীননাথকে ডাকতে হয় ?—কাট তবে, আমি দীননাথকে ডাকি ।

বিষ্ণু । কই, নাও না, করাত নাও না ।

বৃষ । বাবা, কাট, আমি একমনে দীননাথকে ডাকি ।

কর্ণ । রাণি, করাত ধর ।

(বৃষকেতুর মস্তকে করাতাঘাত)

বিষ্ণু । ইস্, অত জোরে টান দিও না, মেলা রক্ত বেরোবে । দেখ, পেটিটের ডালনা রেঁধো, উরোংটা ভেজো, শির-দাঁড়াটার বোল, মুড়িটার অঙ্গল রেঁধো, মাথার ঘিটা খুলে নিয়ে বড়া ক'রো, আমি স্নান ক'রে আসি ।

[বিষ্ণুর প্রস্থান ।

কর্ণ । ল'য়ে যাও পাচক, রন্ধনশালে,

রাঁধ গিয়ে দ্বিজের আদেশমত,

শীঘ্র কর বস্ত্র আচ্ছাদন,—

না দেখিতে পারি আর ।

রাণী । রাজা, রাজা !

আর কিবা কার্য্য বাকী মোর,
ওহো, জ'লে উঠে, জ'লে উঠে,
ভস্ম হবো ক্ষণ পরে ।

কর্ণ । রণি ! অনেক স'য়েছ,

আর সহ আমি হেতু ;

কাতর হইলে

দ্বিজ নাহি করিবে ভক্ষণ ;

রাজ্য দিব ব্রাহ্মণে দক্ষিণা,

পরে দৌহে চিতানলে করিব প্রবেশ ;

ভেবো না গর্হিষি,

শীঘ্র যাব বৃষকেতু গেছে যথা ।

(নেপথ্যে ব্রাহ্মণ) ।—এদিকে এস, পা ধুইয়ে দাওসে ।

কর্ণ । যাই প্রভু ! এস রাণি !

[প্রস্থান ।

পঞ্চম দৃশ্য

(বিষ্ণু, কর্ণ ও পদ্মাবতীর প্রবেশ)

বিষ্ণু । হ'য়েছে রন্ধন ?

কর্ণ । হ'তেছে প্রস্তুত ।

বিষ্ণু । আনিয়াছি বালক জনেক,

থাবে ব'সে আমাদের সাথে,

কর চারি আসন প্রস্তুত ;

তুমি, অগ্নি, পদ্মাবতী আর ঐ শিশু,

চারিজন করিব ভক্ষণ ।

কর্ণ । ক্ষমা কর প্রভু !

অতিথি-সেবনে ব্রতী,

ভোজনের নহে ত সময়,

রাজ্য দিব দক্ষিণা চরণে

তবে কার্য্য হবে সমাপন ।

বিষ্ণু । একত্রে না করিলে ভোজন,

তৃপ্তি নাহি হবে মোর ।

কর্ণ । প্রভু, অপরাধ করুন মার্জনা,

নারিব পুত্রের মেদ করিতে ভক্ষণ ।

দেব, তৃপ্তি-হেতু

দিছি পুত্র বলিদান,
তাই বাঁধি প্রাণ,
তৃপ্ত হব অতিথি-সংকারে ।

(পাচকের প্রবেশ)

পাচক । মহারাজ, সর্বনাশ । হাঁড়ি নাবিয়ে দেখি
মাংস নেই ।

কর্ণ । অ্যা ! সর্বনাশ !—

শেষে ব্রহ্মশাপ আছে কি কপালে ?

বিষ্ণু । অ্যা ! মাংস নাই ? তবে এক কাজ
কর, ঐ যে ছেলেটাকে এনেছি, ওরে কাটো, ঐ যে
আসুচে ।

কর্ণ ও পদ্মা । বৃষকে তু ! বৃষকে তু !—

(বৃষকেতুর প্রবেশ)

বৃষ । বাবা ! বাবা ! মা, দেখ, আমি মরি নি,
দীননাথ রক্ষা ক'রেছেন ।

পদ্মা । আয় কোলে অভাগিনীর নিধি ।

বিষ্ণু । নাও রাজা আপন নন্দনে ।

ধন্য তুমি মহারাজ,

“দাতাকর্ণ” নাম তব ঘৃষিবে সংসারে ।

কর্ণ । প্রভু ! প্রভু ! কে তুমি ছলনা কর ?

বৃষ । পিতা, দীননাথ আপনি এসেছেন ।

কর্ণ । কৃপা করি নিজ রূপ দেখাও মুরারি,
অজ্ঞানেরে কর পরিত্রাণ ।

(কৃষ্ণমূর্তি আবির্ভাব)

(গীত)

বাহার-খান্নাজ — কাওয়ালী ।

সকলে—

রক্তোৎপলদল গঞ্জন চরণে,

ভূষণ বন-ফুলহার ।

বীণরী-বাধন যমুনা-পুলিনে,

বিমল মন অবলার ।

রঞ্জন-গঞ্জন বঙ্কিম নয়নে,

গোপিগণ-মন পাগল মদনে

গোধন-চারণ, ভুধর-ধারণ,

কাতর হর ছুখভার ।

স্বননিকা

মায়া-তরু ।



(গীতি-নাট্য)

[১০ই মাঘ, ১২৮৭ সাল, ন্যাসাশাল থিয়েটারে প্রথম অভিনীত]

পরিচয়

(পুরুষগণ)

চিত্রভাসু	...	গন্ধর্করাজ ।
স্বরত	...	ঐ দৌহিত্র ।
দমনক, হারীত ও মার্কণ্ড	...	স্বরতের সখাগণ ।
পঞ্চ রাগ	...	

(স্ত্রীগণ)

উদাসিনী	...	গন্ধর্করাজার কন্যা ।
ফুল-হাসি ও ফুল-ধূলা	...	বনদেবীদ্বয় ।
সখীগণ	...	

প্রথম দৃশ্য

—:—

পর্বত-প্রদেশ

ফুল-হাসি শিলোপরি উপবিষ্টা ।

(গীত)

পাহাড়ী-পিলু— খেমটা ।

না জানি সাধের আগে,

কোন আগে প্রাণ পরায় কাসী ।

আমি ত প্রাণ দেবো না, প্রাণ নেবো না,

আপন আগে ভালবাসি ।

চপলা করে খেলা- ধ'রে গলা,

বেড়াই সদাই অভিলাষী,

তারা তুলে প'রুব চুলে,

ক'রবো চুরি চাঁদের হাসি ।

এমন সুন্দর স্বভাবের শোভা ছেড়ে পুরুষের দাসী হয় ?
আমি এ মন্দির-সম্মুখে শপথ ক'চ্ছি, আমি কখন', দাসী হব
না । এই তো চারি দিকে নীল, অনন্ত নীল, এতে কি প্রাণ

ভরে না ? এই তো চাঁদ, পাতায় চাঁদ, ফুলে চাঁদ, জলে চাঁদ, চারিদিকেই চাঁদের মেলা—তবে আর কি চাই ? যেন মনে হয়, বিহ্যৎ ধরে সাদা মেঘগুলির গায় হাত বুলুতে বুলুতে, কত দূর—কত দূর চলে যাই। ফুলের মধু চুরি করে যেমন পবন পালায়, অমনি আঁচল বেঁধে তাকে ধরি, আবার ছেড়ে দিই, পালিয়ে যায়, আঁচলখানা নিয়ে পালায়, আমি সঙ্গে সঙ্গে যাই। কখনো এলোচুলে আঁচল দোলে চেঁউয়ে চেঁউয়ে চলে বেড়াই। আমার আমি, আর কে আমার ? এমন স্বাধীন সুখ যে বাঁধা রাখে, সে আপন প্রাণের মান রাখে না।

(নিয়ে স্বরত, মার্কণ্ড, দমনক ও হারীতের প্রবেশ)

(গীত)

রাগিনী কেদারা—তাল ফেরত।

সকলে।—

রমিত বিপিনমাঝে

মাত রে আমোদে মন ;

জানা রে জানা রে প্রাণ, তোর কিবা প্রয়োজন।

স্বরত।—

সুনীল গগনপানে,

চাহিলে উধাও প্রাণে,

কি দেখি কি দেখি যেন হারিয়েছি কি রতন।

সকলে।—

রমিত বিপিন মাঝে ইত্যাদি—

হারীত।—

ফুল ফুল অভিলাষে,

দলে দলে অলি আসে,

সে গুঞ্জন, সে চুপন, হেরি বরে দুঃখন।

সকলে।—

রমিত বিপিন মাঝে ইত্যাদি—

দম।—

সুনীল-অম্বর-শিরে, সুনীল অম্বর-নীরে

শ্রামল নবীন দল তরু নীল ভূষণ,

নীরবে কি গায় সবে ভরিয়ে ভুবন !

সকলে।—

রমিত বিপিন-মাঝে ইত্যাদি—

খান্ধাজ।

মার্কণ্ড।—

নবীন নবীন ঘাস,

খেয়ে গাভী হাঁস ফাঁস,

চলে যাই, দেখি তাই ভাবি কতক্ষণ।

কেদারা।

ঘুম এলে, যাই ডুলে, অমনি শয়ন।

[মার্কণ্ডের শয়ন

ফুল-হাসি। হায় হায়! এও শৌনবার কথা! (স্বরতকে

দেখিয়া) মরি মরি ! এও কি দেখবার জিনিস ? না কোথাও যাই,—না, একটু দাঁড়িয়ে যাই।

স্বরত। দেখ ভাই, আজ আমরা কত দূরবনে এসেছি, হেথা আজ জ্বীলোক এসে আমাদের আমোদের বিঘ্ন ক'রতে পারবে না। আমরা প্রাণ ভরে প্রাণের কথা গাইতে পারবো। ভাই দমনক, বল দেখি, সুন্দর কি ?

দম। ভাই, সুন্দর প্রাণে যে দিকে চাই, সকলই সুন্দর। যত চাই তত পাই, কিন্তু আবার পাই পাই যেন পাই না।

হারীত। আমি বলি ভাই, কান্নাই সুন্দর, ফুল দেখে যখন কাঁদি, আমার প্রাণ বড় ঠাণ্ডা হয়।

স্বরত। মার্কণ্ড কি বল ?—ঘুমুলে না কি ?

মার্কণ্ড। ঘুমুবো কেন ? প'ড়ে প'ড়ে শুন্ছি। তোমার দৌরায়ে তো কোন পুরুষে মেয়েমাছুষ দেখি নি।—ময়ূর দেখেছি, পাখী দেখেছি, গরু দেখেছি, আর সেই ঘুঁটেকুড়নী বুড়ী দেখেছি, তুমি রাগই কর আর যাই কর, তার কথাগুলি বড় মিষ্টি।

স্বরত। মার্কণ্ড, পরিহাস রাখ, নবীন দুর্বাদলের উপর যে গাভী ভ্রমণ করে, দেখতে সুন্দর, তার সন্দেহ নাই, কিন্তু আর কিছু কি সুন্দর দেখ নি ?

মার্কণ্ড। আমি ছাই কি আর বলতে এলেম, ভাই তো সেই বুড়ীর কথা তুলেছি।

স্বরত। ছিঃ ছিঃ মার্কণ্ড ! তুমি কি মলয়-মারুতের সঙ্গীত শোন নাই ? এমন সুন্দর কথাতেও পরিহাস ! তুমি পাপিষ্ঠা বুড়ীর কথা নিয়ে এলে ?

মার্কণ্ড। ভাল, সে বুড়ী ভাল না লাগে, সে আমার আছে, তোমার কি ?

দম। না ভাই, তোমার আর কথায় কাজ নাই, তুমি যেমন ছিলে,—তেমনি থাক, আমরা দু'টো কথা কই।

মার্কণ্ড। আঃ ! এমন কি বুড়ী, ওঁদের আর কিছুতেই মন উঠে না।

স্বরত। ভাই, ও কথা পরিত্যাগ কর।

মার্কণ্ড। রোজ রোজ কিছু বলি না, মনের রাগ মনে মনে প'ড়ে ঘুমুই। বাতাস সোঁ করে চলে গেল, বল বাপু, যে তিন ক্রোশ রাস্তা ভেঙ্গে এলুম, গায় ঘাস ম'লো ; তা নয়, কেউ বলে উঠলেন, 'কেমন গান ক'রে গেল,' কেউ

ব'ল্লেম, 'খেলা ক'রছে', যা নয় তাই সকলে ব'ল্লেতে আরম্ভ ক'রলেন। একটা ফুল ফুটেছে, তুল্লেতে গেলুম, ব'ল্লেম, "তুল না, তুল না, ব্যথা পাবে।" যা থাকে কপালে, বাতাস ভেঁ। ক'রে গেল ব'ল্লেবো, ফুলও ছিড়'বো; আর একদৌড়ে চ'ল্লেম, সে মাগীর কথা শুনিগে। আহা, সে কেমন বল্লে— 'কে গা তুমি?' আর এঁরা হ'লে ব'ল্লেতেন, "মার্কণ্ড, ঘুমুচ্ছে? ঐ বুলবুল ডাকছে শোন"। গান শুন্তে ইচ্ছে হয়, আপনারা গাও, ছুটো কড়ি মধ্যম লাগাও; ক'রে তুল্লেম সৃষ্টিশুদ্ধ গাইয়ে; পাতা গাইয়ে, লতা গাইয়ে, জল গাইয়ে, হাওয়া গাইয়ে—সৃষ্টিশুদ্ধ গাইয়ে হ'লে আমরা দাঁড়াই কোথা!

হারীত। মার্কণ্ড, তোমার সেই বুড়ীর কাছে যাও।

মার্কণ্ড। না ভাই সুরত, রাগ ক'র না।

সুরত। দেখ ভাই, স্ত্রীলোকের কথা তুমি উপহাসেও মুখে এনো না; মাতামহ বলেন, স্ত্রীলোকের এই মত যে, অমন কুংসিত বস্তু আর নাই; স্বর্গ আর নরকে প্রভেদ কি? যেখানে সুন্দর বস্তু, সেই স্বর্গ, যেখানে কুংসিত বস্তু, সেই নরক। এত সুন্দর থাকতে, তুমি সেই কুংসিত কথা মনে কর কেন?

মার্কণ্ড। (স্বগত) কে জানে বাবা, কেমন আকরে টানে।

ফু-হাসি। (স্বগত) কি, এত বড় স্পর্ধা! জগতে সকলই সুন্দর, কেবল নারীই কুংসিত। ভাল আমি দেখ'বো। এও এক সুন্দর খেলা, এখন যাব না, আর কি বলে শুনি। কিন্তু পুরুষও নিতান্ত কুংসিত নয়, ভালই ত, সুন্দর ল'য়েই আমার খেলা। যেমন মেঘের সঙ্গে খেলা ভাল না লাগলে, ফুলের সঙ্গে এসে খেলি; এ খেলা না ভাল লাগে, আবার ঠাদের সঙ্গে খেল'বো, আর এ খেলার পানে ফিরেও চাব না। আজ ঠাদের সঙ্গে খেল'বো না—কি খেল'বো তাই ভাবি, আর ওরা কি বলে তাই শুনি।

সুরত। (দেবমন্দির-সম্মুখীন হইয়া) দেখ দেখ—কি অপূর্ব দেবীমূর্তী! এস ভাই, আমরা পবিত্রমনে দেবীর পূজা করি।

ফু-হাসি। আমরা দেখতে পেয়েছে কি? কে জানে! পুরুষকে দেখা দিলেও স্বাধীনতার কতক কমে।

(সুরত, মদনক প্রভৃতি সকলের গীত।)

খান্নাজ— একতালা!

খোররুপা ঘনবরণা, শবাসনা দ্বিগ'বসনা,
নগনা মগনা, রুধির-দশনা ত্রিনয়না ত'রা,

তার দীনজনে।

মুক্ত কেনী শিশু শশী শিরে,

ভৈরবী ভীমা দমুজ রুধিরে,

তপন-কিরণ, চরণ শোভন,

অট্টহাসি দামিনী দমন,

পলকে প'কে অনল বলকে,

নৃত্য তাণ্ডেই ডাকিনী মনে।

[ফুলহাসি ব্যতীত সকলের প্রস্থান।

(চিত্রভানুর প্রবেশ)

চিত্র। হা হতভাগিনী! তুই আমার কন্যা হ'য়ে অমরত্ব বিসর্জন দিয়ে, সামান্য গনুঘোর দাসী হ'লি! চন্দ্রশেখর রাজাই হ'উক আর যাই হ'উক, গনুঘ্য বই তো আর গন্ধর্ক নয়। তোর এই মাহাপাপের মৃত্যুতেও প্রায়শ্চিত্ত হয় নাই। তুই আনার সন্তান হ'য়ে যেমন আমার হৃদয় দগ্ধ ক'রেছিস, তোর পুত্র তোকে তোর হেয় জাতিকে আজীবন ঘৃণা ক'রবে, এই তোর শাস্তি। চিত্রভানু জীবিত থাকতে সুরত কখনো কোন নারীর সহিত প্রণয়-সন্তাষণ ক'রবে না। মা করাল-বদনে! আমি অবশ্যই তোমার চরণে সহস্র অপরাধে অপ-রাধী, নচেৎ আমার সন্তানের মন সামান্য নর কিরূপে হরণ ক'রবে? এই শেল চিরদিনের জন্ত কেন আমার বুকে বিদ্ধ হবে। হায় হায়! সে অভাগিনীকে আর জীবিতা দেখ'লেম না। সুরত! আমার সুরত! হা ধিক্ গনুঘ্যসন্তান!

ফু-হাসি। আমার মন থেকে একটা বোঝা নেমে গেল, স্ত্রীলোকের প্রতি বিরাগ,—শিক্ষিত বিরাগ—স্বভাবজাত নয়, দেখ'বো কেমন শিথিয়ে এ বিরাগ রাখতে পারে?

চিত্র। মদনক, হারীত, মার্কণ্ড—এরা গনুঘ্য-সন্তান বটে, কিন্তু এদের আমি শিশুকাল হ'তে লালনপালন ক'রে স্ত্রীলোকের প্রতি সম্পূর্ণ ঘৃণা জন্মে দিচ্ছি, এমন কি, তারা স্ত্রীলোকের মুখ পর্যন্ত দেখে না। করালবদনে! এই আমার প্রতিহিংসা, এই আমার তৃপ্তি,—এই আমার জীবনের সুখ। এই আক্ষেপ, সে রাগসী জীবিতা নাই। তার প্রতি তার পুত্রের ঘৃণা তাকে দেখাতে পার্লেম না।

ফু-হাসি। আমার আক্ষেপ—সে জীবিতা নাই, তার পুত্রের নারীর প্রতি কিরূপ অমুরাগ জন্মায়, তা দেখাতে পাল্লেম না। দেখি বিরাগি! তোমার উপদেশ আর আমার খেলা। তারা কি আর এদিকে আসবে? এ বড় সুন্দর খেলা। মা করালবদনে! আমিও তোমায় প্রণাম করি, যেন মা—এ খেলা খেলাই থাকে, খেলতে খেলতে আবার যেন চাঁদে গিয়ে খেলাই। কিন্তু আজ সে খেলা ভাল লাগবে না।

চিত্র। মা জগদম্বা! তাপিত-হৃদয় শীতল কর' মা! হায়! মনের জ্বালা জুড়াবার জন্ত কুক্ষণে এ কাননবাসী হ'য়ে-ছিলেম, তা না হ'লে চন্দ্রশেখর কিরূপে আমার কণ্ঠার সাক্ষাৎ পেতো! মা গো, এ অভাগাকে ভুল না! [প্রস্থান।

দ্বিতীয় দৃশ্য

পর্বত-প্রদেশ—জলপ্রপাত।

(ফুল-ধূলার প্রবেশ)

(গীত)

ভীম-পলাশি—মধ্যমান।

ফু-ধূলা। নিব'র শীতল, শীতল ফুলদল,
শীতল চন্দ্রমা হাসি;
কিরণ মাথিয়ে, ফুল-দলে ঢাকিয়ে,
ধীর সমীরে ভাসি।
মুক্ত চিকুর, মুহূল সমীর,
হেলা দোলা, নয়ন-বিভোলা,
চাঁদ পানে চাই, চাঁদ পানে ধাই,
চাঁদ চালে সুধারাশি।

ক'দিন হাসির গলা ধ'রে বেড়াইনি, সে একলা বেড়াতে
ভালবাসে ক'দিন যেন একলা বেড়ান বেড়েছে

(সুরত প্রভৃতির প্রবেশ)

শ্রী—ঝাঁপতাল।

সুরত পবিত্র সঙ্গীত-রসে মাতাও হৃদয়;
পরান ভরিয়ে, ডুবন পুরিয়ে,
সুর-ব্রহ্মপদে সুর হও গিয়া লয়।
জল স্থল সমীরণ, তপন গগন যন,
ঐক্যতান তোল তান ঢালিয়ে পরান;
ব্যাপিরা অমন্ত স্থান অনন্ত সময়।

ফু-ধূলা। আহা! এ'কে গান গায়? আহা! কে এ?
—আমার সঙ্গে বেড়ায় না? ও যদি বেড়ায়, আমি ওর সঙ্গে
কতদূর যাই। ও যদি হাত পাতে, আমি ওর হাতে মাথা
রেখে বাতাসের উপর গুয়ে আমিও গাই, আর এক একবার
ওর মুখপানে চাই।

(গীত)

পরজ—একতারা।

দম

সিত পীত লোহিত হরিত
মেঘমালা গগন-ভূষিত,
স্বর্ণ-কিরণ লোহিত তপন,
নাবিল না'বিল ডুবিল সাগরে।
পরিয়া লতিকা কুসুম মালা,
সমীরে ডাকিয়ে করিছে খেলা,
রহিয়ে রহিয়ে প্রাণ মোহিয়ে,
নবীন পাতা ফজার গাঁথা,
তর তর তর ঝর ঝর ঝর,
গাইছে গুন মধুর স্বরে।

ফু-ধূলা। এও সুন্দর গায়, এও সুন্দর! কিন্তু যেমন
চাঁদ সুন্দর, আর তারা সুন্দর; যেমন পর্বত সুন্দর আর তরু
সুন্দর; যেমন পদ্ম সুন্দর, আর শেফালি সুন্দর; এক জনের
সৌন্দর্য্য ধরে না, অসীম! আর এরা, আপনা আপনি সুন্দর!
সুরত। স্বভাবের শোভা ত ভাই প্রাণ ভ'রে দেখি,
আর কি দেখতে চাই ভাই?

(ফুল-হাসির প্রবেশ)

ফু-হাসি। আমিও ভাই চিরদিন মনে ক'ত্তেম, কি
দেখতে চাই? এই যে ধূলা দাঁড়িয়ে র'য়েছে। দেখ, ও
বুঝি যা দেখতে চায়, তাই দেখছে। চিত্রভানু ব'লেছিল,
কুক্ষণে এ কাননে এসেছি; আমি বুঝেছি, ক্ষণ কু নয়, এ
কানন কু। দিন দিন যে আমার খেলা প্রাণের খেলা হ'ল,
কিন্তু আমি জগদম্বার কাছে শপথ ক'রেছি, স্বাধীনতা হারাবো
না। কি জানি, নারীর কি স্বাধীনতাই সুখ! আহা!
লতাটী কেমন ডালে ভর দিয়ে র'য়েছে। ডালটী না থাকলে
অমন আনন্দে ছলতো না।

সুরত। ভাই দমনক, তুমি আমার কথায় উত্তর
দিলে না?

দম। ভাই, উত্তর আমিও খুঁজ'ছি, পাই না।

স্বরত। ভাই, আজ আমাদের এ বিষাদের ভাব কেন ?

হারীত। ভাই! প্রাণ তো সকলই চায়, আবার কিছুই যেন চায় না ; দেখ, মার্কণ্ডেয় বিষণ্ণভাবে বসে আছে।

মার্কণ্ডেয়। মার্কণ্ডেয় মার্কণ্ডেয় ক'চ্ছে, আমি যার কি ভাববো, তাই ভাবছি।

ফু-ধূলা। ভাল, আমি কেন দেখা দিই না, ওদের সঙ্গে কথা কই। (প্রকাশে) তোমরা কে বনে বসে গান ক'চ্ছে ?

মার্কণ্ডেয়। আহা-হা, মধু ঢেলে দিলে গো ! আমরা কে, ব'ল'বো এখন, তুমি ওমনি ক'রে জিজ্ঞাসা কর, খানিক জিজ্ঞাসা করো।

স্বরত। ভাই, এ বনে কোন রাক্ষসী এসেছে। যে স্থলে দুর্জন, সে স্থলে ত্যাগ ক'রবে। চল আমরা এখান হ'তে যাই। (স্বগত) এ কি ! মায়া-প্রভাবে এদের স্বর এত মধুর !

হারীত। এস মার্কণ্ডেয় !

মার্কণ্ডেয়। বাবা রে ! এদের একটু দয়াও নাই, ধর্মও নাই ; মনকে বোঝাই—পবন সুন্দর, পাহাড় সুন্দর, জল সুন্দর, আর ঐ যে জিজ্ঞাসা ক'রলে, 'তোমরা কে' সুন্দর নয়। আরে এ যে চাক্ষুষ, তবু ব'ল'বে নয়—নয় তো নয় ! বাপু, তোদের সঙ্গেই যাচ্ছি। (ফুলধূলার প্রতি) দেখ, আমরা যেতে যেতে তুমি আর গোটাকতক কথা কও না !

[প্রস্থান।

ফু-হাসি। এত স্পর্শ—তবু কেন আমার মনে আনন্দ হ'লো !

ফু-ধূলা। অদৃষ্টে এও ছিল ! যারে সুন্দর ভেবে নিকটে গেলেম, সে রাক্ষসী ব'লে চ'লে গেল !

ফু-হাসি। (অগ্রসর হইয়া) ধূলা ! তুমি একলা দাঁড়িয়ে র'য়েছ ?

ফু-ধূলা। কি অসার মন ! আগায় যে ঘণা ক'লে, তার অমুসরণ ক'রতে ইচ্ছা ক'চ্ছে !

ফু-হাসি। (স্বগত) এরও খেলা ভারি বোধ হ'চ্ছে ; (প্রকাশে) ভাই, তুমি আমার কথার উত্তর দিচ্ছ না, কি ভাব'চ ?

ফু-ধূলা। ভাই হাসি ! তুমি সত্য বল, একলা বেড়াও কি দেখে ? আমিও এবার একলা বেড়াব।

ফু-হাসি। না না, চল, খেলি গে।

ফু-ধূলা। না হাসি ! আমার খেলার দিন আজ ফুরা'ল !

[প্রস্থান।

ফু-হাসি। আমার সমুচিত শাস্তি হ'য়েছে। দাসী হব না—শপথ ক'রেছি, কিন্তু প্রাণ দাসী হ'তে লালায়িত।

(গীত)

প্রাণ বাধিতে ফিরাতে নারি ;

মনের অনল মনে নিবারি।

পারি কি না পারি, হারি হারি হারি,

ধিক জনম, ধিক নারী,

আমারি প্রাণ নহে আমারি।

[প্রস্থান।

তৃতীয় দৃশ্য

পর্কত-প্রদেশ।

(চিত্রভানুর প্রবেশ)

চিত্র। আহা ! আমি ক'দিন হ'তে স্বপ্ন দেখছি, যেন আমার পদতলে বসে আমার অভাগিনী কন্যা রোদন ক'রে ব'ল'ছে, "পিতঃ ! ক্ষমা কর।" মা করুণাময়ি ! যদি তোমার করুণায় সে অভাগিনী জীবিতা হয়, আমি তারে ক্ষমা করি। মা গো ! অভাগার অসম্ভব আশা কি পূর্ণ হবে ?

(উদাসিনীর প্রবেশ)

উদা। (চরণ ধরিয়া) পিতঃ ! তবে ক্ষমা করুন।

চিত্র। এ কি ! এখনো কি আমি নিদ্রিত ?

উদা। পিতঃ ! নিদ্রা নয়, সত্যই অভাগিনী জীবিতা। আমি এই পর্কতগুহায় বাস ক'রেছিলেম, যখন আপনি বাহিরে যেতেন, আমি স্বরতকে কোলে ক'রে কাঁদতেম। স্বরতের জ্ঞান হ'লে কত চেষ্টা ক'রেছি, যে স্বরতকে গুহায় ল'য়ে যাই, কিন্তু স্বরত তোমার উপদেশানুসারে নারীর মুখ দেখবে না ব'লে আমার মুখাবলোকন ক'রতো না। মার্কণ্ডেয় স্বরতের সাথী, সুতরাং আমারও সম্মান-তুল্য, আমি কত

দিন তাই আদর ক'রে তুষ্ট হ'য়েছি, নেও আমার দেখলে বুড়ী বুড়ী ক'রে আমার কাছে আসে।

চিত্র। তোমার স্বামীর গৃহ তুমি ত্যাগ ক'রে এলে কেন ?

উদা। আমার স্বামী লোক-নিন্দার ভয়ে আমার পুত্রকে পুত্র ব'লে গ্রহণ করবেন না, এই অভিমানে তাঁর কাছ হ'তে চ'লে এসেছিলাম।

চিত্র। সন্তোজাত শিশু আমার শয্যায় কিরূপে এল ?

উদা। আমিই রেখে এসেছিলাম। আর পত্র লিখে স্বরতকে তার পরিচয় দিয়েছিলাম।

চিত্র। সে পত্র আমি পেয়েছিলাম, তুমি ম'রেছ, এ মিথ্যা কথা লিখলে কেন ?

উদা। আমি মরণ সঙ্কল্প ক'রে তিনদিন এই দেবীর নিকট উপবাসী ছিলাম ; কিন্তু কে যেন ব'লে, “তোমার মৃত্যু নাই, কেন অকারণ আত্মাকে ক্লেশ দিস ? কিছুদিন অপেক্ষা কর, সকলই হবে।”

চিত্র। বৎসে! তোমায় কতদিন দেখিনি!

উদা। পিতঃ! চলুন, বিশেষ কথা আছে।

[উভয়ের প্রস্থান।

ফু-হাসি। মা গো! তোমার মনে কি এই ছিল মা, যে দিবানিশি আমি অন্তর্দাহে দগ্ধ হব ? ইহকালে কি শীতল হ'ব না ? ইচ্ছাময়ি! তোমার ইচ্ছা কে খণ্ডন ক'রবে ? কিন্তু তথাপি আমি শপথ বিশ্বস্ত হ'ব না,—আপনার ভগ্নীর পথের কণ্টক হ'ব না।—স্বরত যদি ঘৃণা ক'রে মুখ ফেরায়, সহস্র বৎসরের আদরেও ভুলবো না। কি! দাসী হব ?—কখন না ;—অন্তরের জ্বালায় অন্তর জ্বলে জলুক, কেউ দেখতে পাবে না। মুখে হাস্বো, মন কাঁদে কাঁদুক, তবু মনে জান্বো, আমি স্বাধীনা। এই যে—ধূলা আসছে, আমি একটু অন্তরালে দাঁড়াই।

[অন্তরালে গমন।

(ফুল-ধুলার প্রবেশ)

ফু-ধূলা। কৈ, সে যোগিনী যে ব'লেছিল, আজ আমি দেবী-পূজা ক'রলে আমার মনস্বামনা সিদ্ধ হবে ; তাকে তো হেথা দেখতে পাচ্ছি না ? দেখি কোথায় গেল।

[প্রস্থান।

ফু-হাসি। (অগ্রসর হইয়া) এল আর চলে গেল কেন ? কোথায় গেল দেখি।

[প্রস্থান।

(উদাসিনীর প্রবেশ)

উদা। দেখি, কতদূর কৃতকার্য হই, প্রতিমার পশ্চাতে দাঁড়াই।

[প্রস্থান।

(ফুল-ধুলার প্রবেশ)

ফু-ধূলা। আমি মিথ্যা কেন সে যোগীর অল্পসরণে সময় অতিবাহিত কচ্ছি ? মা ভৈরবি ! ভক্তের মনোবাঞ্ছা পূর্ণ কর

উদা। (মন্দিরাভ্যন্তর হইতে) বৎসে, প্রণাম কর, কুস্তস্থিত জল মস্তকে দাও, তা হ'লে মনোবাঞ্ছা পূর্ণ হবে।

ফু-ধূলা। সত্যই কি দেবী কথা কইলেন ? করুণাময়ি ! আবার বল ; কই, আর তো কিছু শুনি না,—ভাল, দেবীর আদেশ পালন করি। (তথা-করণ ও বৃদ্ধাবেশে পরিণত) (জলে মুখ দেখিয়া) মা ব্রহ্মময়ি ! এই কি তোমার মনে ছিল ? জগতে আমায় ঘৃণার ভাজন ক'রলে ? মা গো ! তুমিও রমণী,—রমণীর রূপই সর্বস্ব, তা কি তুমি জান না ?

উদা। (মন্দিরাভ্যন্তর হইতে) বৎসে ! দেব-বাক্যে বিশ্বাসহারা হ'য়ো না।

ফু-ধূলা। ইচ্ছাময়ি ! তোমার ইচ্ছাই হবে, আমার আক্ষেপ বৃথা।

(মার্কণ্ড ও হারীতের প্রবেশ)

মার্কণ্ড। ভাই ! সে বুড়ী ব'লেছে, দেবীর কাছে এলেই স্বরতের মন ফিরবে।

হারীত। তার মন ফেরা'বার জন্ত তোমার এত কেন ?

মার্কণ্ড। এ কি কথা হ'লো ? মেয়েমাহুষের মুখ দেখবে না,—আমি যে আর পারি না।

হারীত। না পার, বে' কর.গে।

মার্কণ্ড। স্বরত রাগ করে যে, নইলে কি ছাড়তেম ? আমি স্বরতের রাগ সহিতে পারি না। আহা দেখ দেখ—কি রূপ-লাবণ্য দেখ !

হারীত। আরে আম'লো ! ও যে বুড়ো ডাইনী রে, ওর আবার রূপ-লাবণ্য কি ?

মার্কণ্ড। তুমি ডাইনী কাইনী ব'লো না বাবা, আত্ম-
বিচ্ছেদ হবে।

হারীত। আরে! চোখ চেয়ে দেখ না, কারে ব'ল
ছিস সুন্দর?

মার্কণ্ড। মাইরি! রসের কথা দেখ! ওকে সুন্দর
না ব'লে কেলে ভোমরাকে সুন্দর ব'লবে!

ফুল-ধূলা। হায়! এরা আমায় বিক্রম ক'চ্ছে। আমি
এখনি দেবী-সমক্ষে প্রাণত্যাগ ক'র্বো।

(মন্দিরমধ্যে প্রবেশ ও দ্বাররুদ্ধ করণ)

মার্কণ্ড। ঐ যা, দোর দিলে! বলি দেখ দেখি, এতে
কি ব'লতে ইচ্ছে করে? আমি তো গিয়ে দোর খুলে ঢুকি।
(দ্বারে আঘাত) ঐ যা, দোরে খিল দেছে—ওগো! আমি
তোমায় দেখবো না, দোর খোল।

হারীত। ডাইনী ব'লে ডাক না, নইলে উত্তর দেবে
কেন?

মার্কণ্ড। ছি! তোমার প্রাণে একটু দরদ নেই। আমার
এদিকে প্রাণ ক'চ্ছে তুলরাম খেলারাম, উনি ব'লছেন
ডাইনী। ওগো! দোর খোল, আমি কালী-পূজা ক'র্বো।
মাইরি! আঃ ছি! দোর দিয়ে রাত দিন তামাসা ভাল
লাগে না, খোল না হে! না বাবা, মোলায়েম প্রাণ না;
নাও, ঢের ঢের সাদা চুল দেখেছি, সাদা চুল ব'লে অত
শ্রমের, অমন রূপুলি চুল কি আর কারো নাই?—ও ভাই
হারীত! তুই ডাক না দাদা—একটা বন্ধু মাহুষ ফেরে
প'ড়েছি, একটু উপকার কর ভাই।

হারীত। ডাইনী! দোর খোল—

মার্কণ্ড। ছি! তুমি বড় চটানে লোক—চেষ্টাং ছেড়ে
একটু মোলাম ডাক না।

হারীত। তুমি এক কাজ কর, একটা গান গাও, তা
হ'লেই দোর খুলবে।

মার্কণ্ড। বেশ ব'লেছ।

(গীত)

সিদ্ধু-খাষাজ—খেমটা।

প্রাণ স্থলে সখা রে, সে মুখখানি মনে হ'লে,—

মনটি করে আঁদাড় পাঁদাড়,

ভোলাই তারে কি হলে।

সাদা সাদা চুল গুলি, গালেতে পড়েছে কুলি,

কপালে পড়েছে কুলি, চক্ষু-হুটি চললে।

ওরে—তু'পালটা গাইলেম, তবু দোর খোলে না।

হারীত। তুমি ভাই এক কাজ ক'র্বতে পার?

মার্কণ্ড। রসো, তুই একটু দাঁড়াস ভাই। আমার
সেই রাগরঙ্গের মূর্তি দেখাই। ঐ মাঠে আমার রাগেরা
গরু চরাচ্ছে, ডেকে আনছি, সুরতকে দেখাব ব'লে তাদের
সাজিয়ে রেখেছি।

[প্রস্থান।

হারীত। দেখি কি তামাসা করে।

[প্রস্থান।

(উদাসিনী ও ফুল-ধূলার পুনঃ প্রবেশ)

উদা। বৎসে, আমি যেমন যেমন ব'লেছি, তোমার
সখিগণকে ল'য়ে তক্রম কর, অবশুই তোমার মনোবাঞ্ছা
পূর্ণ হবে।

ফুল-ধূলা। আমার সখীরা সম্মত হবে?

উদা। এই চরণামৃত পান ক'লে অবশুই হবে।

[উদাসিনীর মন্দির মধ্যে প্রস্থান।

[ফুল-ধূলার প্রস্থান।

(সুরত, মার্কণ্ড, হারীত ও পঞ্চরাগের প্রবেশ)

শ্রী। আমার বিষম কাদন বৃকের শ্রী,

মাইরি সবাই দেখে নে;

আমার মাথার ছিরি গোবরগিরি,

আমি দৌড় দিই টেনে।

রস। র, র, র, শাস্তমূর্তি দেখাই র, আমার।

এমন খোদন-খাদন বদনখানি, বল দেখি কার?

আবার পেছনেতে আসতেছে যে—বাবা সে আমার।

ভৈরব। ধপাধপ্ তিনটি নয়ন টকটকে,

আমি এলেম হেথা তাল ঠুকে;

আবার এক পাশেতে ঘাপ্টি মেরে,

নিশি ভোরে, ঘুমের ঘোরে নাদসুরে উঠি ডেকে।

দীপক। দপ্ দপ্ জ্বলছে আগুন, ধু ধু ধু—

মেঘ। গড়্ গড়্, ফু, ফু, ফু।

দীপক। চোপ্ চোপ্ সামলে থাকিস, আবার ধু ধু।

মেঘ। গড়্ গড়্ উড়্ বি কোথা, আবার ফু ফু।

দীপক। ধু ধু ধু—

মেঘ। ফু ফু ফু—

(চড় মারিয়া) দপ্ দপ্ এবার শালা,—

মেঘ । (কিল মারিয়া) গড়্ গড়্ ছুটে পাল।
সকলে । রাগরঙ্গে মোরা বন্ধ ফাটাই !
স্বরের ঈশ্বর স্বরের ঠাকুর,
জনে জনে মোরা স্বরের কানাই ।
নাচি গাই, আর কেন যাই,
পালাই পালাই, অল্পমতি হয় বিদায় চাই ।

[রাগগণের প্রস্থান]

স্বরত ।—

(গীত)

বেহাগ—খেমুটা

প্রাণ ভরে প্রাণ শোভা হেরে,
তবু কেন সাধ মেটে না ।
প্রাণ কি ভালবাসে, কিসের আশে,
কি যেন প্রাণ আর পাবে না ।
না জানি ক্রমে ক্রমে,
কত সাধ উঠে মনে,
বলি বলি কারু মনে—
সদাই প্রাণে হয় বাসনা ।
ফেরে প্রাণ ছায়া-পথে,
কে যেন কোথা হ'তে,
মধুর হাসে, মধুর ভাষে, হাসে ভাষে
আর ভাসে না ।

চল ভাই, দেবীপূজা করি । এ কি! মন্দিরের কপাট বন্ধ
ক'রলে কে ?

উদা । (মন্দিরাভ্যন্তর হইতে) যদি ভঙ্গ হ'তে ইচ্ছা না
থাকে, দ্বারে আঘাত ক'রে যোগিনীর ধ্যান ভঙ্গ ক'রো
না ।

স্বরত । এ কে কথা কয় ?

হারীত । একটা বৃদ্ধা স্ত্রীলোক ।

স্বরত । তিনিই বা হন । মাতামহ ব'লেছেন যে,
এই মন্দিরে একজন যোগিনী এসেছেন, তিনি অতি পবিত্রা,
তাঁর সঙ্গে কথা কওয়ায় দোষ নাই । মা গো! এ দীন
সন্তানকে একবার দেখা দেন, আপনার দর্শনে পবিত্র
হই ।

উদা । বৎস, অপেক্ষা কর ।

মার্কণ্ড । এইবার বাবা যায় কোথায়!—দোর খুলবে
আর ধোরুব আঁচল টেনে, ভঙ্গ হই—হব ।

(উদাসিনীর প্রবেশ)

ও বাবা! এ কি! এ যে সেই বুড়ীর মতন আঃ
ছি ছি ছি! এর জন্তে এত রাগ-রঙ্গ দেখান ।
উদা । (স্বরতের প্রতি) বৎস, কি চাও ?
স্বরত । মা, কি চাই তা জানি না, কি চাই—তা
জানতে চাই ।

উদা । ভাল, এই চরণামৃত পান কর ।

দম । মা, আমায়ও একটু দিন ।

হারীত । আমায়ও একটু ।

মার্কণ্ড । আমায়ও ফোঁটা ছুই ।

উদা । যে যে এই চরণামৃত পান ক'লে, সকলেরই
মনের অভাব পূর্ণ হবে ।

মার্কণ্ড । এমন নইলে চরণামৃত । যেই দেখবো,
অমনি তেড়ে গিয়ে ধ'রবো, কি বল হারীত ?

স্বরত । আহা! আমার প্রাণ মাধুরী-লহরে আন্দো-
লিত! মরি মরি! এ মধুর সঙ্গীত কোথা হ'তে হয়?
আহা! এমন সুন্দর তরু তো কখনও দেখি নাই ।

(বৃক্ষাভ্যন্তর হইতে গীত)

বিবিঁটি-খাস্বাজ—কাওয়ালী ।

হাসে শশধর মধুরঘামিনী ।
শীতল সিত করে রজত মেদিনী ॥
তারাদল জাগে, প্রেম অনুরাগে,
ঘুমে চুলু চুলু নয়না ভামিনী ॥
মলয় বিহরে, কলিকা শিহরে,
পর-পরশনে কুমারী কামিনী ।
ধূসর নীরদ, চলে ধীর পদ,
মরি ক্ষীণ তনু না হেরি দামিনী ॥

স্বরত । আহা! একি মায়া-তরু ?
আয় তরুবর, তোরে করি আলিঙ্গন ।

(ফুল-ধুলার তরু হইতে নির্গমন)

ফু-ধুলা । রেখ রেখ পদে তব নিলাম শরণ ॥

ভৈরবী—ঠুংরি

স্বরত ।

রবি শশী তারা দামিনী হাসি,
নব তরুজি কুম্ববাশি,

হেরি দিবানিশি প্রাণ উদাসী,
রঞ্জিত গাথা চাহি তো প্রাণ ।
না জেনে মজিত, না জেনে গুজিত,
না দেখে হৃদয়ে দিয়েছি স্থান ।
সে সাধ পুরিল, প্রাণ ভরিল,
কর মো কাতরে করুণা দান ।

দম । আলিঙ্গন করি তরু নবীন পল্লব !
(প্রথমা স্ত্রীলোকের তরু হইতে প্রকাশ)

প্র-স্ত্রী । এস হে হৃদয়ে এস হৃদয়-বল্লভ ।
হারীত আয় তরু করি তোরে আলিঙ্গন দান
(দ্বিতীয়া স্ত্রীলোকের প্রকাশ)

দ্বি-স্ত্রী । সঁপিছে অধিনী পদে কুল শীল মান ॥
মার্কণ্ড । আয়রে অটবী তোরে ধরি এঁটে সঁটে

(তৃতীয়া স্ত্রীলোকের প্রকাশ)

তু-স্ত্রী । এই যে এলাম নাথ আমি গুঁড়ি কেটে ॥
মার্কণ্ড । আরে র, সে যে ছিল লম্বা চৌড়া, এ যে
বেঁটে সঁটে ; যাই হ'ক—এ তো আমার হ'লো একচেটে ।

(সকলের গীত)

ঝাঁঝিঁট—খেম্টা

হাস রে যামিনী হাস, প্রাণের হাসি রে ।
আজ পেয়েছি তারে, যারে ভালবাসি রে ॥
মুচ্কে হাস কুহুম-কলি, মন বুঝেছি খুলে বলি,
প্রাণ ব'য়ে যায় হৃদার রাশি, হৃদার রাশি রে ॥

ফু-হাসি । হা ! একদিনের খেলা আমার একদিনে
ফুরাল ।

স্বনিক

মলিন মালা

— ১১ —

(গীতিনাট্য)

[১২ই কার্তিক, ১২৮৯ সাল, শ্রাসাশ্রাল থিয়েটারে প্রথম অভিনীত]

“নানা জাতি ফুটে ফুল, উড়ে বৈসে অলিকুল,
কুহ কুহ কুহরে কোকিল ।
মন্দ মন্দ সমীরণ, রসায় ঋষির মন,
বসন্ত না ছাড়ে এক তিল ।”

ভারতচন্দ্র ।

উপহার

শ্রীরামতারণ শাস্ত্রাল—

ব্রাহ্মণ !

তোমার অনুকম্পায় আমার পুস্তকগুলি উজ্জ্বল হইয়াছে । এখানির তুমিই
অধিকারী, তোমার চরণে উপহার রাখিলাম ।

সেবক

শ্রীপ্রিন্সিগচন্দ্র ঘোষ :

নাট্যোল্লিখিত ব্যক্তিগণ

পুরুষ		স্ত্রী
লাক্ষাধীপাধিপতি ।	বরুণা	...
মালধীপাধিপতি ।	তরুণা	মালধীপরাজ-তনয়াশয় ।
লহরকুমার—লাক্ষারাজ-তনয় ।	প্রবাল	...
মন্ত্রী, নাটিকগণ ইত্যাদি ।	শৈবাল	ঐ সখীশয় ।

প্রথম অঙ্ক

— ০:০:—

প্রথম গর্ভাঙ্ক

মালদ্বীপ—সাগরকূল

কূলে তরুণা, বরুণা ও সখীগণ।

পোতারোহণে লহর।

মেঘ—ত্রিতালী।

লহর। অশাস্ত সাগর ঘোর রণ-রঙ্গ,
উর্দ্ধ জটাঘটা গরজে তরঙ্গ।
বেলা বিচঞ্চল, সাগর দল বল,
প্রবল পবন বহে ঝড়দল সঙ্গ।
মেঘ করাল, দামিনীমাল,
নিবিড় আঁধার মূহু মূহু হাসি
বিশ্ববিনাশী,
অশনিশ্রেণী, মহৌ কম্পিত অঙ্গ ;
ধারা প্রচণ্ড ধরাধর খণ্ড,
ভূতদ্বন্দ্ব কত ক্রকুটি-ক্রভঙ্গ।

বরুণা। একি একি একি, দেখ দেখ সখি,

অকূল পাথারে দেখলো তরী !

বুঝি নিরুপায়, গেল গেল হায়,

সাধ হয় কূলে আনি লো ধরি।

তরুণা। রঙ্গে ভঙ্গে খেলে তরঙ্গে,

তুলিছে ফেলিছে হেলায় যেন,

আকূল অকূলে, ঘুরে ফিরে বুলে,

গ্রাসিল সলিলে বুঝি বা হেন !

প্রবাল। দেখলো সজনি, ভাসিল তরণী,

ডুবিল ডুবিল না দেখি আর !

বরুণা। শুন শুন ধনি, সিন্ধুনাদ জিনি

গগন ভেদিয়ে ঐ হাহাকার !

শৈবাল। তরঙ্গের বলে কূলে আসে চলে,
এল এল কূলে নাহিক ভয় ;

বরুণা। তরী চূড়া'পবে, দেপরে দেখরে,
আতঙ্কে উন্মাদ মনেতে লয়।

তরুণা। অভয় হৃদয়, উন্মাদ নিশ্চয়,
শূন্তে ক্ষণ হেরে দামিনী খেলা ;

কছু বা সাগরে চাহে প্রীতিভরে,
আদরে নেহারে সলিলে মেলা।

ভূতদ্বন্দ্ব মাঝে অটল বিরাজে,

বরুণা। বিধি প্রতিকূল ডুবিল তরী !

সাগরে গ্রাসিল, কেহ না উঠিল,

অভাগা উন্মাদ আমরি মরি !

তরুণা। কে যেন ভাসিছে, কে যেন আসিছে,
চল চল কূলে চললো সই,

প্রবাল। ওই ওই ওই, দেখ দেখ সই,
তরঙ্গ ঠেলিয়া আসিছে ওই !

(নট-মল্লার—ত্রিতালী।)

সকলে। দেখলো দেখলো সখি, বিহরে বিলাসে,—
নীল সলিল মাখে, নীল সলিলে ঢাকে,

নীল ফেণিল মাঝে ভাসে।

রঙ্গে ভঙ্গে তরঙ্গ নর্তন,

হেলা খেলা তরঙ্গ মর্দন,

তরঙ্গনিকর, বাহক অমুচর,

তরঙ্গ বাসী তরঙ্গে আসে।

বরুণা। আহা !—

কোথায় আরোহীগণ, রে সলিল অচেতন,

প্রাণে তোর নাহি দয়া মায়া।

রতন গহ্বরে ধর, পুন কেন রক্ত হর !

শৈবাল। উন্মাদ বা জলবাসী হের তোলে কায়া।

(দেশ—একতাল।)

সকলে। মগ্ন মনে চাহে শূন্ত পানে।

শূন্তভরে, বুঝি মেঘোপরে,

সাধ সমীর সনে পুন বিহরে,

নীরব তানে উন্মত্ত প্রাণে।

না জানি হৃদয়-মাঝে বাজে কিবা তান,
ভোরা কার ভাবে শুনে সমীরণে গান ;

সোহাগ ভরে

দামিনী সনে হাসে, ভীষে আদরে,
মধুরপ্রাণে, কিবা মধুর পানে ।

(দেশ—ঝাঁপতাল ।)

লহর । গরজ গরজ ঘোর গভীর সাগর,
নিবিড় জলদমালা গরজ গভীরে ।
কঠোর কুলীশ স্বন, শুন শুন সমীরণ,
গরজ ভীম বল সলিল অধীরে ।
নলকি নলকি খেল নীরদ-বিলাসী,
আধার ঘোর হের নিবার লো হাসি,
তব রূপ দামিনী, প্রাণ প্রয়াসী,
মম হৃদি-আগার ঘোর তিমিরে ।

তরুণা । চল দেখি সখি কেবা এই জন,

বরুণা । একেলা অকূলে ঠেকেছে দায়,

তরুণা । চল সুধাইব কি ভাবে এমন,

বরুণা । পারি যদি কিছু করি উপায় ।

(জজ্-মোজ্জার— একতাল ।)

লহর । অচল সাগর, অসীম ব্যোম,

আধার হের হৃদয়াগার ।

বালু বেলা' পরে, এই অভাগারে

হের যদি কেহ আর ।

দেখ দেখ চেয়ে, অভাগা-হৃদয়ে

ধূ ধূ ধূ জ্বালা,

কলঙ্ক কণ্ঠমালা,

কত কালি প্রাণে তার ।

(কেদারা—ত্রিতালী ।)

সকলে । কাঁদায়ে কারে, বল কার তরে,

এলে অকূল-পারে ?

বসি বেলা' পরে, বল নেহার কারে,

কিবা রক্ত হের তুমি রক্তাকরে,

মোহিনী নিরখ কিবা শূন্য' পরে,

ঘোর তিমির-মাঝে কিবা তার বাজে

তব হৃদি-মাঝারে ?

(জলধর-কেদারা—আড়াঠেকা ।)

লহর ।

যদি গরল প্রাণে, সুধা মাখা বদনে,

ছলনা কি রাখে ঢাকি নারী-নয়নে ।

যদি গরল ভরা, তবু প্রাণ ভোরা,

মন চুরি মাধুরী, মোহিনী—ভোরা ;

প্রাণে জ্বলি, মুখ হেরিলে ভুলি,

উঠে আশ প্রাণে, কত সাধ মনে ।

বরুণা । শুন হে বিদেশী ! যে হও মে হও,

বিপদে পতিত তোমারে হেরি,

তরুণা । দেখিয়াছি সবে শিখরে বসিয়া,

ঘোর ঝটিকায় ডুবেছে তরী ।

যদি মহাশয়, অগ্র নাহি ভাব,

আতিথ্য স্বীকার যদি হে কর,

এস মোর সনে, অদূরে আলায়,

মতিমান, মম বচন ধর ।

(হামির—ত্রিতালী ।)

লহর । মরাল-গঞ্জিনী, নিবিড়-নিতম্বিনী,

রঙ্গিনী সঙ্গিনী, সাগর পারে ।

ঝন রণ নূপুর, হিয়া বাজে ছর ছর,

বিকাশে বালুকা বেলা মোদিনী হারে ।

ধীর চঞ্চল চরণ চলে,—

গুরু উরু'পরে বেণী পড়িছে টলে ;

যেন কহিছে ছলে, বেণী হুলিয়ে বলে,

'ধরামাঝে বল নারি বাঁধিতে পারে ?'

(হামির—তাল ফেরতা ।)

বরুণা । ফুল চিত, আনন্দ গীত,

আহা জ্ঞানহারা ।

সখিগণ । চল সখি ত্বরা ত্বর, প্রবল ধারা ।

তরুণা । নাহি বিপদ মানে, মগন তানে—

সরল প্রাণ খুলে কহিছে গানে ।

সখিগণ । ঝরে প্রবল ধারা, চল গো ত্বরা,

তিমিরে সমীরে কেন হও গো সারা ।

দ্বিতীয় গর্ভাঙ্ক

সাগরকূলের অপর পার্শ্ব

নাবিকগণ ।

(মিশ্র ।)

নাবিকগণ । হৈ—হৈ—হৈ—

জমী দোলেনা চলতে ঘুরি,

হেথা বালি ভারি,

চলা কারিকুরি ।

চোরা বালি যখন কোসে ঢাঁসবে,

জল বালি খেয়ে থকবু কাশবে,

আর ভাসবে না রে, আর ভাসবে না রে,

চপ্ চপ্ চপ্ চল্ সারি সারি,

বালি ঝুরি ঝুরি ।

১ম । আহা রাজপুত্রুর লাফিয়ে পড়'ল আগে,

সে মুখখানি ভাই প্রাণে জাগে ।

২য় । ডুবে দূরে গিয়ে ভাসল যেন ?

৩য় । সাঁত্রে যাবে ডুববে কেন ?

সাম্নে চড়া তায় না উঠে,

আর এক দিকে যাবে ছুটে ।

১ম । ঐ মালিম ভেড়া ইচ্ছে ক'রে ডুবলে,

ঠিক হ'তো আছাড় দিলে মাস্তুলে ।

৩য় । মন্ত্রী মহাশয় এনেছে ধ'রে চুলে,—

১ম । শালা ছেঁদা খুলে পালাচ্ছিল আগে,—

২য় । গাটা আমার ফুলছে রাগে,

কোন শালা না নিদেন ছ' কীল দাগে ।

৩য় । চল রে চল, ও দিকপানে মন্ত্রীর দল ।

(হৈ হৈ হৈ ইত্যাদি গান করিতে করিতে সকলের প্রস্থান)

তৃতীয় গর্ভাঙ্ক

উদ্যান

বক্রণা, তরুণা ও সখিগণ ।

পিলু—জলদ একতারা

সকলে । ধু ধু ধু ধায় চাতকিনী দূরে দূরে ।

অনিলে ডোবে ওঠে, ধু ধু ছোটে ;

স্বর্ণবাসে উষা হাসে,

দেখে আঁখি পূরে ।

রাজা মেঘমালা, হেরি বাড়ে জালা,

ধু ধু ধায়, নিচে ফিরে না চায়,

পাখী পাখা মেলি—

সোণা মেখে কত করে কেলি ;

পাখী পুলকে গায়,

গায় শূণ্ণভরে, কত মধুস্বরে ।]

(লহরের প্রবেশ)

পিলু—যৎ ।

লহর । তরুণ কিরণ খেলে কুসুমদলে,

চলে প্রবাসী চলে,

তিমির যামিনী তার রহিল মনে ।

বক্রণা । শুন হে বিদেশী, বাসি মনে ভয়,

কোথায় যাইবে তুমি,

অকূলে ঠেকিয়ে উঠিয়াছ কূলে,

বান্ধববিহীন ভূমি ।

রাজার নন্দিনী, বক্রণা, তরুণা—

এই পরিচয় শুন,

কহ মহাশয়, কিবা পরিচয়,

প্রকাশিয়া নিজ গুণ ।

মূলতানী—ত্রিতালী ।

লহর । কতু কুঞ্জবনে বসি চন্দ্রাননে,

কাকলী লহরী ঢালি উথলিত প্রাণ ;

মৃদু মৃদু স্বরে ভাষি, ফুল কলি সস্তাষি,

কহিত অনল আসি, খোল লো বয়ান ;

শুনিয়াছি প্রেম কথা ধারা নমনে,
গিয়েছে সে-দিন শুধু আছে স্মরণে ।
(তরুণ কিরণ খেলে ইত্যাদি)

তরুণা । রহ এই স্থানে, শুন হে বিদেশী,
পরিচয় তুমি না দেহ যদি,
যে অবধি তব না মিলে আলয়,
হেথায় রূপায় থাক হে সাধি ।

পিলু—আড়াঠেকা ।

লহর । কলক-মালা পরি কর্ণোপরে,
কহিব কারে,
হৃদয়াগারে কত অনল ঝরে ।
যাইব বনে, জ্বালা কব গহনে,
কহ চন্দ্রাননে, হেথা রহি কেমনে ?
(তরুণ কিরণ খেলে ইত্যাদি)

[লহরের প্রস্থান]

বরুণা । কহিল বিদেশী, গলে কলক মালা,
না জানি হৃদয়ে কিবা নিদারুণ জ্বালা ।

তরুণা । বাঙ্কব হীন তবু অটল প্রবাসে,
উচ্চ আশ বাস ললাট প্রকাশে ;
সাগর তীরে একা আঁধারে হাসে,—

বরুণা । জ্ঞান-জ্যোতিঃ হারা বিষম নিরাশে ।
কহ লো স্বজনি, দেখিতে কাহারে
বিদেশী কোথায় যায় ?

তরুণা । কালি হ'তে তুমি বিদেশী লইয়ে
ঠেকিয়াছ ঘোর দায় !

বরুণা । দেখেছ দেখেছ বসনবিহীন
পড়িয়াছে নিরুপায় ।

চিত্রা গোরী—জলদ একতালা ।

সকলে । কলি কাঁপিল লো
বুঝি অলি এলো ।
রাজা হাসি কলি হাসিল লো ।
নীরবে নাগরে আদর করে,
দোলে সোহাগ ভরে,
মধু উথলে অধরে নাহি ধরে,
কুসুম সঙ্কিনী, উষা-বিনোদিনী,
রাজা হাসি হেসে রাজা চালিল লো ।

দ্বিতীয় অঙ্ক

—:~::~—

প্রথম গর্ভাঙ্ক

সলিল-আশ্রম

বরুণা ।

বরুণা । আসে মোর বর, কাঁপিছে অস্তর,
ভাবি নিরস্তর, কি হবে হায় ;
ম'জ্জিছি ম'জ্জিছি, পাগলে ভ'জ্জিছি,
ফাঁদে পড়িয়াছি, ঠেকেছি দায় ;
তারি কথা মনে, ওঠে ক্ষণে ক্ষণে,
সে বিধুবদনে নিয়ত হেরি ;
ফণিনী আসিল, কুসুমে পশিল,
হৃদয়ে কাটিল, মরমে মরি ;
কি করি কি করি, পিতা মাতা অরি,
কিসে প্রাণ ধরি, কে বোঝে জ্বালা ;'
প্রাণ নাহি চায়, ভজিব তাহায়,
কেমনে গলায়, দিব গো মালা ।

(তরুণা ও সখিগণের প্রবেশ)

তরুণা । শুন লো নাগরি, সাজাইয়া তরি,
নাগর আসিছে ভেসে ;
নাগর রসিয়ে, রাখিস কসিয়ে,
মন বাঁধা হাসি হেসে ।

বরুণা । তুমি নিও ভাই,

তরুণা । আমি নাহি চাই, তোমারি কানাই,

প্রবাল । আসিতেছে লহর কুমার ।

বরুণা । মুখে হাসি ধরে না যে আর !

যদি নাগরে লো এত সাধ,

নাগর তোমার ।

তরুণা । কাজ নাই নাগরী আর,

নাগর পেলে প্রাণ কি ছার ।

(ঝাঁঝিট-খান্ধাজ—দাদ্রা ।)

বরুণা । রস নাগরী লো, নাগর তোরে দিব ;
যদি যত্নে রাখ নাহি কথা কব ।
যত্ন বিনা নাগর রবে না,
অভিমাণে কথা কবে না,
নাগর চলে যাবে, ফিরে চাবে না,
মনে না ধরেতো ফিরে নিব,
নাগর ফিরে নিব ।

প্রবাল । যেমন তেমন নাগর নয়,
লাক্ষা দ্বীপের রাজ-তনয় ।

(ঝাঁঝিট-খান্ধাজ—দাদ্রা ।)

সকলে । ব'য়ে প্রেমের তরী আমার নাগর আসে ।
প্রেমনীরে আমার নাগর ভাসে ।
নাগর গুণমণি, নারীর হৃদি-মণি,
নাগর এলে হেসে হেসে বস'ব পাশে ।

তরুণা । আসছে নাগর, দিলুম খবর,
আমায় কিছু দাও,

বরুণা । ব'লেছি তো নাগর দিব
নাগর যদি চাও ।
ওলো গেছি ভুলে,—
আসিনি সারি তুলে ।

[বরুণার প্রশ্নান ।

প্রবাল । দেখি দেখি সখি কোথায় যায়;

শৈবাল । আসছে নাগর মনের মতন,
নাগরী কি ফিরে চায় ।

[সখিগণের প্রশ্নান

(ইমন—ত্রিতালী ।)

তরুণা । সহিতে দহিতে বুঝি হ'য়েছে নারী ।—
চাহে পাগলে পাগল' চিত কেমনে বারি !
“তরুণ অরুণ খেলে কুসুমদলে”
মন মোহিল, দহিল, কহিল ছলে,
চিত চঞ্চল জলে হৃদে গরল-বাতি,
প্রাণ বিকাতে চাহে তারি প্রণয়ে মাতি ;
ধন্দি ধরিতে নারি, মন ফিরাতে হারি,
ছি ছি পাশরি কিসে ওঠে সাগর-বারি ।

(প্রবাল ও শৈবালের প্রবেশ)

প্রবাল । অপূর্ব কাহিনী, নৃপতি-নন্দিনী,
বরসহ নাকি ডুবেছে তরি ।

যারা ডুবেছিল, সকলি উঠিল,

শৈবাল । ডুবিল কুমার আগরি মরি !

তরুণা । কহ লো কোথা তুমি পাইলে কথা ?

প্রবাল । মন্ত্রী তাহে ছিল, সে কুল উঠিল,
সভায় কহিল আসি,

লাক্ষাদ্বীপ-রাণী, ছুটা ছিচারিণী,

কহিবারে ভয় বাসি ।

খলমতি রাজরাণী, রাজারে কহিল বাণী,

“শুন শুন রাজা মহাশয়,

প্রেম-আশে মম বাসে, আজিকে কুমার আসে,

ছুরাচার তোমার তনয় ।

যদি না প্রত্যয় কর, আমার বচন ধর,

যে মালা দিয়েছ উপহার,

কোন মানা নাহি মানে, বসন ধরিয়া টানে,

খুলে নিয়ে পরেছে সে হার ।”

শৈবাল । প্রেমআশে ডেকেছিল, আপনি সে মালা দিল,
বিপরীত কহিল সকলি ।

প্রবাল । মাতৃ-জ্ঞানে সে কুমার, গলে নিল ফুলহার,
সরল অন্তরে গেল চলি ।

তরুণা । বল বল সখি, রাজার কুমার

হেন অপবাদ ঘটিল তার !

শৈবাল । বিমাতার ছি ছি হেন আচার !

প্রবাল । রাজা পুত্রে ডাকি কয়, রাজা পুত্রে ডাকি কয়,
“মাজি হ'তে নহ তুমি আমার তনয় ।

তোর গলে ফুলহার, তোর গলে ফুলহার,

কলঙ্কের মালা জালা পাবি ছুরাচার ।”

শৈবাল । ভগ্নতরি সাজাইয়া, পুত্রে দিল পাঠাইয়া,

তরুণা । কি হেতু সে দিল প্রাণ দান ?

প্রবাল । হাস্তানন কবি রবি, মনোনিমোহন ছবি,
কুমার প্রজার ছিল প্রাণ ।

তরুণা । তাই ভয়ে বধিল না তায়,

শুনি কাঁপে কায়, দিক্ বিমাতায় ।

প্রবাল। ভগ্ন তরি জলে ভাসে, স্নেহে মন্ত্রী সাথে আসে,

উপদেশে নাবিক প্রধান,—

তরুণা। বর আসে এই জানি,

প্রবাল। দেশে রটাইল রাণী, তাই ওঠে হেন বাণী ;

তরুণা। নাবিক কি করিল বিধান ?

প্রবাল। ঝটিকায় ছিদ্রদ্বার, খুলে দিল ছুরাচার,

পলাইল ক্ষুদ্র তরি ল'য়ে।

তরুণা। কেমনে জানিলে হেন রাজা দেখে ক'য়ে ?

প্রবাল। মন্ত্রী ধ'রে তারে সভায় দিল,

তরুণা। সেও কি আসিয়ে এ কূলে উঠিল ?

রাজার কুমার ডুবিল জলে।

প্রবাল। ঝড়ে প'ড়ে গেল জলে,

উঠিল না আর তাহা দেখেছে সকলে।

তরুণা। পাগল আমার, পাগল আমার,

হির হও প্রাণ, নাহি ভাঙ্গ হৃদাগার।

বর আসে হেথা কিসে হইল প্রচার ?

প্রবাল। বিবাহ সম্বন্ধি—

লইবারে রাজদূত গিয়েছিল তথি,

ছল ঢাকিতে নৃপতি, ছল ঢাকিতে নৃপতি,

পত্র হেথা পাঠাইয়া দিল ক্রতগতি।

তরুণা। শেষে বল কি হ'ল, নাবিক ?

প্রবাল। রাজ আজ্ঞা দেখাইল কব কি অধিক।

শৈবাল। চল চল চল, চল লো ধনি,

না জানি কি করে প্রাণ-স্বজনি।

[সখীগণের প্রস্থান।

(পরজ-বাহার—একতালা।)

তরুণা। কবি রবিছবি হেরেছি বয়ানে,

আশ কেন বিকাশ প্রাণে,

মাধুরী নিবাসী বেদনা জানে না,

বুঝে না বুঝে না, নারীর ব্যথা।

সে কভু বুঝে না, সে কভু জানে না,

সাগরে সমীরে যে কহে কথা।

কেন কেন কহ কাঁপিছ হৃদি,

সাগর-মাঝারে রতন নিধি,

কেমনে আনিব, কেমনে পাইব,

থাক থাক থাক, মন মান রাখ,

সরমে ঢাক না মরন-গাথা।

[তরুণার প্রস্থান।

দ্বিতীয় গর্ভাঙ্ক

উপত্যকাস্থিত উদ্যান

বরুণা।

(বসন্ত—একতালা।)

বরুণা। ধিকি ধিকি ধিকি জ্বলিছে অনল,

কেন এ জ্বালা মরমে চাপি।

পাখীকুল-স্বরে পরাণ শিহরে,

অনিল বহিলে কেন গো কাঁপি।

কি যেন কি যেন, মনে হয় হেন,

এল এল এল, চ'লে গেল কেন, !

হৃদয়-মাঝারে কত কথা কই,

মনে মনে সাধি কত জ্বালা সই,

মান করে মানা, কেমনে যাব,

সাধিব কেমনে, কেমনে পাব,

নাহি সহে আর, হয় বা প্রচার,

অনল কেমনে বসনে ঝাঁপি ?

(তরুণার প্রবেশ)

তরুণা। দিদি শুনেছ সকলি ?

বরুণা। ধিক্ সেই বিমাতারে বলি।

তরুণা। বুঝি দিদিরে বিকল—

করিয়াছে আমারি পাগল !

দিদি শুধাই তোমায়, দিদি শুধাই তোমায়,

দিন দিন কেন তোরে হেরি শীর্ণকায় ?

যদি ঠেকে থাক দায়, বল না আমায়,

কয় দিন দেখি তোমা শূণ্ণমনা প্রায়।

আমি ভগিনী তোমার, আমি ভগিনী তোমার,

কি জ্বালা তোমার, মোরে দেহ দুঃখভার,

য়েথ না গোপনে জ্বালা স'য়োনা কো আর।

বক্রণা । কিবা শুধাও আমায়, কিবা শুধাও আমায়—

তরুণা । বুঝিয়াছি হায়—

পাগলিনী প্রাণ, পাগলপানে ধায় ।
কহি সাবধান তরে, কহি সাবধান তরে,
স্বৈচ্ছায় গরল আনি রেখো না অন্তরে ।
দিদি জেনো এই স্থির, দিদি জেনো এই স্থির,
পাগলে দেখেছি আমি লক্ষণ কবির ;
কবি কারো সেতো নয়, কবি কারো সেতো নয়,
বজ্র ধরে, খেলা করে, করি তারে ভয় ।
ধরি নারীর হৃদয়, ধরি নারীর হৃদয়,
দেখিয়াছি নারী-ধরা ফাঁদ সুধাময় ;
জেনো কাহারো সে নয়, জেনো কাহারো সে নয়,
ফুল সনে ঘন বনে যাহার প্রণয় ;
আমিও নারী দিদি খুলিছি হৃদয় ।

বক্রণা । জানি লো সকলি, ভুলিতে নারি,
সে যদি না চায়, আমি তো তারি ;
জলি জলি জলি, ভুলিতে না চাই,
জলি যত, তত হৃদয়ে লুকাই ;
যাই যাই যাই, পুনঃ ফিরে চাই,
তারি ধ্যান বিনা প্রাণে কিছু নাই ;
ধাই ধাই, মনে প্রবেশ মানি না,
সরম আসিয়ে করে গো মানা ।

তরুণা । দেখ দিদি, হ'ল গোধূলি-বেলা,
উপবনে চল করিগে খেলা ।

বক্রণা । যাও তুমি, আমি যেতেছি পরে ।

তরুণা । একেলা বসিয়ে কাঁদিয়ে ঘরে ?

বক্রণা । না লো না, ডেকেছেন মা ।

তরুণা । যেও কথা শুনে মাথার কিরে ;

না যাও এখন আসিব ফিরে ।—

আগুন নেভে না নয়ন-নীরে ।

[তরুণার প্রস্থান]

বক্রণা । ঘাইব দেখিব, সাধ পুরাইব,
যা আছে কপালে ঘটিবে ছাই,
করি কত মানা, প্রাণ তো মানি না,
কলঙ্ক হইবে, বহিব তাই ।

[বক্রণার প্রস্থান]

(তরুণার প্রবেশ)

তরুণা । এখন' কাঁদিয়ে বসিয়ে একা ?—

কোথা গেল দিদি না পাই দেখা !

পাগলের কাছে একা কি গেল ?

জেনেছে আলয় স্মরণে এল ।

ছায়ানট—মধ্যমান ।

আমি যে জালা সহি কাহারে কহি,

মনোমোহন নয়ন পরাণে জাগে ।

যেন সাধ ধরে, কলঙ্কে ডরে,

প্রাণ মন মোহিল, ধীরে ধীরে কহিল,

রঞ্জিত বদনরাগে ।

কিবা সঙ্গীত সরস ভাষে,

প্রমদা প্রাণ মাতে, বিকাশে আশে,

কিবা রমণী হৃদয়-ফাঁদ গঠিত সোহাগে ।

[প্রস্থান ।]

তৃতীয় গর্ভাঙ্ক

কানন

লহর ।

বেহাগ—আড়াঠেকা !

লহর । কলঙ্ক ধর, কহ শশধর,

কভু কাঁদে কি হে পরাণ তোমারি ?

হেরি সুন্দরী সহচরী তারকা-হারে,

বিহর বিতর সুধা রজতধারে,

হেরি কালিমা চন্দ্রমা হৃদি-মাঝারে,

কহ শশী মনাগুন কেমনে বারি !

তব সাগর অম্বর চ'লেছ ভেসে

দেশে দেশে,

ঢেকেছ কালিমা রেখা সুধার হাসে ;

রেখা সুন্দর, সুন্দর সকলি নেহারি,

কলঙ্ক ধরি বুঝি ভুলিতে পারি,

সুধাকর পেলে তব সুধায় ধারি ।

(বক্রণার প্রবেশ)

বেহাগ—ত্রিতালী ।

বক্রণা । সুধা নিঝরি ঝর ঝর মধুর স্বরে,
গগন গহন শুনে সোহাগভরে,
সুধা কাননে ঝরে ।
ললিত-গীত চিত-বিমোহিত বিচলিত
সুধা উথলে স্বরে, গগনোপরে,
শুনে চাঁদে চকোরে ।

বেহাগ—ত্রিতালী

লহর । মধু কে দিল স্বরে, সাধ করে,
স্বর-মাধুরী কে দিয়েছে রমণি তোরে ?
শিখালে মোরে, বাঁধা জনম তরে ;
ভালবাসি, অভিলাষী,
ডরি কালিমা রেখা মম হৃদয়োপরে ।

বেহাগ—ত্রিতালী ।

বক্রণা । বল না বল না কি মন' বেদনা,
মনব্যথা ভাল ললনা সহে ।

কানেড়া—আড়াঠেকা ।

লহর । ধু ধু ধু হৃদয় দহে,
সাধে অপবাদ,
অনল উথলে, অনল ক্ষরে,
কলঙ্ক-রেখা শশী একেলা পরে,
কলঙ্ক-রেখা নাহি তারকা ধরে,
হৃদে অনল ক্ষরে, নাহি সুধা ঝরে ।

[লহরের প্রস্থান

(নাবিক-বালকবেশে তরুণা ও সখীগণের প্রবেশ)

লগ্নী—দাদরা ।

সকলে । ধীরে ধীরে মোরা তীরে খেলি,
তরী দোলে ।
চেউয়ে টানে যত ফিরি তত,
না জেনে অকূলে যাইনে চলে ।
লহরে লহরে মন তুলে,
তবু ফিরি কূলে,
কৈদে কৈদে ফিরি, প্রাণ টলে,

তরী দোলে,—

কূলে চ'লতে নারি তাই পড়ি ট'লে

তরুণা । কহ লো নাগরি কহ লো কথা,
ফিরে চাও ধনি, খাও লো মাথা ;
মান ক'রে কেন বদন ঢাক,
দিয়ে মুখসুধা পরাণ রাখ ।
বক্রণা । তরুণ নাবিক তোমারে হেরি,
ব্যথা কি বুঝিবে তাইতো ডরি ;
ধীরে ধীরে তুমি ভাস হে কূলে,
মন-প্রাণ মম ভাসে অকূলে ।
তরুণা । মূছ মধু যবে মারুত পাব,
কূলে কি রহিব অকূলে যাব ।
বক্রণা । স্ববাতাসে তবে ভাসাবে তরী ?
যেও না অকূলে নিঃশ্বাস করি ।
তরুণা । একা কেন বনে কহ নাগরি ?
বক্রণা । খুঁজিয়ে নাগরে নে যাব ধরি ।
তরুণা । রাখ পরিহাস কহি লো তোরে,
না জেনে মজিলে পড়িবে ঘোরে ।

(কুকুড়া—মধ্যমান)

বক্রণা । বুঝায়ে বারিতে নারি,
মাতুয়ারা প্রাণ তারি,
কহে আশা ছলভাষা,
মন মাতে নাহি পারি ।
আমার আমার বলে বার বার,
আঁখি বারিধারা হৃদয়ে বহে,
মরম দহে, কতই সহে,
তবু পোড়া প্রাণ 'আমার' কহে,
ছি ছি ধিক্ জনম নারী ।
কহ লো তরুণা কেন এ সাজে ?
তরুণা । ভুলাইতে তব হৃদয়রাজে ।
ছলে যদি পারি লব পরিচয়,
গুণমণি তব কেবা মহাশয় ;
ছলে লো স্বজনি ভাসায়ে তরি,
মনচোরা তোর আনিব ধরি ।
ব'লেছিলে দিবে নাগর মোরে,

পারি যদি ধরি দিব লো তোরে ।
সাজ লো সজনি সাজ এ সাজে,
কবে কথা, বাধা দেবে না লাজে ।
ভূলাইতে তোর রসিকরাজে,
চল লো নাগরি নাগর সাজে ।

তৃতীয় অঙ্ক

—:~:—

প্রথম গর্ভাঙ্ক

কক্ষ ।

কামদ—জলদ একতারা ।
সকলে । নাগর মিলে নাগর ধরিতে যাই,
দেখি পাই কি না পাই লো ।
চল ভাসিয়ে তরী ধীরে বাই লো ।
নবনাগর হেরে, নাগর চাবে ফিরে,
নইলে দিব কিরে ;
সেধে কইব কথা, লাজ-মানা তো নাইলো ;
ধীরে বাইলো,
পাই কি না পাই দেখি তাই লো ।

[সকলের প্রস্থান ।

মালদ্বীপ-রাজ ও লাক্ষাদ্বীপ-রাজ ।

লা-রাজ । শুন হে বাজন, কহি বিবরণ,
আপন নন্দন ফেলেছি জলে ;
কুলটা ব্যভার, হয়েছে প্রচার,
কি কহিব আর যে জালা জলে ।
কুমার আমার, অতি সদাচার,
রীতি কুলটার বুঝি ক্রমে ;
শেল বাজে বৃকে, শুনি লোক মুখে,
বনে মন-দুখে তনয় ভ্রমে ।

মা-রাজ । ধর হে বচন, না কর রোদন,
বিধাতা লিখন, ছুষিবে কারে ;
শুন মহামতি, নিয়তির গতি,
কাহার শক্তি, বল হে বারে !
মৃত কি জীবিত, না জানি নিশ্চিত,
যে হয় বিহিত করিব স্বরা ।

লা-রাজ । যা হয় বিধান, কর মতিমান,
আকুল পরাণ, আঁধার ধরা ।

(মন্ত্রী প্রবেশ)

মন্ত্রী । জীবিত জীবিত প্রভু তোমার তনয়,
দেখ হয় নয় ।

আমি দেখিয়াছি বনে, আমি দেখিয়াছি বনে,
মালা নিয়ে খেলে তব ছুহিতার সনে ।

লা-রাজ । ওহে কি বল কি বল, ওহে কি বল কি বল !

মা-রাজ । মম ছুহিতার সনে, খেলিতেছে বনে !

লা-রাজ । স্বরা দেখি গিয়ে চল, স্বরা দেখি গিয়ে চল,

মন্ত্রী । দৌহে বনে করে গান, দৌহে বনে করে গান,
পবিত্র-প্রণয়-নীরে বিকসিত প্রাণ ।

মা-রাজ। ভাল খেলা আজি মদন খেলিল,
কল্পাপনে মম কুমার মিলিল,
বিলম্ব কি হেতু করিছ বল,
চল সখা, তবে স্বরিত চল। [সকলের প্রস্থান।

দ্বিতীয় গর্ভাঙ্ক

সাগরকুল

লহর আসীন।

(তরঙ্গী-স্নানোহণে নাবিক-বালকবেশে বরণা,
তরণা ও সখীগণের প্রবেশ)

ভৈরবী—৫৭।

সকলে। খেলি কূলে খেলি, কালি অকূলে ভেসে যাব।
যাব যাব কূলে ফিরে চাব,
বনফুলে মালা গঁথে নিব,
যে চাবে মালা তারি গলে দিব।
মোরা চেউয়ে নাচি, মোরা চেউয়ে ভাসি,
কূলে ফুল হাসে, তাই তীরে আসি,
বনফুল বিনা কিবা রতন পাব।

তরণা। কহ মহাশয় কে তুমি পুলিনে,
বিজ্ঞানে কেন হে বসিয়ে একা ;
বসিয়া কি আশে, কোথা তব ঘর,
কি হেতু উত্তর নাহি দেহ সখা ?

ভৈরবী—৫৮।

লহর। গাঁথ নবীন কলি, মালা পরহে গলে,
মালা মলিন হ'লে দিও ভাসায়ে জলে।

ভৈরবী—৫৯।

সকলে। হের নবীন মালা, যদি সাধ কর—
মালা ধর, মালা গলে পর,
আজি খেলি মিলে,
কালি যাব চলে।

ভৈরবী—৬০।

লহর। ছিল নবীন মালা, হের মলিন গলে,
তাপে শুকালো কলি, জলে হৃদয় জলে।

ভৈরবী—৬১।

সকলে। কি মনবেদনা বল বল বল,
যদি হে বিদেশী, সাথে চল চল।
শুন গুণমণি, বাহিব তরঙ্গী
তোমারে ল'য়ে ;
কেন বনে ব'স, এস এস এস,
পুলিনে কেন হে যাতনা স'য়ে ?

ভৈরবী—৬২।

লহর। নব রাগে যবে ফুটিল কলি,
মনসাধে কত ক'রেছি কেলি।
নাহি সেই দিন, গিয়েছে চলি ;
আর না খেলি,

হৃদয়-কুসুম আর না বিকাসে নবীনদলে।

(মাল-রাজ, লাক্ষা-রাজ ও মন্ত্রী প্রবেশ)

মা-রাজ। ভাল ভাল ভাল নাবিক বালক,
জনকে ভুলায়ে চলেছ ছলে,
কালি ভেসে যাবে অকূল জলে ?

ভৈরবী—দাদরা।

সকলে। ওলো কেমনে বদন তুলি, মরি লাজে,
ছি ছি গঞ্জনা লাজনা প্রাণে বাজে !
প্রবাসী সনে ভ্রমি বনে বনে,
ছি ছি একি সাজে।

লা-রাজ। লহর কুমার, কুমার আশার;
ক্ষম অপরাধ চল রে চল,
শুন বাপধন, খুলেছে নয়ন,
বুঝেছি জেনেছি নারীর ছল।

ভৈরবী—৬৩।

লহর। নমি চবণতলে,
নবীন মালা মাতা প্রসাদ দিল,
মলিন মালা আজি হের গো গলে !
আজি নিভিল জালা,
মলিন মালা আজি ভাসাব জলে।

মা-রাজ। নিধি পেয়েছি খুঁজে, ফিরি নাহি দিব,
কুমারীপণে আমি কুমারে নিব।

আজি হ'তে বরণা আমার
ছুহিতা তোমার,
কুমার আমার আজি লহর কুমার ।

ভৈরবী—দাদরা ।

সকলে । মধু ঝরিল রে, মন পুরিল রে,
মধু যামিনী মধুর হাসে,
মধুর লহর চলে, প্রাণ ভাসে,
মধু কুসুমবাসে,
মধু কাননে লতা সনে
অনিল ভাষে,
মধু সাগরে রে, মধু উজান চলে ।

ভৈরবী—৫৭ ।

লহর । নিশির শিশির হের কুসুমদলে,
লহরে লহরে ভেসে লহর চলে,
তিমির যামিনী আজি জাগিছে মনে ;
ওলো চন্দ্র ননে,
বালা, ঘুচিল জালা, ফেলি মলিন মালা,
কাঁদিয়া পেয়েছি আমি সখা বিজনে !

তারে ভালবাসি,
তারি তরে আমি সলিলে ভাসি,
সখা সকলি জানে, সখা বিরাজে প্রাণে,—
বিরাজে সকাশ প্রেম কমলদলে ।
পিতা বিদায় মাগি, নমি চরণ-তলে,
কলঙ্ক-মালা মম আছিল গলে,
যাই মলিন মালা আজি ভাসায়ে জলে,
সখা হৃদিকমলে !

[নৌকারোহণে প্রস্থান ।

সকলে । কি হ'ল কি হ'ল তীর বেগে গেল—
দেখিনে আর !

লা-রাজ । হায় হায় কোথা গেল কুমার আমার !

মা-রাজ । শীঘ্র ল'য়ে তরী, চল গিয়ে ধরি ।

[মূপতিষয় ও মন্ত্রী প্রস্থান ।

পাহাড়ী—ভৈরবী ।

সকলে । দেখি রে দেখি রে মলিন মালা ;

বরণা । দেখি মালা কত জালা !

সকলে । মলিন হ'য়েছে ব'লে, তাই কি হে কাঁদাইলে,

ফুলমালা কুলবালা !

স্বনিক।

আলাদিন

বা

আশ্চর্য প্রদীপ ।

(নক-নাট্য)

[২৮শে চৈত্র, ১২৮৭ সাল, ছাসাম্ভাল থিয়েটারে প্রথম অভিনীত]

চরিত্র

—:—

পুরুষ

আলাদিন, কুহকী, ইছদি, বাদসাহ, উজীর, উজীর-পুত্র, কলু,
পারিষদগণ, বরযাত্রীগণ, জিনিগণ ইত্যাদি ।

স্ত্রী

আলাদিনের মাতা, বাদসাহ-কন্যা, দাসী,
পরীগণ, সখীগণ ইত্যাদি ।

প্রথম অঙ্ক

—:—

প্রথম গর্ভাঙ্ক

রাজ-পথ ।

(আলাদিন ও তৎপশ্চাৎ যাহু-দগু হস্তে কুহকীর প্রবেশ)

(আলাদিনের নৃত্য-গীত)

কার তোয়াকা রাখি আর ।
বাপ ম'রেছে, বালাই গেছে,
কোন্ শালার বা ধারি ধার ॥
কুটি সেন্টে, কোমর এঁটে,
এক দৌড়ে পগার পার ।
হট্কে চল, মৎ কুছ বোল,
সামারো বে খবরদার ॥

আলাদিন । বুড়ুয়া এ দাড়িয়া, নড় নড়িয়া
এসা কেঁওবে, কাহে খাড়া ?

কুহকী । (যাহু-দগু ঘুরাইয়া মস্ত্রোচ্চারণ)

হাতে পায়, নাকে গায়,

অ য় আর সব চ'লে আয় ।

ঝট্‌কি ধ'রে আয়, মুট্‌কি চ'ড়ে আয়,
চ'ড়ে আয় ওচনা খোলা,
বুড়ীর হাড়ের চর্কি গোলা ;
ডাক্‌ছে কৌকর কৌ,
চলে আয় সৌ ।

আলাদিন । হট্‌ বে হট্‌ ।

কুহকী । ল্যাড়খা রে !—

আলাদিন । তোমার গুপ্তির ছ্যারখা রে,

' হট্‌ বে হট্‌ শীগগির হট্‌ ।

কুহকী । Not বাপ not,

ল্যাড়খা রে,

তুই মোর গুপ্তির ছ্যারখা রে !

চরকা বেটো, হুনের কেঠো,

এণ্ডি মেণ্ডি গেণ্ডিরে

আমার গুপ্তির ছ্যারখা রে !

আলাদিন । নড় শালা নড়,

নইলে ছিঁড়বো দাড়ী চড় চড় ।

কুহকী । কে রে বাপা গড় গড় ?

আলাদিন । র'স্‌ বে কোসে লাগাই চড় ।

কুহকী । আরে তোকে দে'খে জান ক'চ্ছে কড় কড় ।

আলাদিন । হড়র বড়র হড় ।

কুহকী । ল্যাড়খারে, ছাতি ফাটে

ওরে বাপ বেঁটে সেন্টে,

ল্যাড়খারে,—

তুই মোস্তাফা দাদার বেটা বটে ।

আলাদিন । সব্‌ শালা, নয় ফেলি কেটে ।

কুহকী । ল্যাড়খারে,

তোর বাবা মোর দাদা,—সব্‌ গিয়া রে ।

আলাদিন । জানি শালা—হাম্‌ লোকতো কবর দিয়া রে ।

কুহকী । সব্‌র কর বাপ, ছাড়ি খোড়া হাঁপ,

ল্যাড়খা রে !

তোর বাবা, মোর দাদা সব্‌ গিয়া রে ।

আলাদিন । শালা কবর দিয়ারে—শালা কবর দিয়ারে—

শালা কবর দিয়া রে ।

কুহকী । তোর বাপের ছিল দরজীর দোকান,

সিউনি তার অবাক্‌ ছাৰা,

ওরে বাবা হাৰা, মতিচুর খাৰা,

'মুড়ী মুলো' ধাৰা ধাৰা ?

আলাদিন । ছিল বটে দরজীর দোকান

অবাক্‌ ছাৰা তোৰ বাবার বাৰা !

বেটা আচ্ছা কাপ,—

দাঁড়া তোৰ ঘাড়ে মারি লাফ ।

কুহকী । মেরি বাপ ! ল্যাড়খা রে,—

আলাদিন ।—

(নৃত্য-গীত)

কেয়া ক'রে ফেলৈ ফেরে,

কায়সে শালার হাত ছাড়াব ।

ল্যাড়খা ব'লে ফাড়কা তোলে,

আজকে শালার ভূত ঝাড়াব ॥

এ কি রে অপশোষ খোড়া,

এল বুড়ো পোড়া নোড়া,

বাতে শালা মাৎ ক'রে দেয়,

যা থাকে আজ খুব চড়াব ॥

কুহকী । ল্যাড়খা রে —

আলাদিন । আচ্ছা বাবা, আমি এধার দিয়ে যাচ্ছি ।

কুহকী । ল্যাড়খা রে, খোড়াই আমি ছাড়ছি,

তোর মুখ দেখেছি, নাক দেখেছি,

দাঁত দেখেছি, তাইতে যাহু বেঁচে আছি,

ল্যাড়খা রে !—

তোর বাবা, মোর দাদা সব্‌ গিয়া রে !

আলাদিন । ওরে শালা, আমি ত ফিরে] যাচ্ছি, তবু শালা

“ল্যাড়খা ল্যাড়খা” করিস্‌ কেন ?

কুহকী । তোম্‌ আঁতে মোরা দাঁত বসায়,

বাপধন সরিস্‌ কেন ? ল্যাড়খা রে—

তোর বাবা মোর দাদা সব্‌ গিয়া রে ।

আলাদিন । জুলুম কিয়া, জান গিয়া,

কবর দিয়া রে—শালা কবর দিয়া রে !

কুহকী । ল্যাড়খা রে ।

আলাদিন । কেন অমন ক'চ্ছিস্‌ বল্‌ তো ?—(উপবেশন)

কিন্তু বলা হ'লে আমায় ছেড়ে দিতে হবে । তোম্‌

হামারা জান ঘামায়া ।

কুহকী । তোর বাবা ছিল আমার ভায়া ।

আলাদিন । তা হামারা কেয়া ?

কুহকী । তোর দাদি ছিল আমার দাদির নানি ।

আলাদিন । তোর মা আমার কপ্নি কানি ।

কুহকী । ইয়া ইনসানি, দুটি চোখে পড়েছে ছানি, ওরে মেরি জানি, তোর মুখখানি আমার দাদার উপর খোদার মেহেরবাণী, তাইতে তো তাড়াতাড়ি । তোর বাবা—মোর দাদা মরু গিয়ারে । চল মেরি জানি, তোর হাত ধ'রে টানি, দেখি গিয়ে, আমার দাদার সেই খানি, জুড়াব বাপ শুনে দুটো মধুর বাণী ! ল্যাড়খা রে,—তাই বাপ হাত ধ'রে করি টানাটানি, ঘরে আয় মেরি বাপ, ঘরে চল—যাহুগণি !

আলাদিন । (স্বগত) ক'লে শালা বাড়াবাড়ি, বেটা মুচির ওপর পাজী—হাড়ী ! নিয়ে যাই শালাকে বাড়ী । (প্রকাশ্যে) ওরে যদি বাড়ী নিয়ে যাই, ল্যাড়খা তো আর বলবি নি ?

কুহকী । না মেরি বাপ—ল্যাড়খা রে—

আলাদিন । তুই একটা কি খুন-খারাপি ক'রবি ?

কুহকী । ল্যাড়খা রে—

আলাদিন । ওরে গেলুম যে—ওরে বলি শোন, বাড়ী নিয়ে যাচ্ছি চল,—ভাত গিলবি গল্ গল্—আর কি চাম্ বল ?

কুহকী । চল বাবা, ল্যাড়খা রে !—

আলাদিন । শালা রে!—চলবে চল, চল তোর পায়ে পড়ি চল ।

কুহকী । ল্যাড়খা রে—

আলাদিন । ভাগ্যিস্ তুই শালা আমার বাবা হ'স্নে ।

কুহকী । ল্যাড়খা রে—

আলাদিন । ও মা ! হিঁরা বড় লটুখটি লাগা । শীগ'গির শুনে যা ।

(আলাদিনের মাতার প্রবেশ)

এ বুড়'চা ব'লছে, ল্যাড়খা ল্যাড়খা, তুই একে ভাগা, নইলে পাবি ভারি দাগা ।

আলা-মাতা । তোম্ কোন্ হায় গা ?

কুহকী । আমার দাদা ছিল মোস্তাফা,—এই টাকা নাও—আমায় চিন্বে সাফা ।

আলা-মাতা । (টাকা লইয়া) তোফা তোফা, তোফা !—

তোর চাচাই বটে, তোর বাপ চ'রছিল মাঠে, তোর চাচা পাওয়া গেল বাটে, আমি চল্লুম হাটে ; তোরা ব'স্ গে যা ছাপর খাটে, খিচুড়ি পেকিয়ে খাওয়াব ।

আলাদিন । তোরে যমের বাড়ী যাওয়াব ।

ভেড়ের ভেড়েকে তাড়িয়ে দে,—

চাচা হয় তো সঙ্গে নে ;

এ বুড়া বিষম ফ্যারেকা,

খালি বলবে, “ল্যাড়খা—ল্যাড়খা” ।

কুহকী । না বাপজান থোকা !

যদি তোর হয় ধোঁকা,—

খানা পাকাগ তোর মা,

একটু সায়ের ক'রে আদি আয় না ;

এই কাছে কেমন আচ্ছা বাগিচে,

ফল পেড়ে আন্বি বেছে বেছে ;

জলদি চলা আও, নয় তো “ল্যাড়খা” বোলেগা ।

আলাদিন । চল ব্যাটা চল, পেয়েছিন্ আচ্ছা কল ।

[উভয়ের প্রস্থান ।

আলা-মাতা । সাবাস্ বক্ত, টাকা পাওয়া গেল মোফ'ত ।

(গীত)

জুইলো পথে দেওরা চমৎকার ।

মুচ্কে হেসে কয় লো কথা,

বেওরা ঠাট্টরে ওগা ভার ॥

সাঁচ্ছা দেওর, নয় তো বুটো,

চোক ঠেঁরে দেয় টাকার মুঠো,

নয় হেটো মেঠো ;—

মজা হয় এমনি দেওর

একটা দুটো মিলে আর ॥

দ্বিতীয় গর্ভাঙ্ক

বনপথ ।

(আলাদিন ও কুহকীর প্রবেশ)

আলাদিন । আরে বুড়ুয়া, বাগিচা কাঁহা,

জঙ্গলমে কাহে লে আয়া ?

কুহকী । আঃ ! ইয়া দেখ্ চিঙ্গ কেয়া কেয়া !

এখানকার মাটী যাবে হট্কে,

গর্ভ বেরবে,—আর তুই চলে যাবি সট্কে ।

আলাদিন । আর আমার খাব্ ডার চোটে,

তোর গাল যাবে ফাট্কে ।

কুহকী । শোন শোন বাহুমণি,
আমার দরকার কেলে প্রদীপখানি ;
মাটি ফাটলে উলে যাবি,
কেলে প্রদীপটি এনে দিবি, বাস ।
আলাদিন । লাগাতে পারি চড় ঠাস ।
কুহকী । (মন্ত্র আওড়ান)

ভেঁ। ভেঁ। উন্টো গুটি, সোটা স্টি,
আটা কাটা, দাঁতকপাটি,
উদম চাটা, মলের মাটা,
কলসী কানা, ভূতের আঁটা !
ইহুম্ উহুম্ গড়াস্ গুহুম্,
দপাস্ হুম্, হুম্‌না মাটা,
হড়াস হুম্ হড়াস হুম্,
হড় হড় হড়—হট্‌না মাটা

(মাটি ফাটিয়া গহ্বর প্রকাশ)

আলাদিন । কেয়া ছয়া, কেয়া কুয়া, ওয়া ওয়া ওয়া
কেয়া ছয়া, কেয়া কুয়া, কাকুয়া কেয়া ছয়া, কেয়া কুয়া !

কুহকী । বাপ রে গট্‌ গট্‌, গোলে গুলে, যাওত উলে,
পাঁচ পোয়াতির গু-মুত গুলে । হড় হড় হড় গ'লে যাও,
হাতের ভেটের আংটা নাও । ভিতরি যাবি, প্রদীপ নিবি
বাপ ; কেলে প্রদীপ জানবি ঠিক,—ফির্তি বেলা আস্‌বি
চলা । যব্‌ তক্‌ তোর কাম ঘটেগা, আংটা ছালমে লাগা ;
ছুপা ছুপ্‌ উঠবে দানা, সব ঠিকানা কথা দিয়া বোলে,চল্
চল্—চল্‌বে উলে ।

আলাদিন । আমায় কচি খোকা পেলে, শালার বেটা শালে !
কুহকী । ল্যাড়খা রে !—(যাহু-দণ্ড পরিচালন)

আলাদিন । চল্‌বে শালে, হাম যাতা ছায় উলে ।

(মন্ত্রমুগ্ধ আলাদিনের গহ্বর-মধ্যে প্রবেশ ।

তৃতীয় গর্ভাঙ্ক

গহ্বর-অভ্যন্তর ।

(আলাদিনের প্রবেশ এবং চতুর্দিকে সজ্জিত মণি-মুক্তা
রত্নাদি দর্শনে ফল ভ্রমে আনন্দ প্রকাশ)

আলাদিন ।—

(নৃত্য-গীত)

বাহবা বড়িয়া ক্যা কুয়ারে,
বাহবা বড়িয়া ক্যা কুয়া !
চমকে হে চারি তবফ, হো হো হো হোইয়া ।
খড়িয়া খড়িয়া ক্যা কুয়ারে,
খড়িয়া খড়িয়া ক্যা কুয়া !
বেকুব শালা আগাড়ি কাহে না বোলা,
তব্‌ কি ল্যাড়খা বাৎ হাম গুন্তা ?
শালা, নেলা পেলা, হাবে দাড়িয়া— ক্যা কুয়ারে,
আরে দাড়িয়া ক্যা কুয়া !

(চারিদিক দেখিতে দেখিতে)

কেয়া তোফা খোবানি আঙ্গুরদানা,
মুটো ভোরা ছায় বেদানা,
মসলা গরম বাতাস নরম, আয় সব আয়
ছাতিমে চড়িয়ারে ।

ডালম গাছ, ইলিম মাছ হুম্ হাম্ গুন্‌ গান্—
কেয়া খুসী বুলবুলিয়া—ক্যা কুয়ারে ।

[মণিমুক্তাদি সংগ্রহ করণ

চতুর্থ গর্ভাঙ্ক

গহ্বর-সম্মুখের জঙ্গল ।

কুহকী ।

কুহকী । মন্‌ মন্‌য়া, মন্‌ মন্‌য়া, মন্‌ মন্‌য়া রে,—

ল্যাড়খা রে !—

আলাদিন । (গহ্বর-মধ্য হইতে) শালা রে, হাম্‌ ফের নীচু
চলা রে ।

কুহকী । আও মন্‌য়া ছপ্‌ছপিয়া—

আলাদিন । (গহ্বর মধ্য হইতে মুখ বাহির করিয়া) কিল্-
কিলিয়া, কিল্‌কিলিয়া—তুলিয়া লিয়া রে ।

প্রদীপ দে ।

আলাদিন। আগে তুলে নে।

কুহকী। না, প্রদীপ দে।

আলাদিন। না তুলে নে।

কুহকী। তবে এই গত্তর ভেতর থাক্,

আমি বুজিয়ে দিচ্ছি ফাঁক।

(মস্ত আওড়ান স্বরে) ভেঁা ভেঁা ফিরতি গুটি, সোঁটা স্টি,

আটা কাটি, দাঁতকপাটী, উদাম চাটী, মলের মাটী, কলসী

কাণা, ভুতের আঁটি। ইহুম্ উহুম্—গড়াস গুহুম্, দপাস হুম্,

হুম্‌না মাটী,—হড়াস্ হুম্ হড়াস্ হুম্ গট্ ফিরে গট্, হটা মাটী।

[গহ্বরের মুখ বন্ধ হওন।

পঞ্চম গর্ভাঙ্ক

গহ্বর-অভ্যন্তর।

(আলাদিন আসীন)

আলাদিন। ল্যাড়খা বোলা, বাঞ্চংশালা জানে মা'রলো

রে। হাম্ কি জাস্তা, এতদূর আন্তা, গেরো ধ'রলো রে।

(অঙ্গভঙ্গী করিয়া কাঁদিতে কাঁদিতে হঠাৎ অঙ্গুরীয়টি

আলাদিনের অজ্ঞাতে মাটীতে ঘসিয়া গেল)

(কালা জিনি ও পরীর প্রবেশ)

(গীত)

কাহে তু এত্তামে বোলায়া রে,

দোনো মেলকে খোড়া শোতে রহা।

খোড়া কুচ নেশা কিয়া, খোড়াসে জান ভালায়া,

আউর দেলকি দো একঠো বাৎ বোলতে রহা।

দেখো ভাই হাম্ দোনো উঠ্কে আয়া।

আলাদিন। হামারা পেট ফাঁপা, ওঠা বাপা,

কল্ কল্ কল্ গোঁ গোঁ গোঁ,

হাম্‌কো উঠায় লে যাও,

নাহি রহেগা, জানে মরেগা—

উঠাও, লে যাও ভেঁ ভেঁ ভেঁ।

(পুনঃ পুনঃ বলন ও অঙ্গ-ভঙ্গী)

হাম নাহি রহেঙ্গে হিঁয়া।

[আলাদিনকে পৃষ্ঠে তুলিয়া লইয়া জিনির প্রস্থান।

ষষ্ঠ গর্ভাঙ্ক

আলাদিনের বাটী।

(মনিমুক্তাদি লইয়া আলাদিন ও তাহার মাতার প্রবেশ)

আলাদিন। দেখ্ মা দেখ্, কেয়া কেয়া চিজ্ পায়া।

আলা-মাতা। তোফা, আরে কাঁহাসে পায়া ?

(গীত)

শোন্ রে মোর বাবা খোনা, ডালিম খা না,

আগে ভুড়ি।

বলিস তো চুঘি আঙ্গুর, মুখ গুড়াগুড়,

ওরে আমার আঁতের নাড়ী।

ওরে আমার ভাজ্‌না খোলা,

পুঁচ্কে পোলা,

তুই তা খুব কুড়ুর কুড়ুর কুড়বি—

চাকুশ্ চুকুম্ কুড়ি কুড়ি।

তুই আগে খান্ নে বাবা,

খেয়ে ফেল্‌বি খাবা খাবা,

তা হ'লে হামকো তো মিল্বে খোড়ি।

আলা-মাতা। (ফল মনে করিয়া জহরত মুখে দিয়া)

ওরে আমার দাঁত গিয়া !

আলাদিন। বেলকুল নেহি রহা।

আলা-মাতা। ওরে, হাম্ কেয়া কিয়া ?

আলাদিন। পাথর কাহে চিবায়া ?

আলা-মাতা। হাম্ ফেক্ দেয়।

আলাদিন। তোমকো দেগা কবর মে।

আলা-মাতা। মৎ দেও গালি।

আলাদিন। কুড়্ কুড়্ কি হাম কাটেগা, শালীর বেটা শালী।

আলা-মাতা। ওরে কেয়া খাজ্‌রে ?

আলাদিন। তাই বল না, কাহে এত্‌না দাঙ্গা কিয়া

রে ; আমি এ প্রদীপ নিয়ে বাজারে বেচি গিয়ে, শীগ্‌গির

বেটা নেয়ে নে—রান্না চড়াবি।

আলা-মাতা। দাঁড়া মেজে দিই। (প্রদীপ গ্রহণ

করিয়া)

আনিস্ খোড়েসে নাদার ঘি,

আনিস্ দুটো শশা, আনিস্ পেয়ারা কসা ;

আনিস্ এক জোড়া বালাগা মাছুর,

আনিস্ কহু, ডান্‌লা ক'র্বো কহুর ।
আনিস্ সপ, চাদর, তাকিয়ে,
বাবু ভেয়ে সব ব'স্বে গিয়ে ।
আন'বি ছ'কো, বৈঠক, জল-চৌকি,
নেটের বা গাজের মশারি ।
যদি ছুটো লক্ষা মরিচ আনতে পারিস,
তোকে চালাক ব'ল'বো ভারি,
আমার বড় দিল্ বাড়াবি ।

(প্রদীপ ঘর্ষণ করিবারাত্র জিনির প্রবেশ)

জিনি । কুছ'তো নেহি হয়, পিয়েগা যেতা পিয়া ।
(আলাদিনের মাতার ভয়ে মুচ্ছা

আলাদিন । খাবার হাম্ আননে বোলতা ।

জিনি । সেলাম আলেকম্, হ ম্ আবি চন্‌তা ।

[প্রস্থান ।

আলাদিন । আরে তু উঠনা, মেড়িয়া টুইনা—

কাহে জবরদস্তি কিয়া ছুটো ঠোটে ?

(জিনির পুনঃ প্রবেশ ও খাওয়াদি রাখিয়া প্রস্থান)

তৈয়ারি খানা, উঠ'কে খা না,

কিছু তো শুনবে না কালা মোটে ।

আলা-মাতা । (মুচ্ছাভঙ্গে উঠিয়া) আরে হাম্‌কো দেনা,

কাহা খানা ?

আলাদিন । মা ! তুই ও ঘরে গিয়ে থা,

আমি এগুলো বাজারে নিয়ে যাই,

দেখি যদি বেচে কিছ পাই ।

[মণি-মুক্তাদি লইয়া প্রস্থান ।

সপ্তম গর্ভাঙ্ক

রাজপথ

(আলাদিন ও ইহুদির প্রবেশ)

ইহুদি । স্বগত) ইয়ো তো জহরং হায়, দেখে, ঠক্‌লানে
সেকে তো বড় বক্ত্ । (প্রকাশে) বেচোগে ?

আলাদিন । দো তাকা ।

ইহুদি । নেহি, এক । (স্বগত) তব্‌হি হোতা ধোঁকা ।

আচ্ছা, লে লে এক ।

আলাদিন । ক্যায়সা মাল দেখ ।

ইহুদি । লে, লে, চলা যা—(টাকা দেওন) সওদা

আজ ক্যায়সা হয় ?

(গীত)

দেল্ কি চাওন নেহি চিনে,

ক্যায়সে উঠারে এ ছুনিয়া দারি ।

উসিকো বেকুব মানা,

চীজকো নেহি পয়চানা, ক্যা গুনাগারি ॥

কই কুছ নেসা পিয়া, রেণ্ডী কো জান দিয়া,

ঘুমে হে ফরাক্‌কামে,

জুদা কুছ্ কাম হামারি ॥

[প্রস্থান ।

(স্নান করিবার বেশে বাদসা-কন্যা ও সখিগণের প্রবেশ)

সখিগণ :

(গীত)

জান্‌সে আজ্‌ চুলাবো হেলা খেলা জল্‌মে ।

চুলু চুলু চাহেগা, কব'বি নাহেগা,

ঘোম্‌টা টান রহি ছলবে ॥

উঠেগা ফের পড়েগা,

আঙিয়া আজ্‌ জোড়েগা,

আঁচোরা গির পড়েগা,

ফের পড়েগা পলমে ॥

[বাদসা-কন্যা ও সখিগণের প্রস্থান ।

আলাদিন । যা থাকে কপালে,

যদি উল্‌তে হয় পেঁড়োর খালে তাও স্বীকার,—

তবু বেটীকে বে ক'র্বই ক'র্বো !

না পারি তো দাঁত মেলিয়ে মর্বই মর্বো ।

আহা ! ও যদি বলে—ধর্বোই ধর্বো !

(আলাদিনের মাতার প্রবেশ)

মা ! তুই জলদি ক'রে বাড়ী যা,

ওই বাদসা-বেটীকো হাম করোগা বিয়া ।

আমার মাথার কিরে,

নিয়ে ভালা ভালা হীরে,

বাদসাকে নজর লাগা ।

[উভয়ের প্রস্থান ।

দ্বিতীয় অঙ্ক

প্রথম গর্ভাঙ্ক

রাজসভা

বাদসাহ, উজীর, পারিষদগণ এবং আলাদিনের মাতা ।

বাদসাহ । উজীর ! তোমার ল্যাড়খাকে লে আও,

আজ হামারা বেটীকো সাদি দেগা,

আইবুড়ো আর নেই রাখে গা ।

উজীর । বাঃ—বাঃ—বাঃ !

বাদসাহ । তোম কাহে দরবার মে খাড়া রহেতা ?

আলা-মাতা । কুছ মৎলব মে আতা বাতা ।

দেখ্‌ছো আমার টেনা পরা,

আমার মূক্তো আছে বাইশ সরা,

এক একটা যেন পাররার ডিম ।

হীরে আছে হুশো হাঁড়ি,

আর চুণী বত্রিশ কাঁড়ি,

তার কাছে তোমার গায়ে যা জহরত আছে,

দেখ্‌ছি ক'রবে টিম্‌টিম্ !

আমার ল্যাড়কা দে'খে নাও,—

যদি বেটীর বে দাও, তো সবগুলি পাও,

এখন নাও বল, চ'লে যাব কি থাকবো ?

তোমার বেটীকে খুব যত্ন ক'রে রাখবো ।

সকলে । বাউরা হায়, বাউরা হায় ।

আলা-মাতা । ও মা, এ কি দায় !

যদি কেউ দেখতে চায়, তো দেখাতে পারি ।

আমার ভারী দাঁড়িয়ে আছে সারি সারি ।

এই নমুনা নাও । (রত্নাদি প্রদান)

বাদসাহ । আরে জল্দী জল্দী যাও, আরে লেয়াও লেয়াও

লেয়াও । বেটীকো সাদি দেগা, যেত্তা হায়—হাম সব

লেগা ।

আলা-মাতা । এতো ঠিক বাস্ত ।

বাদসাহ । আরে হাঁ, হাঁ, হাঁ, তোম জহরৎ লেয়াও সাথ ।

আলা-মাতা । বস্—কিস্তিমাৎ ।

[প্রস্থান ।

উজীর । বাদসানন্দ, শুনে জ'নাবের বাত,—

আমার ভাঙলো আঁত ।

বাত খা—বেটীকো বে' দেগা

হামারা ল্যাড়কা কা সাথ ;

হায় হায় আমার বক্তে হলো বজ্রাঘাত !

বাদসাহ । ঘাবড়াও মৎ,—

সাদি দেগা তোমারা লেড়কাকো সাথ,

(স্বগত) জহরৎ লেকে নিকাল দেগা, মারকে লাথ ।

দ্বিতীয় গর্ভাঙ্ক

কলুর দোকান-সম্মুখস্থ পথ

দোকানে কলু উপবিষ্ট ।

(আলাদিনের মাতার প্রবেশ)

আলা-মাতা ।

(গীত)

বেলা যায় সন্ধ্যা হ'লো,

তেল-পলা দে কলুর পোলা ।

বেটা কা সাদি দেগা,—

রাজা কা বে'ন বনে গা,

তেল কভি তুই দিস নে ঘোলা ॥

এৎনা বড়া মস্ত দানা,

কেৎনা দিয়া সোণা-দানা,

কুছ তার নেই ঠিকানা ;

ঝুট না কহে সাচ্ তো বোলা ॥

নজর দিয়! কেয়া কেয়া—

(অঙ্গভঙ্গী করিয়া সুরে নানাবিধ দ্রব্যের নামকরণ)

হীরামতি খেজুর আঁতি,

দেখ্‌কে রাজা পছন্দ কিয়া,

বোলা হায় দেগা বিয়া

আজো রাজার ঝরতা নোলা ॥

কলু।—

লাগাসনে লটু খটা,

তেল লিখিতো লে বেটি ;

চেয়ে ওই দেখ পেছনে,

আসতেছে গনগনে ;

উজীরের সখের ছেলে,

মারবে ঝাঁটা তোর কপালে ।

(সমারোহ করিয়া বরবেশী উজীর-পুত্র এবং
বরযাত্রীগণের প্রবেশ)

আলাদিন । (প্রবেশ করিয়া) ওরে মারে -ভাই রে—মরমে
হামতো ম'রে যাই রে !

আলা-মাতা । গালে হাত দে ভাবছি বেটা তাই রে !—
(বসিয়া পড়িল)

বরযাত্রীগণ । (আলাদিনের মাতাকে ভঙ্গিসহ উপহাস
করিয়া)

এতা তো নজর দিয়া,
কি হলো—ফাঁক্‌মে গিয়া !

তৃতীয় গর্ভাঙ্ক

আলাদিনের বাটী

(আলাদিনের অঙ্গুরীয় ঘর্ষণ ও জিনির প্রবেশ)

জিনি । (গীত)

হর ঘড়ী বোলাতে আপনি ।

নেই খানা পিনা কিয়া নিদ গিয়া জানি ।
রাংকো ঘুরে, দিনকো নিদমে গিরে,
কতি মুষ্ পর নেহি করে মেহেরবাণী ॥

আলাদিন । (গীত)

হামকোবি উসি মাফিফ্ কপাল ভাঙ্গা ।
তোম্ জলদি হাতমে লেও হ্যাঁ হাল ঠেঙ্গা ॥
'কেয়া, কেয়া কিয়া জহরৎ দিয়া,
হামকো সাদি রেগা—এ বাত জয়া ;
কাঁহা কা উজীর পোলা, আয়া শালা,
মেরা বক্‌তে লাগায় দিয়া চাঁপা কলা ;
আবি নেশামে পড়া ছায় উল্টে ঘোড়া ॥

(জিনির প্রতি) জলদি বাবা দৌড় যাও,

শালাশালীকো এনার লে আও ।

জিনি । তোম থোড়া চুপকে বৈঠা রও । [জিনির প্রস্থান ।
নেপথ্যে আলাদিনের মাতা ।—

আরে ফাঁকি দিয়া,—শুনে যাও !

আলাদিন । চুপ বে বোটি, বৈঠা রও ।

(বরবেশী উজীর-পুত্র ও বাদসা-কণ্ঠাকে লইয়া
জিনির পুনঃ প্রবেশ)

লে আয়া,—আচ্ছা কিয়া,
কি বাং আর বোলবো তোরে ।

ব্যাটাকে নে যা ধ'রে পগার পারে,
দড়া-দড়ী বেঁধে জোরে ।

[উজীর-পুত্রকে লইয়া জিনির প্রস্থান ।

(বাদসা-কণ্ঠার প্রতি)

জানি,—তু মেহেরবানী কর জেরা !

দোসরা কো করকে সাদি,

হামকো কাহে জানে মারা ?

বাদসা-কণ্ঠা । ছোড় দেও হামকো তুমি,

হামার তো দোসরা স্বামী,

নই আমি শামী বামী—

জবরদস্তী কাহে করা ?

ছেড়ে দাও, হাম চ'লে যায়,

বেহায়া, কেয়া বাং ছায়,—

কি জন্তু তোম হাত ধর ?

আলাদিন । Because তোমার-জন্তু যাতা ছায় মারা ।

[উভয়ের প্রস্থান ।

চতুর্থ গর্ভাঙ্ক

উজীরের কক্ষ

উজীর ও উজীর-পুত্র ।

উজীর-পুত্র । বাপ্ বাপ্—খেয়ে তুড়ি লাফ,

ছপ্ দাপ্ গাও পেরিয়ে পড়ি,

আমার গলায় দড়ী,

রোজ রাত্তিরে খাট স্কন্ধ উড়ি,

ভেবে ভেবে পেটে হলো ছড়ি,

দিয়ে পাঁচটা কাণা কড়ি,

বাদসাকণ্ঠাকে বেচে আসি ।

উজীর । আরে কি রে, কি রে, কি রে ?

উজীর-পুত্র । আমার দফা দিয়েছে সেরে,

বে ক'রে পড়েছি বিষম ফেরে,

রোজ রাত্তিরে আমার জিনিতে ঘেরে ।

উজীর । আরে সে কিরে—সে কি রে ?
 উজীর পুত্র । আর সে কি রে, উধাও ওড়ালে,
 কান ধ'রে আমায় তাড়ালে,
 ঠায় সারা-রাত এক টেরে,—
 পড়েছি গেরোর ফেরে,
 বাদসার মেয়ে বে ক'রে ।

(বাদসাহের প্রবেশ)

বাদসাহ । আরে কেয়া হায়,
 উজীর-পুত্র । কেয়া হায়, কি আর হায়,
 রোজ রান্তিরে নিয়ে যায়—
 তোমার মেয়ে সমেত,—
 তার পর কি হয় তার
 তার ঠেঙে বোঝ কইফেং ।
 আমি ব্যাটা কেঁড়ুয়া কেঁড়ুয়া হ'য়ে
 এক কোণে প'ড়ে থাকি ।

উজীর । তোরে জিনিতে নে যায় না কি ?
 উজীর-পুত্র । না কি ?—রোজ রেতে বাপ্ বাপ্ ডাকি ।
 বাবা যেন ছমো পাখী,
 রাতহুপরে আস্মান দে আনা-গোনা ।
 (আলাদিনের মাতার প্রবেশ)

আলা-মাতা । নে যাবে না ?
 এত্তা দিয়া সোণা দানা, ফেরাবি কারখানা,
 হামরা ল্যাড়কার সাথে সাদি দিলে না !
 বাদসাহ । উজীর !—কি করি ?
 উজীর । আমি তোসরি,—
 যে ব্যাপার শুন্চি, খামোকা কেন জিনির হাতে মরি ?
 উজীর-পুত্র । বাবা ! তোমার পায়ে ধরি,
 তুমি দাও শলা,—
 বাদসার মেয়ে বে করুক আর এক শলা ।
 যে উড়তে চায়,
 যার এসে যাবে না জিনির ঠোনায়,
 যার কড়া জান বেজায় ।

উজীর । জাঁহাপনা !
 এ মাগীর সঙ্গে বাড়াবাড়ি ভাল দেখায় না,
 আরও কিছু নিয়ে নিন মাল খাজনা ;

ওর ব্যাটার সঙ্গে মেয়ের নিকে দিন,
 জিনির উপদ্রব তো ভাল না !
 বাদসাহ । কি মাল খাজনা নেব বল' না—বল' না ?
 উজীর । ওরে মাগী, তোর কপাল জোর,
 লে আও আউর নজর ।
 বাদসাহ । হীরে আন এক ঘর,
 আর ছত্রিশ গাড়ী আন সাঁচা জহর ;
 সোণা পারিস যত তাল,—
 আর খাটি রূপো কেবল ঢাল ।
 আলা-মাতা । হাম্ তো ওহি চাহাতা,
 দেও সাদি—আবি যাতা ।
 বাদসাহ । আও ।
 উজীর । (পুত্রের প্রতি) বাবা মেরা, যাও ।

[সকলের প্রস্থান]

পঞ্চম গর্ভাঙ্ক

আলাদিনের বাটার সম্মুখ ।

(কুহকী ও দাসীর প্রবেশ)

কুহকী । কোন দিকেই কসুর নাই,
 হ'য়েছেন বাদসার জামাই ।
 ল্যাড়খা রে !—
 তোর কিছু হয়নি ধোঁকা,
 আমায় তুই পেলি বোকা ?
 আমার গুপ্তীর ছ্যাড়খা রে !
 তোরে আমি সাবাস বাতাই,
 তোর তো আচ্ছা সাফাই ;
 কল্পে উজীর-পোলা বাপাই বাপাই,
 বাদসার জামাই হয়েছো তাই,
 প্রদাপ পেয়ে ল্যাড়খা রে,
 আমার গুপ্তীর ছ্যাড়খা রে,
 ল্যাড়খা রে—
 তোর বাবা মোর শালা মবু গিয়া রে ।

(গীত)

টুটা ফুটা প্রদীপ বদলে লে রে,
ছোঁচা বোঁচা মুচুনী মাগীর বে রে,
কেলে খেলে লে বদলে লে,
গুঁটলা মুখীটে রে ।
টুটা ফেলে গোটা মেলে,
আও আও আও আও, লেও লেও লেও লেও লে রে ॥

দাসী ।—

(গীত)

মিন্‌সে মজার কথা তুলেছে ।
টুটা ফেলে গোটা মেলে,
তোর ভোজকানিতে ভোলে কে ?
মেরি জান নয়ন বাঁকা,
কপা কন আঁকা বাঁকা,
নাড়ি নে ঘুরিয়ে শাঁকা
তোর মুখেতে মূলে রে ॥

কুহকী । দেখা টোটা, পাবি গোটা,

পরখ্ করে দেখ না এখন ।

দাসী । ম'রে যাই সকের বুড়ো,

গ্রাকামো কি যেমন তেমন !

কুহকী । দেখা না ?

দাসী । আমি তো গ্রাকা না ।

কুহকী । ছুঁড়ী তো ফচকে ভারি ।

দাসী । ম'চকে এত জারি ।

কুহকী । দোহাই খোদার, দেখা লো—দেখা লো ?

দাসী । আ মোলো—আ মোলো !

কুহকী । দেখ্ প্রদীপ নয়—ধুচুনি কুলো,

মুখটি হলো, আঁতে মোশের মাতি ধরে ;

তোতে মোর মন মজেছে,

নইলে দিতে চাই কি বারে তারে ।

দাসী । তবে দাঁড়া ।

[দাসীর প্রশ্নান

কুহকী । আমি আছি খাড়া,—

দেখাবো তোর সোণা রূপো

দেখাবো তোর বাড়ী নাড়া ।

দাসী । (প্রবেশান্তর) আজকে মোর কপাল ফিরেছে ।

[প্রদীপ বদলাইয়া প্রশ্নান

কুহকী । তোর উপরও আছি এঁচে ।

(প্রদীপ ঘর্ষণ ও জিনির প্রবেশ)

জিনি ।—

(গীত)

উঠাতা বহুত ধবরদারি ।

হজুর মে হাজির হৌ মেরা দম্ ছুটতে ভারি ॥

খোড়া কুচ মুস্থ হয়, নেণা হাম্ নাহি পিয়া,

কেয়া জানে কারসে বেমারি ॥

কুহকী । এ হাবেলি উঠায়কে রাখ্ বি

কাফির দেশে গে ।

[প্রশ্নান

জিনি । মায় চালুতা হায়, নেহি কিয়া গুণাগারি ।

[বাড়ী উঠাইয়া লইয়া জিনির প্রশ্নান

মঠ গর্ভাঙ্ক

নদী-তীর

(আলাদিনের প্রবেশ)

আলাদিন । আর কোথায় যাব,

বাদসা-কণ্ডার বাড়ী কোথায় পাব ?

এই জলে বাঁপ দিয়ে

গোটা দুই খাবি খাবো,

বল না, আর কোথায় যাব ?

গরি—জলে ডুবেই গরি,

কি উপায় আছে, কি করি ?

বাদসার কাছে দু'গাস মেয়াদ নিয়েছি ।

মেয়াদ তো আজ ফুরুলো,

আমারও দিন গুড়ুলো ;

এই দেখ না,—

বাদসা দেখতে পেলো নেবে গর্দানা,

কিছু তে ঠিকানা হলো না ।

বলবে—“আর ছাড়িসনি, ব্যাটা বাত্কর,

দু'শালায় চেপে ধর, আর মার কোপ !”

কাজ কি জবরদস্তী, কাজ কি কুস্তি,

মুস্থ হয়ে জলে গিয়ে শুই ।

আঃ—পেলুগ আচ্ছা ঘা,

আর গায়ে লাগবে না হাওয়া,

আর দেখবো না চাঁদ-সূর্য্যার রোশ্‌নাই,

জলে ডুবে খাবি পাই ।

(অঙ্গুরীয় ঘর্ষণ করিয়া)

আরে আরে তোম আও তো ভাই,
তোম আও তো ভাই !—

(জিনির প্রবেশ)

জিনি ।

(গীত)

নেই খাতির নেতা ক্যারসা দোস্তি ।
কুহ্ কের পড়া নেই ছয়া স্তি ।
নিদ আয় জেরা বুন্ বুন্ বুন্,
তোম মাচায়া ধুম,
উঠকে চলা ময় হুম্ হুম্ হুম্,
নেশে মে জানি হায় মস্তি ॥

আলাদিন । মোকান মেরে কাঁহা গিয়া ?

জিনি । কাফের শালা উড়ায় দিয়া ।

আলাদিন । তোম সব লেতে আও ।

জিনি । হাম্‌সে নেহি বনেগা,—

তোম দোসরা কাম বাতাও ।

আলাদিন । কাহে স্তি ?

জিনি । আবে মং কর জবরদস্তি ।

ওঙ্কা সাং হায় জিনি বড়া মস্তি, লাগেগা কুস্তি,

হাম শেকেগা নেই, তোম্‌কো বাতাই ;

কই ফিকিরসে ওই চেরাকঠো লে লেও,—

তব যেস্তা দেও তোমরা হো বাগা ;

তোম্‌কো জানেগা,

তোম্‌কো মানেগা,

ও কাফেরকা নেই বাত শুনেগা ।

তোমকো হাম লে বাতা,

বাহা তোমরা মোকান্‌কা মিলেগা পাত্তা ।

আলাদিন । তবে লে চল ।

জিনি । আরে এ বাং বোলো ।

[আলাদিনকে পৃষ্ঠে লইয়া জিনির প্রস্থান ।

সপ্তম পর্ভাক্ষ

স্থানান্তরে আলাদিনের বাটা ।

(বাদসা কণ্ঠা ও আলাদিনের প্রবেশ)

বাদসা-কণ্ঠা । বলি, বল কি ?

আলাদিন । শুনে যা নেকি,

শুনেছিস্ তো আংটা ঘ'সে,

হাম্‌দো মাম্‌দো উঠলো ঠেসে,

এল এক দিক্ ধেড়েঙ্গা,

বলে 'হাম লে যান্‌দা' ।

এই না তার কাঁধে চেপে,

এলেম সাগর মেপে,

সাম্‌নে বালীর তুফান,

লাগলো প্রাণে হাঁপান,

তার পরে পেলেম মোকান ।

এখন বল দেখি কি করি উপায় ?

যাতে বেটা যায় গোল্লায় ।

বাদসা-কণ্ঠা । (স্বগত) করি সব দিক্ বজায় ।

(প্রকাশ্যে) ব্যাটা এই সময় সরাপ খায় ।

আলাদিন । দিগে যা যত চায়,

তার পর পায় পায় আমায় এসে খবর দিবি,

পিদীপটে কোথায় রাখে ।

ব'লে দিই তো র,—

বাড়ী ওড়াব পিদীপের জোরে ।

খপ ক'রে পিদীপটা হাত ক'রবি,

আর না পারিস্,—

আগিও মরবো তুইও মরবি ;

আর যদি পারিস্,—

তা হ'লে ছিঁড়ি শালার দাড়ি ক'টা,

আর লাথি মারি গোটা গোটা,

আর লেলিয়ে দিই জিনি ক'টা,

রোজ লাগায় বিশ সোঁটা ।

বাদসা-কণ্ঠা । তবে আমি যাই ।

[বাদসা-কণ্ঠার প্রস্থান ।

আলাদিন । আমি দাঁড়াই, শালাকে একবার পাই—
 তো আচ্ছা বাগাই,
 খেতে দিই উন্নের ছাই,
 তবে—নাই-খাই ।

(বাদসা-কণ্ঠার পুনঃ প্রবেশ)

বাদসা-কণ্ঠা । এখন নেশা খুব ধ'রেছে,—
 আলাদিন । এইবার শালা মরেছে ।
 খুলে দে দোর,—
 বুঝবো বুজুকি তোর ।

অষ্টম পর্ভাঙ্ক

দর-দালান ।

কুকীকে বন্ধন করিয়া স্নিহয় ও পরীক্ষণ ।

(সকলের নৃত্য-গীত)

মুচকি হাসকে চল, বুঙরা রুগু বুগু বোলে ।

অঁগিয়া চুলু চুলু, তারি রা অঙ্গ চুলে ॥

পিয়লা ভর তোমারি,


দেল্‌মে চেকনা ভারি,

সামারো, মৎ গিরো ভাই—

কমিনা এ জমিনা দোলে ॥

মননিকা

বিজ্ঞান-প্রবন্ধ ।



গ্রহফল ।

['কুসুমমালা' মাসিক পত্রিকায় (১২২১) প্রথম প্রকাশিত]

বিজ্ঞান ও শিল্প পরস্পর এইরূপ সম্বন্ধে আবদ্ধ যে, একের সাহায্যে ভিন্ন অন্যের উন্নতি হইতে পারে না। বৈজ্ঞানিক-যুক্তি সহকারে শিল্পী যন্ত্র নির্মাণ করিবেন ও শিল্পীর যন্ত্র লইয়া বৈজ্ঞানিক প্রাকৃতিক নিয়ম চর্চা করিবেন। যখন কোন বিষয়ে কোন সত্য আবিষ্কার হয়, তখন যে কেবল সেই বিষয়েরই উন্নতি লাভ হয়, এমন নহে, সকল তত্ত্বই নব-আলোকে নূতন দৃষ্টি প্রাপ্ত হয় এবং যন্ত্রিগণও তৎসাহায্যে নানাবিধ যন্ত্র সৃষ্টি করেন। আলোক লইয়া বৈজ্ঞানিক তত্ত্ব করিতে লাগিলেন, সূর্যালোকে ইন্দ্রধনুর চিত্র লইলেন, স্বেতবর্ণ সপ্তবর্ণে বিভক্ত করিলেন এবং অল্পসঙ্কানে আলোক সম্বন্ধে কতকগুলি নিয়ম স্থাপিত হইল।

ঐ নিয়মাবলী লইয়া যন্ত্রী বর্ণ-নির্ণয় যন্ত্র * (Spectoro Scope) নামক এক অদ্ভুত যন্ত্র সৃষ্টি করিলেন। রসায়নবিৎ আহ্লাদে ঐ যন্ত্র লইয়া নানাবিধ অল্পসঙ্কান করিতে লাগিলেন। পূর্বে যে নিয়মে কোন দ্রব্যের অস্তিত্ব স্থির করিতেন, তাহাতে তাহার তৃপ্তি জন্মাইত না; কখন বা ভ্রান্তির কারণ হইত; যথা—লবণক (Sodium) নামক ধাতু সর্বত্র রহিয়াছে, তাহাতে অগ্নিস্পর্শে পীত বর্ণের আবির্ভাব হয়।

রসায়ন শাস্ত্রকার, সকল বস্তুতেই পীত শিখা পাইতে লাগিলেন, কিন্তু কি কারণ সাব্যস্ত করিতে পারিলেন না। এক প্রকার মোটামুটি নির্দ্ধারিত করিলেন, বায়ুর অন্তর্গত সলিলই ইহার কারণ। নবযন্ত্র এই ভ্রান্তি বিনাশ করিল। ইহাতে সপ্তবর্ণ পৃথক পৃথক দেখিবার সুবিধা আছে, অতএব

* যন্ত্রটি আমরা এ নামে উল্লেখ করিলাম।

যে বস্তু অগ্নিস্পর্শে যে আলোক প্রদান করে, সেই বস্তু অল্প পরিমাণে অল্প বস্তুর সহিত মিলিত থাকিলেও এই নূতন যন্ত্র তাহার অস্তিত্ব প্রমাণ করে, যথা—এক গ্রেণের একের ১৮,০০,০০,০০০ সোডা (soda) অনায়াসেই প্রত্যক্ষ হইবে। এইরূপে রসায়ন-বিদ্যার উন্নতি হইল ও নব নব ধাতুরও আবিষ্কার হইতে লাগিল। জ্যোতির্বিদ ভাবিলেন,—আলোক দেখিয়া দ্রব্য নির্ণয় হয়, সূর্যালোক দেখিয়া সূর্যের পদার্থ নির্ণয় হইবে না কেন? বর্ণ নির্ণয় দূর-বীক্ষণের প্রধান সহকারী করিয়া সূর্যশরীরে লৌহ, লবণক (sodium), ম্যাগনেসিয়াম (magnesium), উদজ (hydrogen) প্রভৃতি প্রত্যক্ষ করিলেন। ক্রমে প্রায় ষোলটি ধাতুর লক্ষণ প্রতীয়মান হইল। অগ্ন্যাগ্ন গ্রহ তারা নক্ষত্র প্রভৃতি সূর্যের গ্নায় নানাবিধ পার্থিব বস্তুর পরিচয় দিতে লাগিল। অল্পসঙ্কানে ক্রমে ক্রমে গ্রহাদির জল-বায়ুর অবস্থা অবগত হইবার চেষ্টা পাইলেন। গ্রহ হইতে সূর্যালোক প্রতিফলিত হইয়া আসে, কিন্তু চন্দ্র ও শুক্র হইতে প্রতিফলিত রশ্মি ঘেরূপ আদি সূর্যরশ্মির সমস্ত লক্ষণে ভূষিত, বৃহস্পতি, শনি বা মঙ্গল হইতে সেরূপ দেখা যায় না, ইহাতে প্রমাণ করে যে, চন্দ্র ও শুক্রে বায়ু নাই, বায়ু থাকিলে কতকগুলি বর্ণ লয়প্রাপ্ত হইত। পণ্ডিতবর হিল-গিন্স সাহেব ১৮৬৫ খৃষ্টাব্দের ৪ঠা জানুয়ারি তারিখে একটি তারা চন্দ্রের মণ্ডলে ঢাকা পড়িতে দেখেন; চন্দ্রে যদি বায়ু থাকিত, উক্ত তারা অন্তর্গত হইলেও তাহার আলোক দৃষ্টিগোচর হওয়া সম্ভব; যথা, সূর্য অন্তর্গত হইলেও তাহার আলোক নয়নগোচর হয়। ঐ তারার সমস্ত আলোক একেবারে তিরোহিত হইতে দেখেন, কিন্তু বায়ু থাকিলে প্রথমে রক্তবর্ণ রশ্মি লয় হইয়া ক্রমে ক্রমে অগ্ন্যাগ্ন রশ্মি বিলুপ্ত হইত। আমরা তত্ত্ব প্রবন্ধে বলিয়াছি যে,

লাপ্লাসের প্রসিদ্ধ মতে চন্দ্র শীতল পদার্থ। চন্দ্রে বায়ুশ্রাত দৃষ্ট না হওয়াতে উক্ত মতের সম্পূর্ণ পোষকতা হয়, শুক্র সম্বন্ধে ঐ রূপ। কিন্তু শনি ও বৃহস্পতি সম্বন্ধে পণ্ডিতেরা বলেন, যে বেগবান বায়ু সর্বদাই বেষ্টন করিয়া রহিয়াছে। বর্ণ নির্ণয় যন্ত্র কতকগুলি বর্ণের লোপ হইতে দেখে, উহাতে তাঁহারা উক্ত গ্রহদ্বয়ের আভ্যন্তরিক উষ্ণতা প্রমাণ করেন। আমরা দেখিতে পাইতেছি যে, প্রতি গ্রহই ধরণী-বক্ষে আলোক নিক্ষেপ করে এবং যদি রসায়নমতে ভিন্ন আলোকের ভিন্ন গুণ হয়; যথা—রক্তবর্ণ আলোকের অপেক্ষাকৃত উষ্ণতা এবং নীলবর্ণের শীতলতা ও রাসায়নিক শক্তির প্রার্থ্যা, তাহা হইলে ধরণীবক্ষে ভিন্ন ভিন্ন গ্রহলোক ভিন্ন কার্যে নিযুক্ত কল্পনা করা যায়। জীবতত্ত্বে শুনিতে পাই যে, জীবনশক্তি বিষয়ে মানব সম্পূর্ণ অনভিজ্ঞ; কেবলমাত্র বলিতে পারেন যে আলোক, উষ্ণতা আর্দ্রতায় অঙ্গপ্রত্যঙ্গ পরিচালিত হইয়া জীবকার্য সম্পাদিত হয়। এক অঙ্গের সহিত অন্য অঙ্গের একরূপসম্বন্ধ যে কোন অঙ্গে কোন পরিবর্তন হইলে সমস্ত শরীর ভিন্ন ভাব প্রাপ্ত হয়। জীব দেহে যে সকল ভৌতিক পদার্থ দেখা যায়, জড় শরীরে তাহা বর্তমান আছে। পিতামাতা হইতে জীব যে দেহ প্রাপ্ত হয়, তাহা পূর্ণ নহে, বাহ্যিক বস্তু দ্বারা পূর্ণ হইবার ক্ষমতা প্রাপ্ত হয় মাত্র। ভৌতিক পদার্থ সকলের মধ্যে অষ্টাদশ বা উনবিংশতিটি মাত্র চেতন শরীর নির্মাণ করে এবং তন্মধ্যে কতকগুলি অতীব স্বল্প পরিমাণে অবস্থান করিয়া বৃহৎ কার্য সম্পাদন করিতেছে। ভৌতিক পদার্থ প্রাকৃতিক নিয়মে অল্প ভৌতিক পদার্থের সহিত মিলিত হইয়া অবস্থান করে, প্রায় কোনটি অমিলিত অবস্থান পাওয়া যায় না এবং দুই পদার্থ মিলিত হইয়া তৃতীয় পদার্থ আকর্ষণ করে; কখন বা একটা পরিত্যাগ করিয়া অপরের সহিত মিলিত হয়। এই সংযোগ-বিয়োগের কারণ উত্তাপ; যথা ক্ষারক (potassium) অম্ল উত্তাপে অম্লজনের (oxygen) সহিত মিলিত হয়। অম্লজন প্রাপ্তির নিমিত্ত অল্প সকল দ্রব্যের বিয়োগ করে, কিন্তু অধিকতর উষ্ণ হইলে লৌহের সহিত এতাদৃশ সম্বন্ধ হয় যে, একেবারে অম্লজন পরিত্যাগ করে। পারদের সহিত অম্লজনের ভিন্ন উত্তাপে ভিন্ন সম্বন্ধ। এই উত্তাপ জনিত রাসায়নিক সংযোগ বিয়োগ জীবন-কার্যের একটি প্রধান মূল। আলোকের উপরও জীবদেহের

হাস-বৃদ্ধি নির্ণয় করে। জীবতত্ত্ববিৎ এডোয়ার্ড সাহেব দেখিয়াছেন যে, ভেকশাবককে আলোক বঞ্চিত করিলে পুচ্ছ খসিয়া ভেঁক হয় না ও স্থলবিহারী হইতে পারে না। মনুষ্যও গুহা বা তমোময় স্থানে জন্মিলে কদাকার ও পীড়া-যুক্ত হয়, অতএব আলোকও জীবনবৃক্ষের আর একটি মূল। রাসায়নিক সংযোগ-বিয়োগ-কার্যে তাড়িত আর একটি সহকারী। বায়ুব্যাপী তাড়িতের উপর দৈহিক বর্ধন নির্ভর করে। ১৮৩৯ খৃষ্টাব্দে লণ্ডন নগরে তাড়িতোৎপাত হওয়ার অধিকাংশ পক্ষি-ডিম্বই নষ্ট হইয়াছিল। উত্তাপের আর্দ্রতা, আকর্ষণশক্তিতে বায়ুস্থিত তাড়িতের অবস্থাভেদ হয়; ঐ আকর্ষণই মেঘমালা, ঝঞ্জাবাত ও তাড়িত-বিস্ফারণের কারণ। তাড়িত বিস্ফারণ, আলোকোৎপাদন ও তেজোক্ষুরণ সূর্যের কার্য, অতএব জীবদেহে রাসায়নিক সংযোগ-বিয়োগের প্রধান অধিকারী। চন্দ্রেরও আর্দ্রতা-পরিচালন-শক্তি স্বীকার করিলে, তাহাকে জীবনকার্য সম্পাদনে অংশী স্বীকার করিতে হয়। বৃহস্পতি ও শনি হইতে উত্তাপ ও আলোক আইসে, তবে তাহাদের দৈহিক রসায়নে কি নিমিত্ত আংশিক আধিপত্য নাই? বৃহস্পতি হইতে সূর্যের প্রতিফলিত জ্যোতিও স্বীয় জ্যোতি আইসে, ঐ মিলিত জ্যোতির যদি কিছু কার্য থাকে, সে কার্য চন্দ্র ও রবির কার্য হইতে ভিন্ন হওয়া সম্ভব।

হক্লে ও ওয়েন সাহেবের কল্পনা-মত শনি, তাহার মাইমাস নামক পারিপার্শ্বিকের সূর্যস্বরূপ এবং শনি-উত্তাপ-বর্ধিত জীব সকল রবি-তাপিত জীব হইতে ভিন্ন। শনি বৃহস্পতি অপেক্ষা সূর্য হইতে দূরে অবস্থান করে, এ নিমিত্ত বৃহস্পতি আলোকের ঞায় মিলিত-আলোক হইলেও ভিন্ন-গুণসম্পন্ন হওয়া সম্ভব। চন্দ্রের ঞায় শুক্রের কেবল প্রতিফলিত আলোক; অতএব শুক্র কতক পরিমাণে চন্দ্র-গুণসম্পন্ন বলা যাইতে পারে। মঙ্গলে নবযজ্ঞ দ্বারায় কতক রশ্মি লয় হইতে দেখা যায়। অন্ধকার অংশে সকল রশ্মিই লয় হয়, এ নিমিত্ত লোহিত পদার্থ নিশ্চিত এই ক্ষুদ্র গ্রহজ্যোতি অপরাপর গ্রহজ্যোতি হইতে ভিন্ন-শক্তি সম্পন্ন স্বীকার করিতে হইবে। বৃষ কখনও বা অতি উষ্ণ কখন বা অতি শীতল ভাবাপন্ন হয়, এই নিমিত্ত পণ্ডিতেরা উহা প্রাণিশূন্য বলিয়া নির্ণয় করেন। যখন পৃথিবী হইতে উভয় ভাবই অল্পমিত হয়, তখন উভয়

পৃথিবীতে কার্য্য হইতেছে ধারণা করা যাইতে পারে, যদিচ ইহারও প্রতিকলিত জ্যোতিঃ তথাপি ক্ষুদ্র আকার ও সূর্যের নৈকট্যবশতঃ শক্তির ভিন্নতা সম্ভব।

এই সম্ভাবিত শক্তিকল্পনাই ফলিত জ্যোতিষের আদি। যুক্তি যে শাস্ত্রের সহায়তা করে, তাহার আলোচনা নিষ্ফল বলা যাইতে পারে না। ফলিত জ্যোতিষ কি প্রচলিত বৈজ্ঞানিক মতের বিরোধী 'জ্যোতিষ প্রকাশ' আলোচনা করিয়া দেখি এখানি আধুনিক পুস্তক। পুস্তকখানি পাঠ করিলেই অসুমান হয়, গ্রন্থকর্তা অতি শ্রমসহকারে রচনা করিয়াছেন। মতগুলি প্রাচীন গ্রন্থ হইতে সংকলিত বটে, কিন্তু প্রত্যেক পংক্তিই উচ্চ-কৃতি-সম্পন্ন চিন্তাশীল মস্তিষ্ক হইতে উৎপন্ন হইয়াছে। 'জ্যোতিষ প্রকাশ' উল্লিখিত শারীর-বিধান তত্ত্ব অসুযায়ী হইয়া বলেন, আর্দ্রতা ও উষ্ণতা সহযোগে জীবদেহ চলিতেছে এবং জ্যোতির্বিদ পণ্ডিতগণের মতের বিরোধী হইয়া গ্রহদিগকে নিম্নলিখিত শক্তি প্রদান করে, যথা—

- সূর্যে উষ্ণতা ও তাহার বিকার শুষ্কতা।
- চন্দ্রের প্রধানতঃ আর্দ্রতা ও বিকারে শীতলতা।
- মঙ্গলে প্রধানতঃ শুষ্কতা ও উষ্ণতা।
- বুধে প্রধানতঃ আর্দ্রতা ও বিকারে শুষ্কতা।
- বৃহস্পতিতে পরিমিত আর্দ্রতা ও উষ্ণতা।
- শুক্রে প্রধানতঃ আর্দ্রতা ও উষ্ণতা।
- শনিতে প্রধানতঃ শীতলতা ও শুষ্কতা।

গ্রহগণের শক্তি অসুসারে দেখিতে পাই যে, জীবদেহ সম্বন্ধে প্রায় সকলগুলিই অবস্থাভেদে অসুকুল বা প্রতিকুল ; যথা, সূর্য্য তেজস্বারা রক্ষা করে এবং শুষ্ক করিয়া নাশ করে। এই নিমিত্ত গ্রহগণ ব্যক্তির অবস্থাভেদে শুভাশুভ। জাতকের জন্মস্থান ও তৎসাময়িক বায়ুর অবস্থা লইয়া তাহার অবস্থা নির্ণয় করা যায়, এই অবস্থা-নির্ণয়কে লগ্ন বলে। সেই অবস্থাই তাহার প্রথম গৃহে। উত্তাপই বায়ুর অবস্থাভেদের কারণ এবং গ্রহরশ্মি মিলিত হইয়া উত্তাপ উৎপাদন করিতেছে ; অতএব জাতকের উপর প্রত্যেক গ্রহের অধিকার জন্মাবধি হইবে, তাহার শরীরের আর্দ্রতা, শীতলতা, শুষ্কতা ও উষ্ণতা গ্রহগণের অবস্থাসুসারে ক্রিয়া করিতে থাকিবে।

শরীরে যখন আর্দ্রতা আবশ্যক, গ্রহবৈগুণ্যে যদি শুষ্কতা

উৎপাদন করে, তাহা হইলে অশুভ। শরীর-বিধান-তত্ত্ববিৎ কারপেন্টারের মতে জীবদেহে অধিক পরিমাণে আর্দ্রতার আবশ্যক। আমরা পূর্বে দেখিয়াছি, বিজ্ঞান ইহার সাপেক্ষে ভিন্ন বিরোধী নয়, এ নিমিত্ত জন্মকালীন চন্দ্রের অবস্থা দেখিয়া অনেক পরিমাণে জাতকের স্বাস্থ্য নির্ণয় হওয়া সম্ভব। রবিরও অসুকুল্য আবশ্যক, নতুবা আর্দ্রতা অপকারী হয় ; এই হেতু রবি, চন্দ্রের উপর বিরূপ রশ্মি প্রদান করিতেছে, ফলিত জ্যোতিষ বিশেষ দৃষ্টি রাখে। বৈজ্ঞানিকের অসুগামী হইয়া জানিয়াছি, বৃধ কখন অতি উষ্ণ, কখন অতি শীতল হয়।

ফলিত জ্যোতিষে বৃধের গুণ আর্দ্রতা ও শুষ্কতা অসুমান করিয়া বিজ্ঞানের পোষকতা ভিন্ন বিরুদ্ধাচরণ করে না। অবস্থাভেদে বৃধ দেহের প্রতিকুল বা অসুকুল হওয়া সম্ভব। যখন সূর্য্যে শোষিত হইয়া চন্দ্রের আর্দ্রতা কমিতেছে বা অপরিমিত আর্দ্রতায় দৈহিক অপকার উৎপাদন করিতেছে, শুষ্কতা আর্দ্রতা গুণ সংযোগে উভয় অবস্থাভেদেই বৃধ উপকারী হইতে পারে। আর্দ্রতা পরিমিতকারী শক্তি আর অল্প কোন গ্রহে দৃষ্টি হয় না। চন্দ্রের আর্দ্রতা পরিমিত হইয়া বুদ্ধি ও বাকশক্তির বিকাশ পাইতে থাকে, অতএব পরিমিতকারী বৃধের শক্তির উপর আধিপত্য। আমার এ কথাটি প্রমাণসিদ্ধ বলি না, অধৌক্তিক নয়, এই মাত্র সাব্যস্ত করি। ক্রমে শরীর বিধানমতে জাতকের কোমল জলাধার সকল কঠিন হইতেছে, তাহার উৎপাদিকাশক্তি লাভ হইয়াছে, সংযোগ ও বিরোধ কার্য্য প্রথররূপে সম্পাদিত হইতেছে, এখনও হ্রাস পরাজয় করিয়া দেহ বর্দ্ধনশীল ; অধিক পরিমাণে আর্দ্রতা ও উষ্ণতা আবশ্যক ; আর্দ্রতা ও উষ্ণতা সম্পন্ন এ শুক্র সময়ে ক্ষমতা প্রদর্শনে ক্ষম। বৃহস্পতির আর্দ্রতা ও উষ্ণতা আছে, কিন্তু উভয়ই পরিমিত। আর্দ্রতার আধিক্য দৈহিকে প্রয়োজন। শুক্রে আর্দ্রতা অধিক, উষ্ণতাও আছে, এই সময়ে শুক্রই অধিকারী। চন্দ্র, রবি, বৃধ তাঁহাদের কার্য্য করিয়াছেন ও করিতেছেন ; এক্ষণে শুক্র হইতে সাপেক্ষতা বা বিপক্ষতা কল্পনা করা যায়। ক্রমে মানবদেহ কঠিনতর হইতে চলিল, জলপূর্ণ আধার গুলি শুষ্ক হইয়া কাঠিন্য প্রাপ্ত হইতে লাগিল এ সময়ে মানবদেহে উষ্ণতা ও শুষ্কতাসম্পন্ন রবির কার্য্যই অধিক ও রবি প্রধান ; এখন যৌবন। যৌবনান্তে পরিমিত উষ্ণতা ও আর্দ্রতা

সম্পন্ন বৃহস্পতি দেহের অধিকারী। এ সময়ে হ্রাস বৃদ্ধি সমান। ক্রমে দেহে বৃদ্ধির পরাজয় ও হ্রাসের আধিক্যে আর্দ্রতার অভাব হইতেছে। মঙ্গলের শুষ্কতা শক্তির হ্রাসের সাহায্য করে। পরিণামে শনির শুষ্কতা ও শীতলতা।

ফলিত জ্যোতিষ এইরূপ কল্পনা করিয়া লগ্ন নির্ণয়-পূর্বক জাতকের শুভাশুভ গণনা করে। জন্মকালে গ্রহ-দিগের স্থান নির্ণয় করিয়া জাতক দেহে অনুকূল ও প্রতি-কূলশক্তির অনুসন্ধান করে। এ অনুসন্ধান কি ভ্রান্তিমূলক? আমরা দেখিয়াছি, গ্রহলোক ভিন্ন ভিন্ন। ভিন্ন আলোকের ভিন্ন কার্য বিজ্ঞান বলিয়াছে। গ্রহগণের ভিন্নালোকে কি মানবদেহে ভিন্ন কার্য উৎপত্তি হয় না? শনির নীলালোকে কি দেহগত ক্লোরিন ও হাইড্রোজেন, হাইড্রোক্লোরিক অ্যাসিড গ্যাস হইয়া যায় না বা অপর কোন ক্ষুদ্র গ্রহের ক্ষীণালোকের দেহগত অভ্যন্তর কোম ভৌতিক ধাতুর উপর আধিপত্য নাই? প্রকৃতির সাহেবের মতে নানাস্থান হইতে পরমাণু আকর্ষিত হইয়া আমাদের অঙ্গ-প্রত্যঙ্গ গঠিত হইয়াছে, মঙ্গল হইতে আলোর সহিত কোন ভৌতিক পরমাণু আনিয়া কি জীব-শরীরে প্রবিষ্ট হয় না? এ বিষয়ে অনুসন্ধান কি সম্পূর্ণ বিফল? ফলিত জ্যোতিষ গ্রহরশ্মির গুণাগুণের প্রত্যক্ষ প্রমাণ দিতে পারে না অর্থাৎ এই গ্রহালোকে এই পরমাণু যুক্ত বা বিযুক্ত হইতেছে, দেখাইতে পারে না, কিন্তু বোধ হয়, যুক্তি, অনুমান ও প্রবাদ উহার সম্পূর্ণ সাপেক্ষ, অন্ততঃ এ বিষয়ে অনুসন্ধান আবশ্যিক বলা যাইতে পারে। যদি কেহ সম্পূর্ণ ভ্রান্তিমূলক বলিয়া প্রমাণ করিতে পারেন, তাহা হইলে তিনি একটা প্রাচীন ভ্রান্তি খণ্ডন করিবেন, আর যদি ইহাতে কোন সত্য আবিষ্কার হয়, তাহা হইলে অন্ততঃ চিকিৎসা-শাস্ত্রের পরম সাহায্য হইবে সন্দেহ নাই।

বিজ্ঞান ও কল্পনা

['কুম্ভমালা' মাসিক পত্রিকায় (১২২১ সাল)

প্রথম প্রকাশিত]

কল্পনার মোহিনী শক্তি বৈজ্ঞানিককেও বিমোহিত করিয়াছে। তাঁহারা প্রকৃতির বর্তমান অবস্থা পর্যালোচনে তৃপ্ত নহেন, কালের তমোময় স্রোতে অগ্র-পশ্চাৎ ভাসিতে-ছেন, বর্তমানের উভয়পার্শ্বে কোটি কোটি বৎসর বাহিয়াও বাসনা পূরে না; আদি জীবনস্রোত শুনিতেছেন, আদি বাষ্প-সংঘর্ষণ দেখিতেছেন ও শবময়ী বৃদ্ধা জীবন-জন্মের মূর্তি চিত্রিত করিতে তুলিকা ধারণ করিয়াছেন। বোর-তম বর্তমান আলোক ভেদ করে না, অনুমান পথ প্রদর্শন করিতেছে। ক্ষীণালোকে ব্রহ্মাণ্ডের বৃহৎ মূর্তির যিনি যে অংশ বেরূপ দেখেন, সেইরূপই বর্ণনা করেন। সৃষ্টি প্রকরণ, গ্রহলোকে জীবোচ্ছ্বাস, ধরায় কতদিন মনুষ্যের বাস, মানব এক বংশে বা বহু বংশে উদ্ভব, বর্তমানে তাহাদের পরস্পরের বাহ্য ও অন্তঃপ্রকৃতির ভেদ কেন, এই সকল প্রশ্নের বৈজ্ঞানিকেরা ভিন্ন ভিন্ন উত্তর প্রদান করেন। আমরা দুই একটির বিরোধী যুক্তির আলোচনা করিব।

অসীম স্থানব্যাপী বাষ্পমণ্ডি দূরবীক্ষণ প্রদর্শন করে, বাষ্পমাগর ঘূর্ণমান, বৈজ্ঞানিকেরা অনুমান করেন, সৌর-জগৎ অবশ্যই সেই বাষ্পীয় অবস্থায় অবস্থান করিতেছিল। কেহ বলেন সঙ্কোচনে, কেহ বলেন আকর্ষণে গ্রহমণ্ডল স্থল কলেবর প্রাপ্ত হইয়াছে। কাহারও মতে সঙ্কোচন ও আকর্ষণ উভয় নিয়মই সৃষ্টির কারণ। আকর্ষণে প্রকরণ, বাষ্পে মাধ্যাকর্ষণ শক্তির অনুমান প্রয়োজন; এস্থলে তार्কিক বৈজ্ঞানিক যুক্তির অনুগামী নহেন, তাঁহারা কেবল এই বলিয়া নিরস্ত হন যে, উক্ত শক্তির অভাব প্রমাণসিদ্ধ নহে। সঙ্কোচন নিয়মে সহজেই ক্ষুদ্র স্থল মণ্ডল সৃষ্টি হইতে থাকে; এগন মাধ্যাকর্ষণ উভয়েরই আবশ্যক।

নানাস্থান হইতে বাষ্প আকর্ষিত হইতেছে, উষ্ণাংশি, ধূমকেতু-পুচ্ছ প্রধান ভাণ্ডার,—আকর্ষণে কলেবর বৃদ্ধি ও সঙ্কোচনে স্থল হইতে লাগিল। দোহুল্যমান পরমাণু উত্তাপের আকর, আদিমণ্ডল সকল অতি উষ্ণ হইল; নব মেদিনী সূর্যের গায় উজ্জ্বল মূর্তি ধারণ করিলেন এবং দাহমান পদার্থ হইতে ধূম বহির্গত হইয়া নিবিড় মেঘাবরণে

আবৃত্তা রহিলেন। নবজীবনোন্মত্তা মেদিনী শীতল হন না, অবিরল ঝারিধারা পড়িতে লাগিল, মেদিনী জলময়ী। পুরাণ বহুকাল হইতে এ কথা উত্থাপন করিয়াছেন; কিন্তু এত দিন হক্সলে, স্পেন্সর, প্রোক্টর টিওল প্রভৃতি বৈজ্ঞানিক নীরব ছিলেন, অতএব ইহা কবি-কল্পনা ও রূপক ভিন্ন অন্য নামে পরিগৃহীত হয় নাই। উত্থাপনির্গম নিয়মে বৃহদা-কারে কোটি কোটি ক্ষুদ্র ক্ষুদ্র দ্রবময়ী আধার (Liquid cells) ফুটিল এবং সঙ্কোচনে ভগ্ন হইয়া বৃহদাধারে দ্রবময়ী ধাতুসমষ্টি বেড়িয়া রহিল ও শীতল হইয়া ভঙ্গুর কলেবর বাষ্পরাশি-আকর্ষিত হইতেছিল। বৃহৎ কাঠিন্য প্রাপ্ত হইয়া যখন মহাবেগে বাষ্পময়ী মেদিনীমণ্ডল অন্তর্গত ক্ষুদ্র একটা মণ্ডল প্রস্তুত হয় এবং যে নিয়মে পৃথিবী শীতল হইতেছিলেন, সেই নিয়ম সে ক্ষুদ্রমণ্ডলকেও শীতল করিতে লাগিল; ক্ষুদ্র কলেবর শীঘ্রই শীতল হইল। ইনি চন্দ্র। পৌরাণিক সাগর-সমুদ্র শশী রূপক মাত্র, কিন্তু বৈজ্ঞানিক বাষ্পবেষ্টিত জলময়ী মেদিনীজাত শশধর, স্থিত সিদ্ধান্ত। এখন চন্দ্র, পৃথিবী ও সূর্য, চন্দ্র, জীবলোক ও পৃথিবীর আলোককারক। ক্রমে পৃথিবী শীতল হইলেন, উষ্ণা বর্ষণ হইতে লাগিল। বৃহৎ উদ্ভিদপূর্ণ উষ্ণা গম্বুজ নিঘতই পড়ে, বৃক্ষলতা অক্ষুরিত হইল। এস্থলেও মতভেদ। কেহ কেহ বলেন, যদি উষ্ণায় উদ্ভিদ সম্ভব, পৃথিবীতে সম্ভব নয় কেন? উত্তর, বীজ কোথায়? বহু পৃষ্ঠাব্যাপী উত্তর প্রত্যুত্তর লইয়া আমাদের কার্য্য নহে। বৈজ্ঞানিকেরা কখন জীব সৃজন বলেন, শ্রবণ করি।

এ স্থলেও বিরোধ। কেহ অগ্রে উদ্ভিদ, কেহ উদ্ভিদ ও জীব একত্র সৃজন করেন। একত্র সৃষ্টিই প্রচলিত মত। জীবন সম্বন্ধে মতান্তর। কেহ স্থানব্যাপী পুরুত্বজ জীববীজ নির্দ্ধারিত করেন, কেহ রসায়ন-বলে ভূগর্ভ হইতে বীজ সৃষ্টি করেন, ক্রমে মনে আসিয়া ধরাবাসী হইল। কিছুদিন পরে তিনিই দূরবীক্ষণ ধারণ করিয়া অশ্রান্ত গ্রহ-লোকে জীবন লক্ষণ অন্বেষণ করিতে লাগিলেন; পরে চন্দ্রে তাঁহার গায় মনুষ্য দর্শন করেন, খৃষ্টীয় ধর্মবিস্তারেরও প্রস্তাব হয়। কিন্তু সহসা চন্দ্র হইতে মনুষ্য তিরোহিত হইল। চন্দ্রগর্ভ হইতে বহুকাল উষ্ণতা বহির্গত হইয়াছে, যেমন মেদিনী হইতে এখন বহির্গত হইতেছে, আগ্নেয় উৎপাত ও ভূকম্পন যাহার লক্ষণ। হিমধাম শশধরে আর

জীব নাই। অশ্রান্ত গ্রহলোকে খাসবায়ু বহিতেছে কি না? কাহারও মতে সর্বস্থানেই জীব, জীবশূন্য বিচরণ করিতে মণ্ডল সৃষ্ট হয় নাই।

যে সকল গ্রহ সূর্য হইতে অন্তর, আলোক প্রদান করিতে ক্ষুদ্র ক্ষুদ্র তারা-বেষ্টিত রহিয়াছে, গ্রহ সূর্যের সন্নিকটে পরিভ্রমণ করে, তাহার আর পারিপার্শ্বিক নাই, যথায় জীব নাই, তথায় আলোকের আবশ্যক কি? কাহারও মতে কতকগুলি মণ্ডল জীবের বাসোপযোগী হইতেছে, কতকগুলি বাসোপযোগী আছে, আর কতকগুলি বাসোপযোগী ছিল, এখন হিমময়, আর জীব নাই। বৃহস্পতি প্রাণিশূন্য, তাঁহার চতুর্দিকে নিবিড় মেঘরাশি দূরবীক্ষণ আবিষ্কার করে। ঐ জলমালা অবিরল বারিবর্ষণে দ্রবময়ী বাষ্পসমষ্টি শীতল করিতেছে। এখনও বক্ষে উদ্ভিদপূর্ণ উষ্ণার আঘাত পান নাই, বৃক্ষাদি কিরূপে হইবে। জীবও অবস্থান করে না। কিন্তু ক্ষুদ্র মঙ্গল গ্রহের দশা ভিন্ন, মঙ্গলে খৃষ্টীয় ধর্ম প্রচার হইবার সম্ভাবনা, তথায় মনুষ্য অবস্থান করে, এক্ষণে তিনি মেদিনীর অবস্থাগত।

আনুমানিক স্বতন্ত্র মতগুলি দুই শ্রেণীভুক্ত। এক শ্রেণীর মতাবলম্বী অনুকূল শক্তির সংযোগ ও প্রতিকূল শক্তির বিয়োগ একমাত্র আদিকারণ বলিয়া নির্দ্ধারিত করেন ও অন্য মতাবলম্বী, ঈশ্বর আদিকারণ স্বীকার করিয়া সকল স্থানেই অভিপ্রায় অন্বেষণ করেন। উভয়েই কল্পনা-পথে বিচরণ করিতে করিতে প্রতিকূল যুক্তি পরিত্যাগপূর্বক অনুকূল যুক্তি গ্রহণ করেন ও তর্কের মীমাংসা হয় না। গ্রহলোকে জীবন লইয়া বাদানুবাদ তাহার একটি উজ্জ্বল দৃষ্টান্তস্থল।

এ স্থলে পুরাণও নীরব নন। পুরাণ সকল স্থানেই চেতনপদার্থ দর্শন করেন, কিন্তু মনুষ্য-কলেবর চেতনের একমাত্র আধার বলিয়া স্বীকার পান না। পঞ্চভূত পঞ্চীকৃত হইয়া মনুষ্য; মৃত্তিকা আবাসভূমি, মৃত্তিকার পরিমাণ কলেবরে অধিক। অন্ত্রলোকেও এইরূপ পঞ্চীকৃত হইতেছে, যথা—তেজোন্ময় সূর্যালোক, তথায় চেতন কলেবরে তেজের পরিমাণ অধিক।

উষ্ণ বা শীতল কেবল তুলনামাত্র। যে স্থানে জীব নাই, যেমন চন্দ্রলোক, তথায় সম্পূর্ণ তেজের অভাব স্বীকার করা অধৌক্তিক সন্দেহ নাই। যেমন বৈজ্ঞানিক বাষ্প-

ভূত সকল স্থানেই অবস্থান করিতেছে, তেমনি পৌরাণিক পঞ্চভূত স্থানবাপী কিন্তু ইহা বিজ্ঞান অনুমোদন করেন না। পুরাণ দুইটি পরমাণুর সংযোগের মধ্যস্থানকে “ব্যোম” বলেন, “ব্যোম” বিজ্ঞান ধারণা করিতে পারে না; সুতরাং আপাততঃ পঞ্চীকরণ প্রকরণ কবি-কল্পনা হইতে উচ্চস্থল-ভুক্ত নহে।

পূর্বে দেখিয়াছি, মানব ধরণীতলে অবতীর্ণ হইয়াছেন, এখন এক বা বহু বংশবাদী হইতে ধরণীবক্ষে বিস্তৃত হইলেন। যাহারা বহুবংশবাদী, তাহাদেরও ভিন্নমত, তন্মধ্যে পঞ্চবংশ ও সপ্তবংশবাদীই প্রধান। বংশবিভাগের আবশ্যক এই যে, মনুষ্য নানা আকারে দৃষ্ট হয়; যথা—যাহারা আর্ধ্যজাতি বলিয়া পরিগণিত, তাহাদের মস্তকের গঠন পরিপুষ্ট, ললাট প্রশস্ত, কেশ কোমল, বর্ণ গৌর, মুখের গঠনে সম্পূর্ণ সামঞ্জস্য; কোথাও অপরিমাণে উচ্চতা বা নিম্নতা নাই। দ্বিতীয়—মঙ্গোলিয়ন; তাহাদের গণ্ডাস্থি উচ্চ, নাসিকা প্রশস্ত, মস্তকের গঠন চতুষ্কোণ; চিবুক ক্ষুদ্র ও অল্পশাশ্রু-আবৃত, বর্ণ কটা। অগ্ৰাণু জাতির লক্ষণ বিবৃত হইল না, যথা—কাফ্রি, হটেণ্টট, আদি আমেরিকাবাসী, ম্যালে প্রভৃতি। এই ভিন্ন ভিন্ন জাতির ভিন্ন ভিন্ন অবয়বের কারণ কি, এবং কেনই বা আর্ধ্যজাতি ভিন্ন অপর কোন জাতি উচ্চ মানসিক শক্তির প্রমাণ দিতে পারে না? জল বায়ু ও অবস্থাভেদ ভিন্ন ইহার কারণ বা অণু নিয়মে প্রভেদ করিয়াছে? যদি জল বায়ু বা অবস্থা কারণ হইত, তাহা হইলে কাফ্রি ইংলেণ্ডে আসিয়া বা ইংরাজ আফ্রিকায় গিয়া কাফ্রি ইংরাজ ও ইংরাজ কাফ্রি হইত; কিন্তু ইতিহাসের পক্ষে এরূপ ঘটনা নাই। বর্ণের কিঞ্চিৎ বৈলক্ষণ্য দৃষ্ট হয়, স্থায়ী গঠনে কোন পরিবর্তন হয় না। ভূগর্ভ হইতে কাফ্রির মস্তক প্রস্তুত অবস্থায় প্রাপ্ত হওয়া গিয়াছে! ভূতত্ত্ব-বিজ্ঞান প্রমাণ করেন যে, ঐ মস্তক পৃথিবী-জঠরে তিন সহস্র-বৎসর অবস্থান করিতেছিল, তথাপি বর্তমান কাফ্রির মস্তক গঠন হইতে কিছুই প্রভেদ নয়! ইহাতে প্রমাণ হয়, তিন সহস্র বৎসরে কাফ্রির গঠন কোন পরিবর্তনলাভ করে নাই! তবে কি মনুষ্য ভিন্নবংশোদ্ভব? ভিন্ন অবয়ব দেখিয়া, ভিন্ন বংশ বলাও যুক্তিসিদ্ধ নহে। আর্ধ্যজাতি ও মঙ্গোলিয়ন জাতির মধ্যবর্তী জাতি আছে; তাহা দিগকে বাহ্যিক অবয়বে যদি ভিন্ন জাতি বলা যায়, তাহা হইলে দুই ভাই ভিন্ন জাতি বলিয়া নির্ণয় করিতে হইবে।

যুক্তি হীনবল দেখিয়া বৈজ্ঞানিকেরা কল্পনার আশ্রয় করিলেন। বহুকাল হইতে পৃথিবীকে মনুষ্যের আবাসভূমি করিলে, জল বায়ু অদৃশ্য শক্তিতে ক্রমে মনুষ্যের

অবয়ব ভিন্ন ভিন্ন নির্মিত হইবে। পূর্বে যথায় হ্রদ ছিল, তথা হইতে ভূ-খননে আবাস পাওয়া গিয়াছে। ইহাতে প্রমাণ করেন যে, ঐ সকল আবাস-কুটীরে বহুকাল পূর্বে মনুষ্যের বাস ছিল। পর্বত-গহ্বরে লুপ্ত জীবের অস্থির সহিত মনুষ্য-অস্থি উদ্ধৃত দৃষ্টে, তাহার অতি প্রাচীন অবস্থা সাব্যস্ত হয়, এবং যে সকল মনুষ্যভক্ষ্য জলজ জীব (যেমন শামুক, গুগ্‌লি ইত্যাদি) লবণাক্ত জলে বর্দ্ধিতায়তন হয়,— তাহাদিগের রাশি রাশি বর্দ্ধিতবহিরাবরণ লবণামুহীন স্থানে দেখা যায়। অবশ্যই ঐ সকল জলজ যে সময়ে লবণ-হীন বারি লবণাক্ত ছিল, সময়ে জন্মে ও মনুষ্যের ভক্ষণের নিমিত্ত ধৃত হয়। কিন্তু এই সকল যুক্তিসহকারে বিশ সহস্র বৎসর ব্যতীত ভূতকালের তমোময় গর্ভে আর অধিক যাওয়া যায় না।—কল্পনার বলে আরও অধিক গমন করিলে হটেণ্টট হইতে সভ্য ইউরোপীয় জাতি গঠিত হয়। প্রায় পৌরাণিক সত্যকালের কূলে না আসিলে আর নিস্তার নাই, এবং লামার্কের বিকাশ মতে অবয়ব পরিবর্তন নির্ণয় করিলে, পৌরাণিক যোনিভ্রমণের নিকট অবস্থান করিতে হয়।

বিকাশমতে ক্ষুদ্র কীটানু-অবয়ব বিকসিত হইয়া সভ্য-জাতি বিচরণ করিতেছেন। কিন্তু পুরাণ কবিকল্পনামাত্র, লামার্কের বিজ্ঞান! ক্রমে ভূতমেদিনী শ্মশানভূমি। তেজের অভাবে জীব বিলুপ্ত হইতেছে এবং পৃথিবী হিমধাম চন্দ্ররূপ ধারণ করিতেছেন, অণু নব সৃষ্টলোক যামিনী-ধোগে কৌমুদিরাশি ঢালিতেছেন। এ স্থলেও মতান্তর। জীব বিলুপ্ত হইবে কেন? পৃথিবী যখন আদি মনুষ্য ধারণ করেন, তাহা অপেক্ষা এখন অনেক শীতল, তথাপি মনুষ্য-পরিবার বৃদ্ধি পাইতেছে এবং যদি চন্দ্রের গ্রায় শীতল হন, তাহাও ক্রমে হইবে না, শীতল হইতে হইতে কি পরিমাণে শীতল হইলে জীব থাকিবে না? পার্থিব অবস্থা-ভেদে ম্যামথ প্রভৃতি বিলুপ্ত জীব তাহাদের স্থলে অণু জীবস্রোত রাখিয়া কলেবর পরিত্যাগ করিয়াছে। যদি বর্তমান অবস্থাগত জীব না রহিতে পারে, তৎপরিবর্তে অণু জীবের শ্বাস বহিবে না কেন? পৃথিবী জীবের আবাসস্থান হওয়া ঈশ্বরের অভিপ্রায়। শক্তিবাদীরা তর্ক করেন, যতদূর উষ্ণ ও শীতল প্রদেশ পৃথিবী দেখিতে পাই, তাহাতে জীব আছে সত্য, কিন্তু তদপেক্ষা কোটি কোটি গুণে শীতল বা উষ্ণ হইলে জীব থাকিতে পারে না; অতএব স্থানে স্থানে জীব ও জীবন লোপ হইবে সন্দেহ নাই। ইহাই পৌরাণিক খণ্ডপ্রলয়। কিন্তু মহা প্রলয় সম্ভব নয়, কারণ—বৈজ্ঞানিক দেখেন নাই।

কবিতাবলী

(প্রথম ভাগ)

শূন্য

কেন গো মেছেছ তুমি ঘোবনে যোগিনী,
কার ধ্যানে গগ্ন প্রাণে, চেয়ে আছ শূন্য পানে,
কি মন-বিরাগে বল শ্মশানবাসিনী ?

ত্যাগিয়ে সংসার সার ক'রেছ শ্মশান,
যার লাগি অমুরাগী, হইয়াছ সর্বত্যাগী,
দেখিতে কি পাও তার বাঙ্কিত বয়ান ?

যোগিনী দেখিয়া ভয়ে অলি না সন্তোষে,
দারুণ তোমার মন, কঠিন তোমার পণ,
অভিলাষ বিসর্জন দেছ অনায়াসে ।

পরিমল নাই, তুমি তাই কি কাতর,
অযতনে অভিমান, এসেছ কি এই স্থানে,
এ ভীষণ ভূমে তোমা কে করে আদর ?

কভু কি কোমল প্রাণে পেয়েছ যন্ত্রণা,
কার সনে ক'য়ে কথা, জুড়াও মরম-ব্যথা,
কাঁদিলে পরাণ তব কে করে সাহায্য ?

গোপনে ফুটেছ তুমি গোপনে শুকাবে,
জীবন-গোবন মন, যার তরে সমর্পণ,
আসন্ন সময়ে তারে দেখিতে কি পাবে ?

চাতক

এমন দারুণ পণ পেয়েছ কোথায় ?
যেখানে সেখানে যাও, স্থশীতল জল পাও,
আপন প্রাণের দোষে মর পিপাসায়,
চাহিয়ে ফটিক জল র'য়েছ আশায় ।
চিরদিন পিপাসায় পরাণ বিকল ।

দারুণ নিদাঘ-তাপে, মেদিনী বিদরে দাপে,
কাতর না হও, সও প্রবল অনল,
কেবল তোমার বোল,—‘দে ফটিক জল’ ।

যে নয় তোমার, তুমি ভাব তার তরে,
স্থধালে না কথা কও, শূন্য পানে চেয়ে রও,
যবে প্রাণ কাঁদে পাখী কাতর অন্তরে,
‘দে ফটিক জল’ বল সঙ্করণ স্বরে ।

মুক্তবেণী কাদম্বিনী ঢাকিলে অম্বরে,
পশু-পক্ষী কলরবে, নিবাসে প্রবেশে সবে,
তোমার হৃদয়ে আর আনন্দ না ধরে,
‘দে ফটিক জল’ বলে উঠ পক্ষভরে ।

ভীষণ অশনি-নাদে মেদিনী কম্পিত,
ক্ষুদ্র পাখী নাহি উর, বক্ষ পাতি বজ্র ধর,
বজ্র-গাংবা নৃত্য কর, চিত্ত পুলকিত,
‘দে ফটিক জল’ শুনি উন্মাদ-মঙ্গীত ।

বাঁশালী

সন্ধ্যার বরণ-ঘটা ধূসর অঞ্চলে
ক্রমে ক্রমে ঢাকিলে তিমির,
সোহাগিনী প্রবাহিনী কলনাদে চলে
মন্দ মন্দ আন্দোলি শরীর ;
মধুর তোমার তান, শুনিলে উথলে প্রাণ,
হ'লে দিবা অবসান গৃহে ফিরে আসি,
এ হ'তে মধুর স্বর, শুনিতাম বাঁশী ।
স্বভাব নীরব যবে গভীরা যামিনী,
শিশু হেরে সোণার স্বপন,

চন্দ্রমা চকোরে কথা শুনে বিরহিনী,
 ঢুলু ঢুলু তারার নয়ন—
 উঠিলে তোমার তান, প্রাণে মম হানে বাণ,
 'এ হ'তে মধুর স্বরে করিলে চুম্বন,
 ছিঃ ছিঃ বলি সে আমার ফিরাত বদন ।
 কুল ভূষা হাসে উষা ছুকুল-বসনা,
 সরোবরে সস্তাষে নলিনী,
 বিদায় চুম্বন নাহি পুরিল বাসনা,
 পতি-মুখ নেহারে কামিনী ।
 তব তান উঠে যত, আকুল অন্তর তত,
 উথলিত প্রাণে শত সুধার লহরী,
 যবে ধীরে সে আমারে জাগাত বাঁশরী ।
 প্রথর নিদাঘ-তাপে ভাপিতা মেদিনী,
 ক্ষিপ্ত বায়ু ধূলা মাখে গায়,
 কুলায় লুকায় নাহি গায় বিহঙ্গিনী,
 জাগি যামি যুবতী ঘুমায় ;
 আচম্বিতে তব তান, প্রাণে করে সুধা দান,
 মোহিত হইয়া মনে করি আন্দোলন,
 বহুদিন পরে মোরে কে করে স্মরণ ?
 প্রবাসে প্রবাসী বসি সন্ধ্যার সময়,
 প্রিয় মুখ মনে কত উঠে,
 অনিমেষ নেত্রে হেরে চন্দ্রমা উদয়,
 একে একে দেখে তারা ফুটে ;
 বিরহ বিধুর গান, শুনে আন্দোলিত প্রাণ,
 মূহু পূর্বস্মৃতি জাগে শীতল মাধুণী,
 আশে আঁখিনীরে ভাসে প্রিয়জনে স্মরি ।

কোকিল

না জানি মোহিনী কিবা আছে তোর স্বরে-
 মধুর লহরে !
 কুহু কুহু কুহু তান, কেমন কেমন প্রাণ,
 কি যেন হ'য়েছি হারা জনমের তরে,
 ধীরে ধীরে বয়ান বহিয়ে বারি ঝরে ।
 কামরূপী কালো পাণী কি কুহু বলে
 এ পাষণ গলে ;

এই ছিল এই নাই, ধরি ধরি নাহি পাই,
 কি চাই সুধাই তাই কে যেন কি বলে,
 সুধায় গলায় প্রাণ তবু কেন জলে ?
 নাহিক সে দিন নাহি, নাহি সেই প্রাণ,
 শুনে তোর তান,
 প্রমোদিত বিমোহিত, তন্ত্রীত সরল চিত,
 ভাবে ভুলে প্রাণ খুলে করিয়াছি গান,
 সেই আগি, সেই প্রাণ আজিরে শ্মশান !
 সুন্দর বসন্তে বসি সুন্দর কাননে,
 সুন্দর গগনে—
 সুন্দর চন্দ্রমা ভাসে, সুন্দর কুমুম হাসে,
 সুন্দর সঙ্গীত দোলে সুন্দর পবনে ;
 কি সুন্দর প্রেম তোর সুন্দরের সনে !
 নাহিক সে দিন হয় ! নাহিক সে দিন,
 কালে দিন লীন,
 সুন্দরের অহুরাগে, কিবা না ক'রেছি আগে,
 এখন হৃদয়গার সুন্দর বিহীন ;
 তোর স্বরে জাগে আজ পূর্ব-স্মৃতি ক্ষীণ !
 বসন্তবান্ধব ফের' বসন্ত যথায়,
 বসন্ত সহায়,
 নিঃসহায় বরিষায়, কঠোর করকা ঘায়,
 দামিনী খেলার ছলে, আঁধার বাড়ায়,
 প্রাণের সুসার তায় কার না শুকায় !
 মাতাও উধাও প্রাণ, গাও মাতোয়ারা,
 হই জানহারা,
 কুহু কুহু কুহু কুহু, উহু উহু হুহু হুহু,
 ঝরুক শ্মশানভূমে অমৃতের ঝারা,
 উজান বহিয়ে যাক সময়ের ধারা ।

গিন্ধি*

দিবা-নিশি জাগরণে, ভূষা তরুদল,
 এ প্রাস্তরে একেশ্বর, উর্দ্ধশিরে নিরন্তর,
 কার তরে শৃঙ্গধর হ'য়েছ অচল,
 নগ সহ তাপ, হিম, বজ্র, বাত্যা, জল ?

* ভাগলপুরের অস্তর্গত কাহলগাঁর পাহাড় দর্শনে লিখিত।

কি অস্থখে মনোহুখে হ'য়েছ পাথর ?
 শুধি তোমা হে পাষণ, পাষণ কি তব প্রাণ,
 কৈশোরে ছিল না কি হে কোমল অন্তর,
 উন্নত কি তত্বে যাও ভেদিয়া অস্তর ?
 একাৰ্ণবে পূর্ণ যবে এ বিপুল স্থান,
 তখন ছিল না ভূমি, কোথায় আছিলে তুমি,
 চল চল জল কিসে হইলে পাষণ ?
 তরল তরঙ্গমালা শিলার সোপান ।

ক্ষিপ্ত প্রায় জ্বাল' শিরে দীপ্ত হতাশন,
 জলন্ত নিদাঘ রবি, তব সদানন্দ ছবি,
 রজনীতে ভয় বাসি ভীষণ দর্শন,—
 বিশাল শ্মশানভূমে ভৈরব যেমন !

অটল অশনি-পাতে নিবাস গহন,
 তোমায় সুধাই গিরি, কি কারণে ধীরি ধীরি,
 অবিরল আখিজল নিঝর পতন,—
 তোমার' কি ভাঙ্কিয়াছে স্থথের স্বপন ?

তোমার হৃদয়ে কারু জাগে কি অধর,
 মধুর শিশুর বোল, নূপুর কিকিনী রোল,
 কখন' কি শুনিয়াছ নারী-কণ্ঠস্বর ?
 তাই কি পাথর তব অন্তর কাতর ?

স্বরঙ্গ কুরঙ্গ হেম-অঙ্গ পাখিগণে,
 ঋক্ষ, ব্যাক্র ভয়ঙ্কর, জীবঘাতী বনচর,
 শরণ লইয়া আছে তব আলিঙ্গনে,
 আশ্রয় কি দাও গিরি, ভাগ্যহীন জনে ?

শশী

পাতার আড়েতে বসি, মৃদু মৃদু হাস শশি,
 হেরে মম মনে জাগে সে বিধু-বদন ;
 ওই রূপ সে বদন, কেশে অর্ধ আবরণ,
 দোলাত উড়াত তায় প্রফুল্ল পবন,
 পাতাগুলি দোলায় যেমন ।
 জাগিয়ে এখন সে কি দেখিছে তোমার,
 আমার হৃদয়-শশী র'য়েছে কোথায় ?

ধূসর নীরদ-মাঝে, ভ্রমিছ উন্মাদ-সাজে,
 শিলাসনে দুই জনে হেরেছি তোমায়,
 আজি সন্ন্যাসীর বেশে, ভ্রমি এ বিজন দেশে,
 দেখেছ সে দিন, আজি দেখ কি দশায়,
 আছে মাত্র প্রাণশূণ্য কায়,
 তারে কি এখন' তুমি দেখিতেছ শশি,
 আছে কি সে বিনোদিনী শিলাতলে বসি ?

যামিনী কামিনী মনে, নভোনীল সিংহাসনে,
 প্রেমিকের স্থখে তুমি সুখী শশধর,
 যখন নীরব সবে, বিরহী আসিয়ে তবে,
 নীরবে বিরলে হেরে তোমার অধর,
 খুলে বলে তোমারে অন্তর,
 জুড়াও প্রাণের জ্বালা বলনা আমায়,
 কখন' কি কোন কথা বলে নি তোমায় ?

তোমারে হেরিয়ে চাঁদ, কত মনে হয় সাধ,
 তার(ই) ভাবে মগ্ন র'য়ে তারে যেন ভুলি,
 স্বপ্ন সম জ্ঞান হয়, কে যেন কি কথা কয়,
 চমকি তখনি পুন পরাণ আকুলি—
 নাহি হেরি প্রাণের পুতলী !
 মেদিনী রজতে হেরি স্বভাব নীরব ।
 তারাদল জাগে, জাগ কুমুদ-বান্ধব !

আঁধান

তরু, লতা, ফুল মুঞ্জ, কোকিল-কুজিত কুঞ্জ,
 অলির বন্ধার প্রাণ না চাহে আমার,
 রবি শশী তারা হার, হাসি মুখ ললনার,
 কেবল তোমারে ভাল বাসি হে আঁধান ;
 অসীম অনন্ত তুমি সম চির দিন,
 না হাস না কাঁদ, নহ কালের অধীন ।

তোমায় জানে না নরে, তাইত তোমারে ডরে,
 অসময় তুমি সখা কেহ নাহি আর,
 একক বান্ধবহীন, আশার উচ্ছ্বাস লীন,
 হৃদয়ে শুকায়ে যায় রোদনের ধার ;
 জলে শুধু স্মৃতি— চিতে চিতানল প্রাণ,
 তখন অভাগা তব মুখ পানে চায় ।

ওইয়ে তোমার কোলে, অভাগা সকল ভোলে,
ঘুমায় জাগে না আর দেখেনা স্বপন,
অনলে সলিল পড়ে, আর নাহি ঝড়ে নড়ে,
সংসার-সাগর-রোল করে না শ্রবণ ;
কারো অধিকার নাহি তব অকোপরে,
ঘৃণা, হিংসা, উপহাস স্পর্শ নাহি করে ।

গৃহ-মাঝে দীপ প্রায়, রবি আকাশের গায়,
কালের ফুৎকারে নিভে যাবে এক দিন,
তুমি তম নিরুপম, শাস্ত্র ভীম পরাক্রম,
ক্ষুদ্র নর ভাবে ক্ষুদ্র রবির অধীন ;
ব্যাপিয়ে অসীম স্থান তব আয়তন,
অজ্ঞাবধি নাহি যথা কালের গঠন ।

পঞ্চভূত ধরি করে, মহাকাল নৃত্য করে,
সংযোগ বিয়োগ নিত্য ছেলে-খেলা প্রায়,
একত্র যখন বাঁধে, পঞ্চভূত হাঁসে কাঁদে,
খুলে দিলে ভেঙ্গে যায়, কোথায় মিশায় ;
একত্র হইলে ভাবে রহিবে আলোকে,
বিপরীত দেখে কিন্তু পলকে পলকে ।

পাইয়ে নশ্বর দৃষ্টি, হেরে সৃষ্টি করে সৃষ্টি,
আলোক যথায় তব নাহিক গমন,
একবার নাহি ভাবে, সে স্বপন ভেঙ্গে যাবে,
ক্রমে মহাকাল যবে খুলিবে বন্ধন ;
তোমার উদরে থেকে তোমায় ডরায়,
শিহরিয়া উঠে হেরি আপন ছায়ায় ।

আমি না বুঝিতে পারি, সৃজে কত নর-নারী,
তবু ভাবে তথা নাহি রবে প্রতারণা,
ছুখ-সুখ-মাঝে দোলে, না জানি কেমনে ভোলে—
'নাহি সুখ যত দিন সুখের বাসনা' !
উন্মাদ সতত সাধ যেন না ঘুমায়—
বিশ্বতি বিমল বারি বারেক না চায় ।

অতীত

অতীত শৈশবকাল আগত যৌবন,
ক্রমে ধারা পরিসর, সিন্ধু-মুখে অগ্রসর,
ক্রমে তরঙ্গের মালা দিল দরশন ।

ফুরাইল ধূলা-খেলা, ধূলার ভূষণ ;
ধূলায় ধূসর কায়, অরি হেসে ফিরে চায়,
চন্দন চর্চিয়ে গায় হবে কি তেমন ?

ফুরাইল মৃদু হাসি চন্দ্রমা-বিকাশ,
যেই মধুময় হাসি, দেবতা নিরখে আসি,
প্রসুর-হৃদয়ে হয় আনন্দ-উচ্ছ্বাস ।

ফুরাইল কলকণ্ঠে সুধা-বরিষণ,
নীরব হইল বীণে, ফুরাইল এতদিনে,
মা ব'লে লহর তুলে চূষন গ্রহণ ।

ফুরাইল সরলতা স্বর্গীয় ভূষণ,
জড়িত হীরকমালে, মুকুট পরিয়ে ভালৈ,
পাব কি প্রফুল্ল অঁাখি অন্তর-দর্শন ?

অতীত শৈশবকাল আগত যৌবন,
সলিল কর্দমময়, খর সমীরণ বয়,
ভীষণ তরঙ্গমালা দিল দরশন ।

আজি

তিন-দশ পূর্ণকায় অতীত যৌবন,

তিন-দশ পূর্ণকায়,

জীবন-প্রবাহ ধায়,

মহাকাল মহার্ণব সহ সন্মিলন ।

প্রেমময় প্রাণ, আশা ভরসা এখন,

কমনীয় কাস্তি কায়

আর কি রহিবে হায়,

আর কি মিলাবে নারী নয়নে নয়ন ?

করুক রূপের নিন্দা রূপ নাহি যার,

বিজ্ঞাবুদ্ধি মান ধন,

সংসারের আভরণ ;

সৌন্দর্য্যে কেবল হেরি কর বিধাতার ।

মাতৃকোলে স্তন পান, পিতৃ আলিঙ্গন,
সহোদর সহোদরা,

মুখ যার দুখহরা,

শৈশব স্বপ্নের স্বপ্ন নাহিক এখন !

শৈশব স্বপ্নের স্বপ্ন নাহিক এখন,—

যৌবনে ঢালিয়ে কায়,

পেয়েছিহু প্রমদায়,

ম'লে কি ভুলিব হায় প্রথম চূষন !

কেহ কহে এ প্রণয় চাতুরী কেবল,—

হৃদয়ে হৃদয়ে মিলি,

নয়নে নয়নে খেলি,

ব্রহ্মানন্দ বিনা নাহি উপমার স্থল ।

কেহ কহে চিরস্থায়ী নহে এ যৌবন,

স্থায়ী নহে যেই ধন,

তাহে কিবা প্রয়োজন,

রাধহে প্রবীণ, তব প্রবোধ বচন ।

একদিন পূর্ণশশী হাসায় গগন,

ক্লগমাত্র ফুলরাশি,

বিকাশে মধুর হাসি,

তবে কেন ফুল-শশী আদরভাজন ?

অতীত যৌবন, হায় অতীত যৌবন !

কাজ কি বিগ্রাস কেশে,

কাজ কি বিনোদ বেশে,

কাঞ্চন ত্যজিয়ে কাচে কিবা প্রয়োজন !

শৈশব-বাক্য

(ঔদাস্ত)

থাকরে অন্তরে তুমি চিরদিন তরে,

শৈশব-বাক্য !

ভালবাস এস এস শূণ্যময় ঘরে,

শব সম সকলি নীরব ।

আনন্দের উপহাস, আশার চঞ্চল ভাষ,

অভিলাষ প্রেমোচ্ছ্বাস কিছু নাহি আর,

হ'য়েছে হ'য়েছে ভোর, ভেঙ্গেছে ভেঙ্গেছে ঘোর,
গিয়েছে গিয়েছে চলে স্বপন সোণার ।

তুমি আমি দুইজনে বসিয়ে বিরলে

তটিনীর তীরে,

কৈদে কৈদে ধারাগুলি যাবে ধীরে চলে

ঢেলে দিতে আপন শরীরে,

ব'সে রব মগ্নমনে, কাঁদিব না কার' সনে,

অনেক কৈদেছি আমি কাঁদিব না আর,

সেই দিন হ'তে কত, কাঁদিয়াছি ক্রমাগত,

দেখিলাম যেই দিন প্রথম সংসার ।

তুমি আমি দুই জনে পর্বত-শিখরে—

বিজন প্রদেশ,

নাহি পাখী, নাহি শাখী, অলি না বিহরে,

কেবল তুষারশুভ্র বেশ,

বিচিত্র বরণ ঘটা,

ইন্দ্রধনুসম ছটা,

অকস্মাৎ খ'সে প'ড়ে কোথা চ'লে যায়,

খসিবে ভৈরব রবে,

সলিল সলিল হবে,

নীরবে হেরিব বসি তোমায় আমায় ।

বালির উপরে ব'সি হেরিব সাগর —

নীলিমা বিশাল,

উঠিবে, ডুবিবে ছলে চলিবে লহর,

জটা ঘটা হেরিব করাল ;

গৌরবের সমাধান,

পরমাযু অবসান,

জলে ঝাঁপ দিতে হেথা আসিবে গিহির,

কত ছায়া রবি তায়,

নীরবে ডাকিবে 'আয়',

অবিরল ছলে যাবে স্বচ্ছ নীল নীর ।

গোধূলি গ্রাসিয়ে মুখে আসিবে তিমির

লটপট কেশ,

একাকিনী উলঙ্গিনী গতি অতি ধীর,

বিভাবরী ভয়ঙ্করী বেশ ;

পাগলিনী পুলকিত,

নীরবে গাহিবে গীত,

নীরব বিকটহাস, নৃত্য ধেই ধেই,

গীত বাড়িবে যত,

আনাগোনা হবে কত,

নীরব ভৈরব তাল তাথেই তাথেই ।

বন-বিহাঙ্গিনী

ঝিম্ ঝিম্ ঝাম্ ঝাম্ ঝন্ ঝন্ ঝন্,
 ত্রিধামা গভীর,
 অযুত অযুত মেঘ আঁধার বরণ,
 গজগতি দলিয়া সমীর,
 রণমত্ত বজ্রমুখে, রঞ্জিনী খেলিবে বৃকে,
 নলকে দলকে চক্ চমকি চপলা,
 রঞ্জে ভঞ্জে বায়ুঘূর্ণ, উচ্চশাখী-শির চূর্ণ,
 শ্রীহীনা প্রকৃতি ঘোরা তিমির-অঞ্চলা ।
 বিজন বিপিনে যথা বিহরে বিষাদ,
 প্রতি বায়ু সনে,
 নীলিমায় ভেসে যায় আধখানি চাঁদ
 পাণ্ডুবর্ণ মলিন কিরণে,
 সেই ক্ষীণ রশ্মি ধরি, প্রেতকুল ধরা'পরি,
 নাবিবে, ভ্রমিবে কেঁদে, হেরিব ছ'জনে ।
 একে একে সঙ্গীহারা, গগনে দেখিবে তারা,
 কেহ বা পড়িবে খসি জীর্ণপত্র সনে ।
 তুমি আমি দুই জনে হেরিব শ্মশান—
 বিভূতি-ভূষিত,
 ধক্ধক্ চিতানল ভালে দীপ্তিমান,
 গণ্ডগোল শিবার সঙ্গীত ;
 বিবশা ভূতলে সতী, চিতানলে জলে পতি,
 পিতা মাতা মৃতপুত্র-মুখপানে চায়,
 বিচ্ছিন্ন লতিকা প্রায় ধূলায় ঢালিয়া কায়,
 যুবক চাহিয়া দেখে প্রাণ-প্রতিমায় ।
 তুমি আমি মরুভূমে করিব গমন,
 বালুময় দেশ,
 কেবল অনলভার বহে সমীরণ
 দিনকর প্রাণহর বেশ ;
 বালির তুফান উঠে, ঘুরিতে ঘুরিতে ছুটে,
 প্রাণীশূণ্য তবু যেন সদা হাহাকার,
 ধূ ধূ ধূ ধূ ধূধুকার, দূরচক্র সীমা তার,
 উপমার স্থল নাত্র হৃদয় আমার !

মেদিনী পাষাণী, ধর তপন-কিরণে,
 তুঙ্গ শৃঙ্গ স্পর্শে ঘন, স্বাপদসঙ্কুল বন,
 কে রমণী একাকিনী বসিয়া বিজনে,
 আশার স্বপন যথা মানব-জীবনে,
 বিদায় নয়ন-বারি বিরহি-স্বরণে !
 ঢেকেছে অলকাবলী বিমল বদনে,
 বিমলিন পরিচ্ছদ, সঠৈবাল কোকনদ,
 শূণ্য কার হৃদি-হৃদ ক'রেছ ললনে,
 সঙ্ঘ্যার প্রদীপ কার নিভেছে ভবনে,
 আঁধার সংসার কোন্ অভাগা-নয়নে ?
 আনন্দদায়িনী হেরি আনন্দ অস্তরে,
 মরুভূমে পিপাসায়, যে জন মুমূর্ষু প্রায় .
 পুলকিত চিত যথা শুনিয়ে নিষ্কারে,
 প্রবাসে প্রবাসী চির পরিচিত স্বরে,
 অদূরে হেরিয়ে দীপ পথিক প্রাস্তরে ।
 একাকিনী প্রতিধ্বনি এ বনে বিষাদে,
 নীরব ভীষণ স্থল, নাহি বিহঙ্গম-কল,
 কদাচিত্ বন্য পশু গভীর নিনাদে,
 থেকে থেকে সমীরণ শাখীশিরে কাঁদে,
 কে নহে কাতর হেরি ঘন ঢাকা চাঁদে ।
 শূন্যমনা উদাসিনী,—উন্মাদিনী প্রায়,
 কলক সোণার গায়, ধূলায় ধূসর কায়,
 ধূলায় ধূসর কেশ পবন উড়ায় ;
 বিপিনবাসিনী কেন, বলনা আমায়,
 আমিও বিজনে কেন বলিব তোমায় ।
 না জেনে প্রণয়দানে যদি অপরাধী,
 পরিতে কুসুমহার, ফণিনী-দংশন সার,
 কেবল স্বরণ আছে জীবন আচ্ছাদি,
 নবীন প্রাণের সাধে বিধি যদি বাদী,
 এস গো ছ'জনে বসি এ বিরলে কাঁদি ।

কল্পনা

ব্যকুল বাসনা যবে শূন্যময় প্রাণ,
 জ্ঞান হয় সংসার শ্মশান ;

ললিত তোমার গীত, শুনি বিমোহিত চিত,
ভয়ার্ত্ত জনেরে কর অভয় প্রদান,
প্রবাসে প্রবাসী হেরে প্রিয়ার বদন ।

বিজনে বাহুবহীন মুমূর্ষু যখন,
করিলে গো তোমাতে স্মরণ ;

সুধামুখে মুহু হাসি, তখনি উদয় আসি,
শয্যাপাশে বসি তার মুছাও নয়ন,
কারাগারে পশি কর' শৃঙ্খল ছেদন ।

আঁখিবারি-পারাবারে তরঙ্গের মেলা,
আশা তায় একমাত্র ভেলা ;

তোমার মধুর বায়, সুখে ভেলা ভেসে যায়
উন্নত তরঙ্গদলে ক'রে অবহেলা,
নিরানন্দ ভবধামে আনন্দের খেলা ।

বিরামদায়িনী নিজ্রা তোমার সঙ্গিনী,
মনোহরা স্বপন-রঙ্গিনী,

মাতৃ-কোল পরিহরি, বিচিত্র বসন ধরি,
সুপ্ত-শিশু হাসে তোমা হেরি হেমাঙ্গিনী,
শান্ত হ'য়ে শুনে তব মধুর কিঙ্কিনী ।

দিবানিশি ধরা ঘেরি অমে গ্রহগণ,
অস্তর না হয় কি কারণ ?

অস্ত নর কি প্রকার, জানিত সে সমাচার,
তুমি না দেখালে সেই অদৃশ্য বন্ধন,
যাহার বিহনে হ'ত বিশ্বের পতন ।

তব বলে নভঃস্থলে করি বিচরণ,
হেরি গো অলক্ষ্য গ্রহগণ ;

সৃষ্টি হ'তে যার কর, ছুটিতেছে নিরস্তর,
তথাপি ধরণী'পর হয়নি পতন,
জীবনের স্রোত চক্ষ্রে করিগো অবগণ ।

হিমালয়-শিখরে শুনি ত্রিদিব বাদন,
নিতম্বিনী অঙ্গরা-নর্তন ;

দিবানিশি ভূতগণ, শূন্তে করে বিচরণ,
স্বপ্নদেহ স্থলচক্ষু অতীতদর্শন,
কে দেপিত কুপাময়ি, না দিলে লোচন ।

স্বর্জয়ে অপূর্ব রেখা বিজ্ঞান-জননি,
ভেদিয়াছ এ জড় ধরণী ;

কৌতুক দেখিল নরে, সেই মায়া-রেখা-পরে,
অচলা সচলা হ'য়ে চলিল অমনি,
অকস্মাৎ গতিহীন হ'ল দিনমণি ।

প্রশান্ত সাগর, মহাকালের দর্পণ,
হেরি তায় কালের বদন ;

বিশ্বসীমা অবসান, পরমাণু সূৰ্ণমান,
নিত্য নববিশ্ব মহাকালের গঠন,
তব সঙ্গে হেরে রঞ্জে মানব নয়ন ।

অসীম অনন্ত স্থান ব্যাপি আয়তন,
তমোগর্ভে অণব যখন ;

ফুটে নব দিনকর, গ্রহ, তারা, শশধর,
ক্রমে জলে ভেসে উঠে অশ্রু ভূতগণ,
মধুর লহরী কহ কথা পুরাতন ।

অনন্ত অশান্ত শক্তি বিহরে লীলায়,
নিয়গন পুরুষ নিজ্রায় ;

লজ্জা পরিহরি সতী, বিকট অরীত রতি,
অগণন ব্রহ্মডিম্ব টুটে আশঙ্কায়,
বিশ্ব-অণু পরমাণু বিশ্বরূপে ধায় ।

কুহকিনী কাম্যদৃশ্য কর বিরচন,
গাঙ্গীর্যে মাধুর্যে সন্মিলন ;

জলে উঠে ভীমকায়, দশন ধরণী-গায়,
বিমল শ্রামলকান্তি কুসুম-ভূষণ,
চন্দ্রচূড়-ভালে শিশু চন্দ্রমা-কিরণ ।*

(নরক)

হেরি ভয়ঙ্করী পুরী নাহি বয় বায়,
ছায়া কায়া ছায়া পুনরায় ;

শূণ্ড পূর্ণ ছায়াদেহ, আছে বা না আছে কেহ,
এই এই, এই নেই, কোথায় মিশায়,
তমসা গোধূলি মাথা জড় জড়িমায় ।

মমতা-বর্জিত স্থান শ্মশানের প্রায়,
গণ্ডগোল কি যেন কোথায় ;

বহে বিলাপের রোল, শুন পুন নাহি গোল,
নৈরাশ বিকট হাস লক্ষ্যশূণ্ড চায়,
শকা-আতঙ্কিত-মতি আকাজকা পলায় ।

* বরাহ মূর্তিতে ধরণী উদ্ধার ।

(স্বর্গ)

উজ্জল বিমল ইন্দ্রধর গঠন,
নভ নীল নলিনী-আসন,
হেমকান্তি শাস্ত রবি, ছানিত কিরণ ছবি,
উজ্জল কিরণদেহী আনন্দে মগন,
জ্যোতির্ষয়ী পুরী নিত্য জ্যোতি-নিকেতন ।

উল্লাসে উচ্ছ্বাসে কত জীবন নিৰ্ব্বার,
ব'য়ে যায় করুণা-লহর,
কলনাদে কল্লোলিনী, আশা হেম-বিহঙ্গিনী,
না পলায় স্থখে গায় তীরে তরু'পর ;
দোলে প্রেমামৃত-পূর্ণ ফল মনোহর ।

স্থখে ভাসি পুন আসি পরশি মেদিনী,
উপবন মানস-মোহিনী,
বিকচ বসন্ততরু, মদন লইয়া ধরু,
কোকিল কুহরে, শশী হাসায় যামিনী,
কুমুদকুম্বলা সর সোহাগে মোদিনী ।

নগনা ললনা রাগরঞ্জিত বদন,
চুলু চুলু আবেশে নয়ন,
চলিতে নিতম্ব হেলে, পবন কুম্বলে খেলে,
অধরে ঈষৎ হাসি কলিকা দশন,
পত্র ভেদি চন্দ্র করে বদন চূষন ।

মানব-হৃদয়স্থল বিশাল ভুবন,
তথা ভব গমনাগমন,
তোমার প্রসাদে কবি, চিত্রে সে বিচিত্র ছবি,
কোথা মরুভূমি কোথা রম্য উপবন ;
আলোক উজ্জল কোথা তিমির ভীষণ ।

(প্রেম)

পবন আসন ফুল কান্তি কিসলয়,
স্বপ্ন স্বপ্নে বীধা গন্ধদ্বয়,
পীযুষ পূরিত স্বর অঁাধি-বারি ঝর ঝর,
নিয়ত আপন ভাবে মগন হৃদয়,
যে দিকে ফিরায় অঁাধি সেই মধুময় ।

(ধ্যান)

হৃদয়ে সত্তত উচ্চ ভাবের উচ্ছ্বাস,
জ্যোতির্ষয় বদন বিকাশ,
শাস্তমূর্ত্তি শিলাসন, নিমীলিত ছ'নয়ন,
করে কর, উর্দ্ধদৃষ্টি বর্জিত বিলাস,
বক্ষে বহে অশ্রুধারা গদগদ ভাষ ।

(দয়া)

এলোকেশী মুখে হাসি জীর্ণপত্রাসনা,
নিম্নদৃষ্টি প্রসন্ননয়না,
মৃগশিশু ফুলমনে, কোলে শুয়ে সিংহ সনে,
অন্ন করে বীণাস্বরে ক্ষরে মধুকণা,
কমলা কনক-কান্তি বঙ্কল-বসনা ।

(শ্রায়)

সিংহাসনে শুভ্র জ্যোতি বিশদ বসন,
যেন শ্বেত প্রস্তর গঠন,
অন্তর্ভেদী ছ'নয়নে, সমদৃষ্টি সর্ব্বজনে,
অলঙ্কার নাহি ভাষে ভালে স্বর্ণ ঘন,
বদন তবু নয়নরঞ্জন ।

(কাম)

গর্গ, ক্ষত অঙ্গ কালিমা বদন,
শিহরণ, অধর-দংশন,
দেহে বিকারের বল, হৃদে জলে দাবানল,
ঘন ঘন বহে শ্বাস, প্রলয় পবন,
নীলচক্রমাঝে অর্দ্ধ মিলিত নয়ন ।

(ক্রোধ)

কর পদ কম্পিত, কম্পিত গুঁঠাধর,
দস্তে দস্তে ঘর্ষে নিরস্তর,
ঘূর্ণমাণ রক্ত অক্ষ, বদ্ধ কক্ষ শিলাবক্ষ,
অঙ্গে অনলের তাপ মুষ্টিবদ্ধ কর,
বিষ্কারিত নাসারন্ধ্র অতি কটুস্বর ।

(লোভ)

টিপ্, টিপ্, অহি-চক্ষু দৃষ্টি সচকল,
লক্ লক্ জিহ্বা ঝরে জল ;

বাদান কুৎসিত মুখ, সর্কগ্রাস সর্কভুক,
থেকে থেকে দীর্ঘশ্বাস বহিছে প্রবল,
অহরহ অঙ্গ দগ্ধ করে তুষানল ।

(মোহ)

হীনবেশ, শুভ্র কেশ, মলিন বদন,
দিবানিশি ধরণী শয়ন,
মার্জার লইয়া কোলে, কাঁদে অতি মূঢ়রোলে,
ঝরু ঝরু ঝরি জল অঙ্ক দু'নয়ন,
শিরে কর হানি কহে দেবে কুবচন ।

(মদ)

বক্রগ্রীবা, ক্ষত পদ দোলে দুই কর,
মিলিত নিয়ত গুণাধর ;
সতত কুৎসিত গন্ধ, প্রবেশিছে নাসারন্ধ্র,
কুৎসিত কুমির দায় ঝাড়ে কলেবর,
না হেরে মেদিনী, ভাবে ভৃত্য চরাচর ।

(মাৎসর্য)

অন্ধ চক্ষু, বায়ুপুষ্ট দীর্ঘ কলেবর,
তমোমাঝে বসে একেশ্বর ;
নেহারে আপন পানে, মগ্ন নিজ গুণগানে,
উড়িতে বাসনা সদা ভেদিয়া অম্বর,
শূন্যে উড়ে পুন পড়ে ধরণী উপর ।
নীরস ঘটনাবলী বন্ধ ইতিহাসে,
তোমার পরশে রসে ভাসে ;
মোহিনী মায়াতে তায়, সূধা উথলিয়ে যায়,
পান করি সে লহরী অন্তর বিকাশে,
সরস মানস-নেত্রে কত চিত্র হাসে ।

গোলেনা

১

মেঘাচ্ছন্ন শশধর, ধূসর তিমির,
নীরব পুলিনে মূঢ়রবে খেলে নীর ।
অর্ধ অঙ্গ গঙ্গাজলে, কূলে অর্ধকায়,
পরম শয়্যায় দ্বিজবর ;

শিয়রে বসিয়ে যুবা মুখপানে চায়,
নেত্রজল ঝরে ঝরু ঝরু ।
তরঙ্গে তরঙ্গ খেলে, প্রাচীন নয়ন মেলে,
ধীরে ধীরে কহে কথা গভীর নিশায়—
“সময়, সমীর, নীর, দেখ বৎস ! নহে স্থির,
কে জানে কোথায় যায় কোথা শান্তি পায়,
শান্তিলুক অশান্ত জীবন-শ্রোত ধায় !

২

“শোক নাহি কর বৎস ! ফিরা'ও না আর,
যেতে হবে এবে মহা পারাবার-পার ।
অরায় ভাতিবে উষা কাঞ্চন-বরণ,
নবরাগে জাগিবে অবনী,
গঙ্গাজলে এ জীবন করি সমর্পণ,
পাব রাজ্য চরণ-তরণী !

জীবন মরণ ভ্রম, কর বৎস অতিক্রম,
কার্যক্ষেত্রে রহ যথা পদ্মপত্রে নীর ;
কার্য মম অবমান, কার্যক্ষেত্রে নাহি স্থান,
গতজীব-হেতু শোক না কর সূধীর !”
নীরব ব্রাহ্মণ, বহে মূঢ়রবে নীর ।

৩

পূর্বভাগে নানা রাগে অরণ উদয়,
পিতৃহীন যুবা, ধরা হেরে শূন্যময় ।
শব কোলে চলে যুবা অদূরে শ্মশান,
মুখপানে চায় বারবার ;
মহানিদ্রাগত হেরে প্রশান্ত বয়ান,
স্নেহময় কথা নাহি আর ।

প্রজ্জ্বলিত চিতানল, পরশিল নভঃস্বল,
হৃদিমার্বো শোকানল দহিল প্রবল ।
শুভদিন পৌর্ণমাসী, পূত অঙ্গ ভস্মরাশি,
চিতানল নিভাইল ঢালি গঙ্গাজল,
প্রবল অনল হৃদে না হ'ল শীতল ।

৪

ধীরে ধীরে ফিরে ঘরে দ্বিজের কুমার,
অকূল পাথার আজি নেহারে সংসার ।
পিতৃসেবা, অধ্যয়ন বিনা নাহি জানে,
ফুরায়েছে সে কার্য এখন,

শূন্যদৃষ্টি ধীরে ধীরে চলে শূন্যপ্রাণে,
যথা পথ দেখায় নয়ন ।

সুকোমল স্বর্ণকায়, শ্রমবারি ব'য়ে যায়,
মধ্যাহ্ন-তপন-করে আরক্ত বদন ।
চলে যুবা নাহি ক্লেশ, ক্রমে ক্রমে দিন শেষ,
ক্রমে চন্দ্রোদয়, বহে সন্ধ্যা সমীরণ ;
মুগ্ধপ্রায় তরুতলে বসিল ব্র.ক্ষণ ।

৫

কুতূহলে লতা দোলে ফুটে ফুলকলি,
কোকিল কুহরে কুঞ্জে, গুঞ্জে ধায় অলি ।
শূন্যমনে, শূন্যপ্রাণে, শূন্যদৃষ্টিে চায়,
ফুটে তারা নীরব গগন ;
কত কথা উঠে মনে স্বপনের প্রায়,
মৃদু মৃদু বাজিল কঙ্কণ,—

কুসুম কানন-মাঝে, বিকচ কুসুম সাজে,
কামিনী বদনখানি চন্দ্রমা বিকাশ ;
কাকপক্ষ কৃষ্ণ আঁখি, যুবার বদনে রাখি,
ক্ষিপ্ত প্রায় কেবা বামা না বুঝে আভাস,
যুবক ত্যজিল দীর্ঘ মন্মথভেদী শ্বাস ।

৬

শুনিল, কোমল প্রাণে বাজিল বেদনা,
সলাজ মধুর ভাষে সস্তাষে ললনা ;—
“কে তুমি কোথায় যাও কিবা প্রয়োজন,
কেন কেন মলিন বদনে ?
স্বথের সংসারভার বল কি কারণ ?
কি বেদনা রম্য উপবনে ?”

নন্দন কানন-মাঝে, বীণা-ধ্বনি যেন বাজে,
স্বধাময় মৃদুস্বর মোহিল শ্রবণ ;
হৃদিমাঝে ছবি রাখি, কামিনী ফিরায় আঁখি,
অনিমেষনেত্রে যুবা করে দরশন,
দেখেছে কুসুম, নহে স্তম্ভর এমন ।

৭

তিমির-যামিনী-শেষে উষার প্রকাশ,
মানব-হৃদয়ে যথা আশার বিকাশ,
মরুভূমে নির্ঝর-শোভিত উপবন,
পিককণ্ঠে সরে কুহুস্বর,

সস্তাপিত হৃদিমাঝে ভাঙিল তেমন —
বনদেবী-ছবি মনোহর !

যেন পরিচিত স্বর, পরিচিত সে অধর,
যেন জানা অজানিত ভাবের উদয়,
যেন কোন স্বপ্নপন, স্মৃতি করে অশ্বেষণ,
পরিচয় সনে হয় জড়িত বিস্ময়,
‘আমার আমার কেবা প্রাণে প্রাণে কয়’ ।

৮

ধীরে ধীরে পরিচয় যুবক কহিল,
কুসুম-কাননে যেন অনিল বহিল,
“গঙ্গার অনতিদূরে কুটীরে নিবাস,
নাহি জানি সংসার কেমন ;
অধ্যয়ন বিনা আর ছিল না প্রয়াস,
দ্বিজপুত্র, নাম নিরঞ্জন ।

শৈশবে জননী গত, পিতৃসেবা ছিল ব্রত,
একাধারে পিতা মাতা জনক আমার ;
সে ব্রত হ'য়েছে পূর্ণ, জীবন কামনাশূন্য,
ফুরায়েছে পিতা বলা, পিতা নাহি আর,
দিছি আজি বিসর্জন, সংসার আঁধার !”

৯

ছল ছল আঁখিজল, কথা না সরিল,
অগ্নিদয় দীর্ঘশ্বাস আবার বহিল ।
নীরব কামিনী শুনি শোকের কাহিনী,
রবহীন রহে নিরঞ্জন ;
নীরবে চন্দ্রমা সনে নেহারে যামিনী,
প্রাণে প্রাণে বাঁধিল মদন ।

কামিনী পুতলিপ্রায়, যুবার বদনে চায়,
চ'খে কথা মনোব্যথা করিল হরণ ।
নীহারে কুসুম যেন, সরস হৃদয় হেন,
নব নব শোভা নেত্রে করে বিলোকন,
সংসার আঁধার নয় ভাবে মনে মন ।

১০

অকস্মাৎ আঁধার হইল দিশা মেঘে,
তড়িৎ চমকে, বায়ু বহে মহাবেগে,
কঠোর অশনি-নাদে কাঁপায় অবনী,
স্থূল ধারা ঝরে তড় তড়,

“ঘরে এস” যুবকেরে কহিল রমণী,
“উদয় বাদল মহাঝড়”।

ক্রতপদে বামা ধায়, যুবা পাছু পাছু যায়,
প্রবেশে উভয়ে অতি সুন্দর আগারে।
বিচিত্র আসন কত, শোভা পায় নানামত,
অসুরোধ রমণী করিল বসিবারে,
ঘোর নাদে বরিষণ মুষলের ধারে।

১১

যুবক ভিজ্ঞাসে, বালা দিল পরিচয়,—
“নবাব আমার পিতা অতি সদাশয়,
গোলেনা আমার নাম, ফুল ভালবাসি,
আমার এ ক্রীড়া-উপবন ;
প্রভাতে প্রদোষে নিত্য ভ্রমিবারে আসি,
তুলে পরি কুসুম-ভূষণ !

নিত্য একা আসি যাই, ফুল বিনা সখী নাই,
একা বসি ফুলকলি করি সস্তাষণ।
ফুল তুলি ভরি ডালা, তোড়া বাঁধি গাঁথি মালা,
জননীরে উপহার করি সমর্পণ,
কে হাসে মধুর হাসি কুসুম যেমন !”

১২

কথায় কথায় ক্রমে বহিল সময়,
মেঘ-অস্তে হ’ল পুন চন্দ্রমা উদয়।
আচম্বিতে গৃহদ্বারে অস্ত্র ঝন্ ঝন্,
চমকিয়া গোলেনা চাহিল,
গৃহে প্রবেশিল ক্লীব অস্ত্রধারিগণ,
দৃঢ়পাশে ব্রাহ্মণে বাঁধিল।

কি করিস্ আরে আরে, উন্মাদিনী বাংলা বারে
নির্দয় প্রহরিগণ না শুনে বারণ,
ক্রতপদে ল’য়ে যায়, উন্মাদিনী পাছে ধায়,
অন্ধকার হেরে ভূমে হয় অচেতন,
নিরাশ-নয়নে ফিরে হেরে নিরঞ্জন।

১৩

ক্রত হ’য়ে বন্দী ল’য়ে প্রহরী চলিল,
যুবক আচ্ছন্নপ্রায় কথা না সরিল ;
স্বপ্নপ্রায় মনে পড়ে সকল বারতা,
মনে পড়ে জনকের মুখ ;

ধায় প্রাণ বিজন কুটীরখানি যথা,
বেদনায় সম দুঃখ সুখ।

ভূমিগর্ভে কারাগার, আশাশূন্য অন্ধকার,
রাখে তার হাতে পায় বাঁধিয়ে শৃঙ্খল ;
একক ভীষণ স্থানে, রহে যুবা শূন্যপ্রাণে,
নাহি কথা, নাহি ব্যথা, চ’থে নাহি জল,
কদাচিত্ দীর্ঘশ্বাস বহিল কেবল।

১৪

ছায়া কায়া মহামায়া বিরামদায়িনী,
স্বপনসজিনী শ্রামা ভুবনমোহিনী,
দুঃখহরা অন্ধে নিজা লন যুবকেরে,
তবু মন রহে সচেতন ;
অগ্নিময় রথখান স্বপ্নে যুবা হেরে,
বহে অগ্নিময় অশ্বগণ ;

রথ’পরে পিতা তার, বদনমণ্ডল ভার,
তিরস্কার করি কহে, “আরে রে দুর্বল !
অধ্যয়ন উপদেশ, এই কি তাহার শেষ,
অপবিত্র যবনীরে হৃদে দিলি স্থল,
সেই অপরাধে পর দারুণ শৃঙ্খল।

১৫

আয় তোরে ল’য়ে যাই” জনক কহিল,
অকস্মাৎ যেন তার শৃঙ্খল খসিল।
কাঁদিয়ে জাগিল যুবা, আলোক দেখিল,
সবিস্ময়ে হেরে গোলেনায় ;
“এস সাথে” ধীরে ধীরে কামিনী কহিল,
দেখিল শৃঙ্খল নাহি পায় ;

কুঞ্জ দ্বার মুক্তিকায়, অকস্মাৎ খুলে যায়,
দীপ-করে আগে আগে চলিল কামিনী।
সুড়ঙ্গে চলিল ধীরে, উঠে দৌহে গদাভীরে,
হেরে শশী অন্তগামী, প্রভাত যামিনী,
কলনাদে হুলে চলে স্বর-তরঙ্গিনী।

১৬

কাতরে কামিনী কহে নীরব পুলিনে,
“নিরঞ্জন ! তোমা সনে দেখা মন্দ দিনে,
স’য়েছ বিস্তর—তার আমিই কারণ,
নিজ গুণে কয় হে মার্জনা।

জানিতাম গুপ্তঘার বালিকা যখন,—
আখিজল মুছিল ললনা।

“প্রহরী তোমারে ধরি, ল'য়ে গেল বন্দী করি,
পড়িলাম ভূমিতলে হ'য়ে অচেতন।
চেতন পাইয়ে পরে, দেখি পালকের পরে,
ধাত্রীমাতা কাছে আর নাহি অশ্রুজন,
কহিলাম বিবরণ ধরিয়া চরণ।

১৭

রুপময়ী ধাত্রীমাতা, কৌশলে তাঁহার,
জানিলাম কোনস্থানে তব কারাগার,
পশিলাম কারাগারে তাঁহার রুপায়,
পুন আর দেখা নাহি হবে ;
যাও যুবা নিজ স্থানে মাগি হে বিদায়,
অভাগীরে মনে কি হে রবে ?”

রুদ্ধ হ'ল কণ্ঠস্বর, নেত্রবারি ঝর ঝর,
সতৃষ্ণ-নয়নে বালা মুখপানে চায়,
দেখিল বদনভাব, কি বিকার আবির্ভাব,
বুঝিতে না পারে কিছু অন্তর শুকায়,
ফিরে যায়—মমতায় অন্তরে ঝাড়ায়।

১৮

পুতলীর প্রায় যুবা স্থির রহে তীরে,
জীবন মমতাশূণ্য কহে ধীরে ধীরে,
“জাহ্নবি ! জানি না মাগো শৈশব যখন,
কারাগার ভীষণ সংসার,
তব অঙ্কে জনকে দিয়েছি বিসর্জন,
দেহ-ভার সহে না মা আর।”

কল্পনা-বিকারে হেরে, ছায়াদেহী প্রাণী ফেরে,
কেহ আসে, কেহ যায়, কেহ বলে ‘আয়’,
কেহ করে উপহাস, কেহ কহে স্নেহভাষ,
কত দেখে কত শুনে আচ্ছন্নের প্রায়,
মমতা বিহীন প্রাণ শূণ্যে শূণ্যে ধায়।

১৯

চলিল শ্মশানভূমে যথা দগ্ধ পিতা,
সেই খানে গড়ে যুবা আপনার চিতা।
ধূমভেদী চিতানল জলিল প্রবল,
অগ্নিমাঝে হেরে দিব্যরথ ;

৩২

নেহারে পিতারে, কাস্তি জিনিয়া অনল,
বহে রথ অশ্ব অগ্নিবৎ।

“প্রত্যক্ষ—স্বপন নয়,” উঠেঃস্বরে যুবা কয়,
“যাই পিতঃ” বলে চিতা করে আরোহণ,
কুসুম-শয্যায় যেন, অগ্নিমাঝে পড়ে হেন,
লক্ লক্ জিহ্বা অগ্নি পরশে গগন,—
মর্ষভেদী আর্তনাদ অদূরে ভীষণ !

২০

হাহারবে চিতাপাশে পড়িল যুবতী,
প্রেমব্রতে প্রাণাহুতি দিল গুণবতী।
জীবলীলা ফুরাল, মিশাল প্রাণে প্রাণ,
অবিচ্ছেদ প্রেমের বিহার !
সমীর গাহিল গান, শুনিল শ্মশান,
রুদ্ধ হ'ল অন্তকের দ্বার।

কবর নিশ্চিত তথা, পথিকে জানায় কথা—
‘এই স্থানে মহানিদ্রাগত দুই জন,
নাহি দুঃখস্বপ্ন ভ্রাস্তি, হৃদয়ে বিহরে শাস্তি,
কামনা-রহিত প্রাণে প্রাণ বিসর্জন,
শুন হে প্রেমিক ! ক্ষুদ্র প্রেম-বিবরণ।’

কাদম্বিনী

বল কাদম্বিনী, দামিনী হাসিনী,
কে তুমি কামিনী, বিমানচারী ?
ভুবন ভ্রমণ, কর কি কারণ,
কি ভাবে কখন, বুঝিতে নারি !

২

কতু ঘোরাননা, আঁধার-বরণা,
সাজ বিভীষণা, সমর-সাজে ;
দশনে দশন, কঠোর ঘর্ষণ,
আহি ত্রিভুবন, উগার বাজে।

৩

তখনি ডামিনী, সরস মেদিনী,
জীবনদায়িনী, বরষি বারি ;
নাহি বুঝি গতি, নাহি বুঝি মতি,
কিবা রসবতী, ভাব তোমারি।

কতু ভয়ঙ্করী, কতু শুভঙ্করী,
তুমি কৃপা করি, বাঁচাও জীব; ;
নাই ভয় বৃকে, অনলের মুখে,
থাক বা কি স্থখে, এ খেলা কিবে !

৫

লতা নগ্নাঙ্গিনী, তরু সোহাগিনী,
সাজাও রঙ্গিনী, হাসাও ফুলে ;
ছুকুল বসনে, সোণার ভূষণে,
হাস উষা মনে, মানস তুলে ।

৬

পাগলিনী প্রায়, ধূলা মাখ গায়,
ছিন্ন-ভিন্ন কাম, শুইয়ে থাক ;
কখন উতলা, গমন চপলা,
ধরি বায়ু-গলা, সলিলে ডাক ।

৭

সদা স্থখ মনে, থাক গিরি মনে,
প্রেম আলিঙ্গনে, বেড়িয়ে কটি ;
তরল সলিলা, গড় তুমি শিলা,
একি নাট-লীলা, দেখাও নটী !

৮

লোক-অগোচরে, তিমির-গহ্বরে,
স্নেহে কোলে ক'রে, পাল গো নদী ;
সাগরে শয়ন, বিমানে ভ্রমণ,
মজে ত্রিভুবন, লুকাও যদি ।

৯

খচিত রতনে, ইন্দ্র শরাসনে,
পর সযতনে, নিবিড় কেশে ;
রবি শশধরে, ঘেরিলে আদরে,
হেরে সভা ক'রে, দেবতা এসে ।

১০

কেন চাতকিনী, হয় কুতুকিনী,
মিহিরমোহিনী, তোমায় দেখে ?
ছোট্টে তারা আসে, পড়ে তব গ্রাসে,
উঠিলে আকাশে, সাগর থেকে ।

নিব্বারিণী

গান ক'রে মধুর স্বরে—
ব'য়ে যাও নিব্বারিণী, কার রমণী,
প্রভাতে এ প্রান্তরে ?
ছিলে মগ্নমনে, গহন বনে,
উদাসিনী কার তরে ?
তুমি বিমলবারি, সুধার ঝারী,
জন্ম কেন পাথরে ?
দোলা হেলা, লীলা-খেলা,
চ'লেছ প্রমোদভরে ;
নিয়ে সোণার ভূষণ, রবির কিরণ,
পরেছ ধরে ধরে ।
ফলে ফুলে, তরুদলে,
ছ'ধারে নয়ন ঝরে ;—
ছেড়ে জন্মভূমি, যাও গো তুমি,
ডেকে কারে অন্তরে ?
দিয়ে আপন শরীর, অমৃত নীর,
তোষ' তুষা-কাতরে ;—
তুমি, অপার সীমা কার মহিমা—
করণা দেখাও নরে ?

হলদিঘাটের মুকু

১

গম্ভীর আরাবে ভেরী ভেদিল গগনে,
বাহিরিল কুলনারী, ধরি হাত সারি সারি,
গাহিল মঙ্গলগীত মলিনবদনে ;
কথা না সরিল কার, না ঝরিল অশ্রুধার,
কেবল বহিল শ্বাস, মিশাল পবনে,
নীরবে বিদায় দিল নয়ন নয়নে ।

২

কাতার কাতার সেনা আনত-আননে,
রাখি প্রাণ কায়া চলে, ফিরিল রমণীদলে,
নূপুর-কিঙ্কিনী-রোল ভাসে সমীরণে ;

অধীর হৃদয়বীর, খাসহীন রহে স্থির,
অধীর ডাকিল ভেরী গভীর গর্জনে,
নড়িল চলিল ঠাট হৃদয়ঘাটরণে ।

৩

ঝন্ ঝন্ চলে সেনা কাতার কাতার,
মরমে দাক্ষণ ব্যাথা, কেহ না কহিল কথা,
রয়েছে কিঙ্কণী-ধ্বনি শ্রবণে সবার,
রক্ত অঁাধি বিঘূর্ণিত, দীর্ঘশ্বাস কদাচিত,
কদাচিত্ কেহ করে স্পর্শ তরবার,
পশ্চাৎ ফিরিয়া কেহ না চহিল আর ।

৪

ভৈরব ভেরীর রব আবার অধরে,
কাঁপাইয়ে ধরাধর, ডাকে ঘন 'অগ্রসর'
চমকিল প্রতিধ্বনি সে ভীষণ স্বরে ;
মত্ত তনু বীরমদে, চলে সেনা ক্রতপদে,
অস্ত্রের ফলক ঝাকে নব দিনকরে,
সঘনে কাঁপিল ধরা বীর-পদভরে ।

৫

শতমুখে নদ যথা প্রবেশে সাগরে,
শতমুখে বহি ঠাট, প্রবেশিল হৃদয়ঘাট,
অদূরে যবন-ধ্বজ ভাতিল অধরে ;
প্রতাপ সমরে ধীর, চৈতক-আরোহী বীর,
কহিল সম্বোধি সেনা স্নগভীরস্বরে,—
“হের দেখ উপনীত যবন সমরে ।”

৬

নীরব হইল বীর শ্বাস না বহিল,
নীরব সলিল স্থল, নীরব অচল চল,
নীরব গগনে স্থির সমীর হইল ;
নীরব রবির কর, পড়িল ধরণী'পর,
নীরব বাহিনী, তাপে মরম দহিল,
বারেক নিরখি রবি নীরবে রহিল ।

৭

হেন কালে অদূরে উঠিল সিংহনাদ,
সাগর যেমতি ঝড়ে, যবন-কটক নড়ে,
সাগর-কল্লোল জিনি ছন্দুভি-নিবাদ ;

প্রাণে জাগে অপমান, মানসিংহ আগুয়ান,
বেষ্টিত শিক্ষিত সেনা হৃদে রণ-সাধ,
উল্লাসে উন্মত্ত সবে আসন্ন বিবাদ ।

৮

গভীরে কহিল রাণা, “বিলম্ব কি আর !
করি মহাগণ্ডগোল, সমরে বাজিল ঢোল,
'অগ্রসর' ভেরীবর গর্জিল আবার ;
প্রলয়-কল্লোল উঠে, বন্ধ বায়ু ঘেন ছুটে,
রণরঙ্গে ধায় সেনা ধূলায় আধার,
জলদ-গর্জন জিনি ঘন হুঙ্কার ।

৯

বারিতে সৈন্তের শ্রোত সতর্ক যবন,
শ্রেণীবন্ধ দৃঢ়মত, বিস্তৃত প্রাচীরবৎ,
সহস্র কামান করে অনল জ্বলণ ;
মুখেতে শমন বসে, নাদে গিরি-শির খসে,
ধূলা সহ মিলি ধূম ছাইল গগন,
ঘোর রোল রণ ঢোল জীমূত-গর্জন ।

১০

পুনঃ পুনঃ কালানল চপলা-কিরণ,
পুনঃপুনঃ ভীমনাদ, বাড়িল সমরসাধ,
সিংহনাদ করে রণে রাজপুত্রগণ ;
ধূলায় দিবস নিশা, প্রকাশ না পায় দিশা,
বীরদাপে এক চাপে করে আক্রমণ,
বারিতে যবন যত্ন করে প্রাণপণ ।

১১

সংগ্রামে প্রবেশে রাণা চৈতক-বাহন,
তীর-তারা-উজ্জ্বল প্রায়, বলবান্ বাজী ধায়,
যথায় বারণ-পৃষ্ঠ আকুবর-নন্দন ;
করিবারে রিপুজয়, সমর-দীক্ষিত হয়,
করি-করে এক পদ করে উত্তোলন,
রাণা হানে ভল্ল জিনি দামিনী-গমন ।

১২

ফাঁপর হইল রণে আকুবর-নন্দন,
মুখে হাহাকার রব, ধাইল যবন সব,
প্রাণ উপেক্ষিয়ে করে রাণারে বেষ্টন ;
রাণা করে ঘোর রণ ধুমহীন হতাশন,

শত শত পড়ে ধরা করিয়ে ছাদন,
চারিদিকে ক্ষত্রিয় করিল আক্রমণ।

১৩

ঘোর রণে মিশামিশি ক্ষত্রিয় যবন,
ঘন ঘন ছুঁকার, ঝাঁকে ঝাঁকে তরবার,
উঠে পড়ে মেঘে যেন দামিনী-কিরণ ;
অসংখ্য যবনগণ, অনেক করিল রণ,
ক্ষত্রিয়-বিক্রম নারে করিতে বারণ ;
কে বারে সাগরে, বন্ধ করে সমীরণ !

১৪

মানসিংহ কহে সেনা সঙ্ঘোধি তখন,
“হের দেখ রণরঙ্গ, যবন হইল ভঙ্গ,
দেখ না সমরে রাণা সাক্ষাৎ শমন ;
কি দেখ কি দেখ আর, রণে হও আশুসার,
মুহূর্ত্তে মজিবে সব যুদ্ধে দাও মন,
বীর্যবান্ রাখ মান, রাখ সিংহাসন।

১৫

“জয় মানসিংহ” !—শব্দ উঠিল গগনে,
রক্তধারা বহে গায়, প্রতাপ ফিরিয়ে চায়,
গভীরে কহিল বীর সঙ্ঘোধি স্বগণে, —
“হে সেনা সমরদক্ষ, দেখ না বিপক্ষ পক্ষ,
কুলাঙ্গার রাজপুত্র মানসিংহ সনে,
সচল প্রাচীর সম প্রবেশিছে রণে।”

১৬

গভীরে কহিল রাণা, রহিল না আর,
জলন্ত অনল প্রায়, ক্রোধে রাণা-সেনা ধায়,
চারিদিকে রণসিদ্ধ উথলে আবার ;
অস্ত্রে অস্ত্রে ঝনৎকার, ঘন ঘন ছুঁকার,
ক্ষুধিরপ্রয়াসী অসি মণ্ডল আকার,
ছিন্নশির, ধনুর আকার রক্তধার।

১৭

পুনঃপুনঃ রাণা-সেনা করে আক্রমণ,
মানসিংহ রণ-ধীর, সর্বৈশ্বরে রহিল স্থির,
না হেলিল না টলিল একটা চরণ ;
ভাবিল প্রতাপ রায়, রণে বিসর্জিব কায়,
প্রবেশিল অরিমাঝে ভেদি সৈন্যগণ,
মেঘমালা-মাঝে যেন মধ্যাহ্ন-তপন।

১৮

পূর্ণচন্দ্র-ছটা—শিরে ছত্র শোভা পায়,
সেই ছত্র লক্ষ করি, অসংখ্য অসংখ্য অরি,
অস্ত্র বরষিল যেন বারি বরিষায় ;
অরি করি ভূগঙ্গান, ফিরে রাণা বীর্যবান,
ঝলকে দলকে অসি দামিনীর প্রায়,
হস্ত-পদ-মুণ্ড-কঙ্ক ধরণী লুটায়।

১৯

সংগ্রাম হেরিল দূরে, ঝাল্লার সর্দার,
একা রাণা নাহি পক্ষ, অসংখ্য সমরদক্ষ,
বিপক্ষ-বেষ্টিত, বক্ষে বহে রক্তধার ;
রক্ষিতে প্রতাপরাজে, প্রবেশিল অরিমাঝে,
শীঘ্র ছত্র ল'য়ে ধরে শিরে আপনার,
রাণাজ্ঞানে সেনা তারে বেড়িল অপার।

২০

অগিত-বিক্রম বীর, ঝাল্লার সর্দার,
পলকেতে শতবার, উঠে পড়ে তরবার,
শত হস্তে চালে যেন ভল্ল তীক্ষ্ণধার ;
অসংখ্য অরির ঘায়, ক্রমে অবসন্নকায়,
পড়িল সংগ্রামস্থলে করি মহামার,
বীরসাজে বৈরিমাঝে বীর অবতার।

২১

জ'লে জ'লে ভস্মরাশি হয় দাবানল,
বেগবান্ ঘূর্ণবায়, নিজ বেগে লয় পায়,
সমুদ্র মস্থন করি ফণীক্ক বিকল ;
ক্রমে গৌরবের সনে, ক্ষত্রিয় শুইল রণে,
অভাগী ভারতভাগ্যে যবন প্রবল,
হলুদিঘাট ইতিহাসে রহিল কেবল।

নারায়ণনা

১

বারায়ণনা নারী মম অন্তর পাষণ,
প্রেম কোথা পাবে স্থান,
শ্মশান আমার প্রাণ,
রমণী-হৃদয় আমি দিছি বলিদান।

২

ছিল অশ্রু নারী সম হৃদয় কোমল,
ছিল অকপট হাস,
ছিল প্রেম-অভিলাষ,
সে কথা স্মরিলে হয় চ'খে আসে জল ।

৩

অতীত বালিকা-কাল কলিকা যৌবন,
নবীন বিপিন সম,
ছিল এ হৃদয় মম,
জানি নি জননী জেলে দিবে ছতাশন ।

৪

বিকচ কলিকা ক্রমে আঁধি-বিনোদন,—
টল টল ঢল ঢল,
কলেবর বিচঞ্চল,
ঈষৎ হাসিয়ে হেরি দর্পণে বদন ।

৫

হেরিলাম অকস্মাৎ পুরুষ-রতন,
কুম্ভ-নির্মিত তনু,
কেশে বসে ফুলধনু,
শুভ্র-রেখা-মাঝে রাখি ফুল শরাসন ।

৬

ফিরায়ে বদন তুলি যুবক চাহিল,
অমনি নয়ন তুলি,
কহিল অস্তর খুলি,
নয়নে নয়ন তার মন প্রকাশিল ।

৭

স্মরণ প্রেমের কথা জলিল অনল,
পণে তনু বিতরণ,
অঙ্ক-খঞ্জ আকিঞ্চন,
পুড়েছে সকলি, আছে রমণীর ছল ।

নবমী

১

বহুদিন পরে পুন উঠে আজি মনে,
প্রিয়াসনে চন্দ্রমা-কিরণে ;
এই নবমীর নিশি, পঁরাণ গলায়ে হাসি,
গিয়েছে সে দিন ভাসি, মিশেছে স্বপনে,
নাহি আর সে স্বপন ফুরা'ল জীবনে ।

২

উন্নত মধুর আশে ললনা আননে,
ভ্রান্ত মন মোহিনী কাননে ;
নারীর হাসির আশে, একমনে রুদ্ধশ্বাসে,
রমণীয় নিশি কত বঞ্চেছি বোদনে,
গিয়েছে সে দিন আজ মিশেছে স্বপনে ।

৩

বিগত বাকবগণে পড়ে আজি মনে,
কত কথা দূর স্মৃতি মনে ;

শতধারে মুক্তধারে, প্রীতি-বারিধারা ঝরে,
এই নবমীর নিশি মিশাবে স্বপনে,
উৎসব নীরব যথা দেবী-বিসর্জনে ।

৪

নবমী যামিনী কোলে জাগে আজি মনে,
চিত্তহরা প্রতিমা বদনে,
দেখেছি দেখেছি হাসি, সে হাসি মা ভালবাসি,
অভয়া গো ! অভাগারে রেখো মা চরণে,
পুন যেন যায় দিন কিশোর-স্বপনে ।

“মেঘনাদ-বধ” অভিনয়ের প্রস্তাবনা *

যদি ধন প্রয়োজন না হইত কদাচন,
রক্তভূমি হেরিত কি রমণীন জন ?
বিমল কবিত্ব আশে, কেহ রক্তালয়ে আসে,
কেহ হেরে কামিনীর কটাক্ষ কেমন !

* অর্দ্ধ শতাব্দী পূর্বে “মেঘনাদবধ” প্রথমে বেঙ্গল থিয়েটারে নাট্যকারে অভিনীত হয়। উক্ত থিয়েটারের অভিনয়ে পঞ্চের মাধুরী অনেক স্থলে অক্ষুণ্ণ থাকিত না।

আসি এই রঙ্গস্থলে, কত লোকে কত বলে,
 সবার কথায় মম নাহি প্রয়োজন ;
 কাব্যে যার অধিকার, নাম তার তিরস্কার,
 অকপটে কহে, করে মন্তকে ধারণ ।
 স্বধীজন-পদধূলি, রাখি আমি মাথে তুলি,
 তিরস্কার তাঁর—দোষ বারণ কারণ ;
 'এনকোর' 'ক্লাপে' যার, আছে মাত্র অধিকার,
 তাঁর (ও) আজি করি আমি চরণবন্দন ।
 সবিনয়ে কহে ভৃত্য, নহে বারাকনা-নৃত্য,
 মেঘনাদে বীরমদে বিপুল গর্জন ;
 রুণুগু নাহি আর, কঙ্কনের ঝনৎকার,
 অস্ত্রে অস্ত্রাঘাত ঘোর অশনিপতন ।
 গভীর তুলিয়া তান, মধুর মধুর গান,
 গণ্ড-পণ্ড-মাঝে এই মনোহর সেতু ;
 শেষাক্ষরে মিল নাই, গণ্ড যদি বল তাই,
 পণ্ড বলা যায় যতি বিভাগের হেতু ।
 হ'লে কাব্য অভিনয়, জীবনসঞ্চার হয়,
 কোন্ অহুরোধে যতি করিব বর্জন ?

এক প্রকার গণ্ড করিয়া বলিবারই চেষ্টা হইত। উক্ত থিয়েটারের অভিনেতারা গৌরব করিতেন যে, তাঁহাদের অভিনয় স্বাভাবিক এবং সুরবর্জিত। কিন্তু পণ্ড, গণ্ড করিতে যাইলে যে একটা অস্বাভাবিক সুর আসে এবং তাহাতে কাব্য-মাধুরীও নষ্ট হয়, ইহা তাঁহাদের লক্ষ্য ছিল না। গণ্ড করিবার চেষ্টায় অভিনয়েরও হানি জন্মে। যথাস্থানে ভাবানুযায়ী নিম্ন ও উচ্চ সুর প্রয়োগ করা চলে না। বেঙ্গল থিয়েটারে এই অভিনয়ের কিছুদিন পরেই 'মেঘনাদবধ কাব্য' নাট্যাচার্য্য গিরিশচন্দ্র কর্তৃক নাট্যকারে গঠিত হইয়া, ন্যাসান্যাল থিয়েটারে অভিনীত হয়। গ্রেট ন্যাসান্যাল থিয়েটার উঠিয়া যাইবার পর উক্ত নাট্যালারই "ন্যাসান্যাল থিয়েটার" নাম দিয়া গিরিশ বাবু কর্তৃক পরিচালিত সম্প্রদায় অভিনয়-কার্য্যে প্রবৃত্ত হন। মেঘনাদবধ নাটক এই নবস্থাপিত ন্যাসান্যাল থিয়েটারের প্রথম অভিনয়। পণ্ডে নাট্যকালে 'যতি' রক্ষা করা উচিত, ইহা প্রকাশ করিবার অভিপ্রায়ে ও গ্রাসান্যালের পূর্ববর্তী গ্রেট গ্রাসান্যাল সম্প্রদায় ক্রমাগত গীতিনাট্য অভিনয় করিতেন, তাহার প্রতি কটাক্ষপাতে কবিবর এই প্রস্তাবনা কবিতাটী রচনা করেন, মেঘনাদবধ নাটকের প্রথম অভিনয়-রজনীতে ইহা স্মৃতি হয়। (জুলাই, ১৮৭৭ খঃ)

পাষাণে বাঁধিয়া প্রাণ, সে যত্নে বলিদান
 নাহি দিব, হই হব নিন্দার ভাজন ।
 যার মনে উঠে বাহা, তিমি বলিবেন তাহা,
 আমার যা কার্য্য আমি করিব এখন ।

কৃষ্ণদাস পাল

শুয়েছ পুরুষ-সিংহ অনন্ত-শয়নে,
 নিদ্রা যাও বৃন্তহীন কুম্ভ-শয্যায়,
 নিদ্রা যাও ভারতের গৌরব স্বপনে,
 জাগিয়াছ আজীবন জন্মভূমিদায় !—
 নিদ্রা যাও কুম্ভ-শয্যায় !
 অবিশ্রান্ত রণে ক্রান্ত ঢালিয়াছ কায়,
 নিদ্রা যাও দৃঢ়ব্রত স্বদেশ-বৎসল ;
 বিশ্রাম করহে স্বীয় কীর্তি-গরিমায়,
 আছে ত ভারত-ভাগ্যে রোদন কেবল ।
 নিদ্রা যাও স্বদেশ-বৎসল !
 কর্ম্মক্ষেত্রে মহাকৃতি আদর্শ মানব,
 সহায় সম্পদ মাত্র আত্মবলিদান ;
 মাতৃকোলে শুয়ে শিশু শুনিবে গৌরব,
 ভয়ে ভীত উত্তেজিত হবে কত প্রাণ,—
 আদর্শ এ আত্ম-বলিদান !
 সুখে দুঃখে অটল নিতীক মৃত্যু-দ্বারে,
 জন্মভূমি-অহুরাগ, কার্য্য উচ্চ আশ ;
 প্রত্যয় না করে বঙ্গ সুখে বারে বারে,
 সত্য কি নাহিক আর—নাহি কৃষ্ণদাস ?
 "নাহি কৃষ্ণদাস" কহে কঠোর নৈরাশ !

ঈশ্বরচন্দ্র বিদ্যাসাগর

কোথা হে অনাথ-বন্ধু ডাকিছে অনাথ,
 ওই শুন বিধবা-রোদন !
 ধরাসনে ছাত্রগণে করে অশ্রুপাত—
 দীননাথ কেন অদর্শন ?
 হতাশ হতাশে কার হেরিব বদন !

২

ভাষার জীবনমাত্রা অবোধ-বাক্যব,
 গুরুবর বিচার সাগর !
 নিকাম নিরহকার আদর্শ মানব,
 কার্য্য হেতু কার্য্যের আদর—
 শিখিয়েছ কার্য্যে, কৃতকার্য্য নরবর !

৩

বঙ্গ সম কোথা হেন তোমার অভাব,
 কোথা হেন অজ্ঞ দীনগণ ?
 কোথায় বিলাবে তব অতুল প্রভাব—
 কাতরে কে ক'রেছে স্মরণ ?
 শূণ্য-প্রাণে বঙ্গ হেরে তব শূণ্যসন !

৪

আজীবন পরহিতে আত্ম সমর্পণ,
 কারে দে'ছ মহাভার করিতে বহন ?
 কারে দে'ছ দীনজনে, কারে দে'ছ ছাত্রগণে,
 যতনে কে মুছাইবে বিধবা-রোদন ?
 বদনে করুণারশি, কুটীরে কুটীরে আসি,
 সস্তাপিত চিত্ত কে করিবে বিনোদন ?
 নিরাশ্রয় লবে কার অভয়-শরণ !

৫

বিচার মন্দির তুঙ্গতর শৃঙ্গপরে,
 সংকীর্ণ কণ্টকাকীর্ণ পথ সে শিখরে,
 ছুস্তর কান্তার তার, অগ্ন পথ নাহি আর,
 হির সংস্কার এ আছিল পূর্কীপরে ;
 রাজপথ বিরচন, করিয়াছ মহাজন,
 নেহারে অবোধগণ আনন্দ অস্তরে,
 অনায়াসে আরোহণ করে শৃঙ্গধরে ।

৬

মৃত সঞ্জীবনী মন্ত্র অদ্ভুত তোমার,
 মুমূর্ষু ভাষার হ'লো জীবন সঞ্চার ;
 নাহি আর হতাদর, জনমনফুলকর,
 হীন ক্ষীণ কলেবর নাহি তার আর—
 বিকশিত শতদল, পরিমল ঢল ঢল,
 সৌরভ গোরব এবে ভুবনে প্রচার,
 ভাবময়ী মধুস্রোত বহে শতধার ।

চিত্রপট, প্রস্তরের মূর্তি বিরচন,
 স্মরণার্থ চিত্র তব নাহি প্রয়োজন ;
 বরণা দেবীর বরে, কীর্তিস্তম্ভ নিজ করে,
 বরিয়াছ গ্রাম-পল্লী-নগরে স্থাপন ।
 হৃদয়ে তোমার স্থান, ঘরে ঘরে গুণগান,
 বর্কর সান্তাল-কীর্তি করিছে কীর্তন,
 কীর্তিমান, কীর্তিময় তোমার জীবন ।

৮

কার্য্যফল কার্য্যমাত্র ছিল আকিঞ্চন,
 করেছ নিকাম কার্য্য কার্য্যের কারণ ;
 অন্তরের পুরস্কার, ছিল কার্য্য অধিকার,
 তিরস্কার-ভীত তুমি নহ কদাচন ।
 পর-হিত মন্ত্র সাধা, একাকী উপেক্ষি বাধা,
 কার্য্যক্ষেত্রে কার্য্যবীজ ক'রেছ রোপণ,
 ফলবতী বৃক্ষ—বঙ্গ-মানসরঞ্জন !

৯

সার্থক নরত্ব তব হে নরপ্রবর !
 তব পদ চিত্রগামী—সার্থক সে নর ।
 জননী-ভূমির ভার, ল'য়েছ—শুধেছ ধার,
 মাতার রোদনে চিরব্যথিত অন্তর !
 কার অশ্রু মুছাইতে, গিয়াছ ব্যাকুল চিতে,
 কেন হে কঠিন আর না দেহ উত্তর ?
 আঁখি-ধারা ধর গুরু বিচার সাগর !

বিজয়া

১

মাতুরা জ্ঞানহারা পরাণ আমার
 টলে ঢলে দোলে অনিবার ;
 হর্ষ-শোক সম্মিলনে, কি ভাব উদয় মনে,
 কখন' কি ছিল প্রাণে মমতার ধার,
 আছি কেন অজ্ঞ বহিছে অশ্রুধার ।

কত ভাবে কত কথা কত লোকে কয়,
দিন যায়, দিন নাহি রয় ;

সংসার-সায়রে ভাসে, মত্ত মন অভিলାষে,
নাহি জানে অভিলাষ সকলি ফুরায়,
কে তুমি কোথায় যাও, কিবা আকাঙ্ক্ষায় !

শক্তির প্রভাবে চলে সংসার প্রবীণ,
কে জানে এ প্রবীণ বা কীণ ;
আমি মত্ত তুমি মত্ত, না জানি কি আছে তত্ত্ব,
তত্ত্বহীন সাধ নহে তত্ত্বের অধীন,
ধীরে বহে কাল, ধীরে বয়ে যায় দিন।

কত কথা আজি মম উদয় স্মরণে,
সে স্মরণ ভাসে মাজ মনে ;
পুলকে প্রমদা সঙ্গে, ছিহ্ন কত রস-রঙ্গে,
না রবে সে দিন, কেবা ভেবেছিল রঙ্গে,
যত্নের রতন ফেলে যাবে অযতনে।

উদয় এ তার আজি দশমীর দিনে,
মত্ত প্রাণ বন্ধ কার ঋণে ;

সেখ চেয়ে একবার, সূচীও সংসার-তার,
চর্চার সময়ে চর্চা লোভিত প্রবীণে,
আজি অসহায় তুমি শক্তির বিহনে !

অভিমন উক্তি

লোকে কয় অভিনয়, কত নিন্দনীয় নয়,
নিন্দার ভাজন শুধু অভিনেতাগণ।
পরের বেদনা হায়, পরে কি বুঝবে তায়,
হায় রে ব্যথার ব্যথী আছে কোন্ জন !
অস্ত্রাপরে যার তরে, সতত যতন করে,
অভিনেতা অনায়াসে দেয় বিসর্জন ;
যায় ধন-প্রাণ-মান, সুখ-সাধ অবমান,
পরের প্রীতির তরে আত্ম-সমর্পণ।
চির পর-আরাধনা, সহকারী বারাদনা,
কে কোথায় রাখে তার মান ?
অহুগ্রহ-প্রার্থী জন, কে কোথায় পায় ধন,
রজনীর আগরণ নিত্য হরে প্রাণ।
তিরস্কার পুরস্কার, কলঙ্ক কণ্ঠের হার,
তথাপি এ পথে পদ ক'রেছি অর্পণ ;
রক্তভূমি ভালবাসি, স্বদে সাধ রাশি রাশি,
আশার নেশায় করি জীবন যাপন।

চতুর্থ অঙ্গ সমাপ্ত

